



BIBLIOTECA NAZ.  
Vittorio Emanuele III

XXIV

D

44

NAPOLI


XXIV

D

AA







JOAN. FRANCISCI BUDDEI  
THEOL. D. ET P. P. O.

THESES THEOLOGICAE  
DE  
**ATHEISMO**  
ET

**SUPERSTITIONE**  
VARIIS OBSERVATIONIBUS  
ILLUSTRATAE.

QUIBUS SUAS ANNOTATIONES

ADJECIT

**JOANNES LULOFs,**

PHILOS. MATHES. ET ASTRON. PROFESSOR IN  
ACADEMIA LUGDUNO-BATAVA AC FLUVIORUM  
HOLLANDIAE WESTFRISIAEQUE IN-  
SPECTOR GENERALIS.



LUGDUNI BATAVORUM,  
Apud **JOANNEM LE MAIR,**  
MDCCLXVII





# JOANNIS LULOF'S PRAEFATIO.



*quidem haud injustae sunt sinceræ religionis Deum colentium querelae de indies latius serpente per cultiores Europae regiones, ipsis Civitatibus earundemque Regionibus infesta, Atheismi rabie, ac de invalescente teterrima Libertinismi peste; adeo ut non desint malesani, qui, vera rerum nomina perdentes, homini bene ac liberaliter educato dedecori habent, si iis virtutibus sit conspicuus, quae ex pietate mascula pretiosissimum suum nitorem mutantur & decus. Attamen, uti illas Plantarum species in qualibet regione*

*copiosus crescere voluit adoranda Numinis summi beneficentia, quae hominibus & animalibus ibidem natis maxime conveniunt; imo uti ex plantarum nascentium frequentia baud leves conjecturae capiuntur, quibusnam morbis endemiis maxime subjecti sint regionis incolae; sic quoque eximio divinae providentiae munere in istis nostri Orbis partibus, ubi atrociores illi mentis humanae morbi omnium saevissime grassantur, numerosissima adsunt Antidota, quibus venenorum istorum vires frangantur, hominumque animi firmentur contra periculi caeteroquin plenissimum corundem impetum.*

*Inter haecce Antidota principem tenent locum Cl. BUDDI, de Theologia non tantum, sed & de Philosophia meritissimi Viri, Theses de Atheismo & Superstitione, quas, suis Observationibus illustratas, anno hujus seculi sexto & decimo Jenae in lucem emisit, quaeque A. 1737. in illa forma, quam octavam dicere solemus, Trajecti ad Rhenum nitide satis fuerunt recusae. Alias insuper in Germania hujus Operis (quod etiam A. 1723. in linguam Teutonicam est transfusum) paratas fuisse editiones, mihi nondum visas, vix dubitare licet, cum ejus praestantissima utilitas, atque indies crescens necessitas inter veritatis pietatisque amantes plurimos allicere debuerint emtores: nostris saltem in regionibus tanta obtinuit exemplarium penuria, ut honestus & diligens Bibliopola Leidensis, JOANNES LE MAIR, cui omne jus in Trajectinam editionem fuit*

*fuit quaesitum, de nova Editione sollicitus, vix unicum, quod sequerentur Typothetae, recuperare potuerit eximii Operis exemplum.*

*Postquam autem hasce Theses recudere apud animum constituerat Bibliopola, atque, eruditissimorum quorundam Virorum, benigne nimium de me medque in hujusmodi Disputationibus contra Atheos peritia sentientium, consiliis excitatus, a me petierat, ut & meas Animadversiones adjicerem, iisque vel confirmarem, vel illustrarem ipsius Buddei Observationes, denuo perlegi praestantissimum libellum, reperique, variis in locis talia posse addi, quae nec penitus inutilia essent, nec celeberrimo Auctoris nomini dedecori fore sperabam: & licet me undique negotiis haud exigui momenti, cum Academiâ, tum Civitatis Hollandicae Fluvios aliasque aquas spectantibus circumseptum deprehenderem, honestae tamen petitioni deesse nolui, boras meas subscisivas non melius impendi posse existimans, quam in demonstrationem & defensionem veritatum, quae mentem post funera superstitem omnium maxime alere possunt & delectare.*

*Capiti primo, quo disquiritur, an dentur Athei, plurima adjicere, ac latius exspatiari potuissẽm in Historiam Atheismi, quae a variis Viris eruditionis fama celebribus pertractata fuit copiosius, quam ipsa rei indoles sinebat; cum in eo praesertim versetur quaestionis cardo, an existent, vel exstiterint unquam, qui bona fide existentiam*

Dei negarunt, ac de hacce sua opinione ita fuerunt persuasi, ut solidissima pro amabili illa veritate a Numinis defensoribus allata argumenta Sophismata reputaverint? *De eo vero, an fuerint, vel etiam hoc aevo reperiantur, qui ore scriptisque existentiam Dei impugnarunt, aut talia tuiti sunt dogmata, quae cum plena persuasione de illa veritate in eadem sede morari nequeunt, dubitavit nemo. At si omnes, qui non cohaerentes inter se, aut absurdos de Deo rebusque divinis foverunt conceptus, inter Atheos referre vellemus, ex paucis quibusdam ac mutilis eorum dictis, aut ex adversariorum, stupidam quandoque ignorantiam laborantium, testimoniis eruentes conclusionem, vix finem inveniret eorundem index; nec tantum sagacissimos inter Gentiles Philosophos, sed & a nobis in rebus Religionis dissentientium Christianorum plurimos atro hoc carbone notare liceret; & forte ipse Cl. Auctor in detegendis Spinosis inter antiquioris aevi Philosophos aliquando nimium oculatus fuit & justo suspicacior. Paucae proinde ac breves fuerunt annotatiunculae meae ad Caput hocce primum, cum Atheorum catalogum contrahendum, non extendendum putarem; unde etiam nonnullos ab Atheismi suspitione liberare studui; meas vero qualescunque observationes ostentatione eruditionis vana, nec Herculeos labores requirente, nolui conspurcare; caeteroquin totam fere Philosophiae veteris ac recentioris historiam peragraré, ac Virorum de scientiis optime meritorum placita,*  
*borum-*



*horumque sequelas, virtutibus divinis saepe non satis convenientes, acriori censurae subicere licuisset: an vero hac ratione Cl. Auctoris scopo satisfecissem & meo, an satis consuluissem Lectoris commodis, imo an satis obtemperassem aequitatis ac charitatis legibus, vebementer dubito.*

*Pauca sunt, quae adjeci Capiti secundo, ubi disquirat Auctor, quid & quotuplex sit Atheismus; paulo plura accesserunt Capiti tertio, dogmata, quae cum Atheismo conjuncta sunt, recensenti, ac fundamenta ponenti eorum, quae in Capite septimo pertractarentur; adeoque in veram eorum mentem, qui illa dogmata fecerunt sua, inquirere, vel nexum inter ea atque inter Atheismum hinc inde paulo plenius investigare nec inutile duxi, nec a proposito alienum.*

*Plura addidi Capiti quarto, in quo pinguntur Atheismi causae, proprietates & effectus; cum de atrocissimi morbi origine, symptomatibus & periculo summo certi esse debeamus, antequam salutifera remedia praescribere, ac vitiosam animi dispositionem emendare conceditur. Hac autem occasione, Auctore duce, paulo penitus inquisivi in valorem argumenti praeparatorii, quod Pascasio solet tribui, & desumitur ab eo, quod tutius est; nec non in amaros, quos Atheismus in ipsa vita civili fructus profert, atque in saluberrimos, quos Christiana Religio in quocunque hominis statu edere potest effectus; quo ipso manifestum red-*

*redditur, quantopere hic a vero aberraverint, Viri caeteroquin ingenii laude non defraudandi, Baile & Rousseau.*

*Haud paucis observationibus ansam praebeuit ac materiem Caput quintum, in quo, Deum esse, variis argumentis demonstravit Cl. Buddeus: hic, scilicet, uberius pertractavi illa, quae spectant ad rationes ex consensu Gentium, ex idea Dei a posteriori, & ex eadem idea a priori petitas. Adjeci quaedam specimina ratiociniorum, quibus omnium Veritatum amabilissimam indirecte demonstrare licet ex consideratione rerum corporearum, eaque liberius defendi contra Maupertuisii, dicam, an veterum Epicuraeorum, exceptiunculas, quae, si alicujus fuissent valoris, aequae contra ipsius Maupertuisii demonstrationem, ex legibus parcimoniae depromptam, potuissent militare. Exposui porro, Auctoris vestigiis insistens, rationes praecipuas, quae mentem a materia distinctam declarant, ac varia ex ejusdem constitutione pro existentia Dei petii argumenta. Tandem rationes, quae contra aeternitatem mundi adduci solent, quaeque praesertim pro recenti systematis nostri Planetarii, habitationis nostrae, ac generis humani origine facere videntur, potentius urgere, easque contra quorundam recentiorum exceptiones defendere fui conatus.*

*Neque in Capite sexto, in quo Cl. Auctor Atheismi praecipua fundamenta evertit, simulque ad palmaria Atheorum*  
argu-

*argumenta respondet, occasio defuit plurima adjiciendi, quae Scepticismi vires infringunt, materiae mundique aeternitatem, imo & hujus creationem ab aeterno factam absurdam esse docent, atque fortuitum atomorum concursum ab Universi corporei formatione penitus excludunt; & hoc ipsum paulo distinctius exposui, ac contra exceptiunculas, quae in Cogitationibus Philosophicis (Pensées Philosophiques), ab Homine in sua damna saepe ingenioso profectis, occurrunt, vindicavi.*

*Plurimas addidi annotationes Capiti septimo, in quo Cl. Buddens dogmata refutavit cum Atheismo, sive arctiori vinculo, sive laxiori, conjuncta, ac Capite quarto recensita; ubi nonnulla inserui ad immortalitatem mentis nostrae, ad aliorum spirituum finitorum existentiam, ac ad Vaticiniorum indolem respicientia, quae mihi heic loci vix careri posse videbantur. Egi porro de veris Miraculorum characteribus, nonnullasque adposui observatiunculas, non quidem penitus novas, sed nunquam satis repetendas, Revelationis ac Christianae Religionis veritatem demonstrantes; ubi simul disquisivimus Miracula, in Revelatione enarrata, directum suppedient pro ipsius divina origine argumentum.*

*Paucas admodum Observationes adjeci Capitibus octavo, nono & decimo, in quibus Cl. Auctor fuse satis & perspicue agit de Superstitione, deque variis ejus generibus,*

\* \*

bus,

*bus, causis, effectibus, proprietatibus & remediis: Superstitionis quidem species multiplices, ab Auctore non memoratas, vividis coloribus pingere, ac demonstrare potuissem, omnes, qui de Superstitione scripserunt, ab hocce mentis morbo non penitus fuisse immunes; sed, quia veritates maximi momenti in fulgentiori luce ponere easque contra Atheorum & Libertinorum tela defendere praecipuus mihi scopus fuit, consulto abstinui; praesertim cum, Superstitionis numerosa specimina proferens, satyram scribere nonnullis viderer, cumque sentirem ipse, quam & heic loci satyram non scribere sit difficile.*

*Plurimis in locis a Cl. Buddeo, cujus memoriam veneror, recessi, meumque dissensum modeste significavi; quod opinor, vitio mihi vertet nemo; nec tamen, me in omnibus aliis locis placita Viri eximii mea facere, putandum est, licet nihil monuerim, quo meam circa res minoris momenti sententiam ab illa Auctoris diversam declararem; id quippe nec decens, nec utile existimaui, nisi ubi veritatis amor tacere prohibebat.*

*Parcus admodum fui in proponendis observationibus, quae ad Theologiam revelatam pertinent, praesertim ad partem ejus exegeticam, falcem meam in aliorum messem immittere reformidans, sentiensque, quam curta sit mea supellex.*

Non

*Non omnia loca ab Auctore allata evolvere potui, aut volui; cum saepe pervocaverit ad scriptores, qui nostris in regionibus rarius sunt obvii; & si vel omnes fuissent ad manus, eorundem numerus adeo est ingens, ut nimium temporis infumere, dicam, an perdere debuisssem, si ubique voluisssem examinare, num consummatae eruditionis Buddeus, eorum mentem recte fuerit adsecutus, num in numeros fortassis errores irrepsent, &c.; istiusmodi labor mihi, fateor, intolerabilis fuisset, atque a meo genio alienissimus; si quis alius a se impetrare possit, ut momentosum hoc scrupulum instituat, haud equidem invideo, miror magis, eumque vento suo navigare facile patior, dummodo mihi vitio non vertat, si paucis forte in locis numeros non satis exacte inveniat expressos sive ab ipso Cl. Buddeo, sive etiam a Typothetis.*

*Stylo usus fui simplici, ac ab omni elegantia destituto; nec abstinere licuit a locutionibus, quas minime Latinas esse probe noveram: verum, si voces reperiantur in quavis fere pagina, quae delicatis Grammaticorum auribus sunt insuetae, ab altera parte Philosophis nostri aevi atque Theologis, qui istiusmodi maculis & styli sordibus non offenduntur, ingratum fuisset atque incommodum, si omnia vocabula barbara, quae technica possunt haberi, rejecissem atque substituissem circumlocutiones, Latinas quidem, sed longius petitas & insolitas: &*

## XII JOANNIS LULOFS PRAEFATIO.

*forte hac ratione in heterodoxiae suspicionem, raro admodum nostri ordinis hominibus honorificam, incur-  
re potuissem, ac sero nimium fuisset expertus, & in  
styli cultioris amore intempestivo dolorem esse posse, &  
fusco quandoque perfusam esse purioris Latinitatis glo-  
riam.*



*ILLU.*

*ILLUSTRISSIMO COMITI AC*  
*DOMINO*

*D O M I N O*

**ERDMANNO**

SACRI ROMANI IMPERII COMITI DE PROMNITZ,  
LIBERO DYNASTAE IN PLESSE, SORAU, TRIE-  
BEL, NAUMBURG ET KLITSCHDORFF,  
HEREDITARIO DOMINO IN HALBAU,  
KUNAU ET BURE, RELIQUA,

*DOMINO SUO LONGE*  
*GRATIOSISSIMO.*



*ILLUSTRIS SIME COMES,*  
*DOMINE GRATIOSIS SIME,*



um praeteriti temporis rationes in  
 memoriam mihi revoco, inter reli-  
 qua vitae, inter labores Academicos  
 maximam partem transactae, gesta,  
 nihil quod jucundius mihi sit, aut  
 majori me voluptate perfundat, te-  
 mere occurrit, quam quod **TIBI** quoque, **DOMINE**  
**GRATIOSIS SIME**, visum fuerit, cum in Academia  
 Hallensi, litterarum studiis, magna cum laude, immo  
 cum admiratione maxima eorum omnium, quibus  
 paulo propius **TE** intueri, contingebat, incumberes,  
 mea quoque institutione uti. Eam namque Philo-  
 sophiae partem, quae corrigere & emendare men-  
 tem, & ad praeclara quaevis atque egregia instruere  
 docet, a me **TIBI** explicari tradive voluisti; quae,  
 ut nobilissima omnium, longeque praestantissima est,  
 ita



ita summam istam, in qua per profapiam illustrissimam **DEUS TE** collocavit, vel maxime decet fortunam. Neque promte tantum alacriterque eo tempore, quae tradebantur, capiebas, retinebasque firmiter, sed cum salutaribus insuper doctrinis, quas Scriptura sacra continet, ad sublimia & coelestia nos erudiens, animum imbueres, indeque verae ac non fucatae pietatis semina menti generosissimae infigeres, fieri aliter non poterat, quin ista virtutis, qua inter omnes, quos nascendi conditio, generisque sublimitas, **TIBI** aequales fecit, emines, imago in **TE** exsplendesceret. In **TUAS**, enim vero, **ILLUSTRIS-SIS-SIS COMES**, excurrere laudes, animus non est. Etsi enim nihil, quam quod verissimum sit, dici posset, non magis tamen eos, qui hoc faciunt, **TIBI** placere scio, quam id eos decet, qui ad Christianae doctrinae regulam, vitam suam moresque componere, suarum ducunt esse partium. Summi potius benignissimique Numinis gratiam atque favorem singularem, devota mente celebramus, tam largiter quod suas in **TE** contulerit dotes, ut nihil **TIBI** prius, nihilque antiquius sit, quam mentem a seculi contagio puram & illibatam servare, amoremque erga Servatorem nostrum sincerum non verbis tantum, sed factis demonstrare, omnia denique agere, quae ad divini Numinis gloriam propagandam  
ac

ac amplificandam, facere aliquid videntur. Ego vero, ut ob istam felicitatem Tuam gaudio maximo perfundor, ita & hoc nomine beatum me judico, quod meae qualiscunque institutionis adeo non fueris immemor, ut subinde favoris Tui summi, gratiaeque. documentum erga me extare volueris. Immo cum nuper in nostra urbe praesens esses, non tantum facultatem **TE** adeundi, **TECUMQUE** colloquendi, benignissime mihi concessisti, sed verbis quoque longe humanissimis **TUUM** ita erga me animum, **TUAMQUE** declarasti voluntatem, ut meis nihil amplius addi posse votis, cum laetus hilarisque **a TE** discederem, merito existimarem. Hinc vero cum studium in me sentirem singulare, animum devotum **TIBI**, obsequiumque demonstrandi, eam, quae nunc se offert, eo minus praetermittere volui occasionem, quo certior sum, **TE ILLUSTRIS-SIME COMES**, hoc, quicquid est officii genus, ex sincero quippe amore profectum, non aspernaturum. In lucem namque nunc tandem prodit, quam jampridem molitus sum, animoque volvi, commentatio mea de Atheismo & Superstitione, in qua id operam dedi, ut veram regiamque ad salutem viam monstrarem, quam evitatis duobus scopulis, impietate & superstitione, ad quorum alterutrum plerique mortalium naufragium faciunt, ingredi debent,

qui

qui suis rite consultum rebus cupiunt. Atheismi nimirum seu impietatis, dum solide, ut puto, destruxi fundamenta, Christianae simul religionis, quae sola nos beatos reddit, & ab omni miseria liberat, adstruxi veritatem. Superstitionem autem, alterum illud, nec minus noxium, dum rejeci monstrum, luculenter ostendi, ritus, & ceremonias, & externa quaevis, parum prodesse, nisi corde, per fidem in Christum a peccatorum sordibus purgato, Deum colamus. Quae dum copiosius edisserui, de maximi momenti rebus, praecipuisque quibusdam sacrae doctrinae capitibus, verba mihi facienda fuere. Quod quidem argumentum, ut haud dubio **TIBI, DOMINE GRATIOSISSIME**, longe erit gratissimum, ita, licet ipsa tractatio nihil eximii contineat, solum tamen efficeret, quo minus non prorsus indignus liber hicce censi debeat, qui in **TUUM** prodeat conspectum. Non ergo, quae **TUA** est clementia & gratia singularis, aegre **TE** laturum confido, eum quod **ILLUSTRISSIMO NOMINI TUO** sacrum esse jusserim; immo qua omnes homines soles, ac me ipsum quoque haud semel accepisti, humanitate, & hunc libellum **TE** accepturum, prorsus mihi persuadeo; idque ut facias, ea qua decet animi observantia a **TE** peto atque contendo. Hoc vero si impetravero, voti me da-

\*\*\*

mna-

mnatum censebo; qui, & quod mearum omnino partium esse existimo, praepotentem Deum nunquam venerari desinam, ut **TE, ILLUSTRISIME COMES**, omni felicitatis genere auctum cumulate ac locupletatum, rebus mortalium, sed ad aeterna semper & immortalia aspirantem, quam diutissime interesse jubeat, tandemque cursu hujus vitae ex voto peracto, in beatorum sedes translatum, coetui ob hostes Servatoris nostri fortiter devictos, triumphanti adjungat. Haec votorum, haec precum summa est, quas nunquam non pro **TUA** salute fundet

**TUUS**

**ILLUSTRISIME COMES  
DOMINE GRATIOSISIME**

devotissimus subjectissimusque

*Genae die XXVIII. Julii  
M DCC XVI.*

JO. FRANCISCUS BUDDEUS.

ADLO-



## ADLOCUTIO AUCTORIS

A D

AUDITORES SUOS.



Quod Academiae nostrae leges jubent, & res ipsa postulat, ut ad divinarum litterarum intelligentiam sedulo & omni cura perducantur, qui docentium munere aliquando rite in Ecclesia fungi cupiunt, id a me quoque haud perfunctorie haecenus observatum esse, nemini vestrum, Juvenes optimi, ignotum esse potest. Neque enim tantum in iis, quas privato studio suscepi, recitationibus id egi, ut ad Veteris Testamenti libros recte intelligendos viam vobis munirem, sed in publicis quoque, eandem operam in novi federis codicibus plerisque, non sine insigni, ut credo, quod ad plures inde redundavit, emolumento, collocavi. Primo enim cum ante undecim, & quod excedit, annos, in hanc Academiam concederem, *Joannis* Apostoli & Evangelistae sanctissimi, *Euangelium* enarravi, ita quidem, ut nihil, quod difficile aut obscurum videri poterat, praetermitterem, cuncta vero ad fidei atque vitae usum transferrem. Deinde *acta Apostolorum* eadem ratione explicavi, & hisce *introductionem ad Epistolas Paulinas* subjeci, in qua & vitam resque gestas Pauli,

Pauli, & dicendi, quo usus est, genus, occasionem praeterea & argumentum singularum, quae eum auctorem agnoscunt, epistolarum, edisserui, nec quidquam eorum, quae lucem Paulo obscurius dictis affundere poterant, praetermisi. Tum vero *harmoniam* quatuor *Evangelistarum* tradere aggressus sum, ut ipsa simul eorum verba commentario illustrarem. Quod quidem & arduum admodum, & ob amplitudinem difficile videbatur opus; sed per Dei tamen gratiam, propitiumque favorem, suffragante Auditorum constantia, animumque addente, & hoc feliciter ad finem perduxim. Jam animus erat, ad *acta* iterum *Apostolorum*, & tum porro ad *Epistolas*, tum Pauli, tum reliquorum Apostolorum progredi, cum vestra, Commilitones, utilitas, nostrique seculi ratio suadebat, ab isto paulisper deslectere tramite, viamque mediam, quam homines inter Atheismum & Superstitionem tenere debeant, monstrare; eo vero cum defunctus labore essem, si vitam porro viresque Deus concederet, ad sacri codicis interpretationem redire.

Istius vero consilii non leves me habuisse rationes, ut ipsimet facile intelligitis, ita, ne praecipuae earum aut vos, aut quenquam alium lateant, efficere, id quidem mearum duco esse partium. Enimvero si quis nostri seculi conditionem paulo accuratius contempletur, nihil aequae Ecclesiae doctoribus necessarium esse statim perspiciet, quam ut serpens indies latius Atheismi venenum detegant, & tela habeant in promptu, quibus monstrum hoc conficere queant. Non equidem mihi persuadeo, tantum eorum esse numerum, qui animum ad negandam diserte Numinis existentiam satis obfirmatum habent, quantum eum nonnulli faciunt; at opinionibus ad Atheismum ducentibus scatere orbem, qui Christianus vocatur, quibus si vel maxime ad supremum stultitiae gradum non perducantur, quod tamen aliquando fieri potest, a recto tamen

tamen & genuino salutis tramite abducti, aeternam perniciem sibi attrahant, negari nequit. Sane id haud difficulter ejusmodi opinionibus, quae sub speciosa libertatis sentiendi forma multis adblandiuntur, nec pauciores decipiunt, infernalis obtinet genius, ut, si non Numinis extinguere sensum omnem, quamvis frustra & irrito conatu, annitantur, dogmata tamen ista, quibus omnis religio Numinisque cultus, ceu fulcris innititur, in dubium vocantes, aut pro non satis certis reputantes, tepidi in cultu divino fiant, hinc cupiditatibus pravis laxent habenas, & ita tandem agantur in praeceps. Cumque vera religio hominibus quandoque vel hoc nomine molesta admodum videatur, quod pravis cupiditatibus frenum injiciat, legumque divinarum protervis contentoribus incutiat terrorem, mirum non est, pronis hinc inde auribus excipi opiniones ad securitatem carnalem ducentes, impunitatemque agendi quidlibet, ut miseri quidem isti sibi persuadent, concedentes, simulque a metu, quo tantopere excruciabantur, eos liberantes. Utinam vero inter ipsos sapientiae & litterarum alumnos, qui in scholis & Academiis educantur, non reperiantur, qui, eodem morbo laborantes, eadem quoque opus habeant medicina! Reperiri vero experientia docet, eoque dolendum magis, quo graviora ab ejusmodi hominibus, nisi tempestive in rectam viam reducantur, & Ecclesiae & reipublicae imminet pericula. Quodsi etiam initio forte pauci sint, qui eo usque progrediantur, mox tamen commercio suo venenum istud latius diffundunt, pluresque in partes trahunt, damnumque societatibus litteratis adferunt, simulque orbi universo, quod non temere refarciri queat. Hic, qui doctores Academicos rem supervacaneam agere putant, si foeditatem Atheismi demonstrent, & impietatis istius fundamenta evertant. penitus, & semina ejus, quae hinc inde sparsa sunt, ex animis tenerrimis juvenum evellere & eradicare

care anniantur, nae! eos quodnam veri doctoris officium sit, ignorare prorsus oportet.

Sed esto, non dari in scholis & Academiis, quorum animos venenum istud adflaverit, (quanquam optandam magis, quam sperandam hanc felicitatem existimem,) praemunendi tamen sunt juvenum animi, ne ex Academiis discedentes, & peregrina, quod haud raro fieri solet, ora lustrantes, hominibusque nullius religionis admixti, impiis, qui in colloquiis & commerciis quotidianis spargi solent, erroribus locum relinquant, seque exemplis in devia quaevis ac praecipitia abripi patiantur. Accedit denique ad haec omnia, quod illi, qui in Academiis instituuntur, publicis aliquando praefecti muneribus, inter eos, quos ceu gregem sibi concreditum pascere debent, homines varios, non uno morbi genere laborantes, & hacce quoque Atheismi peste infectos, deprehendant; quos ut ad sanam eo rectius revocent mentem, rationes profecto, quibus erroris convinci possint, & quo pacto argumenta, quibus propugnare impia dogmata solent, infringere & labefactare debeant, ignorare eos non decet.

Haec vero omnia & quae reliqua sunt ejusdem generis, si rite ponderaveritis, vos mecum consensuros existimo, non negligendas esse in recitationibus Academicis, nec perfunctorie tractandas eas quaestiones, quibus Atheismus proster nitur, & errores cum eo connexi solide refutantur. Attingi sane quaedam hujus generis, in compendiis & systematibus Theologicis, iisque recitationibus, quibus aut thetica aut polemica Theologia explicatur, solent. Sed in tanta rerum, quas haec complectitur, gravissimarum multitudine, fieri vix potest, ut unicum hocce de Atheismo, dogmatibusque cum eo connexis, caput tam operose, tamque prolixè tractetur, prout & rei dignitas gravitasque, & lectorum aut auditorum uti-



utilitas, aut nostri seculi conditio, id requirit. Accedit, quod plerique, revelatae Theologiae fundamenta tradentes, ea, quae ad naturalem spectant, adeoque & doctrinam de existentia Dei jam supponant; & hactenus quidem non sine ratione, quod absolum esset, si ad reliqua dogmata, quae de voluntate & operibus divinis nos erudiunt, haurienda, accederent, qui aut ignorarent, Deum esse; aut hac de re dubitarent, vel omnino prae fracte negarent. Soleo quidem & ipse, uti plerisque vestrum notum est, quoties theticam polemicamque Theologiam vobis trado, ea, quae ad Atheismum & dogmata connexa pertinent, haud indiligenter explicare; lubens tamen fateor, multa me semper ob rerum aliarum copiam temporisque penuriam, praetermittere, quae tamen vobis scitu & utilia & necessaria esse existimo. Quod cum saepius mecum volverem, in eam tandem ingressus sum sententiam, non rectius rebus vestris me consulere posse, quam si aliquando in publicis recitationibus hoc argumentum ex instituto, & prout ejus dignitas gravitasque postulat, pertractarem. Ut autem eo commodius hoc fieret, vosque labore nimis multa calamo excipiendi sublevarem, praecipua hujus tractationis capita thesibus succinctis comprehensa, & variis observationibus illustrata, typis tradere mecum constitui, quas etiam nunc publicae luci expositas videtis. Librorum sane, quibus Atheismus refutatur & posternitur penitus, haud exiguus est numerus; in quorum etiam praecipuis nec robur, aut nervum argumentorum, quibus veritas adstruitur, nec ingenii acumen, in nebulis illis dispellendis, quas luci clarissimae offendit impius error, nec reliqua, quae ad causam hanc perorandam faciunt, requiras. Praeterquam vero, quod de omnibus hoc dici nequeat, inter eos etiam, qui suum in hoc genere locum tumentur, nullum, qui meo prorsus accommodatus esset instituto, invenire potui. Animus

mus nimirum erat, uno velut, sed succincto, systemate, omnia, quae de hoc argumento dici poterant, complecti, & dogmata cum Atheismo connexa, sed diversa tamen ab eo, rite quidem discernere, nec tamen praetermittere, cumprimis etiam controversias recentissimas huc spectantes simul attingere. Qua quidem ratione qui argumentum hocce pertractaverit, mihi nemo innotuit. Quamobrem, ut nequiquam tam mihi suffenus sum, ut praestantius, aut subtilius quid a me adferri posse existimem; quam jam ab iis adlatum est, qui magna cum ingenii aut doctrinae laude in hocce argumento sunt versati; ita aequos tamen atque cordatos rerum existimatores id mihi daturus, mihi persuadeo, non prorsus supervacaneum laborem censendum, illis saltem eum inservire, qui finis iustisque principiis imbuendi sunt, quibus eos insistere decet, qui aliquando rite prodire in aciem contra divinae veritatis hostes, & feliciter contra eos pugnare cupiunt.

Eam praeterea secutus sum tractandi rationem, quam res ipsa postulabat; quaeve, ut naturalis, minimeque coacta est, ita ne aut superfluis laboraret, aut necessaria deessent, operam dedi. Dum vero celebrem quaestionem, an dentur Athei? primo statim loco attigi, historiam Atheismi paulo plenius pertexere, deque iis, qui aut vero, aut falso, Atheismi accusati sunt, verba facere operae duxi pretium. Nec enim sine ratione, aut causa gravissima, hoc a me factum existimo. Primo namque eos, quos ceu hostes aggredi animus est, paulo accuratius nosse, admodum conducit; quemadmodum & quo quisque habendus loco sit, nos scire oportet, ut aciem rite instruamus, neve Andabatarum pugnemus more. Sane non tantum se ipsos, sed saepe etiam causam, quam defendendam susceperunt, aliorum ludibrio exponunt, qui magnos contra Atheismum clamores tollunt, & ipsi tamen, quinam Athei sint, aut quid doceant, nesciunt, aut viros omnino innocentes

centes in Atheorum numerum referunt. Præterea; dum de iis, qui jure Atheismi accusantur, exposui, simul operam dedi, ut integrum illorum systema paucis & in compendio exhiberem. Ita enim cuncta Atheorum fundamenta in apicem produxi, eo facilius deinceps evertenda, & simul eorum fraudes detexi. Occasio hinc mihi simul suppeditata est, de Graecorum Philosophis mentem meam aperiendi, eorundemque edisserendi sententiam; quam eo minus praetermittere visum fuit, quod videam, Viros doctissimos hac in re laborare, nec usque quaque inter se consentire. PETRUS namque BÆLIUS ita censuit, & subinde operose docuit, Veterum Philosophorum, si non omnium, certe plerorumque systemata aut prorsus cum Spinozismo consentire, aut ad eum ducere, adeoque eos in Atheorum referendos esse numerum. Quae cum in plurimis, minime contemnendis rationibus mihi niti videretur sententia, eandem propugnare non dubitavi, in dissertatione de *Spinozismo ante Spinozam*, quae in *analectis historiae philosophicae* recusa prostat. Nec alios quoque viros ingenio & doctrina florentes ab ea alienos esse, notum est. Fuerunt tamen rursus, quibus durum nimis visum, tot philosophos, eos praesertim, quorum tanta inter ipsos Christianos fuit, aut adhuc est, auctoritas, Atheorum ordini adscribere, unde illorum in se suscipere patrocinium non dubitarunt. Fecit id cum primis peculiari eaque elegantissima dissertatione de *Atheismi falso suspectis*, Vir Doctissimus, & cujus singularia in rem litterariam merita nemo ignorat, JOANNES CHRISTOPHORUS WOLFIIUS, Gymnasii, quod Hamburgi floret, Professor longe dignissimus, celeberrimusque; quem & lucem subinde singularem argumento huic adfudisse, non temere quis inficiatus fuerit. Pro illorum equidem rursus sententia, qui antiquis Philosophis Atheismi crimen impingunt, JO. HENRICUM FOPPIUM, virum clarissimum, in aciem produisse,

\* \* \*

&

& duas jam dissertationes, de *Atheismo philosophorum gentili-  
um celebriorum*, reliquarum, quas pollicitus est, prodro-  
mos, in lucem emisisse, accepi; nec tamen ipsas istas disser-  
tationes videre mihi contigit. Sed pro defensione rursus  
Philosophorum dissertatio de *Gentilium Philosophis, Athei-  
smi falso suspectis*, Bremae hoc ipso anno M DCC XVI. sub  
praesidio Viri clarissimi, doctissimique, JACOBI HASEI, mor-  
alis Philosophiae in Bremenium Athenaeo Professoris cele-  
berrimi, lucem adspexit publicam. Quae quidem praestan-  
tium doctissimorumque virorum erudita, sed amica certamina,  
cum mihi occasionem de re ista iterum cogitandi praeberent,  
mox deprehendi, facillime cuncta expediri, & quae se offerre  
videntur, difficultates superari posse, si modo diversi Athei-  
smi gradus rite observentur, & a se invicem discernantur.  
Idque in hac ipsa a me ostensum est commentatione, ubi sta-  
tim ab initio monui, posse duas Atheorum classes constitui,  
ad quarum unam qui referuntur, *Athei primi ordinis* dicantur,  
qui ad alteram, *secundi ordinis*. Prioris generis illi  
sunt, qui aut diserte & citra ambages, se nullum Deum cre-  
dere, profitentur, aut systematis sui, ex quo hoc directe  
fluit, consequentias rite perspectas cognitaeque habent. Po-  
sterioris generis illi sunt, qui ejusmodi philosophiae systema  
constituunt, quod, si non directe, saltem per consequentiam  
quandam, aut a creatione ac gubernatione mundi Deum re-  
movet, aut eum omni libertate privat, vel omnino cum na-  
tura ipsa confundit, adeoque revera Deum prorsus tollit, etsi  
ipsi systematis istius auctores consequentias istas forte non vi-  
deant, aut etiam non admittant. Epicuraeos, ceterosque,  
qui diserte providentiam Dei impugnabant, vel etiam palam,  
Deum esse, negabant, quorum nonnullos in ipsa tractatione  
commemoravi, inter primi ordinis Atheos referendos esse,  
nemo negaverit. Aristotelem, Stoicos, aliosque, qui Deum  
cum

cum materia arctissimo vinculo colligantes, omni libertate privabant, vel omnino cum materia confundeabant, cum ea, quae ex hac sententia fluebant, non satis perspexisse videantur, ad secundi ordinis Atheos retulerim. Non aequè Benedictum de Spinoza, qui quidem omnia, quae ex systemate ejus sequi poterant, accuratissime perspecta & explorata habuit, & data opera, summaque & calliditate & malitia, cuncta ita instruxit, ut non alius, quam natura ipsa, Deus admitteretur, primum ideo praecipuumque locum inter Atheorum pessimos merito sibi vindicans. Atque haec si observentur, primo quidem auctoritati & dignitati Veterum Philosophorum, quos ob ingenium & eruditionem merito maximi facimus, ita consulatur, ut veritati simul locus relinquatur, nec alia istis tribuatur sententia, quam revera habuerunt, nec, quae inde per pronam consequentiam fluunt, dissimulentur. Deinde, ipsimet secum philosophi praestantissimi haud difficulter conciliabuntur, qui interdum tam praeclare de Deo rebusque divinis, de virtute, de ratione colendi Deum, loquuntur, ut rectam eos de his omnibus tenuisse sententiam, vel jure jurando confirmares; alibi rursus ejusmodi principia ponunt, quae priora effata evertunt penitus, & aut directe aut per ambages ad Atheismum, hoc est summam & impietatem & stultitiam ducunt. Infita nimirum illa & tam alte cordibus mortalium infixam summi Numinis notitia, subinde vim suam in illorum animis sese exerebat, unde effata ista praeclara & veritati testimonium perhibentia. Dum vero rursus rerum omnium investigare principia, & rationis, imbecillitatis ejus immemores, ambitu cuncta complecti volebant, in praecipitia varia dati, talia asserebant, quae in supremum Numen erant injuria. Quod ipsum miserrimam Gentilium, immo eorum omnium, qui revelationis lumine sunt destituti, conditionem, revocare nobis in memoriam debet, ut nostram

\*\*\* 2

rite

rite inde aestimare, gratoque agnoscere discamus animo, felicitatem. Sibi ipsis enim contradicentes, & pugnantes secum asserentes, ostendebant satis, se nihil, cui firmo inniterentur talo, invenisse. Idque cum praestantissimis Philosophorum contigerit, quid de reliquis, qui ingenii acumine his multum cedebant, dicemus? Atheis denique hac ratione promte obviam iri potest, ne, quod cupiunt, Philosophorum istorum exemplum in rem suam vertentes, inde, quod causae suae faveat, capiant. Positum namque ejusmodi hominibus in more est, ut mox omnes ab Atheismi suspitione liberando, alios in eam inducant opinionem, nullos omnino dari Atheos, ut eo facilius impietatis & ipsi evitent suspitionem; mox Atheorum ultra modum numerum augeant, ut & multitudine & auctoritate eorum, quos secum facere aut jactant, aut tacite subinnuunt, alios eo facilius in partes suas pertrahant. Sed ut neutro aliquid efficiant modo, facile caveri potest, modo hic recta mediaque incedamus via, quod & in ipsa a me factum tractatione existimo. Quaedam enim Atheorum cum in aprico posita sint exempla, ut exceptionem non admittant, se ipsum traducet turpiter, qui nullos dari Atheos asseruerit. Cum vero rursus & illud demonstratum sit, multis perperam Atheismi crimen objectum, numerus eorum, qui in huncce censum referuntur, insigniter imminuetur. Ad Philosophos autem quod attinet, licet nonnulli Atheis primi ordinis annumerari queant, pauci tamen illi sunt, & suo exemplo demonstrant, praestantissima etiam ingenia, si caute non incedant, rucere in praecipitia, & ad absona quaevis prolabi posse; plerique tamen, si Atheismi accusandi sint, Athei saltem secundi ordinis erunt, hoc est, qui directe Numinis existentiam non negant, nec manifestissimam illam veritatem, quae omnium animis tam firmiter inhaeret, impugnant; talia autem cum doceant, ex quibus Atheismus sequitur, inde id pro-

provenit, quod falsas erroneasque de Deo habeant opiniones, & mentis quadam coecitate laborent, qua impediti, nec omnes systematis sui consecutiones pervident, nec quod secum pugnantia quandoque proferant, animadvertunt.

Expedita hunc in modum quaestione, an dentur Athei? quid & quotuplex Atheismus sit, edissero, simulque fundamenta cujusque Atheismi speciei indico, deinceps *cap. VI.* evertenda penitus atque destruenda. Dogmatici nimirum Atheismi, quem a Sceptico rite discerno, quatuor constitui posse classes, ostendo, ut alius sit Epicuraeus, Stoicus alius, alius Aristotelicus, & Eleaticus denique alius, quem recentiori aetate Benedictus de Spinoza restauravit. Ad unam enim ex hisce classibus Atheorum deliria ut referantur, necesse est, nisi ipsemet, se desipere prorsus, nullamque impietatis suae adferre rationem posse, fateri velint. Cum vero luculenter ostensum sit, quodcunque ex hisce systematibus ab Atheis assumatur, id aut collabascere sua sponte, aut ad evertendam potius, quam stabiliendam illorum impietatem aptius esse, sequitur inde, ineptam stolidamque istorum hominum esse impietatem, omni quippe fundamento destitutam. Cum hominibus, qui brutorum instar vivunt, & quam phaenomenorum, quae in hoc rerum universo quotidie se offerunt, rationem reddant, parum sunt solliciti, nobis nunc res non est, quippe qui nec hominum nomine digni sunt, sed cum iis, qui Philosophorum sibi vindicant nomen, adeoque, si istud tueri volunt, ejusmodi eligere systema debent, per quod universi hujus phaenomena rite explicare queant. Quod si nullum inveniant, quod cum illorum consistere errore possit, explicandisque naturae phaenomenis, si Deus orbis conditor inde removeatur, sufficiat, victas tandem eos dare manus, si modo a pertinacia sua hoc impetrare queant, necesse est. Quae ut expeditissima Atheos convincendi mihi videtur ratio,

\* \* \* \* 3

ita,

ita, an ab alio eo modo, quo id a me factum, adhibita sit, mihi quidem ignotum esse, libere profiteor. Nec id sine ratione a me factum puto, quod dogmata cum Atheismo conjuncta, aut ad eum ducentia, ab ipso Atheismo discreverim. Cum enim nihil solemnius sit, quam ut Atheismi postulenter, qui ejusmodi dogmata foveant, aliis rursus quovis modo repugnantibus, negantibusque, Atheismi statim reos esse, qui talia asserunt, tutissima rectissimaque mihi via visa est, ab Atheismo equidem in se spectato ista discernere, simul tamen, quam arcto cum eo connexa sint vinculo, ostendere. Quemadmodum autem *cap. III.* de auctoribus & fundamentis istorum dogmatum disserui, ita *cap. VII.* eadem ex instituto confutavi. Ut autem *cap. IV.* de causis, proprietatibus & effectibus Atheismi quaedam subjungerem, & res ipsa postulavit, & eo etiam lubentius feci, quo controversias quasdam, quae nostra aetate agitantur, attingendi mihi suppeditaretur occasio, an e. gr. Atheus vir honestus, virtutisque deditus, esse queat? majusne ab Atheismo, an a Superstitione, reipublicae immineat periculum? & quae reliqua sunt ejusdem generis.

In probanda Numinis existentia, quod praecipuum causae momentum est, cui *cap. V.* destinatum, ita versatus sum, ut argumentis non inutilitatis quidem, solidis tamen, perspicuis, & ad omnium captum accommodatis, uter. Qui enim ingenii ostentandi causa a via recepta discedunt, hoc demum obtinent, ut causam optimam pessime agentes, Atheis vel inviti, si modo non interdum data opera, victoriam tradant. Plenissime autem persuasus sum, rationes hasce ita comparatas esse, ut non possint non quemlibet in veritatis consensum pertrahere, nisi ad neganda manifestissima quaeque animum obfirmaverit ipse.

Cum Atheismi refutatione quod doctrinam de Superstitione

con-



conjunxerim, id non sine causis gravissimis a me factum, quilibet paulo accuratius rem omnem pensitans, intelliget. Primo namque ob ipsorum hoc factum est Atheorum fallaciam, qui Religionem cum Superstitione data opera confundentes, contra hanc ita disputant, ut illam simul evertant, caliginem ita imperitorum hominum animis offundentes. Ostendendum itaque fuit, quid Superstitio sit, ut omnes maximum illud, quod inter eam & religionem intercedit, discrimen intelligentes, fraudes istas atque fallacias hominum impiorum eo facilius evitare possint. Deinde plerisque mortalium contingit, ut alterum extremum, quod impietatis est, declinaturi, in alterum, quod Superstitionis est, incidant. Certe longe plures Superstitionis morbo laborare, quam Atheismi, negare nequit; a quo & interdum eo difficilius liberari possunt, quo speciosior est Religionis, quo Superstitio haud raro tegitur, titulus. Non minus tamen noxia est, immo pro quadam animorum peste habenda; ut in ea, aequae ac impietate eradicanda, & ex animis mortalium evellenda, cordatis Ecclesiae doctoribus elaborandum esse existimem. Ita namque etiam vera & regia ad veritatem ac salutem panditur via, quam religio, purusque ac genuinus Numinis cultus, medium inter Superstitionem & impietatem locum tenens, exhibet. Nullam etiam hac ratione aliis conquerendi dabimus occasionem, quod aliquando factum memini, ac si Theologi contra Atheos equidem disputent, at de Superstitione ex animis hominum evellenda parum sint solliciti.

Ultimo loco & hoc addere operae fuerit pretium, nonnulla, quae in scriptis meis Philosophicis brevius aut obscurius, quam ut statim ab omnibus intelligi possint, dicta erant, data hic commoda occasione, luculentius explicata esse; ut recte adeo facturi sint, qui hancce commentationem scriptis meis Philosophicis ceu *supplementum aliquod* sint adjuncturi.

Multa

Multa namque etiam ad historiam Philosophicam, cujus synopsis Philosophia instrumentalis continet, itemque ad Philosophiam theoreticam spectantia longe copiosius hic, quam in *elementis* a me editis pertractantur; ne dicam, quod fructus praecipuus Philosophiae, maxime Theoreticae, qui est Creatoris ex operibus creationis agnitio, hic luculentissime exhibeatur, & oculis subjiciatur. Quae autem adhuc addi poterant, ea recitationibus publicis, quibus huncce libellum explicare animus est, reservavi. Hisce vero ut non tantum frequentes interlitis, sed animum quoque attentum, qualem rei dignitas & argumenti gravitas postulat, vobiscum adferatis, id quidem est, quod a vobis precibus meis contendo. Deum, quod superest, supplex veneror, ut tum ad vos, optimi juvenes, tum ad alios quoque lectores fructus uberimus, amplissimusque, ex qualicunque labore hocce redundet, ut, qui in errore constituti sint, ab eo liberati in rectum tramitem reducantur, qui autem veritatem agnoverunt, in ea confirmetur corroborenturque, & ad vitam simul doctrinae veritatis consentaneam, moresque Christiano homine dignos induendos, perducantur. Jenae die XXV. Julii anno MDCCXVI.



# INDEX CAPITUM.

## CAPUT PRIMUM.

*An denter Athei? ubi & Historia Atheismi  
succincte traditur, & ab ejus suspitione Viri  
quidam innocentes liberantur.* Pag. 1-118

## CAPUT SECUNDUM.

*Atheismus quid & quotuplex? ubi & praecipua  
Atheismi fundamenta exhibentur.* 119-141

## CAPUT TERTIUM.

*De Dogmatibus, quae cum Atheismo conjuncta  
sunt, aut ad eum ducunt.* 142-184

## CAPUT QUARTUM.

*De Atheismi causis, proprietatibus & effecti-  
bus.* 185-223

## CAPUT QUINTUM.

*Deum esse, demonstratur.* 224-318

## CAPUT SEXTUM.

*Fundamentorum Atheismi everfio; ubi & ad  
praecipua Atheorum argumenta responde-  
tur.* 319-385

\* \* \* \* \*

CAPUT

# INDEX CAPITUM.

## CAPUT SEPTIMUM.

*Refutatio Dogmatum cum Atheismo conjunctorum aut ad eum ducentium.*

Pag. 386-481

## CAPUT OCTAVUM.

*Superstitio quid & quotuplex? speciatim de iis Superstitionum generibus, quae directe circa Numinis cultum versantur.*

482-499

## CAPUT NONUM.

*De Superstitionum generibus, quae indirecte circa Numinis cultum versantur.*

500-547

## ●CAPUT DECIMUM.

*De causis, effectibus, proprietatibus & remediis Superstitionis.*

548-568

CAP.



Q. D. B. V.

C A P. I.

# AN DENTUR ATHEI?

UBI ET HISTORIA ATHEISMI SUCCINCTE TRADITUR, ET AB EJUS SUSPICIONE VIRI QUIDAM INNOCENTES LIBERANTUR.

ΣΥΝΟΨΙΣ.

**A**theos dari, experientia & historia docet, §. I.

Jam ante diluvium quosdam fuisse atheos, probabile est, §. II.

Post diluvium superstitio invaluit, cui, ut & atheismo, apposita fuit religio Israëliitarum; Mosen fuisse pantheistam, execrabilis est calumnia, §. III.

Inter Israëlitas quosdam fuisse atheos, dubitari nequit, §. IV.

Salomoni tamen aut Prophetis, non nisi per turpissimam calumniam atheismus tribuitur, §. V.

Recentiorum kabbalistarum impia dogmata, ex veteri & genuina Israëliitarum doctrina, neutiquam sunt derivanda, §. VI.

De Zabiorum seu Sabaeorum atheismo nihil certi affirmari potest, §. VII.

Orpheus an pantheista? §. IX.  
Poëtae Graecorum superstitio-

ni,

ni, Philosophi atheismo favere creduntur; speciatim, qui Ionicae sectae primam classem constituunt, atheismi accusantur, §. X.

Socrates ab atheismi suspitione liberatur, §. XI.

Critias contra, Socratis discipulus, impietatis hujus reus judicatur, §. XII.

Plato perperam atheismi accusatur, etsi omnia ejus neutiquam probanda sint dogmata, §. XIII.

Academici & Sceptici, an & quousque inter atheos referendi? §. XIV.

Aristoteles an Atheus? §. XV.

Strato Lampsacenus in quibusdam ad Spinozam, in quibusdam ad Epicurum, accedit, §. XVI.

Ex Cyrenaeicis Theodorus & Bion Boristhenites, ex Megaricis Stilpo, inter atheos referuntur, §. XVII.

Cynicis & Stoicis an & quousque atheismus tribui queat? §. XVIII.

De Eleatica secta idem quaeritur; & speciatim, quibus ex ea atheismus obiectus

fuit, recensentur, quove id factum jure, disceptatur, §. XIX.

De Heraclito, Hippocrate, & Eubemero disquiritur, §. XX.

Item de Graecanicis quibusdam philosophis, qui post Christum natum vixerunt, speciatim de Plutarcho atque Luciano, §. XXI.

Inter Romanos praeter alios Ciceronem, Livium, atque Plinium in atheismi suspitionem adductos; quo id jure factum? §. XXII.

Inter Christianos primis seculis non fuit, qui jure atheismi accusari potuerit; in ipso tamen deinceps scholasticorum regno extiterunt, qui hoc nomine non sine ratione male audiunt, §. XXIII.

Post bonarum litterarum restaurationem, magna erupit atheorum cohors, praesertim in Italia; quorum nonnulli, vita tamen moribusque potius, quam doctrina se tales demonstrarunt, §. XXIV.

Non

*Non minus tamen & in Gallia extiterunt, qui ejusdem impietatis notam subierunt, §. XXV.*

*De Benedicto de Spinoza ex instituto agitur, ejusque sectatoribus, quos praesertim in Belgio habuit, §. XXVI.*

*De atheis, quos Anglia protulit, atque Germania, §. XXVII.*

*Colligitur ex haecenus dictis, dari omnino atheos, etsi nonnullis per calumniam atheismus tribuatur, quod aliquot insuper exemplis ostenditur, §. XXVIII.*

## §. I.

**E**t si Deum esse tam manifestum sit, ut nemo nisi reluctantem animo hoc negare queat; fuisse tamen subinde homines, qui sibi ipsis velut vim inferendo, eo usque progressi sunt, ut hoc diserte in dubium vocarent, idque aliquando aperte profiterentur, \* aut talia docuerunt, ex quibus, Deum non esse, directe sequitur, \*\* experientia docet, rerumque gestarum annales veteres ac recentiores, nos nulla ratione dubitare sinunt. \*\*\*.

\* Fuerant, qui omnino dubitarent, an athei theoretici & proprie sic dicti, dentur? Immo, non dari, nonnulli sibi persuaferunt. Quod si de illis intelligatur, qui nullum unquam Numinis sensum habuerunt, nec unquam reluctantis animi vim experti sunt, praesertim si non omni de Deo rebusque divinis informatione fuere destituti, rectissime se habet. Eoque sensu admittenda, quae hac de re disputat CISBERTUS VOETIUS, *disputat. de atheismo, disputation. selectar. part. I. pag. 143. 144.* Fuisse autem homines, qui conscientiae dictamen quovis modo suppressere allaborarunt, & ad veritatem manifestissimam impugnandam animum obfirmarunt, hinc &, saltem ad tempus, testimonium conscientiae suffocarunt, cum experientia hoc doceat, nulla negari ratione potest.

\*\* Cum vox *atheus*, diversimode sumatur, & diversa etiam dentur atheorum genera; hic tamen eam proprie accipimus, prout primo eos, qui aperte & citra ambages Deum esse negant, deinde eos, qui talia docent, quibus directe natura & existentia Numinis evertitur, denotat.

Illos *primi ordinis* atheos, hos *secundi*, dixeris. Utrique nobis in hocce capite, in censum veniunt. (1)

- (1) *Distinguantur Athei etiam ab ipso* Cl. BUDDEO Cap. II. §. 6. *in Theoreticos & in Practicos; ubi per Theoreticos, si de primæ classis Atheis agatur, intelliguntur, qui Dei existentiam negant, atque argumenta pro momentosissima illa veritate militantia enervare, & elidere student. Practici vero, qui ita suos componunt mores, totamque vivendi rationem instituunt, ac si de existentia Dei non essent persuasi, imo ac si de absentia Numinis ex hoc Universo penitus forent certi. De hisce nulla unquam fuit mota, de illorum existentia disceptatio magnam partem abit in Logomachiam. Si, scilicet, quaeratur, an existent vel existerint unquam, qui bona fide Dei existentiam negant, de hacce opinione absurdissima sibi penitus videntur persuasi, ac, rationes pro sententia opposita exceptiunculis suis enervasse se, statuere audent? a me impetrare vix possum, ut adfirmando respondendum esse credam; nec facile istiusmodi hominum, etiam ex historia Monstrorum, exempla produci poterunt. Verum si quaestionis cardo in eo versetur, an non reperti fuerint plurimi, qui ore scriptisque existentiam Dei impugnarent, qui blasphemias in O. M. rerum Conditorem evomuerunt, quique, furore adfectuum abrepti, vel insana superbia ducti, postquam conscientiam per diuturna conamina ad breve silentium cogerant, iusto Dei iudicio ita fuerunt indurati, ut se ipsi deceperint, & in lacrymabili errore ad finem vitae perseverasse visi sunt? adfirmantem sententiam tenere nullus dubito, utpote per Historiarum monumenta confirmatam. De secunda Atheorum classe, si ad definitionem Auctoris respiciamus, nulla unquam controversia agitata fuit, licet plurimi nimium faciles fuerint in augendo hocce Atheorum catalogo. Videantur ea, quae ad Cap. II. §. 1. notabo.*

\*\*\* Patebit hoc ex mox dicendis, ubi atheorum utriusque ordinis exempla adferemus, sed ea ratione, ut ab atheis veris falso suspectos discernamus. Cautè nimirum hac in re versandum. Qui enim atheos vere tales excusant, hoc agere videntur, ut securitatem, impunitatemque iis, qui eorum vestigia premunt, concilient, inducendo homines in eam opinionem, frustra aliquem atheismi accusari, cum nulli dentur athei. Rursus tamen, qui viros innocentes in atheorum numerum referunt, non tantum magnam illis inferunt injuriam, sed ipsis atheis rem minime ingratam faciunt, cum illis honorificum valde sit, & ad decipiendos incautos plurimum faciat, si viri ingenio & doctrina praestantissimi, vel inviti in illorum societatem pertrahantur. Laudanda itaque illorum opera, qui hanc calumniam a viris recte sentientibus depellunt, quod peculiari, eaque erudita dissertatione *de athéismi falso suspectis* fecit vir clarissimus, JO. CHRISTOPHORUS WOLFIUS. §. 11.



## §. I I.

Qui ante diluvium in omne se dederunt flagitiorum genus, & hac ratione ultimam orbi primo attraxere perniciem, vita moribusque, nullo se Numinis metu ductos, satis superque testati sunt. Vix autem dubitare licet, quin & nonnulli eo usque infaniae progressi sint, ut nullum se credere Deum ore profiterentur. \*

\* Primi orbis incolas ad atheismum fuisse pronos, & res ipsa docet, & recte observavit JO. DE HISPANIA, in annotationibus ad decalogi præceptum I. operum, quae lingua Germanica prodierunt, pag. 107. Contrarium ex Genes. IV. 25. evinci non posse, jam demonstratum est in histor. ecclesiast. vet. test. period. I. sect. I. ad §. XXXVI & XXXVIII. pag. 155 & 159. Legenda &, quae de atheismo hominum ante-diluvianorum copiose disserit ANTONIUS REISERUS, in dissertat. epistolari ad Theophilum Spizelium, de origine, progressu, & incremento antitheismi seu atheismi, qui & speciatim pag. 26. Cainum primum atheum fuisse existimat. Quod de atheismo theoretico vix probabitur; etsi hominem impium & fratricidam fuisse, satis constet. (2) Colloquium inter Cainum & Abelem, quod in targum Hierosolymitano legitur, eo minus hoc evincet, quia ex zelo pharisaico contra Sadduceos istud confictum esse, constat, ideoque & ceu spurium merito a viris doctis rejicitur. Observare ~~de~~ *de* *capitulum* juvabit, eundem virum doctum ANTONIUM REISERUM, aliosque, voce athei, in latiori subinde significatione uti, multosque ideo inter atheos referre, qui accurate loquendo, inter eos non sunt collocandi.

- (2) Quis quæso Cainum inter Atheos Theoreticos reserret, qui attendit ad narrationem Mosaicam, ex qua heic loci unice sapere licet? Dei alloquio, & sententia judiciali, eaque iustissima & severissima fuit perterritus, postquam sacrificia ipsi obtulerat, sed minus grata Gen. IV: 3, 6, 9. seqq. Attamen, illum, exilio punitum, castigationibus Divinis in melius non mutatum, ac iustitiae non fuisse studiosum, narrat Iosephus Hist. Jud. Lib. I. C. 2. ex traditionibus Veterum; ast exinde nequam exculpere licet, eum inter Atheos fuisse numerandum; neque hoc ex Judae epistola vs. 10. & 11. probabile redditur, ubi per viam Caini potius intelligendae sunt actiones injustae, ex odio aliorum hominum, fratrum instar spectandorum, profluentes.

## §. III.

Ut autem homines facile ab uno extremo ad alterum procurrunt, ita post diluvium superstitio & idololatria universum fere orbem occupavit. In Abrahami vero posteritate, cum primis in gente Israelitica, vera conservata & propagata est religio, atheismo aequae ac superstitioni opposita. Quam cum in scriptis Mosaicis deprehendere luculenter liceat, nihil aliud agunt, quam ut summam stultitiam cum maxima improbitate conjunctam prodant, qui Moſen in Pantheistarum referre numerum non erubescunt. \*

\* Hoc tamen citra ambages JOAN. TOLANDUS asseruit, atheorum, quos nostra aetas tulit, facile impudentissimus, in *originibus judaicis*, ejus *adeisidæmoni* additis, pag. 155. 156. castigatus ideo ex merito a JACOBO FAYO, in *defensione religionis*, nec non *Mosis ac gentis Judaicae*, &c. part. II. cap. IV. p. 194. seqq. itemque ab ELIA HENOIST, dans la *mélange des remarques critiques, historiques, philosophiques, theologiques sur les deux dissertations de M. Tolland*, &c. pag. 250. seqq. Immo non tantum Moſen, aut, si mavis, Scriptorem Pentateuchi, hunc enim subinde a Moſe distinguit, sed & universam fere scripturam sacram pantheismi ream agit, dum hasce loquendi formulas: *ens summe perfectum; alpha & omega; quod principio caret & fine; quod fuit, quod est, quod erit; omne in omnibus; illud, in quo vivimus, movemur ac sumus*, ceu aequivocas, atheismo aequae ac theismo congruere, cum de praesupposita universi aeternitate sint verissimae omnes, stolidè non minus, quam audacter pronuntiat. (3)

- (3) *Licet turpissimus Tolandus plurima habeat in Adeisidæmone, & in Originibus judaicis, quae ab omni ratione sunt alienissima, & sacrae scripturae adversa, hoc tamen in loco, si separatus a reliquis foret, non ea profert, ex quibus, eum inter Pantheistas numerasse Moſen, concludere liceret; cum dicat: qui & ipse (Auctor scil. Pentateuchi) in sententia Pantheistarum fuisse nonnullis videtur propter certas phrasas non probe intellectas, & quod animorum immortalitatis, aut praemiorum & cruciatuum post mortem futurorum nullam fecerit mentionem &c. Neque expressis verbis universam fere scripturam sacram Pantheismi ream agit: adfirmat solummodo, loquendi formulas: ens summe perfectum; alpha & omega, quod principio caret & fine &c. aequivocas*

vocas esse, quae Atheismo acque ac Theismo apprimè congruant, cum de praesupposita universi aeternitate sint verissimae omnes. Et certe, si, more Naturalistis Deistisque consueto, ad corticem verborum unice velimus attendere, & ea cum aliis scripturae locis conferre negligamus, contextum orationis & scopum flocci facientes, omnino iisdem hisce formulis uti potuisset Spinosa & cum Spinosa tota eorum Cohors, qui Deum a rerum universitate non distinguunt, aut seriem causarum & effectuum admittunt in infinitum excurrentem. Verumtamen, si simili modo interpretari & applicare vellemus dicendi formulas in profanis scriptoribus occurrentes, vel injustitiae, vel dementiae accusaremur ab ipsis Deistis.

## §. I V.

Gentem Israeliticam ad superstitionem maxime pronam fuisse, tot scriptorum sacrorum de idololatria Gentilium in ea recepta, & subinde invalescente, totque sanctissimorum vatum hac de re querelae, nos dubitare non sinunt. Fuisse tamen & in ea, qui ad alterum extremum procurrent, & non tantum vita moribusque, sed animi quoque sententia se atheos profiterentur, ex variis Scripturae locis haud difficulter colligitur. \*

\* Cumprimis hoc liquet ex *Psalm XIV. vers. 1. Dixit insipiens in corde suo, non est Deus.* Recte ejusmodi homines insipientes dici, ex infra dicendis patebit. Cum vero non semper, quod cogitant, aperte profiteri audeant, in corde suo hoc dicunt, quamvis aut factis, aut alia ratione animi sententiam satis prodant. Non autem id sibi vult sanctissimus Vates, ac si plane plebique convicti sint, non dari Deum; sed quod hoc sibi quavis ratione persuadere annituntur, & animum ad omnem Numinis sensum extinguendum, renitente licet & reluctante conscientia, obstruunt. (4) Errant itaque, qui ex hisce verbis colligunt, nullam dari notitiam Dei insitam; quod pluribus ostendit ABRAH. CALOVIVS, ad h. l. item *system. theol. tom. II. pag. 35. 77.* add. JOANNES MULLERUS, in *atheismo devicto* pag. 96. AUGUSTUS PREIFFERUS, *dub. vexat. centur. II. loc. XIV. pag. 566. seqq.*

(4) Dissolutioris vitae homines inter Israelitas fuisse, imo inter hosce non paucos esse inventos, qui in corde suo dicerent, hoc est, optarent, non esse Deum, dubitari non potest: exinde tamen inferre non licet, eosdem illos

los animi quoque sententiâ se Atheos fuisse professos: recte hinc dixit Bentlejus de stultitia Atheismi Orat. I. hæc verba Psalmi XIV. intelligenda esse non de iis, qui existentiam Numinis simpliciter, atque omnino negant, sed de illis, qui, cum existere Deum statuunt, a regendis tamen mundi negotiis Eum secludunt, observareque & judicare Facta hominum, eunt inficias. Hoc agnoscere videtur ipse Cl. RUDDEUS; adeoque non satis solide demonstravit id, quod in §. continetur. Quid vero de notitia Dei insita sit judicandum, videbitur infra n. 158.

## §. V.

Interim turpissima iterum est calumnia, aut Salomonem, aut Prophetas, qui post eum vixerunt, talia docuisse, quae atheorum placitis speciem ullam aut colorem conciliare queant, aut ad ea ulla ratione accedant. Idque qui asserunt, aut in re apertissima cocutiunt, aut proterviam calumniandi, causamque desperatam atheorum utcunque adjuvandi studium, luculenter ostendunt. \*

- \* Notandus itaque merito hic nobis venit ANTONIUS COLLINUS, JOANNIS TOLANDI, si non discipulus, certe amicus, qui in libro notissimo, de libertate cogitandi, inter libere cogitantes, quo nomine, si citra ambages dicere velis, quod res est, aut atheos, aut eorum patronos, vel tales, qui, quae proxime ad atheismum accedunt, docent, intelligit, Salomonem pariter ac Prophetas refert pag. 218. seqq. Et Salomonem quidem huc refert, quod mundi aeternam atque animae immortalitatem in dubium vocet, *Kohel. cap. I. vers. 4. 5. 6. 7. 9. III. 18. 19. seqq. VII. 14. IX. 5. & 10.* (5) Prophetas autem, quod cultum externum eo tempore stabilitum summa cum libertate reprehendant, & tantum non ceu meram imposturam rejiciant, etsi a populo pro divinitus instituto haberetur. Qua in re quantopere auctor fallatur, quamvis quilibet facile intelligat, uberius tamen in ipsis recitationibus, seu thesium harum explicatione, ostendemus. Nunc id saltem addimus, nos neuti- quam illi facere injuriam, dum asserimus, eum libere cogitantes atque atheos, ipsumque adeo Salomonem, uno eodemque habere loco. Hoc vel inde patet, quod sententiam, quam Salomoni de aeternitate mundi tribuit, cum Maniliana aeternitatis mundi descriptione plane consentire existimat, quae hisce versibus clauditur:

Non

*Non alium videre patres, aliumve nepotes  
Aspicient; DEUS EST, qui non mutatur in aevum.*

Quibus verbis haud obscure innuere videtur, se non alium, quam mundum, Deum agnoscere. (6) Proxime huc accedere videntur, qui Salomonem scepticis annamierant, contra quos erudite disputat JOANNES ALBERTUS FABRICIUS, *cod. pseudepigrapho vet. test. num. CCIV. pag. 157. seqq.*

- (5) *Observatum fuit ab Eruditis; Salomonem non de incertitudine cognitionis intellectus humani, sed de vanitate voluntatis humanae fuisse locutum; ita ut demonstrare voluerit, omnia, quae in mundo sunt, etsi magnifica & decipiendis humanis desideriis apta, vana esse & inania, ita ut desideria summi boni, quae mentibus nostris insunt, explere, animumque ad veram perpetuamque tranquillitatem perducere nequeant: sic homines ad quaerendum summum bonum incitare potentissimis rationibus studuit; quod vel maxime patebit ex totius operis conclusione Eccles. XII: 15. seq. summa rei est, his omnibus auditis: Deum ipsum reverere & praeccepta Ejus observare, quia hoc est totum hominis: nam omne opus Deus ipse adducet in judicium cum omni re occulta, sive bonum, sive malum; quae verba nec ex homine Sceptico, nec ex Epicuræo provenire potuerunt; ita ut absurdissima sit sententia Collinſii, quando Discours sur la liberté de penser pag. 219. statuit, Salomonem loqui de judicio in hoc mundo, & non in altero; cum sit certissimum, Deum non omnia opera in judicium adducere hisce in terris.*

- (6) *Manilius mundum aeternum statuisse, aut eundem cum Deo consudisse, non adeo liquido ex allato ejus loco apparet, nisi conferatur cum aliis ejusdem Poetae Astronomi dictis. Dubitat quidem de universi origine Lib. I. vers. 120. seqq. sed vers. non tantum 247. seqq. saniora docet, verum etiam vers. 499. seqq. Epicurum impugnat, ex fortuito Atomorum concursu enatum esse hunc mundum, somniantem. Ast licet in hoc loco, qui habetur vs. 529. seqq., constantiam legum naturalium asseruisse videatur, vs. tamen 490. apertius docuerat, mundum ipsum esse Deum, quem canit*

Ac mihi tam praesens ratio non ulla videtur  
Qua pateat mundum divino numine verti,  
Atque ipsum esse Deum.

*conf. de Manilii doctrina Cudworthi Syſt. Intell. pag. 438. seq. ibidemque Moshemius.*

## §. V I.

Ipsa autem Israelitarum doctrina, quam in Mosis aliorumque veteris testamenti scriptorum *Θεοπνεύτων* libris legimus, ut purissima est, & atheorum stultitiae ac impietati e diametro opposita, ita sequiori aetate per philosophematum a gentilibus acceptorum admixtionem, aut alia ratione, eadem ita corrupta & depravata fuit, ut, quae in Kabbalistarum, quos vocant, scriptis, extant asserta, atheorum, speciatim Spinozistarum impietati patrocinari, non sine ratione credantur; certe ceu absfona, erronea, & maximo cum periculo conjuncta, merito rejiciantur. \*

- \* Fallitur itaque maximopere JOANNES GEORGIUS WACHERRUS, dum recentiorum, Judaeorum, seu Kabbalitarum, sententiam de emanatione rerum omnium a prima causa, & retractione in primum ens, quae in turpem naturae *ἀνδρίαν* definit, pro antiquae philosophiae Ebraeorum genuino & principali fundamento venditat, in *elucidario kabbalistico cap. III.* Recentiorum Ebraeorum seu Kabbalistarum commenta, cum vera ac genuina gentis hujus doctrina non esse confundenda, saepius jam monui; praesertim & in *introduc. ad histor. philos. Ebraeor. pag. 325.* Interim cum, tum *eodem in loco*, tum in *dissertat. de Spinozismo ante Spinozam §. XXI.* docui, discrimen aliquod inter Spinozismum & Kabbalistarum doctrinam intercedere, neutiquam id eo comparatum, ac si Kabbalistarum extenuare aut excusare errores velim. Etsi enim vel maxime haec sententia de emanatione rerum creaturarum a Deo, ceu fonte, a Spinozismo differat, est tamen falsa, erronea, absfona, & ita comparata, ut facile ad atheismum ducat. Nec etiam de eo, an Kabbalistarum sententia a Spinozismo differat, cum quoquam magnopere contendere velim, etsi non ignorem, viros eruditissimos hac in re mecum consentire, quos inter etiam est JOANNES CHRISTOPHORUS WOLFIUS, in *dissertatione de atheismi falso suspectis, sect. II. §. IV.*

## §. V I I.

Inter reliquas gentes, & quidem antiquissimas, quarum quaedam ad nos notitia pervenit, eminent Zabii, sive Sabaei,

baei, qui si nonnullis credimus, idololatria, seu superstitione totum repleverunt orientem. Simul vero talia docuisse perhibentur, quae ad Spinozismum quodammodo accederent. Quod licet fidem non plane superet, quia per gentilium idololatriam facili negotio ad pantheismum iri poterat, non tamen pro certo adfirmari potest. \*

- \* Zabios seu Sabaeos talia docuisse, quae ad Spinozae sententiam quodammodo accederent, innuere videtur MOSES MAIMONIDES, *moreh nevochim part. III. cap. XIX.* Hoc jam indicavi, in *differtatione de Spinozismo ante Spinozam*, §. XX. Non autem pro certo hoc ibi adfirmavi, sed dubitanter locutus sum: *Zabiorum forte eodem collimavit sententia, si credendum MOSI MAIMONIDI, &c.* Fieri sane potuit, ut Zabiismus tandem in Spinozismum evaderet. Multi enim veterum per varia, quae apud Gentiles colebantur, idola, nihil aliud, quam partes hujus universi intelligebant. Unde summus ille Deus, qui per partes colebatur, non alius erat, quam *id est nūc, hoc universum*, Quo minus tamen certi quid hac de re statuere liceat, non tantum non adeo clara MAIMONIDIS verba, sed id cumprimis obstat, quod cuncta, quae de Zabiis seu Sabaeis, antiquis scilicet illis, dicuntur, incerta fide auctorum, qui nihil fere certi de iis prodere potuerunt, nitantur. Qua de re ex instituto dictum in *historia ecclesiastica veteris testamenti, period. I. sect. III. ad §. XXII. pag. 417. seqq. (\*)*

- (\*) *De Sabaeorum origine, scriptis, Diis & ritibus prae reliquis videndus est Stanley Hist. Philos. Part. XV. pag. 1168. 1175. quem in plerisque secutus fuit Bruckerus Hist. Crit. Phil. Tom. I. pag. 217. seqq.*

## §. V I I I.

Quod de Zabiis diximus, idem & de Chaldaeis observandum, eos talia docuisse, quae nonnullorum judicio pantheismo favere videntur; nec ab invalescente apud ethnicos summa impietate, cum absurdissima superstitione conjuncta, hoc prorsus alienum esse; caute tamen & hac in re incedendum, ne sine sufficienti ratione atheismus iis tribuatur, quanquam a sententiis eo ducentibus, vel illorum, qui eos defendere annuntur, judicio, absolvi nequeant.

\* Chaldaeos eandem cum Stoicis, mundum ipsum pro Deo habentibus, fovisse sententiam, PHILONIS quodam testimonio comprobatur JUSTUS LIPSIUS, *physiolog. stoic. lib. II. cap. X.* idque ex eodem repeti in *dissertat. de Spinozismo ante Spinozam §. XX. analector. histor. philos. pag. 348.* Excusare tamen Chaldaeos annititur vir doctissimus JOAN. CHRISTOPHORUS WOLFIUS, eo quod ex fragmentis doctrinae Chaldaicae & oraculis, quae sub Zoroastris nomine circumferuntur, pateat, omnino Chaldaeos distinxisse inter principium omnium rerum, & res ipsas, quae ex eo manarint, quod adductis testimoniis quibusdam confirmat. Non magnopere, haec ita se habere, repugnabimus, nec inficiati fuimus, vestigia doctrinae de rerum creatione apud Chaldaeos permanuisse: ipsum saltem Virum doctissimum tandem fateri, observamus, doctrinam de rerum creatione apud Chaldaeos minime incorruptam mansisse: idque vel inde constare, quod, *res omnes ex essentia Dei fluxisse, existimaverint.* Hoc enim, inquit, *volunt variae loquendi rationes, quae in oraculis Zoroastris leguntur, ex quibus tantum provocabimus ad vers. 17. seqq. ubi de principis sermo est:*

Καὶ πρὶν ἡγεῖν τῶν πρῶτων πηγῶν ἀπάντων.  
Μήτηρ ἐνίσχυσεν τὰ πάντα.  
Ἐἶδεν ἄρδην θρόνοναι γένεσις πολυπηκίλης ὕλης.

*Et fons fontium, & fontium terminus omnium,  
Matrix continens omnia;  
Inde affatim exiit origo variae materiae.*

Referamus itaque Chaldaeos inter eos, qui communi gentibus errore, Deum hujus universitatis auctorem ita statuerunt, ut ex eo emanasse is existimetur, l. c. §. IV. Ad minimum itaque Chaldaeorum sententia inter eas referenda, quae ad Spinozismum ducere possunt. Addi his merentur, quae idem Vir doctus de Aegyptiis, l. c. §. VI. commentatur. (7)

- (?) Phurihus docuit Bruckerus *Hist. Crit. Philos. Tom. I. pag. 132. seq.* Chaldaeorum doctrinam ab Atheismi labe esse liberandam; licet nullius ponderis habeat argumentum, quod ex oraculis Chaldaicis peti solet; cum haec sint supposititia; quod & ante eum notaverat Reimannus *Hist. Atheismi Sect. 2. C. 6. §. 2.* Haec certe oracula ab uno eodemque homine proficisci minime potuerunt, cum in iis talia reperiantur, quae manifesto inter se pugnant. Caeteroquin, si unum locum, a reliquis separatam, respicere liceret, recte sensus Oraculorum Zoroastris scriptor *Cap. VII. (apud Stanley Hist. Philos. pag. 1184.)* ὁ πᾶσι τοῖς ἀνθρώποις ταῦτα τὸ θεῖον ἔργον, per se ipse operans Opifex mundum fabricavit.



## §. IX.

A barbaris, quas vocant, gentibus, ad Graecos si trans-  
eamus, primum ORPHEUS se nobis offert, theologiae & reli-  
gionis, seu superstitionis potius, graecanicae, primus praeci-  
puusque auctor. Hic vero τελεταῖς, ritibus, ac ceremoniis,  
quas instituit, sacris, nihil aliud sibi voluisse videtur, quam  
ut sapientiae studium, rerumque naturalium scrutinium hac  
ratione commendaret, & ad alios propagaret, simul tamen  
homines, qui hacce cognitione ad pessima quaeque abuti  
poterant, inde arceret. Nec tamen desunt, qui omnia eo  
tandem rediisse autumant, ut illis, qui ad mysteria capienda  
& propaganda idonei judicabantur, impium & monstruosum  
dogma, naturam ipsam Deum esse, committeretur. \*

\* Non nescio, viros quosdam doctos omnem Spinozismi suspicionem ab  
Orpheo amoliri. Nec is ego sum, qui vel oborto collo aliquem atheo-  
rum cohorti adscribere cupiam. Largior etiam, inter fragmenta Or-  
phica occurrere quaedam, quae nos mitius de eo sentire jubeant. Quic-  
quid autem de ipso Orpheo sit, disciplinam ipsam arcanam Graecorum  
atque πλῆνις eo tandem collimasse, non omni prorsus verosimilitudine  
caret. Idque si ita se habeat, patet, quo pacto infernalis genii fraude  
res toto coelo distantes, summa superstitio & summa impietas, seu  
atheismus, mirabili artificio inter se connecti queant. Conferenda,  
quae de Orpheo dixi in *histor. ecclesiast. vet. testam. period. II. sect. II.*  
§. XVIII. pag. 1003. seqq. (8)

(8) *Mea hic facere liceat aequissima Reimmanni verba in Hist. Atheismi*  
S. 2. C. 16. §. 2. Periculosa plenum opus est aleae, Atheismi cri-  
mine postulare quendam, & postulationis aliam causam non habere,  
quam solam conjecturam. *Equidem, Orphei doctrinam de Deo non*  
*magni fecisse Diogenem Laertium Lib. I. pag. 2. (in Edit. Menagii),*  
*haud ignoro; quam eum ne quidem inter Philosophos numerare voluerit.*  
*Verum, si attendamus ad ea, quae, Pythagoram ab Orpheo didicisse,*  
*refert Jamblicus de vita Pythag. passim, sed praesertim Cap. 28. ne-*  
*quaquam adserere licebit, eum impium commisisse atque monstruosum*  
*dogma, naturam ipsam esse Deum; contrarium etiam evincitur ex locis*  
*Timothei Chronographi, qui brevem disciplinae Orphicae summam pro-*

posuit in Cōsmopoeia sua; reperiuntur collecta apud Cudworth in Syst. Intell. pag. 346. seq. conf. Mosheimius in notis, & Burnet, Archaeol. Philos. L. 1. C. 9. pag. m. 162-186. Edit. Lond. 1733. Neque exceptio Bruckeri in Hist. Crit. Philos. Tom. 1. pag. 387. ac si Timotheus ille fidem mereretur nullam, rem conficere potest; licet enim nonnullorum Veterum verba ad firmanda sua detorserit; in hac tamen parte conspirant Timothei illius dicta cum iis, quae habet Suidas in Voce Ὀρφεύς. Verum, si ex carminibus Orphicis iudicium ferre velimus, ipsum a Systemate emanativo, seu a sententia eorum, qui, omnia ex Deo emanasse, statuunt, non alienum fuisse, concludere liceret; dum tutissimi eunt, qui, vix aliquid circa sententiam Orphei, determinari posse, censent, quippe qui nihil reliquit scriptum, ex quo vel levior conjectura posset formari.

## §. X.

Divinarum naturaliumque rerum scientia apud Graecos tum per poëtas, tum per philosophos, sed diversa ratione propagata est. Illi ex voluntate divina rerum ortum derivantes, indeque Theologi dicti, simulque populi captui se accommodantes, polytheismo patrocinati sunt; \* hi vero ad ipsam naturam attendentes, indeque physici adpellati, magis ad atheismum inclinare nonnullis visi sunt. Saltem, qui primam Ionicae sectae classem constituunt, THALES MILESIUS, ANAXIMANDER & ANAXIMENES, nonnullis valde atheismi suspecti videntur, etsi non desint, qui, eos ab hac accusatione liberari posse, contendunt. \*\*

\* Poëtas Graecorum veteres Theologos dictos constat, aliisque jam saepe observatum est; idque eam maxime ob causam, quod *ἱερόλογος* describerent. Has vero *ἱερόλογος* non ipsi invenerunt, ut HERODOTUS innuere videtur, lib. II. cap. LIII. sed ab orientis populis, speciatim Phoeniciis, eas acceperunt. Qua de re nemo dubitabit, qui legerit, quae ex Sanchuniathone refert EUSEBIUS, praeparat. euangel. libr. I. cap. IX. pag. 31. Quodsi primam originem spectes, probabile, fuisse, antiquissimis temporibus, qui ad imitationem Moysis de prima rerum originum hominumque origine commentarentur, ac genealogias scriberent, quae deinceps in *ἱερόλογος* facile commutari potuerunt. Jungenda, quae hac de re dixi histor. eccles. veter. testam. ad period. II. sect. II. §. XVIII. pag. 986. 987.

\*\* Fue.

\*\* Fuerunt jam pridem, qui sectam Ionicam atheismi ream agerent; cumprimis tamen hoc egit auctor observationis, quae de primo rerum ortu philosophorum Ionicæ sectæ dogmata inter se, & cum dogmatibus præcedentium & sequentium philosophorum Græcorum collata, exhibet, tom. I. observation. Hallens. observat. XXI. pag. 445. Nimirum tres is constituit atheismi gradus. Primum atque supremum illorum, qui, nullum plane Deum esse, contendunt: alterum, qui, Deum quidem esse, fatentur, sed mundum ab eo conditum negant, qualis sit Deus Epicuri; tertium denique, seu infimum illorum, qui, Deum quidem produxisse mundum, concedunt, verum non voluntate sua libere motum, sed necessitate velut naturæ coactum, quam Aristotelis atque Stoicorum fuisse sententiam, existimat. Jam ad Ionicæ sectæ philosophos quod attinet, eos in duas classes dispefcit. Ad priorem Thaletem, Anaximandrum & Anaximenem refert, qui, cum in quibusdam dissentiant, in eo tamen conveniunt, res omnes sua sponte nulla Dei intercedente opera extitisse, adeoque ad secundum gradum atheismi referendi sint. Anaxagoras, Diogenes Apolloniata, & Archelaus, alteram Ionicæ sectæ classem constituunt, quod materiae causam efficientem Deum adjunxerint, adeoque a secundo atheismi gradu liberandi sint, ad tertium tamen referri posse, quod Deum cum materia arctissimo vinculo colligaverint. Haec omnia AUGUSTINI cumprimis auctoritate confirmantur. Repetitque ea PETR. BÆLIUS, *diction. histor. crit. voc. Thales*, p. 2857. ut non tantum calculum adjiciat, sed testimonium contrarium, quod ex Cicerone adferri poterat, removeat. Alii contra Ionicos philosophos, præsertim Thaletem, ab ista atheismi suspitione liberare annuntur, eumque in finem varia ejus adferunt effata, quibus haud obscure Deum mundi auctorem profiteri videtur. Haud ultimum in ea est, quod DIOGENES LAERTIUS inter apophthegmata Thaletis refert: *πρωτότατος τῶν ἑσῶν θεῶν, ἀγέννητος ὁ καλλίστος αἰώνας, οὐρανὸν δὲ καὶ ἧν* Antiquissimum eorum omnium, quae sunt, Deus: ingénitus enim. Pulcherrimum, mundus, a Deo enim factus est; lib. I. sect. XXXV. Addenda, quae pro secta Ionica, speciatim Thalete Milesio, contra atheismi imputationem disputant RUDOLPHUS CUDWORTHUS, *system. intell. libr. I. cap. I. §. XII.* SAM. PARKERUS de Deo & providentia divina, *dissertat. I. sect. V.* JOANNES CHRISTOPHORUS WOLFIUS, de atheismi falso suspectis §. IX. Licet vero Ionici, qui Thaletem secuti sunt, in explicandis rerum naturalium causis, Dei, seu causae efficientis, nullam fecerint mentionem, inde tamen, eos Deum non agnovisse, tuto inferre non licet. Namque & multos recentiorum in rerum naturalium consideratione materiae tantum habere rationem, constat, causae efficientis primæ, seu Dei, nulla injecta mentione, quos tamen ideo inter atheos referre nefas fuerit. Hoc etiam olim monui in *elem. philos. instrum. part. I. cap. IV. §. VI.*

Ibi enim, postquam observaveram, materiae fluidae, sed inerti, mentem praefecisse Anaxagoram, tanquam motus principium, & ordinis quoque omnisque structurae elegantioris auctorem addidi: *Quod tamen non ita capiendum, ac si Thales ceterique Ionici fuerint athei, sed quod inter rerum naturalium causas solam materiem consideraverint.* Consentiant, quae hae de re scripsi, in sapientia veterum, seu dictis illustrioribus septem Graeciae sapientum explicatis, & quidem in ethica Thaletis, §. X. (9) Interim non negandum, systema ejusmodi rerum naturalium, ex quo causa efficiens aut excludatur, aut in quo nulla ejus habeatur ratio, atheismo alendo & promovendo valde accommodatum esse. (10) Quod ex dicendis luculentius patebit. De Anaximandro dubitat SAMUEL PARKERUS, cum, ut materiam quandam immensam rerum initium esse, dixerit, ita aliud quodvis principium admisit, non plane constet; interim eum pariter, ac Anaximenem, eadem ratione, qua Thaletem defendi posse diximus, defendit, *loc. cit. disput. I. sect. VI. pag. 15.* Non desunt tamen, ne quid diffitear, dubitandi rationes. Certe de Anaximene AUGUSTINUS: *omnes rerum causas infinito aëri dedit, nec Deos negavit aut tacuit; non tamen ab ipsis aërem factum, sed ipsos ex aëre ortos credidit. de civitat. Dei libr. VIII. cap. II.* Quales vero illi Dii, qui ex aëre facti sunt? Diogenes vero Apolloniates, Anaximenis discipulus, teste eodem AUGUSTINO, *loc. cit. aërem quidem dixit, rerum esse materiam, de qua omnia fierent, sed eum esse compotem divinae rationis, sine qua nihil ex eo fieri posset.* Quo ipso innuere videtur, aërem ipsum esse Deum. Ita certe mentem Diogenis expressit CICERO: *Quid? aër quo Diogenes Apolloniates utitur Deo, quem sensum habere potest, aut quam formam Dei? de natura deor. lib. I. pag. 46. add. MINUTIUS FELIX, in Octavia, cap. XIX. pag. m. 61. Jungenda, quae de hocce philosopho disputat PETRUS BAEIUS, diction. histor. crit. voc. Diogenes Apolloniates, pag. 1054.* Ad Anaxagoram quod attinet, eum primum materiae mentem adjecisse, auctor est DIOGENES LAERTIUS, lib. II. sect. VI. pag. m. 82. Idemque praeter alios confirmat CICERO: *Anaxagoras, qui accepit ab Anaximene disciplinam, primus omnium rerum descriptionem, & modum mentis infinitae vi ac ratione designari & conscribi voluit; de natura Deor. lib. I. add. SAM. PARKERUS, loc. cit. pag. 17. 18.* Nec id negat auctor observationis antea laudatae, adeoque Anaxagoram ejusque successores ab atheismo secundi generis absolvit; eos vero mentem cum materia indissolubili vinculo conjunxisse, contendit. Id vero probari posse, abnuunt alii. Certe loca veterum in contrarium adduxit vir clarissimus JOAN. CHRISTOPHORUS WOLFIIUS, *loc. cit. §. X. Jungenda, quae de hocce philosopho disputat PETRUS BAEIUS, diction. histor. crit. voc. Anaxagoras, lit. D. & E. pag. 228. seqq. item lit. K. pag. 224.* Hinc verò &, quid de reliquis Ionicae sectae philosophis censendum sit, patet.

- (9) *Nescio, quae prurigo Atheorum catalogum amplificandi Thaletem inter Atheos referre sustinuerit; cum unice ex Historiarum monumentis sapere liceat: locus autem Laertii Diogenis, quem ipse adducit Cl. Auctor, eum ab ista suspitione possit liberare: & quomodo, quae?o! Atheismi infimulabitur, qui (secundum Valerium Maximum Lib. VII. C. II. num. 8. Extern.) interrogatus, an facta hominum Deos fallerent? nec cogitata, inquit: eadem fere refert Diogenes Laërtius l. c. Licet vero Philosophi Gentiles praesertim antiquissimi non ubique sanas ac cohaerentes de Deo foverint opiniones, id equidem mirari aut aegre ferre non licet; cum a fulgentiori Revelationis lumine fuerint destituti, cui nos maximam partem debemus saniora nostra Theologiae Naturalis systemata: quod semel monuisse sufficiat. conf. Reimmannus Hist. Ath. S. II. C. XIX. §. II. Bayle Dict. Crit. in V. Thales lis. A. & praesertim Bruckerus l. c. Tom. 1. pag. 467. seq. Moshemius ad Cudworthi syst. Int. pag. 122. seq.*
- (10) *Causam mundi efficientem non exclusisse Thaletem, liquere potest ex Cicerone de Nat. Deor. Lib. 1. Cap. 10. Thales enim Milesius, inquit, qui primus de talibus (alii legunt naturalibus) rebus quaesivit, aquam dixit esse initium rerum; Deum autem eam mentem, quae ex aqua cuncta fingeret.*

## §. XI.

Ex Ionica schola prodiit SOCRATES, novam tamen melioremque faciem philosophiae inducens. Missis enim vanis speculationibus, vitam potius ad rectae rationis ductum componere, veraeque litare sapientiae mortales docuit. Ut autem aliorum vitia libere reprehendendo, malevolorum odia evitare non potuit, ita rejecta ab eo superstitio, *πρόφασιν* atheismi crimen ei objiciendi illis praebuit, \* a quo tamen non minus, ac a superstitione, eum alienum fuisse, fatis constat. \*\*

\* Inter capita enim accusationis, a Melito contra Socratem prolata, hoc quoque fuit: Ἀδικῶν Σωκράτης, ὅς ποτ' ἢ πάλιν νομίζει θῆες, ἢ νομίζων, ἐνέγει δ' ἀντὶ τούτων εἰσαγγέλλεται. Fura violat Socrates, quos ex majorem instituto suscepit civitas, Deos esse, negans, alia vero nova daemonia inducens; apud DIOGENEM LAERTIUM, lib. II. sect. XL. pag. m. 104. conf. & XENOPHON, memorabil. Socratis lib. I. cap. I. Licet autem, quantum ex hacce accusationis formula patet, non tam negati Dei, quam mutatae

tatae religionis reus ageretur, hoc tam apud homines imperitos & coeco zelo furentes, satis erat, ut pro atheo haberetur. Eum autem non fuisse atheum, satis patet ex iis, quae XENOPHON, l. c. disserit, ex quibus etiam intelligitur, eum rectius de Deo, quam & plebejos, & multos Philosophorum, sensitse. Ad Philosophos namque pertinet, quod *ibid.* num. XI. pag. 5. dicitur: ἡ δὲ φύσις τῶν πάντων φύσις, ἣν καὶ ἄλλοι ἐκ πολλῶν διδράχον, σοφῶς ὅπως ἐκλήρουτο· ἡ δὲ σοφιστὴν λέγουσιν· ἵψου, ἢ πῶς ἀνθρώποις ἴσμεν γίνεσθαι τὴν φύσιν; ἀλλὰ οὐ τὰς φρονήζοντας τὰ πινυμένα μαθησιαστας ἰσχυρίζεσθαι. Nec enim de rerum omnium natura sic differebat, uti complures alii, nimirum considerans, quo pacto is, qui a professoribus sapientiae mundus appellatur, ortus sit: quibusque de causis necessariis, singulae res coelestes fiant. Imo eos, qui his rebus occuparentur, fatuos esse, demonstrabat. Lectu etiam digna sunt, quae num. XIX. pag. 9. adferre, ubi docet, plerosque putare, Deos quaedam scire, quaedam nescire, at Socratem arbitratum, Deos omnia, quae vel dicerentur, vel agerentur, vel clam deliberarentur, scire, eosdem ubique adesse, ac de rebus humanis omnia hominibus significare. Haec vero Socratis sententia, quae ab atheismo aequae ac superstitione cum liberat, cum antiquis ecclesiae doctoribus perfecta esset, parum absuit, quin, eum Christianum fuisse, asserrent, certe non majori jure, quam Christianos, atheismi accusatum, contenderunt. Nota sunt ista JUSTINI martyris: οἱ μὲν λόγου βιάσονται, χειρασσοῖ δὲ οὐκ, καὶ οὕτως ἐννομεῖσθαι διὰ τὸ ἔχειν μὴ Σοκράτους ἢ Ἡρακλείτου, ἢ οἱ μὲν αὐτοῖς. Quicumque cum ratione vixerunt, christiani sunt, quamvis athei habiti sint, quales inter Graecos fuere Socrates & Heraclitus, atque iis similes; *apol. I. pro christianis, pag. 91. edit. JOAN. ERNESTI GRANIL.* Jungenda & quae idem habet *apol. II. §. XI. pag. 26. seqq. & cohort. ad Graecos §. XIX. pag. 85.*

\* Quam alienus a superstitione fuerit Socrates, tum tota vita ejus, tum ipsa adversariorum ejus accusatio satis superque testatur. Nec contrarium ex iis, quae de Genio suo dixit, evinci potest. Sive enim hoc nomine ipsam animam vel mentem Socratis, quae quorundam est sententia, sive, quod fere probabilius, angelum quendam bonum intelligas, nihil in eo deprehenditur, ut jure superstitionis argui queat. (11) *Legenda autem hac de re erudita GOTTFRIEDI OLEARII dissertatio, de genio Socratis, THOMAE STANLEY, historiae philosophicae inserta, part. III. cap. VI. pag. 130. seqq.*

- (11) *Ab Atheismi crimine facile absolvitur Socrates, ab omni superstitione difficulter; ut taceam enim ejus Genium, (de quo elegans habetur Olearii Dissertatio, Auctori laudata, quae inserta est Stanley Historiae Philos. T. I. p. 130. seqq. vide Plutarchi de genio Socratis oper. T. 2. pag. m. 575. seqq.) moribundus jussit, ut Aesculapio Gallus offer.*

offerretur, vel (quemadmodum loquitur Lactantius de falsa sapientia Cap. 20.) ut Aesculapio Gallum, quem voverat, pro se sacrent. vid. Plato in *Phaedon*. in fine. Neque eo nomine excusari potest, acsi hoc ipsum ab amicis exigens veneni efficaciam delirasset; cum Plato id ipsum notare non neglexisset, nec Crito respondisset: fiet, quod jubes; sed vide, num quid aliud velis, manifesto satis supponens, Socratem mente esse integra.

## §. XII.

Priusquam de Philotophis, qui ex Socratis schola prodierunt, novasque condiderunt sectas, dicamus, commemorandus nobis est CRITIAS, degener Socratis discipulus, ingratus injuriusque in patriam, & inter triginta tyrannos, qui Athenis, a Lyfandro Lacedaemoniorum duce subjugatis imperarunt, pessimus. \* Hic enim inter eos referri solet, qui aperte & citra ambages Numinis existentiam negarunt; \*\* quod & a protervia hominis, summaque iniquitate, non alienum est.

\* Vid. PHILOSTRATUS, in *vitis Sophistar*. lib. I. num. XVI. pag. m. 501. Fuerunt, qui Socrati vitio verterent, quod ex schola ejus prodissent Critias & Alcibiades. Sed defendit eum XENOPHON, de *factis & dictis Socratis* lib. I. pag. 415. seqq.

\*\* Testis hujus rei est SEXTUS EMPIRICUS: Οὗτος δὲ ἐν τοῖς πολλοῖς φασὶν εἶναι τοὺς ἐν αἰσῶνι ἄνθρωποις ἀπὸ Διαγόρου, ἢ Μελίτου, ἢ Θεόδωρου, ἢ Κερκυραίου ἢ Ἀθηναίων; plerique hominum Deos esse credunt, nonnulli autem, ut Diagoras Melietus, & Theodorus, & Critias Atheniensis, non credunt; Pyrrhoniæ. *hypotypos*. lib. III. pag. 155. Prolixius integrum velut Critiæ systema idem exhibet, *advers. mathemat.* pag. 318. quod ex eodem repetit, & varia de eo observat, reliqua simul de Critia memoratu digna exhibens PETRUS BÆLIUS, *diction. histor. crit.* v. Critias, pag. 982. seqq. (12)

(12) Dicebat Critias (secundum Sextum Empiricum. *Adversus Physicos* Num. 54. in Edit. Fabræii) quod antiqui legislatores finxerint Deum, inspectorem rerum, quæ bene & male sunt ab hominibus, ut nemo proximum suum clanculum injuria adficiat, cavens ne a Deo puniatur; adjicit dein ipsa ejus verba ligato sermone enuntiatis 3

C 2

VERUM

*verum de controversia, quam hi versus excitarunt, (cum a Plutarcho de Plac. Philos. Lib. 1. Cap. 7. pag. m. 880. Euripidi tribuantur), agere supervacuum duco; quia satis fuse de illa differuerunt Fabricius in Not. ad Sexti locum pag. 562. & ante eum ab Auctore laudatus Bailius Dict. Crit. in V. Critias. conf. Cl. Auctor ad §. XX. hujus Capituli.*

## §. X I I I.

De PLATONE, qui primum praecipuumque inter Socratis discipulos locum tenuit, diversa extant eruditorum hominum judicia. A nonnullis namque enthusiasmi & superstitionis arguitur, \* ab aliis vero atheismi, speciatim Spinozismi. \*\* Sunt contra, qui eum omnino, quae christianae religioni consentanea sint, docuisse perhibent. \*\*\* Id certum est, ab atheismo alienum fuisse; placita autem ejus, seu dogmata philosophiae Platonicae, non uno omnia habenda sunt loco. \*

\* Praeter alios hoc ex instituto egit EHREGOTT DANIEL COLBERGIUS, in *Christianismo Hermetico Platonico*, cap. 1. §. III. pag. 8. quem & alii secuti sunt. Jesuita quoque doctissimus P. BALTUS polytheismum & superstitionem Platoni multis exprobat, quanquam simul fateatur, cum veri Dei notitia imbutum fuisse, sive ab Ebraeis eam acceperit, sive rationis rectae usu assecutus sit, dans la *défense de SS. Peres accusez des Platonisme* libr. III. pag. 244. seqq. Nonnulla tamen pro defensione Platonis moneri possent; hoc vero cum instituti ratio nec requiratur, nec patiatur, id saltem addere liceat, Patribus jam observatum, Platonem, etsi de Deo recte sentientem, exemplo Socratis tamen deteritum, de diis ita subinde locutum, ne a recepta apud Ethnicos sententia discedere videretur. Lectu digna sunt, quae hanc in rem dixerit JUSTINUS martyr, *cohortat. ad Graecos*. §. XIX. pag. 85. ex editione MUTHINI.

\*\* Ita auctor doctissimus otiorum, anno M DCC VI lingua germanica editorum, *part. II. cap. III. pag. 86.* hoc praecipue argumento nixus, quod Deus ex mente Platonis cum materia conjungatur, quod etsi libere fiat, non tamen ideo Spinozismi suspicionem eum effugere.

\*\*\* Plu-



\*\*\* Plures tum inter veteres, tum inter recentiores fuisse, qui consensum Platonis cum doctrina christiana demonstrare aggressi sunt, constat. Dixi ipse olim aliquid hac de re, in observatione de *conciliatione philosophorum cum scriptura sacra*, quae extat *observation. Hallenf. tom. III. num. XIII. §. III. IV. pag. 235. seqq.* Jungendi de eodem argumento auctores laudati JOANNI ALBERTO FABRICIO, viro doctissimo, *biblioth. graecae lib. III. c. I. p. 39.* Quantopere autem conciliatores isti fallantur, alibi ostenditur. (13)

(13) *Eousque progressa est quorundam audacia, ut statuerint, CHRISTUM, ex inferno reducem, secum tulisse Platonem, atque in coelum everxisse, Vid. Acta Philosophorum Part. XIII. pag. 245. seqq.*

\* Ab atheismo alienum fuisse, tot praeclara ejus, quae passim extant, de Deo effata vix quenquam dubitare sinunt. Ad argumentum autem, a Viro doctissimo, anteaque jam laudato, allatum, quod attinet, non quaelibet, sed necessaria mentis cum materia conjunctio ad Spinozismum ducit. Si enim Deus libere ad mundum ex materia creandum accessit, distinctus sane & separatus a materia fuit, nec una substantia est, ut SPINOZA vult, sed duae, distinctae prorsus, atque a se invicem separatae. Praeterea vero, quod ipse Vir doctissimus fateatur, Deum libere, sine necessitate, ex Platonis mente, ad materiam accessisse, ita eundem Platonem Deum pro principio a materia distincto & prorsus separato habuisse, veterum testimoniis comprobatur JO. CHRISTOPHORUS WOLFIUS, de *atheismi falso suspectis*, §. XII. pag. 37. seqq. qui & in *Manichaeismo ante Manichaeos*, sect. II. §. XXXIV. pag. 142. seqq. erudite Platonis causam egit, ubi & ostendit, quo sensu Deus a Platone in *Parmenide* *ἄνθρωπος*, dicatur. Jungenda, quae non minus erudite hac de re disserit JAC. THOMASIVS, de *exult. mundi stoica*, *dissertat. II. §. X. dissert. XIV.* & quae nos diximus, in *dissert. de Spinozismo ante Spinozam*, §. XIII. XIV. Interim, etsi ab atheismi suspitione liberari queat Plato, non tamen ideo omnia ejus asserta probanda sunt; quaedam enim ad entusiasmum ducere, negari nequit. (14)

(14) *Licet Platoni summa inferatur injuria, si inter Atheos numeretur, diffiteri tamen non licet, eum adeo obscure de creatione hujus Universi ex nihilo differuisse, ut, mundum ex praeexistente materia a Deo productum, statuisse videatur; cum ipsam materiam exstitisse docuerit, priusquam omnia fierent. Vid. Bruckerus Hist. Crit. Phil. Tom. I. pag. 676. seqq. & praesertim Moshemii Dissertatio de Creatione ex Nihilo §. XV, quae inserta Cudworthi Syst. Intell. pag. 973. seqq. qui duo Platonem inter illos censere recusant, qui, mundum ex nihilo creatum esse, existimant; neque sic dissentiant a Laertio Diogene in Vita Platonis*

*Lib. 3. pag. m. 85. seq. in Edit. Menagii, cujus observationes sunt consulendae pag. 97. Platonem vero immortalitatem animorum quidem docuisse, eandem tamen non credidisse demonstrare allaboravit Warburton Goddelyke zendinge van Moses 2de Deel. pag. 220. enz. (qui recte in plerisque refutatur ab eruditissimo Geddes an Essay on the composition and manner of writing of the Antients, particularly Plato pag. 148. seqq.) Male saltem Ill. Warburton, ut suum assertum probaret, provocat ad Strabonem Geogr. Lib. 15. pag. 1040. in Edit. Almeloventii, cum Geographus minime adfirmet, Platonem non credidisse animorum immortalitatem, sed monstrat, se illam numerare inter Fabulas: dicit enim de Brachmanis: ὅτι πάλαι διὰ τὸ μύθος, ὅτι καὶ Πλάτων ὡς πρὸς ἀθανάτων, καὶ τὸ πρὸς ἀθανάτων, &c. contexere etiam Fabulas, quemadmodum Plato, de immortalitate animae, & de judiciis apud inferos, &c.*

### §. X I V.

Qui Platonis scholam continuarunt, cum de certa rerum cognitione non unum idemque sentirent, in diversas abierunt classes. Qui primam academiam constituerunt, ut XENOCRATES, POLEMO, & reliqui, de multis quidem rebus in utramque disputabant partem, in multis tamen etiam certi quid definebant. \* At, qui secundae academiae auctor fuit, ARCESILAS, eo usque progressus est, si nonnullis credimus, ut, nihil omnino comprehendendi aut sciri posse, doceret; \*\* quod &, qui eum secuti sunt, LACYDES Cyrenaeus, TELOCLES, & reliqui fecerunt. CARNEADES Cyrenaeus, tertiae academiae conditor, in rebus ipsis verum quidem admittebat, at negabat, in nobis esse facultatem illud cognoscendi, probabilia interim multa esse, concedens, quod eodem tandem redibat. \*\*\* Haec autem secundae & tertiae academiae dogmata recta ad atheismum ducere, nemo non intelligit; \* unde & nonnullis, speciatim CARNEADI, \*\* ejusque discipulo CLITOMACNO, \*\*\* eum objectum fuisse, non est, ut quis miretur. De PYRRHONE, ejusque sectatoribus, quos Scepticos dicere moris est, idem sentiendum. \*

\* Hanc

\* Hanc Platonis, quem & prima academia secuta est, sententiam ita exprimit DIOGENES LAERTIUS: ὁ πλάτων εἰς μὲν οὐκ ἐκτρέφειν, ἀποφαινομένη, πρὶν δὲ ψαύειν διελύχον, αἰεὶ δὲ ἢ ἀδύνατον ἵσταν; Plato quae percepit, asserit; at falsa diluit; de incertis definire supersedet, lib. III. sect. LII. add. GERH. JOANNES VOSSIUS, de philosoph. sectis, cap. XII. §. XXIII.

\*\* Primus hic mediam innoxit academiam, ἱσχυρῶς πρὸς ἀποφάνους ἀφ' οὗ ἰσχυροτάτως ἢ λέγον, adfensum continens propter sermonum contrarietates, ut loquitur DIOGENES LAERTIUS, lib. IV. sect. XXVIII. CICERO in libro de oratore ita de eo loquitur: Arcefilas primum, qui Polemonem audierat, ex variis Platonis libris sermonibusque Socraticis hoc maxime arripuit, nihil esse certi, quod aut sensibus aut animo percipi possit, &c. Unde & POMPONIO MELAE, nihil affirmantis academiae clarissimus antistes, audit, lib. I. cap. XVIII. add. EUSEBIUS, praepar. evang. lib. XIV. cap. II. AEGIDIUS MENAGIUS, ad Diogen. Laërt. loc. cit. GERHARDUS JOANNES VOSSIUS, loc. cit. cap. XIII. §. II.

\*\*\* Discrimen, quod inter Arcefilam & Carneadem, seu secundam & tertiam academiam intercessisse, nonnulli putant, duobus absolvitur capitibus: primo namque Arcefilas in rebus ipsis nullam esse veritatem, dixisse perhibetur, cum Carneades contra fateretur, aliquid verum aut falsum esse, sed negaret, esse in nobis κριτήριον sive artem judicandi, verumque a falso discernendi. Deinde, cum Carneades assensum cohiberet ob rei incertum, non tamen negaret, aliquid probabile esse, aut contra, Arcefilas horum nihil admittebat, vid. GERH. JOAN. VOSSIUS, l. c. cap. XIV. §. II. III. CICERONIS loca, ex quibus hocce, quod inter Arcefilam & Carneadem intercedere discrimen dicitur, probari solet, adfert PETRUS BAEIUS, dict. hist. crit. voc. Carneades, lit. B. p. 810. qui tamen in eo totus est, ut evincat, Carneadem idem prorsus cum Arcefila sensisse, cum revera apud eum cuncta eo tandem redierint, nihil plane certi esse. Interdum equidem eum praese tulisse, ac si probabilitatem admitteret, sed hoc eum saltem in finem fecisse, ut adversariorum objectionibus, quibus academicos risui exponere annitebantur, eo facilius occurrere posset. Digna haec sunt, quae accuratius expendantur.

\* Certe inter eum, qui, Deum esse, diserte negat, & qui omnia, adeoque & hoc, quod Deus sit, incerta adfirmat, aut nullum aut exiguum admodum discrimen intercedit. Quaesitus enim, an Deus sit? non aliter respondebit, quam: non liquet. Sed hac de re in sequentibus erit dicendi locus.

\*\* Inter

\*\* Inter eos, quibus atheismus obiectus fuit, & Carneadem, & discipulum ejus Clitomachum refert vir clarissimus, JO. ALBERTUS FABRICIUS, *biblioth. graec. lib. II. cap. XXXIII. pag. 817.* Nec sine omni id fieri ratione, ex dictis patet. Qui uno die justitiam laudavit, sed altero eam non minori facundia evertit, ad idem de Deo faciendum aequè promptum paratumque fuisse, ut credamus, par est. CICERO equidem, cum, quae contra Stoicorum de religione placita Carneades disputasset, retulisset, addit: *Haec Carneades agebat, non ut deos tolleretur, quid enim philosopho minus conveniens? Sed ut, Stoicos nihil de diis explicare, convinceret; de natura deor. lib. III. pag. 625.* Non tantum autem Stoicos haec argumenta feriebant, sed omnem Gentilium religionem penitus evertabant. Et hætenus quidem bene. Fateor etiam, nihil minus Philosopho esse conveniens, quam deos tollere: sed inde, Carneadem id non fecisse, nondum sequitur. Profecto, cui omnia incerta sunt, illi nec, Deum existere, certum esse potest.

\*\*\* Clitomachus, Diogneti filius, Carthaginiensis, patria lingua Asdrubal dictus, in qua & apud suos philosophari conlueverat, ut auctor est DIOGENES LAERTIUS *libr. IV. sect. LXVII.* Carneadis discipulus fuit, & in Atheniensi schola successor, scriptique ultra cccc volumina, in quibus magistri sui potissimum dogmata illustravit. (15) CICERO, qui subinde ejus meminit, eum quatuor libros *de iis*, scripsisse, testatur: *A Clitomacho sumam, qui usque ad senectutem cum Carneade fuit, homo & acutus, ut Poenus, & valde studiosus, ac diligens, & quatuor ejus libri sunt de sustinendis assensionibus, &c. in Lucullo. Legendus & de illo EUSEBIUS, praeparat. euangel. libr. XIV. cap. II.* Cum magistri in omnibus vestigia praeferit, quae de Deo ejusque cultu sententia ejus fuerit, facile intelligitur. Atheismum ei diserte objicit THEOPHILUS Antiochenus, *libr. III. ad Autolycum, p. m. 120.* Nec id sine omni ratione fieri, tum ex hætenus dictis constat, tum & THOMAS REINESIUS confirmat, qui de hoc THEOPHILI loco verba faciens, diu, inquit, hæsi, num fuisset in eadem hæresi, donec sortitam ejus argumentationem, qua, nihil esse deos, mirifice conficit, in Sexti Empirici commentariorum adversus mathematicos octavo, edit. lat. Paris. fol. 282. reperirem; eamque ipsam Theophilus h. l. innuit, laboriosum impietatis & vanitatis opus, collectionem admiratus. var. lection. libr. III. cap. VI. pag. 446.

- (15) Clitomachi placita illustrare quodammodo possunt doctrinam Carneadis, ipsius Praeceptoris, cujus objectiones colligit contra doctrinam Stoicorum de Deo, tradente Sexto Empirico *adv. Physicos L. IX. num. 140. seqq. praesertim Num. 182. seq. Conclusio fere omnium rationum, quae sic satis frigidae sunt, haec est: dicendum ergo, non esse Deum.*

Verum

*Verum ipse Carneades nihil scripsisse videtur; adeoque, quid de Deo ipse senserit, dijudicari nequit; & certe parum de eo sumus solliciti, ubi non agitur de amplificando Atheorum catalogo; conf. ea, quae dixi ad §. IX. hujus Capituli.*

\* *Vetus quaestio, inquit AULUS GELLIUS, & a multis scriptoribus Graecis tractata est, in quid & quantum Pyrrhonicos & Academicos philosophos intersit. Utrique enim αἰσχυροί, ἰσχυροί, ἀσχυροί dicuntur; quoniam utrique nihil adfirmant, nihilque comprehendi putant, &c. Noct. Atticar. lib. XI. cap. V. pag. 265. Quodsi Ascanio Abderitae credimus, nullum revera inter Pyrrhonios & Academicos intercessit discrimen. Auctor hujus rei est DIOGENES LAERTIUS: γαιὰ τοὺς δασκὸς φιλοσοφίῃ τὸ ἴδιον λαβίνας ἐν ἑκτέρῃ εἰς αἰσχυροὺς, ὡς Ἀσχυροὺς ἢ Ἀσχεῖτας φασί; Nobilissime philosophiam tractasse videtur, commentus multum, quo de omnibus nihil diceret, neque quidquam comprehendi posse diceret, ut Ascanius Abderites auctor est, libr. IX. sect. LXI. Alii tamen discrimen aliquod sibi invenisse visi sunt, asserentes, Pyrrhonicos non negasse, aliquid comprehendi posse, interim judicium de omnibus suspendisse, adeo ut nec illud, nihil esse incomprehensibile, affirmare sustinuerint. Atque hoc etiam AULUS GELLIUS innuit. Cum enim in reliquis eos convenire docuisset, discrimen, quod inter eos intercedit, ita exponit: Quum haec consimiliter tam Pyrrhonii dicant, quam Academici, differre tamen inter sese, & propter alia quaedam, & vel maxime propterea existimati sunt, quod Academici quidem, ipsum illud nihil posse comprehendi quasi comprehendunt, & nihil posse decerni, quasi decernunt: Pyrrhonii ne id quidem ullo pacto videri verum dicunt, quod nihil esse verum videtur. (16)*

(16) *Aliae etiam differentiae inter Scepticos, seu Pyrrhonios & inter Academicos recensentur apud Bruckerum Hist. Crit. Phil. Tom. I. pag. 133. seq. verum haec pertinent ad Historiam Philosophiae antiquae, nequaquam vero ad Catalogum eorum, qui Atheismi fuere accusati.*

## §. X V.

Referrī etiam ad Atheos solet ARISTOTELES. \* Certe, quae de Deo, ejusque cum materia nexu necessario, mundi quoque aeternitate, docet, ejusmodi philosophiae systema exhibent, quod cum atheismo consistere queat. \*\* A Spinozismo diversam ejus sententiam fuisse, nonnulli existimant, quia duas

D

sub-

substantias, etsi necessario vinculo inter se conjunctas, agnovit, aliis tamen & hunc recte illi tribui, contendentibus. \*\*\* Interim, in magno errore cos versatos esse, patet, qui Aristotelis cum Scriptura Sacra consensum demonstrare aggressi sunt. \*

\* De atheismo Aristotelis extat peculiaris liber VALERIANI MAGNI, anno M DC XI.VII editus. SAMUEL PARKERUS eum *atheorum omnium principem*, atque ipso Epicuro apertiore religionis hostem, pronuntiat, de Deo & providentia divina disputat. I. sect. XXIV. pag. 65. idque deinceps fusius demonstrat disputat. IV. sect. III. seqq. pag. 355. seqq. GUIL. POSTELLI verba, quibus atheismum Aristoteli exprobrat, refert JO. LAUNOIUS, de varia Aristotelis in academia Parisiensi fortuna, cap. XIV. pag. 155. apud quem & aliorum, de Aristotele non adeo praeclare sententium, judicia legi possunt. Sed idem quoque ex instituto sibi evincendum summis auctor observationis X. tom. VIII. *observation. Hallens. pag. 209. seqq.* (17) Sunt equidem, qui pietatem Aristotelis nimis evchunt, eumque tantum non pro homine sancto, Deoque admodum grato, venditant. Utrorumque sententias cum recensuisset vir doctissimus, JOANNES ALBERTUS FABRICIUS, suam hac de re *inimici* hunc in modum subjungit: *Mihi quidem non videtur temere inter atheos rejiciendus esse Aristoteles; etsi mundum aeternum à Deo naturaliter emanasse sensit, etsi multos docuit graves atque maximos errores, quorum vim si omnem penetrasset, vel consecutiones universas fuisset amplexus, in aditum forte potuisset incidere, vel saltem perinde omni se exolvere religione, ut Epicurus fecit. Neque disputo, quali ipse fuerit animo erga Deum, vel num omnem ejus conscientiam amoremque mente eliminaverit, in cujus operibus contemplandis per omnem fere vitam tam assidue fuit versatus. Hoc saltem adfirmo, ex scriptis Aristotelis, qualia hodie extant, hoc neutiquam constare, nec posse firmiter concludi, Aristotelem fuisse Atheum, neque adeo Hippocratem ex scriptis &c. Nam quod non plura de Deo dixerit uterque, ferendum in Philosophis, qui rationes proximas rerum naturalium exponere volebant, non ad causam primam, quam praeponabant, tanquam ad aram semper confugere &c. biblioth. graec. lib. III cap. VI. pag. 177. Quod moderatum Viri summi judicium uti neutiquam displicet; ita id, puto, haud difficulter concedet, ipsum philosophiae, quod Aristoteles constituit, systema, ita comparatum esse, ut quilibet Atheus hoc admittere queat. Hoc & ex mox dicendis patebit. Jungenda, quae nuper hanc in rem disseruit JENKINUS THOMASTIUS, in historia philosophica de atheismo cap. II. pag. 48. seqq.*

- (17) Aristotelem inter Atheos primi ordinis referri non posse, haud difficulter ex ipsius scriptis demonstratur, cum variis in locis Deum ab Universo, vel mundo distinguat; imo totum mundum omniaque, quae in eo reperiuntur, ei subiciat: loca a Fabricio collecta in Bibl. Graec. Tom. II. p. 177. memorare supervacuum esset. conf. ipsius Delectus Argumentorum pro veritate Relig. Christ. pag. 307. Jonlius de Scripturis Hist. Philos. pag. 9.

\*\* Summa sententiae Aristotelicae de Deo huc redit: mundum aeternum esse, adeoque nec initium habuisse, nec habere finem; eum a Deo necessario productum, qui cum eo non equidem per modum formae informantis, sed assistentis, vinculo prorsus necessario sit conjunctus; cumque variae sint sphaerae coelestes, quae ab intelligentiis moveantur, Deum coelo supremo praesidere, seu intelligentiam primam atque motorem primum esse, cui adeo cura sit primi mobilis, quod Veteribus est orbis stellarum fixarum, seu octava sphaera; secundorum autem mobilium, hoc est, orbium, in quibus planetae septem volvuntur, intelligentias secundas curam gerere; unde & sequitur, primum illum motorem, quem Aristoteles Deum vocat, rerum sublunarium nullam curam gerere. Genuinam hanc esse Aristotelis sententiam, luculenter demonstravit B. JACOBUS THOMASIVS, de *exustione mundi stoica* dissert. II. §. XI. XVII. dissert. IV. §. I. cum primis autem dissert. XIV. §. CXXXIX. seqq. pag. 210. seqq. add. SAM. PARKERUS, loc. cit. disputat. IV. sect. III. seqq. pag. 355. seqq. (18) itemque MICHAEL MOURGUES, qui mentem Aristotelis accurate exhibet, dans le Plan theologique du Pythagorisme, &c. tom. I. epist. II. pag. 75. seqq. ut & observatio decima tomi VIII. observation. Hallens. §. XIII. p. 237. nec non, quae diximus, in dissert. de Spinozismo ante Spinozam §. XV. Haec autem Aristotelis doctrina an procul ab atheismo absit? aliis dijudicandum relinquo. Bene, ni fallor, de mente Aristotelis judicavit B. LUTHERUS, apud VITUM LUDOVICUM SECKENDORFIUM, histor. Lutheranismi libr. III. §. LXXXI. num. XVII. pag. 304. Aristoteles in eam fere delabitur sententiam, ut, etsi Deum non appellet stultum, tamen ignarum rerum omnium statuatur, qui nihil negotiorum nostrorum intelligat, & videat, nihil consideret, praeter se ipsum, & tantum consideret in speculatione sui ipsius. Hoc autem etsi non est stultitiam tribuere, tamen certe est adimere scientiam, & constituere ignarum rerum humanarum. Recteque addit: Sed quid ad nos talis Deus, aut quis ejus est usus.

- (18) Nimium acriter in Aristotelem invehitur Parkerus l. c. pag. 156. quando perhibet, illum, cum, teterrimam impietatis rationem in animo habuisse se, noverit, in alios ea causa, quos insontes esse sciebat, magno animi ardore exarsisse simulasse, addens, quia quidem astutia, quan-

quam omnium fortasse nemo animo tam malevolo bellum omni Numini indixerit, tamen etiam apud doctiores quosque, ab ipsa criminis suspitione plerumque elapsus est: *nec benigne satis de Aristotele sensisse videtur* Moshemius ad Cudworthi Syst. Intell. pag. 500. seq. *Fatendum equidem, ex toto complexu systematis Aristotelici iudicium esse ferendum, non vero ex locis quibusdam separatis; attamen ex pluribus locis, quae congestit* Jonsius l. c. *pauca quaedam demonstrare videntur, ipsum ab impietate illa insigni, quam ei tribuit Parkerus, esse absolvendum. Consulendus iterum* Bruckerus l. c. pag. 832. seqq. & *Fabricius de Ver. Rel. Chr. C. 8. p. 307. seq. Conf. infra* Cap. II. §. 10.

\*\*\* A Stoicorum sententia in eo differebat sententia Aristotelis, quod illi Deum pro forma mundi informantem, ut in scholis loqui solent, habebant, hic autem pro forma adsistente, etsi vinculo necessario cum mundo conjuncto; ut n. JACOBUS THOMASIVS solide demonstrat, *loc. cit. differt. XIV. per integr. pag. 177. seqq.* Et hactenus quidem sententia Aristotelis, a sententia Spinozae, diversa esse videtur. Sunt nihilominus, qui, a Spinozae impietate, sententiam Stagiritae non differre, autumant. Etsi enim intelligentias sphaerarum motrices, & inter has primam seu supremam quandam, quam Deum vocat, admittat, has tamen omnes unius substantiae universalis, quae sit anima mundi, arctissimo vinculo cum materia connexa, ex ejus sententia, esse partes. Ita PETRUS NAELIUS, qui passim Aristoteli Spinozismum objicit, in *dictionar. histor. crit. voc. Aristoteles* pag. 351. *voc. Caesalpini*, pag. 875. item *voc. Spinoza*, pag. 2780.

\* Prae ceteris hoc ex-instituto egit JOAN. ZEISOLDUS, celeberrimus quondam Academiae nostrae Philosophus, sed conatu haud adeo felici, in tractatu de Aristotelis in illis, quae ex lumine naturae innotescunt, cum Scriptura Sacra consensu, ab eaque apparente dissensu; Jenae M DC LXVII. 4to. Legenda autem, quae hac de re dixi in observatione de conciliatione philosophorum cum scriptura sacra, observation. Hallens. tom. III. observat. XIII. §. V. & VI. pag. 239. seqq.

## §. X V I.

Ex schola Peripatetica prodit STRATO LAMPACENUS, THEOPHRASTI discipulus, magni nominis inter Peripateticos Philosophus, ob diligentem rerum naturalium investigationem *Physicus* dictus. \* Hic non tantum atheismi accusatur, sed pro-



proxime etiam ad Spinozismum accedere videtur, etsi in quibusdam a Spinoza in diversum abeat. \*\*

- \* Vitam ejus DIOGENES LAERTIUS exhibet lib. V. sect. LVIII. seqq. pag. 298. seqq. Docet itidem, eum *Physicum* appellatum, quod in ea speculatione prae ceteris diligentissime versatus esset. Circa finem vero, αὐτὸς δὲ ὁ Στράτων, inquit, αὐτὸς γάρτοι (καθ' αὐτὸν ἢ αὐτὸν διδύλωνται) πολεῖς τὸ δόγμα αὐτῶν, ἀποδείκνυσι δὲ πῶς αὐτὸν αἰδῶν, καὶ μάλιστα καὶ ἐν τῷ κελευστικῷ φυσικῷ, ὅθεν αὐτῷ ἀκαταπαύτως τι καὶ σπουδαίοντες. Ceterum Strato ipse, sicut & supra declaratum est, vir insignis & summa admiratione dignus fuit, in omni disciplinae genere versatus, sed physicae maxime studiis excellens, quod genus & antiquius est, & multorum praeclara ingenia exercuit. Idem vero PLUTARCHO audit: Ἐκείνου ἀκαταπαύτως ὁ χρηματικῶν Στράτων, Peripateticorum reliquorum summus Strato, adversus Colotem pag. 115.. (19)

- (19) Bruckerus in *Miscell. Historiae Philosophicae* pag. 154. seqq. fuisse egit de Strato, eumque quodammodo defendere studuit contra intentatam Atheismi accusationem; sed quaedam eorum, pra candore suo, mitigavit in *Hist. Crit. Philos. Tom. I. pag. 846. seqq.*

- \*\* CICERONIS pariter atque PLUTARCHI loca, ex quibus sententia ejus colligi queat, recitavi in *dissertat. de Spinozismo ante Spinozam* §. VI. Haec vero eo reedit, systema mundi consistere posse, etsi nullus admittatur Deus. Negavit enim, teste CICERONE, se Deorum opera uti, ad fabricandum mundum. Hoc ipso vero, ut satis demonstrat, nullam illi fieri injuriam, si in Atheorum classem referatur; ita, quae Spinozismo consentanea sunt, docuit, dum ipsam materiam, ex qua inmundus hic compositus est, pro Deo habuit, vel, ut CICERO loquitur, *omnem vim Divinam in natura sitam esse*, censuit. In eo tamen a Spinoza dissentit, quod cum Epicuro materiam in plurimas particulas discerpat, cum Spinoza contra unam hujus universi substantiam statuatur; quemadmodum rursus ab Epicuro in ea discedit, quod pro materia stupida vitaeque omni destituta, substituat, vitam quadam naturali & plastica instructam, sensus tamen omnis atque cognitionis expertem, ut pluribus a me loc. cit. ostensum; add. PETRUS BAEILIUS, *dictionary historico-crit. voc. Spinoza*, pag. 2767. (20)

- (20) *Conf. ea, quae habet Auctor Cap. II. §. 9. & Moshemius ad Cudworth Syst. Intell. pag. 101. seqq. qui mediam inivit viam, non omnia agnoscendo, quae a Cudwortho Stratonem exprobrantur; nec tamen hominem ab Atheismi crimine absolvendo: Qui se negat, inquit, opera*  
D 3  
Deo-

Deorum uti ad mundum fabricandum; qui Deum sine mente fingit; qui omnem Divinam vim in natura sitam putat; qui, naturam sensu & figura carentem, nullo artifice, nec auctore, comparasse, quae videmus omnia, judicat, is qualem Deum colere possit, equidem nulla cogitatione consequor.

## §. X V I I.

Inter reliquos Socratis discipulos & ARISTIPPUS fuit, Cyrenaicae sectae conditor, & EUCLIDES Megarensis, a quo Megarici originem ducunt. Et Cyrenaici quidem cum in corporis voluptate summum hominis bonum collocarent, \* mirum non est, extitisse inter eos, quibus atheismus non sine omni, ut videtur, ratione objectus fuit, ut THEODORUS, cognomine ἀθεός dictus, \*\* ejusque discipulus BION BORISTENITES. \*\*\* Megarici autem cum ex Socratica disciplina nihil praeter acumen disputandi retinuisent, cavillationibusque logicis toti dediti essent, ad eandem facile progredi stultitiam poterant. Certe STILPONEM, qui ex hac schola fuit, inter Atheos referri, constat. \*

\* Aristippum ceterosque Cyrenaicos in voluptate corporis summum hominis bonum collocasse, testatur DIOGENES LAERTIUS, lib. II. sect. LXV. & LXXXVII. XENOPHONTEM librum contra voluptatem, ad refellendam Aristippi sententiam scripsisse, idem DIOGENES auctor est, l. c. add. CICERO, de officiis lib. III. cap. XXXIII. Atheismum itaque, quem vocant, practicum, Cyrenaicis eminentiori quadam ratione recte tribui, nemo inficias iverit. Hinc vero facilis ad theoreticum transitus. SAM. PARKERUS, de Theodoro atque Bione verba faciens, & utrosque quidem, inquit, longe scelestiores fuisse, quam fuisse accusantur, hac sola ratione, etiamsi nullo veteris auctoris testimonio evinci posset, non dubito, quod Aristippi disciplinam secuti fuerint, cum is nihil novi sibi peculiare introduxerit, aut introducere sudaverit, quam philosophiam a pietate disjunctam; de Deo & providentia, dissert. I. sect. VIII. pag. 20. (21)

(21) Parkerus temere nimium scelestiores judicat discipulos Aristippi, vel qui ejus Doctrinam sunt secuti, quam fuisse accusantur; ideo tantum, quia Ari-



niones de Diis omnino sustulisse (ὁ δὲ, *inquit*) : *Οὐδὲν παύειν  
ἀνθρώπων τὰς εἰς θεῶν διζήτας*).

\*\*\* Et si Bion praeter Theodorum, de quo jam dictum, alios quoque magistros habuerit, Theodoricae tamen sectae se addictum esse, tota vitae ratione satis superque testatus est. Legi ea potest apud DIOGENEM LAERTIUM, *lib. IV. sect. XLVI. seqq.* la morbum gravissimum cum incidisset, idem illi contigit, quod subinde impiis hominibus contingere solet, ut ad alterum extremum procurreret, & in anilem superstitionem prolaberetur; verbis quibusdam ideo agitatus a DIOGENE LAERTIO, *loc. cit. sect. XV.* Sed legi quoque atque expendi merentur, quae hac de re habet PETRUS BAEIUS, *dition. histor. crit. voc. Bion. pag. 692.*

\* Passim & hic inter Atheos refertur. Auctor est DIOGENES LAERTIUS, de Phidiae Minerva hanc cum proposuisse quaestionem: *Num Minerva Jovis filia Deus est?* cumque ille, qui interrogabatur, annuisset, dixisse: *at ista non Jovis, sed Phidiae est.* Concedente illo, *non ergo, inquit, ipsa Deus.* Qua ex re cum in Areopagum pertractus fuisset, nihil inficiatum ferunt, immo recte se locutum asseruisse; *non enim Deum esse, sed Deam; Deos quippe mares esse.* Areopagitas tamen nihilo placatiores factos, jussisse eum urbe excedere, *lib. II. sect. CXVI.* Ex quibus licet sophisticum Stilponis ingenium facile agnoscas, atheismi tamen nondum convinci potest, cum nihil aliud inde sequatur, quam quod Gentilium, statuas ab hominibus factas pro diis colentium, stultitiam irriserit. Majoris momenti esse videtur, quod idem DIOGENES, *loc. cit. refert*, a Cratete eum interrogatum: *an dii precationibus ac divinis honoribus gaudeant?* respondisse: *noli me, fatue, in via de hisce rogare, sed solum ac soorsum.* Licet vtro inde satis constet, Stilponem palam suam de diis sententiam prodere noluisse; potest tamen & hoc de superstitione Gentilium intelligi: quam rejicere non minus periculosum erat, quam veri Numinis existentiam in dubium vocare. AEGIDIUS MENAGIUS tamen hinc insert: *Fuit Stilpon parcus deorum cultor, & infrequens; immo ὀλιγόθεος; quem in finem & ad ATHENAEI quandam narrationem de Stilpone provocat, quae extat lib. X. cap. V. de qua tamen, ut & reliquis, quae de hocce Philosopho moneri poterant, vid. PETRUS BAEIUS, dictionar. histor. crit. voc. Stilpon. pag. 2794. seqq.* (24)

(24) *In omnibus, quae protulit Cl. Auctor, Deorum Gentilium, statuarum, & cultus superstitionis irrisorem, non Atheum video; ita ut Menagius a temeritate absolvi non possit, quando eum sine ambagibus Atheum appellat, in Observ. ad Diog. Laert. pag. 77. nec narratio Athenaei,*

ad

*ad quam provocat Menagius, rem conficit, cum manifestissime sit fabulosa. vid. Bayle l. c. lit. E; qui observat, hanc ipsam historiolum ab Athenaco esse propositam, ut temperantiam Stilponis demonstraret.*

## §. XVIII.

Praeter Aristippum, aliosque, & ANTISTENES ex Socratis disciplina prodiit, a quo *Cynici*, ut ab his *Stoici* originem ducunt. \* Inter Cynicos DIOGENES ille Sinopenfis eminet, qui, ut omnem operam navavit, ne aliquid pudoris retinuisse videretur, ita a summa haud procul abfuisse impietate, conjecturae haud adeo incertae indicant. \*\* Ad STOICOS autem quod attinet, licet splendida passim & magnifica eorum de Deo, ejusque providentia, virtutibus sectandis, vitiisque fugiendis extent effata; \*\*\* ipsum tamen philosophiae, quam professi sunt, systema, si paulo accuratius consideres, ad Spinozismum proxime illud accedere, deprehendes. Interim fuisse inter eos viros honestatis & externae virtutis studiosos, non negaverim.

\* Zeno namque Citticus, Cratetis Thebani, philosophi Cynici, discipulus fuit, quamvis idem Academicos quoque, Xenocratem, Polemonem, aliosque, audiverit. vid. DIOGENES LAERTIUS, *Lib. VIII. sect. I.*

\*\* Inter rationes, quibus Cynicus hicce philosophus in atheismi suspicionem adducitur, eminet illud, quod de eo memoriae prodidit CICERO: *Diogenes quidem Cynicus dicere solebat, Harpagum, qui temporibus illis praedo felix habebatur, contra deos testimonium dicere, quod in illa fortuna tam diu viveret; & iterum: Improborum igitur prosperitates secundaeque res redarguunt, ut Diogenes dicebat, vim omnem deorum ac potestatem; de natura deor. lib. III. cap. XXVII.* At inde id quidem sequitur, Divini Numinis providam curam Diogenem non credidisse, quippe quam hac ratione ludibrio exponere voluit, Atheum stricte sic dictum inde conficere nondum licet, etsi conjecturam haud levem praebat. Alias rationes, quibus idem probari queat, adfert PETRUS BAEILIUS, qui, licet simul ostendat, quid ad eas pro liberando ab hac suspicione Diogene responderi possit, cum tamen absolvere non audet, sed rem

E

in

in medio relinquit, *ditionar. histor. critic. voc. Diogenes*, pag. 1053. (25) Eum sub ἀθεΐας praetextu non decori modo, sed honestatis limites proterve migrasse, certum, adeoque exiguum Numinis sensum in animo habuisse, necesse est.

- (25) *Dicere non licet*, conjecturas haud adco incertas indicare Diogenem non procul abfuisse a summa impietate, cum ipse Cl. Buddcus fateatur, Atheum stricte dictum inde conficere non licere, etsi conjecturam haud levem praebet; si per Atheum stricte dictum intelligat primi ordinis Atheum, conjectura satis est levis; si vero Atheum secundi ordinis designet, facile Auctori accedo. Fatendum tamen, ea, quae protulit Baillius l. c. Lit. N. ad excusandum Diogenem, rem conficere non posse, & magnam partem sic satis esse frigida.

\*\*\* Haec magno numero apud SENECAM, EPICETUM, M. AURELIUM ANTONINUM, deprehenduntur, sed ita comparata sunt, ut aut documento sint, posse quandoque ex falsis principiis veram deduci conclusionem, aut ostendant, Stoicos non semper principiis suis consentanea docuisse, quod & aliis Philosophis quandoque contigit; conf. PETRUS BAEILIUS, *dition. hist. & critic. voc. Spinoza*, pag. 2768. col. 1. circa fin.

- \* Non tantum enim Deum supremum pro anima mundi habebant, sed indissolubili vinculo cum materia conjungebant. Cumque Aristoteles Deum tantum pro forma mundi assistente haberet, Stoici omnino eum formam mundi informantem esse statuebant, ut luculenter evicit n. JACOBUS THOMASIIUS, de exust. mundi Stoica, *dissert. XIV.* cui titulus: Stoicus Deus forma mundi informans, pag. 177. seqq. add. *dissert. de Spinozismo ante Spinozam*, §. XVIII. Quo ipso seculo propius adhuc ad Spinozismum accedunt, quam Aristoteles. Luculentissime etiam hoc ex illorum de summo bono doctrina patet. Cum enim Zeno Citticus finem bonumque ultimum dixisset ἀλογικῶς ζῆν, convenienter vivere, quod de virtute, utpote quae sibi semper constat, capit SENECA, ep. LXXXIV. Cleanthes vocem naturae addidit, asseruitque, ultimum finem esse, ἀλογικῶς τῇ φύσει ζῆν vel συμφύτως τῇ φύσει ζῆν, convenienter vel conformiter naturae vivere. Quodsi quaeras, quid naturae voce sibi velint Stoici? respondebit SENECA: Quid aliud est natura, quam Deus, & divina ratio toti mundo & partibus ejus inserta? libr. IV. de benefic. cap. VII. Et alibi idem SENECA: vis Deum naturam vocare, non peccabis: est enim, ex quo nata sunt omnia, lib. II. quaest. natural. cap. XLV. Deus ergo & natura Stoicis unum idemque. (26) Unde & patet, quo pacto intelligendum sit, quando docebant, summum bonum in eo positum esse, ut Deum sequamur, item sapientem virum cum diis vivere; & quae reliqua erant ejusdem commatis. Eo nimirum cuncta redibant, fati

fati legibus, quibus tota natura regeretur, obediendum esse. Quod simul documento esse potest, quam impia dogmata haud raro sub splendidissimis effatis tegantur. Non itaque quenquam etiam eorum de providentia dicta morabuntur. Praeterquam enim, quod antea jam observatum sit, Philosophos non semper, quae principiis suis consentanea sunt, docere, cuncta tandem in fatum aliquod resolvuntur, quo nomine ut ipsimet, quid sibi voluerint, non satis intellexerunt, ita *fati Stoici malignitatem* satis demonstravit N. JACOBUS THOMASIVS, de *exist. mundi Stoica differtat.* XIII. pag. 166. *seqq.*

- (26) *Nondum video, ex solius Senecae locis concludi posse, Deum & Naturam Stoicis unum idemque fuisse; cum posterior locus explicet priorem; sano sensu dicere licet ex Deo nata esse omnia. Verum deceptricibus locutionibus usos fuisse Stoicos, in confesso est penes eruditos, idque pluribus monstravit Bruckerus l. c. pag. 920-938. conf. Reimannus in Hist. Ath. pag. 190. seqq. & Cudworth Syst. Intell. p. 502. seqq. ibidemque Moshemius, praesertim ad pag. 507. addatur ipse Cl. Auctor de erroribus Stoicorum in Analectis Hist. Phil. praesertim pag. 171. seqq. Id unum observasse sufficiat, de Placitis Stoicorum judicium ferendum non esse, ex hoc vel illo loco seorsim considerato, sed ex toto complexu Dogmatum; caeteroquin plurima in Stoicorum scriptis reperirentur laudabilia, imo cum Christianorum doctrina amice satis consentientia.*

- \*\* Plerosque Stoicorum maximos in vita fuisse hypocritas, constat, idque vel HORATIUS omnes condocere potest, tum alibi, tum maxime *libr. II. sat. III.* conf. FRIDERICUS RAPPOLTUS, *commentar. ad libr. II. sermon. cap. IX.* pag. 310. *seqq.* Fuisse tamen & inter eos viros honestos, & externae virtutis studiosos, exemplum SENECAE, EPICETI, M. AURELII ANTONINI, & aliorum quorundam nos dubitare non sinit. Etsi enim isti secundum sectae suae principia de Deo non poterant non perversissime sentire, externam tamen virtutem sectati sunt, sive animi tranquillitatem inde sperarent, sive quod alias ob rationes id sibi expedire crederent.

## §. XIX.

Jam, si ad Eleaticam sectam accedamus, huic Atheismus velut proprius fuisse videtur. \* Immo cum Spinozae delirius prorsus illorum convenerunt dogmata. XENOPHANES namque Colophonius, unum omnia esse, docuit. \*\* Nec alia ratione

PARMENIDES, \*\*\* MELISSUS, \* atque ZENO Eleates, \*\* ut omnem motum, omnesque adeo generationes atque corruptiones negarent, inducti videntur, quam quod unicam tantum crederent substantiam. LEUCIPPUS \*\*\* atque DEMOCRITUS, \* ex fortuito atomorum concursu mundum conſtruentes, Dei in eo producendo & conſervando, operam ſibi minus neceſſariam videri, teſtabantur. Hunc equidem, ſed ad mortem ſaltem, ut videtur, declinandam, in ſyſtema ſuum introduxit EPICURUS, at talem, qui nulla rerum humanarum cura tangeretur. \*\* Ne quid nunc de DIAGORA, \*\*\* PROTAGORA, \* huiusque diſcipulo, PRODICO CEO, \*\* atque ALEXANDRO Epicuræo \*\*\* dicamus, quibus Atheiſmum non ſine ratione, ut arbitror, obiectum fuiſſe, conſtat.

\* Nomen habet Eleatica ſecta a Lucaniae urbe, quae Romanis *Velia*, Græcis autem *Ἐλεῖα* dicebatur, Parmenides namque & Zeno, quibus haud exiguum haec ſecta incrementum debet, Eleatae ſunt. Sunt, qui putant, Eleaticam ſectam a Pythagora originem ducere, cujus tamen veſtigia in doctrina de Deo Leucippus, Democritus, alique, minime ſecuti ſint, immo quae ab illo recte tradita ſint, in Atheiſmi patrocinium arripuerint. Ita SAM. PARKERUS, qui de Italicae ſucceſſionis Philoſophis, quorſum Eleaticos refert, verba faciens, multo magis perſpicuam eorum cauſam eſſe, pronunciat, cum plane quidem conſtat, *Leucippum & Democritum, qui a Pythagora, aliisque ſuae ſectae antiquioribus genuinam philoſophandi rationem acceperunt, ea non magis improbe, quam indocte in Atheiſmi patrocinium uſos fuiſſe; de Deo & provident. Divina diſput. I. ſect. X. pag. 24.* Ad Pythagoram equidem quod attinet, cum inter illos quoque, quibus Atheiſmus obiectus fuit, referendum, vel ex THEOPHILO Antiocheno conſtat, cujus libr. III. ad Autolycum pag. m. 120. haec de eo extant verba: *Πυθαγόρας δὲ πάντας μηχανήσας ἀπὸ τῆς τῶν αἰώνων ἀμεταβολότητος, ἵσχυατο ἐκείνη φύσιν καὶ ἀσάλευτον αἰῶνα, φασὶν ἔχειν πάντων θεῶν ἀδελφόν, καὶ ἀσάλευτον.* Quae verba ita vulgo vertuntur: *Pythagoras magno labore ſumma imaque perſcrutatus, extremum Naturam Deum eſſe autumat, adſtruitque, omnia fortuito fieri, & Deum mortalium nullam curam gerere, &c.* Sed ita potius reddenda, recte obſervavit THOMAS REINESIUS: *Pythagoras, poſtquam adeo de diis laboraſſet, & huc illuc (apud varias Gentes peregrinatus) diſcurriſſet, ultimum (tandem) determinat, eum Naturam eſſe, fierique omnia fortuito,* dicit



*dicat etiam, deos hominum nullam habere curam. Ad rem ipsam vero quod attinet, Pythagoram ab ea, quam THEOPHILUS illi tribuit, sententia, longissime abfuisse, idem, quem jam laudavimus, REINESIUS, docet: de Deo enim, inquit, eum longe alia sensisse, vel sexcenti testes sunt: nimirum in ejus schola Deum esse effectorem mundi, non negandum est; cum enim Deum adpellavit *Ψυχον*, quid aliud, quam auctorem vitae, motum, caloris, lucis faciebat? idemque dogma non solum notarum obscuritate obduxit alias, sed etiam diuturno silentio involvi curavit; ne profanis temeritatibus contaminaretur, si prostraret publica rei omnium absconditissimae notitia. Providentiam etiam Divinam, quae spem omnem potentiamque hominum superet, habito coram Phalaride cum Abaride colloquio, adstruxit, Jamblichus lib. I. de vita Pythag. cap. XXXIII. & Pe. variar. lection. lib. III. cap. VI. pag. 445. Dubium tamen alicui movere potest, quod CICERO de eo perhibet: Pythagoras, qui censuit (Deum) animum esse per naturam rerum intentum & commeantem, ex quo nostri animi caperentur, non vidit, distinctione animorum humanorum discerpi & dilacerari Deum, &c. de natura deor. libr. I. pag. 9. Quod ejusmodi profecto est, ut, si haec mens ejus & sententia fuit, ab omni errore, etiam tali, qui ad Spinozismum ducit, non profus absolvi queat: nec tamen cum Spinozismo ideo profus convenit, cum Deum a materia distinguat. Idque & inde porro liquet, quod Naturam in duo principia divisit, causam effectricem, quae est mens seu Deus, & materialem, seu passionibus subjectam, quae est mundus visibilis; apud PLUTARCHUM, de placitis philosophorum libr. I. cap. III. add. SAMUEL PARKERUS, loc. cit. pag. 24. (27) Alii contra in contrarium currentes, superstitionis, speciatim magiae Pythagoram accusant; a qua tamen criminatione eum liberare annititur GABRIEL NAUDAES, *apologie pour les grands hommes, soupçonnés de magie*, cap. X. p. m. 136. seqq. An autem, & quousque, Magia cum Atheismo consistere queat, ex infra dicendis patebit.*

- (27) *De Theologia Pythagorae videndus omnino laudatus sapientius, sapientiusque laudandus Bruckerus l. c. p. 1074-1081. qui recte demonstrat, eum quidem temere inter Atheos referri, sed facilem esse ab ipsis Doctrina de Deo & de origine mundi transitum ad Spinozismum.*

\* Testis hujus rei est CICERO, qui, cum Anaxagorae adduxisset sententiam, de Xenophane addit: *Xenophanes paulo etiam antiquior, unum esse omnia, neque id esse mutabile, & id esse Deum, neque natum usquam & sempiternum conglobata figura; quaestio. academ. libr. II. pag. 1044.* Alibi equidem idem CICERO sententiam Xenophanis ita exprimit, ut mentem ab infinito, hoc est, Deum ab hoc universo, secernere videatur, *de natura deorum, libr. I. pag. 44.* Sed ibi eum parum accurate

locutum, ostendit PETRUS BAEIUS, *ditionar. histor. critic. voc. Xenophanes*, pag. 3034. ubi & ARISTOTELIS de Xenophane testimonia adfert, & sub examen revocat. Addantur, quae dixi in *dissertat. de Spinozismo ante Spinozam §. VII.* Nec abludunt, quae de Xenophane refert DIOGENES LAERTIUS, de Deo cum ita existimasse: *Dei substantiam globosam esse, nihilque cum hominibus habere commune. Totum cernere, totumque audire, non tamen respirare. Σοφιστὴν πᾶσι, simulque omnia, mentem, prudentiam, aeternitatem; lib. IX. sect. XIX. pag. 558.* Quae verba ut eo rectius intelligantur, conferenda, quae ad h. l. notavit THOMAS ALDOBRANDINUS. Idem, quem jam laudavimus, PETRUS BAEIUS ex DIOGENE LAERTIO, *loc. cit.* & EUSEBIO praeparat. *euangel. lib. XIV. cap. XIV.* docet, totam sectam Eleaticam, unitatem rerum omnium, atque earum immobilitatem statuisse; quorum prius Atheismi, posterius Scepticismi primum fuit principium. (28) Plenius idem nexum totius systematis horum Philosophorum exhibet, *l. c. p. 1042.* add. THOMAS STANLEJUS, *histor. philosoph. part. X. cap. II. pag. 874.* ubi, quae BAEIUS hac de re dixit, repetuntur.

- (28) Nimius ubique fuit Cl. Buddeus in augendo numero Spinofistarum, ante Spinofam viventium: licet enim Xenophanes, Deum inesse rebus omnibus, asseruisse videatur, nequaquam tamen unicum tantum admisit substantiam eo sensu, quo Spinofa; materiam universi unam credidisse, probabile est, cui inhaereat, adfectionis instar, vis divina, nec universum ex ipsius opinione perfectum foret, nisi haecce vis cum materia coalesceret, *Vid. Bruckerus l. c. pag. 1148. seqq. Et sic intelligetur, quo sensu Dei substantiam globosam statuerit: conf. omnino Fabricius ad Sext. Empyr. Pyrrhon. Hypotyp. pag. 59. five Lib. I. sect. 225.*

\*\*\* Parmenides Eleates Xenophanis, teste CLEMENTE Alexandrino *lib. I. Strom. p. 301.* auditor, teste autem THEODORETO, *lib. II. de curat. Graecar. affection. p. 159.* socius ejus, inter praecipuos Eleaticae sectae Philosophos locum obinet. Eum in multis a Xenophane discessisse, Veteres tradidere; speciatim DIOGENES LAERTIUS, *lib. IX. sect. XXI. pag. 560.* In eo tamen, quod caput causae erat, eum consensisse, eodemque adeo jure Atheismi argui, vel ex EUSEBIO patet, *praeparat. euangel. libr. I. cap. VIII.* cujus, quae huc spectant, verba recitavi, in *dissertat. de Spinozismo ante Spinozam, §. VIII.* add. PETRUS BAEIUS, *voc. Xenophanes, pag. 3035. & 3042.* Testis quoque hujus rei ipse est ARISTOTELES, secundum quem Parmenides docuit, *omnium rerum unum esse principium, & id immutabile quidem. Unum omnia & ens infinitum esse, quicquid vero est praeter ens, id non ens esse, atque nihil. Ens vero unum esse, quicquid ergo est praeter unum, id esse nihil; omnia igitur unum sunt; phys. lib. I. cap. II.* Quem ARISTOTELIS locum etiam THO-

THOMAS STANLEJUS laudat, *hist. philosoph. part. X. cap. II. pag. 877*. Luculenter vero inde patet, & Parmenidem unam tantum admisisse substantiam.

- \* Melissus Samius fuit discipulus Parmenidis, & cum Heraclito etiam versatus est. vid. DIOGENES LAERTIUS, *libr. IX. sect. XXIV*. Parmenidem quoque secutus, principium rerum unum & immutabile statuebat, unum scilicet haec omnia esse, & ens infinitum. Idque, ut ARISTOTELES *loc. cit.* auctor est, sequenti ratione evincere annisus est: *Id quod factum est, principium habet; id quod non factum est ergo, neque principium habet. Universum vero, sive hoc quod est, factum non est; principium ergo non habet; immo nec finem. Infinitum ergo est, adeoque & unum; infinita enim plura dari, repugnat; ergo & immutabile erit; omnia enim occupat, neque quippiam est, a quo moveatur. Nec praetermittendum, quod DIOGENES LAERTIUS, loc. cit. de eo refert: ἀλλὰ τὸ θεὸν εἶναι, καὶ διὸ ἀσφαλισθῆναι, καὶ τὸ εἶναι γινώσκει αὐτῶν. De diis nihil defensionem dicebat, neque enim illorum certam esse cognitionem.*

- \*\* Zenonem Eleatem consentanea doctrinae Xenophanis & Parmenidis docuisse, vel ex iis patet, quae ex ARISTOTELE refert THOMAS STANLEJUS, *hist. philos. part. X. cap. III. pag. 883*. Summa eo redit, non multa, sed unum esse, idque unum esse Deum. Non tantum discipulus, sed &, juxta quosdam, filius adoptivus Parmenidis fuit. vid. DIOGENES LAERTIUS, *lib. IX. sect. XXV*. Quemadmodum autem jam antea observavimus, sententiam de una, eaque immobili & immutabili substantia, quae Eleaticis propria fuit, eosdem ad ἀκαταλόγους, adeoque Scepticismum perduxisse, ita, si SENECAE, *epist. LXXXVIII*. fidem adhibere velimus, Zeno ad summum Scepticismi gradum progressus est, asserendo, in hoc universo nihil esse. Quod tamen cum ingenii acumine, quo Zeno claruisse dicitur, vix conciliaveris; adeoque post JUSTUM LIPSIUM, *manuduct. ad philosoph. Stoic. lib. II. differ. tit. IV.* non sine ratione in dubium vocatur a PETRO Baelio, *voc. Zenon. pag. 3058*.

- \*\*\* Leucippum Zenonis auditorem fuisse, testatur DIOGENES LAERTIUS, *lib. IX. sect. XXX*. Atomorum primum eum inventorem esse, idem DIOGENES auctor est: πρῶτος π ἀτόμων ἀρχαί υπερίστων, *primus hic atomos principia subjecit*. Sunt equidem, quibus doctrina de atomis antiquior videtur. Posidonius namque Moschum quendam, hominem Sidonium, qui ante belli Trojani tempora vixerit, ejus inventorem praedicat apud STRABONEM, *lib. XVI. pag. 512*. & apud SEXTUM EMPIRICUM, *advers. mathem. pag. 367*. Sed infirmo hanc Posidonii traditionem nitato, gloriamque inventae hujus hypotheseos Leucippo cripi non posse, ostendit.

ostendit THOMAS BURNETIUS, *archaeolog. philosoph. libr. I. cap. VI.* cui & suffragatur PETRUS NAELIUS, *voc. Leucippus pag. 1803. & 1804.* Quicquid hujus sit, ob hypothesein de atomis in se spectatam non reprehendendus, sed laudandus potius est LEUCIPPUS: quippe quae si recte adhibeatur, doctrinae naturali accuratius excolendae mirifice inseruit (29); sed hoc potius nomine culpandus venit, quod hoc de atomis principio ita usus sit, ut omnem causam effectricem excluderet, & aeternitatem atomorum asserens, & ex fortuito illarum concursu, sine moderatore, cuncta producta, contendens, & hac ratione Deum ex hacce mundi machina removens. Et hac quidem ratione CICERO, Democriti, & ante eum Leucippi flagitium fuisse, recte dicere potuit: *e corpusculis effectum esse coelum ac terram, nulla cogente natura, sed concursu quodam fortuito*; *libr. I. de natura deorum.* Refutare Leucippum aggressus est LACTANTIUS, *Divin. institut. lib. III. cap. XVII. (30)* Sed non in omnibus aequae feliciter, ut ostendit PETRUS NAELIUS, *loc. cit. pag. 1804. add. JENKINUS THOMASIUS, in historia philosophica de atheismo, cap. V. §. II. pag. 84. seqq.*

- (29) *Quid per Atomos intellexerit Leucippus, in antecessum statuendum, antequam diducere licet, an laudandus sit propter hanc hypothesein: Atomis sunt procul dubio particulae materiae minimae & indivisibiles, omnibus qualitatibus, praeter figuram & motum, privatae. Attamen assignavit atomis Democritus, Leucippi discipulus & socius, magnitudinem variam & soliditatem, secundum Diog. Laert. Lib. 9. pag. 248. si simpliciter particulas hasce minimas, ex minoribus partibus non constantes, consideremus unice in relatione ad corpora, quae per ultimam analysin ex iis constare censuit, nihil periculosi huic doctrinae est admixtum; (de ejus veritate autem non disputo); verum quando etiam animam ex hujusmodi levibus an rotundis constare censet, secundum testimonium Diogenis Laertii l. c. minime laudandus.*
- (30) *Lactantius l. c. & de Ira Dei Cap. 10. Hypothesein Atomicam physice consideravit & refutare studuit; hoc vero non in omnibus aequae feliciter, imo satis absurde peregrisse Lactantium, demonstrare allaboravit Bayle; Theologiam Leucippi uterque reliquit intactam, cum tamen verba Auctoris ita possent intelligi, ac si etiam genesin hujus universi secundum mentem Leucippi pertractasset.*

- \* Cum Democritus hypothesein de atomis eadem ratione, qua Leucippus, assumeret, de Deo quoque eum non sensitse rectius, inde liquet; conf. *DIOGENES LAERTIUS, lib. IX. sect. XLIV.* Difficendum tamen non est, Veteres in sententia Democriti de Deo exprimenda, non proflus inter se convenire. *CYRILLUS Alexandrinus, cum de Thalete Milesio adseruisset,*

seruisset, eum Deum pro mente mundi habuisse, Democritum Abderitem ei quodammodo assentiri, ait, sed & aliud adjicere: *οὐ μὲν γὰρ αἴσας τὸν διὸν ἐκχειρίζεται ὡς αὐτὸς πᾶν ἐς τοῦτο σφαιροποιεῖ, ὡς αὐτὸς εἶναι τὰς εὐκόσμου ψυχὰς*; contendit enim & ipse, Deum esse mentem, verum ipsam in sphaera ignea esse, videlicet mundi animam; libr. I. contra Julian. pag. m. 28. Quod ex PLUTARCHO desumpsisse videtur, de placitis philosophorum, libr. I. cap. VII. ubi eandem de Deo sententiam Democrito tribuit. Aliter adhuc mentem ejus de Deo exprimit VELLEJUS apud CICERONEM: *Quid? Democritus, qui tum imagines, earumque circuitus in deorum numero refert, cum illam naturam, quae imagines fundat, ac mittat, tum scientiam intelligentiamque nostram, nonne in maximo errore versatur? cumque idem omnino, quia nihil semper suo statu maneat, neget, quicquam esse sempiternum, nonne Deum ita tollit omnino, ut nullam opinionem ejus reliquam faciat? de natura Deorum libr. I. pag. 46.* Quae si Democriti sententia fuit, inter eos profecto, qui crassissima quadam ratione Atheismum professi sunt, referri meretur. (31) Natura enim, quam vocavit, ex ipsius sententia nec una, nec aeterna, nec immutabilis est, nec reliquis divinae essentiae attributis gaudet. Immo Dei nomen imaginibus, & ideis objectorum, & actui intellectus, quo objecta haec cognoscimus, tribuit. Quantumvis autem PETRUS BAEILIUS hanc Democriti sententiam ob subtilitatem laudet, eamque non nisi a magno ingenio proficisci posse, contendat, immo CICERONI, haec omnia patria Democriti (Abdera) quam Democrito digniora esse, pronuntianti, irascatur, ipse tamen diffiteri tandem nequit, abscondere ea esse; quemadmodum & revera sunt; voc. *Democritus*, pag. 1030. Quamcunque autem ex haecenus allatis Democrito sententiam tribuas, id inde patet, nullam ei fieri injuriam, si in Atheorum numerum referatur. Jungenda, quae de Leucippo pariter ac Democrito graviter pronuntiat SAM PARKERUS, de *Deo & providentia disput. I. pag. 26.* Referuntur equidem de Democrito etiam talia, quae eum Magiae, adeoque superstitionis, suspectum reddunt; quod cum Atheismo ejus non videtur consistere posse. Sed si recte cuncta ponderentur, aut de Magia naturali, seu curiosa occultarum rerum investigatione, intelligenda sunt, aut nullo certo fundamento inniuntur; ne dicam scripta quaedam, ex quibus ejusmodi quid colligi queat, perperam Democrito tribui; conf. JOANNES ALBERTUS FABRICIUS, *bibliothec. graec. libr. II. cap. XXIII. pag. 809.* ubi scripta, quae Democriti nomen mentiuntur, recenset; itemque GABRIEL NAUDAEUS, *apolog. pour les grands hommes soupçonnez de Magie, cap. XII. pag. 187. seqq.*

- (31) Existimat Reimmannus *Hist. Atheismi S. 2. C. 30. §. 7.* ex hoc loco Ciceronis nequaquam posse exsculpi, illum crassissima ratione Atheismum fuisse professum, nisi adjiciatur id, quod Sextus Empiricus de eodem scribit

scribit adversus Physicos pag. 552. seq., ubi dicit, Democritus autem ait, quaedam simulacra (*αἰδύλα*) appropinquare hominibus, & ex iis alia quidem esse benefica, alia vero malefica. Hinc etiam optat, ut bona sibi simulacra occurrant. — Unde ea visione apprehendentes antiqui Deos esse existimarunt; cum præter hæc non sit alius Deus, qui habeat naturam, in quam non cadat interitus, *Conf. Fabricius ad illum locum.* Si autem vera memoriae prodidit Sextus, summo opere deformata est Democriti Theologia a Cicerone, vel potius minus turpis eidem conciliata est facies; cum ex solo Sexto ejus Atheismus fiat conspicuus.

- \*\* Providentiam Divinam negasse Epicurum, & plurimi Veterum tradidere, & non semel ei a Stoicis, licet re ipsa non rectius de Deo sentientibus, aliisque, exprobatum fuit. Nec aliter sentire poterat, qui, deos in intermundiis positos vitam beatam agere, existimabat; immo, ut naturae divinae nihil convenientius, quam vitam beatam, ita vitae beatæ nihil adversum magis, quam curis variis, rerumque aliarum administratione turbari, arbitrabatur. Hinc *SENTENTIA* ex mente Epicuri: *Itaque non dat Deus beneficia, sed securus & negligens nostri, aversus a mundo aliud agit, aut, (quæ maxima Epicuro felicitas videtur) nihil agit, nec magis illum beneficia, quam injuriæ tangunt; de benefic. lib. IV. cap. IV. Et cap. XIX.* ejusdem libri: Tu denique, Epicure, Deum inermem facis. Omnia illi tela, omnem detraxisti potentiam, & ne cuiquam metuendus esset, projecisti illum extra mundum. Hunc igitur in seipsum ingenti quodam & inexplicabili muro, divisumque a contactu & a conspectu mortalium, non habes, quare verearis, nulla illi nec tribuendi, nec nocendi materia est. In medio intervallo hujus & alterius coeli desertus, sine animali, sine homine, sine re ruinas mundorum, supra se. circaque. se cadentium evitat, non exaudiens vota, nec nostri curiosus. Similia apud *CICERONEM*, lib. I. de nat. deorum, pag. 281. aliosque, passim occurrunt. Sed suffragatur quoque *DIODEGENES LAËRTIUS*, ex mente Epicuri ita pronuntians: *ἡ δὲ συμφορὰ προνομήναι καὶ φρονεῖν καὶ ἐγγὺς καὶ χάριτος μετὰ τὴν αἰσθητικὴν καὶ φῶς καὶ ἀσθενεῖαν καὶ πλεονεξία ταῦτα γίνονται.* Neque enim beatitati convenient negotia & curae, & irae, & gratiae, sed ob infirmitatem, ac timorem, & indigentiam proximorum ista sunt; lib. X. sect. LXXXVII. Hanc quoque Epicuri mentem fuisse, adeo non dubitat *PIETRUS CASSENDUS*, magnus caeteroquin ejus admirator, ut potius eam in illo ceu erroneam refellat, in notis ad lib. X. *Diogenis Laërtii*, tom. V. opp. pag. 128. & *Physicæ* sect. I. lib. IV. cap. VI. pag. 319. In aliam nihilofecius sententiam abiit *JACOBUS RONDÉLLUS*, in libro de vita & moribus Epicuri, Amstelodami, anno MDCXCII edito, negatam ab Epicuro Providentiam abnuens. Statuisse equidem eum, deos non curare tempestatum serenitatisque vices, generationes meteorum & corruptiones, alia-

aliaque physices innumera, quippe qui, mundo satis virium ac roboris ad semet sustentandum inesse, crediderit. Non debere tamen eum ideo tantopere vituperari, eum & inter ipsos Christianos effati hujus propugnatores nonnulli inveniantur; nec desint inter Theologos, qui Providentiam divinam tantum ad res morales & theologicas restringant. Verum, haec an omnibus persuasurus sit RONDELLUS, valde dubito. Quod enim Epicurus Providentiam Divinam a rebus humanis etiam removerit, vel inde patet, quod beatitati, ut DIOGENES LAERTIUS docet, nec *curas*, nec *iram*, nec *gratiam*, *convenire*, existimaverit. Ira autem ac gratia Numinis, quo pacto in res inanimatas cadat, profecto non capio. Practerea Providentiae Divinae negatio cum systemate Epicuri prorsus consentit, praefertim eum primo ejus principio, in animi voluptate, seu tranquillitate, summum hominis consistere bonum. Haec enim tranquillitas eum nulla alia re magis, quam Numinis metu turbetur, nec homo ethnicus, quod ei opponeret, remedium invenire poterat, nihil aliud ei relictum erat, quam ut Numinis providentiam in dubium vocaret. Impiam hanc sententiam esse, & ad omnem Numinis cultum evertendum comparatam, adeoque ad Atheismum proximè accedere, nemo temere dubitaverit. Nihilosceius nonnulli nobis multa de pietate Epicuri, & Numinis veneratione, narrant. Qua in re, ut sibi constaret, *propter majestatem Dei eximiam, singularemque naturam ejus* illud se colere, videri volebat; conf. SENECA, *lib. IV. de beneficiis*, cap. XIX. (32) Jungenda, quae hanc in rem collegit PETRUS CASSENDUS, de *vita & moribus Epicuri*, *lib. IV. cap. III. tom. V. opp. pag. 201. seqq.* Sane quidem generoso admodum animo fuisse Epicurum oportet, si Deum tantum ob naturae praestantiam coluit, probe sciens, eum nulla sui cura tangi. Qua in re an multi ejus exemplum imitaturi sint, valde dubito. Multo autem magis dubito, an serio & ex animi sententia hoc egerit. Certe ad poenam evitandam, pietatem deorumque cultum eum prae se tulisse, diserte innuit CICERO, de *nat. deor. libr. I. pag. 123.* Estque hoc principiis Epicuri longe convenientissimum, a quibus tam acuti ingenii virum in vita discessisse, non est verosimile. PETRUS DAELIUS suspicionem CICERONIS, ad poenam evitandam Epicurum Numinis cultum prae se tulisse, non prorsus rejicere audet, acquitati tamen & charitati conveniens esse putat, ut de occultis aliorum sententiis in meliorem pronuntiemus partem, remque omnem Deo cordium scrutatori permittamus, *voc. Epicurus*, *pag. 1133;* quod lubens concedo, modo rationes graviores non obstant. Quod vero idem addit, nullam esse causam, cur credere non debeamus, Epicurum ideam de cultu Numinis, qui sola ejus praestantia, insuper habita Providentia, nitatur, habuisse, cum Theologi *idololatram* eandem quotidie commendent, asserentes, colendum amandumque Deum esse, etsi nulla spes coeli, nullus inferni metus sit, hoc serio & ex animi

sententia eum dixisse, vix credo. Immo, nisi me omnia fallunt, mysticorum quorundam huc collinantes sententias, exagitare hac ratione voluit. (33) Minus adhuc ab Atheismi suspicione eum liberari posse, idem Vir doctus censet *loc. cit.* si asseruisset, deos, ut reliqua omnia, ex atomis esse compositos: hac enim ratione mortales & corruptioni obnoxios, hoc est, non deos statuisset; sed cum inter *avias* ejus *divas* apud CICERONEM referatur, quod beatum & immortale est, id nec habet, nec exhibet cuiquam negotium, de nat. deor. libr. I. pag. 284. quod DIOGENES LAERTIUS ita effert, Deum esse, ζῶν ἀφθάρτου ὃ καὶ αἰεὶ, animal immortale ac beatum, lib. X. sect. CXXIII. inde colligit, eum diis immortalitatem tribuisse. Quod recte quidem se haberet, si jam certo constaret, eum Deum aut Deos credidisse, & non potius ad poenam evitandam talia docuisse. Quod si revera Deos immortales, & ex atomis non compositos credidit, in eo sane a sententia Democriti discessit: a quo & in eo dissenfit, quod atomos anima destitutas statuit; cum Democritus contra anima praeditas admittat, qua quidem ratione hic facilius variis, quæ illi objici poterant, dubiis satisfacere potuit; simul tamen negandum non est, systema Democriti Atheismo defendendo hac ratione longe esse accommodatius, quam systema Epicuri. Legenda, quæ hanc in rem differit PETRUS BÆLIUS, *loc. cit.* pag. 1132. lit. E.

- (32) *Vel turpissimus fuit hypocrita Epicurus, vel consue saltem ab Atheismi crimine est absolvendus, ut inter eos, qui primi ordinis sunt, non referatur: cum libros conscripserit de pietate adversus Deos, ita editos, quasi Sacerdos scripssset, referente Cicero de Nat. Deorum L. 1. Cap. 41. Quin imo! ex ipsis illis, quæ Cicero contra Epicurum disputavit (ast quis inter Veteres insensius magis Epicuri fuit adversarius?) liquere potest, illum ore saltem & corporis habitu Deos coluisse, & pietatem commendasse aliis. Nec benigne sensit de hoc Philosopho Seneca, qui tamen de Benef. L. 4. C. 19. agnoscere videtur, Epicurum Deos coluisse instar parentum, grato, scilicet, animo. Verum gratus animus fons istius cultus esse non poterat, si Dii nec res hominum curarent, nec in totum Universum exercerent regimen; adeoque beneficia non ferrent in suos cultores: Manifesta nimium sunt verba Laertii Diogenis loco ab Audore citato, quam ut defendi possit contra illos, qui eum Providentiam omnem negasse contenderunt.*
- (33) *Ulterius progressus fuit Cl. Goulinx passim in sua Ethica, praesertim Tract. 1. sect. 2. §. 1. seq. qui, intuitu propriae salutis & Divinae remunerationis spe Deum colere, non licere, statuit; imo §. 11. adjicit, illud volui dicere, non aucupandam, non studio venandam esse felicitatem; cum antea in eadem §. scripserat: non alia de causa infelices*



felices omnes sunt & miseri, quam quod felices omnes & beati esse volunt: umbra est felicitas, fugit te, cum sequeris eam; — nemo unquam felicitatem adsecutus est, qui ad illam assequendam aliquid fecit. *Licet autem Ruardus Andala in Examine Ethicae Cl. Geulingii Diff. II. propter hanc doctrinam nimis acriter in Virum Celeb. invehatur, arsi in Spinolae castris militaret, certissimum tamen est, obedientiam Divinis praeceptis praestitam, cultumque Numinis fincerum a vera felicitate separari non posse; quod exposuisse suffus hujus non est loci.*

\*\*\* Diagoram hic commemoramus, quod Democriti servus & discipulus fuisse feratur. Hic enim ex numero servorum, qui venum exponebantur, eum mille drachmarum pretio redemisse, & non tantum pro servo usum, sed & inter discipulos recepisse, dicitur; vid. SUIDAS & HESYCHIUS ILLUSTRIVS VOC. *Διαγόρας*. Patria fuit Melius, & Atheismi magno Veterum consensu accusatur, adeo ut cognomine *Atheus* dicatur, ut apud CICERONEM, de *natura deor. libr. I. & III.* DIODORUM SICULUM, *libr. XIII. cap. VI.* LACTANTIUM, de *ira Dei, cap. IX.* aliosque, videre licet. Nimirum, cum alii, qui in eadem erant sententia, per ambages incederent, hic tanta impudentia fuit, ut aperte sine ulla dissimulatione, Deum esse, negaret. Idque CICERO nos conducet; cautiorem hac in re Protagoram fuisse, perhibens; in hac quaestione plerique, quod maxime verisimile est, & quo omnes duce natura vehimur, deos esse dixerunt: dubitare se, Protagoras, nullos esse omnino, Diagoras Melius, & Theodorus Cyrenaicus putaverunt, de *nat. deor. libr. I. circa init.* Atheniensibus nihilofecius certam pecuniae summam in caput ejus constituentibus, si quis eum aut interficeret, aut vivum traderet. CLEMENS Alexandrinus eum ideo saltem inter Atheos relatum putat, quod Gentilium superstitionem damnaverit, *adm. ad gentes, pag. 15.* quem hac in re etiam sequitur M. ANTONIUS MURETUS, *variar. lection. lib. X. cap. XVII.* & THEOPHILUS RAYNAULUS, *tom. XIII. opp. pag. 411.* Sed, quae cum Atheismi damnant, Veterum testimonia, nimis luculenta sunt. Patet hinc, ecclesiae Patres, Gentilium superstitionem impugnantes, faciliores saepius, quam decebat, in excusandis Philosophis, qui Atheismi suspecti erant, fuisse, saltem ut inter ipsos Ethnicos, veritatis testes & confessores contra Ethnicos invenirent. Quae res dici non potest, quantum veritati damnum adferat. Quae de occasione, qua inductus Diagoras ad summam hanc impietatem processit, commemorantur, fere demonstrant, hominem non satis compositum mentis fuisse. Legi merentur, quae hac de re observat PETRUS HÆLIUS, *voc. Diagoras, pag. 1039.* ubi & reliqua, de hoc auctore scitu digna, persequitur, de quo & in compendio disserit JOANNES

ALBERTUS FABRICUS, *biblioth. graec. libr. II. cap. XXIII. §. XVI. pag. 817. add. & MICHAEL MOUTIERES, dans le Plan theologique du Pythagorisme tom. I. epist. III. artic. I. pag. 93. seqq. (34)*

- (34) *Loca Veterum, qui Diagoram Atheismi accusarunt, dedit Reimannus Hist. Ath. pag. 213. seq., ubi etiam, sed sine praegnantia ratione, periculosam censet observationem Buddei circa morem Ecclesiae antiquae Patribus consuetum. conf. Bruckerus l. c. pag. 1204. seqq. Ad summam illam impietatem, ut, si non Deitatis existentiam, saltem providentiam negaret, devenisse perhibetur a Diog. Laertio Lib. 9. pag. m. 561. seq. quia injuria adfectus ab aliquo, qui pejeraverat, & propterea nihil passus fuerat, eo deductus est, ut diceret, non esse Deum: paullo aliter id narratur ab aliis, quos vide apud Bailium l. c. Lit. D. & Fabricium in notis ad Sextum l. c. Absurdissimae fuisse Diagorae conclusionem, facile concedent omnes; cum Deo sapientissimae possint esse rationes, quae poenam perjuri differre suadent: verum an propterea inter eos referendus, qui mentis non satis sunt compotes? non puto; sic enim Ovidius quoque illis foret annumerandus Amor. Lib. 3. Eleg. 9. vs. 35. ubi deslet Obitum Tibulli*

Cum rapiant mala fata bonos, ignoscite fasso,  
Sollicitor, nullos esse putare Deos.

*vid. etiam L. 3. El. 3. vs. 1. seq.*

- \* Protagoras Abderites, e bajulo Democriti auditor & philosophus exstitit. Quod qua ratione factum sit, exponit AUL. GELLIUS, *noct. Atticar. lib. V. cap. III.* Cum librum de diis componeret, his eum verbis exorsus est: *οὐκ ἔστι θεῶν ἢ ἓν ἔστι αὐτῶν, ἢ δύο ἢ ἄριστος; ἢ πολλοὶ καὶ ἄλλοι αὐτῶν, ἢ καὶ ἀπείροες, ἢ βροτοὶ ἢ ἢ βίω- τῷ ἀνθρώπων.* De diis quidem statuere nequeo, neque an sint, nec ne? Sunt enim plurima, quae id scire prohibeant, quippe & summa rei incertitudo, & brevis hominis vita. Ita DIOGENES LAERTIUS, *libr. IX. sect. LI.* qui & addit, ob hocce operis principium eum ab Atheniensibus pulsum, librosque ejus in foro crematos, sub praeconis voce a singulis, qui illos habebant, investigatos. Confirmat idem CICERO: *Quid? Diagoras atheus qui dictus est, posteaque Theodorus, nonne aperte deorum naturam sustulerunt? Nam Abderites quidem Protagoras, cujus a te modo mentio facta est, Sophistes illis temporibus vel maximus, cum in principio libri sui sic posuisset: De diis, neque ut sint, neque ut non sint, habeo dicere, Atheniensium jussu urbe atque agro est exterminatus, librique ejus in concione combusti; de natura deorum, libr. I.* Sed & SEXTUS EMPIRICUS, *adversus mathematicos pag. 319.* aliique, idem testantur, quorum hac de re loca adfert

AEGL.

AEGIDIUS MENAGIUS, ad *Diogenis loc. cit. p. m. 420.* Ex Persica disciplina Protagoram hanc impietatem accepisse, auctor est PHILOSTRATUS, de *vitis Sophistarum lib. I. pag. m. 494.* Est vero observandum, quod dubitando sententiam suam proposuerit, nec aperte deos negaverit, sed non fatis id sibi perspectum esse professus sit; qua in re cautior, aut, si mavis, callidior, non autem melior fuit Diagora, ut jam antea ex TULLIO docuimus. (35)

- (35) Protagorae dogmata, non ex recentioribus, sed ex vetustis Scriptoribus dijudicanda, ubique Scepticismum redolere videntur, cum dubitanter suam doctrinam de Deo proposuerit, quemadmodum ex Sexti & Ciceronis allatis locis constat: verba autem Ciceronis ex ipsius Protagorae libro hausta: de Diis, neque ut sint, neque ut non sint, habeo dicere, ex mente Reimmanni *Hist. Atheismi pag. 130.* legenda sunt non habeo dicere: quoniam scilicet sic molius conveniunt cum illis Sexti Empirici *pag. 564. in edit. Fabricii: αὐτὸς οὖν, ἢ πῶς εἴη, ἢ οὐκ εἴη, πῶς οὐκ εἴη, οὐκ οὐκ εἴη, ἀλλ' ἄνθρωποι λέγουσι.* De Diis autem, neque an sint, neque quales sint, possum dicere, *conf. Fabricius in notis; & sic manifestius conspirant cum narratione Diogenis Laërtii Lib. 9. pag. m. 250. πῶς αὖ οὖν ἢ ἴσθαι ἢ οὐκ εἴη, οὐδ' αἴτιον, οὐδ' αἴτιον ἢ ἄνθρωποι.* Verum exactissime idem dicit Cicero, atque ejus verba idem significant, ac si scripisset: De Diis autem, sive an sint, sive an non sint, non habeo dicere.

- \*\* Praeter SEXTUM EMPIRICUM, *libr. VIII. contra Mathematicos, pag. 318. seqq.* cum inter Atheos refert CICERO: Quid? ii, qui dixerunt, totam de diis immortalibus opinionem fictam esse ab hominibus sapientibus reipublicae causa, ut, quos ratio non posset, eos ad officium religio duceret, nonne omnem religionem funditus sustulerunt? Quid Prodicus Chius, qui ea, quae prodesse hominum vitae, deorum in numero habita esse dixit, quam tandem religionem reliquit? de natura deor. *lib. I. circa finem.* Sola itaque utilitate religionem omnem niti, innuere videtur; quod profecto perinde est, ac religionem omnem tollere. Ab Athenicislibus cieutam bibere justus est, ut, qui juventutem corrumpere, teste SUIDA. Reliqua de eo suppeditabit PETRUS BÆLIUS, *voc. Prodicus, pag. 2515. add. JOAN ALBERTUS FABRICIUS, biblioth. graec. libr. II cap. XXIII. §. XLI. pag. 838. seqq.* item MICHAEL MORGUES, dans le *Plan theologique du Pythagorisme, epist. III. art. I. pag. 93. seqq.*

- \*\* Alexander hicce Epicuraeus is est, cujus PLUTARCHUS meminit, *libr. II. sympo. quæst. III.* qui & cum elegantem & valde litteratum fuisse, dicit. Ex eodem auctore constat, Alexandrum huncce questionem de gallina & ovo proposuisse, utrum prius extiterit, quod ad aeternitatem mundi aut mundorum sibi invicem succedentium continuam seriem,



bium vocant, sintne dii, an non sint, & curentne res nostras, an non? Nemo igitur, neque Indus, neque Celtus, neque Aegyptius, talem cogitationem in animum induxit, qualem vel Euemerus Messenius, vel Diogenes Phryx, vel Hippon, vel Diagoras, vel Sofias, vel denique Epicurus. Quo jure AELIANUS hic asserat, nullos inter barbaros exticisse Atheos, non inquiram. Id tamen certum puto, Atheismum frequentiore saltem inter Graecos fuisse, quam reliquas gentes, quas barbaras vocabant. Cujus rei rationem facile perspiciet, qui indolem ingeniumque Graecorum consideraverit. Praeter Euemerum Messenium, de quo deinceps ex instituto, itemque praeter Diagoram atque Epicurum, de quibus jam supra dictum, Diogenem Phryga inter Atheos refert, cujus an ullus Veterum ceteroquin meminerit, mihi non constat. De Hippone autem, quem & CIEMENS Alexandrinus, *protrept. pag. 15. & 36.* alique Atheis annumerant, vid. JO. AEB. FABRICIUS, *bibliothec. graec. lib. II. cap. XXIII. §. XX. p. 819.* Ad Sofiam quod attinet, pro eo vel Hippiam, vel Gorgiam reponendum esse, censet ISAACUS CASAU-  
 NONUS, observante eodem, quem jam laudavimus, viro docto, FABRICIO, *loc. cit.* ubi & Hippiam, tyrannum Atheniensem, Pisistrati filium Atheis a quibusdam annumeratum, docet. Solet & Daphides quidam grammaticus inter Atheos referri, eo quod ambigua quadam quaestione Apollini Delphico illudere in animum induxisset, cujus tamen petulantiae suae gravissimas mox poenas dederit, quod pluribus exponit VALERIUS MAXIMUS. *libr. I. cap. XIII. p. m. 123.* Mitto reliquos, Apollophanem, Aristagoram, Callimachum, CineSIam, Gorgiam, similesque, qui itidem Atheis annumerantur, sed de quibus, quid pronuntiari queat, certi quid vix suppetit.

- Heraclitum, Philosophum, inter Veteres longe celeberrimum, jam olim Atheis annumeratum, JUSTINUS martyr nos condocet, sed ita condocet, ut non tantum ab hac criminatione cum absolvat, verum inter Christianos fere referre non dubitet. Verba ejus ex *apol. I. pro Christianis, pag. 91.* supra jam ad §. XI. protulimus, cum de Socrate diceremus. Socratem enim atque Heraclitum uno eodemque loco habet. Immo ex ipsis epistolis, quae sub Heracliti nomine extant, quasve & THOMAS STANLEJUS exhibet, *histor. philos. part. IX. cap. III. pag. 829.* apparet, Athei mi jam, dum vixit, cum suspicionem incurrisse, quam tamen quovis modo a se amoliri annititur. *Eurhyales, inquit, Nicophontis illius sacrilegi filius, impietatis me accusavit, virum sapientia praestantem. Linguae procacitate superans, quasi arae, ad quam constitueram, meum nomen adscripserim, me ipsum, homo cum sim, Deum faciens. Inde judicabor ab impiis de impietate. Quid censet? Videbor illis impius, cum aliter quam illi, de diis sentiam. Si coecis de visu sit judicandum, coecitatem visum esse, dicenti. Verum o rudes homines, docete*

nos prius, quid sit ille Deus, qui in templis concluditur. Nempe pii essis, qui in tenebris Deum collocatis. His ergo si fides habeatur, impietatis & Atheismi non aliam ob causam accusatus Heraclitus fuit, quam quod idololatriam & superstitionem Gentilium damnalet. Certe superstitionis & idololatriae infensus eum fuisse hostem, ex quibusdam etiam ejus apophtegmatibus, quae THOMAS STANLEJUS, loc. cit. cap. V. pag. 835. refert, liquet. Sacrificia enim deridens, per quae deos suos homines deliniri exultabant, purgantur, inquiebat, dum cruore polluantur, non secus, ac si quis in lutum ingressus, luto se abluat. Idolis vota facientes, perinde agere, dicebat, ac si quis loquatur cum aedibus. Bacchi vero sacra his verbis irrisit: Nisi pompam facerent Baccho, & cantica canerent impudentissima, actum erat. De vero autem Deo praeclare admodum eum sensisse, si MERICO CASAUBONO credimus, ex hisce verbis, apud DIOGENEM LAERTIUM liquet: *ἓνα δὲ τὸ τῶν ἀνθρώπων θεῶν ἅντι ἐστὶν ἡ ἀληθινή, οὐκ ἔστιν ἄλλος πῶς ἄνθρωπος*; Unam quippe sapientiam esse, scire animum, quando & quomodo gubernentur omnia in omnibus, libr. IX. sect. I. pag. m. 548. Nimirum per *πᾶν* ipsum eum intellexisse Deum, qui apud PLUTARCHUM; libr. I. de placitis philosophor. eidem Heraclito, *ἀπρόσβλητον, ἀλόγιστον, ἀλόγιστον τὸ πᾶν*, dicatur, CASAUBONUS contendit, qui & magnam horum verborum, cum iis, quae Jerem. IX. 23. 24. extant, sibi deprehendisse convenientiam visus est. Quodsi doctrinae Heracliteae systema paulo accuratius consideres, occurrunt unque nonnulla, quae Atheismi in eo suspicionem augent. Ipse sane ARISTOTELES Heraclitum inter eos refert, qui solam materiam pro rerum omnium principio habuerunt, omissa vel abnegata causa efficiente, sive primo motore, & *ἀπρόσβλητον*. Quod licet cum primis Ionicis, de quibus supra dictum, ei commune fuerit; accedunt tamen & alia, quae quo minus excusari queat, vix permittre videntur. Excusat nihiloscus, & liberare eum ab hac suspitione annititur COTTFRIEDUS OLEARIUS, in dissertatione priori de principio rerum naturalium ex mente Heracliti, quae inserta est THOMAE STANLEJI historiae philosophicae, part. IX. cap. VI. & quidem §. XIII. seqq. pag. 851. seqq. Accurate, fateor, & erudite hac de re Vir doctissimus disputat. At non omnem scrupulum eximit. Largitur, rem omnem pendere ex genuina *εὐσυνείδησι* sive *fati Heraclitei* explicatione. Concedit etiam, re ipsa eum consentire cum Stoicis. At de Stoicorum fato quid sentiendum sit, supra jam diximus. (36)

- (36) Olearii conamina ad defendendum Heraclitum irrita esse, pluribus monstravit Bruckerus Hist. Crit. Philos. T. I. pag. 1215-1218. Attamen, si inter Atheos referendus fuit, ad secundam classem pertinet; quia Dei existentiam verbis adseruit, sed eandem illam sustulit, cum Ejus libertatem negaverit, Eumque fati, & necessitatis physicae legibus subjecerit. Conf. Moshemius ad Cudw. pag. 136. seqq.

\*\*\* Vc.

••• Veterum quenquam fuisse, qui Hippocratem, Medicorum principem, Atheis annumeraret, mihi non constat. Nostra tamen aetate id fecit vir clarissimus, NICOL. HIERONYMUS GUNDLINGIUS, in *otiorum*, quae lingua Germanica conscripta sunt, *part. II. cap. III.* cui titulus: *Hippocrates ἥθεος*. Nec specie profecto destituuntur, quae Vir doctissimus hac de re differit. Fatetur, Hippocratem principium aliquod activum & ἡμικίνητον admittere, quod naturae nomine illi veniat; cui etiam scientiam omnium, quae cuique desunt, iustitiam, & bonitatem, & similia, quae de Deo eum locutum arguant, tribuat. Alibi tamen mentem ita hac super re declarasse, ut pateat, per hocce principium, seu naturam, eum nihil aliud, quam τὸ θερμὸν ἀθάνατον, calidum, seu ignem immortalem, intellexisse. Locum ad hoc probandum inter alia producit, ex libro de principiis seu carnibus, tom. I. edit. Linden: pag. 112. *δικαίον δὲ μοι τὸ καλεῖσθαι θερμὸν ἀθάνατον τὸ αἶμα καὶ τοὺς πνεύμα καὶ ἑστῶν, καὶ ἀκίνητον, καὶ ἀθάνατον πνεύμα καὶ τὸ μὴ μίμνησκειν ἑαυτοῦ*; Quod calidum vocamus, id mihi immortale esse videtur, cunctaque intelligere, videre, & audire, scireque omnia, tum praesentia, tum futura. At hinc forte alius colligeret, cum per τὸ θερμὸν non materiam, sed sejunctum potius a materia principium intellexisse, cum, quae huic principio tribuit, in materiam non cadant. Nec calidi denominatio obstabit, cum Gentilium, de Deo deque primo principio cognitio, tenuis admodum, obscura, atque confusa fuerit; ut adeo tam clarae & accuratae de Deo ideae & denominationes, quales hodie de eo habemus, ab iis non sint expectandae. Interim loca, in quibus Hippocrates subinde Dei mentionem fecit, non adferam, cum ea jam collegerit JOANNES ANDREAS SCHMIDIUS, Helmstädiensis Academiae Theologus clarissimus, in *dissertatione, de theologia Hippocratis*; nec celeberrimus GUNDLINGIUS ea praetermiserit, sed, quid ad ea responderi ex sua mente possit, ostenderit. Certe diversimode ea, principio, pro diverso, quod Medicorum principi tribuitur, explicari possunt. Quodsi Heracliti philosophiam Hippocrates secutus est, quod Vir celeberrimus cum DANIELE CLERICO, *hist. de la Médecine* pag. 109. asserit, loc. cit. §. IX. pag. 113. mens ejus sententiaeque ex antea dictis dijudicanda fuerit. Addatur JOAN. ALBERTUS FABRICIUS, *Biblioth. graec. lib. II. cap. XXIV. §. I. pag. 843.* (37)

- (37) *Injuria infertur optimo Seni, quando inter Atheos numeratur, vel inter eos, qui ad Atheismum suere proni; elegans de Theologia Hippocratis reperitur Dissertatio inserta Fabricii Biblioth. Graecae vol. XIII. pag. 192-246., quae Auctorem agnoscit Joannem Stephanum, quaeque satis superque ab illa suspicione liberare potest Medicorum veterum Principem. Id equidem probari non potest in Hippocrate, quod saepe Naturam invocet; attamen, si propterea Atheismi accusari posset, plurimi inter veteres & recentiores Medicos in hanc suspensionem incur-*

verent: verum vix ex Hippocratis scriptis dejudicari potest, quid de Deo senserit; licet Moshemius ad Cudworth pag. 104. ad locum ipsius provocat, qui occurrit Lib. 1. de Diaeta, ubi, Deos omnia bene & sapienter constituisse, memorat.

\* EUHEMERUM seu Eucemerum Messenium Atheis annumeratum, jam antea ex AELIANI *historia varia* lib. II. cap. XXXI. docuimus. Historiam namque Deorum gentilium scripsit, in qua ex instituto id executus est, deos, quos venerentur Gentes, fuisse revera *fortes & claros & potentes viros*, immo *mortes & sepulturas deorum, demonstravit*, ut ait CICERO de natur. deorum, lib. I. Specimen istius deorum, quam Euhemerus condidit, historiae, exhibet EUSEBIUS, *praeparat. evangel. libr. II. cap. II. pag. 59.* & quidem ex DIONODORI SICULI, *bibliothecae libr. VI.* qui hodie non amplius extat, a sacrorum forte apud gentiles Antistitibus ex exemplis, quae nancisci potuerunt, ablati, quod rebus suis minus consultum putarent, si haec de diis Gentilium ab omnibus legerentur. Fraudes ejusmodi hominum satis notae sunt. Inter Atheos itaque relatus est non aliam ob causam, quam quod deos gentilium, quos homines fuisse sciebat, pro diis veris agnoscere nollet, sed veram potius originem fabularum detegeret. Praeter AELIANUM vero & SEXTUM EMERICUM, Atheis eum annumerat PLUTARCHUS, de *Iside atque Osiride*, tom. II. opp. pag. m. 360. De eo enim verba faciens, *ὁ αὐτὸς, αὐτὸς ἐστὶν ὁ θεὸς, ὁ αὐτὸς ὁ ἀνθρώπου μετὰ τὴν γέννησιν, πᾶσι δὲ ἀνθρώποις ὑποκείμενος, ὁ δὲ ἀνθρώπου μετὰ τὴν γέννησιν, πᾶσι δὲ ἀνθρώποις ὑποκείμενος, ὁ δὲ ἀνθρώπου μετὰ τὴν γέννησιν, πᾶσι δὲ ἀνθρώποις ὑποκείμενος.* Is enim commentario conscripto *incredibilem & novarum fabularum, omne impietatis genus per totam sparsit terrarum orbem, eos, qui Dii existimantur, universos aequaliter expungens, & ad nomina praeursorum imperatorum, navarcharum ac regum detorqueus, &c.* Verum, cum accusationis suae PLUTARCHUS non aliam causam adferat, quam quod docuerit, deos Gentilium homines fuisse, maximam Euhemero injuriam facit, dum eum ideo Atheismi arguit. Esto vero, falsa eum tradidisse, de deorum Gentilium origine, aut omnino quaedam finxisse, quod PLUTARCHUS deinceps urget, inde tamen nondum sequitur, eum esse Atheum, sed hoc saltem, cum deos Gentilium pro meris saltem habuisse hominibus. Alibi equidem, scilicet de *placitis philosophorum*, lib. I. cap. VII. tom. II. opp. pag. m. 830. Euhemerum cum Diagora Melio, & Theodoro Cyrenaeo, conjungit; quod cum JAC. PERIZONIUS ad AELIANI loc. cit. observasset, addit: *Ex quo tamen loco forsan, si solus esset, & verum diceret, non male illud potius concluderes, Euhemerum plane rejecisse non tantum istos Gentilium deos, sed omne Numen.* Verum, si CALLIMACHI CYRENAEI jambos, quos ibi PLUTARCHUS allegat, recte expendas, non alio argumento, quam libro antea memorato, quem contra Gentilium deos scripsit, eum



eum niti, statim perspicies. Legenda, quae pro Euhemero contra PLUTARCHUM erudite disputat JO. RAINOLDUS, in  *censura libror. apocryphor. veter. testam. praelection. CCXXI. tom. II. pag. 1327. seqq. (38)*  Nescio autem, annon paulo facilius, ut hoc *ὡς ἐς παρὸν* monēamus, PLUTARCHUS fuerit in Atheis multiplicandis, quando & de EURIPIDE, poeta tragico, *loc. cit.* addit, eum equidem hanc sententiam (quae Deum esse negat) aperte profiteri ausum non esse, metuentem Areopagiticum iudicium, indicasse tamen eam, dum Sisyphum introduxit, qui eam proferret, ipsumque ei patrocinatum hac sententia:

ὡς γὰρ χρόνος ἔρ' ἀπαιτῶ, ἢ αἰθρίων βίῳ,  
 καὶ θανάτου, ἐχέω δ' ἐπαρίτης.

*Incondita olim vita fuit mortalium,  
 Et belluina, viribusque serviens;*

Iegibus nimirum deinde positis, (ita EURIPIDIS sententiam exponere pergit) injustitiam fuisse repressam; sed cum hae aperta possint flagitia prohibere, multi autem occulte scelera perpetrarent, tum quendam callidum virum proditiisse, qui docuerit, veritati tenebras mendacis offundendas, hominibusque persuadendum esse:

ὡς ἔτι δαίμων ἀφ' ἧτος θάλλων βίῳ  
 ὡς πάντ' ἀκύν καὶ βλίπαι φρονεῖ τ' ἄγαν.

*Quod sit perenni vita aliquis vicens Deus,  
 Qui cernat ista & audiat, atque intelligat.*

Sed ad Euhemerum ut redeamus, miror, eundem & a CICERONE inter Atheos relatum. Cum enim dixisset: *Quae ratio maxime tradita est ab Euhemero, quem & interpretatus & secutus est Ennius nosster, ab Euhemero autem & mortes & sepulturae demonstrantur deorum; addit: Utrum igitur hic confirmasse religionem videtur, an penitus totam sustulisse? lib. I. de natura deor.* Sane religionem, aut superstitionem potius, Gentilium, penitus sustulit: at ideo veram religionem non sustulit. Rectius de Euhemero sensit ENNIUS, qui ipsomet CICERONE teste, eum non tantum interpretatus, sed & secutus est, hoc est, sententiam ejus adprobavit. Atque haec cum ita se habeant, haud sine ratione Euhemerus a veteris ecclesiae doctoribus, AUGUSTINO, *libr. IV. de civitat. Dei, cap. I. LACTANTIO, de falsa relig. libr. I. cap. XI.* aliisque, inter veritatis testes contra Gentilium superstitionem, relatus est. Id dubium alicui videri posset, qui factum, ut Euhemerus in Atheismi suspicionem apud Ethnicos venerit, cum tamen poetae Græcorum, HOMERUS, HESIODUS,

de Diis gentilium non aliter quam de hominibus locuti sint, immo talia de iis prodiderint, quae vix in homines honestos cadunt. Sed cum Poëtarum proprium esset, fingere & mentiri, illorum de Diis asserta non adeo noxia esse putabant, quam aut Historicorum, aut Philosophorum, qui rem serio agere videbantur, facileque adeo alios, ut minus praeclare de tota religione sentirent, inducere poterant. Legenda &, quae de Euhemero dissevit PETRUS JURIEU, *histoir. critiq. des dogmes & des cultes, &c. part. III. cap. III. pag. 408. seqq.*

- (38) *Reste defenditur Eumerus a Bruckero l. c. Tom. I. pag. 604. seqq. quem exscribere non lubet, quemque non licet superare.*

### §. XXI.

Ad eos, qui post Christum natum floruerunt, Philosophos Graecanicos quod attinet, quid de illis, qui certae sectae nomen suum dederant, si doctrinam, quam professi sunt, spectes, censendum sit, ex hactenus dictis facile intelligitur. \* Inter reliquos, qui ad nullam sectam certam referri possunt, eminent PLUTARCHUS \*\* atque LUCIANUS \*\*\*. Uterque enim inter Atheos a quibusdam relatus est, fundamento tamen non aequo certo, aut extra omnem dubitationem posito.

- \* Non itaque necesse est, ut speciatim aut EPICTETUM, aut M. AURELIUM ANTONINUM, Imperatorem & Philosophum, aut DIOGENEM LAERTIUM, aut SEXTUM EMPIRICUM, ceterosque, hic commemorem. Etsi enim hisce Atheismus, quantum mihi constat, speciatim objectus non sit, quam tamen de Deo animo conceperint opinionem, ex sectae cujuslibet, cui addicti fuerunt, placitis, intelligere licet. EPICTETUM vero & M. AURELIUM ANTONINUM in Stoicorum, DIOGENEM LAERTIUM in Epicuraeorum, & SEXTUM EMPIRICUM in Pyrrhonorum militasse castris, notum est. (39)

- (39) Sextus Empiricus passim monstrat, qualis fuerit sectae Philosophus, qui ex argutis in utramque Disputationibus gloriolam captare studebat, sed existentiam Numinis nullibi negavit, licet satis acriter in eum invehatur Parkerus de Deo Disp. II. Sect. 26; neque talis negatio cum Scepticorum placitis potuisset conciliari. In Pyrrhon. Hypoth. Lib. 3. C. 1. quidem argumenta Dogmaticorum pro existentia Dei

*Dei impugnat, sed tantum, ut monstret, nihil etiam de hac re statui posse. Si perpendamus ea, quae Lib. IX. adversus Physicos pag. 560. seqq. disputat, praesertim egregia, quae profert pag. 578. seqq. Scepticum ubique videbimus, non Atheum.*

**\*\* PLUTARCHUM** Chaeronensem in quibusdam Aristotelem secutum, subinde tamen & Platonis calculo suo adprobasse scita, sed & haud raro cum Academicis suspendisse iudicium, Stoicorum autem ita rejecisse paradoxa, ut multo magis Epicuraeorum placita in Deum injuria improbaret, constar. Errores itaque, certae sectae proprii, illi tribui nequeunt. Atheismum illi objicit PETRUS MOLINAEUS *de cognitione Dei*, pag. 81. eo maxime argumento, quod in libro *ἀπὸ διωνυσίου* Atheismum superstitione tolerabiliorem esse, pronuntiavit. At inde profecto nondum sequitur, eum fuisse Atheum. Immo eo minus inde Atheismi argui potest, quod non de quolibet Atheismo, nec de quacunque superstitione hoc intellexerit, sed hoc velit, quaedam superstitionis genera ita comparata esse, ut majora hominibus aliis damna inferant, quam speculativus ineptorum quorundam hominum Atheismus. Recte id observatum JOANNI ALBERTO FABRICIO, Plutarchum contra MOLINAEUM defendenti, *bibl. graec. libr. IV. cap. XI. pag. 332. & 351.* Teste & per ambages, ut alios, ita & Plutarchum, Atheis accenset auctor libri: *discours sur la liberté de penser*, quem ANTONIUM COLLINUM esse ferunt. Inter libere enim cogitantes & Plutarchum refert, *sect. III. pag. 192.* Eo scilicet hoc nomine facit, quia mascule & cordate contra superstitionem locutus est. Huc enim tendunt loca, quae ex eo adfert; mereturque omnino eam ob rem, non tantum inter libere, sed & inter recte cogitantes referri. Quodsi vero auctor *superstitionis* nomine ipsam religionem innuit, sumnam Plutarchi injuriam facit. Res namque ipsa docet, illam eum neutiquam damnasse aut rejecisse. In contrarium equidem currere videtur RICHARDUS SIMON, dans ses *lettres choisies, let. XXII. pag. m. 167*; de scriptis enim Plutarchi philosophicis & moralibus verba faciens, *car il est souvent ridicule*, inquit, dans l'un & dans l'autre, & il est même si entêté de son *Paganisme*, qu'il est quelque fois religieux jusqu'à la superstition. Certo paganismo, addictissimum fuisse Plutarchum, negari nequit; interim, quantum ab homine Ethnico expectari potuit, ab Atheismo non minus, quam superstitione remotus videtur; id quod scripta ejus passim satis testantur. (40)

(40) Quis quaeso non ridebit perversum Atheisticum zelum, quando Plutarchum inter Atheos numerant propter ipsius librum *ἀπὸ διωνυσίου*; cum, si vel fugitivo oculo hunc tractatum inspiciamus, deprehendere liceat, Plutarchum Atheismum inter turpissimos censuisse errores. Sic l. c.

*l. c. pag. m. 165. dicit (brevitatis gratia Graeca omitam) Impietas prave sentiens, nihil esse beatum, nihil interitus expers, animo quendam stuporem videtur inducere negatione Numinis, finisque non credendi Deum esse, est metu vacare, &c.*

\*\*\* LUCIANUM Samosatensem, rhetorem atque philosophum eximium, & ingenio excellenti pollentem, certae Philosophorum sectae nomen non dedisse, constat. Epicurum tamen prae ceteris magni fecit, quem & quodammodo in exemplum, quod imitaretur, sibi proposuisse videtur. Hinc cum Cello, jurato isti Christiani nominis hosti, ὡς δὲ ἔστιν, suum inscripsisset, rationem circa finem adferens, cur hoc ei minime ingratum fore crederet, maximis elogiis Epicurum, in cujus castris Celsum militare sciebat, ornat. Τὸ πρῶτον δέ, inquit, ὁσὲν καὶ σοὶ ἦδον, Ἐπικυρὸν παραρῶν, ἀνδρὶ ὡς ἀληθῶς ἱερῷ, καὶ ἡγεμονίῳ τῶν φύσιν, καὶ μόνῳ μετ' ἀλγῆτος καὶ καλὰ ἰσχυρῶν, καὶ ἀσφραδιστῶν, καὶ ἰλασθῆναι τὴν ὁμιλιώμεναι αὐτῷ μετὰ τὸν πότον; Tum etiam, quod tibi fuerit jucundius, ut Epicurum ulcisceretur, virum vere sacrum, ingenioque divino, quique solus, quae vere sunt honesta, noverit, & tradiderit, liberosque reddiderit eos, qui secum haberent consuetudinem; tom. I. opp. p. m. 783. Et sane non tantum in doctrina de Providentia Divina non alienum ab Epicuri sententia se passim demonstrat, sed etiam religionem cultumque deorum subinde false perstringit, atque irridet. Documento sunt, quae, ut alia mittam, in duobus dialogis, quorum uni titulus est: Ζῆλος ἐν Ἀρχαῖς, Jupiter consutatus; alteri: Ζῆλος τραγῳδίας, Jupiter tragoedus, quique tom. II. opp. pag. 117. seqq. extant, in medium adfert. Certe, quae in ultimo dialogo disserit, non tantum idololatriam, & ridiculam Gentilium superstitionem, fabulasque eorum de diis, sed & generatim providentiam Numinis, cui cultus ejus omnis. que religio innititur, feriunt. Ideoque & passim inter Atheos referri solet; nec sine omni, ut puto, jure; saltem non aliter, quam Epicurum de Deo eum fensisse, certum est. Qui eum ab hac suspitione liberare cupiunt, loca quaedam adferunt, in quibus Dei, aut argumentorum, quibus existentia ac providentia ejus probari potest, mentio injicitur. Verum haec si paulo accuratius consideremus, talia a Luciano non ex ipsius, sed aliorum mente proponi, & ita proponi, ut statim acriter refutentur, deprehendemus. Exemplum luculentissimum praebet dialogus antea jam a me laudatus, cui titulum fecit: Jupiter tragoedus. In eo enim Timocles Stoicus, deorum, speciatim providentiae causam agit, Damis autem Epicureus, contra deos & providentiam disputat. Timocles autem Stoicus per totum dialogum, ut homo longe ineptissimus inducitur, qui convitiis magis, quam rationibus, pugnat; qui porro rationibus tam infirmis dimicat, ut prodere potius, quam defendere deorum causam videatur, & ab auditoribus tandem exploditur & exhibilatur. Damis contra ubique rationibus argutis pugnat,

pugnat, vel ipsa modestia adversarii imbecillitatem arguit, vincit, triumphat, & auditorum adplausum refert. Paucis, ipsius Jovis judicio Timocles causa cadit. Cum enim Momus dixisset: *ταυτην ἰδὲ καὶ πῦρ ἀνέχουσι τὸ Δαμίδι καὶ πολλοὶ ἐν τῇ τῆς νίκης φέρουσιν*; Res certe Damidi secundo flumine procedit, plenisque velis fertur ad victoriam, respondet Jupiter: *ἔσθ' ἢ Μόμος ἀνέχουσιν. ὃ δ' ἂν δὲν ἴσχυον ὃ Τίμοκλῆς ἐπινοῶν ἄλλα τὰ κρηνα τῆς νίκης, καὶ κατὰ ἰσχυρὰ, ἄλλα ἐν ἄλλοις ἐν ἀσθενέστεραις πάλαι ἐπαύλασι*; Recte, o Mome, judicas. Nihil enim validi Timocles comminiscitur: sed communia haec & quotidiana, quae omnia facile refelluntur, alia aliis infundit, pag. 156. Scopus itaque LUCIANI hinc satis intelligitur, qui fuit, Epicurcorum sententiam contra Stoicos defendere; hosque simul omnium risui exponere. Praecipuum equidem argumentum, quo Timocles providentiam evincere annititur, hoc est: *Id mihi rerum primus ordo persuasit*; (brevitatis enim causa Latino saltem sermone haec referre juvabit) *sol quidem iter semper conficit, eodemque modo luna, & tempestatum mutatio, & plantarum procreatio, & animalium generatio, horumque ipsorum tam elegans compositio, ut alantur, moveantur, cogitent, incedant, fabrilem artem & sutoriam exercent. Atque id genus alia mihi providentiae videntur esse opera.* Sed respondet Damis: *Tu quidem, Timocles quaestionem corripis. Nondum enim liquet, an horum unumquodque providentia perficiatur. Ceterum, quod haec fiant, nec ipse negaverim. Non tamen illico necesse est, credere, ea aliquo consilio fieri. Contingit enim, ut haec incepta sint, nuncque similiter, eodemque modo constituantur, &c.* Atque hinc cujusmodi reliqua sint, quae ex Luciano, ad eum ab Atheismi suspicionem liberandum proferri solent, perspicere licet.

## §. XXXI.

Apud Romanos tantus equidem Philosophorum non extitit numerus, quam apud Graecos. Nec tamen defuerunt, qui ob Atheismum male audirent, aut quorum saltem dubia de Numine, ejusque providentia, ac cultu, censeretur opinio. De iis quidem, qui aliquam ex Graecanicis sectis decuti sunt, quid existimandum sit, haftenus dicta itidem neminem dubitare sinunt. \* Inter reliquos \*\* triumviri isti CICERO, \*\*\* LIVIUS, \* PLINIUS, \*\* cum primis commemorandi sunt, quos ut nonnulli audacter Atheis annumerant, ita alii contra, saltem duos priores, rationibus haud contemnendis, ab hac suspicionem liberant atque defendunt.

H

• Sic

\* Sic TITUM LUCRETII CARUM Epicuri secutum & acriter defendisse placita, SENECAE autem porticus arrisisse decreta, notum est. Qui autem, SENECA omnino Christianum fuisse, putant, nihil aliud agunt, quam ut significant, se non satis eum intelligere, nec intimiores sensus, qui sub splendidissimis verbis latent, intropicere. (41)

(41) *Qualis Christianus fuerit Seneca, omnium optime manifestum sit ex ejus Consolat. ad Marciam Cap. 19. Cogita, nullis defunctum malis adfici; illa, quae nobis inferos faciant terribiles, fabulam esse. — Mors omnium dolorum & solutio est & finis: ultra quam mala nostra non exeunt, quae nos in illam tranquillitatem, in qua, antequam nasceremur, jacuimus, reponit. Attamen in aliis suis scriptis dubitanter de animae immortalitate loquitur: Sic Epist. 65. Mors quid est? aut finis est, aut transitus; quae verba saltem monstrant, eum de fundamentali hocce Christianae Religionis dogmate non fuisse persuasum.*

\*\* Auctor *discursus de libertate cogitandi*, quem ANTONIUM COLLINUM esse, supra diximus, ex Romanis inter libere cogitantes praeter Ciceronem, de quo deinceps, Varronem quoque refert, atque Catonem utrumque, Censorem & Uticensem, p. 196. *seqq.* Per libere autem cogitantes quos intelligat, nemini temere ignotum esse potest. Sed ad Varronem quod attinet, ex locis, quae ex AUGUSTINO adfert, nihil aliud colligas, quam cum theologiae gentilis ineptias perspectas habuisse, ac rejecisse, atque hactenus non tantum inter libere, sed & recte cogitantes referri potuit. Vel ex primo statim, quem laudat, hoc patet, loco: *Multa sunt (verba sunt Varronis) contra dignitatem & naturam immortalium ficta. In hoc enim est, ut Deus alius ex capite, alius ex femore sit, alius ex guttis sanguinis natus; apud AUGUSTINUM, de civitat. Dei lib. VI. cap. IV. De Catone Censore idem censendum. Notissimum enim illud, quod de eo ex CICERONE refert: mirari se aiebat, quod non rideret haruspex, cum haruspiciem vidisset, non aliud arguit, quam hypocrisin & fallaciam Haruspicum, & Sacerdotum gentilium, intine illi perspectam fuisse. De Catone denique Uticensi prolixum ex LUCANO locum profert, in quo cum multa ex Stoicorum disciplina loquentem inducit; inter quae, quod negandum non est, nonnulla sunt, quae, si veram ejus mentem exprimerent, a Pantheistarum haud procul cum abiisse sententia, demonstrarent. Cumprimis huc sequentia spectant:* (42)

*Estne Dei sedes, nisi terra pontus & aër,  
Et coelum & virtus? Superos quid quaerimus ultra?  
Jupiter est, quodcunque vides, quocunque moveris.*

Con-

Conferenda haec cum iis, quae supra de Stoicorum doctrina diximus.

- (42) *Licet operae pretium non sit acrius disquirere, quid de Deo ejusque existentia senserint veteres Romani, cum hic versetur Cl. Auctor in enodanda quaestione, an dentur Athei scil. Theoretici, praesertim primae classis adscribendi; attamen id unum notari potest, Lucanum aliquando potius ad superstitionem, quam ad Atheismum fuisse proclivem, & aliis in locis recte de Deo, seu Diis scripsisse, uti Lib. 1. vs. 80. seqq. Imo hic ipse locus non tantum non exprimit sententiam Lucani (Catonem quippe loquentem introducit), sed etiam sanum sunderere potest sensum, cum omnipraesentiam & omniscientiam Dei rectissime depingat, si totus consideretur, quando dicit, (secundum Oudendorpium emendando textum) vs. 578. seqq. Lib. IX.*

Estne Dei sedes nisi terra & pontus & aer  
Et coelum & virtus? superos quid quaerimus ultra?  
Jupiter est quocunque vides, quocunque moveris.

*Hunc sensum saniores nos, ex Revelatione & ex emendata Philosophia melius edocti, verbis Lucani adfingere possumus; sed diffidendum non est, verba: quocunque vides in significatione, quae cum Gentilium Philosophorum placitis congruit, idem significare posse cum quodcunque vides; & licet Poeta in eo sit, ut Dei omnipraesentiam ex mente Catonis pingat, eumque a quolibet nostrum non esse remotum inserat, attamen id saltem indicare videtur, Jovem per omnia loca esse diffusum.*

- \*\*\* CICERONEM, licet Ethnicum, a superstitione tamen Ethnicorum longe abfuisse, nemo dubitaverit, nisi qui librum ejus de natura deorum, & de divinatione, nunquam inspexit. Inde vero omnino factum, ut cum Christianae doctrinae veritate orbis Romanus collustraretur, ipsi Ethnici, libros ejus causae Christianorum contra superstitionem suam praesidium adferre, crederent, eosque publica Senatus auctoritate abolendos censerent. Testis hujus rei est ARNORIUS: Cum sciam; esse non paucos, qui averfentur & fugiant libros de hoc ejus (Ciceronis) nec in aurem velint admittere lectionem, opinionum suarum praesumpta vincentem? cumque alios audiam mustitare indignanter, & dicere: oportere statui per Senatum, aboleantur ut haec scripta, quibus Christiana religio comprobetur, & vetustatis opprimatur auctoritas? Quinimo, si fideitis, exploratum nos dicere quicquam de diis vestris, erroris convincte Ciceronem temeraria & impia dictitare, resellitote, redarguite, comprobate. Nam intercipere scripta, & publicatam velle submergere lectionem, non est deos defendere,

*sed veritatis testificationem timere; libr. III. pag. 103.* An vero ad alterum ita processerit extremum, ut ad Atheismum inclinaverit? id est, de quo quaeritur. Sane in libris de *natura deorum* Cotta contra omnes collocutores, qui existentiam deorum defendebant, victoriam referre videtur. Atque vel hoc nomine cum *libere cogitantibus* annumerat, ANTONIUS COLLINUS, qui & ex libro de *divinatione* argumentum capit, quippe in quo Graecorum ac Romanorum religionis fundamenta penitus evertat. Eum praeterea suum, pariter ac plerorumque Philosophorum, characterem expressisse, dum dixit: *Eos, qui dant philosophiae operam, non arbitrari, deos esse.* Addit idem auctor & alia, quibus Cicero in libere cogitantium partes pertrahat, immortalitatem animae eum negasse, & inferorum poenas inter Poëtarum fabulas retulisse, asserens, simulque illis indignatur, qui in contrariam sententiam cum allegantes, non distinguant, num ex propria, an ex aliorum mente loquatur, *loc. cit. pag. 198. seqq.* Verum, etsi vel maxime CICERO animae immortalitatem non crediderit, aut de ea dubitaverit, etsi etiam, quae Poëtae de inferorum poenis tradunt, inter commenta eorum fabulasque retulerit, inde nondum colligere licet, eum fuisse Atheum. Quod dixit, *eos, qui dant philosophiae operam, non arbitrari, deos esse*, de omnibus Philosophis intelligi nequit, cum ipse met CICERO quibusdam saltem Philosophis contrariam sententiam tribuat: multo minus verosimile, eum se ipsum hisce philosophis aggregare voluisse. (43) In libris de *natura deorum*, fateor, ita disputat, ut Cotta superior ex hoc certamine evadere videatur: sed alibi tamen rursus ita loquitur, ut sententia de Deo, ejusque providentia, & cultu, firmiter animo ejus haesisse credi queat. Non displicet itaque judicium PETRI BAEII, qui de Spinoza differens ita pronuntiat: *Mr. l'Abbé de Dangeau parle de certaines gens, qui ont la religion dans l'esprit, mais non pas dans le coeur; ils sont persuadés de sa vérité, sans que leur conscience soit touchée de l'amour de Dieu. Je crois, qu'on peut dire qu'il y a aussi des gens qui ont la religion dans le coeur & non pas dans l'esprit. Ils la perdent de vuë des qu'ils la cherchent par les voies du raisonnement humain; elle échappe aux subtilitez & aux sophismes de leur dialectique; ils ne sçavent ou ils en sont pendant qu'ils comparent le pour & le contre: mais des qu'ils ne disputent plus, & qu'ils ne sont qu'écouter les preuves de sentiment, les instincts de la conscience, le poids de l'éducation, &c. ils sont persuadés d'une religion, & ils y conforment leur vie autant, qu' l'infirmité humaine le permet. Cicéron en étoit là; on n'en peut guere douter quand on compare ses autres livres avec ceux de *natura deorum*, ou il fait triompher Cotta de tous les interlocuteurs, qui soutenoient qu'il y a des dieux; in diction. historico-crit. voc. Spinoza, pag. 2774.*



- (43) Collinsium *turpiter abusum fuisse verbis Cicconis, rectissime notavit Bentlejus la Friponnerie Laïque pag. 496. seqq. cum Lib. 1. de Inventione Cap. 29. per exempla suam doctrinam confirmet*: Probabile autem, inquit, est id, quod fere fieri solet, aut quod in opinione positum est — in eo autem, quod in opinione positum est, huiusmodi sunt probabilia: impiis apud inferos poenas esse praeparatas; eos, qui Philosophiae operam dant, non arbitrari Deos esse.

*Quid de animae immortalitate crediderit Cicero, de iudicandum praefertim ex Tusculanis quaestionibus (ubi ipse cum Adolescente, vel Auditore, non vero cum Attico, colloquia instituit). Enumerat decem sententias de anima; secundum septem priores Mors non est malum; His sententiis omnibus, inquit, Lib. 1. Cap. 11. nihil post mortem pertinere ad quemquam potest; pariter enim cum vita sensus amittitur &c. Deinde vero adjicit: Reliquorum sententiae spem adferunt, posse animos, cum corporibus excesserint in coelum, quasi in domicilium suum, pervenire. Et satis in eodem Lib. 1. Tusc. Quaeft. ostendit, se ad credendam animorum immortalitatem esse proniorem. Sic Cap. 14. Maximum argumentum est, naturam ipsam de immortalitate animorum tacitam iudicare; & Cap. 16. ut Deos esse natura opinamur, qualesque sint, ratione cognoscimus: sic permanere animos, arbitramur consensu rationum omnium.*

- \* Quod Oratorum apud Romanos principi, idem & principi Historicorum TITO LIVIO contigit, ut Atheisini labes ei adaspergeretur. Cum primis & ex instituto hoc egit JOAN. TOLANDUS, in dissertatione satis nota, cui titulum fecit: *Atheisdaemon, sive Titus Livius a superstitione vindicatus*. Enim vero, etsi, Livium se a superstitionis accusatione liberare velle, videri velit, id tamen eum agere, ut religionis omnis contentum ei tribuat, & revera Athcum ex eo faciat, nemo facile, qui paulo accuratius hanc dissertationem perlegerit, dubitaverit. Idque ipsemet aperte indicat, quando §. V. pag. 6. sine ambagibus asserit: *Livium totam religionem patriam pro nulla habuisse, vel, quod eodem redit, pro pulcherrimo politicorum commento, in magistratum subsidium & sacerdotum emolumentum subtiliter excogitato*. Neve existimes, solam Ethnicorum religionem, quae supersticio potius sit, cum intelligere, de Mosaica etiam, quae olim sola vera erat, in hac ipsa dissertatione non aliter, quam de Ethnica, loquitur, simulque haud semel innuit, superstitionis, sua opinione, expertem non esse, nisi qui omnem religionem ejuraverit. Genuinam TOLANDI de Livio mentem pluribus dedegit JACOBUS FAYUS, in *defensione religionis, nec non Moysi, & gentis Judaicae, contra duas dissertationes Joannis Tolandi cap. II. & III.* Injuriam vero Livio fieri, dum pro Atheo omnisque religionis contemptore venditur, idem, quem jam laudavimus, JAC. FAYUS ostendit,

dit, loc. cit. cap. III. §. IV. pag. 20. itemque ELIAS BENOIST, *melange de remarques critiques* &c. contre Mr. Tolland &c. pag. 6. Jeqq. (44)

- (44) *Nemo, qui Livii scripta legit, eum Atheorum numero adscribet, licet superstitionem saepius false riserit. Male vero Ven. Fayus contra Tollandum Cap. 3. Livium contra hominem impudentem defensurus, provocavit ad Livii Lib. 1. Cap. 19. §. 20, ubi Numae conamina potius ridet, quam approbat: sed Cap. 21. dicit: ad haec consultanda procurandaque, multitudine omni a vi & armis conversa, & animi aliquid agendo occupati erant, & Deorum assidua insidens cura, quum interesse rebus humanis coeleste Numen videretur, ea pietate, omnium pectora imbuerat, ut fides ac jusjurandum, proxime legum ac poenarum metum, civitatem regerent. Neque Proëmium monstrat, Livium Deos agnovisse. Sed Lib. 3. C. 20. negligentiam Deum improbare videtur; Lib. 5. C. 50, Camillum laudans, inquit: Omnium primum, ut erat diligentissimus religionum cultor, quae ad Deos immortales pertinebant, retulit, &c.*

\* PLINIUM seniore, celeberrimum istum historiae naturalis conditorem, ab Epicuraeorum non abhorruisse placitis, jam pridem Viris eruditissimis observatum. conf. JOANNES RAINOLDUS, in *censura librorum apocryphorum. vet. testam. praelect.* CXCL. tom. II. pag. 1036. JO. TOLLANDUS autem, ut & hunc a credulitatis suspitione liberet, more suo omnino Atheum facit, in *adeisidæmone*, §. II. pag. 2. Et negari profecto nequit, cum non tantum lib. VII. cap. LV. animarum immortalitatem ex instituto impugnare, sed lib. II. cap. I. de universo hoc ita loqui, ut non aliud agnoscere numen videatur. Verba ejus sunt: *Mundum & hoc, quod nomine alio coelum appellare libuit, cujus circumflexu teguntur cuncta, nomen esse, credi par est, aeternum, immensum, neque genitum, neque interitum unquam.* Consentiunt & reliqua, quae sequuntur. Sed & alibi lib. XXVII. cap. III. de casu verba faciens, *hic ergo casus*, inquit, *hic est ille, qui plurima in vita invenit, Deus.* *Hoc habet nomen, per quem intelligitur eadem & parens rerum omnium & magistra natura, &c.* (45)

- (45) *Si vel solum Caput VII. Lib. II. inspiciamus, manifestum fit, quam perversas de Deo siverit opiniones Plinius, cum praesertim providentiam explodat, & Epicuraeum sese monstret. Ridet quidem jure merito pluralitatem Deorum, eorumque matrimonia, adulteria, jurgia, odia, &c. Sed venenum manifestum fit, quando adjicit, Irridendum vero, agere curam rerum humanarum illud summum. — Verum in his Deos agere curam rerum humanarum credi, ex usu vitae est: poenasque maleficiis aliquando seras, occupato Deo in tanta mole, nunquam au-*

autem irritas esse, nec ideo proximum illi genitum hominem, ut  
vilitate juxta belluas esset.

§. XXIII.

Inter Christianos, ut ad eos nunc transeamus, primis seculis nemo fuit, cui jure Atheismus obijci potuerit, etsi ipsis Christianis ejusmodi impietas ab Ethnicis subinde per turpissimam calumniam exprobrata sit. \* Sequenti tamen tempore, cum sub Romanorum Pontificum tyrannide ecclesia Christiana gerneret, in medio Scholasticorum regno extiterunt, qui talia traderent, quae aperte ad Atheismum, speciatim Spinozismum, accederent. Idque vel ALMARICI \*\* atque DAVIDIS DE DINANTO \*\*\* exemplo constat, ne quid nunc de ceteris dicam. \*

\* Christianis Atheismum & impietatem ab Ethnicis olim objectum, ex ATHENAGORA, ARNOBIO, aliisque, tam notum est, ut supervacaneum foret, hac de re aliquid addere. Loca Veterum, hoc comprobantia, diligenter jam collegit N. CHRISTIANUS KORTHOLOTUS, in *paganis obreātore lib. II. cap. X. pag. 406. seqq.* Observat idem auctor, vitium hocce tam vulgare fuisse, ut Christiana, religio *καὶ ἡθεῖς Atheismus* dicta sit. Idque DIONISII CASSII exemplo comprobat, qui, Clementem & Domicillam, ob Christianismi professionem a Domitiano damnatos fuisse, significaturus, *hisor. lib. LXVII. dicit: ἀπὸ καὶ ἀπὸ τοῦ ἡθεῖς καὶ ἡθεῖς, ἀμφοῖν illatum est atheismi crimen.* Immo eo usque progressus est detestandus caluminiandi furor, eodem auctore observante, ut ipse Servator Ethnicis audiret, *religionis extinctor, & impietatis auctor, qui impietatem docuerit nationes.* Testatur hoc ARNOBIUS, *lib. II. contra gentes, sub init.*

\* Seculo post Christum natum decimo tertio floruit ALMARIUS, philosophus, idemque novorum dogmatum in theologia; si nonnullis credimus, inventor, ideoque & in haereticorum numerum relatus. Quodsi vera sunt, quae de eo dicuntur, praecipuum ejus dogma, ex quo & ceteri fonte reliqui errores fluxisse videntur, fuit; *Deum esse materiam primam*. Sententiam ejus ex GERSONE, tract. de concord. metaphys. cum log. part. IV. ita proponit JACOB. THOMASII: *omnia sunt Deus, Deus est omnia, Creator & creatura idem. Ideae creant & creantur. Deus* ideo

ideo dicitur finis omnium, quod omnia reversura sint in ipsum, ut in Deo immutabiliter conquiescant, & unum individuum atque incommutabile permanebunt. Et sicut alterius naturae non est Abraham, alterius Isaac, sed unius atque ejusdem; sic dixit, omnia esse unum, & omnia esse Deum. Dixit enim, Deum esse essentiam omnium creaturarum; de exult. mundi Stoica differt. XIV. §. XCIX. Quae quidem ita comparata sunt, ut nec apertius, nec luculentius, Spinozismus exprimi potuerit. (46) Dum vero Almaricus dixit: Deum esse finem omnium, omniaque in ipsum reversura, ut in eo immutabiliter conquiescant, & unum individuum atque inmutabile permaneant, nihil aliud sibi voluit, quam quod deinceps DAVID DE DINANTO docuit, Deum esse materiam primam. Cautius nimirum incedens, finis quam materiae, nomen adhibere maluit, eoque subdole non causam finalem, sed id, in quod omnia reversura essent, intellexit. De origine erroris Almariciani, num ex Platonica, an Aristotelica philosophia fluxerit, dixi in observatione de haeresibus ex philosophia Aristotelico-scholastica ortis, tom. I. observation. selectar. num. XV. §. XVII. itemque in dissertat. de Spinozismo ante Spinozam, quae in analectis historiae philosophicae extat, §. XI. ad XV. pag. 327. seqq. ubi & pag. 334. ex Aristotelica potius, quam Platonica philosophia eum derivandum, probavi.

- (46) Nulla Almarici scripta prostant; omnis haec narratio nititur fide Gersonis; adeoque rem recte putasse videtur Bruckerus Hist. Crit. Philos. Tom. 3. pag. 688., ubi scribit: Valde suspecti judices sunt Theologi Parisienses: cum enim aegerrime ferrent, dialecticam Augustini — negligi, — indigne non ferre non possent, Auditores, relictis doctoribus pristinis, ad novos Magistros properare, eorumque replere auditoria, odio & invidia in eos accendi debebant.

\*\*\* DAVID DE DINANTO Almarici fuit discipulus, magistrique vestigia premens, apertius etiam, quod ille sensit, elocutus est, asseruitque, Deum esse materiam primam. Hunc eum ab Alexandro Epicuræo accepisse errorem, auctor est THOMAS DE AQUINO, lib. I. contra gentil. cap. XVII. Sed Alexandro, utpote Epicuræo philosopho, ejusmodi sententiam tribui non posse, supra jam ad §. XVIII. observavimus. Probabilius longe & Almarici, & Davidis de Dinanto, ex uno eodemque fonte profluxisse errorem. Haud difficulter concessero, quod JAC. THOMASIVS, de exult. mundi Stoica, dissertat. XV. §. CXXIX. docet, *αὐτὸν ψῆδον*, Dinantii fuisse, abnegationem creatricis omnipotentiae, quam ingeniosissimis quoque gentilium pater mendacii persuaferat. Hunc namque erroris istius fontem vel maxime ex ARISTOTELE, qui eo tempore unice in scholis regnabat, haurire poterant; quippe cui hoc cum

cum reliquis Gentilium firmiter persuasum erat, ex nihilo nihil posse fieri, adeoque aut mundum, aut materiam, semper extitisse. Sublato Creatore, cum omnia ex materia deducerentur, primum admodum erat, materiam primam tandem pro ipso Deo habere; idque eo magis, quod Scholastici simplicitatem & alia attributa, quae soli Deo conveniunt, materiae assignarent. Saltem argumenta quaedam haec ei praeberere potuerunt, quibus impietati suae colorem quandam conciliaret. Jungenda, quae dixi, in *observatione de haeresibus ex philosophia Aristotelico-scholastica ortis*, tom. I. *observation. selectar.* §. XVIII. pag. 205.

- \* Universam Scotistarum gentem, quae tantum olim in Scholasticorum regno strepitum dedit, Spinozismi arguere non dubitat PETRUS BAEIUS. Nec enim *universale* illorum *formale a parte rei*, aut *unitatem formalem a parte rei*, aliud quid sibi voluisse, quam quod deinceps Spinoza apertius elocutus est, & majori eruditionis specie proposuit. Idem ex PETRI ABÆLARDI, *epist. I. pag. 5.* locum producit, ex quo patet, GUILIELMUM CAMPENSEM, Archidiaconum Parisiensem, acerrimumque Abælardi adversarium, itidem talia docuisse, quae cum Spinozismo conveniunt. *Erat, inquit, in ea sententia de communitate universalium, ut eandem essentialiter rem totam simul singulis suis inesse adstrueret individuis, quorum quidem nulla esset in essentia diversitas, sed sola multitudinis accidentalium varietas; conf. dictionar. historico-crit. voc. Abælardus, p. 18. item voc. Caesalpinus pag. 876.* Sane quidem istam Scotistarum hypothesin, *universalia citra intellectus operationem re ipsa existere, omniaque individua de una eademque essentia, non specie, sed numero tali, participare*, ad Spinozismum ducere, aut non multum ab eo differre, negari nequit. An vero Scotistae omnes, quae ex hacce hypothesi fluunt, dogmata impia perspexerint, vel, si perspicere potuissent, approbaturi fuissent, id quidem est, de quo merito dubito. Addenda, quae jam hac de re dixi in *dissert. de Spinozismo ante Spinozam*, §. XVII.

## §. XXIV.

Cum bonae literae, quae hactenus densa velut caligine oppressae jacuerant, iterum efflorescerent, ut veterum simul Philosophorum, cum primis Aristotelis, scita resuscitarentur, sentiendi hinc orta libertas apud multos in licentiam degeneravit, \* magnamque in Italia cum primis \*\* impiorum homi-

num produxit cohortem, quorum alii pro Atheis habiti, aut talia, quae ad Atheismum ducunt, docuisse crediti sunt; alii autem lascivis, impuris atque profanis scriptis, sermonibus, moribus, ipsaque adeo vita, nullam Numinis, si vera sunt, quae de iis narrantur, se habuisse rationem, testati sunt. Ad priorem classem PETRUM ARETINUM, \*\*\* FRANCISCUM POGGIUM, Florentinum, \* JORDANUM BRUNUM, \*\* PETRUM POMPONATIUM, \*\*\* JULIUM CAESAREM VANINUM, \* HIERONYMUM CARDANUM, \*\* THOMAM CAMPANELLAM, \*\*\* NICOLAUM MACHIAVELLUM, \* & celeberrimos istos Aristotelicae philosophiae interpretes, ANDREAM CAESALPINUM, \*\* CLAUDIUM BERIGARDUM, \*\*\* & CAESAREM CREMONINUM \* referre solent; ne quid de COSMO RUGGERIO dicam, qui cum Italus gente esset, in Gallia vixit, & postquam palam se Atheum professus esset, obiit; \*\* ad posteriorem autem, PAULUM JOVIUM, \*\*\* ANGELUM POLITIANUM \* HERMOLAUM BARBARUM, \*\* JOANNEM CASAM, \*\*\* M. ANTONIUM MURETUM \* aliosque.

- Magnus utique illorum, qui post bonas litteras renatas ingenium ad Atheismum & impietatem pronum demonstrarunt, fuit numerus: nec tamen Atheorum proprie & stricte sic dictorum tantus, quantum nonnulli faciunt. Recensent Atheos, qui post renatas litteras extitisse perhibentur, GISEBERTUS VOETIUS, *differtat. de Atheismo, tom. I. differtat. selectar. pag. 217. seqq.* JOANNES MULLERUS, in *atheismo devicto*; & THEOPHILUS SPIZELIUS, in *scrutinio atheismi historico-aethiologico, pag. 17. seqq.* sed ita, ut multos inter Atheos referant, qui tamen, etsi aut moribus impii fuerint, aut erroneas quasdam pravasque sententias foverint, ideo statim Atheismi proprie & stricte sic dicti convinci nequeunt.
- \*\* Italiam, foecundam Atheorum, aliorumque hominum impiorum, matrem esse, pridem Viris eruditis observatum. Quod cum varias ob causas, quas enarrare hujus loci non est, contingere queat, nullum tamen dubium, quin crassa illa & prorsus ridicula clericorum hypocri-sis, quae ibi conspicitur, multum eo conferat. Legenda, quae post HENRICUM STEPHANUM, *praeparat. ad apolog. Herodoto hac de re con-* gessit

gessit GISPERTUS VOETIUS, *loc. cit.* pag. 217. add. DN. LA CROZE, *entre-  
tiens sur divers sujets d'histoire*, pag. 283.

\*\*\* PETRUS ARETINUS Atheis ideo annumerari solet, quod auctor detestandi libri, *de tribus impostoribus*, esse creditur. THOMAS equidem CAMPANELLA in *atheismo triumphato*, Poggium potius Florentinum hocce nomine suspectum fuisse, indicat: THOMAS autem BROWNE, *de religione medici*, sect. XIX. Bernhardum Ochinum pro ejus auctore venditat: alii aliter sentiunt. Plerique tamen, insausi hujus foetus parentem PETRUM ARETINUM esse volunt, quibus etiam accedit THEOPHILUS SPIZELIUS, in *scrutinio atheismi* pag. 18. qui & MAR. MERSENNUM laudat, *commentar. in genes.* pag. 1830. allentem, ex singulari amici cujusdam, qui librum legerat, indicio sibi constare, stilum esse Aretini. Sed dubitarum omnino fuit, & adhuc dubitatur, an unquam ejusmodi liber exiterit. Etsi enim Viri quidam docti hoc asserunt, ad amicum, a quibus hoc acceperint, testimonia provocantes, alii tamen discrete hoc negant, quod & RICHARDUS SIMON facit, in *epistolis selectis*, *epist. XVII.* pag. 142. *seqq.* quibus & vir doctissimus NURCARLUS GOTTHELF STRUVIUS noiter suffragatur, in *dissertat. de doctis impostoribus*, §. VIII. & sequentibus; ubi recte simul docet, etsi ejusmodi liber nunquam editus sit, nefarium saltem ejusmodi jam pridem circumlatum apophthegma, cujus num Simon Tornacensis, an Fridericus II. Imperator auctor sit, copiose ibidem disquirat, sed ut utrumque, praesertim Fridericum Imperatorem, ab ista impietate liberet. Extare equidem hodie libellum manuscriptum sub hocce *de tribus impostoribus* titulo, & quidem Gallicana lingua, certum est, quippe quem ipsemet vidi, sed cum, omnibus istis, qui ejus auctores ferunt, longe recentiorum esse, jam observavi in *histor. eccles. vet. testam. ad period. II. sect. I. §. XI.* pag. 534. idque etiam confirmat vir doctissimus STRUVIUS, *loc. cit.* §. XI. pag. 20. Ad Aretinum itaque quod attinet, improbis & profanis moribus cum fuisse, non nego, idque & scripta ab eo edita testantur; Atheum fuisse, saltem ex eo, quod auctor fuerit libri *de tribus impostoribus*, frustra dicitur. (47)

- (47) *Fabula de Aretino, libelli de Tribus impostoribus Auctore, dudum est explosa; eum Atheum non fuisse, constat ex libris pietatem docentibus & commendantibus, quos, ad majorem aetatem provectus, conscripsit; testimonia adfert Baile Dict. Crit. in V. Aretin Lit. I. Ast stilum summopere degenerasse, ubi pietatem erudire suscepit, observant plurimi, & dubium, an ex sincera persuasione de Religionis veritate fuerint profecta, quae Theologiam spectant; cum iisdem temporibus, quibus haec in lucem emisit, conscripserit quaedam obsoenitatis plenissima.*

\* BRANDOLINUS (vel alii BRACCIALINUS, aut ut rursus alii, JOANNES FRANCISCUS) POGGIUS, Florentinus, Eugenio atque Nicolao, aliisque Pontificibus, a literis secretioribus fuit, teste PAULO JOVIO, in *elogiis*, num. X. Eum a THOMA CAMPANELLA pro auctore libri de *tribus impostoribus* habitum, antea jam observavimus. TOBIAS WAGNERUS, theologus Tubingensis, Aretinum atque Poggium conjungit, & utrumque, communicatis consiliis, librum de *tribus impostoribus* confecisse, contendit, in *examine elenctico atheismi speculativi*, cap. IV. §. XXII. pag. 8. 9. Sed rationes, quas adfert, hoc neutiquam evincunt. Quod de Aretino diximus, idem de Poggio censendum, a pietate omni, vita, moribusque alienum cum se demonstrasse; directe autem negasse Deum, aut talia docuisse, ex quibus hoc sequatur, nondum mea opinione est probatum. Adcoque ad alteram potius, de qua mox dicemus, classsem pertinebit.

\*\* JORDANUS BRUNUS, Nolae in regno Neapolitano natus, Dominicano-rumque primum ordini addictus, ob singularia in religione placita, relicta patria, Gencvam primum se contulit: hinc varias Europae partes peragravit, & in variis quoque Academiis docuit, & philosophemata sua proponere ausus est; tandem vero Venetiis ab officio inquisitionis comprehensus, Romamque abductus, anno M DC ibi ob impietatem & blasphemias combustus est. Non tantum vero absfona multa; sed & blasphemia profusus, adstruere in scriptis suis allaboravit, cujusmodi sunt: *mundos esse innumerabiles*; *animam de corpore in corpus, immo & alium in mundum migrare*; *unam animam bina corpora informare posse*; *Magiam esse rem bonam & licitam*; *Spiritum Sanctum esse nihil aliud, nisi animam mundi*; *mundum esse ab aeterno*; *Mosen miracula sua per Magiam operatum esse, in qua plus profecerit, quam reliqui Aegyptii*; *eum leges suas confinxisse: sacras literas esse somnium*; *diabolum salvatum iri*; *solos Ebraros ab Adamo & Eva originem ducere, reliquos ab iis duobus, quos Deus pridie fecerat*; *Christum non esse Deum, sed fuisse Magum in signem, & hominibus illuisse*; & quae alia sunt ejusdem generis *φιλανθρωπία*. Refert haec equidem CASPAR SCIOPIUS, in epistola quadam de morte Jordani Bruni, quam vir clarissimus BURCARDUS GOTTIELFF STRUVIUS noster exhibet, in *actis litterariis ex manuscriptis erutis, fascic. V. & DN. LA CROZE dans ses entretiens sur divers sujets d'histoire, &c. pag. 287. seqq.* Sed nullum in hac epistola, a SCIOPIO, Bruno tribui dogma, quod non in scriptis ejus extet, ostendit idem LA CROZE, pag. 304. seqq. ubi & principia hominis impii ex libro ejus de *immenso & innumerabilibus*, exhibet, ex quibus liquet, cum per Deum nihil aliud, quam ipsam naturam, aut essentiam infinite extensam, intellexisse, cujus necessitatem & aeternitatem probare annitur. Re ipsa itaque cum SPINOZAE insania sententia ejus convenit. Quod autem



autem Dei nomine nihil aliud, quam natura ipsa, ei veniat, idem, quem jam laudavi, Vir doctissimus, ipsius Bruni verbis luculenter pag. 317. & 318. comprobat. Recte idem etiam observat, secundum Bruni systema, Deum non posse ullam materiae partem destruere, nec novam creare; nihil in mundo esse contingens; necessitatem autem materiae evidentius, quam Dei, demonstrari posse; & nihilo secius ex existentia Dei, ejusque operatione, suas cum probare opiniones; adeoque principio ad conclusiones suas probandas uti, quod per ipsas conclusiones istas, si verae essent, rursus everteretur: idque sophisma ipsi itidem cum Spinoza commune esse, pag. 316. 317. Nec praetermittendum, quod eidem auctori observatum, Brunum substantias spirituales admittere, quos deos & daemonia vocet, quos quidem, *qui ex simplici lucis substantia compositi sint, quive votis & justitia delectentur; daemonia autem ex aqua & spiritu, quae delectentur sanguine.* Quod itidem, si nonnullis credimus, systemati Spinozae non repugnat. Etenim, si materia, quae unicam illam substantiam Spinozae constituit, cogitans statuatur, non magis, ex horum mente, ~~addam~~ est, dari substantias cogitantes invisibiles, quam dati homines unice isti substantiae modificationes. Qua de re in sequentibus plura. Intelligere hinc licet, non ob stare quicquam, quo minus Atheus & superstitiosus sit: idque & Bruni hujus exemplo liquet, qui circa spirituum apparitiones, veneficia & artes magicas, ad stultitiam usque credulus fuit. Idem lingua Italica librum scripsit, cui titulus: *Spaccio della bestia triomfante*, in quo impia sua deliria velut unico fasce complexus est, & subinde trium impostorum meminit: unde JOANNES TOLANDUS in eam ingressus est sententiam, hunc ipsum illum de *tribus impostoribus* librum esse, qui tantum in orbe strepitum dedit: qua de re, quem saepe jam laudavimus, LA CROZE, multa erudite monet, pag. 326. *seqq.* quae legisse poenitebit neminem. (48)

- (48) Jordanum Brunum plurimos fovisse, scriptisque suis, inseruisse errores, extra dubitationis aleam est constitutum: verum de ipsius Atheismo vehementer disputatum inter Heumannum & de la Croze. Heumannus, scilicet, in Hist. Philos. Vol. 2. p. 380. *seqq.* Brunum defendere studuit, quem refutare annis fuit de la Croze in peculiari Epistola, occurrente in eodem Volumine Heumanniano pag. 792. *seqq.* Nullo certe modo constat, Brunum ob Atheismum fuisse combustum; poenam illam (si modo ea fuit adfectus) passus videtur ob Apostasiam, qua ab Ecclesia Romana ad Lutherana Sacra transierat. Quin imo non constat, Brunum esse verum Auctorem Libri *Spaccio della bestia triomfante*; nec Atheismum in eo doceri demonstratum est, *Vid.* Bayle *Dict. Crit.* in V. Brunus *Lit. D.* Neque in omnibus illis locis, quae Cl. de la Croze adduxit in memorata Epistola, ut demonstret Brunum, naturam unam, seu

universum unum esse Deum, statuisse, aliquid invenitur, quod Atheismum redolet; & si combustus fuerit ob haeresein, cum redire ad Ecclesiam Romanam recusabat, quis quaeso hoc ab Atheo expectaret?

\*\*\* De PETRO POMPONATIO, Mantuano, qui circa finem decimi quinti, & initium decimi sexti seculi vixit, Patavique magna celebritate philosophiam docuit, diversa extant Virorum doctorum judicia; quemadmodum nec ipsi ejus adversarii, quos, dum adhuc vivebat, expertus est, unam eandemque de eo foverunt sententiam. Nonnulli namque, quos inter & AUGUSTINUS NIPHUS fuit, qui librum contra eum scripsit, eum citra ambages Atheis annumerabant, idque praecipue ob negatam animae humanae immortalitatem. Sed JOANNES quoque WIERUS ab Helidaco Forolivienſi, Pomponatii discipulo, non semel se accepisse, testatur, eum fuisse Atheum, quatenus idem, sperare se, eum resistuisse, addat: de praestigiis daemon. lib. VI. pag. 569. Eandem sententiam secutus est GABRIEL NAUDAEUS, si auctori Naudaeorum credendum, quae tamen revocatur, in additionibus & correctionibus ad Naudaeana, pag. 163. Sed DANIEL quoque GEORGIUS MORHOPIUS Atheis eum annumerat, immo pro magistro recentiorum Atheorum habet. Cum enim dixisset, inter primos fere fuisse Pomponatium, qui Atheismi semina sparsit, & ex ejus schola Jul. Caesarem Vaninum prodixisset, addit: Eandem, quam Vaninus, viam insitit Pomponatius omnium magister, e cujus pharetra omnia illa tela desunta sunt, quibus nunc utuntur Spinozae & Hobbessii, & quicumque in uno illo ludo ad nequitiam docti sunt; polyhistor. tom. II. lib. I. cap. XI. §. IV. pag. 55. Atque ita quidem Vir ille doctus, cum tantum Pomponatii de incantatione librum legisset, pronuntiat. De quo quid censendum sit, ex dicendis constabit. Aliter tamen de Pomponatio judicat, qui itidem ex adversariis ejus fuit, ex discipulo antagonista ejus factus, CASPAR CONTARENIUS, cujus & iudicium calculo suo adprobat THEOPHILUS RAYNAUDUS, hac de re ita verba faciens: Non absolute ac simpliciter mortalem animam censuisse videtur Pomponatius, sed duntaxat, si ratio nuda consuleretur, ut liquet ex opere Contareni, Cardinalis, de immortalitate, conscripto adversus Pomponatium, ipsius quondam Contareni in philosophicis magistrum. Nec aliud censuerim, voluisse illos ejusdem aevi philosophos, damnatos a Lateranensi concilio, sub Leone X. &c. de bonis & malis libris, num. XLII. pag. 25. seqq. GUILIELMUM GRATAROLUM, Medicum Italum, Pomponatii defensionem eundem in modum in se suscipientem, laudat, cique ipse se profitetur CYSBERTUS VOETIUS, ad augendum ceteroquin, quam imminuendum Atheorum numerum prior, dissertat. de Atheismo, tom. I. dissertat. selectar. pag. 196. seqq. Ex instituto vero Pomponatium ab Atheismi crimine liberat PETRUS BAEILIUS, dictionar. histor. crit. voc. Pomponatius; pag. 2470. seqq. & qui eum sequitur, JO. GOTTLIEB OLEA-

OLEARIUS, in *dissertat. de Pomponatio*, Jenae anno M DCC IX habita. Sane, quod ad librum ejus de *immortalitate animae* attinet, qui primam huic accusationi occasionem dedit, cum non semel, sed saepius profiteatur, se animae immortalitatem firmiter credere, quia Scriptura sacra eam asserit, hoc saltem se negare, quod secundum principia philosophiae Aristotelicae demonstrari queat, non video, quo pacto inde Atheismi labes ei adspargi possit. Inurenda eadem impietatis nota viris longe praestantissimis, etiam nostrae ecclesiae Theologis, esset, qui ex sola Scriptura sacra, non aequè ex ratione, animae humanae immortalitatem firmiter demonstrari posse, asseruere. Mytheria praeterea cuncta ex sola Scriptura constant, neutiquam ex ratione: nec profecto, qui, ex ratione ea probari posse, negat, statim ea in dubium vocare censendus est. Interim tamen, ne quid disticeat, fieri potuit, ut Pomponatius ad caliginem adversariis ostendendam, hoc affirmaret, se Scripturae, de animae humanae immortalitate testanti, fidem adhibere. Nec enim insolens, ut profani homines ejusmodi impietati suae *argum.* quae- rant. Sed istud de intimis cordis humani recessibus quis sibi arrogabit iudicium? Non minorem accusationi de Atheismo speciem praebeuit liber de *incantationibus*, quippe in quo non tantum iis, quae de magicis artibus vulgo narrantur, fidem denegavit, sed miracula quoque in dubium vocare visus est, hominibus quibusdam nescio quam virtutem naturalem talia efficiendi, quae pro miraculis habentur, tribuens. Verum, etsi quaedam miracula ex causis naturalibus explicare annitatur, idque perperam, omnia tamen eum negasse miracula, dici nequit. Contrarium ex verbis, quae ab aliis jam producta sunt, & cap. VI. pag. 87. extant, liquet: *Quaquam alia, quae referuntur esse facta, tam in historia legis Moysi, quam legis Christi, superficialiter reduci possunt, in causam naturalem; tamen multa sunt, quae minime in talem causam reduci possunt; veluti est de resurrectione Lazari quatriduani, & jam foetentis; de coeco a natiuitate illuminato; de saturatione tot mille hominum ex quinque & duobus piscibus, &c.* Atque ex hisce, quo jure Pomponatius inter Atheos referatur, judicare licebit. (49)

- (49) *Id saltem fuisse demonstrat Bruckerus (Hist. Crit. Phil. Tom. 4. P. 1. pag. 166. seqq.) qui accuratius Pomponatii scripta, rarius occurrentia, perlustravit, quam ipsius Antecessores, Pomponatium Aristotelem praetulisse Paulo, ipsique Christo; omnem de praedestinatione doctrinam incertissimam pronuntiasse: praecipuos vero & periculosissimos ejus errores reperiri in Libro de incantationibus paucis ex ipsius Adversariis, paucis forte ex ipsius Defensoribus viso. Verum si omnia in unam colligamus summam accusationum capita, nullo modo liquet, eum inter Atheos primi ordinis, de quibus hic praesertim est quaestio, potuisse numerari; licet ad Scepticismum & Naturalismum fuerit pro-*  
clivior

*clivior; Conf. Heumann. in Act. Philos. Fascic. IX. five Tom. II. P. 327-380.*

\* JULIUS CAESAR VANINUS, Petri Pomponatii discipulus, sed magistro, & ipso non satis bono, longe deterior; Taurisani in Apulia natus, cum ingenium non adeo contemnendum litteris excoluisset, & Aristotelicae cum primis philosophiae diligentem navasset operam, hinc autem relicta patria varias Europae regiones peragrasset, editisque scriptis variis, ingenii & eruditionis laudem sibi comparasset, tandem Tholosae anno M DC XIX, ut Atheus combustus est. Supplicium ejus describit GABRIEL BARTHOLONAENS GRAMONDUS, *historiar. Galliae ab excessu Henrici IV. libr. III. pag. 210. seqq.* Diligenter quoque de vita, fatis & scriptis Athei hujus celeberrimi, nuper egerunt viri quidam doctissimi, JOAN. MAURITIUS SCHRAMM, in *tractatu singulari de vita & scriptis famosi athei, Julii Caesaris Vanini, in quo genus, mores & studia, cum ipsa morte horrenda e scriptis suis rarioribus & fide dignis auctoribus aliis selecta sunt, & ne cui offendiculo sint, errores ejus simul resutati; Custrini M DCC LX. 4to. DN. LA CROZE, dans ses entretiens sur divers sujets d'histoire pag. 337. seqq.* JOAN. GOTTLIEB OLEARIUS, in *duabus dissertationibus Julii Caesaris Vanini, Jenae anno M DCC VIII habitis, & cum primis auctor apologiae pro Julio Caesare Vanino Neapolitano, anno M DCC XII editae, de qua deinceps plura. Cum Lucilii nomen a patre accepisset, ipse deinceps Julius Caesar vocari maluit, quod ineptissimae ambitionis argumentum est; cujusmodi plura in scriptis ejus occurrunt. Ad Atheismum ejus quod attinet, non desunt, qui eum ab hocce crimine prorsus absolvunt, suppliciumque quod perpeffus est, in artes malevolorum, quos expertus est, & tyrannidem cleri, conferunt. In eam ingressus est opinionem GOTHOFREDUS ARNOLDUS, in *historia haeres. part. II. lib. XVI. cap. XVI. §. IIX. seqq. pag. 601. seqq.* cum primis autem auctor apologiae pro Julio Caesare Vanino Neapolitano, anno M DCC XII Cosmopoli editae, qui tam erudite, tamque ingeniose hac in re versatur, ut pessima etiam causa nunquam meliorem habuisse defensorem jure dici queat. Alii, eum omnino Atheum fuisse, contendunt, justeque adeo damnatum; at ex scriptis ejus diserte atque aperte hoc colligi posse, negant. Primum inter scripta ejus, quae Viris eruditis, qui de eo sententiam pronuntiaverunt, in manus venerunt, & hic in censum veniunt, est *amphitheatrum ejus providentiae divino-magicum, christiano-physicum, nec non astrologo-catholicum, adversus veteres Philosophos, Atheos, Epicuracos, Peripateticos, & Stoicos, &c.* Lugduni anno M DC XV editum. Id sane variis doctorum hominum suffragiis munitum prodiit, quos inter JOANNES CLAUDIUS DE VILLE, censor libri, se hocce opus evoluisse, profitetur, nihilque in eo a catholica & Romana fide alienum, sed cum peracutas, tum pervalidas ratio.*

rationes juxta sacram sublimiorum in sacra theologia magistrorum doctrinam (o quam utiliter) contineri. Sed & GEORG. DANIEL MORHOPIUS, de Vanino verba faciens, *amphitheatrum ejus*, inquit, *sanum est, ac subtiliter pro animae immortalitate disputat*, polyhist. tom. I. libr. I. cap. VIII. pag. 79. Alia libri hujus, ceterorumque Vanini scriptorum, elegia colligit auctor *apologiae pro Jul. Caesar. Vanino* pag. 34. Licet autem liber hicce initio cum elogiis & adprobationibus munitus prodidisset mox tamen damnatus, & tum in Gallia, tum alibi, ne recederetur, prohibitum est, teste THEOPHILO RAYNAUDO, *erotem. de bonis & malis libris*, pag. 20. Alter Vanini, de *admirandis naturae reginae deaeque mortalium arcanis*, liber, qui Lutetiae anno M DC XVI lucem adspexit, variis itidem censuram suffragiis fuit adprobatus. Plures tamen mox vel ipso titulo offendit, qui naturam ipsam pro Deo venditare videtur. GEORGIUS DANIEL MORHOPIUS, qui Amphitheatrum Vanini sanum judicaverat, de hifce ejus dialogis longe aliter pronuntiat: *Vanini dialogi istud Atheismi virus sub dialogorum forma tegunt, in quorum titulo disertis verbis natura, Dea & regina dicitur, quae in privilegio regio, quod mirum, repetuntur, l. c.* Nihilofecius non tantum auctor *apologiae pro Vanino*, & huncce ejus librum innoxium judicat, sed idem etiam facit JO. GOTTLIEB OLEARIUS, *dissertat. post. de scriptis & opinionibus Vanini*. §. XI. Immo & JOANNES DIECMANNUS generatim de omnibus scriptis Vanini in mitiorem partem pronuntiat, de *naturalismo Bodini*, pag. 24. Mihi autem in utroque jam libro, apertius tamen in *dialogis*, quam *amphiteatro*, Atheismi venenum sparsisse videtur. Sane, quae ejus de religione Christiana sententia fuerit, vel inde liquet, quod existimat, Christianos, utpote e legitimo matrimonio, a Paulo Apostolo ut sacramentum commendato, natos, non posse non esse stupidos simplicesque, adeoque ad religionem Christianam, quae tales postulet, plane aptos, cum beatitudo illis, qui sunt *pauperes spiritu*, promittatur; *dial. de naturae arcanis*, pag. 321. 322. item 354. 355. Immo, cum de variis Servatoris nostri actionibus ita differuisset, ut eas risui omnium exponeret, tandem per execrabilem ironiam concludit: *Sapientissima haec sunt Christi acta*, loc. cit. pag. 358. Atque hinc facile colligere licet, quo animo in *amphiteatro*, rejectis, aut explofis, evidentissimis existentiae Dei demonstrationibus, elumbes & nugatorias probationes in earum locum substituerit; itcm, quo consilio objectiones Atheorum tam diligenter recenseat, nulla aut jejuna addidum iis addita responsione, ut victoriam data opera illis concedere videatur. Haud nescio, ex eo, quod aliquis parum accurate ad rationes Atheorum respondeat, non posse quenquam Atheismi argui, cum & ingenii, non autem voluntatis, hoc vitium esse queat. Meminisse tamen & ejus oportet, quod vulgo dici solet, duo cum faciunt idem, non est idem. (50) Sed plura non addo, cum DN. LA CROZE ex

K

scriptis

scriptis Vanini luculenter jam evicerit, eum Atheismi suspicionem neutiquam declinare posse; *entretiens sur divers sujets d'Histoire, &c. pag. 343. qui & pag. 344. recte pronuntiat, Atheismum Vanini chaos aliquod esse, ex philosophia Peripatetica, somniis Averrois, & astrologia judiciaria conflatum. Quanti Aristotelem fecerit, auctor apologiae pro Vanino pag. 3. hisce verbis testatur: Philosophiae vero placitis delinitus, nunquam sine ambitiosa laudis commemoratione Aristotelis meminisse poterat. Hic ei philosophorum Deus, humanae sapientiae dictator, sapientum Pontifex maximus; hunc mente, oculis, manibusque ferebat; huic se plane dederat. Suo ergo exemplo, & Vaninus comprobavit, plerosque ea aetate Atheos ex Aristotelica disciplina prodiisse. Et si autem, Vaninum Atheum fuisse, idque ex scriptis quoque ejus elucescere, existimem, non tamen omnia, quae de eo vulgo narrantur, & lubrico ut plurimum fundamento nituntur, adprobo. Huc inter alia & illud refero, quod librum de tribus impostoribus, recudi curaverit. Praeterea inter argumenta, quae subinde ab aliis allata sunt, ut Atheismi convinceretur, nonnulla esse, quae id minime probant, lubens concedo, idque rectissime ostensum ab auctore apologiae pro Julio Caesare Vanino. Multo minus modum procedendi, quo adversarii ejus adversus eum usi sunt, vitio caruisse existimo, aut omnibus, quae GRAMONDUS, aut alii, ex adversariorum ejus relatione narrantur, fidem adhibendam censuo. Fieri etiam potuit, ut, cum coram iudicibus existentiam Dei probaret, ad meliorem jam mentem reversus esset, deinceps vero, cum nihil se proficere videret, per desperationem summam ad vomitum rediret. Legenda, quae hac de re disserit LA CROIX, loc. cit. p. 374. seqq.*

- (30) *Si omnia perpendamus, quae contra Vaninum vulgo adferuntur, & ab altera parte ea, quae ab ejus defensoribus fuerunt proposita, collecta a Cl. Bruckero Hist. Crit. Phil. Tom. IV. P. 2. pag. 670. seqq. concludere licet, ipsum fuisse hominem vana ambitione turgidum, paradoxorum amantem, fluctuantis ingenii, judicii non admodum acris, imo usque adeo desipientem, ut Morotrophio potius, quam poena capitali esset dignus. Conf. Heumann. in Actis Philos. Vol. 1. pag. 600. seqq. Act. Erud. Lips. A. 1709. pag. 260. seqq. & A. 1718. pag. 230. seqq.*

\*\* Inter eos, quos Julius Caesar Vaninus plurimi fecit, haud ultimum locum tenet HIERONYMUS CARDANUS, quippe cujus effatum notissimum: *Christiani Jovem junctum habent cum sole, illiusque diem colunt dominicum; sol autem significat justitiam ac veritatem; Christiana autem lex plus continet veritatis. & simpliciores reddit homines, in Ptolom. de astrorum judicio libr. II. thes. 54. subinde repetiit; vid. dial. de arcanis, pag. 354.*

Fuit

Fuit autem Cardanus Medicus & Philosophus seculi decimi sexti celeberrimus, & ob vitae, quam tenuit, rationem plane singularem, quam ipsemet in libro de *vita propria*, ex bibliotheca GABRIELIS NAUDAEI, Parisiis M DC XLIII edita, descripsit, memorabilis. Patuit autem ipsius exemplo, per astrologiam judicariam ad deliria prorsus impia homines abripi posse. Namque non tantum religionum fata, sed & ipsius Christi Servatoris nativitatem ex astrorum derivare posuit, stolido non minus, quam profano conatu ausus est. Nec tamen primus fuit, qui Christi nativitatem astris tribueret, etsi ipse tam infani commenti primus inventor videri vellet, cum jam alii ante ipsum simile quid tentarint; quae de re in sequentibus erit dicendi locus. MARTINUS DELRIO auctor est, Cardanum peculiari libro mortalitatem animae asseruisse, quem amicis interdum ostenderit, non tamen in lucem emiseric, *disquisit. magic. tom. I. libr. II. qu. XXVI. pag. 258. (51)* In medio hoc relinquit THEOPHILUS RAYNAUDUS, immo fortassis confictum esse, concedit, eo quod librum de *animarum immortalitate* scripserit, Lugduni M DC XLV editum. Quanquam cum eo ipso opere, *cap. XIII. pag. 280.* aperte prodar, *fato se ac monitis prohiberi, reliqua dicere, quae de anima sentiret*, suspicionem hinc esse, RAYNAUDUS asserit, hunc polypum ad eam *scriptionem metu infamiae adactum, vere antierius tale quid scripsisse contra animae immortalitatem, quale nonnulli referunt, idque doctrinae venenum ejus in pectore, etiam post editum eum, quem retuli, librum delituisse.* Hisce alia quaedam addit, tandemque concludit: *In summa, tam multis, tam tetris, horrendisque propositionibus omnes fere libros suos incestavit Cardanus, ut suffixioni meritissimo patere posset, tanquam homo nullius religionis ac fidei, & inter clancularios Atheos secundi ordinis in quo versamur, aeo suo facile princeps; erotemat. de bonis & malis libris, pag. 27.* Eo minus autem injuria Cardano fieri videtur, si inter Atheos referatur; quod de se ipso diserte profitetur, *se parum pium fuisse, de vita propria, cap. XIII. pag. 59.* Sed hoc cum de cultu Numinis haud dubio intelligat, inde nondum evincere licet, eum fuisse Atheum. Plurima potius occurrunt, quae suadent, superstitioni eum ad ineptias usque deditum fuisse. Huc inter alia & illud pertinet, quod de *vita propria, cap. XXXVII. pag. 266.* de seipso refert: *Laborabam, & jam diu ad desperationem vitae usque laboraveram, ut alias dixi, empyemate illo notho. Legeram in collectis a patre meo, si quis hora matutina VIII. kalendas Aprilis exoraret Virginem sanctam, ut Filium rogaret pro relicta, genibus flexis, adjecta oratione dominica, nec non salutatione virginis Angelica, obtenturum, quod petierit: observavi diem horamque, peregi supplicationem, & non tunc statim, sed die corporis Christi, eodem anno liberatus prorsus sum.* Multa praeterea in scriptis ejus occurrunt, quae ab Atheismi suspitione eum liberant, quae in compendio SAMUEL PARKERUS adduxit, qui & recte tandem mea opinione pronuntiat, eum

*non omnino Atheum, sed totum fanaticum fuisse, de Deo & providentia divina disput. l. scđ. XXV. pag. 77. cui judicio & PETRUS BÆLIUS subscribit, diction. histor. crit. voc. Cardanus, pag. 803. 804.*

- (51) *Superstitiosos inter potius est Cardanus, quam inter Atheos, censendus, quod agnovit & egregie demonstravit non tantum Parkerus, liberalis caeteroquin & diligens in Atheismi nota inurenda, Disp. de Deo l. §. 25. Verum etiam Bruckerus Hist. Crit. Phil. T. IV. P. 2. p. 77. scqq. ut & Reinmannus Hist. Atheismi pag. 365. scqq. Pleraque eorum, quae de fanatico hocce, sed eruditionis laude non defraudando, proponit Cl. Auctor, hausta sunt ex Baile loc. cit. conf. Cap. 9. §. 4.*

\*\*\* Singulari THOMAM CAMPANELLAM, qui Styli, quod est Calabriae oppidum, anno M D LX natus, cum adolevisset, Dominicanorum se addixit ordini, fuisse ingenio, sed fata quoque eum singularia expertum, ex iis, quae JANUS NICIUS ERYTHRAEUS, *pinacoth. l. pag. 41.* de eo differit, notum est. Varia paradoxa cum libris suis inferuisset, in Atheismi suspensionem tamen maxime venit ob librum, cui titulum fecit: *Atheismus triumphatus*, quique Parisiis anno M DC XXXVI editus est, quemque *Atheismum* potius *triumphantem* dicendum, jam pridem Viri docti censuerunt. Certe plura ad evertendam, quam defendendam religionem Christianam in eo occurrere, res ipsa docet. Legenda, quae de eo observat LA CROZE, *entret. sur divers sujets d'histoire, &c. pag. 381.* Ipse quidem, opus hocce cum primis contra *antichristianismum Machiavellisticum* se scripsisse, vult videri; idque in ipso titulo proficitur; sed sub alia saltem forma eum impia Machiavelli dogmata produxisse, recte jam observatum JO. HENRICO ROECLERO, *Qualibus larvis Thomas ille Campanella, novae religionis, ut jactitat, repertor, revera autem ad Callicatris instar, homo callidus, & ad fraudem acutus, sine ulla religione ac fide, publicis judiciis voluit imponere. Cum enim vidisset, Machiavellum ob vasa & improba ejusmodi consilia apud plerosque vapulare, ipse velut mangonio quodam adornata, quae Machiavellus nuda protulerat, ita denuo in theatrum induxit, ut & reprehenderet subinde Machiavellum; & Machiavelli tamen placita sedulo sub diversis nominibus teneret; comment. in anal. Taciti libr. l. cap. II. §. VII. pag. 100.* Extat epistola Campanellae ad Casparem Scioppium, praefixa *Atheismo triumphato* in codice Mito Academiae Jenensis, a viro clarissimo BURCARDO GOTTHELFF STRUVIO edita, in *actis litterariis ex manuscriptis editis, fascic. II. p. 39. scqq.* in qua Campanella fata sua exponit, simulque non dissimulat, talis sibi ab adversariis objecta, quae Atheismi & impietatis eum arguerent. *Deinde, inquit, accusarunt me, quod composuerim librum de tribus impostoribus, qui tamen invenitur typis excusus annos triginta ante ortum meum ex utero matris.* Quae si vera essent, dubitari non



non posset, librum ejusmodi revera existere. Sed pergit: *Deinde, quod sentirem cum Democrito: quoniam ego jam contra Democritum libros edideram. Item, quod de ecclesiae republica & doctrina male sentirem, cum tamen ipse de monarchia christianorum scripserim, ubi ostendi, nullum philosophum potuisse sic rectam depingere rempublicam, ut Romae ab apostolis instituta est; &c. pag. 74. 75.* Cum primis adhuc observatu dignum puto, quod addit: *Omitto, quanta scripserim contra Peripateticismum, qui est zizania euangelii & officina Machiavelli.* Namque vel hinc intelligitur, multorum judicio, nec sine ratione Atheismi tum erumpentis fontem, philosophiam Ethnicam, speciatim Peripateticam, habitam fuisse. Cuncta autem, ad Campanellam quod attinet, si accuratius pensitavero, eum inter eos Atheos, qui directe Numinis existentiam negarunt, referendum non esse, existimo, hominem tamen profanum, religionisque expertem, & ad absona quaevis defensionanda paratum fuisse, negari prorsus nequit. Ita & DN. LA CROZE de eo pronuntiat, *entret. sur divers sujets d'histoire, pag. 382. seqq. (52).*

- (52) *Prae reliquis de Atheismo, cujus a quibusdam Campanella fuit accusatus, consuli possunt Bruckerus Hist. Crit. Philos. T. IV. P. II. pag. 124. seqq. Heuman in Act. Philos. Vol. I. pag. 545-566. Reimmanus in Hist. Ath. pag. 377. seqq. qui ex ipsius scriptis concludit 1<sup>mo</sup> non minora superstitionis, quam Atheismi in iis reperiri vestigia, 2<sup>do</sup> eum, tot annis captivum, tot accusatoribus circumseptum, tot tormentis dilaceratum, nec Atheismi, nec aliorum criminum convinci potuisse, 3<sup>io</sup> eum in synagmate de Libris propriis Cap. 2. pag. 380. seqq. 386. risisse Atheos, eosdemque se resutasse profiteri. Addatur Capasso Hist. Philos. pag. 391. seqq. qui rem acu tetigisse videtur, quando dicit acri fuit ingenio, sed prudentia destituto, lingua liber, natura inquietus, animo turbidus.*

- \* NICOLAUM MACHIAVELLUM, politicum illum Florentinum longe notissimum, passim inter Atheos referri videas. Ipse PAULUS JOVIUS, cum fata ejus duriora descripsisset, addit: *Fuit exinde semper inops, uti irrisor & atheos, &c. in elogiis pag. m. 194.* THEOPHILUS RAYNAUDUS, cum Atheorum, quos vocat, clanculariorum, tertium ordinem eorum statuisset, qui religiosum cultum eatenus probandum & retinendum censent, quatenus ad continendos populos in civili disciplina & obedientia politica, potest conducere, primum in eo locum Machiavello tribuit. *Tertiae, inquit, classis ductor omnium consensu est Machiavellus, libris discursuum, ac de Principe; usque eo tetrus ac projectae in religionem ac sancta omnia audaciae, ut ipsi quoque sectarii in eum calamos strinxerint, & omni studio libros ejus exterminandos esse sint professi; erotem. de bonis & malis libris, p. 27.* Censoribus equidem Machiavelli, quos

plurimos nactus est, non temere est credendum, cum inter eos sint, qui ne scripta quidem ejus legerunt, aut, si legerunt, non intellexerunt, aut ipsi tandem, quid in eo laudandum, quid vituperandum sit, nesciunt. Exemplo esse potest ANTONIUS POSSEVINUS, Jesuita fuit, incelebris, cujus instinctu maxime a Romana Inquisitione damnatus fuit Machiavelli *Princeps*, quem tamen ne quidem ei lectum fuisse, luculenter ostendit HERMANNUS CONRINGIUS, in *epistola ad Gebhardum ab Alynsleben*, Machiavelli *Principi*, cum ejus animadversionibus edito, praemissa. Addit deinde idem CONRINGIUS: *Si in alios porro Machiavelli damnatores accuratius inquiramus, non est etiam fortassis, quod eorum vel magnus numerus, vel auctoritas usque adeo quem statim in consensum abripiat. Certe res ipsa loquitur, eorum maximam copiam damnare, ne lecta sibi quidem, haud paucos judicii inopia prodita, jam decoxisse existimationem; complures denique non nisi in speciem, & ut solum vulgo faciant, Machiavellica detestari, &c.* Verissima quidem haec sunt, nec tamen ideo existimandum, injuriam fieri Machiavello, si impietatis accusetur. De religione enim, speciatim Christiana, non adeo praeclare eum sentire, tum ex *discursibus ejus in Livium*, tum ex libro, cui titulus, *Princeps*, satis superque constat. Nec diffitetur id, quem jam laudavimus, vir summus, HERMANNUS CONRINGIUS. *At vero, inquit, me quoque satente, illa quidem Machiavelli accusatio justa est, quod factorum nostrorum obrectator ille fuerit; passim enim ille denudat hunc suum animum impium, quantumvis nonnunquam simulet aliud, aut vero coactus sanctimonia religionis nostrae, quae ipsi impietati oculos perstringit, & dat illam in ruborem, alia docuerit. Huc inter alia & illud referas, quod Machiavellus docet, doctrinam Christianam reipublicae rationibus non convenire. Hoc enim si quis illi credat, non potest non etiam optare religionem, qua reipublicae rebus rectius consulatur. Quantopere vero hac in re fallatur, a me jam ostensum, in *dissertat. de concordia religionis Christianae statusque civilis, cap. II. §. II. & V.* Praeterea & illud vel maxime, nec sine ratione, in Machiavello reprehendi solet, quod vim roborque virtutis ac honesti infregerit, dum non omnia tantum ad utilitatem referre Principem suum docuit, sed pro virtute solida simulationem virtutis commendaverit, si eam utilitatis ratio postulet, immo a virtutis Regia via subinde deflectendum Principi suaserit, si sua salva esse velit. Non desunt equidem, qui ista ejus asserta aut emollire, aut excusare annuntur; a quibus tamen iterum recte dissentit HERMANNUS CONRINGIUS: *ego tamen, inquit, ingenuè fateor, deprehensam etiam a me in variis Machiavelli scriptis minus rectam illam doctrinam, cujus nomine ille adeo male audit. Ut enim haud negaverim, sine malis artibus ejusmodi teneri haud posse inique parta imperia, nefas tamen est, illas in promiscuum usum principibus omnibus, immo omnibus rebus publicis commendare, id quod fecit Machiavellus.**

Cer-

Certum est, nec solum, nec primum fuisse Machiavellum, qui talia docuit. Immo ipsum ARISTOTELEM, nec quid de aliis, tum Philosophis, tum Historicis, & inter hos de c. CORNELIO TACITO dicam, jam pridem eadem docuisse, Machiavellumque suam ex ARISTOTELE desumpsisse, idem, quem jam aliquoties laudavimus, HERMANNUS CONRINGIUS, non minus magnus Aristotelicæ philosophiæ stator ac vindex, quam ingenuus & cordatus Machiavelli censor, *introduc. in polit. Aristot. cap. III. pag. 683.* pronuntiat. Nicolaus Machiavellus, inquit, cymbalum illud politicarum artium, nullum fere dominatus arcanum consilium principem suum potuit docere, quod non dudum ante ad tyrannidem & dominatum conservandam facere, Aristoteli libr. V. (politicorum) sit observatum. Quin sua omnia vaserrimus hic nequitiae doctor dissimulato plagio ex Aristotele fortasse transcripsit: eo tamen discrimine, quod hic impie & imprudenter omni principi commendat, quæ nonnisi dominis ac tyrannis convenire, longe rectius & prudentius scripserat ante Aristoteles. Negandum præterea non est, cum ipsa hoc doceat experientia, plerosque Principes rerumque dominos, suo id hodie comprobare exemplo, quod Machiavellus docuit. Quid vero de Principibus dico? Quotus quisque etiam privatae sortis hominum est, qui non omnia ad utilitatis suæ rationem referat, & virtuti tantum tribuat, quantum hoc rebus suis expedire credit? Ita ergo cum omnes Machiavellum detestentur, revera nihil aliud agunt, quam quod Machiavellus docuit. Quare quod de Mathematicis, seu Astrologis c. CORNELIUS TACITUS pronuntiavit, *hisor. lib. I. cap. XXII.* recte etiam de Machiavellismo dixeris: *rebitur semper & retinebitur.* Licet ergo Machiavellus directe, quantum constat, existentiam Numinis non negaverit, aut impugnaverit, hominem tamen profanum, nullius religionis, nullius fidei fuisse, taliaque, quibus homines ipsi similes redderentur, docuisse, ex hæcenus dictis constat. Solent & alia de eo circumferri, ex quibus Atheismi & impietatis convinci queat, sed ea non satis certa sunt; cujusmodi illud est, quod THEOPHILUS SPIZELIUS refert, in *scrutinio Atheismi historico-aetologico pag. 132.* Legendus & de eo PETRUS BÆLIUS, *diction. histor. crit. voc. Machiavellus, pag. 1958. seqq. (53)*

- (53) *Licet concederemus, Machiavellum in suo Principe serio scripsisse, licet errasset Verulamius, de Augment. scientiarum L. VII. Cap. 2., cum scriberet, eum aperte & indissimulanter protulisse, quod homines facere soleant, non quod debeant; non tamen inter Atheos, de quibus hic sermo esse deberet, foret numerandus ideo, quia pessimas Tyrannorum artes vividissimis pinxit coloribus, quia, secundum nonnullos, non satis reverenter Deum habuit & liberius dicta passim occurrunt in ejus scriptis, præsertim in Principe, quorum venenum indicatum fuit a pluribus, sed omnium optime haud ita pridem a Regid, ut creditur,*  
manu

*manu. Conf. Becman in Medit. Polit. C. 1. §. 8. & Bruckerus l. c. pag. 784--793. Reimmannus Hist. Ath. pag. 355. seqq. qui recte notavit, ejus scripta per integrum fere seculum sine Atheismi suspitione fuisse lecta, eumque nunquam Numinis existentiam oppugnasse; adeoque ad summum inter secundum ordinis Atheos referri deberet. Verum in ejus operibus Religio quidem politice consideratur, tanquam vinculum societatis civilis, nullibi vero reperi, quae omnem religionem ever-  
tunt; Vid. Oper. T. I. C. XII. Simulationem & dissimulationem suadet suo Principi, Cap. XVIII. (quod est omnium maxime improbandum) nec tamen dicit, Principem omnem religionem ejurare debere; sed, si forte religioni non sit addictus, id ipsum coram ejus subditis esse tegendum.*

ANDREAS CAESALPINUS, Aretinus, Medicus & Philosophus celeberrimus, qui Romae anno MDCIII mortuus est. Peripateticae philosophiae ut addictissimus, ita peritissimus etiam fuit, adeo, ut judice SAM. PARKERO, recentiorum primus & pene postremus fuerit, qui, quid Aristoteles velit, cepisse visus est; de Deo & providentia disput. I. pag. 64. Et sane sententia Caesalpini de Deo, cum mente Aristotelis, prout supra ad §. XV. eam exposuimus, accurate convenit. Cuncta enim eo redeunt, mundum hunc ab omni aeternitate exitisse, omnesque naturae effectus inevitabili quadam necessitate, Deo nihil ad hoc conferente, oriri; Deum supremam intelligentiam seu primum motorem esse, qui reliquis intelligentiis, quae singulis coelorum orbibus insunt, motum quandam, eorum appetitum ciendo, imprimat, quem suis orbibus impertiant, orbes elementis, quorum diversis motibus & mixturis omnis generetur natura, adeoque ab initio ad exitum nihil consilio; sed bruta necessitate facta fuisse omnia. Ita accurate mentem Caesalpini, simulque ipsius Aristotelis, exprimit SAMUEL PARKERUS, l. c. pag. 65. Quae ad Atheismum tendere nemo non intelligit, & ex iis, quae supra de Aristotele diximus, liquet. Ulterius progreditur PETRUS BAELIUS, & Caesalpinum Spinozismi accusat, in *dition. hist. crit. voc. Caesalpinus*, pag. 876. Et si enim cum Aristotele intelligentias sphaerarum coelestium motrices admittat, has tamen cum pro partibus saltem Dei, cum materia subtilissima ratione uniti, habere, quae etiam de animabus hominum, atque brutorum, ejus sit sententia. Nec alia profecto mens Caesalpini fuisse videtur, uti etiam GERHARDO JOANNI vossto observatum, de *orig. & progressu idololatriae libr. II. cap. XL. pag. 531. Jungenda, quae dixi in dissertat. de Spinozismo ante Spinozam. §. XVI. (54)*

(54) Conferenda sunt ea, quae congesserunt Bruckerus *Hist. Crit. Philos. T. IV. P. I. pag. 221. seqq. & Reimmannus Hist. Ath. pag. 368. seq.*

\*\*\* CLAU.

\*\*\* CLAUDIUS BERIGARDUS, Molinensis, adeoque gente quidem Gallus, sed in Italiam transplantatus, celebris seculi decimi septimi Philosophus. Cum in Academia Parisiensi magnam eruditionis famam sibi comparasset, a magno Etruriae Duce Pisam vocatus, per annos duodecim philosophiam ibi docuit, quod & deinceps Patavii fecit. Editio autem anno MDCXLIII circulo, quem vocat, *Pisano*, Atheismi suspicionem apud multos subijt. Nec sine ratione. Dum enim hocce opus per modum dialogi conscripsit, sermonem in duas personas, Charilaum & Aristacum distribuit, quorum alter Aristotelem, qui, praeter materiam, quendam primum motorem, providentiae tamen expertem, posuit, alter antiquos istos (Ionicos) defendit, quos omnia corporea esse velle, nullumque primum motorem ab universo corporeo distinxisse, putavit. Atque adeo uno eodemque opere diversas cum Epicureae, tum Peripateticae impietatis rationes adornavit, quanquam Aristotelis disciplinam fufus & ardentius excoluit; &c. Ita SAMUEL PARKERUS, de Deo & providentia disputat. I. sect. XXIV. pag. 67. apud quem & reliqua legi possunt. Confirmat haec PETRUS DE VILLEMANDY, in scepticismo debellato pag. 11. ubi simul ostendit, Berigardum in Scepticorum etiam militasse castris.

\* CAESAR CREMONINUS, e Cento, oppido Mutinensis agri, oriundus, Ferrariae primum, deinde Patavii philosophiam magna celebritate docuit, ultimoque in loco octuagenarius anno MDCXXX funesta peste extinctus est. Aristotelem itidem ducem atque magistrum secutus est, ejus placita reliquis omnibus praeferens. JOAN. IMPERIALIS cum eum Francisco Piccolomineo successorem datum memorasset, addit: *tanto autem per quadraginta annos in eo munere consummatae gloriae fastu (vixit) ut ARISTOTELIS GENIUS, & graecorum lucerna interpretum, omnium vocibus praedicaretur; in Museo historico, p. m. 178. Quod autem in Atheismi suspicionem apud nonnullos venit, inde factum est, quod animae in dubium vocasse immortalitatem creditus est. Qua de re iterum JO. IMPERIALIS: Tanta versutis ingenii decora turbavit una studentium animis imbibita opinio, quod is deteriores & reprobatores de rebus physicis sensus tueretur acrius, quam orthodoxae fidei liceret alumno: olet enim vero morbofi animi virus, divinos hominum spiritus cum brutis animantibus communes facere, corruptionique reddere obnoxios, vesano hercle rationis ausu, quando quisque, nisi amens, celatos percipiat in se ipso igniculos mentis, etiam ad posterum duraturae. LAURENTIUS CRASSUS, dum eadem fere de Caesare Cremonino retulisset, hoc tamen addit, secundum mentem sententiamque Aristotelis hoc eum docuisse, *elog. hum. litter. tom. II. pag. 124.* Si ergo saltem secundum mentem Aristotelis hoc dixit, nihil obstat, quo minus secundum Scripturam sacram animam hominis immortalem crediderit. Sane fieri potuit, ut revera animas hominum mortales crederet, & hanc restrictionem, secundum*

L

men-

mentem Aristotelis saltem id se asserere, ad impietatis infamiam evitandam adjiceret. Sed cum de intimis mentis recessibus judicare, hominum vires superet, in mitiorem & de Cremonino pronuntiandum partem, nonnulli existimant. JO. IMPERIALIS & alia addit, ob quae impietatis suspicionem subierit: *Sed alias pariter de fato, de mundo, de coeli motoribus placita perperam interpretatus est, loc. cit. pag. 180.* At causam Cremonini adversus Imperialem egit PAGANINUS CAUDENTIUS, in *diatriba historica, de Caesare Cremonino, Julio Pacio atque Joanne Barclaio*, libro de *evulgatis Romani imperii arcanis*, annexa, memorante THEOPHILO SPIZELIO, de *atheismi radice*, pag. 20. Quod vero ab aliis adfertur, & CISHERTUS VOETIUS sibi persuaderi passus erat, Cremoninum, ut indicaret, animae immortalitatem se non credere, hoc sibi epitaphium confici voluisse: *Caesar Cremoninus hic totus jacet*, hoc falsum esse, ipsemet agnoscit VOETIUS, *disp. de atheismo tom. I. disp. selectar. pag. 206. (55)*

- (55) *Conf. Baile Dict. Crit. V. Cremonin Litt. C. & D. Reimmannus Hist. Ath. pag. 372. seq. & Bruckerus l. c. Tom. IV. P. I. pag. 226. seqq.*

\*\* COSMUS RUGGERIUS, Florentinus, ob astrologiae peritiam, Catharinae de Medicis, Galliae reginae, favorem, & celebritatem quandam obtinuit. Artium magicarum accusatus, & ad triremes condemnatus, libertatem iterum obtinuit. Obiit tandem post varia fata Parisiis, anno MDCXV, cum antea professus esset, se non alios Diabolos, quam inimicos, quos quisque habeat, nec alium Deum, quam principes, qui beneficia in alios conferre possint, credere. Legenda quae de eo disserit PETRUS BÆLIUS, in *dict. hist. crit. voc. Ruggerius*, p. 2526. ubi & disquirat, an magicæ artes illi tribui queant, qui nec Deum, nec Diabolum credit. (56)

- (56) Si totum Articulum Bailii ab Auctore laudatum perpendamus, nulla documenta Atheismi reperimus, nisi credamus Mercurio Gallico (Mercurio François Tom. IV. pag. 49.) quem Mercurii locum paraphrasi donavit Garasse *Doctrine Curieuse* pag. 156. seq. Atqui Garasse, qui sua unice ex Mercurio hausit, scriptor fuit minus circumspectus & fidus, uti ipse Baile notat in eadem Voce Ruggeri Lit. E. Omne proinde robur quaerendus est in Mercurio Gallico, qui illa quandoque narrat, quae sparsis in vulgus rumoribus tantum non unice nituntur. Id saltem verissimum est, Ruggerium inter insanientes esse numerandum, si Diabolorum existentiam admisserit, illamque Dei ipsius negaverit.

\*\*\* PAULUS JOVIUS, historicus ille notissimus, in quo praeter alia & hoc reprehendi solet, quod calamum venalem habuerit, subinde Atheis annumeratur, speciatim & a TOBIA WAGNERO, in *examine elenchtico Atheismi speculativi* cap. V. pag. 10. Sed docuisse eum talia, ex quibus jure Atheismi coargui queat, nullo, quod mihi quidem innotuit, hactenus comprobatum est documento. Probatis non fuisse moribus, vel ipsa illa, quam in historiis ad favorem aliorum captandum componendis, demonstravit, animi levitas ostendit. Confirmat idem JO. IMPERIALIS, jejuna & ridicula excusatione vitium, quod de eo narrat, eo magis exaggerans: *Nam quod te (Jovium aloquitur) laxius atque intemperantius vixisse, distitit, quam ecclesiasticum deceret, sacrisque oscitantiis vacasse precibus, iis praesertim, quae quotidie a singulis recoluntur clericis, sunt hae minutulorum quorundam Grammaticorum voces, qui tuum cum attingere nequeant excellentiae fastigium, ad jurgia facile ac misere probabuntur, &c. in Museo historico p. m. 6.*

\* Quantum ad litteras meliores restaurandas contulerit ANGELUS POLITIANUS, quemve inter primos eorum statores ac vindices teneat locum, non temere quisquam ignorabit. Sed non minus inter Atheos eum passim referri, omnibus notum. Documento est maximum, quod prae se tulit, divinarum litterarum vilipendium. LUDOVICUS VIVES auctor est, *totam eum sacram lectionem aspernatum, lib. II. de veritate fidei christiani. p. 264.* Accedit PHILIPPUS MELANCHTON, qui semel ait, *solum eum sacras litteras legisse, dixisseque, nullum se tempus pejus collocasse, tom. III. declamation. p. 545.* Hinc saepissime hoc ab aliis repetitum. Excusare quidem eum GERARDUS JOANNES VOSSIUS, de *Poetis latinis c. VI.* & rationibus quibusdam evincere conatur, parum hoc esse verosimile; quem & ANTONIUS NORREMANSIUS sequitur, *variar. lection. cap. XI. p. 126.* Sed eas ita neutiquam comparatas esse rationes, ut & MELANCHTONE, aliisque dicta, convellere aut lascescere queant, ostendit THOMAS CRENTEUS, *animadversion. historiar. & philologicar. part. III. pag. 23.* Odas praeterea Pindari Plalmis Davidicis non tam praetulisse, quam equiparasse dicitur; quamvis hoc ab aliis LAZARO BONAMICO tribuatur. Legenda, quae hac de re monet PETRUS BAEILIUS, *dition. histor. critic. voc. Politianus pag. 2467.* Improbis ergo & profanis fuisse moribus Angelum Politianum, religionisque curam in minimis posuisse, non est, quod dubitemus. Si cam ob rem Atheus dicendus est, paucos forte inter Eruditos, eos praesertim, qui secularium litterarum studio toti addicti sunt, reperiatis, qui non in eundem referendi fuerint censum. (57)

(57) Si quis eo iniquitatis procedere velit, ut illos, qui vel profanis fuerunt moribus, vel sacrarum litterarum Auctoritatem, aliud agendo, labefactare

*facilare studuerunt, inter Atheos referat, Historiae Ecclesiasticae Compendii Gothani Auctores (ut alios taceam) ingentem dabunt Atheorum Catalogum Lib. III. Cap. X. Verum consulenda sunt ea, quae ipse Cl. Auctor est observaturus §. 28. hujus I. Capitis.*

- \*\* Jungitur haud immerito Angelo Politiano HERMOLAUS BARBARUS, quippe qui & eodem tempore vixit, & inter primos itidem bonarum litterarum restauratores haud ultimum locum tenuit. Inter Atheos passim referri solet. Sufficiat nominare THEOPHILUM SPIZELIUM, qui cum & Angeli Politiani inter Atheos mentionem fecisset, de *Hermolao Barbaro*, inquit, *quamvis patriarcha Aquiliensi videndus Monlorius tractat. de entelechia*. Dum ad MONLORII tractatum de *entelechia* nos ablegat, haud dubio illud in animo habuit, quod vulgo circumfertur, Barbarum super significatione vocis *entelechia*, qua Aristoteles usus est, daemone consuluisse. Et sane plurimi hoc de eo referunt. Quodsi etiam PETRO CRINITO credimus, de *honestâ disciplina libr. VI. cap. XI.* ipsemet hoc fassus est Barbarus. Sed si vel maxime hoc ita se habeat, Atheum eum fuisse, inde non sequitur. Aliâ aut in doctrina, aut vita ejus, quae cum Atheismi arguere queant, invenire non potui.

- \*\*\* Quam male Beneventanus hicce Archiepiscopus JO. CASA, ob laudatam carmine paederaftiam passim audiat, nemini temere ignotum esse potest, cum saepissime in scriptis fere innumeris hoc ei sit exprobratum. Soletque & hoc nomine a quibusdam inter Atheos referri; quod haud dubio de practicis intelligunt. Non desunt equidem, qui a criminis antea memorati suspicione eum liberant, quod nuper etiam fecit vir clarissimus, NICOL. HIERONYMUS GUNDLINGIUS, *observat. selectar. ad rem litterar. spectantium, tom. I. observat. V. pag. 120. seqq.* Nec tamen ipse doctissimus ejus apologeta diffidetur, talia in isto carmine occurrere, quae castas aures offendant, animique impuri & lascivi praebent indicium. Addo saltem, quod de eo JO. IMPERIALIS refert, eum ob vitae impurae suspensionem spe obtinendi Cardinalitiam dignitatem excidisse. Idque cum memorasset, subjicit: *Ita nec forsitan mentiantur alii, perhibentes, eum a puberibus usque annis plurimum luxui deditum extitisse, a quo vel sacro etiam indutus archiepiscopi fymate non desivit; in Museo historico pag. m. 27.*

- \* M. ANTONIUS MURETUS, oratorum seculi sui facile princeps, elegantiorumque litterarum summus antistes, Gallus quidem gente fuit, sed in Italiam delatus, Romae tandem, quod reliquum fuit, vitae tempus transegit, ibique anno M DC XXXV vitam cum morte commutavit. Impietatis & Epicureismi suspectum fuisse, pronuntiat THEOPHILUS SPIZELIUS, in *scrutinio atheismi historico-aetiologico*, pag. 22. Certe magnorum



rum criminum & ab aliis reus agitur, quod nec JANUS NICIUS ERYTHRAEUS diffiteri potest, in laudes ejus ceteroquin profusus, qui & cum tandem resipuisse, auctor est, *pinacoth. I. imagin. illustr. pag. m. 13. 14.* Dolendum, inter Viros doctos tam multos esse, qui impuris moribus non tam sibi, quam ipsis litteris labem adspargunt; non tamen ideo statim inter Atheos proprie sic dictos referendi sunt. (58)

- (58) *Videtur in juventute sua dissolutioris fuisse vitae, sed dein, ad majorem aetatem proventus, pietati fuisse deditus, quidquid etiam ipsius inimicus Josephus Scaliger de eo prodiderit. Vid. l'Antibaillet par Menage Tom. VII. 1 Part. pag. 288. suiv.—310. Si vera sint, quae scripsit Menagius, de quo dubitare vix licet, ex odio peculiari profecta habenda sunt, quae ex Theod. Bezae Carminibus pag. 144. profert Reinmannus Hist. Ath. pag. 398. canit scil. de Mureto*

Gallia, quod peperit, pepulit quod Gallia monstrum  
 Quem Veneti profugum non potuere pati,  
 Muretum esse sibi civem iussere Quirites,  
 Et tumulo extinctum composuere suo;  
 Vivere nam potius qua debuit urbe Cynaedus  
 Impius, & quamam dignius Urbe mori?

### §. XXV.

Nec sola tamen Italia Atheorum patria censenda, etsi eorum prae aliis regionibus sit feracissima. Galliam quoque ejusmodi monstra producere, ex doctorum Virorum testimoniis constat, & ipsa quoque experientia docet. \* Ne quid enim de obscurioribus quibusdam dicam, \*\* FRANCISCUS ille RABELESIIUS, si non inter Theoreticos, certe inter Practicos, haud ultimum locum tenet. \*\*\* De MICHAELE MONTANO diversa extant Virorum doctorum judicia. \* RENATUS CARTESIUS ab hac suspitione merito liberatur, etsi incaute quaedam docuerit, quae Atheis inservire possunt. \*\* PETRUS BAEIIUS haud raro itidem arma Atheis suppeditat, dumque contra eos pugnat, non serio fatis rem agere videtur: hinc & ipse a nonnullis in Atheismi suspitionem adductus. \*\*\*

\* MARIO MERSENNO si credimus, ingens Athcorum ipsius aetate in Gallia fuit multitudo. Parisiis namque anno MDCXXIII eorum numerum ad 60000. excrevisse, auctor est, immo in unica domo duodecim subinde homines reperiri, qui ejusdem impietatis rei sint, *comment. in genes. pag. 671.* Repetunt hoc ex eo GISEBERTUS VOETIUS, *disputat. de atheismo, tom. I. disputation. selectar. pag. 218.* THEOPHILUS SPIZELIUS, in *scrutinio atheismi*, pag. 26. alique plurimi. Quod si de pratico, quem vocant, Atheismo capias, seu hominibus, quorum improbi praevalique mores sunt, haud difficulter crediderim. Immo longe plures ibi & olim fuisse, & hodie esse, nec pauciores alibi terrarum reperiri, lubens concesserim. De Theoreticis vero, seu Atheis, proprie sic dictis, si hoc intelligas, fidem, fateor, superat. Et qui MERSENNUS tam accurate numerum eorum inire potuit? conf. LA CROZE, *entretiens sur divers sujets d'histoire*, pag. 398. Multa alia de Atheis Galliae adfert THEOPHILUS SPIZELIUS, *loc. cit.* sed ut tandem fateri necesse habeat: *Quicquid auctores hactenus citati de Atheis in Gallia conqueruntur, id neutiquam de Atheis directe talibus, & aperte Deum negantibus, est intelligendum, &c.*

\*\* Huc refero GOTHOFREDUM A VALLE, atque BONAVENTURAM DE PERIERS. Illum librum, de arte nihil credendi, edidisse, & ob Atheismum Parisiis anno M D LXXI combustum, ferunt. Ita post GISEBERTUM VOETIUM, *disput. de atheismo* THEOPHILUS SPIZELIUS, de *atheismo eradicando*, pag. 16. & DANIEL GEORGIUS MORHOFFIUS, *polyhist. litter. tom. I. lib. I. cap. VIII.* pag. 79. Sed LA CROIX DU MAINE, *bibl. gallic. pag. 125.* alium ejus librum memorat, & ob haeresein, Parisiis M D LXXIV combustum, auctor est. Liber, de arte nihil credendi, nemini illorum, qui ejus meminerunt, visus est. Nec aliud quid, de homine hocce Athco, innotuit, de quo & videndus PETRUS BAEILIUS, *ditionar. histor. critic. voc. de la Vallée*, pag. 2940. BONAVENTURAM DE PERIERS, auctorem libri impii & blasphemii, *cymbalum mundi*, dicti, esse ferunt, quanquam alii saltem hunc librum ex lingua Latina in Gallicanam ab eo traductum, perhibeant. Mentionem ejus facit GISEBERTUS VOETIUS, *loc. cit. pag. 199.* quem & alii sequuntur. Jungendus PETRUS BAEILIUS, qui nec huncce librum sibi visum proficitur, *voc. Periers*, pag. 2350.

\*\*\* ERANCISCUS RABELESIIUS, Monachus primum, deinde Medicus, circa medium seculi decimi sexti vixit, bonarumque litterarum haud rudis fuit; postremo autem, auctore AUGUSTO THUANO, omni studio serio omisso, se totum vitae solutae, ac gulae mancipavit, & ridendi artem, hominis (sicut ipse agebat) propriam amplexus, democratica libertate & scurrili interdum dicacitate scriptum ingeniosissimum fecit, quo vitae regnique cunctos ordines quasi in scenam sub fictis nominibus produxit, & populo

populo deridendos propinavit; de vita sua lib. VI. pag. m. 95. Profanam mentem, animique levitatem summam, ut hac ratione testatus est; ita non defuerunt, qui eum in Atheismi suspensionem vocarent. Quod tamen itidem de Practico potius, ut credo, quam Theoretico Atheismo intellexerunt. Judicia de eo doctorum Virorum in compendio exhibet THOMAS POPEBLOUNT, in *ensura celebrior. auctor. pag. 631. seqq.*

- \* Non temere discrepantia magis a se invicem de quoquam extant Virorum doctorum judicia, quam de MICHAELE MONTANO, ob *tentamina* (les Essais) quae edidit, longe notissimo. Nonnullis enim ob sapientiam Galliae Thales audit, & ob eruditionem laudibus in coelum tollitur. Alii & sapientiam, & vim judicii, & pietatem in eo requirunt, immo omnino inter Atheos referunt. Varias in utramque partem de eo pronuntiatas sententias collegit THOMAS POPEBLOUNT, in *ensura celebr. auctor. pag. 819. seqq.* cui & jungendus ANTONIUS TEISSIERIUS, in *addit. ad elegia Thuanæa, tom. II. p. m. 195. seqq.* Operosus in ejus ingenio expendendo est MALLEBRANCHIUS, qui praeter judicii defectum, & alia vitia, cum primis propensionem ad Scepticismum, in eo notat, de la recherche de la vérité lib. II. part. III. cap. V. pag. 279. Nec mitius de eo sentit auctor artis cogitandi, part. III. cap. XX. pag. 265. immo & impietatis notam ei inurit: Sed vanitatem praecipue non criminor: tot enim pudendis praeterea famosis flagitiis est, tot scetis impiis & Epicuraeis placitis, ut mirum sit, illi tamdiu per leges licuisse orbem obambulare, omniumque passim manibus teri, multosque viros ceteroquin perspicaces latentis veneni malignitatem non deprehendisse. Nec sane alia conquirenda impietatis indicia, quam modus, quo suis de vitiis ipse loquitur. Cum enim multis in locis multa se crimina fateatur perpetrasse, in aliis tamen indicat, se illorum non poenitere, seque eodem quo vixerat, modo victurum, si ante aeternae vitae spatium iterum esset decurrendum. Profanum hominem fuisse, nemo, qui *tentamina* ejus legit, dubitaverit. Magis tamen ex jactantia quadam & ostentatione, quam animi persuasione, profecta videntur, quae parum pie aut sobrie ab eo dicta sunt. Nescio enim, quam gloriam ex eo captare videtur, si sentiendi libertatem prae se ferat. Negari tamen etiam nequit, multa recte & sapienter dicta in hocce ejus libro occurrere. (59).

- (59) Quid senserint de Tentaminibus seu Conaminibus MONTANI plurimi viri eruditi, veluti Scaevola Sammarthanus, Thuanus, Pasquierius, Lipsius, Ballacius, Baudius, Lamy, Nicole, Pascal, le Clercq, Bernard alique, constare potest ex eorum judiciis, quae praemissa sunt Editioni, quam curavit P. Coste 1725. 3 voll. 4<sup>o</sup> Plerique in eo consentiunt, plurima in ejus Tentaminibus occurrere, quae cum Religionis placitis conciliari nequeunt, quae Pirronismum sapiunt, quae sa-

*stum ac vanitatem spargunt haud vulgarem. Attamen inter Atheos nullo jure refertur; uti liquere potest ex Lib. I. Cap. 56, quod, ab Atheo profectum fuisse, nemo sanus statuet. Vid. etiam L. II. C. 12. & Lib. III. C. 9. Sed si respiciamus ad Epicuræum vivendi modum, quo usus fuit, inter Atheos practicos, de quibus heic loci non est sermo, posset censeri eodem jure, quo alii dissolutioris vitæ homines.*

**\*\* Non semel RENATUS CARTESIUS, Philosophorum, quos recentior aetas tulit, facile princeps, & Atheismi & Scepticismi accusatus fuit. Et ad Atheismum quidem quod attinet, dum ipse adhuc vivebat, MARTINUS SCHOOEKIUS, Professor philosophiæ Groningensis, hujus eum postulare criminis, nullus dubitavit: accusatus tamen coram magistratu, se Cartesio fecisse injuriam, agnoscere coactus est. Pluribus hoc exponit ADRIANUS BAILLETUS, in *vita Cartesii tom. II. pag. 252.* add. PETRUS RÆLIUS, *diction. histor. crit. voc. Andreas (Tobias) pag. 245.* Idem præterea fecit CISBERTUS VOETIUS, hostis Cartesii capitalis, ex cujus etiam discipulis anonymus quidam in *admiranda methodo novæ philosophiæ Renati des Cartes*, Ultrajæcti: MDCXLIII edita, non tantum occulti Atheismi Cartesium accusat, sed comparisonem etiam inter ipsum atque Vaninum instituit. Ad quam tamen criminationem ipse Cartesius solide respondet, *operum ejus philosoph. junctim editorum, pag. m. 374. seqq.* Et sane nihil ineptius cogitari poterat, quam ista Cartesii atque Vanini comparatio, etsi mentem votumque auctoris aperte satis exprimat. Scepticismi in Atheismi tandem abeuntis a pluribus accusatus fuit, idque eam maxime ob causam, quod a dubitatione omnimoda & universali philosophiam suam exorsus sit, ea quidem ratione, ut Scepticis, quos se oppugnare videri voluerit, vel serio putaverit, revera arma, quibus rerum omnium certitudinem impugnarent, tradiderit; vid. SAMUEL PARKERUS, de *Deo & providentia, disput. VI. sect. XV. pag. 335. seqq.* PETRUS DANIEL HUETIUS, in *censura philosophiæ Cartesianæ, cap. I. §. XV. pag. m. 24.* Sed qui rem omnem paulo accuratius expendunt, facile deprehendent, non prorsus eum Scepticis consentire Cartesium. Licet enim ad certum tempus omnia, etiam principia evidentissima in dubium vocare, sibi que persuadere conatus sit, nihil certi ullibi se reperire, non tamen prorsus negavit, nihil satis liquido satisque certo percipi posse, quæ erat Scepticorum sententia, sed tandem in certo principio pedem fixit, ex dubitatione ista emerfit, & certa veritatis criteria constituit. Quemadmodum autem Cartesius nec Scepticismi, nec Atheismi jure accusari potest, ita diffitendum non est, eum talia docuisse, quæ & Atheis & Scepticis inservire possunt; etsi haud dubio animo non malo præterque intentionem id fecerit. Et inter hæc quidem primum omnino locum tenet dubitationis ille excessus, a quo philosophiæ suæ initium sumsit. Peccavit namque, dum**

dum de rebus evidentissimis dubitavit, de quibus dubitare non licet, nec sanae mentis homo dubitare potest. Peccavit, dum ejusmodi rationibus rerum omnium certitudinem convellere annisus est, quae non possunt non ad Scepticismum ducere, cujusmodi illud est, nescire nos, an non ita a Deo facti simus, ut semper fallamur, & quae alia sunt ejusdem generis. Cum primis in eo graviter peccavit, quod de ipsa Dei existentia dubitavit. Dubitasse enim, ex *Meditatione* ejus I. pariter ac II. satis liquet. Atque hoc etiam nomine vel maxime a nonnullis Atheismi arguitur. (60) Sunt sane, qui cum excusare annuntur; & nonnulli quidem, quod non serio de Numinis existentia dubitaverit, sed ejusmodi quid saltem finxerit; alii vero, quod dubitatio ejus non in negatione, sed judicii saltem suspensione constiterit; alii, quod temporaria saltem ista fuerit dubitatio, ex qua mox iterum eluctatus sit; alii denique, qui forte omnium optime ejus causam agunt, quod non tam de ipsa existentia Dei, quam de argumentis, quibus probari solent, dubitaverit, de qua interim ex Scriptura sacra longe fuerit certissimus. Ego quidem ob istam dubitationem, etsi revera ineptam, cum Atheis adscribere nolim: vitio tamen eam non carere, nemo profecto, qui serio rem omnem expendit, inficiatus fuerit. Legi hac de re merentur binae dissertationes viri clarissimi, JAC. GUILIELMI FEVERLINI, in nostra Academia ante aliquot annos habitae, quarum altera *dubitatioem Cartesianam, eamque a Sceptica & Aristotelica dubitatione distinctam, periculosam tamen, proponit*; altera autem, *in quantum Cartesio Atheismus, atque Scepticismus possint imputari*, disquirat. Praeter haec & alia sunt Cartesii dogmata, quae Atheis haud ingrata esse censentur, cum primis vero illud, quod finium considerationem a rerum naturalium tractatione exclusam voluerit, quae tamen efficacissima ad Atheos convincendos argumenta suppeditat, & ejusmodi mundi hujus ex materiae dispositione originem commentus sit, a qua Deus tandem abesse queat; vid. SAMUEL PARKERUS, *de Deo & providentia, disp. III. sect. XV. pag. 281. seqq.* (61) Sed nec ipsa illa, qua usus est, probandi existentiam Numinis ratio, ex idea Dei omnium mentibus inlita, omnibus placuit, multisque plus subtilitatis, quam soliditatis habere videtur; qua de re in sequentibus erit dicendi locus; ne quid de eo dicam, quod immediate a Deo motus omnes effici itauit; unde systema causarum occasionalium; quod nisi caute admodum adhibeatur, ad Spinozismum ducere nonnullis videtur. Mitto reliqua, cum haec praecipua sint, quae ab Atheis arripi possunt, etsi hoc praeter mentem, praeterque intentionem fiat Cartesii.

- (60) Cartesius ante omnia sollicitus fuit de existentia Dei, & de mentis distinctione a corpore, quae duo dogmata non tantum parum favent Atheo, sed etiam ejus monstrosum systema funditus evertunt. Dubitatio vero uni-

versalis, a plerisque non recte intellecta, supervacua quidem, & quibusdam in partibus improbanda, eum tantum in finem a Cartesio commendata est, ut eo tutius veritatem invenire & Scepticos convincere posset; eamque suo tempore necessariam existimavit, quia non rationibus, sed auctoritatibus pugnari a plerisque animadverteret. Primus ideoque fuit, qui viam monstravit, per quam ad certitudinem moralem (cujus tria fundamenta sunt usus sensuum, testimonium aliorum hominum & ratiocinium analogicum) pervenire licet. Haec autem via praclusa est Atheis, qui de Dei constantia, veracitate, beneficentia, &c. non sunt persuasi. Quod si omnia Cartesii scripta perlusiremus, in primis ejus Meditationes, invenimus, Dubitationem nihil aliud ipsi esse, praeter constans & immutabile propositum, nihil adfirmandi, aut negandi, nisi quod certum deprehendimus & evidens. Dicit quidem Princ. Phil. Part. 1. §. 2. quin & illa etiam, de quibus dubitamus, utile erit habere pro falsis; ut tanto clarius, quidnam certissimum & cognitu facillimum sit, inveniamus. Verum declarat in Resp. ad Obj. VII. pag. 84., se tantum id velle, non majorem habendam esse rationem dubiorum, quam plane falsorum — ut ab iis cogitatio plane avocetur. Scepticum autem sese simulasse, non vero fuisse, manifestum sit, ex Med. 1. pag. 7., ubi scribit: Essent vero fortassis nonnulli, qui tam potentem aliquem Deum mallet negare, quam res omnes alias credere esse incertas; sed iis non repugnemus, totumque hoc de Deo demus esse fictitium. Sic ex positis contra Scepticos ratiocinatur, non ex concessis; & sic explicanda sunt ea, quae habet Epist. X. Partis II<sup>ae</sup>, ita ut ne Atheus quidem temporarius possit appellari. Vid. Hollman Log. §. 234. seqq. De Volder de Dubit. Univ. pag. 14. seqq. Velthuisen Oper. Tom. 2. pag. 1164. seqq. & G. H. Beckher in Schediasmate de eo, utrum Cartesius, qui de omnibus dubitandum esse credidit — recte Atheis annumeretur, passim; Morhoff Polyhist. Tom. 2. L. 2. C. 9. §. 2. pag. 196. seq. Videri tamen merentur Cl. de Vries Exercit. Rat. 3. §. 6. & pag. 390. seqq. Gassendus Oper. Tom. 3. pag. 278. seqq. Huët Cens. Phil. Cart. Cap. 1. Cudworth Syst. Intell. Tom. 2. pag. 882. seqq.

- (61) Nimum acerbè in Cartesium invehitur Parkerus l. c. quod Princ. Part. 3. §. 2. dixerit, quod nimis superbe de nobis sentiremus, si fines, quos in Mundo extruendo sibi proposuit Deus, ingenii nostri vi comprehendi posse putaremus; haec quippe verba mitiorem interpretationem paterentur, cum ingenii finiti vis comprehendere non possit fines, quos sibi proposuit Deus; licet plurimos fines ex rerum multiplici usu cognoscamus, omnes vero adsequi non liceat. Verum talem mitiorem interpretationem vix patiuntur ea, quae occurrunt

Medit.

Medit. IV. pag. 26., ubi recte quidem docet, Deum innumera posse, quorum causas ignoramus; sed perversè concludit: ob hanc unicam rationem totum illud causarum genus, quod a fine peti solet, in rebus Physicis nullum usum habere existimo; non enim absque temeritate me puto investigare posse fines Dei. *Conf. Cudworth Syst. Intell. T. 2. p. 827. seqq. Non video autem, quo colore dicere potuerit Poiretus de vera Methodo inveniendi Verum Part. III. §. 15., se confutasse, quod de inutilitate causae finalis in naturalibus proposuit Cartesius periculosissime, etsi forte periculi inscius, &c. Revera quidem de Erud. Falsa sive Lib. 3. §. 25. seqq. & in Cogit. Rat. Lib. 3. C. 15. §. 9. refutavit Cartesium, sed eodem illo memorato in loco Cogit. Rat. dicit: Absurditatis & arrogantiae est quaerere, quem Deus finem sibi in rerum natura, statu, regimine proposuerit, distinguens inter usum rerum, atque inter earum finem; ac si res usus habere possent, quos, tanquam fines, non intendit sapientissimum Numen.*

- \*\*\* Exquisite cruditionis, ingenique acutissimi laudem non temere quisquam PETRO BAELIO denegabit. Talia autem cum subinde docuisset, quae in Atheismi, pravaeque de Deo & religione existimationis suspensionem cum inducere queant, nemini itidem, nisi iis, qui scripta ejus nunquam legerunt, ignotum esse potest. Hinc & non semel Atheismi accusatus est. Ex instituto id jam pridem egit PETRUS JURIEU, in libro: *le philosophe de Rotterdam, accusé, atteint & convaincu, &c.* quem tamen adfectibus aliquid dedisse, non nego. Quae a JO. CLERICO, JAC. BERNARDO, & IS. JAQUELOTTIO, in ultimo illo certamine, cui immortalis est, ei objecta sint, neminem fugit. Etsi enim de Manichaeis praecipue, eorumque duplici principio, deque rationis & fidei conformitate disputabatur, Baelii tamen de hisce omnibus asserta ita comparata erant, ut Atheismi & profanae mentis de eo suspensionem non potuerint non admodum augere. Manichaeismus certe ab Atheismo non multum differt. Qui enim duplex principium independens & aequale admittit, ille revera nullum Deum admittit. Ad ipsam enim Dei notionem pertinet, ut solus sit principium independens, cui aliud ejusdem potentiae nullo modo opponi queat. Quive rationis tam exiguum vim sibi esse persuadet, ut objectionibus Atheorum contra providentiam non aliter, quam per absurdissimam Manichaeorum hypothesin, occurrere queat: nae! ille revera Atheis victoriam concedit. Idem enim est, ac si dicat, eas objectiones solvi non posse, quod & haud semel Baelius discrete fatetur. Quod autem fidem in tantum evehere videtur, in quantum deprimit rationem, id certe dicis causa fit, nisi me omnia fallunt, & ad caliginem offundendam simplicioribus. Non male id mihi observasse videtur PETRUS POIRET, qui de eo verba faciens,

M 2

unde,

unde, inquit, dum rationem videtur suppressere velle, ut fidei soli detur locus, hanc potius pudendum in modum derisit & proculcavit, ut alteram omni molimine in altum everheret, in praefat. libro, cui titulus: *fides & ratio collatae*, praemissa, pag. 30. Ipse equidem Petrus Baelius tum hanc Atheismi suspicionem a se amoliri, tum, quae in gratiam Pyrrhonorum & Manichaeorum dixerat, emollire & excusare annisus est, in dissertatione peculiari, *ditionario ejus historico-critico* subnexa, pag. 3136. *segg.* Sed nondum profecto omnibus satisfecit. Et ad Atheismum quidem quod attinet, id saltem agit, ut ostendat, quae de virtutibus & honestate Atheorum dixit, sibi fraudi esse non posse, quod satis quidem frigide probat; reliqua autem, quae ei objici poterant, aut objecta sunt, non attingit. Mirum itaque non est, quod adhuc passim Atheismi arguatur, quod nuper ex instituto fecit PETRUS POIRET, in *dissertatione de duplici discendi methodo, deque simulato Petri Baelii contra Spinozae Atheismum certamine*, novae, *cogitationum ejus rationalium de Deo, anima & malo* editioni, quae anno M DCC XV prodit, praemissa. Sane, qui paulo accuratius secum consideraverit, quanto studio Atheorum numerum augeat, adeo, ut integras gentes in huncce referre ordinem non dubitet, *continuat. des pensées diverses* §. CXIII. pag. 537. *segg.* it. *reponse aux questions d'un provincial. tom. IV. cap. XI. XII. pag. 136. segg.* quam acriter argumentum, a consensu gentium pro existentia Dei desumptum, impugnet, *continuat. des pensées, &c.* §. XLII. *segg.* pag. 51. *segg.* simulque notitiam Dei insitam rejiciat, *loc. cit.* §. XVI. pag. 65. *segg.* quam id omnibus viribus agat, ut Atheismum extenuet, illum ideo majus malum, quam idololatriam aut superstitionem esse, negans, idque variis rationibus evincere allaborans, *pensées diverses, &c.* §. CXIV. p. 225. *segg.* intellectum & voluntatem in homine superstitioso rectius se habere abnuens, quam in Atheo, *ib.* §. CXXII. pag. 237. praeterea, quam strenue, ut Atheos homines honestati & virtuti deditos fuisse, quavis data occasione, evincere allaboret, indeque porro concludat, Atheismum neutiquam ad morum corruptionem ducere, adeoque nec noxium reipublicae esse, tum alibi, tum in *pensées*, §. CXXXIII. pag. 261. *segg.* quae omnia confirmat, & plura adhuc ejusdem generis addit, dans la *continuation des pensées*, §. LXX. pag. 407. *segg.* it. *reponse aux questions d'un provincial. tom. IV. cap. XVII. segg.* pag. 232. *segg.* quam omnem occasionem capiet, argumenta Atheorum quam speciosissime proferendi, & ea pro insolubilibus venditandi, aut responsiones jejunas subjiciendi, immo ex praestantissimorum Philosophorum, qui contra Atheos scripserunt, libris, talia exculpendi, quae ipsis Atheis faveant, cujus rei singulare exemplum extat, *continuat. des pensées, &c.* §. XXI. pag. 86. *segg.* haec, inquam, omnia, & reliqua, quae pro Atheis, & in eorum gratiam tam operose dixit Vir doctissimus, qui paulo accuratius secum expendere,

aut



aut me omnia fallunt, aut, non prorsus ab omni Atheismi suspitione eum absolvi posse, fatebitur. Confirmabitur, ni fallor, aut augebitur haec suspicio, si porro consideretur, quanto studio rationes profanorum hominum contra providentiam Divinam proferat, & exaggeret, in *ditionar. histor. crit. in vocibus: Marcionitae, Manichaei, Pauliciani, Origenes, &c.* Etsi enim hoc ad Manichaeorum hypothelin defendendam facere videatur, istae tamen, quae proponit difficultates, longe facilius ad providentiam Divinam negandam, adeoque Epicureismum, qui revera non multum ab Atheismo differt, quam Manichaeorum absurdissimam sententiam amplectendam, lectores adducent. Quae pro Pyrrhoniis seu Scepticis disputat, eodem modo comparata sunt. In horum autem defensione eo usque progreditur, ut in *roc. Zeno Eleates*, variis argumentis ipsam motus existentiam impugnet. (62) Plura si quis adferre vellet, is nec ea sibi praetermittenda putaret, quae in *ditionar. hist. crit. p. 2387. seqq. & p. 2473. seqq.* de immortalitate animae disse- rit, illorum comprobando sententiam, qui, eam ex ratione solide demonstrari posse, negant; item, quae *pag. 2223. & 2342.* circa diffi- cultates, quibus premiuntur, qui dogmata religionis examinare velint, in medium adfert, & quae alia sunt ejusdem generis, numero fere in- finita. Diffidendum equidem rursus non est, Spinozae systema Athei- sticum a Baelio rejici, rationibusque evidentissimis prorsus everti, in *roc. Spinoza, lit. I. pag. 2775. seqq.* at inde quidem sequitur, eum non esse Spinozistam; Atheum non esse, firmiter inde nondum colligere licet, cum varia Atheorum sint systemata, possitque aliquis Atheus esse, etiamsi Spinozae deliria non adprobet. Accedit vero, quod, etiamsi errores, fallacias & contradictiones Spinozae, luculenter ostendat, principia tamen generalia, quibus Spinozam ad Atheismum inductum ipsemet fateatur, quaeve ei cum aliis Atheis sunt communia, pro ejus- modi habeat, quae a nemine, saltem ex ratione sola, solide refutata sint, nec refutari queant. Haec autem principia sunt: 1) materiam esse aeternam, & a Deo differre; 2) materiam non productam esse ex nihilo; 3) spiritum infinitum & summe liberum producere potuisse tale opus, qualis hicce mundus est, in quo bona mixta sunt malis. Nimi- rum supponit (quod minime supponere debebat) materiam necessario existere, & hinc porro infert, rationem prorsus capere non posse, talem materiam aeternam & necessario existentem, quae tamen non sit ipse Deus. Alterum quoque principium, non posse ullo modo everti, pu- tat, cum nimis evidens rationi sit, quod ex nihilo nihil fiat. Sed ter- tium quoque, quo minus negari, aut vocari in dubium queat, prae- gnantissimas Manichaeorum obviare rationes. Id itaque serio & omni conatu agit, ut haec principia pro firmissimis venditet, & extra omnem argumentorum contra ea directorum istum constituta, evincat, *loc. cit. roc. Spinoza lit. K. pag. 2778. seqq.* Haec vero Atheismi praecipua

fulcra esse, nemo temere inficiatus fuerit. Baelius vero porro addit, ab illis, qui Spinozam refutant, exigi non posse, ut haec principia convellant, quippe quae convelli prorsus nequeant, sufficere ad refutandum Spinozam, si ostendatur, systema ejus ineptissimas, contradictiones, & absurda manifestissima, continere. Eo minus autem necesse esse putat, haec principia evertere, quod & in Christiana religione difficultates occurrant, quas ratio concoquere nequeat. Interim religionem Christianam Atheismo praefendam, quod illa commoda plurima eam sequentibus adferat. Eos vero, qui Spinozismum refutant, suo facere satis officio, si ostendant, *non minoribus eum obnoxium esse difficultatibus, quam religionem Christianam.* Denique nec hoc praetermittendum puto, Spinozismum haud obscure ideo saltem eum rejicere, quod alia Atheorum systemata ita comparata esse putat, ut per ea facilius dissentientium objectiones solvi queant, adeoque ad Atheismum promovendum sint aptiora. Quo nomine in *voc. Spinoza lit. K. pag. 2782.* Chinesium quorundam hypothesein plane Atheam Spinozismo praefere. (63).

- (62) Baile ad Scepticismum inclinasse, & periculosissimis suis scriptis plurima immisicuisse, quae animum a veritate, imo & a Religione abducere, moresque corrumpere possunt, in confesso est apud omnes, qui ejus scripta attentiori oculo perlustrarunt; licet sese ingeniose satis defendere susceperit in *Dissertatione ultimae editioni Dictionarii sui subjuncta, sub titulo Illustrationum.* Manichaeismum autem serio non propugnavit, sed omnia, quae de eo atque in ejus favorem scripsit in *V. Zoroaster Lit. E. & F. Manicheens Lit. C. & Pauliciens, profecta videntur ex turpissima de omni certo cognitionis humanae triumphandi libidine; atque adeo ingenii sui petulantiam ubique monstrare, quam praeclearas mentis suae facultates solidamque eruditionem modestae veritatis inquisitioni sacras facere maluit.*
- (63) Opus difficile & ingratum foret, omnes illos memorare, qui inter Gallos Atheismi nostris temporibus fuerunt suspecti; cum & hodie prostant, qui talia docuerunt & docere pergunt, quae cum vera persuasione de existentia Dei conciliari nequeunt. Memorasse speciminis gratia sufficiat la Mettrie, denatus Berolini 11. Nov. 1751. qui nimis aperte sese prodidit tanquam Atheismi Patronum in pluribus suorum Opusculorum turpitudine & impudentia summâ inter se certantium, praesertim *l'homme Machine passim.* E. Gr. pag. 62. inquit: ad rerum originem nobis ascendere nequaquam licet. Caeterum indifferens est quoad quietem nostram, an materia sit aeterna, an vero creata fuerit; an Deus aliquis existat, an vero minus. Qualis dementia! sese tantopere torquere propter aliquid, quod cognosci non potest, & quod nos

nos feliciores non redderet, si scopum attingere liceret: sic etiam pag. 66. (*verba Gallice dabo, ne, ea vertendo, injuriam inferre videar eleganti stylo hominis famosi*) le Poids de l'univers n'ébranle donc pas un véritable Athée, loin de l'écraser; & tous ces indices mille & mille fois rabattus d'un Createur, indices qu'on met fort au-dessus de la façon de penser dans nos semblables, ne sont évidens, quelque loin qu'on pousse cet argument, que pour les Antipirrhoniens, ou pour ceux, qui ont allés de confiance dans leur raison, pour croire pouvoir juger sur certaines apparences, aux quelles, comme vous voyés, les Athées peuvent en opposer d'autres, peut être aussi fortes & absolument contraires. *Sic concludit homo impius temerario penitus ausu; postquam frigidas quasdam ac pueriles prorsus exceptiunculas, easque millies explosas, proposuerat contra invicta argumenta, quae ex rerum creatorum finibus, aptaque earum dispositione petuntur pro momentosissima atque omnium amabilissima veritate, pro existentia aeterni, atque sapientissimi liberrimique Creatoris. Non lubet alia specimina, eaque sat numerosa, summae illius impudentiae exhibere, qua Pseudophilosophus hicce sese famosum reddidit; diligenter hoc fuit nuperrime praestitum ab Auctore anonymo laudabilis opusculi, cui titulus Observations sur les savans incredulés Chap. XXXVIII. qui in eo tantum culpandus foret, si la Mettrie inter doctos serio numerasset.*

## §. XXVI.

Ex Cartesii disciplina BENEDICTUS DE SPINOZA prodiit, ut a magistri tamen longissime discederet vestigiis, & in apertum Atheismum prolaberetur, pro Atheorum nostra aetate Principe habendus. \* Non alium enim Deum, quam ipsam Naturam admisit, quod perinde est ac si diserte, nullum esse Deum, docuisset. \*\* Quam hominis impietatem ut plurimi scriptis variis confoderunt, penitusque confecerunt, ita non defuerunt, qui pro ejus sectatoribus haberentur, adprobatique stolidi erroris suspensionem subirent. \*\*\*

\* BENEDICTUS DE SPINOZA, gente, & primum etiam religionis professione, Judaeus, tandem vero ex Philosopho Atheus, natus est Amstelodami, die xxiv. Novemb. anno MDCXXXII. Hagae Comitum obiit, die xxi. Febr. MDC LXXVII. Eos, qui vitam & fata Athei hujus celebr.

berrimi litteris consignarunt, indicat vir doctissimus, GOTTLOR FRIDERICUS JENICHEN, in *historia Spinozismi Leenhofiani*, pag. 5. Recentissimus inter eos est JO. COLERUS, cujus vita Spinozæ, una cum sermone, de veritate resurrectionis Christi, contra eundem, primum belgice, mox gallice anno M DC VI prodit. Cum philosophari coepisset, Renati Cartesii placitis, methodoque philosophandi, maxime delectatum testatur auctor præfationis, operibus ejus posthumis præmissæ: Fuit ab inerte aetate litteris innutritus, & in adolescentia per multos annos in theologia (Judaicam haud dubio intelligit) se exercuit. Postquam vero eo ætatis pervenerat, in qua ingenium maturescit, & ad rerum naturas indagandas aptum redditur, se totum philosophiæ dedit. Cum autem nec præceptores, nec harum scientiarum auctores, pro voto ei facerent satis, & ille tamen summo sciendi amore arderet, quid in hisce ingenii vires valerent, experiri decrevit. Ad hoc propositum urgendum scripta philosophica nobilissimi & summi philosophi, Renati des Cartes, magno ei fuerunt adjumento. Quantum etiam in hacce philosophia profecisset, editis anno M DC LXIV principiorum philosophiæ (Renati Cartesii) parte prima & secunda, more geometrico demonstratis, quæ mox cogitata ejus metaphysica exceperunt, ostendit. Nec tamen hoc ita capiendum, ac si ipsum Atheismum suum ex philosophia Cartesii hauserit. Nullum enim philosophiæ systema Spinozismo magis, in discrimine materiæ & spiritus accurate constituendo, adversatur, quam Cartesii. Id vero inde intelligitur, eum ingenio plane philosophico fuisse, & ad demonstrationes geometricas pronus. Fuisse ante Spinozam, qui in eo, quod caput causæ est, cum eo consenserunt, omnes scilicet illi, qui non alium, quam naturam ipsam, seu hoc universum, agnoverunt Deum, quive ideo hodie Pantheistarum nomine a quibusdam insigniuntur, tum ex hæcenus dictis constat, tum ex instituto a me in *differtat. de Spinozismo ante Spinozam*, demonstratum est. Primus tamen Spinoza fuit, qui in systematis formam hanc impietatem summo studio redigeret, eique methodum geometricam, infelici tamen successu, aptaret. Unde & haud immerito hæcce Atheismi species nomen ab eo sortita est, atque Spinozismus adpellatur. JOAN. GEORGIUS WACHTERUS Spinozam ex Judaeorum kabbala sua accepisse, probare annis est, in libro lingua Germanica scripto, & sub titulo: *der Spinozismus im Judenthum, oder die von dem heutigen Judenthum und dessen geheimen kabbala vergoetterte Welt, &c.* Amstelodami M DC XCIX edito. Nec specie hoc caret, si cogites, Spinozam gente Judæum fuisse, adeoque placitis & doctrinis Judaeorum innutritum. Quodsi tamen rursus cogitem, ingenio plane philosophico eum fuisse, & geometricas quævisse demonstrationes, valde dubito, an obscuris Kabbalistarum mysteriis multum tribuerit. Ad rem ipsam quod attinet, etsi inter Spinozismum, & Kabbalistarum de emanatione rerum omnium ex divina essentia, sententiam, discrimen aliquod

quod constitui queat, hanc tamen non minus, quam illam, falsam, erroneam & impiam esse, & alias observavi, & supra etiam ad §. VI. monui. Nec magnopere me repugnaturum, ibidem professus sum, si quis convenientiam quandam inter Spinozismum & Kabbalisticam illam hypothesein agnoscat, quam tam operose idem WACHTERUS demonstrare allaboravit, in *elucidario Kabbalistico*, cap. IV. pag. 37. & seqq. quam simul mutata sententia, & Spinozæ & Kabbalistarum hypothesein defendat, & ex genuina veterum Ebraeorum philosophia derivet. In præfatione namque diserte proficitur, se tum temporis (cum Spinozam damnaret) tum ob subtilitatem, tum ob popularia præjudicia cum perverfissime, immo minime intellexisse, pag. 13. Sed & deinceps cap. V. cum primis §. V. Spinozam una cum Kabbalisticis liberare ab Atheismi suspitione annititur; sed quam infelicitur, quamve infirmis rationibus, nemini, qui paulo accuratius, quæ scripsit, expenderit, obscurum esse potest. Quodsi JO. COLERO credimus, Spinoza Atheismum suum non tam a Judæis, quam a quodam FRANCISCO VAN DEN ENDE, cujus, in lingua Latina, institutione usus est, accepit. Lectu haud indigna sunt, quæ hac de re narrat, in *vita Spinozæ*, pag. 6. seqq.

- \*\* Solenne equidem est Spinozæ aut sectatoribus, aut coecis admiratoribus, de illis, qui contra eum conscripserunt, querelam movere, quod mentem ejus non recte perceperint, eumque ab Atheismo, qui toties illi tributus fuit, prorsus alienum esse, & quæ reliqua sunt ejusdem generis. Sed non aliud agunt isti homines, quam ut hac ratione ostendant, se ipsius hypothesen aut non posse, aut non audere defendere; hinc isto effugio securitatem quandam impietati suæ conciliare, & imperitoribus caliginem offundere annuntur. Id vero cum luculenter jam ab aliis demonstratum sit, tum facili negotio demonstrari potest. Non afferam ea, quæ in *tractatu theologico-politico de libertate philosophandi*, contra religionem Christianam, Scripturaeque sacrae Divinam auctoritatem attulit, quamvis impiam hominis mentem satis superque prodant, ut vel ex iis patet, quæ hac de re in compendio disserit R. CHRISTIANUS KORTHOLTUS, de *tribus impostoribus magnis*, sect. III. §. VII. seqq. pag. 30. & seqq. sed tantum, quæ de ipso Deo mens ejus sententiaque fuerit, vel tribus ostendam verbis. Ipse equidem, per Deum, substantiam se intelligere, proficitur, *constantem infinitis attributis, quorum unumquodque æternam & infinitam essentiam exprimit, ethic. part. I. prop. XI.* Quodsi quaeras, quænam hæc attributa sint, quibus substantia Dei constet? nihil aliud ex mente ejus responderi potest, quam ea esse partes hujus universi, sive entia determinata, hoc vel illo modo Deum, id est, naturam, tanquam totum, in quo sunt & existunt, exprimentia. Hanc vero ejus mentem esse, eo minus dubitandum, quod alibi hominem *partem Dei seu naturæ* esse, diserte do-

doceat. Cum enim *part. IV. prop. IV.* asseruisset; *fieri non potest, ut homo non sit naturae pars*, hanc demonstrationem subiungit: *Potentia, qua res singulares, & consequenter homo suum esse conservat, est ipsa DEI SIVE NATURAE potentia, non quatenus infinita est, sed quatenus per humanam actualem essentiam explicari potest. Potentia itaque hominis, quatenus per ipsius actualem essentiam explicatur, PARS est INFINITAE DEI seu NATURAE potentiae, hoc est (per *prop. VII. part. 3.) ESSENTIAE*. Nihil, puto, luculentius dici poterat. Quid enim, quaeſo, aut obscuritatis, aut ambiguitatis, verba haecce, *homo est pars essentiae naturae, sive Dei*, habere possunt? Neve ullum superſit dubium, alibi diſerte, tum de mente, tum de corpore hoc aſſent. De mente nimirum, *loc. cit. part. II. in corollario propositionis XI.* ita pronuntiat: *Hinc ſequitur, mentem humanam partem eſſe infiniti intellectus DEI, ac proinde, cum dicimus, mentem humanam hoc vel illud percipere, nihil aliud dicimus, quam quod DEUS, non quatenus infinitus eſt, ſed quatenus per naturam humanae mentis explicatur, ſive quatenus HUMANA MENTIS ESSENTIAM conſtituit, hanc vel illam habet ideam.* Pari ratione *part. II. deſinit. I.* de corpore pronuntiat: *Per corpus intelligo modum, qui Dei eſſentiam, quatenus ut res extenſa conſideratur, certo & determinato modo exprimit. Quae quidem ita comparata ſunt, ut evidenter oſtendant, Deum Spinozae nihil aliud eſſe, quam ipſam naturam, ſeu hocce univerſum, cujus proprietates primariae caeque aeternae ac infinitae ſint, cogitatio & extenſio: res autem particulares nihil aliud eſſe, quam harum proprietatum ſeu attributorum modos. Quod & ipſe iterum diſerte facetur, *part. I. corollar. propositionis XXV.* *Res particulares, inquit, nihil ſunt, niſi Dei attributorum (hoc eſt cogitationis, & extenſionis) affectiones ſive modi, quibus Dei attributa certo & determinato modo exprimuntur.* Atque huc porro & illud pertinet, quod fundamenti loco toti ſyſtemati ſuo ſubſternit, & tam ſollicite ſibi demonſtrandum fuſſit, *unicam tantum dari ſubſtantiam.* Quem in finem & *part. I. propoſ. V.* docet: *in rerum natura non poſſunt dari duae aut plures ſubſtantiae ejusdem naturae ſive attributi; & propoſ. VI.* *una ſubſtantia non poteſt produci ab alia ſubſtantia; & propoſ. VII.* *ad naturam ſubſtantiae pertinet exiſtere; & propoſ. VIII.* *omnis ſubſtantia eſt neceſſario infinita.* Ceterum, licet in tractatu theologicopolitico de libertate philoſophandi, tam aperte impium hocce dogma non propoſuerit, quam in *ethica*, poſt mortem ipſius edita, fuerunt tamen, cum priorem iſtum librum ederet, qui jam latitantem in eo Atheiſmum deprehenderent, quem & ſibi ſubinde obſectum, ipſemet in epiſtolis non diſſimulat. Dum vero in iisdem epiſtolis hanc a ſe amoliri ſuſpicionem annuntiat, nihil aliud agit homo verſutus, quam ut ambiguſ locutionibus aliis illudat. Mox Dei ſe agnoſcere exiſtentiam, diſerte facetur, ſed per Deum, hocce univerſum intelligit. Mox negat, ſibi Deum &**

natu-

naturam, unum idemque esse, sed per naturam tum *massam* quandam, sive *materiam corpoream* intelligit. Mox Deum omnium rerum causam proficitur, sed ut *materialem* potius, vel, ut ipse loquitur, immanentem, quam efficientem, intelligat. Accurate & eleganter haec omnia demonstrat B. CHRISTIANUS KORTHOLTUS, *loc. cit.* §. XVI. pag. 92. *seqq.*

\*\*\* Haud exiguus illorum est numerus, qui calamos contra Spinozam strinxerunt, ejusque & detexerunt & refutarunt impietatem. Praecipui sunt, JO. BREDEBURGIUS, civis & textor, ut ferunt, Roterodamensis, ingenii subtilis laude, nemini ex reliquis Spinozae antagonists cedens, in *enervatione tractatus theologico-politici, una cum demonstratione, geometrico ordine disposita*, naturam non esse Deum, *cujus effati contrario praedictus tractatus unice innititur*; FRANCISCUS CUPERUS, in *arcanis Atheismi revelatis*, in suspicionem adductus, ac si ex Bredeburgii demonstratione geometrica, clanculum illi subducta, sua hausserit, unde alter alterum variis libellis deinde Atheismi postulavit, CUPERO quidem frustra hanc accusationem a se amoliente, ut deinceps ostendemus; GUIL. BLYENBURGIUS, civis & mercator Dordracenus, in libro de *veritate Christianae religionis*; anonymus, qui ordine temporis reliquos praecessit, & anno M DCC I sub litteris initialibus: I. M. V. D. M. epistolam contra Spinozae *tractatum theologico-politicum*, edidit. His porro accesserunt REGNERUS MANSVELDIUS, LAMBERTUS VELTHUYSIUS, SAL. VAN TILL, CHRISTOPHORUS WITTICHIUS, ISAACUS JAQUELOT, JENSIIUS, Medicus Dordracenus, AUBERTUS DE VERSE (64), PETRUS VAN MA-STRICHT, MELCHIOR LEYDEKKERUS, HENRICUS MORUS, C. G. DE LA MOTHE, quorum scripta Spinozae opposita, post JOANNEM COLERUM, in *vita Spinozae pag. 132. seqq.* accurate recenset vir clarissimus, GOTTLÖB FRIDERICUS JENICHEN, in *historia Spinozismi Leenhofiani pag. 58. seqq.* Ex Nostratibus B. JO. MUSAEUS, magnum quondam non Academiae saltem nostrae, sed totius ecclesiae Lutheranae decus, reliquis omnibus in hocce genere dubiam palmam reddidit, in *tractatu theologico-politico de libertate philosophandi, ad veritatis lancem examinato*; haud immerito prolixè ideo laudatus a JO. COLERO, *loc. cit. pag. 139. seqq.* qui & FRIDERICUM RAPPOLTUM ac JO. CONRADUM DURRIUM, ex Nostratibus, inter Spinozae antagonistas commemorat. Addendi his porro ex Romanensibus PETRUS DANIEL HUETIUS, MICHAEL LE VASSOR, FRANCISCUS LAMI, itemque ex Labadists PETRUS YVON, & qui omnis Christiani orbis sectas conciliare studet, Rationalists tamen & Atheis acriter se opponit, PETRUS POIRET; quorum omnium scripta itidem, quos jam laudavi, viri doctissimi, JO. COLERUS, & GOTTLÖB FRIDERICUS JENICHEN, commemorant, *locis citatis.* (65) Fuerunt autem ex hisce, qui aut non satis feliciter, aut omnino non serio veritatis causam contra

tra Spinozam egisse visi sunt. Cumprimis hoc nomine male addit FRANCISCUS CUPERUS, ejus arcana *Atheismi revelata*, anno M DC LXXVI Roterodami edita, jam ante commemoravimus. Nec profecto sine ratione. Cum enim Spinozae & Atheis ea concedat, quae illis nullo modo concedere oportebat, e. g. ex solo lumine naturae, Deum esse, demonstrari non posse; nullam dari noticiam Dei innatam; concipi non posse ens, quod nullam extensionem habet, habere posse essentiam; simulque, quicquid extensionem habet, esse corpus, unde sequitur, Deum aut corporeum esse, aut nullum; absque divina revelatione nullum esse virtutis & vitii discrimen; cum praeterea rejectis argumentis solidioribus, quibus existentia Dei probari solet, levia & omni fere robore destituta, in eorum locum substituat, non video, quo pacto causae contra Spinozam destinato consilio male actae suspensionem evitare queat; quod & post HENRICUM MORUM, *opp. philos. tom. I. p. m.*, 596. *segg.* pluribus ostendit JOAN WOLFGANGUS JAEGERUS, in *dissertatione*, cui titulus: *Franciscus Cuperus mala fide aut ad minimum frigide Atheismum Spinozae oppugnans*. Equidem & CHRISTOPHORUM WITTICHIIUM, celeberrimum illum Reformatae Ecclesiae Theologum, revera eandem cum Spinoza fovisse sententiam, & anti-Spinozam suam non alium in finem scripsisse, quam ut suspensionem hanc a se declinaret, & securitati ac famae suae confuleret, orbi erudito auctor libri notissimi, *suite de la vie de Philopater*, persuadere voluit. Sed calumniam hanc a Wittichio depulsi, innocentiamque ejus vindicavit JO. COLERUS, in *vita Spinozae pag. 149. segg.* Praeter eos vero, qui, cum antagonista Spinozae essent, ejusdem tamen imprecatis aut adprobatae, aut frigide vel jejune impugnatae, suspensionem subierunt, & alii fuere, qui talia asseruisse visi sunt, quae aut cum Spinozismo consentirent, aut ad eum ducerent. Ipsum ARNOLDUM GEULINGIUM, inter Cartesii sectatores haud infimi nominis Philosophum, hujus erroris reum agit vir illustris CHRISTIANUS THOMASIVS, in *cautelis circa praecognita jurisprudentiae, cap. XIV. §. XXXIII. pag. 225. (66)* De ABRAHAMO JOANNE CUFFELERO, cujus extat *specimen artis ratiocinandi, naturalis & artificialis, ad panto philosophias principia manuducens*, Hamburgi (ut titulus praef se fert) anno M DC LXXXIV editum, nullo profus modo dubitandum, quin in Spinozae castris militaverit. Dum enim *part. I. cap. II. sect. CXLII.* in eo est, ut explicet, quid sit, *aliquid in aliquo mediate vel immediate contineri*, vel *ex eo manare*, exemplo hoc declaraturus, *quomodo nempe mundus contineatur in Deo*, post multas & longas ambages tandem *pag. 106.* ita pronuntiat: *quibus praemissis sequitur, mundum in statu, in quo jam est, dependere a Deo, hoc est, quod contineatur in essentia divina, aequae fere, ac aequalitas inter quadratum ex A C & rectangulum ex B C & C D continetur in essentia circuli B A D, & quemadmodum illa aequalitas semper in circulo contenta fuit* &



Et erit, licet rectæ memoratæ nunquam ductæ fuissent, eodem fere modo  
 essentia mundi ab omni æternitate in Dei essentia fuit contenta, & ex ea  
 emanavit, atque in æternum in ea continebitur: illa autem nullo modo est  
 ex nihilo, juxta innatam nobis veritatem, qua nobis a Deo ipso dicitur,  
 quod ex nihilo nihil fit. Quæ auctoris verba, licet aperte satis testentur,  
 mundum & Deum ei æque ac Spinozæ, unum idemque esse,  
 discrimen nihiloscilicet inter Deum & mundum constituere conatur.  
 In eo scilicet hoc positum esse arbitratur, quod ad essentiam mundi non  
 pertineat existentia necessaria, quæ tamen ad essentiam Dei requiritur.  
 Quo ipso tantum abest, ut impietatis notam declinet, ut mentem  
 potius apertius prodat. Revera enim hocce discrimen nullum est,  
 cum una eademque essentia ita, diverso saltem respectu, mox Deus,  
 mox mundus, dicenda sit. Dum enim mundum in ipsa essentia divina  
 contineri statuit, fatendum utique ei est, essentiam mundi non esse  
 diversam ab essentia Dei. Interjectis nonnullis, quæ nostram de auctoris  
 mente sententiam mirifice confirmant, ad ipsum Spinozam digreditur,  
 cumque ceu Philosophum longe præstantissimum laudat, valdeque,  
 quod ob mentem ejus, minus recte intellectam, Atheismus ei  
 obiectus fuerit, conqueritur. Allatis hinc Spinozæ verbis ex corollario  
 propos. XXV. part. I. quæ antea jam recitavimus, subiungit: *cujus  
 verba cum hoc loco sint obscurissima & durissima, non mirum est, quod iis  
 tam innumeros tamque insignes sibi conciliaverit adversarios; quis enim  
 posset æquo animo perferre has loquendi formulas, Deum affici; Deum  
 modificari, quem scimus & fatemur, esse omnium rerum & sui ipsius causam,  
 &c.* Linxio addit deinceps: Si igitur prædicti philosophi intentio  
 vel opinio fuit, naturam cum Deo hoc modo tam foede confundere, judico  
 illum ab adversariis jussu impetitum atque condemnatum, immo & memoriam  
 ejus in omne ævum execrandam esse. Negat autem, hanc mentem Spinozæ  
 recte tribui: attamen, quia de alicujus intentione solus potest judicare  
 intimus cordium perscrutator Deus, nobis nihil aliud restat, nisi ut  
 judicemus de opinione, quæ continetur in scriptis, quæ memoratus Vir in  
 lucem emisit, & licet inter illius adversarios habeantur etiam perspicacissimi,  
 puto tamen, eos horum scriptorum verum sensum minime assecutos fuisse,  
 &c. Hoc equidem, (quod adversarii Spinozæ verum ejus sensum non  
 sint assecuti) multis verbis ostendere annititur, sed cuncta eo tandem  
 redeunt, quod Spinoza dixit, res hujus mundi particulares esse Dei  
 affectiones, seu modificationes, quibus Deus certo atque determinato modo  
 exprimitur, &c. Idem esse, ac si quis cum auctore dicat: illas res,  
 quas ego concipio conceptu secundario, hoc est, esse tales res, quæ sunt in  
 Deo, & quæ sine Deo nec esse, nec concipi poterunt, quæve a Deo  
 dependent, & quarum unica & sola causa efficiens est Deus. Sane quidem  
 id facile auctori concedimus, quod sibi concedi postulat, non aliena  
 hæc esse a mente Spinozæ; sed æque etiam absque atque impia sunt,

ac ipsius Spinozae asserta. Nec est, quod quenquam vox *causa efficiens* moveat. Ita enim Spinozam, ejusque sectatores, ad fucum imperitioribus faciendum loqui, notum est. (67) Praetermittendus quoque hic nobis non est FRIDERICUS VAN LEENHOF, ecclesiae reformatae Zwollensis minister, qui in libro Belgica lingua scripto, sed in Germanicam quoque translato, cui titulus: *coelum in terra, seu descriptio verae laetitiae*, itemque in aliis duobus, ad illius defensionem compositis, talia docuit, quae itidem ad Spinozismum accedere visa sunt. Impietatis itaque non tantum postulatus, sed scriptis quoque variis placita ejus, quae Spinozismum sapiunt, refutata, atque publica auctoritate damnata sunt. Nec exigui eam ob rem in ecclesia Reformatorum Belgica excitati motus, quos accurate & diligenter descripsit vir doctissimus saepiusque nobis jam laudatus, GOTTLON FRIDERICUS JENICHEN, in *historia Spinozismi Leenhofiani, publica in Belgio auctoritate novissime damnati*, &c. edita Lipsiae anno M DCC VI, qui & speciatim cap. II. §. I. pag. 74. seqq. scripta hac in re edita enarrat; hinc vero §. II. pag. 95. seqq. summam sententiae Leenhofianae, ad Spinozismum ducentis, luculenter exhibet. Habuisse Spinozam, ut unicum hocce adhuc addamus, plures, in Belgio praecipue, sectatores, & adhuc habere, qui nomina sua profiteri non audent, vix est, quod dubitamus. Certe cum jam suo tempore GIBERTUS VOETIUS conquestus sit: *Belgium nostrum, vere libertinorum omniumque fanaticorum Africam, his pestibus (Atheis) quam maxime fuisse & etiamnum esse obnoxium, negari non potest, &c. disp. de Atheismo, selectar. disputation. tom. I. pag. 223.* Id etiamnum hodie verissimum esse, non temere quisquam negaverit. Hoc sane experientia docet, & vel JO. TOLANDI (de quo deinceps ex instituto) exemplo patet, qui ut impietate Spinozae nihil cedit, ita impudentia illum multum superat, & nemine impediante, infelices ingenii monstra parturientis foetus, ibidem, ut vel ex titulo patet, in lucem protrusit publicam. (68) Nec tamen etiam in Belgio defunt viri pii & cordati, quibus illa Atheorum molimina magnopere displicent, immo, qui iis pro viribus se opponunt. Id quod contra STOUTPAM, auctorem libri notissimi, sub titulo: *Regio Hollandorum*, Gallicano idiomate editi, ex instituto demonstravit JOANNES BRAUNUS, reformatae Ecclesiae Theologus celeberrimus, in libro, cui titulus: *Vera religio Belgarum, una cum apologia religionis Statuum Generalium Belgii confederati*, ANNO MDCLXXV edito.

- (64) *Hic ipse de Verſé a Reimmanno (Hist. Ath. pag. 492.) inter Atheos cenſetur; & certe plurima in ejus Tractatu l'impie convaincu occurrunt, quae, eum periculiffimos ſoviſſe errores, maniſeſto evincunt, E. Gr. pag. 10. Enfin nous pouvons dire hardiment, que Dieu a des Attributs eſſentiels differens de ceux de la Matiere, quoi qu'il y ait*  
 en

en l'un & en l'autre un semblable attribut, scavoir l'etendue. *Abfurda magis habet* pag. 40. seqq. *Concludit* pag. 142. Voila comme sur l'hypothese de l'existence eternelle de la matiere j'ay refuté toutes les subtilités impies de Spinoza, sans m'engager dans ces mauvais pas, ou je vois que s'engagent necessairement ceux, qui tiennent la creation de la matiere, &c.

- (65) *Numerandi sunt inter illos, qui Spinosam feliciter impugnarunt* Nieuwentyd *grenden van Zekerheid*, de Jarriges *Hist. de l'Acad. Roy. de Berlin* Tom. I. p. 121-143. Tom. II. pag. 295-317. Stapfer *Theol. Polem.* Tom. II. pag. 722-736. *Anonymus Auctor Principiorum Relig. Nat. & Revel.* Tom. I. pag. 186-218. Wolff *Theol. Nat.* P. 2. §. 671-716. *conf. infra* n. 267.
- (66) *Multum in eo est Vir Cartesianissimus* R. Andala, *ut Geulinxium Spinosismi insimulet in Examine Ethicae* Cl. Geulingii, *praesertim in Dissert. III. Verum licet nonnulla in Ethica Geulinxiana reperiantur, quae rigidum rationis examen sustinere nequeunt, nihil tamen in ea occurrit, quod Spinosismum redolet, cum ubique discrimen agnoscat ingens inter Deum, Mundum & Animam. Vid. Bruckerus Hist. Crit. Phil.* Tom. IV. P. 2. p. 703-705. Stollus *Hist. Lit.* pag. 808. seq.
- (67) *Non tantum in Digressione, quae occurrit* pag. 119. seqq. in Blyenburgium, Spinosae *Ethicam* resellentem, *impudenter invehitur, verum etiam in fine Paris prinae* pag. 258 *addit: de acquirenda Dei cognitione abunde satis explicatum est in Ethica B. D. S. (Benedicti de Spinoza); quod opus sane aureum est, nullo seculo interiturum, modo ipsi perversus sensus non affingatur, &c.*
- (68) *Qualis quae so demonstratio! secundum titulum Tolandi monstroso Optusculo praefixum, impressum illud est* Hagae Comitum A. 1709.; *ergo plures in Belgio sunt Spinosae sectatores; ergo Belgium, Libertinorum, omniumque fanaticorum Africa, etiamnum pestibus hisce (Atheis) quam maxime est obnoxium. Dari in Belgio Atheos, dari Spinosistas, dari Libertinos, negari non potest; sed an procedit conclusio? Spinosae Tractatus Theologico-politicus secundum titulum impressus est* Hamburgi; *ergo plures Hamburgi sunt Spinosae sequaces? An summi Imperantes consensum manus injicere debuissent, & suppressere infelicem huncce ingenii monstra parturientis foetum? an non sufficit, quod eodem illo anno 1709. Ven. Fayus, toto applaudente Belgio erudito, ediderit Defensionem Religionis, nec non Moſis & Gentis Judaicae contra quas Dissertationes Joannis Tolandi? an non saepissime Ordines Holan-*

*landiae, aliarumque Regionum Foederatarum monstrarunt publice, & manifestius, quam in aliis Ditionibus Europaeis fuit factum, quantopere abhorreant ab omnibus scriptis, quae religionem ex hominum animis eradicare satagunt? Et tamen hae infimulationes in solum summum Imperantem sunt injuriae.*

## §. XXVII.

In Anglia quoque inter tot opinionum, quae magno ibi numero provenerunt, monstra, Atheismum suum sibi vindicare locum, tot egregia a Viris eruditis in hac gente contra Atheos edita scripta, nos dubitare non sinunt. \* EDUARDUS HERBERTUS DE CHERBURI, quem nonnulli huc referunt, naturalistis potius est accensendus. \*\* Sed THOMAS quoque BROUNE, \*\*\* ab indifferentismi licet suspicione non immunis, ab Atheismi tamen accusatione videtur absolvendus. Non aequè THOMAS HOBBSIUS, quanquam & hic a quibusdam aut excusetur, aut defendatur. \* JOANNES TOLANDUS autem omnes impudentia vincit, quippe qui non tantum Atheus est, sed &, ne pro alio, quam Atheo, haberetur, omnem navavit operam. \*\* In Germania denique, aliisque Christiani orbis regionibus, itidem quandoque fuisse, qui Atheismum in animo latitantem, dictis scriptisque proderent, ipsa proh dolor! experientia docuit. \*\*\*

\* Plurimi recentiori aetate inter Anglos fuere, qui scriptis eruditissimis, acutissimisque pro existentia & providentia Numinis pugnarunt, stultitiamque Atheorum exploserunt. Quod certe documento est, monstra ejusmodi in Anglia esse, quae illis tanto studio fuerint debellanda. Praecipui autem inter illos sunt, ROBERTUS BOYLE, in *disquisitione de natura ipsa*; SAM. PARKERUS, in *disputationibus de Deo & providentia*; HENRICUS MORUS, in *brevi tractatus theologico-politici consulatione*, item, in *duarum praecipuarum Atheismi Spinoziani columnarum subversio- ne*; quae operum ejus philosophicorum tom. I. extant, ut & in *antidoto adversus Atheismum*, quod in tom. II. legitur; RUDOLPHUS CUDWORTH, in *systemate mundi intellectualis*; NEHEMIAS GREW, in *cosmologia sacra*; GULIELMUS NICHOLS, in *collatione cum Theista*; JO. RAYUS, in *existentia* &

*& sapientia Dei manifesta in operibus creationis*, qui ejus liber, ex Anglicano idiomate in Gallicanum translatus, Ultrajecti anno M DCC XIV editus est; RICHARDUS BENTLEY, in *stultitia & irrationabilitate Atheismi*, &c. quem viri doctissimi librum, octo orationibus constantem, ex Anglicana lingua in Latinam vertit, & hoc ipso praeclare de orbe erudito meritus est DANIEL ERNESTUS JABLONSKI, Berolini anno M DC XCVI; sed nuper quoque idem in linguam Germanicam conversus prodit; SAM. CLARCKIUS, in *demonstratione existentiae & attributorum Dei, adversus Hobbesium & Spinozam*, &c. quam ex Anglicana in Latinam translata, una cum *historia Atheismi* edidit JENKINS THOMASIUS, Altorffii Noricorum M DCC XII. GEORGIUS CHEYNE, in *principiis philosophicis religionis naturalis*; quorum summam exhibet JOANNES CLERICUS, *biblioth. ancien & mod. tom. III. Part. I. artic. II. pag. 41. seqq.*

- EDUARDUS HERRBERTUS BARO DE CHERRBURY, ob libros de veritate, prout distinguitur a revelatione, a verisimili, a possibili, & a falsa, item, de causis errorum, & denique, de religione gentilium, errorumque apud eos causis, longe est notissimus. Inter Naturalistas, hoc est, eos, qui rationis scita ad salutem consequendam sufficere arbitrantur, principem eum tenere locum, itidem satis constat: quem ejus errorem & praeter alios B. JOAN. MUSAEUS noster, peculiari dissertatione, refutavit. Licet autem Atheismi suspicionem quam longissime a se amotam cupiat HERRBERTUS, adeo ut suam hypothesein ad profligandum Atheismum, & veritatem Christianae religionis stabiliendam, vel maxime facere, gloriatur; negandum tamen non est, talia eum asserere, & fundamenti loco ponere, quae ad evertendam funditus religionem Christianam pertinent. Non dubitabit hac de re, qui sequentia ejus recte consideraverit principia: *unicam in necessariis esse veritatis normam, consensum scilicet universalem, libr. de veritate pag. 51. item, quicquid neque per instinctum naturalem, sensum internum, sensum externum, neque discursum innotescit, tanquam verum proprie dictum, nullo modo probari potest; loc. cit. pag. 47. praeterea, de revelatione neminem certum esse posse, nisi cui ea facta sit immediate; pag. 288. 289. immo, ne eos quidem, quibus immediate facta revelatio, extra omne deceptionis periculum constitutos, pag. 281. in Scripturae sacrae scrutinio notitias saltem communes, (quae ex consensu universali constant, uti sunt: esse supremum aliquod numen; id coli debere; virtutem pietatemque esse praecipuas partes cultus Divini; vitia & scelera quaecunque expiari debere per poenitentiam; dari praemium & poenam post hanc vitam) tanquam indubitato certas admittendas esse, loc. cit. pag. 14. Haec similiaque quorundam tendant, nemini temere obscurum esse potest; idque luculenter ostendit B. CHRIST. KORTHOLTUS, de tribus impostoribus sect. I. §. XII. seqq. pag. 16. seqq. Neque tamen ideo inter Atheos, proprie & strictè sic dictos, referendus*

est HERBETUS. Id ipse, quem jam laudavimus, agnoscit auctor doctissimus, CHRIST. KORTHOLTUS: *Cave tamen, dum Atheismi Herbertum postulamus, ita id accipias, quasi ipsam Dei existentiam per nova ejus Argumenta negari dicamus.* Hac enim ratione ~~Atheismus~~ adeo non proficitur ille, ut etiam, ullos dari tales Atheos, palam inficietur, utque articulorum eorum, quibus totam Naturalismi sui molem superstruit, primum diserte faciat hunc: esse supremum aliquod Numen; loc. cit. §. XI. pag. 15. (69)

- (69) *Tantum abest, ut Herbert de Cherbury fuerit Atheus, ut potius superstitioni quodammodo fuerit deditus, uti constare potest ex ipsius narratione, quam adjecit Epistolae suae secundae Ven. Leland (View of Deistical Writers,) scil. antequam librum suum de Veritate in lucem emitteret, flexis genibus a Deo fuit precatus, ut signum ederet e coelo, quo certior redderetur, opus, quod moliebatur, gloriae Divinae inferiturum; confestim autem se audivisse, refert, sonum quandam e coelo, ut putabat, advenientem, quo incitatus fuit, ad librum suum edendum. Quid de hoc casu sit statuendum, fuse disquirat laudatus Auctor; id saltem est certissimum, Naturalistas seu Revelationis osiores & oppugnatores vix a risu temperaturos, si tale quid Christianum hominem narrantem audivissent.*

\*\*\* THOMAS BROWNE, gente Anglum, professione Medicum, tum ob alia scripta, tum maxime ob libellum de religione Medici, ab ipso lingua Anglicana conscriptum, in Latinam autem translatum, subinde inter Atheos commemorari videas. TOBIAS WAGNERUS, librum de religione Medici inter eos recte referri, nullus dubitat, in quibus Atheisticae impietatis semina & hypotheses delitescunt, ut sine periculo infectionis legi vix possint; in examine elenchtico Atheismi speculativi, cap. V. pag. II. Alii non equidem Atheismi, Syncretismi tamen, aut Indifferentismi, aliorumque errorum gravissimorum hunc auctorem postulant. Sane in editione libri de religione Medici, quae Francofurti & Lipsiae anno MDCXCII prodiiit, in ipso titulo auctor, Syncretismi universalis, immo crassioris, hominem in quavis religione salvari posse, patronus, diserte vocatur. Alii autem in mitiorem partem de eo pronuntiant, & quae durius ab eo dicta sunt aut emolliunt, aut defendunt, quos inter & GOTHOFREDUS ARNOLDUS est, histor. haeref. part. III. cap. VIII. §. XXIX. seqq. pag. 80. seqq. Atheis equidem mea opinione annumerari nequit. De Deo ita loquitur, ut pravae aut sinistrae de eo opinionis nullum praebeat indicium. Speciminis loco esse possunt, quae sect. XIII. pag. 77. extant: *Causa, inquit, rerum omnium primaria unica est, secundariae quatuor. Quaedam efficiente carent, ut Deus; quaedam materia, ut angeli; quaedam forma, ut materia prima; nulla vero est essen-*

essentia, five creata, five non creata, quae non causam aliquam finalem habeat, essentiae suae operationibusque propositam. Hanc in naturae operibus investigare studeo; ab hac pendet Divina providentia. Pulcherrimam hanc orbis rerumque creaturarum compagem struxisse, opus erat solummodo Divinae artis; at varias illas operationes, singulisque rebus sua mandata munia, non nisi ex sapientiae ejus thesauris proficisci oportuit. Idem etiam sect. II. pag. 4. religionem, quam vocant, reformatam se profiteri, scribit, in qua nihil praeter nomen displiceat; additque: *Fidem illam profiteor, quam Christus Servator docuit, quam disseminarunt Apostoli, quae a Patribus auctoritatem, a Martyribus confirmationem accepit.* Scio, talia & ab Atheis ad caliginem imperitis ostundendam, dici posse; quamdiu autem argumenta, quae contrarium suadeant, nondum adsunt, serio & ex animi sententia ista dicta esse, ut credamus, par est. Ejusdem generis est, quod sect. XVIII. detestando refert, quae ad impugnanda aut elevanda miracula, ab Atheis dici solent: quod cum THEOPHILUS SPIZELIUS ex eo commemorasset, & adprobasset, addit: *de intentione tamen, animoque auctoris, aliis longe doctioribus atque sagacioribus relinquo judicium; in scrutin. Atheismi, scrutin. III. §. XXV. pag. 113.* Quo minus vero THOMAS BROWNE pro Atheo haberi queat, hoc etiam obstat videtur, quod ipsemet sect. III. pag. 7. se ad superstitutionem proclivem esse, fateatur. Eamque satis ingenuum esse confessionem, sententia ejus de ritibus & ceremoniis ecclesiae Romanae, quam ibidem exponit, haut obscure ni fallor, ostendit. Sit itaque immunis ab Atheismi vicio: non aequae ab Indifferentismi suspicione absolvi potest. Certe, quae l. c. sect. III. pag. 7. de Romanensibus disserit, aperte ostendunt, eum inter illos & protestantes, non adeo magnum discrimen constituisse. Mihi itaque, inquit, religio non est, eorum familiaritate & consuetudine uti, illorum ecclesias adire, quoties nostrae praesto non sunt, adeoque una, aut cum illis, aut pro illis verba facere. Immo ulterius Indifferentismum extendit, quando sect. LIV. pag. 296. etiam Ethnicis, qui honesti vixerunt, salutem aeternam denegari non posse, animas autem eorum in nescio quo limbo contineri, docet: *Iniquum est, horum animas in infernum deturbare, quorum vitae nobis adhuc virtutis & pietatis exempla praestant. Cum autem infernum in tot regiones divisum sit, aequum sane fuerat, ut his etiam limbus aliquis statueretur.* Mitto reliqua, quae de hoc auctore observari poterant.

(70)

- (70) Ea, quae Cl. Auctor heic loci proponit circa Brownii Indifferentismum, summopere displicuerunt Ven. Reimanno Hist. Ath. pag. 448.; qui provocat ad Lib. 1. Sect. 54. ubi dixit: nullam omnino salutem dari, nisi per Christum. Objicit quidem sibi ipse Brownius, quod, si etiam illi, qui ante Christi nativitatem vixerunt, per fidem in Christum sal-

*salvari debeant; sollicitus sit de honestis illis atque praeclaris Philosophis eorumque exitu, qui ante natiuitatem illam fuerunt mortui. Ardua res est, inquit, horum animas in infernum deturbare, &c. sed mox adjicit: non levis est arrogantia Dei opera culpae velle, aut de iustitia ejus actionum litigare, & sic concludit, judicium omne Deo esse relinquendum, illudque, siue illos Philosophos in coelum evehere, siue eos in infernum detrudere velit, esse probandum; ita ut tandem fieri debeat manifestum, nullam salutem, nisi per Christum, esse expectandam. Nihil hic reperitur, quod indifferentismum redolet; sed verae modestiae exemplum praebet, quod omnibus est commendandum.*

- \* Malmesburiensem illum philosophum, THOMAM HOBBIUM, itidem subinde inter Atheos relatum videas. Ne quid enim de illis dicam, qui ex instituto contra illum calamos strinxerunt, qui tamen hac de re non prorsus inter se conveniunt, cum primis SAMUEL PARKERUS acriter in eum infurrexit, & non tantum Julio Caesari Vanino eum junxit, sed Epicuro quoque, si non deteriorem, certe nihilo meliorem, pronuntiavit. Malmesburiensis, inquit, senex, Gargetticum in omnibus secutus est, an casu, an consilio, nescio; hoc probe scio, ipsum nihil nobis obtulisse, nisi quod apud Veteres in Epicuro reprehensum inveniamus. Ut enim Epicurus omnia a Democrito surripuisse dicitur; ita Hobbesius omnia Epicuri flagitia ingenti fastu tanquam sua recudit; atque ut nova videantur, novis nominibus, (quorum ille, ut sunt novatores omnes, 'egregius artifex') appellare affectavit; de Deo & providentia, disputat. l. sect. XXVII. pag. 56. Ex Nostratibus B. CHRISTIANUS KORTHOLTUS Hobbesium tribus impostoribus magnis, de quibus scripsit, annuerare nullus dubitavit; quamquam eum non tam directe Atheismi, quam impugnatae, & quantum in ipso erat, eversae religionis Christianae, reum agat; sect. II. pag. 50. seqq. Et sane, ut ab ultimo hocce accusationis capite ordiamur, absolvi ab ea Hobbesium nulla ratione posse, res ipsa docet. Divinam enim primo revelationem generatim in dubium vocat, neminemque de iis, quae aliis a Deo revelata sint, certum esse posse, contendit; immo nec illos ipsos, qui ejusmodi revelationes prae se tulerunt, hac de re satis potuisse esse certos. Atque inde porro concludit, summorum imperantium arbitrio religionem omnem, quae revelatione nitiatur, obnoxiam esse; immo non tantum Scripturae interpretationem, sed ipsam quoque, quam habet, auctoritatem, si modo quam habeat, a summa Imperantium potestate repetendam esse. Atque hoc ne frustra dixisse videamur, ex plurimis ejus, quibus hoc probari poterat, locis, unum alterumve allegasse sufficiat. Illi igitur, inquit, *Leviathan. cap. XXXIII.* quibus Deus non revelavit supernaturaliter, quod Scripturae ab illo sint, vel eos, qui illos praedicant, ab eo missos esse, nulla, ut eas recipiant, auctoritate obligantur, praeterquam ejus,

qui



*qui summam in civitate habet potestatem. Is enim Legislator solus est. Ejusdem commatis & reliqua sunt, quae sequuntur, quae hic repetere, instituti ratio non patitur. Similia jam capite praecedenti xxxii docuerat, immo & pejora, dum nec eos, quibus revelatio Divina immediate obtrigit, certos hac de re esse posse, asseruit: Quibus Deus locutus est in scripturis sacris, non immediate locutus est, sed per prophetas, idque omnibus aequaliter. Qui Deum in somnio ad se locutum esse, dicit, somniasse se dicit. Somnia autem aliena pro verbo Dei nemo accipiet, praesertim si somnia maxima ex parte naturalia esse, & ab arrogantia & superbia somniantis procedere posse, sciat. Qui visionem a Deo vidisse, aut vocem audisse, se dicit, somniasse credetur; saepe enim & facile vanis & imperitis hominibus somnia illudunt. Qui supernaturaliter INSPIRATAM sibi esse a Deo doctrinam aliquam novam dicit, a sapientibus ingenii sui admiratione INSANIRE intelligitur. Quanquam autem in somnio, in visione, per vocem, & per inspirationem, hominem alloqui potest Deus omnipotens, dicenti tamen, Deum sibi ita locutum esse, credere obligatur nemo, homini scilicet, qui & errare, & quod pejus est, mentiri potest. Nihil hoc tandem aliud est, quam si dicat, Prophetis, Apostolis, & scriptoribus ~~divinis~~, ut quis fidem adhibeat, neminem obligatum esse, quia aut errare, aut mentiri potuerint, nec ipsi de revelatione sibi facta, aut inspiratione Divina satis fuerint certi. Quo ipso ut omnis Scripturae sacrae auctoritas labefactatur, ita, ut eam penitus evertat, non intermittit, corradendo Leviathanis cap. XXXIII. talia, quae eam aut contradictionis aut erroris arguant, quae in demonstratione evangelica ex instituto profligavit PETRUS DANIEL HUETIUS. Facultatem autem interpretandi Scripturam sacram, aequae ac ipsam religionem, dependere a potestate summorum Imperantium, non tantum asserit, sed & variis rationibus probare conatur, elem. de civ. cap. XIV. num. III. IV. & cap. XVII. num. XXVII. Quid vero mirum? cum nec aliam Scripturae sacrae concedat auctoritatem, quam eam, quae ei a summis tribuitur Imperantibus: Diserte namque asserit, libros illos solos canonicos, id est, leges esse, in unaquaque civitate, quae summi imperantis auctoritate latae sunt, h. e. quae a summis Imperantibus pro talibus habentur. Atque hinc quidem, quo animo erga religionem Christianam Hobbesius fuerit, constat. His vero si reliqua ejus de Deo pronuntiata addantur, aut me omnia fallunt, aut non tam facile ab Atheismi suspicione liberari potest, ut nonnulli existimant. Non omnia conquiram, sed praecipua saltem indicabo, quavis etiam observata sint SAMUELI PARKERO, loc. cit. Naturalem namque Numinis haud obscure sustulit notitiam, dum eam neque argumentis, neque phantasmatis, uti loquitur, comparari posse existimat. Non phantasmatis, quia infiniti phantasma nullum est; neque enim homo, neque ulla alia res, praeterquam quae ipsa infinita sit, infiniti conceptionem ullam habere potest; ne-*

que argumentis; *etsi enim ex eo, quod nihil potest movere se ipsum, satis recte inferitur, primum aliquod esse movens, quod fuerit aeternum, non tamen inferetur id, quod inferre solent, nempe aeternum immobile; sed contra aeternum motum; si quidem, ut verum est, nihil moveri a se ipso, ita etiam verum est, nihil moveri, nisi a moto, &c. Phys. part. IV. cap. XXVI. pag. 204.* Non ignoro, quid ad haec pro defendendo aut excusando Hobbesio responderi queat, & etiam responsum sit. Si enim vel maxime phantasmatis, inquit, Deus concipi nequit, quia infiniti phantasma nullum est, inde non sequitur, nullam ejus dari notitiam, nullum sensum. Ad alterum vero quod attinet, recte quidem Hobbesium illam quorundam ratiocinationem rejicere ajunt, *nihil movetur a se ipso, ergo Deus se ipsum movet, inde vero, ac si Deum ipsum vel ejus existentiam neget, minime colligi posse.* Quae equidem speciem quandam habent. Quo minus tamen prioris temere admitti excusatio queat, obstare videtur, quod Hobbesius non alium cognoscendi modum admittat, quam per phantasma. Ita enim diserte *loc. cit. p. 224.* loquitur: *Quicquid homines scimus, a phantasmatis nostris didicimus &c.* Alterius asserti Hobbesiani defensor an rite procedat, judicabunt, qui paulo attentius legerint, quae hac de re disserit SAMUEL PARKERUS, *loc. cit. pag. 88. seqq.* Sed nec illud praemittendum, quod Deum quendam corporcum, hoc est, si nonnullos audias, re vera nullum, Hobbesius statuit. Non tantum enim in *Leviath. cap. IV.* diserte negat, dari substantias incorporeas, sed & *cap. XXXIV.* corpus & substantiam unum idemque significare, diligenter inculcat, ita quidem, ut ipso iudice, *vox composita substantia incorporea sit insignificans, aequae ac si quis diceret, corpus incorporeum.* Immo in *appendice ad Leviathan cap. III.* cum ipse sibi hoc dubium proposuisset, *negat, substantias ullas esse incorporeas. Quid aliud est hoc, quam negare, Deum esse, vel adfirmare, Deum esse corpus?* respondet: *affirmat quidem, Deum esse corpus, sed ante eum idem affirmavit Tertullianus &c.* adeoque variis rationibus, sed admodum profecto jejunis, hanc sententiam defendere annititur. Estque hoc ejusmodi, ut ipse vir ingeniosissimus, NICOLAUS HIERONYMUS GUNDLINGIUS, qui Hobbesium ab Atheismo libera-re instituit, nodum huncce gordium gladio secandum fateatur, *observation. selectis*, ab eo editis *num. II. §. VII. pag. 61.* Sane quidem ex eo, quod aliquis credit, Deum habere corpus, nondum statim sequitur, eum esse Atheum. Sed si tantus Philosophus, quantus Hobbesius fuit, & cui ignotum esse nequit, ex notione corporis talia sequi, quae ideam Dei prorsus evertunt, hoc asserat, & ita quidem, ut cum alibi asserat, quae huic sententiae repugnant, aut non satis sibi constare, aut rotunde, quid sibi velit, non velle eloqui videatur, an non sinistri quid de eo suspicandi non injustam occasionem praebeat, aliis dijudicandum relinquo. TERTULLIANI exemplum, ad quod ipse pro-

vocat,

vocat, & Anthropomorphitarum veterum, ad illum excusandum parum facit, cum una eademque sententia a diversis auctoribus, ex principiis diversis, diverso etiam scopo ac consilio propugnata, diversa etiam ratione sit consideranda. Ut autem Hobbesius non alium, quam corporeum Deum agnoscit, ita Angelos seu Spiritus creatos prorsus negavit, *Leviath. cap. XXXIV.* de qua ejus sententia alibi plura dicemus. (71)

- (71) *Vel sibi non constat Hobbesius, vel turpissimo modo verbis ludit: In Tract. de Cive Cap. 3. §. 33. aperte dicit: Est Scriptura sacra in omnia maximo jure imperantis Dei Oratio; & Cap. 17. §. 16. jam Scriptura sacra, ut quam agnoscamus a Deo inspiratam, tota verbum Dei est in secunda significatione, atqui §. 15. dixerat: accipitur ea vox (Verbum Dei) tripliciter — secundo, quidquid dictum est ab hominibus jussu vel impulsu Spiritus Sancti; quo sensu agnoscamus, Scripturas sacras esse verbum Dei. Verum si loca ab Auctore allata, & quae a Ven. Leland l. c. Epist. III. fuere collecta, perpendamus, sic satis manifestum redditur, Hobbesium & religionem revelatam risisse, & ipsius religionis naturalis fundamenta evertere fuisse conatum. Vid. Leviath. Cap. 12. pag. m. 56. & in Append. ad Leviath. pag. 345. & 360. seq. Attamen inter Atheos primi ordinis numerandum non esse Hobbesium, solide demonstravit Moshemius ad Cudworth. l. c. pag. 74. seq.; id tamen agnoscit Vir Cl., hominem sibi non constare, & quandoque secum invicem manifesto pugnancia scripsisse; uti hoc ex collatione locorum, quae l. c. adferuntur, videre est, quae in suo contextu examinare in operibus Hobbesii, atque exscribere non lubet.*

- \*\* An crassiori aut apertiori quadam ratione unquam aliquis inter Christianos Atheismum suum prodiderit, quam JOANNES TOLANDUS, gente Anglicus, & ob impietatem hodie notissimus, valde dubito. Dum enim in dissertatione, cui titulum fecit, *Adventus, sive Titus Livius a superstitione vindicatus*, historicum nobilissimum a superstitione se liberare vult videri, revera id agit, ut cum religionis omnis contemptorem, irrisorem, & prorsus ~~Atheum~~ omnibus sistat, ut supra jam ad §. XXI. observavimus. Eundem nihilofecius Livium, ut *virum sanioris judicii*, §. VIII. acris judicii in rerum veritate indaganda & dijudicanda; §. XII. ut hominem bene moratum bonumque philosophum; §. XIX. probae & erectae indolis; §. XXII. maximopere commendat. Quid vero aliud inde sequitur, quam homines, qui non ejusdem cum illa, quam Livio tribuit, sunt sententiae, ineptos esse, supersticiosos, exigui aut nullius judicii, pessimos philosophos, bruta denique & stipites. Sed quid ambagibus opus? In altera enim dissertatione de *originibus judaicis*, quam priori subjunxit, levato velamine Pantheismum, (ita enim Spinozae Atheismum

smum vocare illi placuit) adprobat; immo Mosi ipsi hanc sententiam tribuere non erubescit. Primo quidem STRABONIS hac de re adducit testimonium. *Mosem enimvero, inquit, fuisse Pantheistam, sive, ut cum recentioribus loquar, Spinozistam, incunctanter affirmat in isto loco Strabo. Eam namque exhibet docentem, nullum dari numen a materia & compage mundi hujus distinctum, ipsamque naturam, sive rerum universitatem ipsum esse & supremum Deum, cujus partes singulas creaturas dicas, & totum, si velis, creatorem, &c. in originibus judaicis, §. VI. pag. 117. Tantum vero abest, ut hoc STRABONIS de Mosi theologia judicium refellat, ut potius eandem & sibi neutiquam displicere sententiam, haud obscure innuat. Statim enim subjicit: Haec est hodierna litteratorum Sinenfium, aliorumque Orientalium philosophia, & a quamplurimis inter Graecos antiquos & Romanos propagata: sed a nemine Latinorum brevius & clarius expressa, quam a Pacuvio poeta &c. loc. cit. pag. 118. PETRUM vero DANIELEM HUETIUM non aliam ob causam reprehendit, quam quod Strabonem aliud quid dicentem induxerit. Neve ullum dubium superfit, legenda saltem, quae §. XV. pag. 123. seqq. disserit, ubi citra ambages STRABONIS de Mosi doctrina judicium adprobat, immo toti fere Scripturae sacrae, ausu profecto impudentissimo, Pantheismum tribuit, uti supra quoque ad §. III. nobis observatum. Quis vero, qui talia legit, dubitet, ipsum Tolandum in Pantheistarum militare castris? Reliqua itaque ejus effata in religionem & Scripturam sacram injuria, Atheismum ejus prodentia, referre, supervacaneum puto. Detexerunt & refutarunt hanc hominis impiecatem JAC. FAYUS, in *defensione religionis, nec non Mosi, & gentis Judaicae contra duas dissertationes Joannis Tolandi, &c.* Ultrajecti M DCC IX. 8. & ELIAS BENOIST, ejus Gallicano idiomate extat *Melange de remarques critiques, historiques, theologiques sur les deux dissertations de M. Toland, &c.* a Delf, M DCC XII. 8. PETRUM DANIELEM HUETIUM a calumniis Tolandi vindicavit MORINUS, cujus *dissertatio contra Tolandi adeisdemonem & origines judaicas*, Gallicana lingua scripta, extat dans les *dissertations sur diverses matieres de religion & de philologie, &c. recueillies par M. l'Abbe DE TILLADET, tom. I. num. V. pag. 438. seqq.* quamvis in praefatione doceatur, ipsum HUETIUM dissertationis hujus auctorem esse. Ineptias Tolandi impias de origine gentis Judaicae ipse profligavi in profusione Academica de origine gentis Judaicae, quae in *syntagmate dissertationum Academicarum* extat. (72) Tolando adhuc ANTONIUM COLLINUM, itidem gente Anglum, ejusque si non discipulum, certe amicum & sectatorem, jungimus. Hunc enim auctorem ferunt *discursus de libertate cogitandi*, qui Anglicana primum lingua, deinde & Gallicana M DCC XIV. prodiit, & in quo id unice agit, ut, libertatem cogitandi justis limitibus circumscriptam, cum licentia quidvis cogitandi, pravisque cogitationibus indulgendi, data opera confundens,*

dens, dum videri vult, ac si cogitandi libertatem defendat, revera illorum impietati, qui cogitationibus suis frena pro lubitu laxantes, omnem Numinis sensum mortalium pectoribus excussum cupiunt, patrocinetur. Hinc & sub libere cogitantium nomine eos, quos ipse pro Atheis habet, aut quos ad eorum sententiam quodammodo accedere putat, vel maxime commendat; cujus rei jam supra aliquot specimina dedimus. Non immerito itaque hinc inde Viri docti hominis istius petulantiam castigarunt, & in ipsa quidem Anglia praeter alios SAMUEL RYCROFT, in *brevi disquisitione de libertate philosophandi in rebus ad religionem spectantibus*: cum primis autem PHILELEUTERUS LIPSIENSIS, quo sub nomine RICHARDUM BENTLEJUM, virum doctissimum, latitare constat, in *animadversionibus in nuperum discursum de cogitandi libertate*, &c. (73) Summatim & ego praecipuos libri istius errores profligavi, in prolatione quadam Academica de *libertate cogitandi*, hoc ipso anno M DCC XV. a me conscripta.

- (72) *Etiam in aliis scriptis monstravit Tolandus, se ab omni Revelatione divina abhorreere, & Atheismo promovendo esse aptissimum; in Epistolis suis ad Serenam, motum materiam essentialem esse, demonstrare allaboravit; in Pantheistico, A. 1720. edito, propugnavit Spinosismum; sed jam antea (scil. 1696.) evincere studuerat in libro, cui titulus Christianity not Mysterious, Christianam doctrinam nulla mysteria comprehendere & supra rationis vires non esse constitutam; mox canonem Librorum Novi Testamenti suspectum reddere suscepit A. 1698. in Tractatu, qui inscribitur Amyntor; de quibus Tolandi scriptis veneni plenissimis, eorumque felicissimis debellatoribus videndus est Ven. Leland l. c. Epist. IV.*
- (73) *Non quidem inter eos censi potest Collinſius, qui sine ambagibus existentiam Dei negarunt; sed inter libere cogitantes tales retulit, qui sine injuria inter Atheos numerantur; vicia Ecclesiasticorum amplificat, ut contemptum injiciat Religioni, cujus sunt Ministri. Vehementer urget, Evangelia, tanquam ab idiotis Evangelistis composita, reprehensa & emendata fuisse sub Anastasio Imperatore, secundum testimonium Victoris Tunnunensis; quae calumnia egregie fuit refutata a Cl. Wesselingio in peculiari Dissertatione Traj. ad Rh. 1738. & a Bentlejo la Frigonnerie Laigue pag. 168-214. Suum contra Christianam religionem odium denuo manifestavit in peculiari Tractatu Londini 1724. edito, de Fundamentis & rationibus Christianae Religionis, quem videre mihi non licuit, sed cujus mentionem facit Ven. Leland l. c. Epist. VI., qui etiam brevem, sed solidam istius tractatus refutationem exhibet, recensens insuper alios, qui feliciter Collinſii monſtroſa dogmata oppugnaverunt.*

*Præter eos, quos memoravit Cl. Auctor, plures extiterunt in Anglia, qui Atheismi fuerunt infimulati; sed quorum plerique Naturalistæ potius sunt dicendi, seu Religionis Christianæ hostes; cum Revelationem, non vero existentiam Numinis impugnaverint. Huc referendus est Woolaston, Tindal, Morgan, Chubb, Bolingbroke, Hume; de quibus omnibus differuit egregie Rev. Leland in sæpius memoratis Epistolis, quarum prima pars eleganter in Belgicum sermonem translata est. Id tamen agnoscendum, rarissime inter Christianæ Religionis ofores fuisse reperi-  
tos, qui non & alia circa Deum aut res divinas dogmata foverunt, cum vera de Dei existentia persuasione pugnantia, ejusve cultum ex hominum animis eradicare apta; ita ut, revelatae Theologiæ bellum indicentes, vix ullum relinquunt locum Theologiæ Naturali.*

\* Germaniam nostram mali hujus non prorsus expertem esse, negare non licet. Nec id adeo mirum, cum plurimi inter nos, exoticis quibusvis majus, quam par erat, pretium statuentes, paradoxa quævis, erronea, & impia dogmata simul quam avidissime arripiant. Ne quid autem de iis, qui hinc inde delitescunt, aut mentis sententiam non nisi oblique & per ambages prodere audent, dicam, inter eos, qui aperte & citra ambages Atheismum professi sunt, vel maxime eminet MATTHIAS KNUITSEN, Oldensworthæ Eiderstadiensis, ex Theologiæ studio Atheismi patronus factus, qui schedis aliquot blasphemis & inscietis, Jenæ & Altdorff anno M DC LXXII & LXXIV. sparsis, eum defendere ac disseminare ausus est. Constabant autem schedæ istæ, quæ typis impressæ sunt, *epistola amici ad amicum*, lingua Latina scripta, & dialogis aliquot Germanicis. In his novæ Conscientiariorum, quam vocat, sectæ se auctorem proficitur, aut mentitur potius, qui nihil aliud credant, quam quod ratio & conscientia distat; cum tamen ipse ea in dubium vocet, quæ ratio evidentissime cognoscit, & quæ, si tollantur, conscientiæ quoque locus non amplius conceditur. Verbis enim disertis & Dei, & Cæcodaemonis existentiam, mortuorum resurrectionem, & vitam beatorum pariter ac damnatorum æternam, negat, codicis sacri auctoritatem impugnat, ejusque narrationes meras clamitat esse fabulas; ipse contra Peyrerii illepidæ de Præadamitis commenta admittit, adversus clerum & magistratum insurgit, nullum denique inter conjugium & fornicationem discrimen agnoscit. Jactitabat præterea pessimus nebulo, innumeros per universam Europam se habere sectatores, & in solo oppido Jenensi septingentos cives & studiosos esse, qui eidem sententiæ sint addicti. Ea res occasione dedit n. JO. MUSÆO, theologo acutissimo, & multis nominibus de ecclesia nostra optime merito, impias hæc nugæ peculiari scripto accurate refutandi, quod anno M DC LXXIV. sub titulo: *Ableinung der abschœulichen Verlaumdung, als wenn in der*  
Uni.

*Universitat Jena eine neue Secte der Gewissener wäre entstanden &c. prodiit. In altera scripti hujus editione, quae anno sequenti MDCLXXV. lucem adspexit, vindictiae accuratae sacri codicis contra eundem nugatorem accessere; conf. JO MOLLERUS, vir clarissimus, in isagoge ad histor. Cherson Cimbr. part. II. cap. VI. §. VIII. p. 164. seqq. item CASP. SAGITTARIUS. introduct. ad histor. eccles. cap. XXXIII. sect. XIV. pag. 879. cumprimis & DN. LA CROZE, entretiens sur divers sujets d'histoire &c. pag. 400. seqq. ubi Knutsenii illius epistolam ad amicum integram exhibet. De scripto quodam Atheistico, Berolini circa annum MDCXCIV. edito, cui titulus: concordia rationis & fidei, vid. quem jam laudavi N. CASPAR SAGITTARIUS, loc. cit. pag. 881. Non ita pridem etiam contigit, ut scriptum aliquod Atheisticum & blasphemis refertum, in quo auctor & Dei existentiam, & animae immortalitatem, & Scripturae sacrae Divinam auctoritatem impudentissime negavit, Magdeburgi in suggestu collocatum inveniretur. Cujus rei rumor cum emanasset, varia eidem scripta opposita dicuntur, ex quibus unicum tamen saltem in conspectum meum venit, quod auctorem agnoscit JO WILHELMUM PETERSENIUM. Titulus ei est: der in allen Seelen sich offenbarende und sich selbst rechtfertigende Gott, das ist, Beweis aus dem Licht der Natur; dasß ein Gott sey, und dasß die Seele unsterblich, &c. auf Verantwörung einer gottlosen Schrift, welche heimlich auf öffentlicher Canzel in Magdeburg von einem Lichtscheuenden hingeworffen ist, klaerlich dargethan, &c. M DCC XIV. 4to. Ex reliquis Christiani orbis regnis ac regionibus non occurrit, qui adhuc nobis hic sit commemorandus. In Polonia equidem CASIMIRUS LISZYNSKI, nobilis Lithuanus, anno MDC LXXXIX. ob Atheismum combustus est. Sed factam ei injuriam, nec Atheismi convictum fuisse, nonnulli contendunt. Legenda, quae de eo disserit LA CROZE, entretiens sur divers sujets d'histoire, &c. pag. 418. seqq. (74)*

- (74) *Parum emolumenti profueret ex ingenti Catalogo eorum, qui in Germania Atheismi fuerunt suspecti, cum inter eos, qui vera pietate sese commendarunt, reperiantur, qui ab erroribus sic satis crassiss non fuerunt immunes. Sic ipse Christ. Thomaeus, referente Reimanno Hist. Ath. pag. 509., Atheismi fuit accusatus; quia plurimi ipsius scripta non satis intellexerunt; cum tamen aliquando sese strenuum praestiterit Deitatis defensores. Conf. Stollus Hist. Lit. pag. 629. Occurrunt quidem nonnulla in Fund. Juris Nat. & Gent., praesertim Lib. I. Cap. I., quae paradoxa sunt, obscure proposita, & vocabulis expressa, quae a communi usu recedunt; imo admiscuntur quaedam falsa penitus; verum nihil reperitur, quod Atheismum sapit, aut quod animae immortalitatem reddit dubiam: hoc patescit illis, qui non subsistunt in lectione*

Lib. 1. Cap. 1., *sed pergunt ad* Lib. 2. Cap. 1. *Et cum eo conferunt* Instit. Jurisprud. Div. Lib. 1. C. 3. *Negat quidem* Thomasius Lib. 2. Instit. Jurisprud. Div. Cap. 2. §. 21. *Animam humanam actu immortalem esse, philosophice demonstrari posse; hoc vero dogma commune habet cum pluribus eorum, qui de illa immortalitate sunt persuasissimi, eam vero per argumenta ex sola ratione petita non apodictice demonstrari posse statuunt; de quibus infra* Cap. 7. §. 2. *aliquid nobis monendum. confectiam* Cap. 3. §. 3.

## §. XXXVIII.

Quemadmodum autem ex hactenus dictis abunde patet, Atheos dari, ita etiam simul intelligitur, subinde viros innocentes sine causa Atheismi fuisse accusatos. Atque horum ut longe major adhuc superest numerus, \* ita id saltem observandum, praestantissimis subinde Theologis contigisse, ut ab adversariis Atheismi rei agerentur, quippe quod ipsius B. MARTINI LUTHERI, \*\* PHILIPPI MELANCTONIS, \*\*\* DESIDERII ERASMI Roterodamensis, \* JO. CALVINI, \*\* aliorumque \*\*\* exemplum patet.

\* Catalogum illorum, qui perperam Atheismi accusati sunt, haud exiguum, ex veteribus pariter ac recentioribus, exhibet auctor *apologiae pro Jul. Caesare Vanino*, p. 26. 27. sed ita, ut veros Atheos illis, qui falso pro Atheismi suspectis habiti sunt, sine discrimine admisceat. Inter eos autem, quibus per injuriam Atheismus imputatus est, recte refert Erasmus, Melanctonem, Lutherum atque Calvinum.

\*\* Nullam tam nefandam haeresin esse, quam non Pontificii n. LUTHERO tribuunt, satis notum est. Cum Porphyrio, jurato Christianae religionis hoste, eum comparavit LEO X pontifex; magistri autem Parisienses cum Montano, forte quod deterior illis ex veteribus haereticis non succurreret. Id jam a me observatum, *dissertat. de Spinozismo ante Spinozam*, §. XXIII. Non itaque mirandum, fuisse & inter eosdem, qui omnino Atheismum Luthero objicerent. Totus in eo est ANTONIUS POSSEVINUS, Jesuita, ut *Atheismos*, quos vocat, varios colligat, & tum aliis, tum maxime Luthero exprobrat, *biblioth. select. lib. VIII. cap. I. seqq. pag. 384. seqq.* Sed, ut ex ungue leonem agnoscas, speciei-



speciminis causa vel primum Atheismum indicare juvabit. Nimirum; quia *Esa. IX. 6.* voces אל נכר non transtulit per *Deus fortis*, sed: *Kraft, Held*, ergo divinitatem Christi labefactat, ergo est Atheus. Ergo omnes, qui Scripturam sacram non ita interpretantur, prout POSSEVINUS eique similibus placet, Athei sunt. De re ipsa hoc saltem addo, rectius quidem ista verti: *Deus fortis*. Nec tamen inde sequitur, divinitatem Christi in dubium vocari ab eo, qui aliter vertit. Sed ipse Lutherus causam suam egit *tom. Jenens. fol. 173. & tom. VII. Jenens. german. de ultimis verbis Davidis, fol. 159.* Quodsi & reliqua, quae POSSEVINUS adfert, consideres, facile deprehendes, nihil aliud eum agere, quam ut animi malignitatem, cum summa iudicii imbecillitate conjunctam, prodat.

- \*\*\* Huic non minus, quam B. Luthero Atheismos exprobrat POSSEVINUS, sed more suo, hoc est, inepte, & per meram calumniam. Imputat, ut exempli causa unicui hocce commemoremus, Melancthonii haeresin Arianam, eum, quae cum personarum in una essentia divina aequalitate pugnant, docuisse, contendens, & hinc concludit, eum esse Atheum; duplici ita argumento stoliditatem suam demonstrans, *loc. cit. pag. 389.*

- \* THEOPHILUS RAYNAUDUS, cum Atheorum clanculariorum tres classes constituisset, ad primam, eorum scilicet, quibus religio ludus est, & sine rubore, sine scrupulo conscientiae, facetos agunt, vel potius scurras in rebus sanctissimis, cum primis Desiderium Erasmi Roterodamensem refert. Locum, inquit, sibi suum in hac classe scurrarum, de sapientissimorum hominum sententia, vindicat Desiderius Erasmus. Nam quamvis aliis praeterea nec tenuibus maculis sordiant ejus pleraque scripta, tamen eo nominatim ex capite reprehensionis proborum patuit, quod de rebus sanctissimis tam jocularia & ridicula chartis commisit, ut alter Lucianus audiret, mysteriis christianae fidei & dogmatibus Christianis impia dicacitate & facetiis eodem plane modo ac more exagitatis, quo Lucianus deos suos derisit; &c. Multa alia ejusdem generis addit, & omnem furorem in Erasmus effundit, *erotemat. de malis & bonis libris. partit. I. erot. IV. pag. 22. seqq.* Sed quatenam tantarum irarum erga Erasmus sint causae, neminem fugit. Superstitionis & ignorantiae regnum per Erasmus mirum in modum labefactatum, non possunt non aegre ferre, quorum ut istud consistat & latius propagetur, ac efflorescat, maxime interesse. Nos sane non omnia ab Erasmo aut dicta aut scripta probamus; habere eum suos naevos, jocos quoque ac facetiis interdum plus, quam decet, indulgisse, haud inviti fatemur; Atheorum autem cum ideo adscribendum esse ordini, concedere non possumus.

- \*\* Qui nil nisi Atheismos haereticorum crepat, eosque Luthero & Melanchtoni exprobrat, de Calvino mitius sentire non potuit, ANTONIUS POSSEVINUS, *biblioth. select. libr. VIII. cap. VI. pag. 389.* Parum scilicet diligens sibi videbatur, si vel minimam occasionem *in dissuasione & arguendo* ostendendi praetermisisset.
- \*\* Fuisse, qui B. PHIL. JAC. SPENERUM cum ipso Spinoza, Atheorum nostra aetate Principe, compararent, notum est. Legenda, quae hac de re observavi, in *dissertat. de Spinozismo ante Spinozam*, §. XXIII.





## CAP. II.

ATHEISMUS QUID ET  
QUOTUPLEX?

UBI ET  
PRAECIPUA ATHEISMI FUNDAMENTA  
EXHIBENTUR.

Σύνοψις.

- Atheismus quid? §. I.*  
*An & quousque differat*  
*a Naturalismo? §. II.*  
*ab Indifferentismo? §. III.*  
*a Scepticismo? §. IV.*  
*Enthusiasmus ut Atheismo*  
*maximè oppositus est, ita*  
*quandoque cum eo convenit,*  
*§. V.*  
*Atheismus vel practicus est,*  
*vel theoreticus; Practicus,*  
*in quo consistat, §. VI.*  
*Theoreticus vel rudior est, vel*  
*philosophicus; ille quibus*  
*tribui queat, §. VII.*  
*Theoreticus vel Scepticus est,*  
*vel dogmaticus; de illo*  
*quaedam monentur, §.*  
*VIII.*  
*Dogmaticus vel Aristotelicus*  
*est, vel Stoicus, vel Epi-*  
*cureus, vel Spinozisticus,*  
*§. IX.*  
*Fundamenta praecipua o-*  
*mnium Atheismi generum*  
*paucis indicantur, §. X.*  
 §. I.

## §. I.

**P**er Atheismum \* perversissimam animi dispositionem \*\* intelligimus, qua homo conscientiae dictamen, aut negligens, aut quodammodo opprimens, sibi, non dari Deum, persuadere annititur; \*\*\* aut talia adsumit adprobatque placita, ex quibus hoc non potest non per pronam consequentiam fluere. \*

- In propria itaque & genuina significatione vocem hanc accipimus, cui & origo ejus pariter ac usus respondent. Solet equidem subinde ad eos ambitus hujus vocis extendi, qui falsos & erroneos de Deo conceptus foveant. Idque, ne quid distitear, ab ipsis, quos vocant, quandoque fit Patribus. CLEMENS Alexandrinus, *lib. VII. Strom.* p. 504. recte quidem Atheum definit: ἄθεος μὲν ὁ καὶ νομίζων εἶναι θεόν, *Atheus quidem est, qui non putat, esse Deum.* At in protreptico pag. 11. in laxiori eandem vocem significatione accipit, ut eam Gentilium etiam sacris accommodet. Ex recentioribus praeter multos alios laxiorem hanc vocis significationem sequitur GISEBERTUS VOETIUS, *disputat. de Atheismo tom. I. disputation. select.* pag. 116. Atheorum adeo sine necessitate numerum multiplicans & inter Atheos referens, qui hoc nomine minime erant insigniendi. Non sine ratione hac de re conqueritur auctor apologiae pro Jul. Caesare Vanino pag. 23. Cum enim definitionem Atheismi, a VOETIO traditam, retulisset, addit; omnes species (Atheismi) quas subjungit, recensere supersedeo; ex laxiori significatione numerum Atheorum, quem saepius mirari soleo, subortum judicans. Non solum enim Ethnici, Judaei, Muhamedani, sed & omnes omnino errore satas haereses hoc nomine compellendae essent, quarum affectae tamen Deum, licet minus recta fide, & verum Deum colunt. Intentatur crimen Ethnicis, & hi eorumque principes Julianus, ille apostata philosophus, primis intentarunt Christianis. Qui Christi Salvatoris dulcissimum nomen colunt, Romanos de Atheismo postulant, at hi reliquos non minore numero. Illis ipsis haereticae pravitatis magistris haereticus est Atheus, & Atheus est haereticus. Sic Eunomium Hieronymus, Arrium Athanasius Atheos appellitant, qui unum Deum nunquam negarunt. Eodem modo verbi illius utendi libido totas gentes crimine atrocissimo notavit. In oriente Seres Sin quidem Cello, Origenis antagonista, non quidem, quod numen naturae auctorem ignorarent, sed quod statuas forsan, aras & templa non haberent. Neque vero nomen in religionis solum negotio regnat, sed & in rebus civilibus locum habet non postremum. Ab Hispaniarum partium Theologia Galii, Veneti,

*Veneri, omnesque alii, qui consiliis & conatibus eorum minus favent, Athei salutantur, & hi eodem nomine Hispanos insigniunt. Gallo-Franci, qui nutibus Romanae curiae se non manciant, Athei vocantur & Libertini; immo illi quicquid obstat, hoc crimine, quasi ~~salte~~ chalybea dissecant. Praestat itaque in strictiori, quae & propria est, hanc vocem lumere significatione. Qui enim hoc non faciunt, quae sunt distinctissima, inter se confundunt, & quadrata miscent rotundis. Maximam quoque Viris innocentibus subinde inferunt injuriam. Qui enim eos Atheos vocari audiunt, de laxiori vocis significatione, utpote minus usitata, non cogitantes, eos tales esse putant, qui ad extremum impietatis gradum venerunt, Numinisque negarunt existentiam. Eos etiam, qui quosvis dissidentes statim pro Atheis habent, non alia ad hoc induci causâ, manifestum est, quam ut iram omnem atque furorem in eos effundant. Cum enim Atheo homine nihil sit execrabilius, eodem loco omnes, quorum dissensum ferre nequeunt, haberi vellent, eodem etiam supplicio, quo subinde Athei adfecti sunt, si penes illos staret, adsciendos. Certe ANTONIO POSEVINO, de quo ad *cap. praeced. §. ult.* dictum, hominibusque ei similibus, non aliam causam fuisse, cur Lutherum, Melancthonem, aliosque, in Atheorum numerum referrent, nemo dubitaverit.*

\* Summa haec est intellectus corruptio, si quis ea, quae evidentissima sunt, aut non perspiciat, aut in dubium vocet. Concurrit autem vel maxime vitium voluntatis, intellectum ad ea neganda determinantis, quae non esse, ipsius maxime refert, aut ejusmodi homo unice in votis habet. Ex naturali mentis, qua omnes homines laborant, labe, corruptio haec originem ducit, sed variis deinceps causis augetur, donec ad summum fastidium perveniat, homoque adeo in maximam miseriam praeceps ruat.

\*\* Ita eos designamus, qui directe & citra ambages, reluctante licet & retinente conscientia, nullum esse Deum, sibi aliisque persuadere cupiunt, quos *Atheos primi ordinis* supra ad *cap. praeced. §. I.* diximus.

\* Atheos *secundi ordinis* innuo, qui, licet directe, Deum esse, non negent, ejusmodi tamen hypotheses fovant, ex quibus necessario hoc sequitur. Pertinent huc plerique eorum, quos capite praecedenti enumeravimus. (75)

(75) Nemo, quantum memini, melius & accuratius egit de vera significatione & vario usu vocabuli Atheus, quam Reimannus *Hist. Ath. Sect. I. Cap. I. §. 7.* seqq., ubi etiam diversas Atheismi species, causas, effectus, proprietates & fines recenset. Non autem a nobis in rebus ad

Q

Reli.

*Religionem spectantibus dissentientes statim inter Atheos secundi ordinis sunt referendi; adeoque Catalogus Atheorum, quem dedit Cl. Auctor Cap. I., & qui hac ratione longe amplior reddi potuisset, valde est contrahendus. Qui hypotheses fovet a nostris dogmatibus desectentes, licet absurdae, & cum divinis perfectionibus non satis convenientes consequentiae exinde deriventur, perverse admodum secundo huic ordini adscribentur. Quis quaeſo inter Reformatos Theologos Remonstrantes illos appellaret secundi ordinis Atheos, qui absolutam Dei praescientiam negant; licet sic, Numinis intellectum ab omni aeternitate omnifium fuisse, videantur negare? Quis inter Remonstrantes, nisi adfectum impetu abripiatur, Reformatae, vel Calvinī doctrinae additum secundi ordinis Atheum praedicaret, quia aeternum & absolutum Dei decretum, ad liberas hominum actiones sese secundum verissimam Reformatorem doctrinam exporrigens, conciliari non posse sibi persuadet, cum iustitia Ejus vindicativa istiusque exercitio?*

### S. I I.

Naturalismus, si idem sit, ac Pantheismus, cum Atheismo convenit, aut saltem species Atheismi est. \* Sin illorum hac voce denotetur sententia, qui per solam rationem, seposita revelatione, homines aeternam salutem consequi posse, contendunt, ab Atheismo equidem differt, facile tamen in eum degenerat, aut ad eum ducit. \*\*

\* Vocem *Naturalismus* diversimode accipi, constat. Interdum enim idem est, ac Pelagianismus, quem *subtilem Naturalismum* dixeris. (77) Interdum vero illorum sententiam denotat, qui per solius rationis seita, seposita revelatione, viam ad aeternam salutem patere contendunt; eamque adeo & Ethnicis, si rationis rectae ductum secuti sint, adjudicare nulli dubitant. Quem quidem *crassorem Naturalismum* vocare liceat. *Crassissimus* vero illorum est, qui non alium, quam naturam, seu hocce universum, Deum agnoscunt; qui & *Pantheismi*, & a praecipuo impii erroris restauratore, *Spinozismi* nomine venire solet. Observata haec jam sunt in *institutionib. theol. moralis, part. I. cap. I. sect. II. ad XXX.* Subtilis Naturalismus hic in censum non venit. Crassissimum vero illum, seu Pantheismum, ab Atheismo non differre, res ipsa docet. Legenda, quae de *Naturalismo Atheistico* disserit ADAMUS TRIBBECHOVIUS in *historia naturalismi cap. XI. p. 51.* Non tamen omnis Atheismus est Naturalismus, seu Pantheismus. Dari enim diversas Atheismi species, ex dicendis patebit.

- (77) *Pelagianismus dicitur, qui vires hominum naturales nimium extollit, ita ut ad quaevis bona Deoque grata opera sufficerent; unde necessario sequitur, ut reconciliatio cum Deo per expiationem infiniti valoris superflua sit, & non necessaria, ac homo nulla Numinis gratia indigeat. Vid. Cl. Auctor Theol. Dogm. L. 3. C. 2. Si haec vera forent, superflua quoque esset Revelatio, quae salutis viam, rationis viribus non patentem, indicat.*

\* Non enim statim, Deum esse, negat, qui solam rationem ad salutem consequendam sufficere, asserit. Hoc tamen, qui inter Christianos afferunt, infensum erga religionem Christianam animum produunt. Hinc vero proximus ad Atheismum gradus, quod exempla Spinozae, Thomae Hobbesii, aliorumque ostendunt. Ad hancce Naturalistarum classem, praeter Hobbesium & Eduardum Herbertum, ADAMUS TRIEMPECHOVIUS etiam refert Franciscum Puccium, atque Thomam Campanellam, in *historia naturalismi*, cap. X. pag. 47. seqq. (78)

- (78) *Qui inter Christianos sunt nati atque educati, qui Revelationis placita contulerunt cum absurda aut mutila veterum Gentilium, tantum rationis lumine gaudendum, de Deo rebusque divinis doctrinā, qui proinde experti fuerunt, quanta Religio Naturalis acceperit per Revelationem incrementa, non possunt infernum erga Christianam Religionem animum in pectore gerere, nisi, adsequendo impetu abrepti, ac voluptatibus seducti, futuram post funera vitam pertimescant, quae plenius evidentiūque in S. S. docetur, quam per rationis sibi relictae placita demonstratur, nisi, dissolutioris vitae amantes, rigidiora Ethices Christianae praescripta eludere, seque legibus revelatis, naturales egregie confirmantibus, ac nova incitamenta adjicientibus, subducere, ridendo conamine, studeant. An vero Eduardus Herbertus illorum numero fit adscribendus, qui per Naturalismum ad Atheismum fuerunt prolapsi, judicari poterit ex iis, quae notavi ad Cap. I. §. XXVII. n. 69.*

§. III.

Indifferentismus religionum si universalis sit, ita, ut quis omnes religiones uno eodemque loco habeat, hoc est, omnes aequè contemnat, rejiciatque, ab Atheismo itidem non differt. Fieri enim prorsus nequit, ut Deum aliquis esse credat, simulque omnem ejus cultum rejiciat. Sin vero naturalem quis saltem religionem admittat, cum Naturalismo, de quo

Q 2

antea

antea dictum, conveniet. Particularem Indifferentismum qui statuunt, etsi & ipsi graviter errent, Atheismi tamen argui nequeunt. \* (79)

\* Lucem hic dabunt, quae de religionum Indifferentismo, variisque ejus speciebus, & gradibus, dixi, in *institutionib. theolog. moral. part. I. cap. I. sect. II. ad §. XXIIX.* Hoc saltem addo, impotentis animi indifferentismum praebere, qui viros in controversiis domesticis, iis praecipue, quae non magni momenti sunt, moderata consilia sequentes, statim Indifferentismi religionum, & quem hinc fluere putant, Atheismi, arguunt.

(79) Non omnes, qui Indifferentismum religionum admittunt, aequè graviter errant. Indifferentistae appellari nequeunt, qui omnes Religiones aequè contemnunt: sic enim in ipsum Atheismum, saltem in Deismum, (qui non, nisi nomine, ab Atheismo differt, si ad fundamenta atque originem utriusque respiciamus) abiret. Si sola Religio Naturalis admittatur, & omnes reliquae, quae revelationem qualemcunque supponunt, rejiciuntur, potius Naturalismus obtinet; idque agnoscit ipse Cl. Auctor loc. cit. Verum Indifferentismus, quem particularem appellat Cl. Buddeus, hisce temporibus est frequentissimus; dantur, qui Christianae fidei articulos nimium contrahunt, quique proinde Syncretistae dici merentur, quorum in numero haberi potest Auctor Anonymus libelli lettres sur la Religion essentielle a l'Homme, contra quam varii calamus strinxerunt, praefertim Ven. de Roches, Défense du Christianisme, ou preservatif contre un ouvrage intitulé Lettres sur la Religion essentielle a l'homme, & Boullier (qui tamen latere voluit) Lettres sur les vrais Principes de la Religion; Dantur alii, qui, Scepticorum in castris militantes, veritatem absconditam esse censent, etiam postquam Revelationis lumen fuit concessum, ut in ea inveniendâ frustra ponatur labor; quos inter Cl. Buddeus sine injuria retulit Baylium in Commentario Philosophico super verbis Christi compelle eos intrare, quem rectè refutavit Cl. Piccet contre l'Indifférence des Religions Chap. XI. Dantur denique, qui illam Religionem, si non fovendam, saltem profitendam esse statuunt, quae a summis Imperantibus praescribitur, licet de ejus veritate non simus persuasi; qualis Indifferentismus in Hypocrisin abit, & cum sincera Dei veneratione consistere non potest: de hisce conferenda est sequens §. IV.; & Cl. Piccet l. c. Ch. XXI. XXV.



## §. I V.

Idem & de Scepticismo dicendum. Hic enim, si universalis sit, numinis etiam existentiam in dubium vocat. Perinde vero tandem est, siue Deum esse neges, siue an existat, dubites, nisi forte in eo discrimen constituatur, quod alterum malignitatem majorem, alterum majorem stultitiam indicet. \* De particulari autem Scepticismo, et si & is vitio non careat, aliter existimandum.

\* Varias esse Scepticismi species, gradusque diversos, ex instituto a me expositum, in *dissertat. de scepticismo morali*, quae extat inter *analekta histor. philos.* §. III. *seqq.* Universalem Scepticismum ab Atheismo non differre, non temere quis negaverit. Negare hoc equidem videtur FRANCISCUS MOTHAEUS VAYERIUS, sed ita, ut revera Scepticos Atheos fuisse concedat. Non enim ex instituto eos Atheismum professos dicit, ut perperam nonnulli crediderint. Patere namque ex SEXTO EMPIRICO, eos, sicut reliquos philosophos, existentiam Numinis admisisse, cultumque consuetum ei exhibuisse, nec negasse providentiam. Praeterquam vero, quod nunquam determinare causam primam admiserint, & hinc ad Idololatriam sui temporis rejiciendam inducti sint, nihil eos de natura Dei, nisi cum suspensione judicii asseruisse, nec quicquam nisi cum dubitatione fuisse professos, idque saltem, UT LEGIBUS MORIBUSQUE SUI SEculi ET REGIONIS IN qua VIVERANT, SE ATTEMPEARENT; hinc & cum aliis Ethnicorum philosophis aeternam salutem non deneger, Pyrrhonios tamen ab ea plane exclusos esse contendit; *de la vertu des Pajens*, pag. 226. Et sane conveniunt haec cum iis, quae de Scepticis ipse refert SEXTUS EMPIRICUS: *τίνα δ' ἀσφαλίειν ὁ ἀπὸ τῶν ἰσχυρῶν φιλοσοφῶντες ἀρῆνται ὁ Σκιωπῆς, καὶ ῥᾶ τὰ πάρεα ἴη, καὶ τὰς νόμους, ἀγωνεῖν οἷός τινος; καὶ πᾶσι τοῖς ἐν τούτοις ἡρακλῆως, καὶ Διόφαντος συνταίους ποιεῖν. Τὸ δ' ὅστις ἐπὶ τῇ φιλοσοφίᾳ ζῆταια μὲν ἀποπεινέμενος;* Fortasse etiam cautior & tutior invenitur Scepticus, quam ii, qui aliter philosophantur, dicens, esse Deos ex moribus ac legibus patriis, & faciens, quicquid ad eorum cultum & venerationem pertinet; quod autem attinet ad philosophicam eorum inquisitionem, nihil temere definit, libr. VIII. cap. de Diis. Quae sexti verba cum & PETRUS DE VILLEMANDY retulisset, recte subjicit: *Egregia scilicet pietas! quae ideo tantum Deum agnoscit & veneratur, quia sic a societate sancitum, colitque, ne concivium incurrat horrorem: de caetero an sit, an vero non sit, humana regat, an vero minime, prorsus incertum, neque ullatenus inquirendum, opinatur.* Haec scilicet, si quando ad flagitium aliquod,

*vel utilitatis vel voluptatis illiciis inclinabit, ab ejus perpetracione Numinis hujus praesentia ac metu deterrebitur! Quam facilis ab ea indifferentia eoque supremi Numinis contemtu ad Atheismum prolapsus! in scepticismo debellato cap. IV. pag. 26. 27. Immo non tantum prolapsus inde facilis ad Atheismum, sed, si dicendum, quod res est, ipse jam Atheismus est. Qui enim dubitat, an Deus sit, non magis eum admittit, quam qui dilerte eum esse negat; nec magis eum eum colet, aut colere poterit. (80) FRANCISCUS equidem MOTHAEUS VAYERIUS, quem modo laudavimus, ex Pyrrhonismo hoc demum redundare in homines commodum existimat, quod rationis, quae ex dubiis, quae sibi format, infinitis, eluctari nequeat, imbecillitatem, suamque adeo miseriam intelligentes, eo facilius ad religionis Christianae, quae his defectibus medeatur, decreta admittenda, adduci queant, loc. cit. pag. 229. Quam ejus sententiam etiam calculo suo adprobat PETRUS BAEIUS, dictionar. histor. critic. voc. Pyrrhon. pag. 2482. Haec vero ad caliginem saltem aliorum oculis offundendam, atque fallendos incautos dici, nemo temere dubitaverit. Alia sane suppetit ratio, humanae mentis imbecillitatem, ignorantiamque in rebus Divinis cognoscendi, ut ideo ad extremum huncce stultitiae gradum, qui in Scepticismo conspicitur, descendere, necesse non sit. Quem autem semel hicce morbus revera occupavit, illum ad Christianae religionis admittenda placita reliquis omnibus longe ineptiorem esse, judico. Quid enim agas cum homine, qui de principiis omnibus, quibus veritas Christianae religionis innititur, & ex quibus demonstrari potest, dubitat? PETRUM vero BAEIUM ex animi sententia hoc dixisse (per Scepticismum viam ad religionem Christianam parari) eo minus est credibile, quod ipsemet in praecedentibus lit. B. pag. 2430. omnes ingenii vires intendat, ut probet, ipsa Christianae religionis scita arma suppeditare, quibus Scepticismus plane invincibilis evadat; quamvis haec ita comparata sint, ut, vincibilem Scepticismum esse, facile demonstrari queat. (81)*

- (80) *Licet Scepticus tantum de existentia Dei dubitaret (quae dubitatio tamen omnem certitudinem moralem removel & suffocat) licet, permotus argumento, desumto ab eo, quod tutum est (de quo Cap. IV. §. 4.), vitae suae rationem pie, temperanter & juste componere videretur, at tamen, si absit vera de existentia Numinis persuasio, omnes actus, qui religiosi apparent, hypocrisin redolent, cum amare, venerari, imitari non possit Deum, qui fortassis in rerum natura non datur, quem tamen, ambiguus errans passibus, perpetuo malevoli instar servi metuit, quem cultus vano simulacro prosequitur, ut Ipsius, si forte existat, effugiat iram atque vindictam.*

- (81) *Notat quidem Bailius l. c. lit. B, merito detestari Theologos Scepticismum, (qui tamen, ex ejus opinione, neque scientiae rerum naturalium, neque politicis negotiis est danosus); agnoscit quidem, Religionem certitudine debere niti, cum labantur ejus fines, effectus, & usus, simulac plena persuasio de ejus veritatibus ex animo est deleta: verum adjicit, eundem parum esse metuendum, quia gratia divina (& ubi hoc vocabulum apud Bailium occurrit, timeo Danaos &c.) in fidelibus, vis educationis in aliis hominibus, & si velis, ipsa ignorantia, & ad deidendum proclivitas sunt impenetrabilis Scepticorum ictibus clypeus &c. quae verba minime videntur ex animo serio & veritatis amante profecta, praesertim si attendamus ad ea, quae proponit Lit. C, ubi, postquam non improbaverat ea, quae ex la Mothe le Vayer protulerat, de Pyrrhonismo, vel, quod eodem recidit, de sententia eorum, qui rationem malefidam ducem declarant, dicit; c'est un grand pas vers la Religion Chretienne, car elle veut, que nous attendions de Dieu la Connoissance de ce, que nous devons croire, & de ce que nous devons faire: elle veut, que nous captivions notre entendement a l'obeissance de la Foi. Sic abutitur periculosissimus Scriptor sanæ & salutari doctrina Theologorum, ac si non simul in Révelatione inculcaretur, Religionem omnem debere esse rationalem, quae rigidum sanæ rationis examen sustinere potest. Ceterum Sceptici iisdem utuntur exceptiunculis contra existentiam Dei, ejusque cultum, quibus Athei; in eo tantum differunt, quod hi litem diremptam judicent, Sceptici vero, adfectata modestiâ, Atheorum argumenta non superandas difficultates involvere, declarantes, sub judice litem esse, perhibeant.*

## §. V.

Enthusiasmus etsi toto coelo ab Atheismo differat, immo pugnare cum eo prorsus videatur, \* fieri tamen potest, ut in Atheismum tandem abeat, si per ἀποθέωσιν quandam cuncta in essentiam divinam reducantur. \*\* Sive enim res omnes creatas in Deum mutes, quod Enthusiasmus hoc modo spectatus facit, sive Deum in res creatas, seu materiam, quod Spinozismo est proprium, res eodem tandem recidit.

\* Quid & quotuplex Enthusiasmus sit, copiose a me est expositum, in *Institutionib. theol. morâlis part. I. cap. I. sect. V. §. XVII. seqq.*

\*\* Hoc

“ Hoc itidem a me jam observatum, in *dissertat. de Spinozismo ante Spinozam*, §. XII. pag. 329. Est tamen hic caute incedendum, ne temere alicui opinionem tribuamus, quae illi in mentem non venit. Et primo quidem ipsius Enthusiasmi, aut dogmatum eo tendentium, nisi certo hoc nobis constet, quemquam accusare, nefas erit. Deinde, si vel maxime jure aliquis Enthusiasmi accusetur, non omnes tamen eodem habere loco deest. Sunt enim diversae species Enthusiasmi, gradusque diversi. (82) Solent haud raro Mystici ac Theosophici, quos vocant, Scriptores, Enthusiasmi accusari, immo ejus Enthusiasmi, qui in Pantheismum, quem alias Spinozismum vocant, tandem abit. Nec negaverim, quosdam ita locutos, ut hujus impietatis rei censeri queant. De omnibus profecto id minime asseveravim. Occasionem accusationi dedit dogma de *ἰσοπέδιο*, seu *ἰσότητι*, ex Platonica atque Pythagorica disciplina ortum. Equidem, an Pythagoras atque Plato, quando docuerunt, finem philosophiae esse, *ἰσοποίησιν τῷ θεῷ*, Deo assimilari, hoc ita intellexerint, quod homo tandem Deus fieri, seu in essentiam Divinam mutari debeat, nondum positum est extra omnem controversiam. Sunt enim Viri doctissimi, qui, istas philosophorum locutiones *φωκυτίμω*, accipiendas negantes, de assimilatione quadam, qua virtutes, eas intelligendas, contendunt. Certe mitiorem hanc interpretationem, sensumque moralem locum invenire, quoties veteris Ecclesiae Patres, JO. CHRYSOSTOMUS, GREGORIUS Nazianzenus, CYRILLUS, THEODORETUS, aliique, ejusmodi formulis uti sunt, nemo temere dubitaverit. Usos autem esse, praeter alios ostendit celeberrimus Academiae Lipsiensis Theologus, AD. RECHENBERGIUS, in *dissertat. de origine theologiae mysticae* §. XX. Licet vero quidam inter Mysticos, hisce formulis abusi sint, & talia docuerint, quae ad physicam quandam *ἰσότητα* collimant, ideo tamen omnibus promiscue ac sine discrimine, impius ille error tribui nequit. Sunt inter eos, qui Enthusiasmi nomine male audiunt, nonnulli, qui & ideo inter Atheos referantur, quod emanationem quandam rerum omnium ex Deo statuunt, quos inter philosophus ille Teutonicus, JACOB NOEHMIUS, haud ultimum locum tenet. At alii eos a Spinozismi suspicione liberant, etsi ipsam illorum sententiam non adprobent, si emanatio talis intelligatur, in qua id, quod emanat, revera distinguitur a principio, unde emanat. (83) Et huic quoque sententiae ipse quondam calculum meum adjeci in *dissert. de Spinozismo ante Spinozam*, §. XXI. Quod non ita accipiendum, ac si ejusmodi hominum ullo modo defendere sententiam, aut ab errore liberare velim. Hanc enim mentem meam non fuisse, quivis, qui paulo attentius, quae ibi scripsi, legerit, facile judicabit. Quodsi quis ostenderit, Boehmii eam sententiam fuisse, qua discrimen inter creatorem & creaturam tollitur, cum jure meritoque Spinozismi argui, lubens concesserim. Multo vero minus ipsam doctrinam de emanatione meam facio, a qua me alienissimum esse,

esse, jam tum, cum ista scriberem, professus sum, *loc. cit. pag. 344.* Enim vero, etsi emanatio ista explicari utcunque queat, ut discrimen inter Creatorem & creaturam saluum maneat, & a Viris doctis ita etiam explicetur, ut supra ad *capitis praecedentis §. VI.* observavimus, ita tamen comparata est haec locutio, ut non tantum Scripturae suffragio destituatur, sed facile aliquem ad Spinozismum ducere queat; nec modum creationis, qui captum humanae mentis superat, explicat, sed involvit potius, meritoque adeo, utpote maximo cum periculo conjuncta, rejicitur. Nec praetermittendum, quod eidem JACOBO BOEHMIO, aliisque, qui itidem aut pro Enthusiastis, aut Fanaticis habentur, saepius & quidem non immerito exprobratum fuit, eos Deum in se, absque creaturis, aut sine ~~re~~ ad res creatas spectatum, NIHIL vocasse; quod profecto neutiquam ferendum. Etiam si enim vel maxime discrimen inter *nilil* & *non ens*, quod nonnulli urgent, admitteretur, simulque concederetur, auctores, qui ita locuti sunt, Deum saltem intuitu nostrae cognitionis *nilil* vocasse, quia Deus absque rebus creatis spectatus, a nobis concipi nequeat; falsum tamen est, Deum nullo modo in se, absque rebus creatis, spectatum, cognosci aut quodammodo concipi non posse. Perfecte & adaequate Deum concipi non posse, lubentes concedimus; sed id ita se habere, rursus dissentientibus concedendum est, sive absque rebus creatis, sive cum iis spectetur. Non vero video, quid obster, quo minus quis ideam entis perfectissimi animo utcunque concipere queat, etsi rerum ab eo productarum nullam habeat rationem. (84) Praeterea cum non omnes ea ingenii subtilitate praedici sint, ut discrimen inter *nilil* & *non ens* capiant, fieri aliter nequit, quam ut plurimi talia audientes in eam inducantur sententiam, ante rerum adspectabilem productionem nullum fuisse Deum.

- (82) Enthusiasmus proprie obtinet in iis, qui extraordinarias Dei revelationes & inspirationes jactant, sive qui, vehementiori imaginationis impetu abrepti, motus quosdam, & perceptiones vel repraesentationes, etsi mere naturales, pro supranaturalibus atque divinis habent, eosque, utut a rectae rationis placitis, ac a Revelationis regulis aberrantes, seu vitae doctrinaeque normam, sequuntur. Haec autem descriptio, quae conspirat cum illa, quam dedit Cl. Auctor l. c., nihil involvit, quod inter ridiculum huncce mentis morbum, ex mala dispositione corporis propullulantem, atque inter Atheismum vel minimam cognationem monstrat. Neque sic definitus Enthusiasmus ex eodem fonte cum Spinozismo potest promanare, uti adfirmat Auctor in *Analect. Hist. Philos. pag. 329*, ac si Enthusiasmus res omnes creatas in Deum mutaret, Spinozismus Deum in res creatas, aut materiam. Possunt melancholici, hypochondriaci similesque, praesertim si ad superstitionem inclinent, bona fide sibi persuadere, se extraordinariis gaudere inspirationibus & revelationibus,

a Deo, quem suo modo venerantur, & nequaquam cum rebus creatis confundunt, proficiscentibus.

- (83) Systema emanativum, quod aliquando ita proponitur, ut inter illud atque inter Spinosismum magna intercedat cognatio; nullum habet nexum cum Enthusiasmo; neque procedit argumentatio: in quorundam Mystlicorum scriptis vestigia reperiuntur Systematis emanativi, ergo Theologia mystica ducit ad Spinosismum, tum quia non omne systema emanativum in Spinosismum abit, quando, scilicet, sollicitè distinguitur inter Creatorem & inter creaturam; tum quia in eodem scripto duo occurrere possunt errores, licet hi nihil inter se habeant commune, licet alter ex altero non nascatur.

Si vero Enthusiasmus in eo reponatur, quod cum Fanaticis, vel Mysticis, (inter quos numerati fuerunt Antonetta de Bourignon, & postquam ab hac seductus fuit, Petrus Poirer) statuatur, Lumen aliquod internum ad salutem requiri, ad illam vero inutilia esse omnia externa media, Verbum divinum & Sacramenta, potius in Indifferentismum, quam in Atheismum, vel Spinosismum degenerare potest, quod recte notavit Stapfer Theol. Polcm. Tom. IV. pag. 349. seqq. vid: Jäger in Examine Theologiae novae Art. 3, 23, 30, & passim.

- (84) Hocce assertum vix admittere poterunt nonnulli sultem ex Leibnitii assentis, qui, nisi axiomate antiquissimo nihil sit absque ratione sufficiente, cum Canzio in Theolog. Nat. §. 139. statuunt, Deum creationem omittere non potuisse absque libertatis suae abusu. Melius quippe fuit, divinisque perfectionibus convenientius aliquid extra se producere, quam non producere; atqui Deus semper facit & morali necessitate facere debet id, quod suis perfectionibus est convenientissimum; ideoque, licet in abstracto Deus concipi possit tanquam Ens necessarium, aeternum, vi suae naturae existens & liberum; attamen divina libertas sapientiam non habuisset comitem, secundum hanc doctrinam, si Deus mansisset solus; atque in fruitione suarum perfectionum beatissimus: verum de hisce aliquid in sequentibus adjiciendi redibit forte occasio.

## §. V I.

Atheismus proprie sic dictus vel *theoreticus* est, vel *practicus*. Si enim vita quis moribusque testetur, nullum se credere Deum, qui peccata puniturus sit, eum *practicum Atheum* vocare, moris est. \* Sin vero dictis scriptisque idem testetur,

tur, cum in vita honestatem quandam, virtutisque prae se ferat speciem, *theoreticus* vocari solet.

\* Non omnes, qui, cupiditatibus suis indulgentes, vitiis immerguntur, aut flagitia quaevis perpetrant, statim pro *Atheis practicis* habendi. Constat enim, diversa ratione induci homines, ut cupiditatibus suis pravis frena laxent. Multi de Deo ejusque providentia & iustitia plane sunt persuasi, & nihilominus in omne se dant vitiorum genus, eo quod credant, se facile per meritum Christi remissionem peccatorum impetraturos, aut quod peccata sua, quantumvis atrocia, inter humanas imbecillitates referant, aut quod poenitentiam ab uno tempore in aliud differant, aut quae aliae esse causae possunt, quibus inducti impunitatem prave actorum sibi pollicentur. Immo homines superstitioni ad furorem usque deditos, flagitiosissimos fuisse, experientia docet, & Viris eruditis non semel observatum. Hos tamen nemo Atheos dixerit. Quare si quis pro Atheo practico habendus, ex certis signis nobis constare debet, flagitia ejus sceleraque non ex alio promanare fonte, quam quod nullum esse credat Deum. (85) Hinc & re ipsa Atheismus practicus a theoretico non differt; sed unus idemque Atheismus, pro ut aut ex vita, aut ex dictis scriptisque cognoscitur, mox *practicus*, mox *theoreticus* dicitur. Causa diversitatis inde repetenda, quod nonnulli ex Atheis proniores sint ad voluptatem, adeoque ad externam honestatis speciem adsumendam parum apti: alii autem ad ambitionem, qui virtutis quadam imagine alios fallunt, Atheismum autem minus dissimulant, ut allis sapientiores acutioresque videantur. Unde & sequitur, etsi maxima hominum flagitiis deditorum sit multitudo, non tamen inde probari posse, tantam esse multitudinem Atheorum practicorum, quemadmodum est numerus, quam vulgo putant. Quod contra ipsos Atheos observandum, ex multitudine hominum, quibus eandem sententiam tribuunt, praesidium aliquod causae suae desperatae quaerentium.

- (85) *Atque plerumque dantur, quorum vita flagitiorum & scelerum est catena atque series, qui vel ex defectu laudabilis educationis indeque profuente stupidissima ignorantia, vel ex supina negligentia, nunquam eo deveniunt, ut de sua a Deo dependentia, deque sanctitate, iustitia aliisque perfectionibus supremi Legislatoris & Judicis serio cogitaverint; an igitur hi, secundum doctrinam Auctoris, ex Practicorum Atheorum catalogo erunt eximendi? nequaquam certe, quippe de hisce quoque dicere non licet, quod Dei existentiam credant, veritatum omnium principem ignorantes.*

## §. VII.

Theoreticus Atheismus vel *rudior* est, seu plebejus, vel *philosophicus*. Rudior illorum est, qui coeco animi impetu pravisque adfectibus abrepti, nullum esse Deum, sibi persuadent, aut persuadere cupiunt, etsi effectuum, quos quotidie in rerum natura conspiciunt, quive Deum esse clamitant, nullam reddere rationem queant, nec de eo sint solliciti. \*

\* Inter homines plebejos, aulicos etiam, qui litterarum rudes sunt, militesque & id genus alios, tales dari, nemo negaverit. Hi vero, si dicendum, quod res est, a brutis non differunt. Etsi haud raro horum Atheismus, practicus potius, quam theoreticus. Quamvis interdum uterque conjunctus esse soleat.

## §. VIII.

Atheismus philosophicus vel *scepticus* est, vel *dogmaticus*. Scepticus illorum est, qui, nullius rei certam se habere cognitionem posse, putantes, de ipsa Numinis existentia dubitant. \* Dogmaticus vero illorum, qui, cum Deum esse negent, ejusmodi philosophiae systema adsumunt, per quod, effectuum naturalium se reddere rationem posse, putant, ut nullum tamen Creatorem, seu Deum, admittere cogantur.

\* Conferenda, quae antea ad §. IV. hujus capituli; item ad capituli praecedentis §. XIV. dicta sunt.

## §. IX.

Dogmaticus pro diversitate systematis, per quod quisque naturae phaenomena secluso Deo, explicare annitur, \* iterum varius est. Alius namque erit *Aristotelicus*, \*\* alius *Stoicus*, \*\*\* alius *Epicuraeus*, \* alius denique *Spinozianus*,



*nus*, \*\* quemadmodum a praecipuo restauratore eum dicere hodie moris est. Ad quatuor enim haecce genera cuncta Atheorum systemata revocari possunt: quae autem non possunt, digna non sunt, ut eorum habeatur ratio. \*\*\*

- Non ita hoc est capiendum, ac si omnia haec systemata uno eodemque habenda sint loco, aut ac si nullum illorum ulla ratione adhiberi queat, ut non simul Atheismus admittatur. Secus enim se rem habere, nemo harum intelligens inficiatus fuerit. Id equidem, quod Eleaticum vocari potest, & quod a Spinoza renovatum est, per se ad Atheismum ducit, nulloque modo ab eo liberari potest, ut ex dicendis patebit. Idem & de Stoico dicendum. Nec aliter sentiendum de Epicuræo, si ex mente Epicuri accipiatur, ut, praeter atomos seu corpuscula, nulla substantia incorporea seu immaterialis admittatur. Haec vero si admittatur, corpuscularis philosophia non tantum libera erit ab Atheismo, sed ut omnium commodissime ad explicanda naturae phaenomena adhibetur, ita & validissima contra ipsos Atheos arma suppeditat; ut subinde a Viris doctis, corpuscularis philosophiae sectatoribus, est demonstratum. (86) Legenda, quae in compendio hac de re dixit JENKINS THOMAS, in *hist. philos. de Atheismo cap. II. §. VIII. pag. 44. seqq.* Pari ratione & de Aristotelico, quod vocamus, censendum. Hoc enim si ex ipsius Aristotelis mente capiatur, impietatis non erit expers. Interim si hoc nomine denotetur ratio explicandi naturae phaenomena, per formas substantiales, atque qualitates, nullum est dubium, quin ita institui queat, ut rerum omnium Creator, sive Deus, in eo locum inveniat. Quaecunque autem aliquis sequatur de rebus naturalibus philosophandi rationem, ea mihi optima videtur, quae demonstrat, quodcumque assumatur principium, sufficientem tamen phaenomenorum naturalium rationem reddi non posse, nisi Deus, sapientissime & ex liberrima voluntate hoc ita constituens, statuatur (87); cujus methodi prorsus egregiae specimen luculentissimum, secundum hypothefes IS. NEWTONI, summi philosophi, dedit GEORGIUS CHEYNE, in *principiis philosophicis religionis naturalis*; quarum summam exhibet JOANNES CLERICUS, *bibl. anc. & mod. tom. III. part. I. art. II. pag. 41. seqq.*

- (86) Non video, quomodo corpuscularis Philosophia commodissime adhibeatur ad explicanda naturae phaenomena, & qua ratione validissima suppeditat arma contra Atheos, quamdiu aliquid remanet ex systemate Democriti & Epicuri. Si vel, praeter atomos, seu corpuscula, admittatur substantia incorporea, imo substantia aeterna, libera, sapientissima, ita ut Atheismus penitus exulet, dudum tamen constitit inter

*Philosophos, Physicam Mechanicam, per materiam seu atomorum congeriem, secundum leges mechanicas agitatam, intercedente supremi Opificis manu, rem conficere non posse, non magis quam corporis animalis functiones explicantur secundum solas leges mechanico-hydraulicas. Atiamen recte corpuscularem Philosophiam defendit contra Atheismi accusationem sagacissimus Cudworth Syst. Intell. pag. 37. seqq. conf. pag. 57. seqq. licet veterum opiniones non ubique adsecutus videatur. Conf. Mosheimius in notis.*

- (87) *Corpuscularis tamen Philosophia diversa fuit ab illa, quam Newtonus & Cheyne alique in Anglia excoluerunt: id equidem certissimum est, optimam esse Philosophandi rationem, quae demonstrat, sufficientem phaenomenorum naturalium rationem reddi non posse, nisi Deus sapientissime & ex liberrima voluntate hoc ita constituens statuatur; in eo omnes conveniunt Philosophi, nisi in castris Atheorum militent, & sic Philosophi nomen non mereantur. Verum non satis attendit Cl. Buddeus, quod Philosophiae Newtonianae arx non unice consistat in doctrina corpusculari; accedunt gravitas universalis, & vis attractrix, quae forte pendent a causa aliqua externa, sed quae nihil habet commune cum ordinariis ac in omnium oculos incurrentibus motus legibus, quas solas corpuscularis Philosophiae Cultores invocant. Ipse Cl. Auctor in Philos. Theoret. Part. V. Cap. 3. seqq. satis manifestum reddidit, se in Corpusculari illa Physica acquiescere non posse.*

- \*\* Aristotelicus Atheismus illis tribuitur, qui per formas & qualitates, naturae phaenomena explicare annituntur. Nimirum materiam aeternam & infinitam esse statuunt, & in se spectatam generationi ac corruptioni minime obnoxiam, generationem vero & corruptionem omnem de formis tantum ac qualitatibus esse intelligendam. Istas autem formas & qualitates entia realia esse putant, realiter a magnitudine, figura, situ, motu, quiete, aliisque, quae materiae primario competunt, diversa; ad quam quidem formarum ac qualitatum classem, quae mox generentur, mox corrumpantur, etiam vitam in animalibus, sensum, atque rationem referunt. Quodsi a corpuscularis philosophiae sectatoribus illis objiciatur, entitates reales a magnitudine, figura & motu diversas, corrumpi & generari non posse, cum inde secuturum esset, ex nihilo posse fieri aliquid, & vice versa ens reale posse mutari in nihil, quod recepto illis principio, ex nihilo nihil fiet, repugnet, respondent, hocce principium tantum de ipsa substantia materiae intelligendum esse, non autem de formis & qualitatibus, quae sint materiae accidentia. Antiquissimos philosophorum in ea fuisse sententia, inde manifestum est, quod ipse ARISTOTELES ejus non tantum meminit, sed contra eam disputat, lib. 1. metaphys. cap. III. & lib. II. cap. 1. Sunt, qui

qui eam Ionicis tribuunt. Et sane vix video, qua ratione illi ex schola Ionica, qui solam materiam admiserunt, aliter naturae phaenomena explicare potuerint. A corpusculari enim philosophia eos alienos fuisse, constat. Conferenda, quae de Atheismo scholae Ionicae supra disputavimus, *cap. praeced. §. X.* Cumprimis autem ipsi Aristoteli hoc systema tribuitur, adeo ut etiam Aristotelicum vulgo dicatur. Sane, formas & qualitates ejusmodi Aristotelem & genuinos ejus sectatores admittere, notum est. Quia tamen idem principium aliquod agens statuit, in eo discrimen intercedere videtur. Unde & ratio patet, quo nomine hanc sententiam ipsemet rejiciat. Nec tamen ideo ab Atheismo immunis est Stagirita, ut supra jam observavimus, *cap. praecedent. §. XV.* item *§. XXIV.* cum de Andrea Caesalpino verba faceremus: Atheismum autem in isto formarum & qualitatum systemate haud diffuculter deprehendere licet. Si enim nulla alia praeter materiam datur substantia, sique cuncta naturae phaenomena hac ratione explicari possunt, Deo nec locus, nec eodem opus est. Atheos illos, qui ex disciplina Aristotelica prodierunt, Jul. Caes. Vaninum, Andream Caesalpinum, ceterosque, de quibus *cap. praeced. §. XXV.* dictum, si revera Athei fuerunt, & systema aliquod Atheisticum sibi formarunt, non aliud, quam hoc ipsum admisisse, probabile; nisi in quibusdam ab Aristotelicis principiis discesserint. De Stratone Lampfaceno deinceps dicemus, cum propius ad Epicurum accesserit. Fuisse, qui, Atheismum Aristotelis cum Spinozismo convenire, existimaverint, supra nobis *cap. I. §. XV.* observatum. Sed etsi vel maxime Atheismus Aristotelicus in Spinozismum tandem abeat, quia tamen methodus naturae phaenomena explicandi, secundum principia Aristotelis, diversa est a methodo Spinozae, non sine ratione hic Atheismum Aristotelicum ab Atheismo Spinozae distinguimus.

\*\*\* Nimirum Deum quidem admittebant, sed eundem & fati legibus obnoxium, & cum materia artissimo indissolubilique vinculo conjunctum, adeoque, etsi quodammodo a Spinozae errore diversa sentiebant, quo nomine & hic illorum Atheismum a Spinozismo distinguimus, proxime tamen ad illum accedebant. Repetenda, quae *cap. I. §. XVIII.* de Stoicis diximus, item quae de Heraclito *§. XX.* disseruimus.

\* An Epicurus, quem providentiam Divinam negasse constat, Atheus fuerit, fuse jam *cap. praeced. §. XIX.* disputavimus. Nunc paucis saltem systema ejus delineabimus. Hinc enim ea, quae supra diximus, confirmabuntur, & viam nobis ad cuncta Atheorum fundamenta everrenda, parabimus. Non aliud rerum naturalium principium, quam atomos, atque inane, Epicurum admisisse notum est. Omnem itaque etiam substantiam incorpoream ex mundo exludebat, quae praecipua

im-

impietatis ejus causa erat. Per atomos autem corpuscula intelligebat, mente percepta, sempiterna, expertia vacui, non minus ac interitus, figuris variis, non tamen infinitis, utut incomprehensibilibus, a se invicem distincta, diversa insuper magnitudine ac pondere instructa. Haec porro non tantum ab omni aeternitate existere, sed etiam sola ponderis sui virtute, sine vitae aut sensus adjumento, vel causae alicujus aeternae impulsu, ab infinitis temporibus, in infinito vacuo, moveri, docuit. Constant haec ex *PLUTARCHO*, de *placitis philosophor. lib. I. cap. III.* *LUCRETIO* de *rerum natura lib. I. & II.* *DIOGENE LAERTIO, libr. X.* Ex hisce atomis, ut omnia corpora, totumque mundum extrueret, praeter motum perpendicularem, a pondere naturali istorum corpusculorum ortum, alium adhuc, quem *declinationis* vocat, commentus est. Si enim atomi linea recta tantum deorsum ferri concipiantur, fieri non poterat, ut una atomus alteram in infinito illo inani attingeret, adeoque nec in corpora majora concrefcere poterant. Per motum autem *declinationis* atomi a motu perpendiculari paululum declinantes & in vicinas incidentes, cum illis coalescere, & impulsione sua novum illis motum imprimere poterant, variis hinc corporibus originem praebiturae. Ex isto nimirum atomorum in diversis infiniti inanis regionibus, diversa ratione inter se concurrentium, motumque diversum conecitantium combinationibus, separationibus, aliisque molitionibus, per infinita tempora continuatis, infinitos tandem exitisse mundos, interque eos & illum, cujus nos partem constituimus. Et ad nostri quidem mundi ortum quod attinet, partem atomorum, quae continuo celerrimoque motu hinc inde ferebantur, in hunc infiniti locum, in quo mundus noster est, confluisse, putabat, easque se mutuo apprehendentes, & sibi invicem velut irretitas, in rudem quandam & indigestam coaluisse molem, in qua majora corpuscula minoribus, rotunda angulis, laevia hamatis, alia aliis, fortuito ex concursu commixta fuerint. In ista variorum corpusculorum congerie ea, quae magnitudine & pondere ceteris praestabant, inferiora loca petisse, ex quibus terra sit genita, reliqua subtiliora magis, leviaeque & rotunda, aëri, aquae, corporibusque coelestibus dedille originem. Quo pacto ex hisce principiis, omnes mundi partes, animalia quoque cuncta, ipsosque homines, qua corpus, qua animam ejusque facultates, intellectum & voluntatem, derivet, exponere, prolixum nimis foret, & a nostro instituto alienum. Legi ista apud *T. LUCRETIUM CARUM, DIOGENEM LAERTIUM*, aliosque, possunt. Id puto satis manifestum esse, cuncta eo tendere, ut Deus a mundi constructione prorsus excludatur, & ne minimae quidem illi relinquuntur partes. Commemorandus vero hic nobis etiam est *STRATO LAMPSACENUS*, a quo peculiare systema Atheisticum *Stratonicum* dici solet. Licet enim inter Peripateticos referatur; in eo tamen cum Epicuro consentit, quod materiam pluri-

plurimas particulas discerpit, & fortuito motui in constituendis rerum originibus locum relinquit. Et haecenus Atheismus Stratonicus sub Epicurco comprehendendi potest. Differt tamen in eo, quod pro materia stupida, vitaeque omni destituta, Epicureorum, STRATO materiam vitae quadam naturali & plastica instructam substituat, ut supra ad *cap. praeced. §. XVI.* observavimus. Quo ipso licet Atheis via quaedam elabendi ex difficultatibus, quibus Epicuri systema premitur, suppeditetur, aequè lubrico tamen fundamento cuncta innituntur, ut in sequentibus demonstrabitur. (88)

- (88) Stratonicus *Atheismus* haud male a Cudwortho *Syst. Intell. pag. 72.* appellatur Hylozoismus, seu illos, qui ad hanc Atheorum familiam pertinent, Hylozoistas dixit, quoniam omnibus materias particulis vitam & vim quandam genitricem, sive plasticam adjudicarunt. Haec virtus constituebat illud, quod Naturam appellabant, sed negabat Strato (si Ciceronem audimus *Acad. Quaest. Lib. 4. C. 38.*) opera Deorum se uti ad fabricandum mundum; nisi hoc fecisset, ipse Hylozoismus non necessario Atheismum secum fert; cum plurimi existerint, inter quos GLISSONUS, MORUS, CUDWORTH ipse, LEIBNITIUS & alii, qui, de existentia Dei probe persuasi, vim quandam, alii activam, alii plasticam substantiis simplicibus, vel etiam materiae particulis minimis adscripserunt. Vid. *Eruditissimus Widder de Hylozoismo & Leibnitianismo Sect. 3. C. 2. & Sect. 4.*

\*\* A Spinoza hocce Atheismi genus nomen sortitum est, non, quod ille primus hujus impietatis inventor fuerit, sed quod eam in systematis formam redegerit, & fallacem quandam speciem ei conciliaverit. Plurimi equidem Veterum talia adseruerunt, quae ad Spinozismum accedunt, licet quaedam propius, quam alia, proxime tamen huc accedunt, aut prorsus coincidit, sententia illorum, qui, *omnia unum esse*, docuerunt, ut XENOPHANES COLOPHONIUS, PARMENIDES, MELISSUS atque ZENO ELEATES, de quibus *cap. praeced. §. XIX.* dictum. Referenda huc & sententia illorum, qui materiam primam pro Deo habuerunt, quo in errore nonnullos ex Scholasticis versatos esse, *cap. praeced. §. XXIII.* docuimus. Ipsi vero SPINOZAE sententiam luculenter *ibidem §. XXVI.* exhibuimus, ubi & de sectatoribus ejus dictum.

\*\*\* Si quae alia dantur Atheorum systemata, aut ad unum ex haecenus allatis revocari possunt, aut sua statim imbecillitate corruunt. Exempli loco illi esse possunt, qui ex siderum influxu cuncta ita derivare conantur, ne Numinis directioni locus ullus relinquatur. Etenim si ex  
S  
ejus-

ejusmodi hominibus quaeras, unde ista vis & efficacia fiderum proveniat, aut Deus illis admittendus erit, aut unum ex antea memoratis systematibus amplectendum. Agmen inter ejusmodi Atheos ducere nonnullis creditur HIERONYMUS CARDANUS. Sed hunc pro fanatico potius, quam pro Atheo, habendum, supra jam pronuntiavimus, cap. I. §. XXIV. Referri etiam huc posset COSMUS RUGGERIUS, de quo itidem *loc. cit.* dictum. Licet autem ex Astrologia judiciaria impia deliria oriri queant, ut ibidem jam observatum, magis tamen superstitioni hominum, quam Atheismo, inservit. Sunt porro alii ex Eruditis atque Philosophis, qui certum equidem systema, quod Atheismo inserviat, aperte non constituunt, sed sparsim hinc inde talia insinuant, quae ad Atheismum tendunt, quibusque mentem suam haud obscure produnt. Nec tamen & hoc una eademque ratione faciunt. Nonnulli, sacra cuncta, religionem cultumque Numinis irridendo, falseque perstringendo, quid sibi velint, significant, ut LUCIANUS, & qui ei sunt similes; alii, Christianae religionis scita recte fugillando, & argumenta Atheorum magna cum ostentatione proponendo, clumbes autem & jejunas responsiones iis subjiendo, quod JUL. CAESAR. VANINUM fecisse, supra observavimus; alii indirecte & aliud velut agendo, aut principia Atheistica aliis doctrinis iminiscendo, quod THOMAM HOBBIUM aliquando egisse, novimus, qui tamen, ut aperte veritatem Christianae religionis impugnaret, ita ratione systematis Atheistici Epicureis recte annumeratur: alii denique religionem omnem Numinisque cultum enervando, dum eum pro instrumento saltem dominandi, populumque in obsequio continendi, venditant, quem a NIC. MACHIAVELLO merito *Atheismum Machiavellisticum* dixeris; quamvis primus, qui hanc viam ingressus sit, merito CRITIAS censeatur, de quo *cap. praeced.* §. XII. dictum. Hi vero omnes, etsi in eo tandem conspirent, non dari Deum, necesse tamen est, ut unum ex systematibus Atheisticis antea memoratis, admittant, aut talia se asserere fateantur, quae nullo plane innitantur fundamento, quibusve, cur ipsi fidem abhabeant, nullam reddere rationem, multo minus ab aliis, ut idem faciant, posulare possunt. Qui enim receptam quandam evertere sententiam atque explodere suscipit, meliorem firmioribusque rationibus superstructam, certumque adeo systema, quod omnibus dubiis solvendis sufficiat, adferat, necesse est, aut non aegre ferat, si communi omnium consensu sententia ejus exhibiletur. (89)

- (89) *Plerique inter hodiernos Atheos parum curant Systemata Veterum, si modo Systemata dici mereantur; sed argumenta, quae pro existentia Dei adferuntur, exceptumculis quibusdam, ut sibi atque aliis fucum faciant, enervare student; ad summum Veterum crambem recoquunt,*  
con-

*confugientes ad decantata Sophismata, Deum intelligi non posse; ex nihilo nihil fieri; nullam in rerum natura dari posse substantiam a concretionem corporea penitus remotam, & quae sunt plura, quae recensentur a Cudwortho l. c. pag. 73—90.; sed conferendus omnino Moshemius in Notis, quia Cudworthus ipse Atheorum vel eorum, qui Atheismi fuere suspecti, mentem non ubique videtur adsecutus. Patebit autem in sequentibus, etiam hisce temporibus non deesse, qui Epicureo Atheismo eo saltem nomine favere visi sunt, quod argumenta, quae contra fortuitum Atomorum concursum a Deitatis Defensoribus adducuntur, invalida pronuntiaverint.*

## §. X.

Fundamentum Atheismi *Sceptici* est, certam non dari rerum cognitionem, iudiciumque adeo de omnibus suspendendum esse; \* *Dogmatici* generale est, materiam semper fuisse, & ad ejus essentiam pertinere existentiam necessariam; \*\* *Aristotelici*, mundum, prout nunc est, semper extitisse; \*\*\* *Stoici*, Deum cum materia arctissimo vinculo esse conjunctum; \* *Epicurei & Stratonici*, mundum ex fortuito atomorum concursu coaluisse; \*\* *Spinoziani*, unam tantum esse substantiam. \*\*\*

\* Specialius fundamenta Scepticorum, quae EX SEXTO EMPIRICO, aliisque constant, indicare, hujus loci non est. In compendio ea exhibet PETRUS DE VILLEMANDY, in *Scepticismo debellato*, cap. V. pag. 33. seqq. conf. & PETRUS GASSENDUS, tom. I. opp. de *sine Logicae*, cap. III.

\*\* Hoc namque fundamentum si evertas, omnia Atheorum systemata corruent; id quod in sequentibus ostendetur. Connexum cum hocce fundamento est decantatum illud totius Ethnicae, & Atheisticae philosophiae principium: *ex nihilo nihil fit*. Quod ut de causa materiali verissimum, ita de efficiendi, infinita virtute praedita, falsissimum est, ut itidem in sequentibus ostendetur.

\*\*\* ARISTOTELIS hanc fuisse sententiam, tam notum est, ut probatione non indigeat. Recte hoc ex antiquis Ecclesiae Doctoribus jam observa-

tum LACTANTIO: *Nam Stoici animantium fabricam Divinae solertiae tribuunt: Aristoteles autem labore se ac molestia liberavit, dicens, semper mundum fuisse: itaque & humanum genus, & cetera, quae in eo sunt, initium non habere, sed fuisse semper ac fore; libr. II. institut. divin. cap. XI. Et sine, qui ea saltem legerit, quae libr. I. de coelo, cap. X. hac de re differit, non amplius, hanc ejus mentem fuisse, dubitaverit.* (90) Hanc itaque sententiam de aeternitate mundi, seu Aristotelicam, ex instituto refutavit NICOLAUS TAURELLUS, (hac quidem in re recte sentiens, etsi & ipse a quibusdam Atheismi accusatus sit) in libro de aeternitate rerum, Marpurgi anno M DC IV edito. Conimbricensium ibi inter alia redarguit sententiam, qui, Aristotelem creationem agnovisse, asseruerunt, & ex hoc capite refellit, quod, secundum huncce Philosophum, mundus, prout est, semper exstitit. *Ita quidem, inquit, Jesuitae Conimbricenses, ego tamen priorem (Aristotelem creationem non itavisse) magis probo sententiam. Res enim per se manifesta est, siquidem manifestum est, Aristotelem censuisse, mundum ab aeterno fuisse, semperque mansurum esse necessario, &c. de rerum aeternit. part. II. pag. 260. Non sine ratione itaque B. JAC. THOMASIVS illis indignatur, qui ex intempestivo Aristotelem cum Scriptura sacra conciliandi studio, philosopho huic sententiam, quod mundi originem agnovit, tribuerunt. Consentiunt, inquit, in hoc, de Aristotele ore uno, quod sciam, prisci pariter ac recentes omnes, si unum forte vel alterum excipias, quem intempestivum hoc aevo maxime, quo barbaram historiae veteris ignorantiam exuimus paulatim, studium, demonstrandi consensum Aristotelis cum sacra Scriptura, eo adiecit, ut contra tot saeculorum persuasionem, contra manifestam oculorum fidem, tueri incipiat, dari juxta Aristotelem & creationem mundi, cum novitate essendi & interitum; de exult. mundi Stoic. dissert. IV. §. I. p. 58. Recte autem, ni fallor, in eo Atheismi Aristotelici proprie sic dicti fundamentum constituimus. Ex hoc ipso enim de aeternitate mundi principio, alterum de primo motore cum sphaera superna necessario nexu conjuncto, fluxisse videtur; aut, si rem invertere velis, hoc cum Stoicis ei commune fuit, adeoque simul evertetur, cum contra Stoicos disputabimus. Hypothesis autem de formis & qualitatibus, cum aliis ei itidem communis fuit, & ita praeterea, ut supra jam observavimus, comparata, ut ab illis etiam adhiberi queat, qui non sunt Athei.*


- (90) *Vid. omnino Moshemius ad Cudworth. l. c. pag. 211. Dicit quidem Aristoteles Metaph. L. 1. C. 2. pag. m. 841. Deum videri causam omnium esse, & quoddam principium (αρχή); attamen ea, quae de ortu Mundi adfert Lib. I. de coelo Cap. X. nimum manifeste demonstrant, eum mundum statuisse aeternum, praesertim si conferan-*



ferantur cum iis, quae habet L. 2. de coelo Cap. 1. in initio pag. m. 452.

- \* Constat hoc ex iis, quae de Stoicis, cap. I. §. XVIII. diximus.
- \*\* Praecipuum namque hocce caput est systematis Epicurei, quod ad §. praecedentem exhibuimus.
- \*\*\* Conferenda, quae cap. I. §. XXVI. in medium attulimus.





CAP. III.  
DE  
DOGMATIBUS,  
QUAE  
CUM ATHEISMO CONJUNCTA SUNT,  
AUT AD EUM DUCUNT.

Σύνοψις.

*Inter dogmata cum Atheismo conjuncta, aut ad eum ducentia, refertur negata Providentia Divino, §. I.*

*Animae immortalitas in dubium vocata, §. II.*

*Spirituum seu Angelorum bonorum & malorum existen-*

*tia impugnata, §. III. Vasicinia rejecta, §. IV. item: que miracula proscripta, §. V.*

*Christianae religionis veritas labefactata, §. VI.*

*Scripturae sacrae Divina auctoritas ludibrio habita, §. VII.*

§. I.

## §. I.

**I**nter dogmata, quae cum Atheismo arctissimo quodam vinculo conjuncta sunt, primum merito praecipuumque locum tenet negatio Providentiae Divinae. Quemadmodum enim Atheus hanc non admittit, ita, qui eam negat, non multum ab Atheo differt; saltem omne religionis, cultusque divini, fundamentum tollit. \*

- Atheum Providentiam Divinam non admittere, res ipsa docet. Nec temere quisquam dubitabit, cum, qui Providentiam Divinam negat, esse Atheum. Rationibus enim, non minus luculentis, Deum rerum omnium curam gerere, quam cum esse, probari potest. Immo ex ipsa idea Dei hoc sequitur, quam non potest non evertere, qui Divinam Providentiam negat. Epicuri nobis non obitare exemplum, patet ex iis, quae *cap. I. §. XIX.* de eo disputavimus, ubi etiam ostendimus, frustra a nonnullis pietatem ejus laudatam, ac si Deum *ob majestatem ejus eximiam, singularemque naturam*, coluerit. Inde vero etiam intelligitur, per Epicureismum religionem omnem, Numinisque cultum penitus everti. Quemadmodum vero itidem, *cap. I. §. XXV.* ubi de PETRO Baelio verba fecimus, ostendimus, dubia, quae circa Providentiam Divinam moventur, inter praecipua Atheismi fulcra referenda esse, ita exempla, quibus hoc probari queat, non desunt. Pertinet huc, quod *cap. praeced. §. XVIII.* de Diogene Cynico ex CICERONE observavimus, cum dicere solitum, *Harpagum, qui temporibus illis praedo felix habebatur, contra deos testimonium dicere, quod in illa fortuna tam diu viveret.* Sed Diagoras quoque Melius, quem inter Atheos merito referri, *cap. praeced. §. XIX.* demonstravimus, cum initio saniori de Deo doctrinae addictus esset, postea tamen poema quoddam, quod elaboraverat, a quodam sibi ablatum aegre ferens, istudque a fure, qui jurejurando, se istud non abstulisse, confirmaverat, frustra repetens, injuriam hac ratione sibi illatam, eamque cum perjurio conjunctam, inultam a Deo dimitti sentiens, publice Atheismum profiteri non dubitavit; ut auctor est HESYCHIUS, *in vita ejus, & SEXTUS EMPIRICUS, adv. mathematic. pag. 318.* Immo ad hunc scopulum ipsum Epicurum naufragium fecisse, ex instituto PETR. GASSENDUS, in *syntagm. de vita Epicuri p. 213.* ostendit. Fuit autem negatio Divinae Providentiae dogma velut characteristicum Epicuraeorum, quibus cum alii, tum maxime Stoici se opponebant; qui dum acerrimi Providentiae defensores videri volebant, in alterum ex-

extremum prolapsi sunt, fatum aliquod absolutum introducentes, quod,  
non minus quam Divinae Providentiae negatio, ad Atheismum duce-  
bat, ut accurate ostendit n. JAC. THOMASIVS, de *exult. mundi Stoica*  
*dissert.* XIII. qua Stoici fati malignitatem exhibet, pag. 166 seqq. Inter  
iplos Judaeos error hiecc, de negata Providentia Divina, Sadducaeis  
tribuitur. Diferre id tradit FLAVIUS JOSEPHVS, qui verba de iis faciens,  
in *Antiq. jud.* inquit, *ἐπεμύνησαν πεινῶντας ἀναπαύσαι, καὶ τὸ τοιοῦτον οὐκ ἔστιν ἐν ἡμῖν*.  
*καὶ οὐκ ἔστιν ἐν ἡμῖν* *fatum omnino negant, & Deum extra omnem mali pa-*  
*trationem inspectionemque constituunt, de bello jud. libr. II. cap. VII.*  
Hunccc dacem plurimi ex recentioribus sequuntur, & inter reliquos  
JOANNES DRUSIVS, de *tribus sedibz Judaeorum, lib. III. cap. XII. pag.*  
*m. 291. 292.* qui & ABRAHAM ZACHUTHI testimonio idem confirmat.  
Sunt tamen alii, qui eos ab hocce errore liberant, quos inter & JOAN-  
NES GERHARDUS VOSSIVS est, de *idolatria gentilium libr. I. cap. X.* ejus  
haec de re verba jam recitavi in *introduc.* ad *hist. philof. Ebraeor.*  
*pag. 70.* Eandem sententiam sequitur PETRVS BAEILIUS, hac maxime  
ratione nixus, quod docuerint, Deum recte facta in hocce remunerari  
seculo, eademque ratione peccata punire; hoc vero nemo afferere  
potest, qui non Providentiam Divinam admittit. Et sane poenas  
peccatorum, sed temporales, praemiaque virtutum eos credidisse;  
etiā JOANNI LIGTFOOT observatum: Quenam ergo religio Saddu-  
cae? orat, jejuna, sacrificat, observat legem, & tamen non expectat  
resurrectionem, aut vitam aeternam. Quorsum haec religio? Ut obtineret  
scilicet bona temporalia, quorum solum promissionem observat ille factam  
in lege, nihil rimans ultra litteram; in horis ebr. in acta apostolorum ad  
act. XXIII. 8. tom. II. opp. pag. m. 787. (91) Quicquid hujus sit, inter  
Ecclesiae Christianae haereticos non defuisse, qui, si non penitus ne-  
garent Divinam Providentiam, perperam tamen de ea sentirent, aut  
ejusmodi circa eam se deprehendere difficultates sibi viderentur, quas  
non aliter, quam absurdissima quaecue admittendo superare possent,  
vel Manichaeorum atque Marcionitarum exemplo patet, qui duplex  
principium independens afferebant. Fuisse tamen jam ante Manichaeos,  
qui in eodem luto haerent, constat, pluribusque demonstratum ab  
JOANNE CHRISTOPHO WOLFIO, in erudita commentatione, de Ma-  
nichaeismo ante Manichaeos. Nostra vero aetate PETRUM BAEILIUM ean-  
dem scenam magno apparatu instruxisse, utque ineptum hocce Mani-  
chaeorum de duplici principio commentum rationi inexpugnabile esse,  
demonstraret, in exaggerandis, quae contra Providentiam Divinam  
proferri solent, argumentis, ingenii vim mirum in modum exercuisse,  
nemini ignotum est, & supra quoque cap. I. §. XXX. pluribus a me  
jam comprobatur. Argumenta, quibus ab istis hominibus Divina im-  
pugnatur Providentia, omnia adferre, instituti ratio non permittit.  
Præcipua tamen indicare haud abs re fuerit, ad quae & deinceps

respondebimus. Primum idque levissimum est, quod multa in hocce terrarum orbe deprehendantur, de quibus cum dici nequeat, quod in hominum usum sint condita, manifestum esse, quod utilitate omni careant; unde sequi putant, casu fortuito talia exitisse, non autem ab ente quodam sapientissimo, curam rerum omnium gerente, esse profecta. Urget hoc praecipue TITUS LUCRETIVS CARUS, qui, cum in eo est, ut ostendat:

*Nequaquam nobis divinitus esse paratam  
Naturam rerum: tanta stat praedita culpa,*

exempli loco haec adfert:

*Principio, quantum coeli tegit impetus ingens  
Inde avidam partem montes, silvaeque ferarum,  
Possedere, tenent rupes, vastaeque paludes,  
Et mare, quod late terrarum distinet oras.*

de rerum natura lib. V. pag. m. 154. ex edit. OBERTI GIFANII. Variæ, quæ hominem premunt, calamitates, miseriaeque fere infinitæ, quæ eum a primo nativitatis momento ad mortem usque comitantur, alterum argumentum praebent Epicureis, quo Divinam providentiam impugnent. LUCRETII verbis hoc ita exprimere posses:

*Praeterea genus horrifera, natura ferarum,  
Humanae genti infestum, terraeque marique  
Cur alit, atque auget? cur anni tempora morbos  
Adportant? quare mors immatura vagatur?  
Tum porro puer, ut saevius projectus ab undis  
Natus, nudus humi jacet, infans, indigus omni  
Vitali auxilio, cum primum in luminis oras  
Nixibus ex alvo matris natura profudit,  
Vagituque locum lugubri complet, ut aequum est,  
Cui tantum in vita reflet transire malorum.*

loc. cit. pag. 155. Atque haec sunt mala illa physica, quæ cum non possent cum bonitate Numinis conciliare, iis ad negandam ejus providentiam se induci passi sunt. Pertinet huc argumentum illud, quod ex mente Epicuri proponit LACTANTIUS: *Deus, inquit (Epicurus) aut vult tollere mala, & non potest; aut potest, & non vult; aut neque vult, neque potest; aut & vult & potest. Si vult, & non potest, imbecillus est, quod in Deum non cadit. Si potest & non vult, invidus; quod aequè alienum a Deo. Si neque vult, neque potest, & invidus & imbecillus est, ideo.*

ideoque neque Deus. Si vult & potest, quod solum Deo convenit; unde ergo sunt mala? aut cur illa non tollit? Scio, plerisque Philosophorum, qui providentiam defendunt, hoc argumento perturbari solere, & invitos pene adigi, ut Deum nihil curare fateantur, quod maxime quaerit Epicurus; de ira Dei cap. XIII. Vocat deinde LACTANTIUS hocce argumentum formidolosum, simulque ad illud respondet, sed ita, ut PETRO BÆLIO non satisfaciat, qui non tantum Lactantii responsionem explodit, sed omnes ingenii vires intendit, ut probet, hocce argumentum plane esse insolubile; in *diction. histor. crit. voc. Manicheens.* p. 2324. Cum autem LACTANTIUS ex mente Epicuri de malis physicis loquatur, idem, quem modo laudavimus, PETRUS BÆLIUS, existimat, longe majus adhuc ei accedere robur, si de malis moralibus seu peccatis accipiat; *loc. cit.* Atque hoc tertium est argumentum, quod providentiae Divinae opponitur. Idque hominibus rationis ductum tantum sequentibus aliquid negotii facessere posse, non diffitemur. Agnovit illud ORIGENES: *Εἴ τις αὐτὸς τις τίνας τὰς ἐν αἰσθητοῖς ἰσχυρίας διανοῶν διεσέμεν, ἐν τῇ φύσει αὐτῶν, ἐν τῇ φύσει αὐτῶν καὶ τῇ φύσει αὐτῶν αἰσθητοῖς;* Si quis alius est locus, in rebus humanis, scrutatu difficilis naturae nostrae, inter hos merito numerari potest malorum origo; contra Celsum libr. IV. pag. 207. Plane vero illud insolubile esse, lectoribus persuadere annititur PETRUS BÆLIUS, *loc. cit. voc. Pauliciens, pag. 2324. seqq. item voc. Manicheens, pag. 2022. seqq. ut & voc. Marcionites pag. 2039. seqq.* Sed, si, quae vir ille doctus magnis & taediosissimis verborum ambagibus hac de re disserit, paulo accuratius consideres, cuncta tandem eo redeunt, bonitati Divinae prorsus repugnare, permittere mala. Ad quod quid respondendum sit, ex infra dicendis patebit. Ultimum denique, idque praecipuum fere contra Divinam providentiam argumentum est, quod experientia constet, impiis subinde cuncta ex voto cedere, cum piis contra bonisque viris cum variis calamitatibus sit colluctandum. Jam antiquissimis temporibus hancce quaestionem, etiam sanctorum hominum animos aliquando sollicitos tenuisse, vel ex *Psal. LXXIII. seqq.* discimus, ejusque rei librum Jobi documentum luculentissimum praebere, observatum in *introduc. ad histor. philosoph. Ebraeor. pag. 26. 27.* Idem ex SENECAE libro de providentia patet, quippe in quo ex instituto disputat: *quare bonis viris mala accidunt, cum sit providentia?* Eleganter hoc expressit CLAUDIANUS. Cum enim quaestionem hanc ita proposuisset:

*Saepe mihi dubiam traxit sententia mentem,  
Curarent superi terras, an nullus inesset  
Rektor, & incerto fluerent mortalia casu.*

allatisque rationibus quibusdam providentiam probasset, tum in contrariam sententiam ita verba facit:

*Sed,*

*Sed, cum res hominum tanta caligine volvi  
Adspicerem, laetosque diu florere nocentes,  
Vexarique pios: rursus labefacta cadebat  
Religio &c.*

Tandem tamen vel Rufini, scelerum poenas justissimas dantis, exemplo, Deum rerum humanarum gerere curam, se edoctum proſtetur:

*Abstulit hunc tandem Rufini poena tumultum,  
Absolvitque deos. Jam non ad culmina rerum  
Injustos crevisse queror; tolluntur in altum,  
Ut lapsu graviore ruant.*

in *Rufin. lib. I.* Sed responsio haecce CLAUDIANI displicet PETRO NAEIO, qui & hocce contra Divinam providentiam argumentum ita comparatum esse putat, ut nihil solidi ad illud ratio respondere queat. Nec vacare culpa Deum contendit, si dicatur, permittere eum, improbos in altum tolli, *ut lapsu graviore ruant.* Perinde hoc esse, ac si ipse graviorem illorum ruinam quaerat, quod cum bonitate ejus consistere nequeat; in *voc. Rufin. pag. 2623. & seqq.* Qua de re quid sentiendum sit, in sequentibus suo loco exponemus. (92) Conveniunt fere cum ultimo hocce argumento illorum sermones, qui nunquam non *fortunam* in ore habent, aut de ejus injustitia ac crudelitate conqueruntur; qui aut ipsi, quid dicant, nesciunt, aut Divinam rejiciunt providentiam, ac si cuncta coeco impetu in mundo ferrentur. Legi merentur, quae hac de re PLINIUS habet, *histor. natural. lib. II. cap. VII. (93)* Argumentum Epicuri a beatitudine Dei desumptum, ac si rerum omnium cura cum ea consistere nequeat, ideo praetermissi, quod dignum neutiquam sit, ut in censum veniat.

- (91) Dogmata Sadducaeorum nullo modo inter se cohaerent, si omnem Providentiam divinam negassent, neque ex loco Josephi id ipsum demonstratur; quippe observavit Cl. Bruckerus *Hist. Crit. Phil. Tom. 2. p. 726. seqq.*, vocabulum *ἐπιστήμη* non tantum denotare cognitionem, verum etiam directionem & influxum in voluntatem agentis; hanc autem negabant, ut, scilicet, libertatem hominis servarent integram; imo, quae narrat de Sadducaeis Mattheus Cap. 3. vs. 7., aliquo modo probabile reddunt, hosce de ira divina aufugienda fuisse sollicitos, cum eo fine accederent ad Baptismum Joannis. Conf. Baile loco ab Auctore citato *Lit. C, E & G.*

- (92) Baile, more consueto, ad fidem, in revelatione divina reponendam, confugere juadet: En vera via tollendi haecce dubia; silentium imponas

ponas rationi, eamque in auctoritate acquiescere jubeas (*secundum* Psalm. 39: 10.) Deus id dixit, *avri ipsa*, Deus id fecit (florere, *scilicet*, fecit nocentes, vexarique pios.) Deus permittit; verum igitur est, & justum, sapienter factum, sapienter permissum, &c.

- (93) *Notabilis est Plinii locus, ad quam respicit Cl. Buddeus, Toto mundo & locis omnibus, omnibusque horis omnium vocibus Fortuna sola invocatur; una nominatur, una accusatur, una agitur rea, una cogitatur, sola laudatur, sola arguitur & cum convitiis colitur: volubilis, a plerisque vero & coeca etiam aestimata, vaga, inconstans, incerta, varia, indignorumque faulrix. Huic omnia expensa, huic omnia feruntur accepta; & tota ratione mortalium sola utramque paginam facit. Adeoque obnoxii sumus sorti, ut fors ipsa pro Deo sit, qua Deus probatur incertus. Caeterum, quo animo id scripserit Plinius, & quanam ejus de Deo fuerit sententia, ex toto hocce Capite VII. potest dijudicari. Conf. ea, quae notavi ad Cap. I. §. 22. n. 45.*

### §. I I.

Alterum inter haecce dogmata locum illorum sibi vindicat error, qui, animas hominum mortales esse, & una cum corpore interire, sibi persuadent. Qui Deum esse negat, vix a se impetrabit, ut credat, animam hominis esse immortalem. Fieri equidem potest, ut, qui animam hominis mortalem credit, non statim, Deum esse, neget; simul tamen fatendum, quod ejusmodi homo praecipuum religionis cultusque divini fundamentum tollat, penitusque evertat; qui proximus ad Atheismum gradus est. \*

- \* Atheum vix dari, qui, animam hominis immortalem esse, credat, non temere quis dubitaverit. Lucem tamen hic dabunt, quae in sequentibus disputabimus, an & quousque Athei spiritus finitos admittere queant? Eum rursus, qui animae immortalitatem negat, non statim directe negare existentiam Numinis, in confesso est; non minus tamen, & illud certum, ejusmodi hominem praecipuum religionis cultusque Divini fundamentum evertere. Qui enim animae immortalitatem negat, praemia virtutum, & poenas peccatorum post hanc vitam tollit, quibus tamen vel maxime ad Deum colendum homines induci solent. Fieri equidem potest, ut, qui animam mortalem credit,

in-



intuitu praemiorum in hacce vita obtinendorum Deum colat; quod exemplo Sadducaeorum videtur comprobari posse, de quorum religione ad §. *praeced.* diximus: sed ad veram religionem cultumque Numinis hoc non sufficere, res ipsa docet, nec diffitetur PETRUS PABLIUS, hac de re disputans, *ditionar. histor. crit. voc. Sadduceus*, pag. 2639. Sane, si quis cum Arabicis, seculi tertii haereticis, animas hominum mortales asserat, sed cum corpore aliquando resuscitandas, quem errorem nostra aetate nonnulli, ut WILHELMUS COWARDUS, Medicus Londinensis, itemque auctor anonymus, in schediasmate, lingua Germanica edito, ut deinceps dicemus, resuscitarunt, is poenis & praemiis post hanc vitam locum relinquere videtur, sed in hanc quidem paucissimi ex iis, qui animae immortalitatem negant, ingredientur sententiam, quae insuper inepta prorsus est, & omni fundamento destituta, ut pluribus a me demonstratum, in *programme de Arabicorum haeresi*, quod extat in *syntagmate dissertation. academ. car.* pag. 738. *segg.* (94) Ad rem ipsam quod attinet, Aegyptios primos fuisse, qui animas immortales esse docuerint, auctor est HERODOTUS: *πρώτοι δὲ οὗ τ' δι τ' λόγῳ Αἰγύπτῳ εἶσι. εἰπόντες, ὅτι ἀθάνατον ψυχὴ ἀνθρώτου* in. *Aegyptii primi sunt, qui animam hominis immortalem dicerent, histor. lib. II. cap. CXXIII. pag. 137.* Chaldaeis contra & Indorum magis hunc honorem vindicat PAUSANIAS: *Ἐγὼ δὲ Χαλδαίους καὶ Ἰνδοὺ μαγὺς πρώτους εἶδαι εἰπόντας, ὅτι ἀθάνατος ἐστὶν ἀνθρώτου ψυχὴ* Ego Chaldaeos & Indorum Magos primos scio dixisse, immortalem esse hominum mentem; in *Messeniac.* p. 277. Sed Ebracis potius hanc tribuendam gloriam, certiora ex Scriptura sacra edocti, novimus, qui hocce dogma cum aliis doctrinae coelestis capitibus, a maioribus suis, patriarchis, acceperant. Atque id recte observatum EUSEBIO, qui, Mosem primum fuisse, contendit, qui animam hominis immortalem (secundum doctrinam Patriarcharum) statuit, siquidem docuit, hominem ad Dei imaginem conditum, *praepar. euangel. lib. XI. cap. XXVII.* Corrupta deinceps in hacce gente ista doctrina fuit, dum Sadducaei animae immortalitatem negarunt, Pharisaei autem receptam valde per totum fere Orientem doctrinam de *μετεμψυχώσῃ* assumerunt; ut auctor est FLAVIUS JOSEPHUS, de *bello jud.* lib. II. c. VII. & a me jam observatum, *introd. ad histor. philos. Ebr.* pag. 65. (95) conf. BASNAGE, *histor. des Juifs tom. I. lib. II. c. VII.* Sed, ad Aegyptios ut redeamus, illi animae immortalitatem ita asseruerunt, ut *μετεμψυχώσῃ* simul statuerent, hujus quidem commenti, quod, ut diximus, totum fere Orientem pervasit, & a Pythagora quoque receptum ac propagatum fuit, primi auctores rectius dicendi. Corpore namque moriente animam in aliud, quod nascitur, animal continuo migrare, docebant; ubi vero per omnia terrestria, marina, volueria, circummerit, rursus in humanum, quod nascitur, corpus introire; *ἐπεὶ περιέρχεται δὲ αὐτὴ γένεσιν ἐν ἐπιτελείῃσιν ἡσται; circuitum autem hunc*

ab anima fieri intra tria millia annorum; ut auctor est HERODOTUS, lib. II. cap. XXIII. Alii autem, qui arcana philosophiae Aegyptiacae paulo accuratius se introspectisse sibi videntur, hoc eos voluisse contendunt, animam in Deum, seu animam mundi, ex qua orta sit, tandem reverti, unde sequitur, animam non prorsus immortalem esse, etsi dissolvi nequeat aut destrui. Convenit hoc cum ista sententia, quae Aegyptiis itidem a quibusdam tribuitur, nihil perire in universo, sed tantum mutari; quod quam prope a Spinozismo absit, nemo non intelligit. Et hanc, non Aegyptiorum modo, sed Chaldaeorum, immo Orientalium fere omnium, ad quos Aegyptiorum sententia pertransiit, mentem fuisse, autumant. Non sine omni profecto fundamento, si JAMBlichus hic standum auctoritate, quippe cujus ex Aegyptiorum mente hoc extat effatum: *ὁ δὲ πρῶτος ἀρχὴ τοῦ κόσμου καὶ τῶν πάντων ὁ θεὸς τῆς ψυχῆς, ὡς πάλιν εἰς αὐτὸν ἐπιστρέφουσιν*; a primo descensu propterea demisit Deus animas, ut rursus in ipsum revertantur; de mysteriis Aegyptior. sect. VIII. cap. VIII. Sed missis gentibus barbaris, ad Graecos transeamus. Apud hos primum Thaletem Milesum animae immortalitatem asseruisse, jam olim nonnulli tradiderunt. *Ἐστὶν ὅ, inquit DIOGENES LAERTIUS, ὃς αὐτὸν πρῶτον αὐτῷ φασιν. ἀθανάτους τὰς ψυχὰς ὅς ἐν Χοίραδ' ὁ ποιητὴς*. Sunt, qui illum immortales animas primum dixisse assererent, ex quibus est Choerilus poeta; lib. I. sect. XXIV. pag. 16. Sed, cum idem Thales principium omnium rerum asseruerit aquam, si animam etiam aqueae naturae esse dixerit, quo pacto eam immortalem esse, statuere potuerit, non satis capio. Eadem difficultas de Ionicis reliquis, qui primam classem constituunt, moveri potest, quippe qui non aliud rerum omnium principium, quam materiam admisit a nonnullis perhibetur, aliud principium efficiens admisserunt, ut alii exitimant, forte eandem, quam Aegyptii, de anima foverunt sententiam. Interim CICERO hanc gloriam Pherecydi Syrio vindicat, primus quod animae immortalitatem docuerit: Sed quod litteris extet, ait, *Pherecydes Syrius primus dixit, animas hominum esse sempiternas; quaestio. Tusc. libr. I. num. XXII.* repetit idem LACTANTIUS, ut simul addat, in eadem sententia fuisse Pythagoram: *in eadem sententia fuit Pythagoras ejusque praeceptor Pherecydes, quem Cicero tradidit primum de aeternitate animarum disputasse.* Sed, cum Pherecydis pariter ac Pythagorae sententia, si primam originem spectes, ab Aegyptiis derivanda sit, non alia quoque eandem intelligendam ratione, quam qua Aegyptii intellexerunt, nonnulli contendunt. Animam scilicet Divinae essentiae esse particulam, quae ut a Deo sit, ita iterum in ejus essentiam sit reducenda. Faciunt huc quodammodo, quae THEODORETUS de Pythagorae sententia habet, *de curand. Graecor. affectionib. lib. V. pag. 516. & CLEMENS Alexandrinus, Stromat. lib. V. pag. 590.* Cum primis vero CICERONIS ille locus *libr. I. de nat. deor. pag. 9.* quem supra jam ad cap. I.

cap. I. §. XIX. recitavimus, hujus erroris eum convincere videtur. Immo sunt, qui, Pythagorae hanc fuisse mentem, existimant; Deum, qui sit anima hujus universi, etiam uniuscujusque hominis animam constituere, per Deum autem nihil aliud, quam aetherem, eum intellexisse. Sed num, hanc Samii senis de Deo sententiam fuisse, clare satis demonstrari queat, dubito. Conferenda, quae cap. I. §. XIX. de eo diximus. Si vero haec, quam commemoravimus, mens ejus fuisset, non posset dici, quod animam prorsus immortalem statuerit, sed destructionis saltem tam diu expertem, donec iterum cum anima mundi uniatur. Qui ex Eleatica secta nihil aliud, quam materiam & inane admittunt, ut Leucippus, Democritus, Epicurus, non possent non animam materialem, adeoque & mortalem credere. Idque & diserte non tantum docet, sed rationibus variis quoque probare annitur T. LUCRETIVS CARUS, de *rerum natura* libr. III. pag. m. 86. *segg.* Est vero *ut, si animam* observandum, Epicureos existimasse, sententiam de immortalitate animae multum obviare vitae jucunditati, tranquillitativae, cum eos, qui illam credant, metus de statu animi post hanc vitam semper sollicitos teneat. Qua de re ita canit LUCRETIVS:

*Et metus ille foras praeceps Acherontis agendus,  
Funditus, humanam qui vitam turbat ab imo,  
Omni suffundens mortis nigrore, neque ullam  
Esse voluptatem liquidam, puramque relinquit;*

*loc. cit. pag. 74.* Atque haec sane vera causa est, cur Athei, hominesque impii, tam libenter in hanc sententiam ingrediuntur. (96) Primum autem praecipuumque LUCRETIVS ex eo deducit argumentum, quod anima (quo nomine etiam animum comprehendit) sit corporea, consuetque ex atomis longe tenuioribus, mobilioribusque, non modo quam aqua, verum etiam, quam nebula, aut fumus, quippe cum percellatur rebus, nebula, fumoque tenuioribus (ut puta simulacris, ex quorum per somnum appulsu res ejusmodi cogitemus) ac ideo necesse sit, illam dissipari, quam ista, facilius. Reliqua apud PETRUM GASSENDUM legi possunt, in *syntagm. philosophiae Epicuri part. II. sect. I. cap. I. pag. 29. segg.* Stoici ab Epicureis in plurimis equidem dissentiebant capitibus, de animae tamen non rectius philosophabantur immortalitate. Sunt equidem, qui, hanc eos asseruisse, autumant, ut LACTANTIUS, *divinar. institut. libr. III. cap. XIX.* Sed, si paulo accuratius in veram & genuinam illorum mentem inquiratur, aliter pronuntiandum videtur. Diversimode namque licet de anima loquerentur, in eo tamen tandem consentiebant, animam, (quo nomine & animum comprehendebant) esse *ut, si animam* substantiam ex aethere & igne compositam, adeoque materialem. SENECA ita hac de re loquitur; *quid est aliud animus, quam*

quam quodammodo se habens spiritus, epist. I. Ubi cave, ne per spiritum substantiam materialem intelligas. Eam Stoicos non intellexisse, TERTULLIANUS nos docet: Stoicos allego, qui spiritum dicunt animam, pene nobiscum: quia proxima sunt status & spiritus; & anima cap. V. Sed quid illud tibi vult: quodammodo se habens? Certum nimirum spiritum, seu aetheris qualitatem vult indicare, quae in calore consistebat. Unde clarius Zeno & Posidonius dicebant: *πικρὸν ὕψιμον αἶμα τὸ πνεῦμα*, spiritum calidum esse animam; vid. JUSTUS LIPSIUS, *physiol. Stoicor. libr. III. dissertat. IX.* Praeterea animam pro parte quadam Dei, hoc est animae mundi, seu ipsius naturae habebant. Nota sunt illa SENECAE: Quid est autem, cur non existimes in eo divini aliquid consistere: qui Dei pars est? totum hoc, quo continemur, & unum est, & Deus, & socit ejus sumus, & membra; epist. XCII pag. m. 432. Quodsi autem anima nostra pars est animae hujus universi, tam diu saltem separatim subsistit, donec in animam mundi iterum convertatur. Jam ad Platonem quod attinet, eum animarum credidisse immortalitatem, negari nequit, cum in dialogo, cui titulum fecit, *φαίδρος* & *αὐτὸς φωνεῖ* eam variis argumentis adstruat, quamquam simul fateatur, certam demonstrationem in hac vita expectandam non esse, *οὐ γὰρ πῶς δύναται, ἀποδείξαι τὸν ἀθανάτων ἐν τῇ βιωμένῃ ἐκείνην* & *λόγῳ θύει πῶς ἀποδείξαι*, nisi detur firmitus securiusque niti divino aliquo testimonio. Hinc & passim & CLEMENTI Alexandrino, EUSEBIO, aliisque, ob adstructam animae immortalitatem laudatur. Errores tamen gravissimos huic dogmati adpersit, dum simul animarum *ἀσώτητα* & *μεταμύωσιν* cum Pythagora, atque Aegyptiis, asseruit. Immo dum & ille animae humanae originem ex anima mundi derivavit, in quam & aliquando reversura esset, palam est, quod animam absolute immortalem dicere non potuerit. Interim a Stoicorum sententia differt sententia Platonis. Illi enim ipsum Deum pro anima mundi habebant; hic autem per animam mundi aliquid a summo Deo distinctum, intelligebat. Tres namque statuebat *ψυχάς*, quarum apud MACROBIUM haec sunt nomina: 1) *Deus summus*, 2) *mens ex Deo nata*, & 3) *mundi anima, quae animarum omnium fons est; in somn. Scip. lib. I. cap. VI. pag. 32.* Et hoc sensu anima humana, ex mente Platonis, ceu particula essentiae Divinae, ex Deo originem trahere, & in eum reverti, dici potest; quod, ut cum ejus immortalitate in sensu genuino & orthodoxo non convenit, ita inter fundamenta Enthusiasmi non ultimum locum tenet. Legenda, quae de fonte animarum disserit JAC. THOMASIVS, de *exust. mundi Stoica*, dissert. XXI. pag. 229. seqq. Tandem ad Aristotelem accedimus, qui cum & alias tenebricosus sit, & sua se caligine involvat, de anima ita data opera locutus videtur, ne quisquam mentem ejus sententiamque intelligere posset. (97) Hinc mirum in modum inter veteres pariter ac recentiores disceptatum fuit, an Aristoteles, animam hominis immortalem esse, crediderit? Nos

missis

missis reliquis, quae hac de re dici poterant, id saltem observamus, seculo post Christum natum duodecimo ex peripatetica disciplina produsse AVERROEM, gente Arabem, sed in Hispania natum, quem Aristotelis ita introspexisse sententiam nonnulli crediderunt, ut ejus animam esse dicerent. Hæc autem unam numero mentem seu unum intellectum, non per singulos divisum, sed communem omnibus inesse statuit; eundemque esse incorruptibilem; at animam, quæ singulis inest, adeoque multiplicetur, mortalem esse atque corruptioni obnoxiam. Quantumvis autem impia pariter ac inepta sit hæc sententia, tanta tamen olim Averrois fuit auctoritas, ut plurimi viri docti in eam ingrederentur, præsertim in Italia; adeo ut Leo X. Pontifex, bulla, XIX. die Decembr. anno M D XIII data, eam condemnare consultum duxerit. Interim illi, qui in peripatetica philosophia vel maxime versati sunt, Averrois hæc adprobarunt sententiam, ut contenderent, ex mente Aristotelis dei non posse, animam esse immortalem. Inter hos haud ultimus fuit PETRUS POMPONATIUS, de quo fufe supra egimus, cap. I. §. XXIV. conf. PETRUS BÆLIUS, *dition. hist. crit. voc. Averrhoes*, p. 414. *seqq.* it. in *voc. Spinoza*, pag. 2780. Et sane, ne quid diffitear, non errant meo judicio, qui, Averroem mentem Aristotelis recte assecutum, contendunt. Constat enim, Stagiritam discrimen inter  $\psi\chi\eta$  &  $\nu\psi\chi\eta$  constituisse, & quod ad  $\nu\psi\chi\eta$  attinet, notissima sunt ejus verba: *Αἰσθητικὴ, ἡ δὲ ὁμοῦς ἰσχυρὴ ἰμμερτὴ, ἡ τῶν ὁμοῦς μόνον*. Restat, ut mens sola extrinsecus accedat, eaque sola divina sit. Accedit, quod hæc sententia cum toto Aristotelis systemate egregie conveniat. Cum enim singulis orbibus intelligentias præficeret, non minus & inferiori huic orbi una præficienda erat, quæ simul in omnibus hominibus intellectus, seu mentis, officio fungi poterat. Inter veteres Aristoteli sectatores itidem nonnulli fuerunt, qui diserte animæ immortalitatem negarunt. Sed unicum saltem placet commemorare, DICAÆARCHUM, qui, ut TULLIUS auctor est, acerrime contra hæc immortalitatem diffinit. Is enim, ita pergit, tres libros scripsit, qui Lesbiaci vocantur, quod Mitylenis sermo habetur, in quibus vult efficere, animos esse mortales; quæstion. Tusculan. lib. I. cap. XXXI. Sententiam ejus antea plenius ita expresserat: nihil esse omnino animum, & hoc esse totum nomen inane, frustra & animalia & animantes adpellari, neque in homine inesse animum, vel animam, nec in bestia. Vimque omnem eam, qua vel agamus quid, vel sentiamus, in omnibus corporibus vivis æqualiter esse fusam, nec separabilem a corpore esse, quippe quæ nulla sit, nec sit quicquam, nisi corpus unum & simplex, ita figuratum, ut temperatione naturæ vigeat, & sentiat; cap. X. Quam quidem Philosophi hujus sententiam diligenter sub examen revocat PETRUS BÆLIUS, *ditionar. histor. crit. voc. Dicaearque* pag. 1048. *seqq.* Inter recentiores RENATUS CARTESIUS, etsi errores quosdam in doctrina de anima admiserit, discrimen tamen

maximum inter corpus & spiritum luculenter ostendendo, fundamenta solida immaterialitatem & immortalitatem animae demonstrandi, sup-  
 peditavit. (98) BENEDICTUS contra DE SPINOZA, cum unicam saltem  
 admittat substantiam, non potest non animam pro materiali, adeoque  
 mortali, habere. Si enim eam spiritum materiae prorsus expertem  
 esse crederet, non posset non substantias diversas admittere. Interim  
 veterator turpissimus, se animae immortalitatem credere vult videri.  
 Immo in *appendice ad Principia Cartesii more geometrico demonstrata*  
*part. II. cap. XII. p. 135.* ex principiis, ut putat, evidentissimis de-  
 monstrat, mentem hominis non posse non esse immortalem. Sed  
 cuncta eo redeunt, in quantum nulla pars seu adfectio naturae, quam  
 Deum vocat, potest annihilari, etiam anima annihilari nequit; in-  
 terim cum animae substantia a peculiarem non concedat, corpore de-  
 structo, non potest non modificatio, quae animam constituēbat, desi-  
 nere, adeoque in prima principia, seu naturam hujus universi resolvi.  
 JOANNES TOLANDUS, Spinozae strenuus sectator, de animae, non  
 aliter, quam magister, immortalitate sentire poterat. Immo hanc suam  
 de ejus mortalitate sententiam ne dissimulat quidem, sed in secunda  
*epistola, ad Borussiae Reginam scripta, aperte profitetur, asserens,*  
*opinionem de immortali nostrae animae natura primo fluxisse ad Aegyptios*  
*ad Persas, deinde ad Graecos, & a Graecis ad Romanos ceterasque gentes*  
*Europaeas: ipsos vero Aegyptios hanc opinionem hausisse ex nimio & super-*  
*stitioso mortuorum cultu; vid. JACOB FAYUS, in defensione religionis &c.*  
*part. I. cap. XXIV. pag. 133. 134.* THOMAS HORREBUS cum substantias  
 incorporeas diserte neget, *Leviath. cap. IV.* immo corpus & substan-  
 tiam unum idemque significare, contendat, *ib. cap. XXXIV.* uti jam  
*cap. I. §. XXVII.* observavimus; quae de anima ejusque immortalitate  
 sententia ipsius fuerit, nemini obscurum esse potest. Eodem redit  
 sententia W. COWARDI, Medici Londinensis percelebris; quippe qui  
 cum itidem supponat, nullam dari substantiam immaterialem, animam  
 quod atinet, doctrinam de ea inter omnes Christianos hodie receptam,  
 quod sit substantia immaterialis corpori unita, a paganis fuisse con-  
 sistam, nec principiis philosophiae, rationis, religionis, consonam  
 esse, audacter pronuntiat, atque evincere conatur; juxta scripturam  
 vero animam nihil aliud, quam vitam hominis, hoc est, unam ean-  
 demque virtutem, qua homo movetur, vivit, sentit, ratiocinatur,  
 quaeque in corpore reperitur, quam diu vivit, cesset vero prorsus,  
 quamprimum illud interit, rursus tamen in universali corporum resu-  
 scitatione exitura sit, esse contendit. Hanc sententiam COWARDUS  
 variis in scriptis non tantum proponere, sed contra adversarios, quos  
 nactus est, acriter defendere annis est, uti in *Aetis eruditor. Lips.*  
*anno MDCCVII. mens. Aug. p. 352. seqq.* indicatur. Convenit prorsus  
 sententia auctoris anonymi, in schediasmate, lingua Germanica  
 scripto,

scripto, & sub titulo: *Zweyer guter Freunde vertrauter Brief-Wechsel vom Wesen der Seelen*, edito, proposita, cujus jam antea mentionem fecimus. Nimirum homines sibi fingit anima destitutos; quod nos animam vocamus, pro facultatibus saltem ex Mechanismo resultantibus habet, Aristotelicorum *indixit*, quam PHILIPPUS MELANCHTON ipsam rei exaetificationem vocaverit, revocans, & hinc intelligendi pariter ac volendi, ut vocat, processum explicare allaborat; ut ex instituto a me ostensum, in *programme de Arabicorum haeresi in synagmate dissertation. theolog. pag. 742.* Tandem nec DODWELLUS hic est praetermittendus, vir ceteroquin eruditissimus, qui, animam itidem per naturam suam mortalem esse, statuit, sed immortalitatem tamen aut ex libero Dei arbitrio ad poenam, aut ex gratia Dei per Baptismum, consequi; simul tamen solis Episcopis, quales agnoscit Ecclesia Anglicana, potestatem, Spiritum divinum, immortalitatis auctorem, conferendi, vindicat. Ipse titulus libri, lingua Anglicana anno M DCC vi Londini editi, mentem ejus plenius indicat: *Discursus Epistolarius, probans ex scripturis & patribus primitivae Ecclesiae, quod anima sit principium naturaliter mortale, sed immortale reddendum, vel per merum Dei arbitrium, ut puniatur; vel per illius cum divino Spiritu Baptismali unionem, ut praemium accipiat, ubi simul ostenditur, neminem post Apostolos habere potestatem dandi Spiritum divinum immortalizantem, nisi Episcopos.* Summa ejus exhibetur in *actis eruditorum Lips. ann. M DCC VII. mens. Majo pag. 207. seqq.* Quae quidem Viri docti sententia uti & impia est, revera animae humanae immortalitatem evertens & ridicula, ita merito a SAM. CLARCKIO, TH. MILLIO, aliisque in Anglia fuit confutata. Id me satis capere non posse, fateor, quod animam hominis naturam mortalem esse docet, nec tamen eam vult esse materialem; item dissoluto corpore in auram reverti, nec tamen cum eo perire. Cuncta, quae hactenus, varias Philosophorum de immortalitate enumerando sententias, diximus, eo pertinent, ut fundamenta erroris impii, deinceps evertenda, eo rectius intelligantur. Haec vero, ut summam rem omnem complectamur, eo redeunt, 1) animam tandem in essentiam Dei aut animam mundi redire; quae est sententia Aegyptiorum, Orientalium, Pythagoraeorum, Platoniorum & Stoicorum; quanquam in eo discrimen aliquod admittendum sit, quod nonnulli eam in essentiam Dei reverti velint, ut Stoici aliique; alii in animam mundi, quam a Deo supremo distinguunt, eas abire, ut Platonici; 2) animam nihil aliud esse, quam corpus subtilissimum, post corporis mortem iterum dissolvendum, quae est sententia Epicuraeorum, omniumque, qui cum illis faciunt; 3) unicum tantum numero omnium hominum esse intellectum, quae est sententia Averrois, & ut probabile, ipsius Aristotelis, certe quorundam Aristotelicorum; 4)

animam denique esse qualitatem quandam, seu virtutem ex materiae dispositione ortam, & cum ejus destructione cessantem; quorsum Dicaeachi, W. Cowardi, aliorumque, sententia tendit. Haec vero omnia quam lubrica sint, in sequentibus ostendemus. (99)

- (94) *Qui animas cum corpore resuscitandas esse, easque proinde cum corpore otari credunt, & mortis speciem subire, haud multum absunt ab iis, qui eas in sopore quodam post corporis obitum versari opinantur, usque dum denuo conjungentur cum eo resuscitato: si, scilicet, mentis essentia consisteret in perpetua cogitationum serie, sive in cogitandi actuositate, seu in cogitare, quemadmodum nonnulli voluerunt, sed cujus contrarium patebis in seqq., mens non cogitans, & in sopore constituta est non-ens; & idem fere est, ac si moriente corpore annihilaretur, & de novo ex nihilo educeretur omnipotentis rerum Domini jussu. Dico fere, quia post soporem in memoriam revocare fortassis posset nonnulla saltem eorum, quae in hac vita peregit, vel passa fuit; quod non obtineret, si annihilaretur & dein reproduceretur, cum sic cessaret personalitas ejusdemque (uti loquuntur Scholastici) identitas. Vid. infra Cap. VII. §. 2. Verum si vel mentis essentia, ejusque facultas cogitandi maneret integra, dum hanc facultatem actu non exercet, non tamen somnus ille vel sopor animarum a Christiano Philosopho posset admitti, licet ingeniose pro eo disputaverit Burnetus de Statu Mort. Cap. 4.; rationes vero contra illum militantes adduxisse, hujus non est loci, utpote ex Revelatione unice hauriendas.*

- (95) *Ipse Cl. Buldeus hoc revocavit in nova editione hujus laudati opusculi pag. 85.; neque verba Josephi l. c. id necessario inferunt; cum ~~παρὰ τὸν αἶμα τοῦ σώματος~~ non notet migrare animas ab uno corpore in aliud & iterum in aliud; sed significare possit, eas migrare ex corpore mortali in corpus gloriosum. Attamen ab altera parte, licet resurrectionem mortuorum, tum piorum, tum impiorum crediderint, transmigrationis animarum posset cum illo dogmate quodammodo conciliari; neque Josephus de resurrectione, aut de transmutatione corporis terreni in gloriosum ullo modo disserit, sed de statu animarum statim post mortem. Adjicit aliud argumentum Cl. Bruckerus Hist. Crit. Philos. Tom. 2. p. 754., nim. quod non tantum varii fuerint inter Judaeos, qui ~~μετεμψύχων~~ crediderunt, verum etiam quod Rabbanitae, qui Pharisaeorum genuini erant discipuli & affectae, illud dogma propugnaverint.*

- (96) *Hoc egregie expressit Cardinalis de Polignac in Antilucet. Lib. V. vs. 1047. seqq.*

Tan-



Tantus amor nihili, tanta est vecordia; solum hoc  
Permetuunt coeci, ne Mens, compage soluta,  
Duret adhuc nimium vivax, bustoque superstes  
Evolet: hoc cupiunt unum, ut cum corpore vitam  
Ponat, & in ventos tenuis velur aura recedat.

- (97) *Multum diuque disputatum fuit de vera Aristolis opinione circa Mentis immortalitatem; praecipuus ejus locus (qui occurrit de Gener. Anim. l. 2. C. 3. pag. m. .) lucem demum accepit a Cl. Moshemio ad Cudworthi Syst. Intell. pag. 1172. seq., qui docuit, non tantum ex eo demonstrari non posse, cum immortalitatem animae agnovisse, sed potius contrarium exinde probabile reddi; quod robur accipit ex Ethic. ad Nicomach. L. 3. Cap. 9., ubi dicit, nihil omnium rerum terribilius esse morte, cum omnium rerum sit extremum; nihilque, adjicit, reliquum esse mortuo videtur, neque bonum, neque malum.*
- (98) *Demonstravit quidem Cartesius Medit. VI. & Epist. Part. II. Epist. 56. mentem esse immaterialem, verum exinde tantum sequitur, eam dissolvi non posse in partes; non vero eam esse immortalem, ita ut, a corpore separata, conscientiam sui, & rerum praeteritarum memoriam retineat: ut hoc evincatur, altius est ascendendum, & ex consideratione Divinarum perfectionum petenda est demonstratio, quemadmodum videbimus infra Cap. VII. §. 2.*
- (99) *Intèr recentiores, qui sine pudore immortalitatem animae riserunt, est la Mettrie l'Hist. Naturelle de l'Âme (in cujus titulo ponitur Participem Icthi quoque convenit esse) pag. 328. seqq. ubi inquit: j'avoue moi-même, que toute ma Philosophie ne m'empêche pas, de regarder la mort comme la plus triste nécessité de la Nature, dont je voudrois pour jamais perdre l'affligeante idée: Egregius sane Philosophiae Cultor, si vera Philosophia sit meditatio mortis! & quid sibi velit, satis manifestum est ex carmine Abbatis de Chaulieu, quod suum facit, cujus ultima verba:*

Et plein d'une douce esperance  
Je mourrai dans la confiance  
Au sortir de ce triste lieu,  
De trouver un asyle, une retraite sure  
Ou dans le sein de la Nature  
Ou bien dans les bras de mon Dieu.

*ac tandem adjiecit: Cependant je cesse d'être en quelque sorte, toutes les fois que je pense, que je ne serai plus Conferenda sunt ea, quae scripsit impudentissimus Auctor l'Homme Machine, pag. 106.*

## §. III.

Sequitur tertium dogma, Spirituum sive Angelorum bonorumque malorumque negata existentia. Certe, qui Atheismi sui in eo collocant fundamentum, non alias, praeter corpora, dari substantias, Angelos seu Spiritus admittere nequeunt. Unde, qui Spirituum ejusmodi existentiam negant, etsi ideo non statim pro Atheis habendi sint, ejusmodi quid docent, quod ad Atheismum ducit. (100) Sunt equidem, qui putant, Atheos quosdam Spiritus admittere posse, adeo ut Athei esse non desinant, etsi certo quodam sensu Spiritus ab anima hominis distinctos statuunt; sed tamen, si rem omnem paulo accuratius consideremus, a receptis & genuinis notionibus recedendo, fucum saltem eos facere imperitioribusprehendemus. Hinc vero, quo usque spectra, magos, fagas, admittere queant, dijudicandum. \*

- (100) *Ex duplici fonte profluere potest negatio Spirituum, si per eos cum Auctore intelligamus angelos bonos malosque; vel, scilicet, quia non agnoscitur Revelationis veritas & divina origo, qua negata, etiam Angelorum existentia negabitur, utpote ex naturae lumine non demonstranda, adeoque Naturalista, qui nondum est Atheus, hanc agnoscere detrectabit; vel quia nullae admittuntur substantiae incorporeae, ita ut & ipse Deus esset corporeus, quales inter Atheos secundi ordinis possunt numerari. Quilibet igitur, qui substantiarum omnium incorporearum existentiam negat, sine injuria Atheus potest haberi, sed non, vicissim, omnis Atheus existentiam entium spiritualium a mentibus humanis diversorum, necessario negabit: ipsum systema Spinosa admittere posset animas, sive entia cogitantia a mentibus nostris distinctas, tanquam modificationes cogitationis, quam inter attributa Dei numerat.*

• Ut

\* Ut Atheorum, de Spirituum finitorum existentia, & operationibus, opiniones eo rectius intelligantur, diversa iterum Philosophorum consideranda sunt systemata. In gente Ebraea veram & genuinam de Spiritibus creatis, seu Angelis, doctrinam viguisse, Scriptura sacra nos dubitare non sinit. Corrupta tamen deinceps apud eos & haec doctrina fuit, Sadducaei quidem, Angelorum ac Spirituum omnium existentiam negantibus, ut ex *Actor. XIII. 8.* (101) constat, aliis autem ex eadem gente, de Angelorum nominibus, potestate, operationibus, talia comminiscuntibus, aut a Gentilibus conficta assumentibus, quae ad summam superstitionem, immo & ad magiam ducerent; quorsum & illud pertinet, quod nonnulli ex recentioribus, Angelis corpora subtilia tribuunt. (102) Dictum hac de re in *introduc. ad histor. philos. Ebr. p. 67. 333. 343. seqq.* Aegyptios, Chaldaeos, aliosque gentium Orientalium Philosophos, spiritus daemonesque credidisse, nemini temere ignotum esse potest. Legenda saltem, quae de Chaldaeis congescit THOMAS STANLEJUS, in *histor. philos. lib. XIII. sect. II. cap. IX. pag. 1127.* Pythagoras, qui plurima ab Aegyptiis aliisque gentibus barbaris accepit, totum aërem plenum esse animarum, tradidit, easque & daemones & heroas existimari, atque ab his hominibus immitti somnia, & signa morbi & sanitatis, neque solum hominibus, verum & pecudibus & jumentis; atque ad has referri lustrationes, & expiationes, divinationemque omnem, & vaticinia & cetera id genus; ut auctor est PROGENES LAERTIUS, *lib. VIII. sect. XXXII. pag. 514.* Platonicos itidem varia daemonum statuisse genera, notius est, quam ut a me moneri debeat. Id saltem observamus, omnes istos philosophos, qui rerum omnium, speciatim animarum emanationem ex essentia divina statuebant, sine omni difficultate spiritus finitos, seu daemones, admittere potuisse. Si enim animae humanae ex essentia Dei, aut anima mundi, emanarunt, cur non & alii spiritus? Plerique tamen, praesertim & Platonici, corpora subtiliora, saltem ceu vehicula, aequae ac animabus hominum, iis tribuebant. Lectu digna sunt, quae hac de re disserit PETRUS GASSENDUS, *syntagm. philos. Epic. sect. II. cap. VI. pag. 301. seqq.* Ista autem cum Pythagoracorum ac Platoniorum de spiritibus fuerit sententia, nemo mirabitur, quosdam illorum in magiae suspicionem venisse. (103) Cum vero hypothesis de rerum omnium ex essentia Divina emanatione ad Spinozismum ducere haud immerito credatur, patet ex dictis, posse aliquem ejusmodi hypothesin fovere, qui nihilofecius spiritus seu daemones statuit, etsi utique non eo sensu, quo nos id facimus. Qui non alias, quam corporeas, aut materiales substantias ex veteribus admittebant, non poterant non spirituum & existentiam & operationes negare. Hinc EPICURUS eos, qui genios sibi apparere commemorant, aut mentiri & fingere, aut melancholicos esse existimabat, talesque, ut aerumnosum corpus ipsis tum spenderat,

spendat, tum ad extraordinaria deflectat, imaginationem; vid. PETRUS GASSENDUS, *syntagm. philosophiae Epicureae* sect. II. cap. VI. pag. m. 295. De Aristotelis sententia, an spiritus finitos, seu daemones, crediderit, inter Viros doctos disputatum fuit. Credidisse, & quidem, quae Scripturae sacrae prorsus consentanea sint, de iis docuisse, persuadere lectoribus cupit JOANNES ZEISOLDUS, de *Aristotelis cum scriptura sacra consensu* &c. disputat. IV. pag. 107. & seqq. Et sane aliquid, intelligentias admisisse Aristotelem, notum est; idque nec aliud quid evincunt loca ejus a ZEISOLDO in medium allata. Intelligentias autem suas cum Aristoteles singulis orbibus praefecerit, easque necessario vinculo cum iis colligatas existimaverit, non posse eas eo loco, quo spiritus, angeli, daemones apud nos sunt, habere, manifestum est. (104) Idque recte etiam observatum GERHARDO JOANNI VOSSIO, de *idololatr. gentil. libr. II. cap. XLl.* Commemoratur equidem inter scripta Aristotelis a PLINIO, *lib. XXX. cap. I.* & DIOGENE LAERTIO, *prooem. sect. I.* liber *Μακρόν* seu *Μακρόν* dictus. Praeterquam vero, quod contenta ejus, cum non amplius extet, nobis ignota sint, ab aliis jam observatum, eum minus recte Aristoteli tribui; vid. AEGIDIUS MENAGIUS, ad *Diogenis Laërtii l. c.* Inter recentiores ipse BENEDICTUS DE SPINOZA se statim nobis offert, quem Spiritus finitos seu Angelos statuisse, ut non temere quis, cui doctrina ejus perspecta est, crediderit, ita etiam haud obscure hoc negat, quicquid de spectris seu spirituum apparitionibus refertur, in dubium vocans, *epist. LVI. LVIII. & LX.* Nihilofecius PETRUS BAEIUS in eam ingreditur sententiam, systema SPINOZAE sibi non constare, nisi spiritus seu daemones admittat; immo hosce dum negavit, ostendisse illum, quod suum ipsemet non satis intellexerit systema, adeoque, quid ex principiis a se positis deduci posset, ignoraverit. Cum enim res omnes creatas pro modificationibus saltem creatoris, hoc est, hujus universi habeat, fieri aliter non posse, quam ut cogitatio creatoris non tantum in homine, sed & in multis rebus aliis, iisque invisibilibus, fuerit modificata; unde sequatur, infinitum esse ejusmodi animalium numerum, quae ut cognitione, ita malitia hominem in tantum superent, in quantum hic iis canes & boves superat. Et hac etiam ratione explicat, quo pacto juxta idem systema anima hominis possit esse immortalis; immo quo pacto infernus possit admitti, seu ejusmodi animarum post mortem status, in quo variis cruciatibus sint obnoxiae. Si enim opponantur ejusmodi substantiae invisibiles, ex modificatione naturae hujus universi ortae, quarum magna sit potestas & malitia, fieri aliter vix posse, quam ut aliis ejusdem generis substantiis, quae iis resistere nequeant, mala plurima ab eis & infinitae immineant calamitates. Huc fere redeunt, quae hac de re disserit in *diction. histor. & crit. voc. Spinoza lit. M. & P. p. 2780. seqq.* Verum valde vercor, ne cuncta tandem in meram illusionem abeant, ut homines sibi per-

sau-

suadeant, Spinozistas posse admittere, animae humanae immortalitatem, Angelos, poenas infernales, cum tamen revera nihil horum admittant, quemadmodum nec Spinoza ipse admisit, ut ipsemet auctor doctissimus fatetur. Hoc vero ut eo evidentius pateat, observandum, in systemate Spinozae Spiritus proprie sic dictos, hoc est, substantias immateriales locum non invenire. Corrueret enim statim primum ejus principium, unicam tantum dari substantiam, si substantias diversi plane generis, materiales & immateriales admitteret. Ergo & non aliam, quam materialem homini tribuere potest animam, & si spiritus admitendi, tantum materiales erunt, hoc est, revera corpora, non spiritus. Eandem in finem & cogitationem ejusmodi affectionem esse statuit, quae una cum extensione in uno eodemque subjecto esse possit. (105) Neque quantum ego capio, secundum Spinozae systema dici potest, *cogitationem Creatoris* esse modificatam; sed dicendum potius, ipsam substantiam hujus universi, cujus duae affectiones sint, cogitatio & extensio, in rebus creatis diversimode esse modificatam. Quae modificatio uti in homine per ipsum corpus organicum facta est, aut fieri potuit, ita cur alia animae modificatio tribuenda sit, non video; certe ipse Spinoza haud dubio non tribuit. (106) Sane quidem nihil impedit, quo minus in corporibus invisibilibus idem fiat, nec tamen, quod fieri debeat, sequitur; multo minus, si fiat, Spiritus proprie sic dicti inde existent. Unde &, quid de inferno ex mente Spinozae, aut potius PETRI BAEII, censendum sit, patet. Practerquam enim quod talis infernus lubrico fundamento innititur, longe aliam huic voci aequae ac voci *Spiritus*, notionem tribuit; cunctaque saltem ad fucum aliis faciendum videntur esse comparata. Judicanda vero hinc etiam est quaestio, an ex Spirituum finitorum existentia probari possit existentia Dei; item an ex eo, quod aliquis neget, dari Spiritus finitos, tuto colligere liceat, eum esse Atheum. Utamque negat PETRUS BAEIIUS, *loc. cit.* item in *voc. Ruggeri pag. 2628*. Enim vero ad priorem quod attinet quaestionem, contra eos saltem Atheos, qui Atheismi sui fundamentum in eo collocant, quod nulli dentur spiritus, seu non aliae praeter materiam & corpora substantiae, argumentum hocce omnino plurimum valet. Si enim probatum fuerit, dari Spiritus creatos, proprie sic dictos, falsa est extra controversiam propositio contraria: nullas alias praeter corpora, seu res materiales, dari substantias. Militat quoque hocce argumentum contra Spinozam: si enim dantur Spiritus, hoc est substantiae toto genere a substantiis materialibus diversae, ergo falsum est, unicam tantum dari substantiam. (107) Ad alteram vero quaestionem quod attinet, sane fieri potest, ut quis Deum esse credat, qui creatorum spirituum existentiam negat: id quod vel Sadducaeorum exemplo constat. Interim tamen, quia ejusmodi homines sine omni causa argumentum istud nobis eripiunt, quo Athei-

smus everti certa ratione potest, non errabimus, si dicamus, hanc Tententiam favere Atheismo, & ad eum ducere. (108) Ut vero nunc reliquos etiam, qui Spirituum finitorum aut existentiam, aut operationes, in dubium vocarunt, paucis attingam. THOMAS HOBBIUS huc itidem referendum esse, satis constat. Certe, cum nullam aliam, quam corporcam substantiam, ut supra cap. I. §. XXVII. ostendimus, statuatur, Spiritibus, proprie sic dictis, locum concedere nequit. Nec dissimulat illud, sed laudi potius ducit auctor *vitae Hobbesii*, etsi simul addat, infimulatum eum a quibusdam, ac si spectra metueret: *Nec minus falso a quibusdam infimulatus est, tanquam solitudinem fugeret, spectra metuens & phantasmata, vana stultorum terculamenta, quae philosophiae suae lumine dissipaverat; pag. 108.* Intercedit vero hic iterum PETRUS BAEIUS, & metueret Hobbesium spectra potuisse, putat, etsi vel maxime fuerit Atheus, aut omnino existentiam Spirituum negaverit. Nihil enim obstat, quo minus plurimae dentur substantiae invisibiles, malignae, quae hominibus male cupiant. Quodsi etiam hoc non admittatur, tantam imaginationis vim esse, ut homini, qui spectra non credit, nihilofecius metus aliquis ob spectra incuti queat; *diction. histor. crit. voc. Hobbes, pag. 1574. (109)* Verum de priori quid sentiendum sit, antea exposuimus. Ad posterius quod attinet, pauci erunt, qui credent, dignum tanto philosopho fuisse, quantus Hobbesius videri voluit, imaginationis potius, quam rationis (ex ipsius saltem persuasione) imperio regi. Sed hoc *de iis, in quibus*. Praetermittendus vero hic nobis non est BALTHASAR BECKERUS, quo nemo temere majorem in doctrina de Spiritibus, recentiori aetate, strepitum dedit. Editio namque Leowardiae anno M DC XCI. belgica lingua libro, cui titulum fecit, *mundus fascinatus*, in id omnes ingenii vires intendit, ut infernalem genium ex hocce mundo relegaret, & ab hominum negotiis procul amoveret; immo ut generatim spiritibus (quorum se non vult videri negari existentiam) vim omnem in corpus agendi, aut similes effectus produculendi, abjudicaret. In quem errorem ut notio *spiritus*, quam ex Cartesiana philosophia hausit, qua essentia ejus in cogitatione constituitur, eum induxisse videtur (110), ita majorine studio, incertum, an impudentia, luculentissima Scripturae oracula mirum in modum pervertere, & in alienum detorquere sensum, ausus est. In compendio praecipua ejus fundamenta, cum eorum refutatione, exhibui, in *elementis philosophiae theoreticae, part. VI. cap. II. pag. 339. seqq.* Extiterunt plurimi, qui Beckerum ex instituto refutarunt, quos inter praecipue commendari solent JOANNES AALSTIUS, & PAULUS STEENWINCKELIUS, in libro, belgico idiomate, sub titulo: *Zedige Aenmerkingen*, contra Beckerum anno M DC XCIII edito. Reliquos, qui contra eum scripserunt, laudat ZACHARIAS GRAPTIUS, in *theologia recens controversa, continuata, cap. II. quaeft. IX. pag. 81. seqq.* ubi illos &

com-

commemoratur, qui post Beckerum Spirituum existentiam, aut operationes, diversa quidem ratione, in dubium vocare ausi sunt. Varias etiam auctorum veterum ac recentiorum de Spiritibus & eorum operationibus, speciatim de spectris, & magia, sententias, diligenter collectis; exhibet CAROL. FRIDER. ROMANUS, in *schediasmate polemico, expendente quaestionem, an dentur spectra, magi & sagae*. Fundamenta praecipua eorum, qui aut existentiam, aut operationes spirituum negant, uti ex haecenus dictis facile intelliguntur, ita huc fere redeunt: non dari alias substantias, praeter materiales; nihil ob stare, quo minus & substantia materialis, seu corpus, cogitet; quod si substantia quidem materiae expertis, seu spiritus detur, essentiam ejus consistere in cogitatione, adeoque non posse concipi, quo pacto in materiam agat; quicquid de Spirituum apparitionibus, spectris, magia, &c. narratur, pro commentis otiosorum hominum, aut anilibus fabulis, esse habendum, &c. (111) Quae omnia in sequentibus sub examen revocabimus.

- (101) Sadducaei tamen admittebant credebantque Moysi scripta, in quibus creberrima est Angelorum mentio: unde nonnulli voluerunt, vocabula Act XXII: 8. *μὲν ἄγγελοι* esse glossema, quod tractu temporis in ipsum textum irrepserit; ita ut simpliciter legendam sit *Σαδδουκαῖοι λέγουσι μὴ εἶναι δύναμις μὲν πνεύματος*; eaque suspicio roborari videtur verbis sequentibus *φασκεῖν δὲ ἰσχυροῦν τὰ ἀμφοτέρω*, quod innuere videtur, tantum agi de duobus, non de tribus dogmatibus. Fatendum quidem, vocabulum *ἀμφοτέρω* nihil demonstrare, tum quia respicere potuit Lucas ad duo tantum dogmata; ita ut negatio & Angeli & Spiritus habeatur pro uno eodemque dogmate, quod duplici respectu erroneum est; tum quia non est inusitatum apud Graecos, illud vocabulum spectare ad ternarium rerum in antecedentibus memoratarum numerum, quemadmodum docuit Cl. Wesselingus apud Cl. Ode in *Comment. de Angelis* Sect. 2. Cap. 1. § 2. Attamen manet scrupulus, qualis fuerat in initio; nec eximi potest, nisi cum Vossio Theol. Gent. Lib. 1. Cap. 6. & Markio in *Medulla Theol.* Cap. 9. § 3. statuiamus, Sadducaeos permanentem Angelorum existentiam post factas apparitiones, vel post absolutas operationes non admisisse.

- (102) Notum est, Cl. Joh. Christ. Loërsium, in *Dissert. de Corporibus Angelorum, sententiam, quae, Angelicas mentes cum subtilibus corporibus perpetuo esse unitas, statuit, revocasse, & novis roborasse argumentis, quae a specie non destituuntur, quaeque ad examen sunt revocata a Cl. Ode l. c. Sect. 3. Cap. 1. §. 24-34. an ubique aequè feliciter, nunc non disquirō.*

- (103) *Quinam apud Veteres Gentiles Angelorum, Daemonumve existentiam agnoverint, & quomodo ad illam notitiam pervenerint, fuse disquirat Cl. Ode l. c. Sect. II. Cap. 3. pag. 237-271. conf. Pfannerus in Syst. Theol. Gent. Cap. 6. & Moshemius ad Cudworth. pag. 834. seqq.*
- (104) *Vid. Moshemius ad Cudworthi Syst. Intell. pag. 491. seqq.*
- (105) *Non magis in Systemate Spinosano admittuntur Spiritus materiales, quam corpora Spiritualia; non magis cogitatio inter infinita attributa, quae unicae substantiae competunt, eminet supra extensionem, quam extensio supra cogitationem, cum & cogitatio & extensio infinitam Dei essentiam expriment.*
- (106) *Secundum Spinosam (Eth. Part. II. prop. 1.) Cogitatio est attributum Dei; hoc attributum Dei, haec Dei cogitatio est modificata proinde in essentia hominis; nam dicit Part. II. Prop. X. in Coroll. Hinc sequitur, essentiam hominis constitui a certis Dei attributorum modificationibus. Non recte igitur Cl. Buddeus a se invicem distinguit, quae revera coincidunt, vel non recte mentem Spinosae percepit; quatenus modificationes non directe pertinent ad illam unicam Spinosae substantiam, sed ad istius substantiae attributa.*
- (107) *Totius controversiae status in eo maxime est repositus, an entia cogitantia, qualia sunt mentes humanae, sint substantiae cogitantes; quamlibet mentem humanam existere & in sua existentia perseverare absque ope alterius rei finitae, salvo suo Systemate, concedere potuit Spinosae; sed tamen eandem esse substantiam cogitantem negare debet; ideoque in seqq. praecipue demonstrandum erit, ipsum fallacem deesse substantiae definitionem.*
- (108) *Potest quis Deum credere, qui tamen non persuasus est, de immaterialitate mentis, vel qui existimat usque adeo nobis ignotam esse naturam tum mentis, tum corporis, ut determinare non liceat, an non Deus materiae superaddiderit facultatem cogitandi, licet haec ex nobis perspectis materiae attributis profuere non videatur; erroneam esse hanc opinionem demonstrabitur quidem Cap. VII. §. 2. sed nondum asseverare licet, illam ad Atheismum ducere; saltem potentiam Divinam infinitam supponit, quamvis simul, eandem ad contradictoria sese exporrigere, tacite agnoscat.*
- (109) *Eo usque procedit Bayle l. c. lit. N, ut statuatur, nullos dari Philosophos, qui minori jure Magiam & artes Diabolicas, sive (uti loquitur*

Ho-



Horatius *Lib. II. Epist. II.*) somnia, terrores magicos, miracula, sagas, nocturnos lemiures, portentaque Thessala rident, quam qui existentiam Dei negant. Hobbesius quidem, non dari substantias statuit a materia distinctas; sed entia dari possunt menti nostrae similia, quae malitia sunt insignia. Uti corpuscula sunt, quae excitant in nobis, secundum systema Hobbesianum, cogitationes & inclinationes malas, aliisque noxias; sic etiam in aëre istius indolis corpuscula versari possunt, quae norunt, quomodo cerebrum nostrum sit adficiendum, ut spectra a nobis videantur. Et certe, si eo stupiditatis progrediatur aliquis, ut in corpusculis quibusdam quaerat cum Epicuro & Lucretio cogitationum fontem, etiam facile spectra & Lemures formabit ipse ex corpusculis in aëre volitantibus. Verum non video, quo fundamento asseruerit Bayle, Atheos minori jure Magiam, &c. rejicere, quam alii, qui de existentia Dei sunt certi; nisi respexerit ad beneficam divinae providentiae directionem, quae avertat & impediat malas Daemonum artes, ita ut, posita Dei existentia, fraenum iniiciatur eorum malitiae.

- (110) Licet erraverint Cartesius ejusque affectae, mentis, vel in genere, cujuscurque intelligentiae essentiam in cogitatione, seu cogitandi actusitate constituentes, non tamen necessarius inter hanc sententiam atque inter illam Bekkeri datur nexus. Si enim ideo non possit concipi, quo pacto Spiritus, cujus essentia in sola cogitatione consistit, in materiam agat, & propter hanc ignorantiam nostram infernalis Genii ex hoc mundo esset relegandus, eodem jure operationes mentium humanarum in sua corpora inter fabulas numerare potuisset, imo debuisset Bekkerus. Dantur certe plurimi, qui in hac Cartesiana sententia versantur, & tamen systema influxus Physici agnoscunt; imo licet systema causarum occasionalium soverit Cartesianus, tamen operationes infernalis Genii ejusque sociorum vel ministrorum potuisset admittere, aequae ac illas, quae a malis hominibus proficiuntur. Imo aliae fuerunt Beckero rationes in sequentibus memorandae & revocandae ad examen, quae ab illis etiam possent adhiberi, qui essentiam spiritus in cogitatione repositam esse negant: ne dicam, illos, qui, facultatem vel actusitatem cogitandi alicui subiecto nobis incognito inhaerere, judicant, non multum proficere in explicatione operationum, quae a spiritibus, ab Angelis bonis malisque eduntur, nisi supponere velint, illud subiectum propius accedere ad naturam corporum, quam ipsae cogitationes, quae ex illo subiecto procedunt, vel saltem, illud cum corpore, aut cum extensione habere aliquid commune.

- (111) Chr. Thomaeus in variis scriptis ansam quibusdam praebuit suspicandi, ac si eadem in sententia versaretur cum Bekkero; sed falso cum esse

*accusatum, manifestum fit ex ipsis Theſibus de Crimine Magiae, ubi §. 6. expreſſe dicit: arbitramur, dari diabolum extra hominem, eumque ab extra intrinſece tamen & inviſibiliter operari in hominibus improbis; ſed, addit, (quod multis diſplicuit) negamus, dari Sagas & Magos, pacta cum diabolo ineuntes, quin potius arbitramur, hanc fabulam ex Judaismo, Gentiliſmo & Papiſmo conſtatam eſſe, &c. an vero hocce aſſertum ſatis cum Revelatione conſpiret, nunc non diſquiram; dantur ſaltem inter vere Orthodoxos, qui iſtiusmodi pacta, ſerioribus ævis inita, rident, eorumque vix ulla exempla in Hiſtoria ſacra reperire valent; niſi ſorte excipiantur Magi Aegyptiaci, & Mulier Endoræa, de quibus diſputatur inter Eruditos. Conf. Cap. VII. §. 3.*

## §. I V.

Vaticinia ſeu prædictiones de rebus futuris, iisque mere fortuitis, ut argumentum pro Numinis exiſtentia firmiſſimum præbent; ita Atheis haud immerito favere creduntur, qui iſta aut in dubium vocant, aut cauſas quasdam naturales, inepte tamen prorfus atque irritò conatu, illis aſſignare annuntunt. Ipſos namque Atheos, immo & eos, qui Divinam providentiam negant, vaticinia ejusmodi non admittere, res ipſa docet. \*

- \* Quae de rebus futuris eduntur vaticinia, non ſunt ejusdem generis. De iis, quae cauſarum, ex quibus certi non poſſunt non effectus conſequi, notitia, aut conjecturis quibusdam nituntur, nobis nunc ſermo non eſt. Multo minus de iis, quae fallaces ac ſuperſtitioſas artes divinatorias, aut omnino impoſturas hominum, pro fundamento habent. Namque de iis nobis ſermo eſt, quibus eventus revera reſpondet, & quae tamen vim mentis humanæ prorfus ſuperant. Haec autem iterum duplicis ſunt generis. Nonnulla namque humanæ mentis vim equidem ſuperant, ſed in ſpiritus tamen creatos, quorum longe amplior, quam hominum, eſt cognitio, cadunt; alia autem, de rebus ſcilicet mere contingentibus, omnium etiam ſpirituum vim ſuperant, & a ſolo Deo; cui etiam fortuita quævis perſpecta ſunt, proficiſci poſſunt. Poſterioris generis vaticinia Atheis; prioris, illis etiam recte opponuntur, qui ſpirituum creatorum exiſtentiam negant. Facile hinc conſpicere licet, diverſas Philoſophorum de vaticiniis atque divinatione fuiſſe

fuisse sententias, prouti de ipsa, aut Dei, aut Spirituum existentia, ac operationibus, in diversas partes abierunt. Observatum id jam TULLIO fuit, quem hac de re audire juvabit. Philosophorum vero, inquit, exquisita quaedam argumenta, cur esset vera divinatio, collecta sunt, e quibus, ut de antiquissimis loquar, Colophonius Xenophanes, unus, qui deos esse, diceret, divinationem funditus sustulit. Reliqui vero omnes praeter Epicurum, balbutientem de natura deorum, divinationem probaverunt, sed non uno modo. Nam cum Socrates omnesque Socratici, Zenoque, & hi, qui ab eo essent profecti, manerent in antiquorum philosophorum sententia, vetere Academia, & Peripateticis consentientibus, cumque huic rei magnam auctoritatem Pythagoras jam ante tribuisset, qui etiam ipse augur vellet esse, plurimisque locis gravis auctor Democritus, praesensionem rerum futurarum comprobaret, Diacarchus Peripateticus cetera divinationis genera sustulit, somniorum & furoris reliquit; Cratippusque, familiaris noster, quem ego parem summis Peripateticis iudicio, iisdem rebus fidem tribuit, reliqua divinationis genera rejecit; de divinatione lib. I. p. m. 1204. Ex quibus quidem CICERONIS verbis discimus, reliquos Philosophos omnes, praeter Xenophanem & Epicurum, vaticinia seu praedictiones futurorum credidisse; ita tamen, ut nonnulli omnia praedictionum genera, alii quaedam tantum admitterent. Addendum vero, inter eos, qui praedictiones rerum futurarum admiserunt, nonnullos quidem earum causam ad Deum, seu genios vel daemones, reulisse, ut Pythagoraeos & Platonicos; alios autem vim quandam naturalem futura praedicendi hominibus insitam, asseruisse, quae modo in dormientibus, modo in furore percitis, accedentibus praesertim causis, vim hancce excitantibus, sese exereret, ut Stoicos, immo & Peripateticorum huc redibat sententia; saltem ex causis naturalibus facultatem omnem vaticinandi procedere, sibi persuadebant. Cum primis AMMONIUS hoc variis rationibus probare annisus est, quas refert PLUTARCHUS, de *des. oraculor.* tom. II. opp. pag. 196. ex quo eas repetit, pressiusque urget PETRUS PETITUS, de *Sybillis* lib. I. cap. VIII. pag. 30. seqq. de quo & deinceps erit dicendi locus. De Epicuro quod dixit CICERO, eum praedictiones omnes rejicere, & aliunde etiam constat, & alibi idem confirmat. Nihil, inquit, tam irridet Epicurus, quam praedictiones rerum futurarum; de *natura deorum* lib. II. pag. 1192. Et alibi: Doleo, Stoicos nostros Epicuraneis deridendi sui facultatem dedisse; non enim ignoras, quam ista derideant; lib. II. de *divin.* pag. 1230. Atque hoc est, quod etiam PLUTARCHUS dicit, Epicurorum fuisse *χαλιδονίης καὶ χίλωνος, jannas & risus, de orac. des.* tom. II. opp. pag. 429. Facile hinc etiam conjicere licet, quae Epicurorum de oraculis, de insomniis, de offensis, fuerit sententia; de qua tamen, qui plura cupit, PETRUM CASSENDUM adeat, *syntagm. philos. Epicur.* sect. II. cap. VI. pag. 297. seqq. In hisce vero omnibus rite

rite dijudicandis, caute incedendum esse, nemo temere negaverit. Etenim, si vaticinia praedictionesque futurorum, prout apud Gentiles se habebant, spectes, multas imposturas, mendacia, fragmenta, inanes vanasque persuasiones, intercessisse, nemo dubitaverit. Et haec quidem jure rejiciebant Epicuræi, Stoicosque talia promiscue defendentes, & superstitioni anili patrocinantes, merito cachinnis excipiebant. In eo tamen peccabant, quod omnes sine discrimine praedictiones, seu meras imposturas & fragmenta, rejiciebant; cum nihil obset, quo minus Deus futura revelare queat; & apud Ethnicos etiam quaedam praedictiones extarent, quae vim & cognitionem humana majorem omnino indicabant. (112) Quemadmodum autem hacce Epicuræorum sententia Atheismo mirifice favet, ita tamen nec Stoicorum, aliorumque, qui, naturalem hominibus inesse vaticinandi facultatem, contendebant, ullo modo admittenda. Immo haec non minus, quam illa, Atheis insignem usum praebet, cum per eam aequè, ac per priorè, argumentum a vaticiniis desumptum eludere queant. Proxime vero ad eam accedit sententia illorum, qui ad minimum naturalem dispositionem homini ad vaticinandum tribuunt, quam & calculo suo adprobat BENEDICTUS DE SPINOZA. Hominis namque temperamentum non tantum plurimum valere, contendit, ad prophetiam generatim consideratam, sed & pro ratione temperamenti variare prophetias. (113) *Nempe, si propheta, inquit, erat hilaris, ei revelebantur victoræ, pax, & quae porro homines ad laetitiam movent, tales enim similia saepius imaginari solent. Si contra tristis erat, bella, supplicia, & omnia mala ei revelabantur. Et sic, prout Propheta erat misericors, blandus, iracundus, eatenus magis aptus erat ad has, quam ad illas revelationes; quod exemplis etiam quibusdam, cumprimis Elisæi, qui musica ad vaticinandum excitari voluit, II. reg. III. 15. comprobare annuitur, in tract. theolog. polit. cap. II. pag. 18.* Immo imaginatio apud SPINOZAM in vaticiniis utramque facit paginam, ut dubitandum non sit, quin vaticinia pro mero imaginationis effectu habuerit. Hinc & eum, qui imaginatione non excellit, ad vaticinandum minime aptum esse, contendit, etsi ceteroquin mortalium sit sapientissimus. *Prophetas non fuisse perfectiore mente praeditos, diserte pronuntiat, sed quidem potentia vividius imaginandi, idque Scripturae narrationes abunde docere putat. De Salomone enim (ita pergit) constat, eum quidem sapientia, sed non dono prophetico, ceteros excelluisse. Prudentissimi etiam illi, Heman, Darda, Kalchol, Prophetæ non fuerunt, & contra homines rustici, & extra omnem disciplinam, immo mulierculæ etiam, ut Hagar, ancilla Abrahami, dono Prophetico fuerunt praeditæ. Quod etiam cum experientia & ratione convenit. Nam, qui maxime imaginatione pollent, minus apti sunt ad res pure intelligendum &c. loc. cit. pag. 15. (114)* Praeluserunt quodammodo hac in re Spinozæ nonnulli ex gentis Ebraeae docto-

doctoribus, immo ipse MOSES MAIMONIDES, in *moreh neuochim part. II. cap. XXXIII. XXXVI. & XXXVII.* dispositionem quandam naturalem in homine, ad recipiendum Prophetiae donum, requirentes, a quibus tamen non sine ratione dissentit R. IS ABARHANEL, ad I. *reg. III. fol. 110. col. 4. (115)* Nemo autem majori conatu, ampliorique cruditionis instructus adparatu hoc egit, quam PETRUS PETITUS, ab AMMONIO equidem aliisque, qui animam per se facultate futura praenoscendi instructam autumant, dissentiens, dispositionem tamen quandam naturalem ad indicationem futurorum, a Deo recipiendam, ei vindicans; de *Sybilla libr. I. cap. IX.* Sententiam ejus, itemque AMMONII, una cum rationibus, quibus uterque suam confirmare annisus est, exhibui, simulque confutavi, in dissertatione; *an naturali homines polleant vaticinandi facultate*, Halae Saxonum anno MDCXCIX habita; ut adeo, plura hac de re addere, operae non ducam esse pretium (116) Quemadmodum autem Spinoza & reliqui, qui aut naturalem vim vaticinandi, aut saltem dispositionem naturalem ad prophetiam homini tribuunt, Stoicorum & Peripateticorum in crustarunt sententiam, ita ad Epicuracos rursus accedunt, qui recentiore aetate oracula Gentilium, meris Sacerdotum fraudibus ac impolluris tribuenda, censuerunt, daemonis operationibus nullum prorsus locum relinquentes. Haud ultimum inter eos locum tenet ANTONIUS VAN DALE, de *oraculorum ethicorum origine atque auctoribus*, itemque in dissertatione, de *divinationibus Judaeorum idololatriis*, aliisque in locis. Hujus exemplum secutus est, & vestigia pressit vir doctissimus FONTENELLUS, in *historia oraculorum*, Gallice conscripta, omnes oraculorum praedictiones pro meris itidem imposturis habens. Utrumque refutavit Jesuita doctissimus P. BALTUS, dans la *reponse a l'histoire des oracles de Mr. de Fontenelle* Argentinae MDCCVII. Rectissima illi incedunt via, qui, multas intercedisse sacerdotum fraudes ac imposturas, fatentur; sed tamen quaedam ad daemonein omnino referenda esse, agnoscunt, ut auctor *des remarques sur le demelé qui est entre Mr. de Fontenelle & l'auteur de la reponse a l'histoire des oracles*; vid. JOANNIS CLERICI *biblioth. chois. tom. II. artic. II. pag. 180.* conferenda & quae diximus, in *histor. eccles. vet. testam. period. II. sect. I. ad §. XXXVI. pag. 788.* Ex hactenus dictis fundamenta etiam eorum, qui vaticinia, seu argumenta, quibus Numinis existentia probari queat, admittere nolunt, facile intelliguntur. (117) Ex parte Epicuraeorum sunt: Deum rerum humanarum nullam gerere curam; nullos dari spiritus, qui futura hominibus revelare queant; quicquid de praedictionibus, oraculis, vaticiniis, dicitur, inter aniles fabulas, figmenta, aut imposturas hominum, esse referendum; non posse etiam praedictionem futurorum contingentium conciliari cum libertate hominum, &c. Ex parte Stoicorum, eorumque, qui cum illis faciunt, illud praecipuum est, exempla pro-

stare vaticiniorum, quorum causa cum nec ad Deum, nec ad genium quendam referri queat, nihil amplius superesse, quam ut naturalis vaticinandi facultas hominibus tribuatur.

- (112) *Licet plurimi fuerint inter Gentiles, qui Diis suis futurorum praescientiam adjudicarent; licet fortassis exempla praedictionum apud eos exstent, quae cognitionem humanam majorem spirare videntur; attamen cum pleraeque earum erant sublestae fidei, & mille fraudes Sacerdotum, Augurum, Haruspicum in oraculis, praedictionibus, ominibus detegebantur a perspicacioribus, qui superstitione puerili non penitus a rectae rationis tramite abducebantur, non mirum, quod eorum plurimi, ad alteram partem prolapsi, nec justum tenere medium scientes, omnem praescientiam aut negaverint, aut revocaverint in dubium. Equidem praescientia arctissime est copulata cum perfectissima Dei natura, quemadmodum in seqq. patebit; verum expectari non poterat a Gentilibus, Revelationis lumine non collustratis, ut saniores foverent de divinis virtutibus conceptus, quam plurimi inter illos, qui, & naturali & supranaturali luce gaudentes, praescientiam rerum contingentium & a libera hominis determinatione pendentium, Deo adjudicare recusant, absque eo, quod sine injuria numerentur inter Atheos, vel inter illorum dogmatum fautores, quae ad Atheismum ducunt. Magis igitur hic in censum veniunt illi, qui, Christianam Religionem impugnaturi, Prophetias & dona Prophetica inter fabulas referunt, quos refutabit Cl. Auctor Cap. VII. §. 4.*

- (113) *Pro ratione temperamenti non variant Prophetiae, sed stylus variat, quo Prophetia est conscripta. Ingens sane est differentia inter cultissimum Jesaiae stylum, & inter simplicem illum Amosi: in illo conspiciendum sese praebet homo literatus, Regi ab adis, Aulicus, inter honoratos censendus; in Amosi stylo vestigia reperiuntur scriptoris humilioris, nec illustri prosapia, nec literarum cultu sese commendantis. Divina providentia miracula sine necessitate non multiplicavit, sed naturales ingenii dotes & conditionum diversitatem in suis Ministris sapientissime direxit, ut futurorum temporum fata vario, sed ubique decenti stylo praenuntiarent; sic verba Spinosae in Tract. Theol. Polit. C. 2. pag. 18. in se considerata nihil absurdi continent, ibi dicit: Si Propheta erat elegans, stylo etiam eleganti Dei mentem percipiebat: verum mox sese prodit venenum, quando addit: sin autem confusus, confuse. — Denique variabat Prophetia pro diversitate opinionum Prophetarum, &c.*

- (114) *Salomonem inter Prophetas referendum esse, negari nullo modo potest, non tantum propter Canticum Canticorum, in quo Ecclesiae fata de-*  
pingi

*pingi voluerunt plurimi Theologi; verum etiam propter colloquia, quae cum ipso Deo habuit.*

- (115) *De nullis Prophetarum demonstrari potest, illos peculiarem habuisse dispositionem, aut temperamento melancholico, vel atrabiliari fuisse indutos; contrarium certe absque temeritate conjicere possumus ex Caoticis, quibus incluserunt, atque futurorum temporum praenuntiarunt fata. Quantum vero a veritate aberraverit etiam heic loci Spinosa, Prophetias variasse pro temperamentorum varietate ex Mose, Jesaia, Jeremia, Daniele, &c. facile, si hujus loci esset, evincere liceret: audiamus tantum Witium Miscell. Sacr. Tom. 1. L. 1. C. 9. §. 16. Moïses, omnium mortalium mitissimus, instinctu divini Spiritus dirissimas minas & horrenda carmina populo Israelitico intonavit. Jesaias aequae laeta, ac tristia fata cecinit. Jeremias ille. moctus non minus felicem reditum ex captivitate Babylonica, quam captivitatem ipsam praedixit, &c.*
- (116) *Fuse hanc quaestionem pertractavit, & more suo, eruditissime pacis amantissimus Theologus, Cl. Witlius in Miscell. Sacris Tom. 1. Lib. 1. C. 8. Nulla certe ratio alicujus momenti proferri potest pro sententia eorum, qui futurorum scientiam, seu vaticinandi facultatem homini naturalem esse statuunt; licet effectus causarum naturalium aliquando quadam saltem cum probabilitate, & quasi per conjecturam praevideri queat; licet homines rerum humanarum peritissimi ex consideratione eorum, quae antea in similibus circumstantiis acciderunt, vel etiam ex inclinationum, quas in aliis hominibus per experientiam detexerunt, contemplatione, quid forte, positis quibusdam conditionibus, accidet, praenunciare possint: si quis hoc appellare velit vaticinandi facultatem, de verbis non litigabo. Sic Nepos in vita Attici Cap. 16. inquit, prudentiam esse quodammodo divinationem: non enim, addit, Cicero ea solum, quae vivo se acciderunt, futura praedixit, sed etiam, quae nunc usu veniunt, cecinit ut vates: attamen longe aliud quid hic per vaticinia intelligere debemus, si eorum negatio, ad Atheismum duceret; praenuntiatio futurorum, quae contingentia sunt, quae pendente plerumque a libera determinatione hominum, quae pertinent ad futurum inversionem, ad regnorum & rerum publicarum mutationem subitam & a prudentissimis mortalium non praevisam, est illa, quae heic loci in censum venit.*
- (117) *Licet ex Vaticiniis directe magis Veritas Revelationis, in qua occurrunt, quam existentia Dei demonstretur, attamen, seposita tantisper veritate Revelationis, Ens aliquod omniscium & omnipotens existere debere constabit certissime, si demonstrari possit, Vaticinia perspicua,*  
Y 2
ambi-

*ambiguam interpretationem non admittentia, diu ante eventum esse pro lata, eaque in omnibus circumstantiis eventui respondisse, etiamsi de talibus ageretur negotiis, quae humana sagacitate, longo rerum usu polita, praesciri non possunt. Si haecce requisita adsint, praescientia certa adesse debet in eo, qui vaticinia inspirat; debet adesse potentia, quae suo influxu operatur in causis liberis, quae omnia perrumpere obstacula valet, effectura ceteroquin, ut eventus non respondeat praedictioni.*

### S. V.

Quod de vaticiniis rerumque fortuitarum praedictionibus diximus, idem & de Miraculis nobis asserendum venit. Cum enim non modo Christianae religionis veritas, sed & Numinis existentia valide ex iis demonstrari queat, Atheos ea admittere non posse, manifestum est. Unde simul, quod eorum negatio inter dogmata cum Atheismo conjuncta, aut ad eum ducentia, recte referatur, patet. \*

\* Per Miraculum, si proprie & accurate loqui velimus, nihil aliud intelligi potest, quam ejusmodi operatio, qua revera naturae leges, quibus totius hujus universi ordo & conservatio innititur, suspenduntur. Quemadmodum itaque solus Deus, tanquam naturae auctor, istas naturae leges constituit; ita solus etiam eas suspendere, adeoque & solus miracula edere potest. Perinde autem est, siue immediate hoc Deus faciat, siue mediate per alios homines. Moses namque alique Prophetæ, qui miracula ediderunt, non ex sua potentia, sed ex facultate a Deo illis concessa, hoc fecerunt. Qui ergo miracula admittit, Deum quoque eorum auctorem admittat, necesse est. Sunt equidem, qui ab Angelis etiam miracula edi posse existimant, cum non constet, annon Deus iis potestatem naturae ordinem mutandi, saltem aliquando hoc faciendi, concesserit. Ita praeter alios JOANNES CLERICUS, in *dissert. de miraculis*, tractatui ejus de *incredulitate*, addita pag. 566. seqq. Cumque Vir ille Doctus facile videat, Atheis hac ratione arma, quibus argumentum, quod pro veritate Christianae religionis a miraculis ducitur, enervare queant, suppeditari, inde ut se expediat, in omnem se versat partem. (118) Verum istis ambagibus nobis opus non est, qui soli Deo facultatem edendi miracula vindicamus. Quantumvis enim Spirituum finitorum seu Angelorum, tum bonorum, tum malorum, potentia multo major sit, quam hominum, nobis etiam adeo certo



certo non constet, quibus ea limitibus circumscribatur, id tamen certum, leges, quibus totius naturae ordo innititur, ab iis mutari non posse, quippe quod solius Dei opus est. Per causarum equidem naturalium, & quidem occultarum, combinationem & directionem, efficere aliquod possunt, quod hominibus mirabile videatur; id vero nondum pro miraculo proprie sic dicto, habendum. Si excipias, incertum tamen ita & obscurum manere, quidnam pro miraculo, quid vero pro opere mirabili, quod hominum saltem, non autem Angelorum vires superet, sit habendum, ipsa exempla hocce tibi facile eximent dubium. Excitare homines mortuos, iisque vitam reddere; mare dividere, ut per ejus medium homines sicco pede transire queant; solis lunaeque cursum impedire, & quae his sunt similia, ita comparata sunt, ut coecum menteque destitutum esse oporteat, qui, vim ad haec requiri infinitam, non agnoscat. Si porro excipias, potuisse tamen Deum ejusmodi facultatem Angelis concedere, aequae ac eam quandoque hominibus concessit, nihil tamen obtines. Tum enim Angeli non propria, sed aliena virtute, hoc est Dei, talia perpetrant; adeoque firma manet assertio; miracula perpetrare solius Dei est; deinde probandum erit, Deum facultatem Angelis aliquando concessisse. Quamdiu dissentientes hoc firmiter solideque non demonstrant, tamdiu credendum, ipsum Deum absque ministerio Angeli miraculum perpetrasse. Accedit, quod, si aliquid hac exceptione obtinere velient, statuendum illis esset, Angelis malis etiam hanc facultatem esse concessam; quod cum directe cum bonitate, sapientia, & justitia Dei pugnet, ne dignum quidem est, cujus refutationi immoremur. Cum ergo positus miraculis non possit non inde consequi, Deum existere, Athei omnem lapidein movent, ut probent, nec contigisse miracula, nec contingere potuisse. (119) A posteriori ut incipiamus, eo tendunt, quae BENEDICTUS DE SPIROZA hac de re dixerit, qui in *tractatu theologico-politico de libertate philosophandi cap. VI. pag. 67. seqq.* ex instructo de miraculis verba facit. Cuncta autem ad quatuor revocat capita: 1) nihil contra naturam contingere, sed ipsam aeternum, fixum & immutabilem ordinem servare, & simul, quid per miraculum intelligendum sit; 2) Nos ex miraculis nec essentiam, nec existentiam, & consequenter nec providentiam Dei posse cognoscere, sed haec omnia longe melius percipi ex fixo, & immutabili naturae ordine; 3) Ex aliquot Scripturae exemplis se ostensurum, ipsam Scripturam per Dei decreta & volitiones, & consequenter per providentiam, nihil aliud intelligere, quam ipsum naturae ordinem, qui ex ejus aeternis legibus necessario sequitur; 4) denique, de modo miracula Scripturae interpretandi, & de iis, quae praecipue circa miraculorum narrationes notari debeant, se acturum. Haec omnia copiosissime edisserit, sed ita, ut cum stultiua summam animi malignitatem luculentissime prodant. Nos id saltem observamus, primi capitis, unde

reliqua pendent, demonstrationem eo redire, cum Deus & natura unum idemque sint, sequi, si Deus aliquid faceret contra naturae ordinem, facturum eum aliquid contra se ipsum, quod sit *admirabile*. Qua in demonstratione tamen Sophista ineptissimus petitionem principii committit: hoc enim probandum erat, perperamque supponitur, Deum & naturam unum idemque esse. PETRUS HÆLIUS ex ipsis Spinozae principiis hanc ejus sententiam refellere annititur, in *ditionar. histor. critic. voc. Spinoza lit. N. pag. 2781.* quae tamen aliis dijudicanda relinquimus. Quemadmodum autem omnia, quae Spinoza hac de re differit, ad fucum saltem incautis faciendum comparata sunt, ita id vel maxime ex definitione miraculi, quam tradit, patet. *Ex his itaque*, inquit, *clarissime sequitur, nomen miraculi non nisi respective ad hominum opiniones posse intelligi, & nihil aliud significare, quam opus, cujus causam naturalem exemplo alterius rei solitae explicare non possumus, vel saltem ipse non potest, qui miraculum scribit aut narrat.* Ejusmodi vero miracula non sunt miracula; adeoque hac definitione iterum nihil aliud homo impius agit, quam ut ostendat, nulla esse miracula. Quae si in sequentibus refutaverimus, corruet etiam sua sponte altera propositio, ex miraculis nec essentiam, nec existentiam, nec providentiam Divinam, demonstrari posse. De tertia & quarta propositione nihil addo, cum, quae ad utriusque demonstrationem in medium adfert, nihil aliud, quam audacissimam imprudentissimamque Scripturae perversionem contineant. Et ita illorum commemoravimus sententiam, qui, miracula fieri posse, negant. Altera, Atheis itidem favens, illorum est, qui, miracula facta, inficiantur. His cum Scripturae statim auctoritas opponi queat, nihil aliud superest, quam ut ausu impudentissimo eam in dubium vocent; aut illam ita interpretentur, ut, quae pro miraculis habentur, ita capiantur, ut nihil in iis, quod contra naturae ordinem sit, deprehendatur: Prius utique Atheorum impudentissimi faciunt, ut in sequentibus dicetur. Qui autem paulo cautius incedere volunt, posterius agunt. Documento esse possunt, historia everisionis Sodomae, atque Gomorrhæ; transitus Israelitarum per mare rubrum; (120) solis lunaeque ad Josuae preces inhibitus cursus, aliaque, quae nonnulli ita explicare attemptant, ut nullum in his omnibus miraculum agnoscat, uti passim a me in *historia Ecclesiastica veteris testamenti* observatum. Conferenda & quae ibi de miraculis in genere, speciatim de miraculis Moïsi dixi, ad *period. II. sect. I. §. V. pag. 511. seqq.*

- (118) *Pendet hujus controversiae decisio a definitione Miraculi: si definiamus Miraculum cum Cl. Buddco, adfirmare licet, solum Deum veri nominis miracula patrare posse. Idem est verissimum, si Miraculum dicamus opus potentiae divinae extraordinarium, quod non obtinuisse, si consuetum naturae ordinem, ab ipso Deo positum fuisset secuta, quod.*

quodque suam rationem sufficientem non habet repositam in viribus rerum creaturarum, sed unice in earum Creatore & Conservatore, Deo; quae est *Miraculi descriptio*, quam ipse dedi in Prim. lin. Theol. Nat. Theor. §. 105. Imo definitio Werensfeldii *Opusc. Tom. 1. pag. 93. idem innuit, secundum quam Miraculum est opus potentiae divinae extraordinarium, in sensus incurrens, admirationemque videntium excitans. Conf. Turretinus Diss. Theol. Vol. 2. Diss. 7. p. 174. seqq. & Hollman in Comment. de Miraculis, §. 14.*

*Verum si Miraculum definiamus cum Clarkio (de l'existence & des attributs de Dieu Tom. II. Chap. 19. pag. 373.) quod sit effectus consuetudinis naturae ordini contrarius, a natura quadam intelligente, quae viribus hominem superat, extra ordinem productus (un effet contraire au cours, ou a l'ordre accoutumé de la Nature, produit par l'intervention extraordinaire de quelque Etre Intelligent supérieur a l'homme) omnino concedendum, Miracula posse patrari ab entibus finitis. Si vero cum Cudwortho Syst. Intell. pag. 868. seqq. & Moshemio ad illum locum pag. 870. statuamus, malos genios potestatem habere talia faciendi opera, quae summam hominum admirationem excitant, speciemque ac formam miraculorum habent, multa quidem explicari possunt, quae in Sacra Historia occurrunt; veruntamen sic criteria requiruntur; ex quibus dignoscere licet, quanam opera vera sint miracula, quanam speciem formamque miraculorum habeant; cum id inter se habeant commune, quod summam hominum admirationem excitent, de quibus criteriis videri possunt Hollman l. c. §. 22. seqq. Turretin l. c. pag. 334. seqq. la Défense de la Religion Tom. V. pag. 148. seqq. conf. Werensfelds Opusc. Tom. I. pag. 97. seqq. Forsters Abhandlung über die Wunderwerke §. 56. seqq.*

- (119) Si admittamus Definitionem Cl. Werensfeldii, vel etiam meam, certissimum est, Miracula veri nominis non posse admitti ab Atheis; neque demonstratione hoc indiget, cum agere supponat esse: si Miraculum sit opus potentiae Divinae, etiam Ens existit infinitum, necessarium, cui illa potentia competit. Verum ex Definitione Buddei absque ulteriori deductione non liquet, positis miraculis, necessario sequi, Deum existere; cum quaeri possit, an suspensio naturae legum, quibus totius hujus universi ordo & conservatio innititur, sit operatio, quae Auctorem requirit Ens necessarium, liberum, ab ipso universo distinctum? ad quam quaestionem Spinoza negando responderet; & respondere hac ratione posset juxta absurdissimum suum systema, dicam, an fabularum farraginem; cum negaret, suspensionem aliquam legum naturalium hic obtinere, quoniam etiam phaenomena illa, quae mira-
- cu-

culosa dicuntur, ex natura rerum earumque fixo ordine fluant, licet nos determinare non possimus modum, quo continentur; ne mirum, cum undique nostram experiamur ignorantiam, quotiescunque phaenomena naturalia explicare, sive haec ex constantibus naturae legibus derivare conamur. Veruntamen sic non ex definitione peteretur ratiocinium, sed rejiceretur ipsa definitio, & uti Cl. Auctor recte notat, petitio principii manifestissima committeretur. Constat in sequentibus, ipsas Leges naturales a Deo solo esse latas, & non nisi ab ente aeterno & necessario, sed libero, proficisci potuisse; adeoque, earum suspensionem invito illo Ente accidere, sine summa absurditate statui nequit. Sic igitur definitio ipsa tum demum solidis fundamentis nititur, quando aliis argumentis Dei existentia est demonstrata; non vero inomentosissima haecce veritas satis recte probatur ex Miraculis; nec unquam eo stupiditatis deveniet Atheus, ut qualemcunque definitionem Miraculi admittat, sive illam Buddei, sive Werenfellii, &c. nisi sensu Spinoziano intelligatur.

- (120) Notum est, inter veteres ac recentiores etiam Christianos non defuisse, qui existimarunt, Moysen cum exercitu Israëlitico per Mare Rubrum, vel potius per ejus litora transiisse, cum a Pharaonis facie sugeret, recedente Mari, cujus tempus Moyses ad calculum revocaverat, qui Aegyptiis erat incognitus. Vid. de Algemeene Historie 2<sup>d</sup>. Deel pag. 610. seqq. Verum quam absurda, quam narrationi Mosaeicae, ac constitutioni Maris Rubri adversa sit haecce ad extenuandum, vel tollendum miraculum excogitata explicatio, docuerunt eruditissimi istius Historiae Scriptores. Conf. omnino la Chronologie de l'Histoire Sainte par Des-Vignoles Tom. I. p. 634. seqq. praesertim pag. 643-675. An autem Vir egregius rem acu ubique tetigerit, nunc non disquiram. Vid. etiam Shaw Voyages Tom. 2. pag. 31. seq. & Princip. Relig. Nat. & Revel. Tom. 2. pag. 86. seqq.

## §. V I.

Idem & de veritate Christianae religionis dicendum, quam impugnare, & omnibus; quibus possant, modis vocare in dubium, proprium Atheis, iisque valde solenne est. Viamque adeo ad Atheismum muniunt, qui idem quacunque ratione faciunt, etsi pro Atheis haberi nolint, aut in Naturalistarum referri classem malint. \*

\* Cum

- \* Cum nullam omnino religionem Athei admittant, cumprimis tamen ad Christianam impugnandam, aut convitiis proscindendam, omnes ingenii nervos intendunt; quod JUL. CAES. VANINI, aliorumque, de quibus *cap. I.* diximus, exemplo comprobari potest. Conspirant hac in re cum Atheis Naturalistae, nullam, quae revelatione quadam nitatur, religionem admittentes; adeoque arma Atheis, quibus Christianam religionem impugnent, suppeditando, viam simul ad Atheismum munientes. Exempli loco esse possunt, quae *Cap. I. §. XXVII.* de EDUARDO HERBERTO DE CHERBURI diximus. (121) Sed & Latitudinarii, quos vocant, si modo a Naturalistis eos distinguere fas est, & omnes illi, qui nulla in religione Christiana agnoscere mysteria volunt, in eandem referendi sunt classem, & in hocce certamine cum Atheis paria faciunt. Dixi de ejusmodi hominibus, in *praefatione parergis historico-theologicis* praemissa, *pag. 55. seqq.* Omnibus autem hisce exemplum praeiverunt Gentiles veteres, Christianam Religionem non tam impugnantes, quam convitiis proscindentes. Quas quidem illorum criminationes junctim exhibet atque confutat B. CHRISTIANUS KORTHOLTUS in *pagano obrectatore*. Praecipua etiam, quae Gentilium philosophi, quos inter cum JULIANO imperatore, agmen ducunt CELSUS atque PORPHYRIUS, Christianae religioni objecerunt, attigi & ita comparata esse ostendi, ut veritatem Christianae religionis confirmet potius, in *dissertatione de veritate Christianae religionis, philosophorum Gentilium obrectationibus confirmata*, quae extat in *syntagmate dissertationum theologicarum pag. 453. seqq.* Brevissima autem compendiosissimaque ad veritatem Christianae religionis labefactandam Atheis plerisque, & qui cum iis faciunt, videtur via, si ipsam Scripturae sacrae veritatem, divinamque auctoritatem, in dubium vocent. Hac de re autem cum in sequentibus plura dicenda sint, unum illud saltem observo, videri eos interdum Scripturae testimonium admittere, sed ita istud interpretari, ut fundamenta religionis Christianae, quantum in ipsis est, penitus convellant. Luculentissimum hujus rei specimen suppeditat BENEDICTUS DE SPINOZA, homo ex fraudibus & fallaciis totus compositus. Incarnationem enim Christi magnum <sup>†</sup> *Celsus peritiam* ita explicat, ut penitus tollat, & ita quoque Scripturam sacram, quam hoc ipso admittere videtur, interpretandam censet. Rogatus ab HENRICO OLDENBURGIO, ut de Jesu Christo mundi redemptore, & unico hominum mediatore, deque ejus incarnatione & satisfactione sententiam suam explicaret, *epist. XIX.* ipse ita respondet: *Ut de tertio etiam capite mentem meam clarius aperiam, dico, ad salutem non esse omnino necesse, Christum secundum carnem noscere* (ita homo callidissimus phrasi Paulina, in alienum eam detorquendo sensum, abutitur) *sed de aeterno illo Filio Dei, hoc est, Dei aeterna sapientia, quae sese in omnibus rebus, & maxime in mente huma-*

na, & omnium maxime in Christo Jesu manifestavit, longe aliter sentien-  
 dum. Nam nemo absque hac ad statum beatitudinis potest pervenire, ut-  
 pote quae sola docet, quid verum & falsum, bonum & malum sit. Et  
 quia, uti dixi, haec sapientia per Jesum Christum maxime manifesta  
 fuit, ideo ejus Discipuli eandem, quatenus ab ipso ipsis fuit revelata, praedi-  
 caverunt, seseque Spiritum illo Christi supra reliquos gloriari posse, ostende-  
 runt. Ceterum, quod quaedam Ecclesiae his addunt, quod Deus naturam  
 humanam assumeret, monui expresse, me, quid dicant, nescire; immo ut  
 verum fatear, non minus absurde mihi loqui videntur, quam si quis mihi  
 diceret, quod circulus naturam quadrati induerit; epist. XXI. pag. 450.  
 Hic aperte incarnationem Caristi, seu, quod Deus humanam naturam  
 assumeret, negat, seque nescire fateatur, quid dicant, qui istud asserunt;  
 immo non minus absurdum hoc esse putat, quam si quis dicat, circ-  
 lum naturam quadrati induisse. Quae autem Scriptura de Christo dicit,  
 ἀνθρώπου, interpretanda censet, de sapientia divina per Christum, ceu  
 merum hominem manifestata, ut scilicet secundum rationis ductum  
 quis sciat, quid verum, quid falsum, quid bonum, quidve malum sit.  
 Eodem spectant, quae epist. XXIII. pag. 455. hac de re in medium  
 proferunt. Loca, inquit, Evangelii Joannis & Epistolae ad Hebraeos iis,  
 quae dixi, repugnare credis, quia linguarum orientalium phrascs Europaeis  
 loquendi modis metiris, & quamvis Joannes suum Evangelium graece scrip-  
 serit, hebraizat tamen. Quicquid sit, an credis, quando scriptura ait,  
 quod Deus in nube sese manifestaverit, aut quod in Tabernaculo, vel in  
 Templo habitaverit, quod ipse Deus naturam nubis, Tabernaculi & Templi  
 assumeret? atqui hoc summum est, quod Christus de se ipso dixit, se scilicet  
 templum Dei esse, nimirum; quia, ut in meis praecedentibus dixi, Deus  
 sese maxime in Christo manifestavit, quod Joannes, ut efficacius exprime-  
 ret, dixit, verbum factum esse carnem. Consentiant &, quae in tractatu  
 Theologico-politico. c. I. p. 7. disserit. Non credo, inquit, ullum alium  
 ad tantam perfectionem supra alios pervenisse, praeter Christum; cui Dei  
 placita, quae homines ad salutem ducant, sine verbis, & visionibus, sed  
 immediate revelata sunt, adeo, ut Deus per mentem Christi sese Apostolis  
 manifestaverit, ut olim Moysi, mediante voce aërea. Et ideo vox Christi,  
 sicuti illa, quam Moyses audiebat, vox Dei vocari potest. Et hoc sensu  
 etiam dicere possumus, sapientiam Dei, hoc est, sapientiam, quae supra  
 humanam est, naturam humanam in Christo assumpsisse, & Christum viam  
 salutis fuisse. Nimirum, etsi impostor turpissimus incarnationem τῷ θεῷ  
 diserte neget, Christumque adeo pro mero homine habeat, qui per  
 praecepta de virtutibus sapientiam Dei hominibus manifestaverit (quod  
 iterum ex mente ipsius est intelligendum) nihilominus magnifice ad-  
 modum sentire de Christo, & multum in negotio salutis illi tribuere vult  
 videri. Ita callide caliginem imperitorum animis offundit. Atque hinc,  
 quae

quae ejus de resurrectione Christi, quae cum ejus incarnatione praecipuum Christianae religionis fundamentum constituit, sententia fuerit, haud difficulter colligitur, de qua *epist. XXIII. pag. 453.* agit. Nimirum, cum Christus non senatui, nec Pilato, nec cuiquam infidelium, sed Sanctis tantum adparuerit, colligit inde, resurrectionem ejus, spiritaliter, & ad caput fidelium esse exponendam. Cumque HENRICUS OLDENBURGIUS objiceret, circumstantias resurrectionis Christi tam luculenter ab Evangelistis esse descriptas, ut non possit non literaliter intelligi, *epist. XXIV. pag. 456.* respondet SPINOZA: Ceterum passionem, mortem & sepulturam tecum literaliter accipio, ejus autem resurrectionem allegorice. Fateor quidem, hanc etiam ab Evangelistis iis narrari circumstantiis, ut negare non possimus, ipsos Evangelistas credidisse, Christi corpus surrexisse, & ad coelum ascendisse, ut ad Dei dextram sederet, & quod ab infidelibus etiam potuisset videri, si una in iis locis adfuissent, in quibus ipse Christus Discipulis adparuit, in quo tamen salva Evangelii doctrina, potuerunt decipi, ut aliis etiam Prophetis contigit, &c. Non tantum itaque aperte resurrectionem Christi negat, sed eo usque impudentiae progreditur, ut Evangelistas, tot ejus circumstantias commemorantes, decipi potuisse, contendat. Nos impia haec deliria suo loco refutabimus: nunc illud saltem observamus, iisdem fere rationibus Spinozam Christi resurrectionem impugnare, quibus olim id fecit CELSUS, Epicuraeus, juratus Christiani nominis hostis, ut bene observatum B. CHRISTIANO KORTHOLTO, de tribus impostoribus *sect. III. §. XXXII. pag. 109.* Pari ratione idem impostor de aliis doctrinae Christianae capitibus subinde loquitur, ut, si verba spectes, ea adprobare videatur, sin sensum, ea penitus tollat atque evertat. Sed hoc ei cum Naturalistis, Latitudinariis, aliisque Rationalistis, quos vocant, fere commune est. Atque hi quidem ut occultius hoc pacto incedunt, fucum ut faciant incautis, ita alii levato velamine impietatem produnt, qui aperte & citra ambages Christianae religionis dogmata pro commentis meris atque fabulis habent, aut omnino omnes religionum, adeoque & Christianae, conditores in impostorum numerum referunt. Fuerunt nonnulli, qui speciatim ita de Mose sentirent, quos inter & JORDANUM BRUNUM atque NICOLAUM MACHIAVELLUM referendos esse jam a me observatum, in *histor. eccles. vet. testam. ad period. II. sect. I. §. XI. pag. 533. seqq.* Jungendus his JOANNES TOLANDUS, impietatis palinam nemini temere concedens. Cum enim de legumlatoribus dixisset, eos colloquia cum diis obtentui summis, adeoque fraudibus atque mendaciis auctoritatem legibus suis conciliasse, subjicit: Ita Delphis Lycurgus ab Apolline, & Minos a Jove in antro Diotaeo sua omnia didicisse, comminiscabantur, ut homines, nempe divina auctoritate devincti, legibus ab ipsis prolatis libentius obedirent. His atque similibus Moysen,

*Ebraeorum nomotheten assimilare non addubitat Diodorus Siculus; sed in hac Moysis cum aliis comparatione, multo adhuc copiosior est Strabo geographus; adeisidaem. pag. 8. Etli vero ex mente DIONORI atque STRABONIS hoc dicere videatur, quia tamen hoc non refellit, sed talia subinde adfert, ex quibus constat, STRABONIS auctoritatem ei pluris esse, quam Scripturam Sacram; ipsius quoque eandem hanc esse sententiam, prorsus dubitari nequit. Praecipua vero capita, quibus religionis Christianae veritas oppugnatur (si nunc seponas veritatem Scripturae, de qua deinceps) eo fere redeunt; falsa esse, nec ulio modo admittenda, quae ratio capere nequit; adeoque mysteria quaevis ex religione eliminanda; hinc & Scripturam ita interpretandam, ne in ea mysteria deprehendantur, aut prorsus rejiciendam; religiones omnes, quae revelatione nituntur, adeoque & Mosaicam pariter, ac Christianam, pro hominum callidorum commentis esse habendas; & quae reliqua sunt ejusdem generis.*

- (121) *Vix aliquem ex Naturalistis eligere potuisset Auctor, minori jure referendum inter illos, qui viam ad Atheismum sternere sunt conati, quam Herbertum de Cherbury; ipsa Kortholti verba a Budeo allata id manifesto docent. Attamen si plerorumque Naturalistarum scripta examinemus, deprehendimus, ea teterrimum odium spirare contra Religionem Christianam; quam tamen cum rationis placitis convenientissimam atque adeo rationalem esse, demonstratu est facillimum. Negant Revelationis veritatem divinamque originem; rejiciunt omnia fidei mysteria, tanquam inutilia & absurda; miracula tanquam conficta; vaticinia tanquam non impleta, & ex melancholico temperamento nata, omnium risui exponere satagunt. Dum autem acriter invehuntur in veritates revelatas, aversionem suam a legibus Christianae Religionis, cum Theologiae Naturalis placitis amice conspirantibus, iisdemque robur ac lumen conciliantibus, ubique produnt; in istorum rigidiorum officiorum abnegatione adversus conscientiae accusantis verbera lacrymabile quaerentes medicamen; atque adeo, seposita omni Numinis veneratione, impugnant eâ inconsiderantia veritates revelatas, ut etiam in ipsorum animis nullam superesse reverentiam erga illas veritates, quae de Deo per rationis lumen innotescere possunt, omnibus emundioris nasi hominibus patefcatur.*

## S. VII.

Tandem & Scripturae sacrae laceffere veritatem, Divinamque impugnare auctoritatem, Atheorum proprium est. Hac enim



enim labefactata, cetera facile, quae cupiunt, se consequi posse, existimant. Unde & ea omnia, quae cum Divina Scripturae sacrae auctoritate consistere nequeunt, vel eam quacunque demum ratione convellunt, aut dubiam reddere possunt, inter dogmata ad Atheismum ducentia merito a nobis referuntur. \* (122)

\* Exempla hic Atheis atque Naturalistis itidem praeiverunt Gentilium philosophi, qui se Christianae religionis hostes professi sunt, interque eos speciatim PORPHYRIUS. Ex operis enim, quod contra Christianos scripsit, fragmentis, quae hinc inde apud EUSEBIUM, HIERONYMUM, aliosque, occurrunt, colligere licet, id eum praecipue egisse, ut Scripturae sacrae auctoritatem penitus subverteret. Cujus rei specimina quaedam exhibui, in *dissertat. de Christianae religionis veritate, philosophorum Gentilium obtreccationibus confirmata, §. IX. in syntagm. dissertation. theologicar. pag. 489.* Inter recentiores Atheos agmen hic iterum ducit BENEDICTUS ille DE SPINOZA, cujus *tractatus theologico-politicus de libertate philosophandi* totus eo comparatus est, ut auctoritatem Divinam Scripturae sacrae prosternat, pedibusque conculcet. Prophetiam, futurorumque praedictionem, eum pro mera imaginatione habuisse, jam antea ad §. I. ex *tractat. theol. polit. cap. II. pag. 15.* observavimus. Prophetiae itaque revera ei fuisse homines fanatici, qui multa vana, stolidi, ridicula mente conceperunt; quod luculenter etiam patet ex iis, quae *pag. 18. & 19.* hac de re disserit. Nec rectius de Apostolis, immo, quae maxima blasphemia est, de ipso Christo servatore, sentit. Hunc enim *suas rationes opinionibus & principis uniuscujusque accommodasse*, diserte pronuntiat, & exemplis quoque comprobare annitur, *l. c. pag. 29.* De Apostolis vero & Evangelistis jam antea ad §. *praeced.* observavimus, quod dixerit, eos in circumstantiis de resurrectione Christi fuisse deceptos. Pertinet huc etiam, quod *cap. XI. pag. 139.* scribit: *Longas deductiones & argumentationes, quales in Epistola ad Romanos reperiuntur, nullo modo ex revelatione supernaturali scriptas fuisse, concedo; item: tam modi loquendi, quam disserendi, Apostolorum in Epistolis clarissime indicant, eosdem non ex revelatione & divino mandato, sed tantum ex ipsorum naturali judicio scriptas fuisse, & nihil continere, praeter fraternas monitiones mixtas urbanitate; a qua sane, inquit, Prophetica auctoritas plane abhorret.* Immo Apostolos Christianam religionem diversis supertruxisse fundamentis, *pag. 143.* docet, unde tot contentiones in Ecclesia, totque orta sint schismata. Atque ita cum de ipsis Scriptoribus Sacris sentiat, mirum non est, quod,

quod, in Sacro codice, multa occurrere falsa, fabulosa *arbitrarie*, & *arbitraria*, sibi aliisque persuadere conetur, cap. IX. X. XV. Neve quicquam, quod ad auctoritatem ejus penitus labefactandam pertinet, praetermisisse videatur, libros, quod hodie in eo habemus, nequaquam a Mose & Prophetis, sed multis demum seculis post auctorum, quorum nomina prae se ferunt, mortem, conscriptos esse, contendit, cap. VIII. *segg.* Quae THOMAE HOBBSII de Scriptura sacra, de divina ejus auctoritate, facit sententia, jam supra dictum ad cap. I. §. XXVII. Paria cum utroque, & Spinoza & Hobbesio, facit lepidissimus Praeadamitarum conditor ISAACUS PEYRERIIUS. Fabulae enim suae praedamiticae ut speciem quandam conciliaret, & eo facilius, quae ei obstant, removeret, Scripturae elevare auctoritatem nullus dubitavit. *Opinio haec, inquit, semper mihi sedit, quam inconcusse & firmiter teneo; bibliis sacris contineri, quicquid scire hominibus concessit Deus, vel de origine mundi, vel de historia sacra, vel de Prophetiis, vel de mysteriis Divinis, vel de salute nostra. Quae ad salutem nostram unice spectant, paucis constant. Et in illis tantum curae, tantum diligentiae, & tantum lucis adhibuit Spiritus Sanctus, quantum captui humano convenit. Pluribus mandata sunt, quae de aliis tractant. Et de illis aperiam, quod omnes sentiant, quodque plerique mussant dicere; TANTA scilicet, INCURIA, ET CALIGINE TANTA SCRIPTA FUISSE, UT NIHIL PLE-  
RUMQUE INTRICATIUS, NIHIL OBSCURIUS LEGI POSSIT.* Quae profani hominis assertio, ut impia prorsus est, & tantum non blasphemum, ita non melior est ratio, qua eam confirmare annitur; *systemat. praedam. part. I. libr. IV. cap. I. pag. 274.* Progreditur deinde ulterius, & aequae ac Spinoza, & Hobbesius, libros Scripturae sacrae ab auctoribus, quibus hodie tribuuntur, scriptos esse negat. *At enim vero, inquit, quis asserere audeat, divinorum auctorum autographa ipsa, perplexe quamvis & aenigmatice ab illis scripta, ad nos eadem transmissa, qualia dicantur Deo ipso voluminibus sacris commissa sunt? loc. cit. Speciatim vero pag. 173. de libris Moysi discrete negat, eos pro ipsius Moysi apographo habendos, idque variis rationibus probare annitur. (123) Jungendus denique his est RICARDUS SIMON, qui, dum Spinozam se refutare contendit, commento prorsus infecto de scribis publicis, ex quorum commentariis libri sacri compilati sint, aliisque ejusdem generis assertis, in *histor. crit. vet. testam. libr. I. cap. II. & V.* alibique, obviis, id effecit, ut in Divinam Scripturae sacrae auctoritatem non minus, quam Spinoza ipse, injurius fuisse videatur; quod pariter & de illis dicendum, qui sub nomine *Theologorum quorundam Hollandiae*, eum refutare aggressi sunt. Sed de hisce, ut & reliquis, quorum hypothesef cum Divina Scripturae sacrae auctoritate non satis conveniunt, alibi commodior erit dicendi locus. Praecipua autem, qui-*

quibus Scripturae sacrae impugnatur auctoritas, fundamenta eo redeunt, multa in ea occurrere, quae aut rectae rationi, aut veritati historiae repugnent, saepius eam sibi contradicere, aut talia referre, quae indigna sint divina majestate, & quae reliqua sunt ejusdem generis, ad quae quid respondendum sit, suo loco ostendemus. (124)

- (122) *Qui veritatem Religionis Christianae negant, etiam Scripturae sacrae veritatem divinamque auctoritatem impugnant. Equidem Judaei, Christianae Religionis insensissimi hostes, agnoscunt divinam originem Scriptorum, quae Vetus Testamentum componunt: verum per Scripturam sacram hic intelligere debemus omnes, tum Veteris, tum Novi Testamenti, libros, qui, uti a plurimis Theologis est demonstratum, a se invicem divelli nequeunt. Si indicia proferri possent suadentia, Novi Testamenti libros eandem non habere originem, quae libris Veteris Testamenti est adjudicanda, actum est de Religione Christiana: & vicissim, si Christiana Religio falsa est atque supposititia, si nullo argumento nitatur (uti Anonymus Anglus in Scripto, cui titulus Christianity not. founded on Argument, evincere studuit, de quo copiose & solide differuit Vener. Leland View of Deistical Writers Epist. X.) auctoritas librorum Veteris & Novi Testamenti, quibus Religio illa est inaedificata, nulla penitus est habenda. Qualis igitur sit nexus inter horum Naturalistarum dogmata atque inter Atheismum, ex observatione §. VI. adjecta constare potest; & licet hie nexus non necessario ex natura utriusque erroris sequatur, negare tamen non licet, plurimos ex Naturalistis, seu Revelationis Divinae Oppugnatoribus ad Atheismum fuisse proclives, debita saltem reverentia Deum non fuisse persecutos.*
- (123) *Dicit enim l. c. pag. m. 185. Nescio vero, quo Auctore fatis idoneo compertum sit, Pentateuchum Mosis ipsius fuisse autographum; vulgo dicitur, sed non omnibus probatur. Hae causae me movent, quare libros quinque illos non Mosis archetypos, sed excerptos & excriptos ab alio credam. In primis, quod in illis legitur Moses mortuus, &c.*
- (124) *Catalogus eorum, qui vel aperte, vel clam Sacrarum Literarum auctoritatem deridere visi sint, vehementer augeri posset, si egregium & saepius laudatum opus Ven. Lelandi consulamus. Varii etiam ab eruditissimis Compendii Historiae Ecclesiasticae Compileribus Gothanis L. III. Cap. X. atro carbone fuere notati tanquam Irrifores Scripturae sacrae, qui tamen omnes hujus fursuris fortassis non sunt habendi, quales sunt Josephus Antonius Gonfales de Salas de duplici viven-*

viventium Terra; Thomas Burnet in *Theoria Telluris Sacra & in Archaeologiis Philosophicis*; Thomas Brown in *Religione Medici*; Bernardus Connor in *Euangelio Medici*, Hadrianus Beverlandus de *Peccato originali*; Balthasar Bekker in *Mundo fascinato*; qui quidem vel in crasso errore fuerunt versati, vel fabulas scripserunt Historiae sacrae penitus adversas; sed de plerisque praedicare non licet, quod fuerint sacrarum literarum irrisores; eodem certe jure omnes, qui summopere a nobis in rebus Theologicis dissentiunt, in classem Irriorum forent referendi.





## CAP. IV.

D. E

# ATHEISMI CAUSIS, PROPRIETATIBUS, ET EFFECTIBUS.

Σύνοψις.

*Inter causas Atheismi internas, praeter naturalem corruptionem, praecipua est ambitio, §. I.*

*Accedunt externae variae, prava educatio, conversatio, impiorum librorum lectio, & aliae, §. II.*

*A causis Atheismi discernendae sunt occasiones: ut, vita Christianorum doctrinae illorum non respondens, secularum multitudo, certaminum theologicorum excessus,*

*& aliae, §. III.*

*Proprietates Atheismi: stultitia scilicet & irrationabilitas, aliorum vilipendium, externa virtutis species &c. item, de characteribus Atheorum quaedam, §. IV.*

*Effectus Atheismi: summa Atheorum miseria, difficultas inde eluctandi, damna plurima in alios, ipsam etiam rempublicam, quae sine religione consistere nequit, redundantia, §. V.*

Aa

§. I.

## §. I.

**P**rima praecipuaque Atheismi causa in ipso homine est quaerenda, naturalis scilicet, omnibusque per labem originalem connata ad prava quaevis inclinatio, & a Deo, cetero iudice supremo, averfio. \* Haec autem cum diversimode per varia sese exerat vitia, cumprimis tamen, si ambitio accedat, facile tandem ad impietatem supremam, atque Atheismum, hominem perducere potest. \*\* (125)

\* Communem hunc, ut omnis mali, ita & Atheismi, fontem, primamque scaturiginem esse, nemo, apud quem ulla sacrarum literarum est auctoritas, dubitaverit. Idque ipse Rex sanctissimus David nos condocet, *Psal. XIV.* Cum enim *vers. 1.* dixisset, *stultus dicit in corde suo, non est Deus;* statim *vers. 3.* de naturali hac omnium hominum corruptione loquitur; quae verba & Paulus repetit, *Rom. III. 12.* conf. & *Gen. VI. 5.* Ex naturali autem hac corruptione, cum, accedentibus & aliis causis, duplex hominum status oriatur, *securitatis & servitutis*, qui in illo constituti sunt, ad *Atheismum*, in hoc autem, ad *superstitionem* proni sunt. Conferenda, quae hac de re dixi, in *instit. theol. moral. part. I. § XVI. seqq.*

\*\* Homines ambitione deditos prae reliquis facile in Atheismum praecipites ruere, itidem jam observatum est in *instit. theol. moral. part. I. cap. I. sect. V. § LX. pag. 163. 164.* Nimirum admodum sibi placent, si sententias singulares, quibus a vulgo eruditorum distinguantur, foveant, aut si soli sibi sapere videantur, reliquosque homines pro stupidis, simplicibus, vera sapientia & eruditione destitutis habeant. Hunc Atheorum characterem esse, BENEDICTI DE SPINOZA, aliorumque, exempla testantur. Intelligendum autem hoc praecipue de Atheismo theoretico, eoque philosophico. Ad practicum enim, & rudiorum hominum plebeiorum, quod attinet, ad eum illos quoque, qui voluptatibus dediti sunt, si aliae causae accedant, facile progredi, negari nequit. (126)

(125) *Averfio illa, quam recte cum connata ad prava quaelibet inclinatione pari passu ambulare facit Cl. Buddeus, nequaquam ex eo nascitur, quod Deus illis videatur objectum odio dignum, si in se consideretur tanquam ens aeternum, necessarium, infinitum, perfectissimum, beatissimum;*

sumum; verum non ita ab omni ratione sunt destituti, ut non pervideant, idem illud ens esse independens, sanctissimum, iustissimum, quod leges praescribendi facultatem, easque ab omni contentu vindicandi voluntatem possidet. Dependenciam illam molestam effugere, & pro mero arbitrio vivere satagunt. Sic aversionem sentiunt, non ab Ente perfectissimo, sed ab Ente sanctissimo & iustissimo, quod rationem etiam secretissimarum actionum est exacturum, suamque vindictam est exerciturum contra malevolos. Hinc metus omnes superare, pedibusque supponere allaborant, & sic iustissimo, sed mitissimo Dei imperio sese subducere conantur. Et certissime homines ad Atheismum raro admodum delabuntur, nisi postquam aetatem suam, viresque voluptatibus consumserunt, & istiusmodi sese commacularunt facinoribus, quae iustissimam sanctissimi Legislatoris indignationem excitant. Hinc conscientiae morsus effugere & suffocare potius, quam vitam emendare suscipiunt; adeoque supremi severissimique iudicis considerationem seponunt, ac persuasionem de Ilius existentia ex animo suo, & ex illo aliorum, quos in erroris & sceleris societatem abducere conantur, eradicare student.

- (126) Ambitio perversa & supra alios eminendi studium sunt procul dubio incitamenta ad descedendum a vulgari semita; sperant, fore, ut ab aliis habeantur vel perspicaciores vel facietiores, si sacratissima Religionis dogmata in familiaribus etiam colloquiis risui exponant, aut eadem scriptis, superficialia plerumque eruditione splendidis, temerario ausu oppugnare suscipiant; illos vero, qui Dei existentiam providentiamque agnoscunt & venerantur, qui accuratius observant leges religionis, de cuius veritate sunt persuasi, mentes humi serpentes, & meticulousas praedicant. Eadem porro ambitio & vanae gloriae cupido efficiunt, ut in lamentabili errore perseverent, ne sociorum risui sese exponant, ac puerilis superstitionis metusque accusentur. Praeterea alio modo ambitio suas in iis, qui Dei existentiam providentiamque impugnant, agit partes, cum nihil tanquam verum etiam in iis, quae ad religionem spectant, admittere videri volunt, nisi quod penitus perspicere datum est. Equidem evidentiali alicui verae persuasionis fundamentum; ast ubi res aliquid invide est demonstrata, difficultates, quae ex arctis, quibus ingenium nostrum circumscriptum est, limitibus, suam trahunt originem, sufficientem rationem non suppeditant, quare res ipsa vocaretur in dubium, vel negaretur. Aliam denique ambitionis speciem simulant ipsi; ut, scilicet, humanum genus liberent a continuo metu, ex praedictis infantiae, & educationis nato, ut incommodos hosce mentis morbos ex hominum animis evellant, eosque in libertatem naturalem restituant; ut sic pro mero lubitu & arbitrio possint vivere, utque sic sibi ipsi sint unica lex & regula. Talia conamina non nisi ab Heroibus possunt pro-

*procedere, qui bene mereri de societate humana allaborant, omniaque vincula a superstitione injecta perrumpere sunt potentes.*

### §. I I.

Ad internam hancce animi dispositionem causae variae externae subinde accedunt, utque tandem in istam impietatem erumpat, efficiunt. Huc pertinet prava educatio, \* conversatio cum hominibus improbis, \*\* librorum ad Atheismum ducentium lectio, \*\*\* incauta aut praepostera studiorum tractatio. \* Nec praetermittendus hic Divinae veritatis neglectus, aut vilipendium, dum nonnulli convictionem, quae inde oritur, non curant, sed respuunt, multo minus ad viam recte instituendam ea utuntur, in sensum hinc reprobum, justo Dei judicio dandi. \*\*

\* Ad Atheismum rudiorum hominum plebeiorem, qui cum ignorantia supina plerumque conjunctus est, multum confert prava educatio, si tenera aetas solidâ, aut saltem sufficienti, rerum Divinarum noticia non imbuatur. Sed & philosophicus Atheismus hinc originem ac incrementum accipit, si externae tantum honestatis ac eruditionis, non autem verae pietatis, in liberorum educatione habeatur ratio; sique, quod solenne admodum est, ad ambitionem, viriumque ingenii ostentationem, rationisque adeo abusum, quovis modo excitentur. (127)

(127) *Plurima mentis vitia ex educatione nasci, quae animum ad Atheismum & Libertinismum reddunt procliviores, experientia praesertim horum temporum docet, ubi educationis cura committitur saepissime istiusmodi peregrinis, quorum praecipua merita consistunt in eo, quod animum juvenilem imbuant peregrinis moribus, eumque avertant a sincero amore Patriae, & a laudabili proposito inserviendi Civium commodis; si prima Theologiae principia doceantur, id tantum eo fine peragitur, ut illi, qui istiusmodi hominum curae traduntur, alumni aliquando inter patriae Ecclesiae membra nomen suum possint profiteri, ne ipsis ad honores, vel ad opes praeccludatur aditus; sed solida & rationali rerum divinarum cognitione manent destituti, adeoque non tantum sincerus earum amor nunquam in eorum animis excitatur, sed veritates etiam momentosissimae facillime ex memoria delentur, & locum faciunt periculosissimis erroribus, praesertim si in manus incidant eorum, qui-*



quibus Religio ludus, quibusque alios in sceleris societatem pertrahere praecipuum est studium atque voluptas. Neque Religio alios, nisi acerbos, sibi promittere potest ex educatione fructus, si ea ratione instituitur, quam optimam judicavit Rousseau.

- \*\* Quanta conversationis in corrumpendis moribus, & intellectu quoque variis erroribus imbuendo, vis sit, & efficacia, neminem fugit, & Paulus quoque Apostolus testatur, quando, *corrumpunt*, inquit, *bonos mores colloquia prava*, I. Corinth. XV. 23. conf. & Psalm. I. 1. & quae dixi in instit. theol. mor. part. I. cap. I. sect. IV. ad §. LXIX. pag. 180. add THEOPHILUS SPIZELIUS, *scrutin. Atheismi histor. aetiol. scrutin. III. §. XV. pag. 61. seqq. (128)*

- (128) Quantum valeant conversatio & exemplum in corrumpendis moribus, egregie prae reliquis docuit Ostervald les Sources de la Corruption 2. P. Source VI. Illi ipsi, qui laudabili ratione fuerunt educati, hoc modo saepe patiuntur naufragium, si familiariter utantur hominibus, qui dissolutiori vitâ vel ambitione inani eo fuerunt decepti, ut flocci faciant Religionis praescripta, ac saluberrimam de existentia Dei persuasionem ex animis suis eradicare satagant; sequuntur horum exemplum, licet id non probent in initio; sed metuunt stupiditatis ac rusticitatis notam, indeque fluentem contemptum; sic primum ad Atheismum practicum seducuntur, a quo, ob rationes allatas, facilis est ad Theoreticum transitus, si familiares illi Sophismata, quae contra Religionem facere videntur, dextre propinare noverint.

- \*\*\* Qui noxia continent libri, eo plerumque avidius leguntur, quo magis ob raritatem, vel quia damnati ac proscripti sunt, hominum curiositatem excitant, vel eorum cupiditatibus blandiuntur. Quo avidius autem leguntur, eo facilius, quae in iis occurrunt, admittuntur, eoque intimius animo imprimuntur, sed & eo gravius inde damnum oritur; conf. THEOPHILUS SPIZELIUS, loc. cit. §. XIV. pag. 55. seqq. (129)

- (129) Rari admodum sunt libri, qui ipsam Atheismum ex professo docent; & qui reperiuntur, minus sunt periculosi, quam qui Deismum, Naturalismum, aut Scepticismum propugnando, viam ad Atheismum sternunt. Priores horrorem incutiunt & contemptum excitant in omnibus illis, quibus non penitus monstrosa in pectore mens habitat: verum, ob rationes ante allatas, posteriores magis sunt noxii, quia per cuniculos agunt, dum vix suspicio oritur in initio; dum dubitationem de veritatibus momentissimis, & Revelationis contemptum pariunt, tandem in Atheismum abiturum. Neque venenum tantum spargitur in libris,

qui ipsam Religionem spectant, verum etiam in iis, qui mores corrumpunt, atque adeo ad Atheismum Practicum ducunt per voluptatibus blandientia viae compendia. Quin imo! non desunt inter libros Theologicos, optimo fine conscriptos, qui ita pertrahant dogmata, sive theoretica divinam naturam providentiamque respicientia, sive praesertim practica ad vitae Christianae directionem pertinentia, ut haud leve periculum ex eorum lectione sit metuendum.

- \* Litterarum studia, si caute & sobrie tractentur, ad veram religionem promovendam, & contra Atheorum insultus defendendam, plurimum conferunt. Sed si quis inconsulto in ea feratur impetu, inque iis tractandis pravae potius cupiditatis ductum, quam rectae rationis legem sequatur, animum facile ad impietatem ac Atheismum pronum inde referet, efficietque, ut, quae felicem eum atque beatum reddere poterant, ipsius quidem culpâ, in occasionem miseriae summae atque calamitatis cedant. Idque diversa omnino, pro partium, quibus eruditionis humanae circulus absolvitur, diversitate, fieri potest ratione. Qui litteris, quas humaniores vocant, se totos dedunt, ethnicorum scriptorum subinde ita capiuntur lectione, ut Scripturam sacram plane negligant, aut in minimis ponant, indeque illorum mens ita corrumpitur, ut illis *lyra Davidica* sordeat, *prae lyra Horatiana*. Ab elegantioribus litteris si ad Philosophiam transeamus, ipsa statim se offert *Logica*, quae ut pro instrumento veritatis, solidaeque eruditionis, recte habetur, ita dubitari posset, an & haec Atheorum impietati aliquando inserviat, nisi & hoc experientia doceret. Doctrina de praepudicatis opinionibus animo ejiciendis, haud ultimum inter reliquas tenet locum, & salutaris maxime est, immo ad veritatem inveniendam prorsus necessaria. Sed si quis Christianae religionis seita, principiaque eidem confirmandae inservientia, pro opinionibus praepudicatis habeat, & tum demum recte se philosophari credat, si ista animo ejecerit, in Atheorum praecipiti lapsu laqueos incider, priusquam ipse hoc animadvertat. (130) Ipsam de *universalibus* doctrinam, Scholasticis quibusdam, speciatim Scotistis, argumentum Atheismi praebuisse, supra ad cap. I. §. XXIII. observavimus. Ex *Metaphysica* minus recte intellecta Atheos arma desumere posse, quibus impietati suae speciem conciliant, vel ipsius Spinozae neminem dubitare sinet exemplum. *Ethica* enim ejus *geometrica methodo demonstrata*, metaphysicis speculationibus de *substantia* & ejus *attributis*, tota scatet. Idem & de *Physica*, seu rerum naturalium scientia, est observandum. Quantumvis enim haec argumenta longe pulcherrima, ad coercendam Atheorum stultitiam, suppeditet, fieri tamen potest, ut, si quis proximarum causarum considerationi nimis indulgeat, & cuncta per eas ita explicare annitatur, ne prima illa necessaria esse videatur, praecipiti tandem gradu in Atheismum

sinum ruat. Observatum id tam aliis, tum & THEOPHILO SPIZELIO, in *scrutinio Atheismi*, *scrutin.* III. §. XXV. pag. 108. *segg.* item in *radice Atheismi* pag. 49. 50. Nec *moralis civilisque doctrina* hic praetermittenda. Qui ita de homine philosophantur, ut cum Spinoza omnem ei libertatem adimant, & *adipositas*, itemque *amanditas* ultra, quam par est, extendant, qui cum eodem Spinoza atque Hobbesio, non alias, quam humanas, seu civiles, leges admittunt; qui cum Machiavello ad Principum cuncta utilitatem referunt, & ipsam religionem in domandi instrumentum convertunt, non possunt non in Atheorum tandem castra transire. Possem insuper exempla varia illorum adferre, qui ex incauta philosophiae, singularumque ejus partium, aut litterarum bonarum tractatione, in impietatem qua vitam moresque, aut omnino Atheismum prolapsi sunt. Ea vero haud quaquam ignota sunt; immo quotidie se quaedam nobis offerunt, pertinentque huc, quae de Petro Aretino, Francisco Poggio, Angelo Politiano, aliisque *cap.* I. §. XXIV. & alibi diximus. Jungenda &, quae ex instituto hac de re commentatus est vir doctissimus, BURCARD GOTTHELF STRUVIUS in prolusione Academica, cui titulus: *doctus, Atheus*, anno M DCC VII edita. Non fage ipsius philosophiae, sicut nec litterarum, quae ab humanitate nomen acceperunt, hoc vitium est, ut nonnulli praepostero zelo abrepti existimant, sed hominum litteris istis & philosophia abutentium, nec caute satis, ut decebat, in iis versantium. Enim vero, ut res quaevis optinae & innocentissimae in illorum, qui iis abutuntur, perniciem quandoque cedunt, ut tamen ideo utilitati ac praestantiae illarum nihil decedat, ita & bonis litteris atque philosophiae suum manet decus, laus sua integra & illibata constat, etsi vel maxime a quibusdam per improbitatem, aut imprudentiam, in Atheismi aut occasionem, aut argumentum, vel defensionem, arripiantur. Quod vero isti inde sua culpa damnum accipiunt, alios commonefacere debet, ut caute in hisce tractandis studiis versari discant, nec cum eruditione sapientiam, cujus initium est timor Domini, conjungere intermittant.

- (130) *Nullae, si sic ratiocinari liceat, in rerum natura dantur, aut dari possunt scientiae, quin aliquis earum possit esse abusus, aut perversa penitus praeceptorum, quae in iis exhibentur, applicatio. Ipse Cl. Auctor Logicam consideravit tanquam scientiam, cujus finis proximus est, ut intellectus ad veritatis investigationem & inventionem reddatur aptus, in Observ. ad Philos. Instrum. C. 1. §. 2. Abuti hocce doctrinâ potest Atheus; verum pessimi etiam inter Haereticos abuti possunt & reipsa abusi fuerunt divina revelatione: an inde minori jure inferri possit, sacram Scripturam & studia, quae ad ejus interpretationem pertineant, incauta & praepostera ratione pertractari; quam Logicam incaute pertractatam esse a Philosophis & ab ipso Auctore, quando*

quando praejudicia inter mentis vitia & imbecillitates referunt, & illa emendanda, has sanandas esse, inculcant. An Paulus inservit Pantheistis, quando summo jure adfirmat, nos in Deo vivere, moveri, & esse? An artis salutaris praecepta praeposterâ & incautâ ratione pertrahantur a Medicis, quia saluberrimis medicaminibus in perniciem hominum abutitur veneficus, vel imperitus aliquis Medicaster? Hoc omne agnoscit Cl. Buddeus pag. 191. adeoque facile hisce omnibus carere potuisset Lector, vel alia ratione debuissent esse disposita.

- \*\* Nimiram Divinarum veritatum ad hominum salutem comparatarum haec est ratio, ut non tantum sciri, sed ad vitae quoque praxin transferri debeant, ut ipsè Servator docet, *Joan. XIII 17.* Hoc si homines intermittant, cognitio ista illis non tantum nihil prodest, sed facile etiam contingit, ut ex justo Dei judicio, veritate amissa, in errores gravissimos, ipsumque Atheismum praecipites ruant, ut Gentilium exemplo luculentissime docet Paulus Apostolus *Rom. I. vers. 18. 19. 20.* Dum vero cognitio ista Dei rerumque Divinarum, flētendo voluntatem ad obsequium, vim suam & efficaciam exeric, *αἴσθησις*, illa, Paulo commemorata *Phil. I. v. 9.* inde oritur atque *experientia*, quae & *gustus* nomine in Scriptura sacra venit, *I. Petr. II. 3. Ebr. VI. 4. 5.* Ista vero *αἴσθησις*, seu experientia, non est absque cognitione praecedenti (hoc enim plane absoum esset) sed ex ipsa cognitione oritur, vel cum ea conjuncta est, si rite ad praxin deducatur, nec veritatem in injustitia homines detineant, ut Paulus loquitur, *Rom. I. 18.* Atque ita intelligenda sunt, quae hac de re scripsi in *elementis philos. theoret. part. VI. cap. III. §. III. (131)* De notitia enim Dei insita, dum §. II. verba feci, haec porro subjeci: *est in mente nostra intima quaedam facultas, qua percipimus & velut gustamus, quae bona sunt. Per eam perceptionem quilibet homo, si modo serio ad se attendat, ita convincitur, ut licet certissime persuasus sit, ea se videre, quae videt, audire, quae audit, intelligere, quae intelligit, longe tamen certior esse possit, se percipere & sentire occultam entis summi boni, summique perfecti operationem.* Ex quibus verbis ne quis sensum a mente mea alienum eruat, 1) quidem observari velim, me per istam perceptionem nihil aliud intelligere, quam *αἴσθησις*, ut Scriptura sacra vocat, seu experientiam, quae oritur, cum cognitio veritatis ad praxin vitae deducitur; 2) nec istam me perceptionem seu experientiam a cognitione separare, multo minus asserere, ac si absque sufficienti cognitione esse possit; sed hoc saltem volo, si cognitio Dei, tum insita, tum acquisita recte se habeat, & ad vitae praxin deducatur, ut ipsa velut experientia Numinis bonitatem, & potentiam cognoscamus, tum illam perceptionem experimentalem nos itidem longe certissimos hae de re reddere;

3) sed

3) sed hoc quoque addendum, me ipsam cognitionem Dei, si rite se habeat, longe certissimam esse, fateri, si *veritas* haec seu experientia non accedat; magis tamen adhuc hominem per *veritatem* seu experientiam hancce, convinci & confirmari. Atque hoc sane tum contingit, cum cognitio ista, in obedientia seu praxi vitae vim suam exerit; quod, ut certa quadam ratione ab Ethnicis Paulus requisivit, exprobrans illis, quod *veritatem detinuerint in injustitia*, ita multo magis in hominibus Christianis, revelationis Divinae lumine collustratis, locum invenit. Atque huc pertinent, quae §. IV. hac de re dixi, praesertim, quando ita locutus sum: *Nec tutior ratio omnibus circa existentiam Numinis dubiis, aut se ipsum, aut alios eximendi, est, quam si quis serio animum omnibus vitiis purget, aliosque, qui in se ipsis hanc veritatem percipere cupiunt, purgare doceat, quippe quae sola obstant, quo minus clarissime summum hocce bonum percipiamus.* Sane, qui veritatem in injustitia detinent, se ipsos magno periculo veritatem justo Dei judicio amittendi exponunt, docente Apostolo, loco aliquoties jam laudato, *Rom. I. 18.* Ergo juxta ipsius Apostoli doctrinam, tutissima via est, qua periculo huic obviam ire queamus, si veritati cognitae obsequamur, quo ipso in praxin vitae deducitur, adeoque ipsa experientia percipitur. Qui autem veritati cognitae obsequi cupit, vicia quaevis fugere, atque animum ab iis purgare debet. Qui enim vitiis indulget, atque peccatis, is sane veritatem in injustitia detinet, adeoque impedit, quo minus vim suam & efficaciam in flectenda voluntate ejus exerat, seque adeo & experientia ista, quae inde sequi poterat, privat, & periculo, ipsam veritatem, quam cognitam habet, justo Dei judicio iterum amittendi, exponit. Licet autem hoc ejusmodi sit, ut hac ratione quilibet homo in veritate agnita magis confirmetur, & extra periculum, eam temere admittendi, ponatur, Atheos tamen hac ratione erroris convinci non posse, sed alia iis opponenda argumenta prius esse, ut ad veritatis agnitionem perducantur, ibidem observavi, dum statim subjeci: *Fateor tamen, quod in disputationibus contra Atheos hoc argumento utendum non sit, quia etiam ea, quae in se ipsis sentiunt (e. g. ipsum conscientiae, subinde vim suam in iis exerentis, testimonium) negare strenue consueverunt.* (132) Dijudicare ex haecenus dictis etiam, ut hoc *ut & rapida* addam, licet, quod alibi, *tom. V. observation. Hallensium observat. IX. de criterio veritatis in rebus moralibus, cumprimis §. XX. pag. 291. dixi, religionem nihil aliud esse, quam gustum rerum divinarum.* Quae verba ne itidem aliter intelligantur, quam ex mente mea intelligenda sunt, rursus observandum, me vocem *religionis* in significatione specialiori pro cultu Numinis & quidem interno accipere, qui tamen cognitionem veram & sufficientem Numinis praesupponit, & sine ea nulla ratione esse potest. Non insolens esse, ut vox religionis ita accipiat, plurimis exemplis comprobare possem, sed unicum LACTANTIUM sufficiat

Bb

testi-

testimonium: *Non potest igitur, nec religio a sapientia separari, nec sapientia a religione secerni, quia idem Deus est, qui & intelligi debet, quod est sapientiae; & honorari, quod est religionis. Sed sapientia praecedat, religio sequitur; quia prius est, Deum scire, consequens, colere; &c. institution. divin. lib. IV. pag. m. 252.* Recte omnino LACTANTIUS docet, religionem seu cultum Numinis, non posse a sapientia, seu cognitione separari, sed hanc praecedere, illam sequi. Et hanc meam quoque esse sententiam, tum aliunde satis constat, tum ex ipsa illa de *criterio veritatis in rebus moralibus* observatione, si modo cuncta recte ponderentur, & inter se conferantur, facile intelligitur. Religionis vocem me pro cultu Numinis hic sumere, ex tota quidem tractatione, cumprimis autem ex §. II. liquet, ubi diserte profiteor, me criterium veritatis non intuitu intellectus, sed intuitu voluntatis, consideraturum, seu quodnam bonum pro vero aut apparenti habendum sit. (133) Verba mea, quae exceptionem non admittunt, haec sunt: *per veritatem VERUM intelligimus BONUM.* Unde haec regula, totam doctrinam moralem dirigens, resultat: *Quicquid VOLUNTATEM hominis ita afficit, ut laedat, ut dolorem aut taedium incutiat, illud non verum, sed apparens potius bonum, seu malum est.* Cognitionem autem veram ac sufficientem me praepone, adeo manifestum est, ut mirum sit, si aliquis secus existimare possit. Quid vero luculentius dici poterat, quam cum §. XXXI. pag. 307. cuncta summam ita complector: *Omnia ergo eo redeunt, ut suos INTELLECTUI & VOLUNTATI statuamus limites, nec hos confundamus; immo potius, ut a natura constitutos recte observemus. Confundunt autem hos omnino, qui voluntati ita criterium veritatis tribuunt, ut intellectus officia excludant. Quos homines, ejusmodi indifferentismum profitentes, licet ipsa satis refellat experientia, error tamen illorum manifestandus aut detegendus est, ne eo & alii abripiantur.* Tantum nimirum abest, ut cognitionem veritatis sufficientem excludam aut removeam, ut potius eos, qui hoc faciunt, in Indifferentistarum numerum referam, & graviter hoc nomine reprehendendos censem. Prolixius etiam haec omnia, ne dubium alicui relinquantur, in sequentibus edissero, §. XXXIII. pag. 309. *seqq.* Cum autem cultus internus Numinis, in Christianis spectatus, qui religionis nomine loc. cit. venit, in amore, timore Numinis & fiducia filiali, prout haec omnia ex vera fide oriuntur, consistat, manifestum est, eum sine perceptione, *αισθησι* & experientia spiritali esse non posse, quae Scriptura sacra gustus nomine exprimit, 1. Petr. II. 3. Ebr. VI. 5. 6. Et eo quidem, non alio, sensu dixi, *religionem nihil aliud esse, quam gustum rerum Divinarum.* Loquor autem de eo, prout res ordinarie se habet, & si aliunde impedimentum non accedat. Possit enim aliquando, praesertim in tentatione graviore, accidere, ut gustus ille seu *αισθησι* cesset, cum ipsa experientia hoc doceat, neutiquam nego.

Sed

Sed haec familiare hic in censum non veniunt, cum de eo loquar, quod contingit, si effectus, qui sequi poterat, ac debebat, aliunde non impediatur. Unde facile intelligitur, quid respondendum sit, si quis objiciat, religione nos servire Deo, gustu autem non Deo nos servire, sed nobis; item, religionem aut actionem esse, aut habitum, gustum autem non tam actionem esse, quam passionem. Ad prius enim quod attinet, probe observandum, ea, quae ad internum Numinis cultum spectant, duplici ratione spectari posse; primo, prout in nobis sunt; deinde, prout per legem Divinam a nobis exiguntur. Posteriori modo si cultus internus sive religio spectetur, tum sane eâ servimus Deo; hoc vero non obstat, quo minus priori modo spectata, etiam in gustu quodam seu perceptione consistat. Ad posterius vero quod attinet, sciendum, religionem quidem partim ut habitum, per media gratiae acquisitum, partim ut actionem, spectari posse; cum, si habitus dicatur, ejusmodi intelligatur, qui subinde per certos actus sese exerit. Si vero ut actio spectetur, nihil obstat, quo minus & passio quaedam cum ea conjuncta sit. Notissimum enim est ex doctrina morali, adfectus omnes, amorem, timorem, reliquos, certo respectu passionem esse, certo respectu actiones, cum primum perceptio quaedam seu commotio passiva in anima nostra praecedat, tum actio seu commotio activa sequatur. Si porro quaeras: num gustus pars, an accidens, religionis sit? dispiciendum rursus sedulo est, quo pacto vox religionis sumatur. De cognitione enim sola si accipitur, neque pars, neque accidens erit, sed effectus potius, qui tamen ob certa impedimenta se non semper exerat. Sin pro cultu interno accipitur, & quidem in ambitu generali spectato, tum nihil obstat, quo minus ejus pars quaedam dici queat; prout omnis adfectus partim passione, partim actione constat. At cultu interno in specialiori significatione accepto, pro ipso actu amoris, timoris, fidei, lubens concesserim, gustum illum adjunctum aliquid seu accidens esse, quod non semper equidem, nec eodem gradu aut modo, sed in statu tamen hominis ordinario, gradu & modo diverso, adsit & deprehendatur. (134) Cum vero ex dictis (ut eo, unde digressus sum, redeam) pateat, necessarium prorsus esse, ut Divinarum veritatum cognitio ad vitae praxin transferatur, gravissime illos peccare, simul liquet, qui hoc intermittunt, eoque, iusto Dei judicio, facile deduci posse, ut in Atheismum incidant, istaque adeo intermissio inter causas Atheismi recte refertur; quam longe frequentissimam esse, experientia omnes condooet. Ad denda, quae eleganter hac de re disserit DN. LA CROZE, *entretenant sur divers sujets d'histoire, &c. pag. 264.*

- (131) Quae Cl. Buddeus hic fuisse nimium pertractat in sui Apologiam, sic satis aliena sunt ab hoc loco; neque talis excusatio requirebatur, si

verba Auctoris in Elem. Phil. Theor. occurrentia sano sensu sumantur, uti sumi possunt: optandum tamen fuisset, ut plenius explicasset, quid intelligat, quando dicit, per illam perceptionem, vel gustum hominem, serio ad se attendentem, certiorum esse posse, se percipere & sentire NB. occultam entis summi boni, luminique perfecti operationem. Si intellexerit operationem supranaturalem, quae a Spiritu Sancto, secundum Revelationis doctrinam, editur in regemitis vel regenerandis, parum in censum venit illud assertum in systemate Philosophiae Theoreticae. Si vero omnia, quae hic occurrunt, sint Philosophica, non puto, Cl. Auctorem aliud agnovisse veri criterium, quam evidentiam, eumque Enthusiasmo sic satis periculoso vires subministrare voluisse & arma. Quod in genere attinet ad intimam facultatem, quae menti nostrae inest, qua percipimus, & velut gustamus, quae bona sunt, haec saltem, si de bonis moralibus sit sermo, admitti potest ab iis, qui instinctum moralem, vel sensum, aut sensationem moralem agnoscunt, de cujus existentia & effectibus nunc non disputo. Vid. Hutchinson Instit. Philos. Mor. pag. 7. seqq. & pag. 12-27. & in Oratione de naturali Hominum Socialitate pag. 20. seqq. Burlamaqui Princ. du Droit Nat. Part. 2. C. 3. Fordyce Elements of Moral Philosophy L. 1. Sect. 2. & 3. Robinet de la Nature 3 Part. Lettres sur les Voyages in Tractatu, cui titulus l'Instinct Divin, qui omnes, licet non eodem penitus sensu, Instinctum illum moralem demonstrare sunt annisi.

- (132) *Homini animus propter vitia, quibus commaculatur, abduci a vera cognitione & sincera agnitione Dei, ex antecedentibus est manifestum, praesertim ex §. 1. hujus Capitis: si igitur a vitiis hisce purgari, & virtuti deditus reddi posset, proclivis magis evaderet ad agnoscendam Numinis existentiam. Verum nullo modo admitti possunt Cl. Buddei ratiocinia in Elem. Phil. Theor. proposita, quae hic defendere allaborat, si peculiare argumentum pro agnitione Dei ex iis velit exsculpere. Respondet l. c. ad quaestionem §. 2. istius Capitis III. propositam: unde existentia Numinis demonstrari possit? ratiocinatur primum ex iis, quae in cujuslibet hominis mente peraguntur, quorumque intus est conscius; ita ut quam primum de supremo Numine aliquid audimus, aut ejus cogitatio mentem subit, statim, velut impetu, abripiamur, & impellamur huic asserto, quod omnino existat, assensum praebendi. Dein adjicit quasi secundum argumentum §. 3. Neque id modo: est in mente nostra intima quaedam facultas, &c. Patendum quidem, quemlibet, ad se suumque statum attendentem, facile invenire argumentum pro existentia Dei; imo quandam in se detegere proclivitatem ad veritatem illam agnoscendam: Verumtamen misera foret Religionis facies, si talibus argumentis rem hanc*



*hancce momentofissimam conficere vellemus; uti etiam alia adjecit l. c. Cl. Auctor, multo ponderosiora: ast potius ab illis abstinendum existimo, ne optimam causam risui Atheorum exponamus, aut Enthusiasmo praebeamus nutrimentum.*

(133) *Admodum improprie veritatis criterium dicitur, non intuitu intellectus, sed intuitu voluntatis. Veritas nunquam ad voluntatem refertur; sed intellectus praeclucet, voluntas id appetit, quod intellectus tanquam bonum, proposuit. Per veritatem, (inquit Buddeus,) verum intelligimus bonum, & hoc sensu veritas est objectum voluntatis; sed primum per intellectum tanquam verum bonum (hoc est, quod ad veram nostram, perpetuamque perfectionem, atque inde fluentem felicitatem tendit) repraesentatur; & hujus veritatis, utut improprie dictae, criterium non ad voluntatem, sed ad lumen praeferentem intellectum referri debet. Monet quidem Buddeus, officia intellectus non esse excludenda, dum voluntati criterium veritatis tribuitur; verum sic ingens nascitur confusio, quando istud criterium, hoc est, id, quo veritates practicae sunt dijudicandae, ad illam mentis facultatem referimus, cujus nullae in dijudicandis veritatibus sunt partes.*

(134) *Non video, quomodo haec cohaereant: Religio nihil aliud est, quam gustus rerum Divinarum; sic, secundum Cl. Auctorem, gustus ille essentiam Religionis debet absolvere: hic vero affirmatur, nihil ob stare, quominus gustus ille dici possit pars quaedam Religionis, si haec pro cultu interno accipiat, & quidem in ambitu generaliore spectato; si denique Religio & quidem cultus internus sumatur in specialiore significatione pro ipso actu amoris, timoris, fidei, gustus ille est adjunctum aliquod, seu accidens: sic idem gustus rerum Divinarum (qui certe distinctius describi, vel definiri debuisset) constituit essentiam Religionis, est illius pars quaedam, & est accidens.*

### S. III.

Sunt etiam nonnulla, quae equidem inter causas, directe & per se Atheismum progignentes, non sunt connumeranda, occasionem tamen eidem quandoque praebere possunt, scopulorumque instar sunt, ad quos, qui ceteroquin ad istam impietatem proni sunt, facile naufragium faciunt, \* ut, vita plerorumque Christianorum, cumprimis Virorum sacri ordinis,

doctrinae illorum non respondens; \*\* sectarum, in quas orbis Christianus scinditur, multitudo; \*\*\* acerbaeque nimis & modum excedentes, de rebus theologicis disceptationes, \* & quae alia sunt ejusdem generis. \*\* Quae omnia, ut, quantum humanae imbecillitatis ratio permittit, removerentur, optandum esset.

\* Culpa equidem non carent, qui talia aut agunt aut dicunt, quae aliis offendiculo esse, & per accidens etiam, ut in scholis loqui solent, Atheismum promovere possunt. Nec tamen ideo excusandi sunt Athei. Facile enim, si modo vellent, hosce scopulos evitare possent.

\*\* De corruptis Christianorum moribus, vitaeque doctrinae parum respondente, tot extant doctorum piorumque Virorum querelae, ut iis colligendis multa volumina non sufficerent. Neve de aliis dicam, notum, quot *pia* hinc enata sint *desideria*, in quibus & vulnera haec tanguntur, & de remediis consultatur. Multum vero istam vitae rationem ad Atheismum promovendum facere, nemo temere dubitaverit. Si enim homines ad Atheismum sua natura proni animadvertant, ingentem esse illorum inter ipsos etiam Ecclesiae doctores numerum, qui vita sua moribusque, quae de religionis veritate & praestantia, deque virtutibus, quibus fidem suam Christiani demonstrare debent, ingenti zelo dicunt, ipsimet refutant, facile in eam inducuntur opinione, omnes Christianos turpissimos esse hypocritas; inprimis vero Ecclesiae Doctores, dogmatibus, quae aliis inculcant, non adhibere fidem, nec, ea vera esse, credere. Ad minimum non potest non mera videri superstitio, si quis actibus quibusdam externis Deum colat, certasque de eo opiniones foveat, & acriter oppugnet, interim tamen vitiis quibusvis strenue indulgeat. (135) Quo longius autem superstitio a vera religione distat, eo facilius per eam alii, ut in alterum extremum ruant, inducuntur. Id vel Graecorum, maxime Atheniensium, exemplo patet, qui, ut reliquas gentes, quas barbaras vocabant, superstitione superabant, notante hoc in illis vitium ipsomet Paulo, *Act.* XVII. 16. ita non alibi plures Athei, vel saltem Atheismi suspecti, adeo ut apud solos Graecos, non autem barbaras gentes, Atheos excutisse, AELIANUS existimet, *histor. var. libr. II. cap. XXXI.* ut supra jam *cap. I. ad §. XX.* observavimus. Idem & in Romana Ecclesia conspiciere licet, in qua Atheorum proventus longe uberrimus, eo quod turpissima in ea regnat superstitio. Legi merentur, quae hanc in rem dissevit JENKINUS THOMASIVS, in *historia philosophica de Atheismo cap. II. §. III. pag. 21.* ubi inter *primarias Atheismi causas* superstitio-

nem

nem refert. Nec tamen ad Atheos excusandos haec quicquam valent: Illorum enim erat, superstitionem a vera religione discernere, & quod hominum religione abutentium vitium est, non ipsi religioni tribuere; multo minus omnes eodem loco habere, cum inter Christianos hinc inde haud pauci etiam sint, qui Deum serio colunt, quorumve a doctrina neutiquam vita discrepat, quod & de Ecclesiae quibusdam Doctoribus censendum, quorum omni tempore hinc inde nonnulli extiterunt, qui cum Paulo dicere potuerunt: *estote imitatores mei, ut ego Christi*, I. Cor. XI. vers. 1.

- (135) *Aliorum exemplo & auctoritate sese tegere solent homines, ignavidique torpore naturali laborantes, se severius examen reformidantes, atque adfectum impetu abrepti; attendunt igitur ad aliorum, praeferim eorum, qui in rebus ad Religionem pertinentibus magis versati videntur, & ratione muneris, vel professionis suae esse debent, vivendi modum: cum plurimi inter hosce reperiuntur dissolutioris vitae, facile sibi persuadent, omnia, quae de Deo rebusque Divinis docent, vel proficiuntur, esse incerta; quia, si ipsi illi crederent certamque habere propriam doctrinam de existentia, omniscientia, sanctitate, justitia, aliisque Dei attributis, longe alio modo vitae rationem instituerent. Tutius concludi posse, putant, ex horum factis, quam ex verbis, quid sentiant, quidque credant; & cum nihil credere videantur, nullas credendi esse rationes, primum conjiciunt, mox sine haesitatione statuunt. Conf. Scott the Christian Life Part. II. Chap. 3. pag. 218. seq.*

\*\*\* Si religio Christiana, inquit Athei, aut illi, quibus sectarum inter Christianos multitudo, offendiculo est, Deum auctorem agnosceret, haud dubio magna inter eos, qui eam sequuntur, foret consensus. Immo, cum per istam sectarum diversitatem fructus doctrinae Christianae mirum in modum impediatur, sapientiae Divinae foret conveniens, sectas istas & divisiones impedire, si Deus ipse religionis istius curam gereret, vel eam mortalibus praescripseret, & quae reliqua sunt ejusdem generis. (136) Sed & huncce facile evitare scopulum possent, si rursus cogitarent, hominum hoc, non ipsius religionis, esse vitium. Immo, si indolem hominum, qua intellectum, qua voluntatem, recte considerarent, aliter se rem habere non posse, facile intelligerent. Deus autem ea, quae per hominum conditionem aliter evenire nequeant, per miraculum eo minus impedire obstrictus est, quod nunquam aut praedixit, aut promisit, nullas in religione Christiana fore dissensiones. Immo fore dissensiones & discordias, culpa tamen hominum, ipse Servator discrete nos conducit, Luc. XII. 51. Sunt vero Deo causae justissimae sapientissimaeque, cur eas permittat. Manifestandi

festandi enim hac ratione sunt, qui Deo vera fide adhaerent, eumque sineere colunt. *Δὲ ὅς*, inquit Paulus, *ἐξ ἀπίστεως ἐκ ἐμῆς ἀνάγ, ἵνα οἱ δοκίμοι φανεροὶ γίνωνται ἐκ οὐτοῦ*. I. Cor. XI. 19. Legenda, quae hac de re differit JOANNES CLERICUS, de *l'incrédulité*, part. II. cap. IV. pag. 186. seqq. qui & per integram hancce partem secundam, alia ejusdem generis offeticula recenset, atque removet.

- (136) *Hoc jam observatum fuit a Cicerone de Nat. Deor. Lib. I. Cap. 2. Res nulla est (loquitur de Religione, seu de existentia Deorum, eorumque Providentia.) de qua tantopere non solum indocti, sed etiam docti dissident; quorum opiniones cum tam variae sint, tamque inter se dissidentes, alterum fieri profecto potest, ut earum nulla: alterum certe non potest, ut plus una vera sit. Cum autem eo perditum sit ratiocinandi artificium, ut variarum sectarum homines pro opinionibus penitus contrariis argumenta proferant, quae speciem habent, eaque non sine eruditionis apparatu ab utraque parte urgeantur, primum ad Scepticismum, mox ad Indifferentismum, tandem etiam ad Atheismum pertrahuntur, suumque faciunt argumentum, quo usus fuit Rex Siamensis (apud Pictet contre l'Indifference des Religions Chap. 3. § 27.) ut Indifferentismum propugnaret, illumque Deo gratum esse debere ostenderet.*

- Recte JENKINUS THOMASIVS, de causis Atheismi verba faciens, *huc accedunt, inquit, theologorum digladiationes, & animorum acerbitas, de articulis etiam non raro, qui neque bonos mores respiciunt neque vitam aeternam: attamen si quis a receptis systematibus discesserit vel latum unguem, vae homini! de omni spe amicitiae conlatum est, & in Papatu pro haeretico habendus, & vivicomburio, ni palinodiam cecinerit, quantocypus puniendus: qui procedendi modus procul omni dubio spectantium animos tepore aliquo, vel potius odio adversus omnem religionem imbuit; histor. philosoph. de Atheismo cap. IV. §. V. pag. 37. Nec tamen ita hoc capiendum, ac si omnes de rebus theologicis disputationes rejiciamus, quippe quas pro Ecclesiae statu praesenti prorsus necessarias esse, lubentes fatemur: sed excessum saltem & impotentis animi vitia, quae subinde accedunt, improbamus, & hac ratione aliis aversionem a religione Christiana animo concipiendi, occasionem suppeditari, ingemiscimus atque dolemus. Bene id eidem auctori observatum, quando interjectis nonnullis, pergit: Caveas velim existimes, me omnes de rebus divinis disputationes improbare; nequaquam; quia saepe saepius Ecclesiae necessitas atque nostra officia hoc postulant; sed est modus in rebus; nollem homines Christianos se invicem proscindere & lacerare, ne profani quique tripudiant, & in contumeliam religionis conclament; ubi est vester Deus? loc. cit. pag. 38. 39. (137)*

- (137) *Hujusmodi digladiationes, ex sententiarum sectarumque diversitate natae, acriores evadunt ex perversa ambitione, ex superbia, & auctoritatis tyrannide, cui plerique per omnem aetatem manent subiecti. Tales autem summa animi acerbitate agitatae controversiae, non, ut jam inventa veritas defendatur, aut detegatur haecenus latens, sed ut victoriae fructibus, gloriæ vel emolumento gaudeant, non tantum Scepticismum fovent in animis eorum, qui ad Libertinismum sunt proclives, verum etiam manifestissima sunt documenta, sincerum veritatis studium, atque Christianam, quam aliis inculcant, charitatem longissime ex talium Theologorum animis exulare. Sic igitur vitae ratio cum doctrina non conspirat; sic ansa datur suspicandi, nullum ex Disputatoribus istis fervidioribus de veritate sui systematis esse persuasum, sed dominandi in conscientias libidinem, & infallibilitatis adfectionem vera esse plerarumque litium incitamenta: quod ipsum praesertim a Collinsio (Discours sur la liberté de penser pag. 75. suiv.) Religionis Doctores fuit exprobratum, & exemplis Calvinistarum & Arminianorum, Jansenistarum & Jesuitarum, aliorumque confirmatum. Et certe nunquam veritates salutes triumphant per convitia, dicta, scommata; nunquam dissentientium animi ad errores, in quibus haecenus versantur, agrostendos alliciuntur per argumenta, quae unice ab invidia sunt ducta; cum iustissima excitetur in animis Libertinorum suspicio, eos, qui tantopere adversarii suis irascuntur, calumniis, ac maledictis supplere illud velle, quod argumentis deest; sique animadvertant, ab utraque parte id ipsum fieri, conclusio, quam formant, non admodum Religioni favet, perverse tribuentes doctrinae de Deo rebusque Divinis, quod unice in illius Defensoribus culpae debuissent.*

- \*\* Inter reliqua, quae occasionem Atheismo praebere possunt (quorum plurima adhuc sunt, sed omnia enumerare, instituti ratio non patitur) illorum adhuc commemorandum institutum est, qui dum novas existentiae Dei demonstrationes, sive ad ingenii subtilitatem ostentandam, sive alias ob causas excogitant, aut obscuras, aut minus solidas proferunt, quibus veritatem, quam defendendam susceperunt, produnt, & omnium ludibrio exponunt, & non tantum Atheos in errore suo confirmant, sed alios haud raro in eundem inducunt. Non de illis nunc loquar, qui data opera pro argumentis firmis & solidis, infirma & lubrica ad fallendos incautos substituunt, quod Julium Caesarem Vaninum, aliosque, fecisse constat, & supra nobis observatum est; sed de illis sermo est, quibus serio equidem constitutum est pugnare contra Atheos, Numinisque existentiam comprobare; sed, ut novi aliquid adferre videantur, vel ex simplicitate quadam, rejectis vel praetermissis argumentis receptis, ceu quotidianis, nova, sed minus solida in medium adferunt. (138) Exemplo praeter alios esse potest JOSE-

PHUS RAPHSON, vir ceteroquin doctissimus, ingenioque subtilissimo praeditus, cujus demonstratio de Deo, sive methodus ad cognitionem Dei naturalem brevis ac demonstrativa, cum Epistolis miscellaneis, de animae natura & immortalitate, de veritate religionis Christianae, de universo; &c. Londini anno M DCC X prodiit, recusa deinceps Lipsiae anno M DCC XII. Novam enim & ex Mathematicorum scholis petitam dum ingressus est demonstrandi existentiam Dei rationem, multa quidem, quae ingenii acumen arguunt, profert, subinde tamen lubrico fundamento demonstrationem suam superstruit, talia quoque addit, quae prorsus admitti nequeunt, ne quid de obscuritate, qua haecce demonstratio laborat, comemoremus. Nihil de definitionibus dicam, in quibus subinde non tam rem explicare, quam voces idem significantes inter se permutare videtur; dum inter postulata ponit: *omne finitum posse ut non existens concipi*, (139) & inter axiomata: *quicquid est, aut a se est, aut ab alio*, ejusmodi quid postulat, ac asserit, ad quod nondum prorsus concedendum se obstrictos Athei existimabunt (140); uti in *Actis Erud. Lips.* anno M DCC XII. mens. Jan. pag. 28. & 29. observatum. Nec profecto temere quis admiserit, quod asserit, *finitum, qua tale, nihil positivi denotare; concedi posse, processum causarum in infinitum, ut tamen solus Deus aeternus & infinitus statuatur; &c.* & quae reliqua sunt ejusdem generis.

- (138) Respexit forte heic loci Cl. Auctor tum Cartesium, cujus argumentum, ante illum jam ab Anselmo propositum, a priori ex idea Dei deductum ad examen revocabit Cap. V. §. 1. adiecturus suas difficultates contra ejusdem argumentum a posteriori ex eadem idea desumptum; tum etiam Wolffium, cujus argumentum ex contingentia hujus mundi quodammodo displicuit Buddeo nostro.
- (139) Concedi potest, assertum, omne finitum posse, ut non existens, concipi, inter Postulata referendum non esse, si per postulatam intelligamus propositionem practicam indemonstrabilem; spectandum potius est ut Theorema, quod tamen facili demonstratione ad liquidum perducitur. Uti enim omne contingens est limitatum, sic ab altera parte omne limitatum, seu finitum, est contingens; & si contingens est, sine contradictione concipi potest ut non existens: sic certe existentia ex essentia non prosuit, sive existentiae ratio sufficiens seu determinans in essentia non continetur. Existimant autem Lipsienses, ad quos provocat Cl. Auctor, Epicuri sectatores forte negaturos hoc Raphsoni Postulatum, quia putant, atomos suas existere necessario, & ideo fingi quidem posse seu concipi confuse, quod non existant, sed hoc non posse concipi distincte. Verum sic tollitur nexus inter finitatem & inter contingentiam, ita ut atomi sint finitae

Et tamen necessariae, utque ex earum essentia profluat existentia; quot autem exinde sequantur absurda, patebit Cap. VI. §. 2. & 5.

- (140) *Axioma hocce, quod tertio loco proposuit Raphsonus, istius est indolis, ut videndos sese propinent Athei, quando id concedere detrectant; quia tertium dari non potest, si vocabula debita in significatione sumantur. Exceptio quippe, quod atomi & vacuum nec a se sint, non ab alio, quam nomine Epicuraeorum proponunt Lipsienses, aliis verbis significat, atomos & vacuum rationem sufficientem suae existentiae neque in se habere, neque in alio; sic certe sequeretur, nec atomos, nec vacuum esse entia necessaria; cuius contrarium supposuerunt Viri eruditissimi in exceptione, quam ad postulatum secundum Raphsoni ex mente eorundem Epicuraeorum protulerunt. Neque secunda exceptio contra Axioma hocce tertium, vel potius primae adstructio ullius est valoris, quod, scilicet, aliquid possit esse partim a se, partim ab alio, concurrentibus plurium naturis & se mutuo adjuvantibus: sic enim pars illa, quae est a se, rationem determinantem suae existentiae in se habet; adeoque necessario existit ab omni aeternitate, & ab omni parte tum quoad existentiam, tum quoad essentiam deberet esse infinita, & non limitata; quod naturae partis est adversum. Praeterea si Atomus E. G. partim a se esset, partim ab alio, rationem sufficientem suae existentiae non haberet in sua essentia repositam; sed ut existat, aliud quid accedere deberet; ideoque idem exinde formari potest ratiocinium, ac si supponatur, illam penitus esse ab alio. Taceo alias absurditates in hac exceptione Lipsiensium, nomine Epicuraeorum proposita, delitescentes.*

#### §. I V.

Proprietates Atheismi, seu quae eum comitantur, vitia, itidem variae sunt; inter praecipuas tamen referenda, stultitia ejus & irrationabilitas, \* contemptus & vilipendium recte sentientium, \*\* externa virtutis species, qua Athei vitia animi turpissima utcunque tegere, ut eo facilius incautos decipiant, annuntur. \*\*\* Discernendi ab his sunt characteres seu criteria Atheorum, ex quibus eos, si latere cupiant, utcunque agnoscere licet. \*

\* Sunt equidem, qui, stultitiam & irrationabilitatem Atheis objici, aegre ferunt, hoc ipso, se eos pro hominibus admodum sapientibus habere, Cc 2 signi-

significantes. Sed vitio nobis non verrent, si non aliter de Atheis sentiamus, quam Rex sanctissimus David sensit, qui diserte *stultorum* nomine eos insignivit; *stultus dixit in corde suo, non est Deus, Psalm. XIV. 1.* Variis idem rationibus evinci posset, quarum nonnullas jam in medium attulit RICHARDUS BENTLEY, in *orationibus sacris*, quibus *stultitiam & irrationabilitatem Atheismi* demonstravit, a viro doctissimo, DANIELE ERNESTO JABLONSKI, ex Anglicano idiomate in Latinum translatis. Is vero, Atheos vel inde stultitiae argui posse, ostendit, quod cum a teneris ea imbuti fuerint religione, quae a Deo optimo maximo nos conditos, animaque immateriali & spiritali donatos docet, nosque in spem vitae aeternis affluentis gaudiis erigit, illi nulla ducti vel utilitate, vel necessitate moti, sententiae receptae mittant repudium, sibi quae alia omnia persuadeant; nullum scilicet fuisse architectum hujus mundi, nec a rectore ac moderatore sapientissime illum gubernari; nihil esse hoc universum, nisi materiam sensu carentem, & fato fortunaeque impulsu; primos homines fungorum instar e terra natos, totumque illud, quod mentem dicimus humanam, nihil esse, nisi agnationem & adfectum subtilis cujusdam materiae, nihilque adeo manes esse, sed, lethum finire omnia, *orat. I. pag. 33. seqq.* His & alia ejusdem generis addit, quae repetere instituti nostri non patitur ratio; quemadmodum nec, quae alii, speciatim THEODORUS UNTEREICH, in *Atheo stulto*, hac de re commentati sunt. Pauca saltem, quae stultitiam & irrationabilitatem Atheorum extra omne dubium ponunt, addere liceat. Per *stultitiam* summam intellectus corruptionem, cum ingenti voluntatis perversitate conjunctam, enotari, constat; & a me etiam observatum est *institution. theol. moral. part. I. cap. I. sect. II. §. XXXV.* Quae vero major intellectus corruptio esse potest, quam cum quis argumentis evidentissimis suam denegat, saltem ut solus sapere videatur? Vix autem fieri potest, ut tanta intellectui coecitas atque caligo offundatur, nisi pravae cupiditates accedant, atque intellectum secum ad ineptissima quaevis abripiant. (141) Id vero cum in sanae mentis hominem non cadat, non alio, quam stultorum loco Atheos haberi posse, manifestum est. Haec vero tum in aliis, tum vel in eo aperte se prodit stultitia, quod cum ipsimet concedant, vel saltem diffiteri nequeant, sententiam illorum, qui Deum esse credunt, eumque rite colunt, si vel maxime errarent, nullum illis adferre incommodum, maximam contra & aeternam felicitatem, si vera sint (quemadmodum revera sunt) quae credunt; Atheorum contra sententiam, si vel maxime vera esset (quod tamen non conceditur) nullum aut nonnisi imaginarium ad breve tempus illis adferre commodum, summam contra miseriam & aeternos cruciatus, si errant: (quemadmodum eos errare certum est) nihilotenus, priori sententia rejecta, posteriorem eligere malint. Hoc enim summae stoliditatis & insipientiae



tiae esse, nemo, nisi qui prorsus excoecatus fuerit, negaverit. (142) Addere & hoc possem, conditionem illorum, qui Deum esse credunt, eumque rite colunt, in hac quoque vita, vel ipsis Atheis fatentibus, longe feliciorum esse, quam eorum, qui eum negant, & ad hoc animum obfirmant suum. Vitae vero rationem infeliciorem feliciori praeferre velle, non nisi hominis est ratione sua turpiter abutentis. Nec est, quod obvertas, haec omnia tum demum locum invenire, si Athei convicti fuerint, se in errore versari. Pleraque enim ita comparata sunt, ut nec ipsi Athei, haec ita se habere, inficiari prorsus audeant. Stultus vero etiam stultus esse non desinit, etsi, se stultum esse, agnoscere nolit. Irrationabilitas vero Atheorum vel inde maxime apparet, quod ad difficultates quasdam, quas facile, si velent, evitare possent, superandas, systema aliquod illis amplectendum sit, quod non tantum difficultatibus pluribus & longe maioribus premitur, sed plane absurdissimum est. Ita vero rem se habere, ex mox dicendis manifestum fiet.

(141) *Ordinem, quem Cl. Buddus heic loci observat, minus esse naturalem, manifestissimum redditur, si attendamus ad argumenta, quibus utitur, ut stultitiam & irrationabilitatem Atheorum demonstret, quae certe urgeri cum fructu non possunt, quamdiu vis atque efficacia argumentorum pro existentia Dei, & imbecillitas exceptionum, quibus Athei illa enervare allaborant, non est evicta. Quo quaesol jure ceteroquin liceret quaerere: Quae major intellectus corruptio esse potest, quam cum quis NB argumentis evidentissimis fidem denegat?*

(142) *Sic delabitur Ch. Auctor ad argumentum notissimum, quod non penitus sine fructu contra Atheos potest urgeri, desumptum ab eo, quod tutius est; cumque illud quasi in medio relinquit, an ab omni parte valida sint argumenta in sequentibus proponenda, salvo ordine istud potuit heic loci exhiberi, ut saltem summa Atheorum imprudentia patefcat. Nullus eorum eo impudentiae processit unquam, ut sibi persuaderet, se suosque in tristissimo errore socios demonstrasse, nullum esse Deum, omniaque argumenta, pro Ejus existentia a nobis allata, esse sophismata: ad sciendum eo rem perduxerunt, ut, conscientiae suae os obturantes, putaverint, existentiam illam esse dubiam, & lubrico fundamento nitam; cum tamen perpendere debuissent, rem posse esse veram, licet argumentis non satis solidis demonstretur ab iis, qui illius existentia delectantur: interim ita vivendi rationem insitunt, ac si certissimi forent, nullum esse Deum; ideoque valet ratiocinium ingeniosissimi Pascal Pensées Art. 7. pag. m. 41. Sed quis plus metuendum habet infernum? an is, qui ignorat, num detur infernus, sive supplicii locus, quique de sua damnatione certus est, si datur; an vero is,*

qui in certa persuasione versatur, infernum dari, sed simul spem fovet, se salvum fore, si detur? quod ratiocinium nervose exprimitur a Cardinali de Polignac in *Antilucratio* Lib. 1. vs. 1085. seqq. Et certe! si tot forent rationes contra existentiam Dei, quot pro eadem militant, prudentia exigeret, ad partem adfirmantem ut sese inclinent, saltem ita sese gerant, acsi daretur Deus: nihil quippe perdunt, qui illam existentiam credunt, si res aliter caderet; quia post mortem eadem foret ipsorum fors, ac si Dei existentiam non credidissent, dum in hac vita bona conscientia sanitateque voluptatibus non fracta fuerunt gavisi; imo spe fuerunt feliciores, quam Athei. Ab altera parte, Athei in perpetua anxietate versantur; & merito; cum omnia metuenda habeant, si eventu reddantur certi de existentia Dei, iudicis iustissimi, & severissimi Vindictis. Sic recte Polignac l. c. vs. 1025. seqq. sermonem dirigens ad Atheum

tibi luditur alea, Quinti!

Magna nimis. Quoque te veritas, sit tua peior,  
Conditio nostra. Neque enim, si fallimur, hujus  
Erroris dabimus poenas; fors aequa manebit  
Nos omnes; uno simul involvemur inani:  
Tu, si deciperis, contra, sine fine futurus  
Infelix. Cur tanta igitur discrimina tentas?

*Atamen licet hisce ratiociniis demonstretur incredibilis Atheorum imprudentia, imo stultitia, perverse tamen adhiberentur ad probandam divinam existentiam, nisi alia accederent rationum pondera; & eo respectu non immerito asseruit sagacissimus d'Alembert (Melanges de Litterature & de Philosophie Tom. IV. pag. 335) ratiocinium illud, quod venire solet sub nomine la gageure de Pascal, tantum posse esse praeparatorium, & non directum pro magna hacce veritate argumentum.*

\*\* Ut enim soli sapere videantur, reliquos homines omnes pro inertibus, omniumque stupidissimis habent, qui non ratione, sed coeco animi impetu, aut mera superstitione regantur. Intelligendum hoc de Atheismo philosophico, quem ex ambitione praecipue oriri, supra ad §. I. diximus.

\*\*\* Veram virtutem Atheis is demum tribuet, qui prorsus, quid virtus sit, ignorat. Etenim cum vera virtus consistat in studio sincero se & omnes actiones suas ad voluntatem atque legem Numinis conformandi, qui fieri posset, ut homo, qui Deum non credit, adeoque legem divinam non admittit, ad eam tamen actiones suas componere anniteretur?

Mul-

Multa equidem saepius Athei de virtute, de honestate, de justitia, loquuntur, sed ad fucum saltem incautis faciendum. Omoium instar fit BENEDICTUS DE SPINOZA, qui nunquam non justitiam & charitatem in ore habet, adeo ut omnem in ea religionem constituat; sed accuratius mentem explicare jussus, non aliam aut charitatem aut justitiam admittit, quam quae pactis, conventionibus, & imperii civilis auctoritate nititur. Ut verae, inquit, rationis documenta, hoc est (ut in cap. IV. circa legem divinam ostendimus) ipsa divina documenta vim juris absolute haberent, necesse fuisse, ut unusquisque jure suo naturali cederet, & omnes idem in omnes, vel in aliquot, vel in unum transferrent, & tum demum nobis primum innotuit, quid justitia, quid injustitia, quid acquitas, quidque iniquitas esset. Justitia autem & absolute omnia verae rationis documenta, & consequenter erga proximum charitas, a solo imperii jure, hoc est (per ea, quae in eodem capite ostendimus) a solo eorum decreto, qui jus imperandi habent, vim juris & mandati habent; in tract. theol. polit. cap. XIX. pag. 215. Idem deinceps repetit: Justitia a solo summarum potestatum decreto pendet, adeoque nemo, nisi qui secundum earum concepta decreta vivit, justus esse potest, loc. cit. cap. XX. pag. 228. Cum vero juris naturalis antea mentionem fecerit, non ita hoc est capiendum, ac si legem quandam naturalem admiserit; sed nihil aliud hoc nomen intelligit, quam naturalem quidlibet agendi facultatem. Id ipse iterum dilerte & citra ambages proficitur: Per jus & institutum naturae nihil aliud intelligo, quam regulas naturae uniuscujusque individui, secundum quas unumquodque naturaliter determinatum concipimus, ad certo modo existendum & operandum, e. gr. pisces a natura determinati sunt ad natandum, magni ad minores comedendum, adeoque pisces summo naturali jure aqua potiuntur, & magni minores comedunt. Nam certum est, naturam absolute consideratam jus summum habere ad omnia quae potest, hoc est, jus naturae eo usque se extendere, quousque ejus potentia se extendit. Et quia lex summa naturae est, ut unaquaeque res in suo statu, quantum in se est, conetur perseverare, idque nulla alterius, sed tantum sui habita ratione, hinc sequitur unumquodque individuum jus summum adhuc habere. Jus itaque naturale uniuscujusque hominis NON SANA RATIONE, SED CUPIDITATE ET POTENTIA DETERMINATUR, tract. theol. polit. cap. XVI. pag. 175. Nullam itaque cum admittat legem Divinam, mirum non est, quod & nullum admittat peccatum. Peccatum enim est *contra naturam*. Ubi ergo nulla lex, ibi & nullum peccatum. Idque, qua est impudentia, dilerte quoque profiteri non dubitat: In statu naturali peccatum concipere non potuimus, nec Deum tanquam judicem homines propter peccata punientem; sed omnia secundum leges universae naturae communes ferri, & eundem casum (ut cum Salomone loquar) justo ac impio, puro ac impuro &c. contingere, & nullum locum justitiae nec charitati esse; tract. theol. polit.

polit. XIX. pag. 215. Conveniunt haec prorsus cum philosophia THOMAE HOBBSII, qui itidem non alias, quam civiles leges admittit, & in statu naturali homini quidlibet committendi facultatem concedit. *Natura*, inquit, *dedit unicuique jus in omnia, hoc est, in statu mere naturali, sive antequam homines ullis pactis sese invicem obstrinxissent, unicuique licebat facere, quaecunque & in quoscunque libebat* &c. de cive, cap. X. §. X. Haec vero omnia, quam absorta sint, nemo non intelligit, & vel inde etiam constat, quod sublatis legibus Divinis, ipsum etiam imperii civilis fundamentum evertant, simulque iustitiam, & quascunque ei superstruunt virtutes. Fatentur enim, vel saltem fateri necesse habent, imperium civile pactis niti & conventionibus; sed si leges Divinas, quae pacta servare jubent, tollas, quid quaeso est, quod pacta servanda homines inducere queat? Nihil puto, aliud, quam utilitas. Ergo & subditi tam diu imperantibus parebunt, quamdiu hoc c re sua esse existimaverint. Sed hac de re deinceps plura. Nunc ad PETRUM BAEIIUM accedimus, qui virtutem & honestatem Atheorum passim laudat, nullamque prorsus causam esse existimat, cur non Athei aequae honesti (si non honestiores) & virtuti dediti, censeri debeant, quam Idololatrae aut superstitiosi homines, aut qui vera equidem Dei cognitione imbuti sunt, sed eam vita moribusque suis non expiunt. Id passim agit, multisque verborum ambagibus confirmare annititur, dans *les pensées diverses* §. CXXXIII. pag. 261. seqq. item, dans *la continuation des pensées*, §. LXX. pag. 407. Sed in apologetica quoque Dissertatione, sententiam suam hac de re explicat atque defendit, quae subnexa est *tom. III. dictionarii historico-critici* pag. 3137. seqq. (143) Qua de re ut paucis, quid & nobis videatur, dicamus, & nebulas, quas Vir doctissimus veritati obducit, dispellamus, primo quidem in eo nobiscum consentit, veram virtutem, quae ex amore Dei fluit, in Atheum non cadere. Hoc enim diserte profitetur *dissertat. cit.* §. VII. pag. 3137. Rursus vero & nos cum eo consentimus, tum Atheos, tum alios homines, qui de existentia Numinis persuasi sunt, cupiditatum tamen suarum potius, quam religionis dum sequuntur, gloriae & laudis cupidine, aut metu infamiae, vel mortis, aliisve causis plurimis, ad honesta condescenda, turpia autem evitanda induci posse, adeoque externam prae se ferre virtutis speciem. Quaestio igitur eo redit, si utriusque inter se comparentur, num eodem habendi sint loco, an vero illorum, qui vitiis equidem indulgent, sed Dei tamen quodam timore tanguntur, in externae virtutis studio quaedam prae Atheis sit. praerogativa? Negat hoc PETRUS BAEIIUS, nos vero id affirmandum censemus. Omnia namque, quae dans *les pensées diverses* l. c. item dans *la continuation l. c.* copiose & facunde hac de re disserit, eo tandem redeunt, homines, cupiditatibus suis inservientes, non secundum religionis, quam pro vera habent, principia, sed

secun-

secundum adfectus, quibus abripiuntur, vitam suam instituere. Quod quidem saepissime contingere, lubenter concedo, nec tamen id nostrae causae officit. Rursus namque & id concedendum est, multos, qui, etsi pro veris Christianis non sint habendi, attamen quodam Numinis timore tanguntur, tum saltem, cum adfectus cessant, omnino religionis ductum sequi, perque eam ad mala evitanda, honesta autem confectanda, concitari posse. Quare, ut comparatio rite procedat, ponamus primo, Atheum & superstitiosum in eodem adfectu constitutum, cui uterque resistere nequeat; Atheus, cum nullo prorsus obstaculo retineatur, promte statim faciet, quae male sana cupiditas suadet: superstitiosus metu Numinis utrunque retinebitur, etsi tandem ob vim adfectus succumbat. Atque haecenus, si effectum spectes, par utriusque erit ratio. Pone vero, adfectum tam vehementem non esse, ut non eorum, quae Numinis metus hominibus suggerit, repraesentatione superari queat, quod sine saepissime contingit, Atheus tum sine haesitatione faciet, quae cupiditas suadet, cum nihil sit, quod illum retineat, abstinere contra alius, & quidem sola religione ductus. Unde liquido constat, minus mali ab hominibus improbis etiam, quibus tamen ullus religionis sensus est, metuendum esse, quam ab Atheis. Quod ni fallor, ad evitendam penitus Viri doctissimi sententiam sufficit.

- (143) *De celebri hacce quaestione, quae arctissime est connexa cum illa, quam pertractat Cl. Buddeus §. seq. egerunt plurimi eruditione insignes Viri, inter quos prae reliquis memorandi Croufaz Examen du Pyrrhisme pag. 595--721. & Divers ouvrages Tom. 1. pag. 64. suiv. Fayus contra Tolandum Cap. 28. Poiret Cogit. Rat. L. 3. C. 8. §. 9. Werenfels Opusc. Tom. 2. p. 244. seqq. Fabricius Delect. Argum. Cap. 9. pag. 322. seqq. Duguet Instit. d'un Prince pag. 253. seqq. Hochstetterus in Dissert. selectis pag. 225. seqq. Barbeirac ad Puffend. Droit de la Nature & des Gens L. 2. C. 3. §. 19. no. 2. & L. 2. C. 4. §. 3. no. 4. pag. 252--259. Gassrel dans la-Defense de la Religion Tom. 1. pag. 461--476. Warburton Goddelyke Zendinge van Moses 1<sup>ste</sup> Deel 1<sup>ste</sup> Boek 4<sup>de</sup> Afd. enz. Breviter tantum nonnulla notabo, ad illustrationem atque confirmationem eorum, quae ab Cl. Autore proponuntur, tendentia. Certissimum est, Atheum externam posse monstrare virtutis faciem, quando persuasus est, omnia, a Lege caeteroquin naturae praescripta illis, qui Deum Legislatorem agnoscunt, facere ad salutem, ordinem, tranquillitatem & pacem societatis humanae, & singulorem, qui eam componunt: ex sensu igitur utilitatis suae virtutem colere videbitur, si perspicacitas ipsius adeo sit ingens, ut veram perfectionem felicitatemque ab apparenti perpetuo discernat; si nunquam adfectibus immoderatis & turbulentis rapiatur*

Dd

in

*in transversum. Verum hypotheser illae, si ad experientiam attendamus, evanescent, & homines considerandi, non quales esse possent, sed quales sunt, qualesque se quotidie monstrant; neque unius alteriusve Athei perspicacioris ac bene morati suaeque naturae bonitae quasi victi exemplum rem conficere possit; cum certissimum sit, hominem, cui ingenii acumen ac placidum temperamentum obligit, posse utilitatis & commodi proprii causa abstinere a sceleribus. Verum, ut rem hanc recte pulemus, duas nobis proponere deberemus societates aequae perspicaces, aequae ab adfectibus, secundum naturale temperamentum, liberas, aequae ambitione agitatae, aequae numerosas, quarum una ex Atheis, altera ex Religiosis, vel ex superstitionis (quos Athei saepissime, si non semper, cum Religiosis confundunt) est composita, & facile erit demonstrare, hanc illam esse feliciorum, & tranquilliorum, moribusque laudabilioribus conspicuam. Societas inter meros Atheos inita, utut constata ex hominibus perspicacioribus, erroribus est obnoxia; quaedam ex illius membris perverse quandoque iudicabunt de propria felicitate; media adhibebunt minus legitima, praesertim si adfectuum imperio subjiciantur; nec ullo retinebuntur fraeno, quominus, secreto saltem, instituant actiones ad laesionem aliorum, vel ad turbendam societatem facientes; cum omniscii & omnipraesentis Legisktoris & Iudicis veneratione & metu non deterreantur. Duplex in societate Religiosa datur ad virtutem, ad conservandam promovendamque salutem propriam, ac societatis pacem, tranquillitatemque, incitamentum, amor felicitatis (quem cum Atheistica habet communem) & inserviendi finibus Divinis, atque independentis Domini ac Imperantis sanctissimi indignationem effugiendi, studium conjunctum cum tenerrimo supremi Benefactoris amore, ac cum sincera Ejus reverentia: & sic concludere licet cum Bentlejo de stultitia Atheismi Orat. 1. pag. 53: Quod si epidemica Atheismi huc universam gentem ponamus infici, tunc vero longum valet omnia vincula amicitiae & generosa honorum incitamenta, omnis in Patriam amor & in Principem fides! imo vero longum vale ipsa Respublica atque societas! valet omnes professiones & artes, omnia vitae commoda & emolumenta, & quidquid chari atque praeclari habet orbis. Amicitia certe sola utilitate probabitur, honoris incitamenta non satis potentia erunt, quia ad leges divinas nullus habetur respectus; nemo permovebitur ad praeclara facinora in patriae salutem & commodum, aliquo cum vitae periculo juncta, patranda; pactorumque etiam juramentis confirmatorum nulla erit efficacia. Et licet superstitio plurimas excitet quandoque turbas in societate humana, manet tamen in superstitionis duplex illud incitamentum; nec in alios sunt injurii, nisi in eos, qui in negotio Religionis a se dissentiant. Conferantur ea, quae dicemus ad §. sequentem V. n°.*

• Cha-

\* Characteres Atheorum, ex quibus, cum latere cupiant, dignosci possint, sequentes tradi solent: quod quavis data, aut arrepta occasione, dubia contra Numinis aut existentiam, aut providentiam proponant, aut ab aliis proposita pro insolubilibus venditent; quod nihil, quod naturae superet vires, admittant; hinc & miracula aut inficiuntur, aut ad causas naturales revocent; Divinarum item quod elevent litterarum auctoritatem; religionemque mysterii omnis expertem cupiant; & quae alia sunt ejusdem generis, a GISERTO VOETIO commemorata *disput. de Atheismo, part. I. disputation. selectar. pag. 238. seqq.* qui & *pag. 135.* adjuncta seu proprietates Atheismi, sed more suo, recenset. Verum praeterquam, quod characteres isti non uno omnes habendi sint loco, in applicatione caute admodum versandum, ne viris innocentibus temere Atheismi nota inuratur. Id jam monui in *dissertat. de pietate philosophica seu religione naturali*, quae extat in *selectis juris naturae & gentium*, §. LVII. *pag. 262. seqq.* (144)

(144) Cl. Auctor memoratis characteribus adjungit l. c. quod non adhibeant fidem illis, quae de apparitionibus & operationibus Spirituum a scriptoribus fide dignis traduntur; *qualis tamen character dari potest in homine de existentia Dei penitus persuaso, ac vera pietate conspicuo, nisi agatur tantum de illis apparitionibus & operationibus, quae expresse memorantur in historia sacra.* Attamen adjicit l. c. Cl. Buddeus, hisce tum demum probandi vis inest, si juncta sint inter se aut omnia, aut pleraque; sique nobis cognita accurate sint & explorata.

## §. V.

Effectus denique Atheismi sunt, summa miseria, quam in hacce jam experiuntur vita, qui eodem sunt infecti \* & difficultas admittendi emendationem; \*\* in alios vero, si contingat, ut ad plures malum hocce serpat, non possunt non plurima inde maximaque redundare incommoda, cum rerumpublicarum per eum dissolvantur vincula, & fundamenta, quibus civium salus, omnisque vitae tranquillitas, innitur, concutiantur & labefactentur; \*\*\* ut adeo non temere gravior pestis, aut, quod hominum generi noxium magis sit; quam Atheismus, cogitari queat. (145)

(145) Quia Atheismus summo perest noxius Reipublicae ac toti humano generi, quaesitum fuit, an poenis civilibus sit coercendus? opiniones certe eo sunt magis damnosae, quo earum effectus atque sequelae magis turbant societatis civilis & humanae tranquillitatem pacemque, quo magis dissolvunt Reipublicae vincula, fidemque vacillare faciunt; ideoque omni virium contentione monstroso dogmati remoram esse injiciendam, ne latius serpat perniciosissima pestis, extra dubitationis aleam est constitutum. Verum duae hic considerandae sunt Atheorum species: dantur, qui de existentia Dei dubitant, imo eam non agnoscunt, vel quia non satis attendunt ad argumenta, quae pro hacce veritate adferuntur, vel quia vehementioribus animi adfectibus atque perversa ambitione aguntur in transversum: dantur alii, qui optant & in corde suo dicunt, non esse Deum, ne existat ultor suorum scelerum; qui alios, praesertim imperitos & voluptatibus deditos, in suam sententiam pertrahere conantur, suppeditando publicis scriptis & sermonibus cavillationes quasdam pueriles contra argumenta pro existentia & providentia Divina, quique hac ratione ex hominum animis Religionem eradicare, firmissimumque societatis vinculum perrumpere satagunt. Primae speciei Athei, (licet diu ac serio de existentia Dei dubitare vix possint, cum argumenta eam demonstrantia sint simplicissima, omnium captui accommodata, & apodictica;) si modo a docendo abstineant, poenis non sunt adficiendi, cum vitium magis in intellectu, quam in voluntate suam habeat sedem; sed insipientium instar ad eos sunt ablegandi, qui gravissimo mentis morbo medelum adferant; & sane absque injuria possunt cogi, ut sua dubia proponant, non imperitis & indoctis, sed iis, qui vires suas in hacce palaestra exercuerunt, quique, ratione muneris, quo funguntur in Republica, harum rerum debent esse peritissimi; ut sic ipsi tandem experiantur, quam levis armaturae sint milites, quam superficialia imo quam lamentabilis sit illa, qua sese supra alios efferre quandoque student, eruditio. Verum longe alio modo judicandum de secundae speciei Atheis, qui severioribus poenis omnino sunt coercendi; quoniam quavis data occasione blasphemiam committunt, & putrida Reip. membra sunt habendi, qui in propriam doctrinam impingunt, Religionem omnem inter inventa Politicorum referentes, ut homines in officio suo continerent arctiusque constringerent societatis vincula. Undique igitur committunt crimen laesae majestatis cum divinae, tum humanae; si autem poenae severissimae infligantur ob laesam majestatem humanam, minus graves esse non debent poenae, quae infliguntur ob laesam majestatem Divinam, cum bonus & fidelis subditus ferre non possit, ut maligno animo rebelles irrideant gravissimasque laesiones inferant Principi, cujus imperium agnoscit, & a quo innumera accipit beneficia, ex paterna Ipsius cura, qua omnes suos subditos complectitur, profluentia. Vid. Barbeirac ad Puffend. de J. N.



*J. N. & G. Lib. 3. C. 4. §. 4. Höchstetters Diff. Select. pag. 225. seqq.*

- Quod si ipsos Atheos audias, minime infelices erunt, quippe qui omni metu, quem aliis peccatorum conscientia, aut de statu animae post hanc vitam anxia sollicitudo incutit, quove haud raro non mediocriter mortales anguntur, se liberatos profitentur; sique ita se gerant, ut hujus vitae incommoda aut evitent, aut aequo animo ferant, nihil amplius esse videtur, quod illos excruciet. Verum si intiores animorum in hisce hominibus recessus introspicere daretur, longe alios eos deprehenderemus, quam videri volunt. Sane, quod de tyrannis ex mente PLATONIS, CORNELIUS TACITUS dixit: *si recludantur tyrannorum mentes, posse adspici laniatus, & ictus, quando, ut corpora verberibus, ita saevitia, libidine, malis consultis animas dilaceretur; Annal. lib. VI. cap. VI.* id pari ratione de Atheis dixeris, metu, terrore, moribusque conscientiae, subinde eorum animos mirum in modum dilacerari. Quicquid enim dicant, quicquid jactitent, quicquid simulent, nunquam de suo tam firmiter persuasi errore esse possunt, ut non veritatis subinde stimulos sentiant, & hinc animus summae impietatis eos convincat, simulque cogitare jubeat, quid a justissimo illo severissimoque judice tandem illis expectandum sit, contra quem tam proterve insurgunt. Et hoc ad summam in hac vita miseriam sufficit. Hinc & ipsam veritatem Atheis ejusmodi voces quandoque expressisse novimus, quantumvis errent, qui Deum esse credant, & colant, feliciores tamen esse, quam eos, qui, non esse Deum, persuasi sint. conf. B. PHIL. JACONI SPENERI *Ueberinstimmung mit der Augsburgischen Confession / artic. praelim. I. thes. VII. §. VIII. pag. 14. seqq. (146)*.

- (146) Omnia illa argumenta, quae monstrant virtutis pulcritudinem, Religionis utilitatem, uberrimosque fructus, amoenitates conscientiae, quae nulla culpâ pallescit, eximia privilegia, quae ex amicitia cum Deo profutur, etiam demonstrant summam miseriam Atheorum, qui omnibus hisce bonis sunt destituti, vel potius iis ex mera petulantia se ipsi privant. In secundis rebus anxius, de futuro incertus, in adversis consolatione carens, cum nullam in Divina providentia spem reponat Atheus, propriae miseriae est Architectus; dum laetissimam ac salutiferam de existentia Numinis optimi & amore dignissimi persuasionem omnisque spem, quae in ea est fundata, ex animo suo eradicare studet, cunctorum odium merite in se concitat; ita ut quilibet Vir bonus ipsum fugiat tanquam praedonem publicum, atque humani generis teterrimam pestem; & certe, si sciret, abstinere deberet a docendo (quod nihilominus ex vana ipsiusque damnosa ambitione faciunt desipientes Athei) ne aliorum animis instillet principia, per quae ipse

neque de vita sua, neque de fama, neque de bonis per temporis momentum potest esse certus; ita ut a lamentabili etiam miseroque solamine sit destitutus, quod fortassis ex aliorum in hoc errore consortium dementiâ perciperet; cum firmissima societatis humanae atque civilis vincula perrumpens, omnisque fiducia evertens fundamentum, tot hostes sibi procreet, quot suae doctrinae facit profelytas, & inter suae sectae homines nunquam veros fidosque invenire possit amicos. Vid. Croufaz *Traité du Beau* Tom. 2. pag. 109-275. la *Theorie des Sensimens agreables* Ch. 12-15. Werenfels *Opuscul.* Tom. II. pag. 246. segg. Reimar *Voornaamste Waarheden van den Natuuri. Godsdienst.* pag. 698. segg. of *tiende Verhand.* §. XII. segg. Cudworth *Syst. Intell.* pag. 1190. segg. ubi rectissime sic concludit: eam ergo disciplinam, quae omnem hominibus bene sperandi facultatem admittit, neminemque fieri ulla ratione beatum posse decernit, nescio, num sanus aliquis existimare possit, si quidem vera esset, viam homini ad multas opportunitates, & emolumenta fore munituram?

- \*\* Fieri sane potest, ut agnito errore ad saniores mentem redeat Atheus; idque factum etiam aliquando, novimus. Illustre cumprimis, longaeque notissimum est exemplum Roftae Comitissae, de quo scripto quodam peculiari egit GILBERTUS BURNETUS, quod ex Anglicano idiomate in Latinum translatus, hocce titulo prostat: *Roftae Comitissae in extremis penitentia*, seu poenitentia salutaris, a Gilberto Burneto memoriae prodita &c. Ultrajecti anno MDCXCVIII. Nec sine ratione in ipso titulo additur: *opellam hanc ad convincendos seculi hujus Atheos & Apostatas apprimè esse utilem.* Interim tamen & hoc est certissimum, & paucos esse, qui ex hisce laqueis iterum se expediunt, & plurima obstat, quo minus se iterum expedire queant. Primum emendationis initium est, agnoscere errorem, miseriamque, qua circumsepti sunt, qui alieno a Deo sunt animo, intelligere. Atheus vero tantum adest, ut agnoscere velit, se errare, ut solus sibi sapere videatur, reliquos vero homines omnes in errore versari credat; multo vero minus se miserum existimabit, cum ejus metus, qui reliquos mortales angat atque excruciet, se immunem esse censeat. Frustra etiam ei verbum Divinum opponas, quippe quod respuit, nec pro Dei verbo agnoscit, immo contemnit; tantum adest, ut ei morem gerere paratus sit. Rationi omnia equidem tribuit, sed pravae atque corruptae; rectae autem eo minus locum relinquit, quo difficilior, ut pravae suae ratiocinationis defectus agnoscat, induci potest. Accedit, quod error iste, quantumvis execrabilis, hominibus cupiditatibus suis indulgentibus gratus esse non desinat; sua vero natura homines ita comparati sint, ut, quae eis grata sunt, vera etiam esse credant. Mitto reliqua; cum ista, quae diximus, difficul-

cultatem ex sordibus impietatis, quibus Atheus immerſus eſt, eluctandi, ſatis oſtendant. (147)

- (147) *Eaedem rationes & cauſae, quae hominem ad Atheiſmum abducunt, efficiunt quoque, ut in eodem perſeueret: Averſio a Deo, independen-  
tiae affectatio, in voluptates proclivitas, perversa ambitio, ſupra alios  
eminendi ſtudium, familiaris cum Libertinis vitaeque diſſolutioris  
hominibus converſatio, diligens librorum, qui ad Atheiſmum viam  
ſternunt, lectio, fuga denique ab omni loco, in quo melius poſſent  
doceri, eos Atheiſmi tenaciſſimos debent reddere; praefertim cum prima  
converſionis ad meliorem frugem ſtamina rideantur, & ſic proculcentur  
ab ſerocibus illis animalibus, quorum conſortio unice deleſtantur.  
Accedit tandem maleſana cum Deo, cujus favorem & amicitiam flocci  
fecerunt, cujusque Majeſtatem tantopere laeſerunt, in gratiam redeun-  
di deſperatio; dum vitam pie, temperanter & juſte agere ipſorum ple-  
riſque abiit in deſuetudinem. Si hoc modo conſideretur Atheiſmus,  
operae pretium non eſt, ut diſputetur, an haecce emendationem ad-  
mittendi difficultas inter effectus hujus morbi, an vero inter ejusdem  
proprietares debeat reſerri; poſterius voluit Reimmannus Hiſt. Ath.  
pag. 20. ſeq.; eſt effectus quatenus ipſa Divinae exiſtentiae negatio  
iſtiusmodi homines magis magisque a Deo alienatos reddit, atque aver-  
ſionem a fonte omnis boni magis facit pertinacem; eſt proprietas, qua-  
tenus ipſa morbi indoles hancce difficultatem involvit, uti inter morbo-  
rum corporis, qui difficile ſanantur, proprietates numeratur, quod  
plerumque Medicorum conamina & herbarum vires eludant.*

- \*\*\* Quaeſitum noſtra aetate fuit, num Atheiſmus ſtatui civili noxius ſit,  
aut ſaltem, an majus damnum adferat, quam idololatria aut ſuperſti-  
tio? Ad quod quid reſpondendum ſit, dijudicare equidem quodammodo  
ex iis licet, quae antea de virtutibus Atheorum diſputavimus. (148)  
Juvabit tamen, hic reliqua excutere, quae PETRUS HÆLIUS pro illorum  
ſententia, qui Atheiſmum rebus publicis non adeo noxium eſſe cre-  
dunt, in medium adfert. Ut autem a prima origine rem repetat, ipſas  
ſocietates ad humani generis conſervationem non adeo neceſſarias eſſe  
credit, cum experientia doceat, integras gentes ſubſtituiſſe, quae ta-  
men in unam quandam ſocietatem civilem non coaluerint; id quod  
exemplo Aboriginum in Italia, Getulorum & Lybiorum in Africa,  
comprobare annititur. Refert huc, quod de Cyrenaicae quibuſdam  
incolis POMPONIUS MELA memorat: *Sequuntur vagi pecora: utque a pa-  
bulo ducta ſunt, ita ſe ac tuguria promovent; atque ubi dies deſicit, ibi  
noctem agunt.* Quanquam in familiis paſſim & SINE LEGE diſperſi,  
nihil IN COMMUNE conſultant &c. de ſitu orbis, libr. I. cap. VIII.  
pag. m. 14. Hinc vero porro concludit, cum populi per familias di-  
ſperſi

sperfi sine religione secure & tranquille vivere potuerint, multo magis de illis, qui in rempublicam quandam aut societatem civilem coaluerunt, idem dicendum; cum, qui in ejusmodi societatibus constituti sunt, facilius praemiorum spe & metu poenarum, in officio contineri possint, quam qui extra ejusmodi societates degunt. Experientiam praeterea huic sententiae suffragari existimat, cum hinc inde societates quaedam civiles sine ulla religione subliterint: quod Cusorum in Africa, aliorumque populorum exemplo comprobare annititur. Multa alia hunc in modum disserit, *dans la continuation des pensées diverses &c.* §. CXVIII. pag. 568. seqq. Eandem vero sententiam dum contra JAC. BERNARDUM defendit, *dans la Réponse aux questions d'un provincial, tom. IV. cap. XVII. pag. 232. seqq.* novas quoque, quibus eandem confirmet, adfert rationes. Inter has praecipua mihi esse videtur, quod dicit, cum societatis civilis seu reipublicae, in qua quisque vivit, conservatio ita comparata sit, ut maxima inde ad omnes ac singulos commoda redundent, neminem sanae mentis, adeoque nec Atheum, temere quidquam admitturum, quod civitatis rationibus repugnet: hoc enim si faciat, suis ipsum minus recte consulere rebus. Ipsam itaque utilitatis rationem, & commoda plurima, quae salvo civitatis statu Athei etiam sperare possunt, non permittenda, ut aliquid committant, quod civitati noxium sit, ut adeo nullo ad hoc religionis opus sit vinculo. Cum vero JACOB. BERNARDUS inter alia objecisset, vel ipsorum Atheorum confessione necessariam esse, ad conservandam rempublicam, religionem, cum magno consensu eam pro instrumento quodam politico, ad continendum in obsequio populum, excogitato, habeant, PETRUS BAEIUS respondet, non tantum Atheos; sed alios etiam Viros doctos ita quidem sentire, nec tamen hoc eos velle, ac si religio ad conservandam rempublicam prorsus sit necessaria, sed quod adjumentum aliquod aut praesidium saltem ad rempublicam conservandam adferat. Etsi vero religio forte commodum aliquod adferat; eandem tamen subinde haud minora secum vehere incommoda, cum haud raro per eam summi imperantes in eum rerum statum deveniant, ut a nutu illorum, qui religionis custodes videri volunt, pendere cogantur. Multa alia ejusdem generis profert, ut evinceat, consistere rempublicam posse, in qua, sublata religione omni, Atheismus triumphet. Quae ejusmodi sint, ex hocce, quod dedimus, specimine, facile intelligitur. Ut vero, quam lubrica cuncta sint, ostendamus, pauca observabimus. Quod primo loco dicit, societates civiles ad humani generis conservationem non prorsus esse necessarias, id tum demum concedimus, si gens quaedam a reliquis gentibus ita separata habitet, ut nullum ab aliis agentibus ei adferri incommodum queat. Secus enim si res se habeat, ridiculum foret, persuadere sibi velle, nullum isti genti ab aliis imminere periculum. Qui dominandi cupidinem,

nem, aut avaritiam etiam hominum insatiabilem cogitat, nunquam animum inducet, ut credat, tutam ejusmodi gentem a vicinorum populorum vexationibus aut incurfionibus fore. (148\*) De gentibus præterea, quas in exemplum adducit, nondum satis constat, annon speciem quandam societatis inter se habuerint, quemadmodum nec de intestinis illorum discordiis, dissensionibus, aliisque malis domesticis, quicquam constat, quorum eas prorsus immunes fuisse, non est credibile. Multo vero minus evitum est, eas gentes omnis religionis fuisse expertes. Hoc tamen audacter assumit FÆLIUS, dum ita rationes subducit: si gentes extra societatem civilem constitutæ absque religione consistere potuerunt, multo magis de illis hoc dicendum, quæ in ejusmodi coaluere societates. Prius enim adhuc probandum erat. Quamquam & ipsa non recte procedat argumentatio; cum, quo majores societates sunt, eo arctioribus ad eas conservandas opus sit vinculis. (149) Quod vero dicitur, gentes quasdam, quæ in civiles societates coaluerunt, sine omni religione vixisse, & rempublicam suam conservasse, id iterum non temere omnibus persuadebit. Scio de Cætris, aliisque gentibus, ejusmodi quid a quibusdam commemorari; sed hoc quoque scio, ab aliis hoc vocari in dubium. Sed hac de re deinceps erit dicendi locus. Nec quidquam altera evincit ratio, ab utilitate, quam Athei ex reipublicæ conservatione capiunt, desumpta. Nihil enim inde aliud sequitur, quam Atheos, si perspiciant, rebus suis conducere, salvam rempublicam esse, tamdiu boni civis officio functuros, quamdiu id rebus suis expedire credent. Quodsi vero errore ducti aliter existiment; aut commodum istud, quod ex reipublicæ conservatione ad se redundat, non intelligant; aut, si utilius sibi esse credant, totum reipublicæ statum everti, ecquid est, quod a maximis atrocissimisque facinoribus eos retinere queat? Esto, & superstitiosos ejusmodi quandoque furis agitari, nullum tamen est dubium, illos, qui, Deum esse, credunt, subinde ejus metu ab ejusmodi sceleribus retrahi, quod de Atheis asseri nequit. Quod vero dicit, eos, qui religionem pro instrumento dominandi, & populum in officio continendi, habent, non ita hoc intelligere, ac si religionem ad reipublicæ conservationem prorsus necessariam judicent, sed quod ad bene esse saltem faciat, ac adminiculum aliquod, seu præsidium adferat, non magis, quam reliqua, admitti, sine accuratiori explicatione, potest. Quo pacto Athei equidem hoc intelligant, de eo nunc non disquiram; nec id nunc morbo, an qui Atheus non sit, religionem pro mero commento politico habere possit, cum contrarium pauci sibi persuasuri sint: utcunque alii hoc intelligant, res ipsa docet, rempublicam sine omni religione consistere non posse. Atque hoc sic evinco: fundamentum aliud reipublicæ, seu societatis civilis, concipi nequit, quam pactum inter Impe-

Ec

ran-

rantes & cives initum, quo hi illorum se imperio subjecerunt. Hoc vero nititur lege divina, quae pacta servare jubet. Sublata autem lege divina, quae vis, quae efficacia, quae obligatio pactorum crit? Nonne extremae stultitiae est, pacta cum hominibus inire, qui putant se ad ea servanda non esse obstrictos? Ergo ipsum omnis societatis civilis fundamentum corrui neceffe est. At utilitatis, inquis, ratio inducet homines, ut pacta servant. Eo quidem res omnis tandem redit. Sed, quid ad hoc respondendum sit, antea jam ostendimus. (149\*) Patet itaque, Atheorum nullam revera rempublicam esse posse; simulque, quam noxius rebus publicis Atheismus sit, intelligitur. Superstitio tamen forte, inquis, atque idololatria, si non magis, certe aequae noxia est. Id quidem vehementer urget PETRUS BÆLIUS. Ego vero nulla ratione nego, ex superstitione seu idololatria plurima in rempublicam redundare incommoda, nec abnuo, per superstitionem ad maximam crudelitatem & atrocissimam facinora edenda, homines quandoque inductos, quod exempla Imperatorum gentilium, qui immanissimis suppliciis Christianos adfecerunt, demonstrant: sed duo hic sedulo observari velim. Alterum est, facinora superstitionis hominum non semper ipsi superstitioni, sed pravis illorum cupiditatibus, qui superstitionis tegumento obvelantur, tribuenda esse. Quare, si ponamus, Atheum iisdem cupiditatibus inflammatum, non tantum eadem ager, quae superstitiosus, sed tanto ad quidlibet perpetrandum audacior crit, quo minus fraenum aliquod internum adest, quo retineri queat. Alterum hoc est, si ipsa superstitio ad crudelitatem, vel alia vitia homines impellat, tum quidem, quicquid ejusmodi homo agit, per errorem agit, dum falsa persuasionem inducitur, existimat, se rem Deo gratam facere, ut ipse Servator nos conducet, *Joan. XVI. 2.* Hoc ergo ut non tam superstitioni, quam errori tribuendum est, ita non mitiora ab Atheo expectes, per errorem in eam sententiam inducto, aut sibi aut reipublicae expedire, vel omnino necessarium esse, ut omnes homines fiant Athei. Unde sequitur, Atheismum cum superstitione comparatum, ad minimum aequae noxium esse; in se autem spectatum, longe perniciosiorem: cum per superstitionem saepius a pravis facinoribus homines retrahi queant, per Atheismum autem nunquam, qui ipsum etiam vinculum societatis civilis prorsus solvat. (149\*\*) Quodsi tandem inter Atheismum & Christianam religionem comparatio instituitur, PETRUS quidem BÆLIUS non negat, si Christiani secundum disciplinam Servatoris vitam insistant, mores illorum statui sociali prorsus fore accommodatos, cum ab ambitione omni & avaritia alieni, summo evitaturi studio sint, quicquid aut alere aut excitare dissensiones, aut creare aliis molestiam, aut alia quacunque ratione quietem atque tranquillitatem publicam turbare queat: interim cum iisdem rebus omnibus huius seculi nunquam

mit-

mittere, seque ipsos abnegare, & in id saltem incumbere jubeantur, ut pravas cupiditates subigant, atque compescant, fieri non posse, existimat, ut societas ex veris Christianis composita consistat; cum nulla societas sine bellis, quibus vim sibi illatam repellat, se conservare queat; bella autem, & quae cum iis conjuncta sunt, cum moribus verorum Christianorum, prout antea eos descripserat, conciliari non posse; quod pluribus edisserit *dans la continuat. des pensees diverses*, §. CXXIII. & XXIV. pag. 595. seqq. (150) Ex quibus, quod primo loco disserit, eorum, qui Christi Servatoris disciplinam sequuntur, mores, statui civili prorsus esse accommodatos, & hac quidem ratione religionem Christianam civili imperio maxima adferre commoda, verissimum est, & pluribus etiam a me demonstratum, in *dissertat. de concordia religionis christ. statusque civilis cap. I. §. VII. seqq.* Quod vero secundo loco adfert, societatem ex veris Christianis compositam, consistere non posse, cum illorum mores cum iis artibus, quibus imperia conservari aut amplificari solent, non convenient, in eo jaur praecentes sibi habuit veteres Ethnicos, qui eadem ratione de religione Christiana sentiebant. MARCELLINUS namque objectum sibi a Paganis apud AUGUSTINUM refert: quod Christi praedicatio atque doctrina reipublicae moribus nulla ex parte conveniat; utpote cujus hoc constet praecipuum, ut nulli malum pro malo reddere debeamus, & pallium dare persistenti tunicam tollere, & cum eo, qui nos angariare voluerit, ire debere spatio itineris duplicato, quae omnia reipublicae moribus sint contraria; cum nemo reperitur, qui tolli sibi ab hoste aliquid patiatur, vel Romanae provinciae depredatori non mala velit belli jure reponere; in *epist. ad Augustinum*, quae est inter Augustinianas IV. Praeurrentem etiam sibi habuit NICOLAUM MACHIAVELLUM, cujus hac de re verba exhibui, in *dissertat. cit. de concordia relig. christ. statusque civilis cap. II. §. II. pag. 43. (151)* Sua sponte autem haec omnia corruunt, si observemus, Christianam charitatem, abnegationem sui, pravarumque cupiditatum coercitionem, cum officio magistratus bene consistere posse. Et licet vindicta privata a moribus Christianorum merito aliena sit; nequitiam tamen illis defensio, suis limitibus circumscripta, praesertim, si a magistratu ex causis iustis & necessariis suscipiatur, repugnat. Quare nec bella gerere Christianis nefas fuerit, aut ea agere, quae ad bella gerenda necessaria sunt; modo, quae in hisce omnibus, legibus divinis contraria, occurrunt, eo, quo par est, studio evitentur; uti *loc. cit.* pluribus a me est demonstratum. De tota autem hacce quaestione legi meretur viri doctissimi, deque Ecclesia praeclare meriti, JOAN. GEORGII PRITII, erudita dissertatio *de Atheismo*, & in se foedo, & humano generi noxio, Lipsiae anno MDCXCV. habita.

(148) Vid. ea, quae ad §. praecedentem nota 143. observari.

Ec 2

(148\*)

- (148\*) *Nequaquam concedendum est, societates civiles ad humani generis conservationem non prorsus esse necessarias, si gens quaedam a reliquis separata habitet. Equidem numerosae Patriarcharum familiae in initio faciem non habuerunt societatum civilium; sed tractu temporis adeo increverunt, ut in civitatum vel regnorum numerum transirent, quorum summi Imperantes erant Familiae Patres, qui tamen suadendo magis, quam iubendo in adultos suos posteros, in familia paterna manentes, placidum exercebant imperium. Sed ponamus, statum civilem in initio non obtinuisse, an inde sequeretur, societates domesticas sine regimine potuisse subsistere, illudque regimen tuto & cum fructu potuisse exerceri sublata persuasione de existentia iustissimi & omniscii Iudicis corporis oculis non conspicui? si vel Gens Judaica, a reliquis ex voluntate ipsius Dei separata, nihil ab aliarum insulibus metuendum habuisset, interna tamen tranquillitas non potuisset servari absque legibus civilibus, absque Legislatore, absque statu civili; & hic iterum subsistere non potuisset absque persuasione de existentia Numinis.*
- (149) *Neque hoc tantum, verum etiam segreges familiae, simplici vivendi ratione utentes, facile inveniebant ubique, quod ad victum & amicum requirebatur in habitaculis ab omni fastu & splendore remotis; quo autem paucioribus contenti vivunt homines, eo pauciores injuriis, litibusque praebentur occasiones. Quod omne etiam applicari potest integris Nationibus, quae antiquissimis temporibus simplicissima ratione vitam transigebant; non quia studebant temperantiae ex principio laudabili, sed quia luxur non dum invaluerat.*
- (149\*) *Id quidem experientia quotidiana docet, homines non semper agere secundum doctrinam suam & persuasionem, quam habent de veritatibus praesertim practicis, adeoque illos, qui Dei existentiam admittunt & propugnant, nequaquam ita suas actiones instituere, ut ex iis pateat persuasio de momentosissima illa veritate: verum hoc tantum obtinet, quando vehementioribus animi adfectibus ad voluptates abripiuntur, atque adeo impediuntur quominus ad officii sui rationem attendant severius. Verum Atheus semper suis voluptatibus fraenum relaxare potest secundum sua principia agens. Atheus, vel ex meris Atheis composita societas unice ab intemperantia abstinet, & a laesione aliorum, quia persuasa est de noxiis intemperantiae istarumque laesionum sequelis; sed duplici de causa ab istiusmodi facinoribus absternebit societas, quae Deum credit, & quilibet, qui ad eam pertinet, tum quia sibi illa, ut & societati, damnoa esse cognoscit, tum quia attendit ad voluntatem Legislatariam, omniscientiam, iustitiamque ipsius Dei.*



In genere autem observandum, ex eo, quod unus alterve Atheus existerit, qui, naturae quasi bonitate victus, temperanter vixit & iuste, nequaquam sequi, integram societatem, ex meris Atheis compositam, subsistere posse per insigne tempus; cum falso supposuerit Baillius, eam mentis perspicaciam, eamque animi tranquillitatem immunitatemque a vehementioribus mentis adfectionibus integrae genti Atheae posse esse communem; quod quidem in se nullam involvit contradictionem, sed ab omni probabilitate est destitutum, si homines respiciamus, quales per experientiam deprehenduntur. Sic autem penitus concidunt ea, quae in contrarium urgit Baillius, frustra provocans ad Epicuræos, qui amice & iuste inter se vivebant; cujus rei rationem recte adsignavit Croufaz *Examen du Pyrrhonisme* pag. 600. *suiv.*

- (149\*\*) Baillius secutus fuit Plutarchum, qui in *Tractatu de superstitione* (*de diadumachos Oper. Tom. II. pag. m. 164. seqq.*) Atheismum superstitione tolerabiliorem esse, asseruit; sed egregie refutatus fuit a Warburton *Goddelyke Zendinge van Moses 2<sup>e</sup> Deel pag. 369-403. sive Lib. 3. Sect. 6.* Id unum brevitatis gratia & contra Baillium & contra ipsius antesignanum, Plutarchum, notabimus, Atheum, salvis suis principiis, in omnes alios homines posse esse injurium, atque crudelem, si modo spes sit & genio fruendi, lucrumve faciendi & tegendi facinora, ne in poenam humanam incurrat, aut aestimationem suam & famam perdat; dum superstitiosus tantum saevit in illos, qui in negotio Religionis a se dissentiunt; in aliis retinetur metu Numinis, quod colit, licet minus recte, cujusque imperium agnoscit, & metuit vindictam. Quin imo in calamitatibus vitae insignioribus nulla spes superest Atheo; sed superstitiosus in sui Numinis auxilio praesidium suum, salva superstitione, quaerere potest. Sic ad desperationem, miseramque exinde profluentem vitam pronior est Atheus; a qua ad saniolem mentem vitamque meliorem retrahi vix potest; quod in superstitiosis, principia quaedam Religionis admittentibus, factu difficile quidem, sed non penitus ad id obtinendum via est praecclusa.

- (150) Cum Baillio in hac parte conspiret J. J. Rousseau *Contrast. Social. Liv. IV. Ch. 8.* statuens non tantum, religionem Christianam revera magis damnosam, quam utilem esse societati civili, verum etiam eandem hominibus praebere duas Legum species, duos summos Imperantes, duas Patrias; ita ut eos submittat officiis contradicitoriis, eosdemque impediat, quominus simul & religiosi sint, & boni Civés, si Christiana Religio consideretur, prout in Ecclesia Romano-catholica viget. Societas verorum Christianorum, addit, non foret

foret amplius societas hominum: ipsa perfectio faceret, ut deficiat vinculum, & vitium societatem destruens foret in ipsa perfectione repositum: taedet reliqua memorare, quia heic loci refutari non possunt omnia absurda, quae in proprium detrimentum ingentissimus Scriptor l. c. proposuit, quaeque satis demonstrant, eum neque Christianae Religionis indolem, neque societatis civilis constitutionem satis intellexisse. Plenus certe haec omnia refelli potuissent, quam quidem factum fuit a Beauclair *Anticontract Social* Liv. IV. Chap. VIII. Licet autem Religionis Romano-catholicae defensionem in me non suscepiam, id tamen certissimum est, nullam Religionem vere Christianam, subditos absolvere ab obligatione, qua suis summis Imperantibus civilibus sunt obstricti, eosdemque submittere officiis contradictoriis; cum nulli sint cives, qui, juxta sua dogmata religiosa, magis & ex sublimioribus principiis arctius tenentur, ad securitatem, pacem tranquillitatemque societatis, in qua vivunt, conservandam ac promovendam, quam vere Christiani. Ipse Rousseau agnoscit, l. c. quod in societate Christiana, quilibet officio suo satisfaceret, populus legibus foret subiectus, Imperantes forent justi & moderati, Magistratus integri & incorrupti; milites mortem contemnerent; nec vanitas obtineret, nec luxus. Quo colore igitur dicere potuit Rousseau, vitium societatem destruens in ipsa perfectione esse repositum? nec ullam habet verae fortitudinis ideam, si, illam cum Christiana doctrina consistere non posse, sibi persuadet: e contrario non video, quo modo animus imperterritus & contemptus periculorum praesentissimorum, ex rationali fonte, non ex temeritate, profluens, in iis possit adesse, qui a vera pietate sunt alieni: ast nulla dari potest vascula pietas, quae non conspirat cum Christianismi placitis. Non certe haecce scripsisset Rousseau, si historiarum monumenta attentius perlustrasset, in quibus numerosa satis Christianorum vera pietate non minus quam fortitudine insignium reperisset exempla: ac pudore suffunderetur, si vel solum Croulaz inspersisset *Examen du Pyrrhonisme* praesertim pag. 644. suiv., ubi contra Bailium disputat similia flauentem.

- (151) Praesertim hanc materiam pertractat Machiavellus *Discours Politiques* Liv. II. Chap. 2. In coelum transferebant Ethnici homines, ferocia insignes, gloria terrestri turgidos, exercituum Duces, Principes; sed Christiana Religio ad beatorum sedes evehit humiles, magis contemplationibus, quam heroicis actionibus deditos; eadem summum bonum reponit in humilitate, in abnegatione sui, in contemptu rerum mundanarum; dum Gentilium Religio idem illud summum bonum quaerebat in fortitudine bellica, in corporis robore, &c. Si vero Christiana Religio exigit animum imperterritum & fortitudinem, vult,

ut

*ut uterque potius patiando monstretur, quam sese audacem prae-  
 bendo in expeditionibus bellicis. Hinc concludit, Christianum huncce vivendi  
 morem imbecilles debilesque magis reddidisse orbis incolas, & scelera-  
 torum insultibus magis expositos. Adjicit tamen, paucis interpositis  
 credo tamen mutationem hancce provenire ex pusillanimitate ho-  
 minum, qui male explicuerunt Religionem nostram, ac si desidi-  
 am commendaret: si quippe debito modo examinassent, quo modo  
 haecce Religio inculcet Patriae amorem tenacissimum, perspicere-  
 rent, eandem illam injungere, ut eam aestimemus, & honoremus,  
 nosque proinde ad talem statum perducamus, quo ejus Jura. & li-  
 bertatem queamus conservare.*





## C A P. V.

## DEUM ESSE DEMONSTRATUR.

Σύνοψις.

**D**e notitia Dei insita, omniumque cordibus inscripta, §. I.

*Ad acquisitam Dei notitiam argumenta pertinent, quibus existentia ejus demonstrari potest; quae vel metaphysica sunt, vel physica, vel historica, §. II.*

*Ad primam classem referuntur argumenta a motus origine, a dependentia rerum creaturarum a suis causis, itemque ab earundem contingentia, desumpta, §. III.*

*Ad secundam classem pertinet amplitudo, ordo & dispositio hujus universi, omniumque*

*rerum ad certum finem directio; quod & speciatim de sole, luna, ceterisque corporibus coelestibus, ad Numinis inde evincendam existentiam, ostenditur, §. IV.*

*Quo pacto ex telluris nostrae consideratione, ejusque thesauris ingentibus, in ea latitantibus, & in superficie ejus conspicuis, itemque ex animantium varietate, natura, indole, structura, idem demonstrari queat, §. V.*

*Item, ex consideratione hominis, & primo quidem corporis humani, §. VI.*

Tum

*Tum & mentis, ejusque facultatum, §. VII.*

*Non minus & originis, qua genus ipsum, qua singulos homines, §. VIII.*

*Ad tertiam classem referuntur origines regnorum & impe-*

*riorum, artium, scientiarum, unde constat, mundum hunc habere initium, & ea quidem ratione, qua Moses hoc memoriae prodidit, §. IX.*

### §. I.

Ut tandem Atheismum profligemus convellamusque penitus, \* Deum esse, tam intime animis hominum infixum atque infixum est, ut quilibet, qui rationis usu pollet, & sanæ mentis est, quamprimum hanc propositionem audit ac intelligit, non possit non ei assensum præbere, immo ad præbendum, instinctu quodam naturali trahatur, deque ejus veritate, nisi per summam malitiam resistat, convincatur. \*\* Merito itaque Atheos primum ad ea, quæ ipsi in mentibus suis deprehendere possunt, si modo velint, accuratius consideranda, ablegamus. Nec tamen RENATO CARTESIO, ex idea quadam Dei, nobis ingenita, existentiam ejus probanti, suffragari possumus. \*\*\*

\* Remedia Atheismi non sunt unius generis. Alia enim sunt ~~quædam~~, quibus Atheismus evitatur; quæ iterum aut a nobis ipsis, aut aliis, qui nostri curam gerunt, adhibenda. Ad priorem classem pertinet, immo utramque paginam facit, serium in vera Numinis, rerumque Divinarum cognitione, & pietate genuina, ac non fucata, proficiendi studium, pariter ac fuga & evitatio causarum omnium, quibus in Atheismum homines præcipites dari possunt, de quibus *cap. præced. §. VIII.* dictum est. Ad posteriorem classem pertinet studium illud, quod parentes, doctores Scholarum & Academiarum, ipsique magistratus, in juventute rite educanda, rudioribus recte informandis, occasionibus Atheismi quibusvis, de quibus *cap. præced. §. III.* dictum, sedulo removendis, collocare debent. (152) Alia vero remedia sunt ~~quædam~~, illis adhibenda, quos hæc pestis jam corripuit. Inter hæc

Ff

haec primum merito locum tenet consideratio attenta argumentorum, quibus Numinis existentia & providentia, dogmatumque cum hisce connexorum, item Christianae religionis veritas, & Divina Scripturae sacrae auctoritas, comprobari solet. Quodsi hac ratione ad erroris ac miseriae agnitionem Atheus utcunque perductus sit, neutiquam ei ibi subsistendum, sed ut per veram poenitentiam & fidem, salutis, omnibus hominibus a Deo destinatae, compos fiat, ei annitendum est. Qua in re quo pacto se gerere debeat, luculenter exponit B. PHIL. JACOBUS SPENERUS, in *responsis theologicis germanicis prioribus part. I. cap. I. sect. XL. & XII. pag. 38. 39. seqq.* Nos missis reliquis, pro instituti ratione, de argumentis, quibus Atheus erroris convinci queat, & ratione dubia ejus solvendi, erimus solliciti.

- (152) *Quomodo ex perversa, vel neglecta educatione nascatur Atheismus, constat ex Cap. IV. §. 2. Praecaveatur igitur periculosissimus hicce morbus, si in prima etiam aetate, (in qua confusus tantum & obscuras rerum ideas formare possunt infantes, sed tamen ex variis circumstantiis ipsorum temperamentum sese prodit) noxiis & turbulentis adfectibus, quorum primordia jam tunc conspicua evadunt, obviam eatur; si tempestive sensu vividissimo suae dependentiae a Deo imbuantur; si in hosce fines simplicissimae Religionis veritates cum theoreticae, tum practicae eorum animis imprimantur, & persuasi reddantur, nunquam dissolvendum inter dogmata & inter mores obtinere debere consensum; si Adolescentibus virtutis pulcritudo & amoenitas perpetuo ante oculos ponatur, iisdemque laudabile exemplum in toto vitae decursu praebeatur a Parentibus, Praeceptoribus, Ephoris; si denique sollicitè avertantur a consortio eorum, quibus Religio ludus, & a lectione librorum, qui Atheismi, Libertinismi, & Indifferentismi larga manu semina spargunt, usque dum saltem illud acquisiverunt ingenti robur, eamque ratiocinandi peritiam, ut nihil amplius ex istorum colloquiis, horumque usu metuendum habeant, sed plumbea ista tela dextre possint avertere & retundere.*

✱ Hoc est, quod alias *notitiam Dei insitam* Theologi vocare consueverunt. Non equidem nescio, esse nonnullos, qui, dari ejusmodi notitiam insitam Dei, strenue negant. Atheos, eorumque patronos ac fautores, hoc facere, nemo mirabitur. Simul vero, cur & THOMAS HONNESTUS in eandem ingressus sit sententiam, quilibet facile intelligit. Diserte vero tum alibi hoc docet, tum in *elem. de civ. cap. XIV. num. XIX.* Socinianos eandem hic inflare tibi, notum est; quibuscum & Arminianos, quos vocant, facere, conitat. De PETRO CHAUVINO idem a me jam observatum, in *dissertat. de pietate seu religione naturali*, quae extat in *selectis juris natur. & gent. §. XIII.* Cumprimis vero

vero JOANNES LOCKIUS, philosophus nostrae aetatis clarissimus, omnes ingenii nervos in id intendit, ut omnem Dei & principiorum practico-  
rum notitiam insitam proferiberet; *de intellectu humano lib. I. cap. II. & III.* ejus tamen rationibus abunde a me, ni fallor, satisfactum, in *institutionib. theolog. moral. part. II. sect. II. cap. V.* Res omnis facile expediri potest, si modo, quid per notitiam Dei insitam intelligamus, recte explicetur. Actum enim omnibus hominibus Dei notionem non inesse, facile concedimus; cum ceteroquin nemo unquam mortalium reperiretur, qui, Deum esse, ignoraret; quod experientiae repugnat. Multo minus negamus, insitam hanc notitiam per institutionis defectum, aut alias ob causas ita impediri posse, ne se exerat, aut, si etiam se exerat, per malitiam supprimi quodammodo & suffocari, renitente tamen & reluctantem animo, quod in Atheis contingere, supra observavimus. Hoc autem asserimus, inclinationem quandam efficacissimam & propensionem omnium hominum mentibus insitam esse, quae ad assensum propositioni, quae, Deum esse, eumque esse colendum, affirmat, praebendum, vel inviti trahantur. Idque est, quod n. JOAN. MUSAEUS noster docuit, notitiam hanc insitam consistere in *potentia propinqua* propositionibus antea memoratis assentiendi; *introduc. in theolog. cap. II. §. XIX.* Alii equidem dicere malunt, quod in *dispositione quadam* aut *habitu analogice sic dicto* consistat; quae de re legenda, quae monet ZACHARIAS GRAPUS, in *theologia recens controversa, cap. I. quaest. III. pag. 15. 16. segg.* sed res eodem tandem redit, uti B. MUSAEUS jam observatum *loc. cit. §. XIX. num. V. pag. 54.* Quicquid vero de modo sit, res ipsa, seu dari talem notitiam insitam, posita est extra controversiam. (153) Sane, si modo Athei, & qui illis hac in re suffragantur, attendere ad se ipsos, & quae in mente sua ipsimet deprehendere possent, observare vellent, facile de rei hujus veritate convinci possent. Liquidissime autem ea constat ex testimonio conscientiae, ob improbe facta homines de Deo ceteroquin non cogitantes, ipsos etiam Atheos damnantis, & metum hinc atque terrorem incutientis. Idque porro & ipse Paulus Apostolus confirmat, quando *opus legis*, hoc est, *legem ipsam, hominum cordibus inscriptam esse*, docet, *Rom. II. vers. 15.* Legis autem notitia esse nequit sine notitia legislatoris, qui transgressores punire potest. Quare & statim addit: *συμμετρῶντες αὐτοὺς τῇ συνείδησει ἢ μεταξὺ ἐλάλων τῷ λογισμῷ κατηγοροῦνται, ἡ ἢ διὰ λογισμῶν.* Ob poenae scilicet a Deo infligendae metum, ipsae cogitationes homines mox damnant, mox excusant. (154) Accedit ad haec omnia universalis gentium totius orbis, Deum esse agnoscendum, consensus. Nullam namque fuisse unquam gentem tam barbaram atque immanem, quae non Numen aliquod crediderit, illudque colendum censuerit, etiam Ethnici Scriptores agnoverunt. Hinc PLUTARCHUS bene & eleganter observat, si quis terrarum orbem perlustrat, eum

urbes inventurum, muris, litteris, regibus, domibus, opibus, numismate carentes, gymnasiis etiam & theatris destitutas, urbem vero, templis diisque carentem, quae precibus, jurejurando, oraculo non utatur, non bonorum causa sacrificet, non mala sacris avertere nitatur, neminem vidisse unquam; *adv. Colotem. p. 1125.* Cotta equidem, multas se arbitrari, dicit, esse gentes sic immanitate efferatas, ut apud eas nulla suspicio deorum sit, apud CICERONEM, *de nat. deor. lib. I. cap. XXIII.* Præterquam vero, quod nullam ille ejusmodi gentem nominet, ipse quoque ei repugnat CICERO, tum *loc. cit. cap. XVI.* tum alibi, tam alte omnium cordibus sensum Divinitatis insidere, asserens, ut falsum multi Deum colere maluerint, quam nullum. (155) Quae autem de gentibus Atheis apud veteres leguntur, ut de Thoisibus apud PORPHYRIUM, *de abstinentia ab animatis, lib. III. pag. 132. de Nasamonibus apud DIONYSIUM, periegesi vers. 210.* aliisque, ad impios gentium illarum mores referenda esse, recte docet vir doctissimus, JO. ALBERT. FABRICIUS, in *bibliographia antiquaria, cap. VIII. §. III. pag. 229. seqq.* ubi plura hac de re adfert. Quae recentiores quidam scriptores de Brasilianorum in America, Cafforum in Africa, aliarumque Gentium Atheismo commemorant, incerto non tantum atque lubrico inniuntur fundamento, sed quasdam ex hisce relationibus falsas esse prorsus, compertum est; quod ex instituto jam docuit JO. LUDOVICUS FABRICIUS, Theologus quondam Heidelbergensis, in *apologetico pro genere humano contra calumniam Atheismi*, inter opera ejus junctim edita, *pag. 119. seqq.* Idem & luculenter variis exemplis ostendit DN. LA CROZE, calumniam hanc, speciatim a Canadensibus, Antillarum insularum incolis, Brasilianis, Caffris, seu Hottentottis, aliisque, testimoniis fide dignis depellens; *entret. sur divers. sujets d'histoire &c. pag. 254. seqq.* Jungendus his ex Nostratibus ZACHARIAS GRAPPIUS, in *theol. recens controversa cap. I. quaest. VI. §. IV. pag. 32. seqq.* ubi itidem ex monumentis historicis ostendit, Brasilianis, Caffris, aliisque Gentibus, perperam Atheismum tribui. De Caffris etiam, seu Hottentottis, confendus CHRISTIAN. JUNCKERUS, in *vita Jobi Ludolphi, p. 227.* Nisi itaque intempestivum studium Atheorum numerum multiplicandi, & notitiam Dei insitam impugnandi PETRUM BÆLIUM, acuti ceteroquin ingenii virum, in transversum egisset, nunquam tam incertis de integrarum Gentium Atheismo relationibus, fidem adhibuisset; quod tamen cum fecisset, constat, *dictionar. histor. crit. pag. 1799. continuat. des penstes diverses &c. §. CXIII. p. 537. seqq. réponse aux quæst. &c. tom. IV. cap. XI. XII. pag. 136. seqq.* alibique. De Chinesibus equidem, de quibus *dans la continuat. loc. cit.* ex instituto agit, concedimus, nonnullos inter eos, qui eruditi & philosophi videri volunt, ejusmodi de Deo animo concepisse notionem, quae a Spinozismo probe abest; idque & jam a me observatum, in *differtat. de Spinozismo ante:*



*ante Spinozam. §. XXIII.* Quemadmodum vero isti non alio loco, quam Athei Europaci habendi, qui, dum nimis sapiunt, stulti evadunt; ita ista quorundam Philosophorum sententia, toti genti Chinesium tribui nequit. Nec praetermittendum, quod nonnulli observant, Chineses istos philosophos de providentia quadam, deque bonarum actionum praemiis, & de poenis malarum, talia docere, quae cum pleno Atheismo conciliari nequeant. De Siamensibus, quibus itidem Atheismum PETRUS BAEIUS objicit, *dict. histor. crit. voc. Siamona Codom. p. 2751.* idem docet vir clarissimus JO. CHRISTOPHORUS WOLFIIUS, *de Atheismi falso suspectis, sect. II. §. VIII.* Ex universali itaque (ut nunc eo, unde digressus sum, redeam) gentium omnium, & totius velut humani generis consensu, recte colligitur, hanc de Deo noticiam cordibus omnium mortalium insitam a Deo atque infixam esse. Si enim, quantopere gentes opinionibus, moribus, institutis, ritibus, a se invicem differant, consideremus, si porro cogitemus, quot quantaeve in hisce omnibus in una eademque gente contingere soleant mutationes, ut una eademque gens post aliquot secula vix sibi similis esse videatur, (quod vel Germanorum exemplo patet,) at in Numinis sensu tot tamque innumeras fere gentes, idque per tot secula, inter se consentire, manifestum est, non aliam ejus rei causam esse posse, quam naturalem illam & a Deo omnium mentibus insitam propensionem, qua omnes ad veritatem hanc admittendam natura feruntur. (156) Certe ab educatione, aut alio quodam instituto humano, universalis huius consensus neutiquam derivari potest. Educationem enim non ob stare, quo minus liberi in plurimis rebus diversas admodum a parentum placitis opiniones sectentur, & hae opiniones, acque amores ac vitae instituta varia, ita tandem invalescant, ut integrae gentes a majorum suorum placitis, moribus, institutis abeant, experientia quemvis conducere potest. Ex educatione itaque consensus ille universalis derivari nequit. Si dicas, Reges, Principes ac Magistratus operam dedisse, ut ista de Deo opinio aut introduceretur, aut recepta conservaretur, ac propagaretur, eo quod viderent, religionem ad continentum in obsequio populum valde sibi utilem esse, primo quidem respondeo, religionem in populo quodam a Principe aut Magistratu primum introductam esse, ne unico quidem hactenus comprobatum est exemplo. Non nego, Principes, rerumque dominos aliquando religionem hunc in finem usos, adeoque religionem amplificasse, diligentius inculcasse, aut varia, quae ad rem suam facere putabant, circa eam sancivisse; sed eos gentem quandam omnis religionis expertem primum ista notitia inbuisset, ne unico quidem comprobatum est, aut probari potest exemplo. Numa sane Pompilius ritus & ceremonias varias apud Romanos instituit, vel ut L. ANNAEUS FLORUS loquitur: *ille sacra & ceremonias omnemque cultum deorum immortalium*

docuit; ille pontifices, augures, salios, ceterosque per sacerdotia, annum quoque in duodecim menses &c. descripsit, libr. I. cap. II. sed, si quis existimaret, Romanos ante Numam religione omni notitiaque Numinis destitutos fuisse, is ignorantiam suam proderet, seque ipsum traduceret turpiter. Eundem vero Numam, & deinceps alios quosdam, religione, qua populum jam imbutum invenerunt, quandoque ceu dominandi instrumento usos, adeoque ad eam conservandam ac propagandam aliquid contrulisse, non inficiatus fuero; sed num inde universalis ille gentium omnium in Numine quodam agnoscendo consensus oriri potuit? Immo certissimum est, paucissimis Regum Principumque, praesertim inter gentes barbaras hoc in mentem venisse, quod religione ceu instrumento dominandi, uti voluerint. Uti enim religio citra controversiam pro firmamento reipublicae & fulcro firmissimo est habenda, ita paucissimos Regum Principumque inter barbaras maxime gentes esse existimo, qui illud intelligunt, aut eum in finem conservare, ac propagare religionem, in animum inducunt suum. (157) Objicit equidem ulterius PETRUS HÆLIUS, multas haud dubio gentes nobis nondum cognitatas esse; consensum etiam gentis integrae urgeri non posse, nisi de singulorum hominum, qui gentem istam constituunt, sententia constet; adeoque ad universalem gentium omnium consensum provocari non posse; *contin. de pensées. §. XIII. p. 55. seqq.* Praeterquam vero, quod nondum constet, an gentes quaedam adhuc nondum cognitatae extent, si vel maxime hoc concedamus, illae tam exiguum orbis tenebunt spatium, ut cum toto orbe, qui nobis innotuit, comparatae, minime in censum veniant. Multo minus de eorum Atheismo suspicio nobis oriri debet, cum ex reliquarum, recentiore aetate detectarum gentium exemplo eas, si quae adhuc tales sunt, religione, Numinisque non carere sensu, judicare, primum sit. Quod vero de una aliqua gente dicitur, eam Deum credere, & colere, de omnibus & singulis, qui eam constituunt, tamdiu merito firmiter creditur, donec contrarium demonstretur.

- (153) *Celebris haecce controversia circa ideam five notitiam Dei innatam, seu instam, magnam partem in logomachiam abiit, si status quaestionis inter Lockium atque Buddeum rite determinetur; alio quippe modo est pronuntiandum, si cum Cartesio & quibusdam ex ejus Affectis sit disputandum: ipse quidem Cartesius ita quandoque se exprimit, ut primo intuitu videretur, ac si uterque & Lockius & Buddeus ipsius verba possent adoptare; E. Gr. in Resp. ad Obj. tertias pag. 102. Cum dicimus, ideam aliquam nobis esse innatam, non intelligimus, illam nobis semper observari, sic enim nulla prorsus esset innata, sed tantum nos habere in nobis ipsis facultatem eam eliciendi, quae verba quaedam saltem absurda remouent a sententia Cartesiana;*

sed

*sed remanet vocabulum elicere, quod indicat, ideam Dei in mente delitescere, antequam per externas occasiones excitetur, quemadmodum in sequentibus patebit.*

*Cl. Buddeus existimat, inclinationem quandam efficacissimam & propensionem omnium hominum mentibus insitam esse, qua ad adfensum propositioni, quae Deum esse cumque esse colendum, &c. adfirmat, praebendum, vel inviti trahantur: quod ipsum coincidit cum sententia Cl. de Vries in Determ. de Deo, Cap. 2. §. 4. ubi dicit: Id ergo contendimus, intellectu hujus effati (existit Deus) sensu, unicuique rationis capaci adeo per se notam apparere ejus certitudinem, ut animus citra demonstrationis exigentiam, naturâ pronus sit ad illi assentiendum. Plane ut res se habet in Principiis per se notis. Quae sententia catenus est verissima, si principia illa innata dicantur, quia sic sua luce radiant, ut percepta tantum vocum, quibus efferuntur, significatione, in assensum eorundem sua sponte ruat animus cujuslibet, simulac idonea sit de iis cogitandi occasio; uti mentem suam exponit Cl. de Vries in Determin. Ontol. Cap. 2. §. 3. Sic enim propositio: Deus existit adeo est evidens, si vocabula debito modo explicentur, ut deductâ demonstratione non indigeamus. Attamen illa proclivitas, seu propensio, cujus mentionem facit Cl. Buddeus, vel illa pronitas, quam memorat Vriesius, ex nullo alio fonte proficisci potest, quam ex comparatione idearum Dei & existentiae, uti propensio ad concedendum effatum: totum est majus sua parte, unice nascitur ex comparatione idearum totius & partis: ea sola differentia intercedit, quod, ut nexus inter ideam Dei, & inter ideam existentiae reperiat, vel in conspectum prodeat, adhibenda sit idea media; dum effatum, totum est majus sua parte, prae sua simplicitate & evidentiâ est indemonstrabile: simplicissima quidem est demonstratio, omniumque captui accommodata, qua evincimus, Deum existere; sed tamen haecce momentosissima veritas inter axiomata numerari nequit; caeteroquin Cl. Auctor ipse non numerosa illa argumenta protulisset, quae in reliqua hujus Capituli parte continentur. Imo si vera innata esset proclivitas ad assensum praebendum propositioni, seu effato Deus existit, etiam ipsa haec propositio, cum duabus ideis, quae illam constituunt, deberet esse innata; quod non concessisset Vir Cl.; cum diserte scribat in Observ. ad Philosophiam instrum. Cap. 1. §. 8. pag. 17. Patet igitur, me illis suffragari, qui nullas ideas innatas admittunt: — Ad ipsam ideam Dei quod attinet, eam innatam nobis, aut ingentam esse, frustra dicitur: recte namque nonnulli monent, eam omnino non quidem immediate, sed intercedentibus ideis rerum creatarum, adeoque mediate a mente nostra percipi; hinc & aensione interna originem trahere. Non igitur video, quomodo Cl. Auctor hanc procli-*

clivitatem profugulare potuerit, rejectis omnibus ideis innatis, nisi eam derivet unice ex propositionis evidentia, & simplicitate demonstrationis; *ast hoc sensu Lockius quoque talem proclivitatem potuisset admittere, salvis suis principiis; imo ipso facto eam agnovit Lib. 1. Ch. 3. §. 9. ubi asserit, ideam Dei convenire cum omnium simplicissimis rationis luminibus, & naturaliter profluere ex qualibet parte nostrarum cognitionum.*

(154) *Certissimum est, legem concipi non posse absque Legislatore; sed quaestio in eo versatur, an per legem cordibus inscriptam intelligere debeamus legem sensu Philosophico innatam; Legis & Legislatoris ideam innatam esse, negat, (uti vidimus n<sup>o</sup>. praeced.) ipse Cl. Auctor: nihil ideoque restat, quam ut dicamus, et existentiam Dei, tanquam Legislatoris, et legem adeo esse manifestam, ut ignorantiam invincibilem etiam inexercitati & ad quos non pervenit vividius Revelationis lumen praetexere non possint; cum invisibilia Dei ex visibilibus pervideantur, & ex creaturis Creatoris divinitas, ac potentia reddantur conspicuae; cumque sic convicti reddantur de sua ab illo Universi Conditor & Domino dependentia.*

(155) *Integras Nationes ab Atheismi imputatione liberare plurimi tentarunt, nec infelici successu; tis, quos memorat Cl. Buddeus, adjungi possent Fabricius de Verit. Relig. Christ. Cap. 8. (ubi ingentem exhibuit eorum catalogum, qui generis humani defensionem contra illas, de quibus hic agitur, plurimorum calumnias susceperunt) & Anonymus Auctor Principiorum Theol. Nat. & Revel. Tom. 1. pag. 26-43. Stillingfleet Orig. Sacr. L. 3. C. 1. pag. 300. seqq. Hochstetterus in Dissert. Select. pag. 218-224. Butler dans la Defense de la Religion Tom. 4. pag. 43. seqq. Verum cum ad specialiora hic descendere non liceat, in genere tantum notabo 1<sup>o</sup>. quod pleraeque narrationes de populis Americanis nullum in initio habuerint fundamentum, nisi crudelissimorum hostium calumnias: prosectae sunt hae accusationes, *ac si nullum agnoscerent Deum, ex relationibus eorum, qui, postquam sine ullo jure vexaverant misere illos populos, ut bonorum omnium indignationem effugerent, nationes illas depinxerunt, tanquam ab omni humanitate & religione alienas, formam tantum humanam habentes* 2<sup>o</sup>. *si forte bona fide egerint, non satis instructae fuerunt a cognitione linguae, qua populi barbari utebantur; & ex eo, quod apud nennulos eorum aras, templa, imagines invenirent nullas, falso concluderunt, nullam apud eos rigere religionem* 3<sup>o</sup>. *si vel darentur populi adeo stupidi, ut nullum monstrarent Deitatis sensum, sufficeret omnino, si omnes populi non penitus barbari aliquam Dei notitiam habuerint; cum sine pudore provocare non possint Athei ad exempla eorum, qui nihil,**

nihil, nisi externam conformationem, cum cultioribus hominibus habent commune, ut iis infringant consensum omnium eorum, qui non penitus sunt rudes atque inculti. Non certe de vera corporis humani constitutione & dotibus judicare licet ex coecis, surdis, mutis, claudis, aegrotantibus; neque de mentis humanae facultatibus ex stupidis atque infans.

- (156) Cl. Buddeus ex consensu Gentium concludit, notitiam de Deo cordibus omnium mortalium insitam a Deo atque infixam esse; & sic indirecte tantum Dei existentiam ex consensu illo derivat, idque minus recte ob rationes, quas attuli no. 153.; & certe inter argumenta historica pro existentia Dei quodammodo referri potest illud, quod ex isto universali consensu est petitum, licet plurimi de ejus valore non admodum benigne senserint; operae pretium proinde est, ut, quale illi insit robur, paulo accuratius disquiramus. Plurimum pendet hujus argumenti virtus a modo proponendi; is autem mihi omnium optimus fuit visus, quo usus fui in Primis lineis Theologiae Naturalis Theoreticae §. 26. Persuasio, scil., de existentia Deitatis apud omnes Gentes moratioris obtinuit; quae, ab antiquissimis inde temporibus propagata, nulla temporum vicissitudine, nullis perditissimorum hominum conatibus mortalium, etiam sapientissimorum, animis potuit eximi. Si jam hujus Phaenomeni universalissimi investigemus causam, quae generalissima sit necesse est, detegimus facile, id ipsum nequaquam permanens & stabile esse potuisse, nisi homines internae veritatis voci prae buissent aures. Non equidem historicum hocce argumentum inter apodictica refero; sed ingentem atque ad certitudinem moralem proxime accedentem probabilitatem conciliat dogmati de existentia Deitatis. Quenam, quaeso, est ratio, quod inter tot traditiones, quae procul dubio inter homines habuerunt locum, quaeque per varias generationes fuerunt propagatae, haecce unica constans permanferit, atque apud omnes egerit radices, & quidem eo altiores, quo gentes magis evaserunt excultae; dum aliae omnes serius ocys evanuerunt? Quenam est ratio, quod omnes fere homines, etiam sapientissimi, etiam maxime perspicaces & exercitati, etiam illi, qui in corde suo dicunt, vel potius optant, non esse Deum, in uno hocce placito de existentia alicujus Numinis consenserint, nisi rem recte putasset, ipsorumque opinio solido fundamento fuisset nixa. Omnes homines, etiam Athei, id in vita communi moraliter certum existimant, in quo omnes consentiunt; ideoque aut nulla auctoritas generis humani judicio est tribuenda, aut, eam ingentem esse in hac parte, agnoscere debent Athei. Excipit tamen Vir plane eximius Cl. Ernesti Init. Doctr. Theol. Nat. §. 21. Si fingas, omnes Gentes in errore aliquo consentire, num ex eo efficiatur, ut non sit pro errore

Gg

ha-

habendus? At in rebus Physicis nonne sunt totum genus humanum pervagati errores? Et rectissime sese haberes exceptio, si Athei unquam errorem illum universalissimum potuissent monstrare. Seponamus omnia argumenta pro existentia Dei, quae solidissima sunt, & designamus in uno hocce argumento historico attentionem, annum quilibet, reliquorum argumentorum ignarus, probabilissimum deberet habere, tot homines etiam sagacissimos in errore versari non posse, nisi liquidissimis argumentis contrarium evinceretur? nonne existimabit, talem consensum circa unum aliquod dogma ex inviculis argumentis suam trahere originem?

Neque penitus rejiciendum hocce argumentum ob-exceptionem scifatis ingeniosam Cl. Hollmanni in *Instit. Pneumatol. & Theol. Nat.* §. 133. sive, inquit, ejusmodi gentium consensus rationibus quibusdam nitatur, sive minus, argumentum veritatis fieri haud potest: quod si hoc enim fuerit, praecjudicium potius, si argumentum ab eo desumitur, quam solidam veri cognitionem idem pariet; sin illud vero, rationibus potius illis, quae gentes illas ad assensum itum moverunt, quam nudo earum assensu, uti pro argumento. Concederem totam exceptionem, si argumentum ex consensu Gentium pro demonstratione apodictica haberetur; ast solummodo id ex illo inferitur, quod Athei summae arrogantiae atque intolerabilis impudentiae sint rei, si sine praegnantissimis rationibus totum humanum genus, etiam meliorem & sapientiore ejus partem, vanitatis incredibilis, & stultitiae condemnare velint, seque solos sapere perhibeant. Nondum inquiritur in rationes, quae gentes omnes, cultiores saltem, permoverunt ad consensum suum praebendum uni huic dogmati; sed ex sola auctoritate, quae tot hominibus exercitatis, tot populis, tanquam personis moralibus, iisque multiplici scientia exultis competit, formatur conclusio. Conf. ea, quae habet Cl. Auditor infra Cap. VI. §. 9.

- (157) Si Religio esset Politicorum inventum, tractu temporis vim suam fidemque amisset fabula; praesertim si dantur homines, qui acumine ingenii pollere sibi videntur, quique omnem movent lapidem, ut ostendant, fraudem subesse; & tamen ante bis mille ferme annos Athei inculcare conati sunt, Religionem esse figmentum Politicorum, absque eo, quod aliquid derogatum est dogmati de existentia Dei; aequae valet hisce etiam temporibus ea persuasio penes homines moratiores, ac olim valuit. Quin imo! plurimi inter Politicos hujus fraudis penitus sumi ignari, cum non minori istius confictae, scilicet, Deitatis terrore tangantur, quam subditorum, quibus praesunt, vilissimi; & tamen sibi ipsi imponere non voluerunt jugum, quo libero voluptatum usui potentissimum injicitur fraenum. Conf. Moshemius ad Cudworthi Syst. Intell.

pag.

pag. 835. seq. Croufaz *Examen du Pyrrhonisme* pag. 414. seqq. Stellingfleet *Orig. Sacr.* L. 3. C. 1. pag. 316. seqq. *Id tamen facile largiri licet (uti hoc concedit Cl. Buddeus) veteres Legislatores, Principes, Politicos Religione fuisse usos, ut subditos eo efficacius continerent in officio suo; imo quandoque eadem esse abusus: fingebant quippe inspirationes divinas, ut convincerentur subditi, Deitatem in res humanas regimen exercere, eumque in finem leges suas a doctrina de Providentia sapientissime exordiebantur; de quibus more suo egregie differuit Warburton Goddelyke zending van Mozes 1<sup>o</sup> D. 2<sup>a</sup> B. 1<sup>o</sup> en volgende Afdeelingen. Ast in omnibus iis Politicorum conaminibus jam supponebatur, non vero per ista de novo in subditorum animis condebatur, de existentia alicujus Deitatis persuasio.*

- \*\*\* Quo pacto RENATUS CARTESIUS, ex idea Dei nobis innata, existentiam ejus probare annitus sit, ex principior. ejus *philosoph. part. I. §. XIII.* item *XVII.* seqq. ut & ex *meditationum* ejus, de *philosophia prima, medit. III.* aliisque scriptis, quibus adversariorum suorum objectiones diluere conatus est, notum est. Summatim sententia ejus sequenti ratiocinatione comprehendere potest. Cum omnes homines ideam rei infinitae & summe perfectae in mente habeant, illa vero idea aliunde, quam a re infinita & summe perfecta proficisci nequeat, sequitur, rem infinitam & summe perfectam, hoc est, Deum, existere. Accedit altera ratiocinatio, quae ulterius mentem ejus exprimit: Quicquid ad rem, cujus ideam in mente habeo, pertinere, clare & distincte percipio, id ad rem illam revera pertinet; existentiam autem ad rem infinitam & summe perfectam, Deum scilicet, cujus ideam in mente habeo, pertinere, clare & distincte percipio; ergo ad rem infinitam & summe perfectam, Deum scilicet, cujus ideam in mente habeo, pertinet existentia. Quantumvis autem certo persuasus sim, Cartesium alios utraque hacce ratiocinatione fallere noluisse, ipsum tamen falsum esse, nec minus eos, cui illum coeco impetu sequuntur, falli, certum est, cum neutra recte procedat. Ad priorem enim quod attinet; observandum, vocem *idene*, quicquid etiam dicat, aut in quacumque se veritatem Cartesius, nihil aliud significare, quam actum mentis, quo objectum aliquod exhibetur, atque repraesentatur. Licet itaque objectum res infinita & summe perfecta sit, ipsa tamen idea finita est & imperfecta. Infinitum enim objectum ab intellectu finito nonnisi imperfecte & inadaequate concipi potest. Falsum itaque est, quod in assumptione prioris ratiocinationis dicitur, ideam rei infinitae & summe perfectae, quae in nobis est, non aliunde, quam a re infinita & summe perfecta proficisci posse. Neque necesse est, ut causa quaedam infinitae potentiae & perfectionis ideae huic assignetur, cum eadem ratione, qua reliquae ideae finitae producuntur, & haec pro-

produci queat. Nimirum, si ex rebus creatis omnibus, quae nobis notae sunt, quicquid perfectionis rationem habet, colligatur, removeatur contra, quicquid cum imperfectione quadam conjunctum est, facili negotio ideam entis perfectissimi ipsimet nobis formare possumus. Sequitur itaque, ex idea entis perfectissimi non statim colligi posse, ens ejusmodi perfectissimum revera quoque existere. (158) Non minus tamen & altera ratiocinatio fallit. Propositio enim: *Quicquid ad rem, cujus ideam in mente habeo, pertinere clare & distincte percipio, id ad rem illam revera pertinet*, tum demum admittenda, si idea intelligatur rei revera existentis. Ita ergo haec propositio concipienda foret: *Quicquid ad rem, cujus ideam in mente habeo, (quacve revera existit) pertinere clare & distincte percipio &c.* Et tum quidem ratiocinatio haec nihil probat, cum jam supponat id, de quo quaeritur. Sin vero propositio generatim etiam de re, extra mentis nostrae operationem non existente, intelligatur, falsa est. Multa enim, per mentis operationem, certam quandam ideam mihi formando, rei in mente tribuere possum, quae tamen non statim ad rem istam, prout extra mentis operationem revera existit, pertinent. Quemadmodum itaque antea diximus, hominem sibi ideam entis summe perfecti formare posse, ita etiam eadem opera existentiam necessariam in hacce idea includit, ut tamen nullo modo inde sequatur, rem ejusmodi summe perfectam & necessario existentem revera etiam existere. Sed plura non addo, cum alii jam sophisma, in hacce Cartesii demonstratione latitans, accurate detexerint; prae ceteris autem B. JOANNES MUSAEUS, in *Intro. in theol. cap. II. §. XXIII. pag. 61. seqq.* & PETRUS DANIEL HUETIUS, in  *censura philosophiae Cartesianae, cap. IV. pag. 58. seqq. (159)*

- (158) *Prima haecce ratiocinatio Cartesiana, quae appellari solet argumentum a posteriori ex idea Dei desumptum, considerat ideam Dei tanquam effectum, qui nullum, nisi ipsum Deum, habere potest Autorem: propositum fuit hoc argumentum a Cartesio Med. 3. & Princip. Part. 1. §. 17. conf. ejus Resp. ad Obj. primas & 2<sup>ae</sup>, praesertim pag. 15. seqq. Epist. Part. 1. pag. 328. seqq. & Part. 3. pag. 417. seqq. illudque propugnavit Claubergerius Oper. pag. 605. seqq. de Volder Diss. de Deo §. 2. seqq. & Exerc. Acad. contra Atheos §. 37. seqq. & Roëllius de Ideis inn. Sect. 8., ut alios taceam, qui memoriorum vestigiis insistant. Totum argumentum huc redit: Ideam Dei habemus; caeteroquin absurda foret & inutilis de ejus existentia disputatio: illa autem requirit non tantum causam exemplarem, sive archetypum, in quo continentur realiter & formaliter omnes illae perfectiones, quas idea complectitur & repraesentat; verum etiam causam efficientem, quae eam menti impressit. Jam vero causa exem-*



exemplaris & efficiens non potest esse ipsa mens, neque parentes, aut proceptores, neque alii homines, neque qualescunque res finitae, sed Deus solus. Verum hoc argumentum displicuit Huetio *Conf. Philos. Cartesianae* C. 4. §. 1. seqq. Gassendo *Oper. Tom. 3. pag. 335—338*. Vriesio *Exerc. Rat. 2. §. 7. & Diatrib. de ideis innatis Sect. 8.*; ideoque, quid de hujus valore sit judicandum, seposito partium studio, circumspicere debebimus. In genere observandum, ideam Dei innatam idem pro existentia Ejus argumentum suppeditare, quod ex aliis ideis innatis haurire liceret, dummodo solidis rationibus earundem existentia posset probari. Si Ex. Gr. trianguli idea esset innata, ex ea demonstrare liceret existentiam entis necessarii, aeterni, &c. aequae ac ex idea Dei innata; qui enim ideam trianguli in mentis sinu quasi a nativitate recondidit, etiam mentis debet esse causa; atque haec nulla alia esse potest (uti in sequentibus patebit) quam Ens rationem sufficientem suae existentiae in se habens. Notandum insuper 10. falso supponi a Cartesianis, praerequiri positivam seu ab omni parte affirmantem Entis summe perfecti ideam, ut cognoscamus mentis nostrae imperfectiones & ut illud omne, quod imperfectionem involvit, ab Ente summe perfecto, sive ab Ente necessario, aeterno, nullis limitibus circumscripto removeamus. Sic certe persuasi esse non possumus, lineam unius pedis esse finitam, nisi jam antea habeamus ideam lineae infinitae; & hoc agnoverunt Viri Clarissimi de Volder & Roël locis cit. idque jam antea placuerat Boethio de *Consol. Phil. Lib. 3. pag. m. 76. seq.* Lineam unius pedis esse finitam, cognoscimus, quia terminos ejus conspicimus; quia animadvertimus, illam incrementi esse capacem; haec idea est positiva, seu affirmans; si terminos hosce prolongemus versus utramque partem, ita ut, quousque etiam progrediamur, semper ulterius ulteriusque sint promovendi, acquirimus ideam negativam & valde imperfectam lineae infinitae, sensu Mathematico; sed nullam habemus positivam ideam infinitatis absolutae, quia majus quid concipi non potest, 20. observandum, quod, si Deus ipse nobis ideam sui, sensu Cartesiano, impressisset, quaerere liceat, an hoc affirmandum sit de illa idea, quam nunc habeo, postquam pluribus meditationibus de Ente perfectissimo qualescunque ingenii mei vires exercui? an vero de illa, quam habui ante quadraginta annos? an denique de illa, quam in prima juventute, aut etiam in pueritia in animo fovi, cum, intelligendi facultatem primum sese exerere & evolvere, experiebar? Non video, quid ad hasce quaestiones respondere cum ratione possint argumenti hujus fautores, 30. facile concedimus, sensus, imaginationem, institutionem Parentum & Praceptorum, librorum lectionem, &c. non posse esse causas efficientes ideae Entis perfectissimi; cum ea omnia etiam non possint esse causae efficientes quatumcunque aliarum idearum, sed tantum causas

occasionales; verum sensus, imaginatio, institutio, &c. menti prae-  
buerunt occasionem finem suum excutiendi, atque removendi omne id,  
quod limites involvit, postquam ex intuitu entis necessarii certa eva-  
sit, illud nullos habere posse terminos respectu omnium eorum, quae  
ad ejus naturam pertinent. Si quid obscuri remaneat quoad ideas  
Dei originem, id etiam in aliis ideis obtinet, cum et sententia eorum,  
qui ideas innatas admittunt, et, ab altera parte, illorum opinio, qui  
omnes acquisitas esse volunt, plurimis subjectae sint difficultatibus,  
quae hactenus removeri, vel leniri non potuerunt a sagacissimis etiam  
Philosophis.

- (159) Argumentum pro existentia Dei ex idea a priori petitum a Cartesio,  
Anselmum secuto, ad examen revocavi in Praefatione, quam praemissi  
secundae Editioni Dissertationum ad Religionem Naturalem spectan-  
tium, ab eximio Reimaro conscriptarum; ubi indicavi, quid in hoc  
argumento, quod a Cudwortho & dein a Leibnitio fuit emendatum,  
possit desiderari. Quae in illa Praefatione notavi, non repetam; nec  
ingentem exhibebo Catalogum eorum, qui vel huic argumento robur  
aliquod tribunt, vel illud referunt inter subtiliores paralogismos;  
cum unice rationibus sit pugnandum, non auctoritate. Operae tamen  
pretium erit, si emendationem speciosam adhuc propulerim, quam  
dedit nuperrime egregius ex Israelitarum Gente apud Berolinenses  
Philosophus, Moses Mendelssohn in Dissertatione de Evidentia  
(Abhandlung über die Evidenz), quae praemio decorata fuit a Beroli-  
nensi Academia Regia A. 1763. sic ratiocinatur Vir perspicacissimus:  
 „ Quod non existit, aut impossibile est, aut simpliciter possibile; in  
 „ priori casu proprietates, seu determinationes intrinsecae sibi invi-  
 „ cem repugnant; in altero nulla quidem inter illas datur repugnan-  
 „ tia, sed ex iis non intelligitur, cur potius existeret illud ens, quam  
 „ non existeret. — Existentia talis Entis non pertinet ad ejus in-  
 „ ternam possibilitatem, non ad ejus essentiam, non ad ejus proprie-  
 „ tates; sed est tantum modus accidentalis, cujus realitas non, nisi  
 „ ex realitate alterius entis, intelligitur. Ast modus accidentalis  
 „ seu contingens est determinatio, quae ex simplici possibilitate neque  
 „ sequitur, neque intelligi potest, cujusque realitas non nisi ex rea-  
 „ litate alterius entis potest explicari. Talis existentia igitur est de-  
 „ pendens, non ex vi insita profuit (ist mdr selbständig). Atqui  
 „ talis existentia tribui non potest Enti perfectissimo, quia indepen-  
 „ dens existentia majorem involvit perfectionem, quam dependens.  
 „ Propositio igitur: Ens perfectissimum habet existentiam contin-  
 „ gentem, apertissimam involvit contradictionem. Vel proinde existit  
 „ revera Ens perfectissimum, vel ejus idea involvit contradictionem.  
 „ Mere possibile esse non potest; ideoque vel actu existit, vel est im-  
 „ possi-

„ possibile. Quod si conceptus vel idea Entis perfectissimi contradi-  
 „ ctionem involveret, in determinationibus, quae ipsi competunt,  
 „ aliquid simul affirmari, & negari deberet. Quaelibet determinatio  
 „ est vel realitas, vel defectus; illa aliquid affirmat, hic vero aliquid  
 „ negat; adeoque nulla repugnantia locum invenit, nisi quando ens  
 „ aliquid non tantum realitates, verum etiam defectus & limitationes  
 „ habet. — *Ast de ente perfectissimo omnes realitates affirmantur,*  
 „ *omnes defectus remouentur; ideoque in ejus conceptu nulla repugna-*  
 „ *tia sedem suam habere potest.* — Si hoc verum est, etiam actu  
 „ debet existere. — Speciem habet, fateor, haecce argumentatio,  
 „ eaque non multum differt ab argumento, quod proponit Canzianus Medit.  
 „ Phil. §. 366. nec non Schubertus Instit. Metaphys. Part. 4. Cap. 1.  
 „ pag. 522. seqq. sed tamen contra Atheos cum fructu adhiberi nequit:  
 „ quippe eo devenient fortasse, ut concedant tantisper, ens perfectissimum  
 „ habere non posse existentiam contingentem (cujus sequela necessaria  
 „ esset tum dependentia, tum existendi initium,) quamdiu supponimus,  
 „ ens illud & esse possibile, & actu existere: ast, inquit, demonstratio,  
 „ qua evincitur, ens illud non esse impossibile, non satis est solida,  
 „ quia de possibilitate perversum quandoque serimus judicium; uti ex  
 „ exemplo Dei non triunius patescit, quo, post Werenfelsium, usus  
 „ sui in memorata Praefatione: talis Deus est, secundum Christianorum  
 „ doctrinam, impossibile quid; & tamen impossibilitas illa non nascitur  
 „ ex pugna, quae nobis perspecta est, inter ideam unitatis, a qua  
 „ exulat trinitas, & inter illas ideas, quae alia divina attributa re-  
 „ praesentant: sic ipse Philosophus Berolinensis, secundum suae religio-  
 „ nis placita, Deum non trium ens possibile habebit, in cuius idea  
 „ nulla datur repugnantia. Praeterea si Deus nullas substantias corporeas  
 „ creasset, sed tantum mentes, quae tamen corporum ideas sibi formare  
 „ possent; haec saltem mentes eodem fere modo circa corporis perfectis-  
 „ simi existentiam potuissent ratiocinari. Corpus perfectissimum, (quod,  
 „ scilicet, omnes habet perfectiones, quae in corpus cadere possunt)  
 „ nullam involvit contradictionem; ideoque actu existit, quia actualis  
 „ existentia est perfectio, quae in corpore habere potest locum, quaeque  
 „ est major quam existentia possibilis, aut idealis. Cum igitur ab ex-  
 „ ceptionibus non penitus sit liberum ideale hocce argumentum, etiam post  
 „ ingeniosam Mendelsohnii emendationem, potius contra Atheos non est  
 „ adhibendum, cum efficacissima prostant pro momentosissima hac veritate  
 „ rationum pondera.

## §. II.

Argumenta, quibus existentia Numinis probari potest, & solet, non sunt unius generis. \* Possunt tamen commode ad tres revocari classes, quarum prima Metaphysica, altera Physica, tertia Historica complectitur. \*\*

\* Ad *acquisitam* itaque, quam vocant, Dei *notitiam* nunc accedimus, eamque accuratiorem, quae certis & invictis argumentis nititur. Rudior enim illa, quae ab institutione, seu parentum ac praeceptorum traditione oritur, nunc nobis in censum non venit.

\*\* Addere nonnulli argumenta moralia (160) atque Mathematica (161) solent. Sed cum in illis subinde aliquid supponatur, quod probandum erat, aut ad alium fontem reduci queant, haec autem haud raro incommodo quodam laborent, iis non insistemus. In tanta etiam argumentorum multitudine & evidentia, quae vel sola Physica suppeditat, reliquis facile carere possumus. Ceterum licet Physica & Historica magis ad capum omnium hominum sint accommodata, Metaphysica tamen ideo spernenda aut praetermittenda non sunt, cum, si recte adhibeantur, vi ac robore insigni polleant. (162)

(160) *Inter argumenta moralia referri potest illud, quod desumitur ex Conscientia, quodque §. VII. hujus Capitis adjungam.*

(161) *Argumenta pure Mathematica, quantum novi, dantur nulla: id enim, quod Fenelonius de l'Existence de Dieu Ch. 61. petit ex cognitione unitatis, quae in nobis datur, neque est Mathematicum, sed potius Psychologicum, neque aliquam habet efficaciam, nisi supponamus, ideas & unitatis & numerorum omnium esse innatas. Et si Illustri Auctor hoc argumentum tanquam Mathematicum proposuisset, nullibi evidentius monstrasset, se Mathematicum non esse. Argumenta dantur pro existentia Dei, quae Mathematico-physica possunt appellari, de quorum robore dicendum erit ad §. IV. hujus Capitis.*

(162) *Metaphysica argumenta, non tantum spernenda non sunt, aut praetermittenda, verum etiam per ultimam analysin ad ea est redeundum, quando nobis res est cum Atheis, qui Scepticismum simulant: imo tutius est, si ab illo argumento, inter Metaphysica referendo, initium faciamus, quod ex mentis nostrae existentia & constitutione est peti-*

petitum. De illa mentis existentia sumus certi per intimam conscientiam, neque de eâ dubitare potest pertinacissimus Scepticus. Si aliquid proinde existat, aliquid existere debuit ab omni aeternitate, sine initio; ita ut nullum unquam fuerit momentum temporis, quò existeret nihil. Ponamus enim, tale temporis momentum existisse unquam; illud, quod primum existere incepit post illud momentum, debuit initium existentiae accepisse absque ulla ratione sufficiente vel determinante. Dicere enim non licet, illud se ipsum produxisse, cum agere supponat esse; imo, si se ipsum produxisset, idem simul fuisset, et non fuisset; fuisset, quia egisset; non fuisset, quia id, quod jam est, produci non potest. Si jam quaeratur, an non mens mea vi suae naturae existeret ab omni aeternitate (nam quilibet circa suam mentem hanc quaestionem instituere debet, cum de aliarum rerum, de aliarum mentium existentia nondum, ex Scepticorum opinione, sit certus) facile detegimus, ad illam quaestionem negando esse respondendum, cum sit ens contingens, & minime necessarium; quia sine contradictione potest concipi tanquam non existens, quia continuis mutationibus est subjecta, & denique quia limitatas habet facultates, quae omnia in ente, quod rationem suae existentiae in se habet, seu quod vi suae naturae existit, quod proinde necessarium est, & sine initio, locum habere nequeunt, uti demonstravi in Prim. lineis Theol. Nat. Theor. §. 12. seqq. coll. §. 18. Hisce positis demonstratur haud difficile, mentem nostram in nullo ente, nisi in necessario suae existentiae habere posse rationem sufficientem, sive nullam suae existentiae causam habere, praeter ens necessarium, vi suae naturae existens, aeternum, immutabile, infinitum; quippe cum suae existentiae ratio sufficiens non sit, tum denum ratio sufficiens ejus assignatur, quando non amplius remanet quaestio, cur & unde res sit, vel (uti minus latine, sed clare loquitur Bultingerus in Dilucid. Philos. §. 390.) quando, cā posita, nihil amplius requiritur ad hoc, ut intelligi possit, quare res se ita habeat; & quae remota, requiritur aliquid amplius ad ipsam objectivam rei intelligibilitatem. Et ex hoc simplici ratiocinio, quod Metaphysicis principiis est inaedificatum, cujusque prima stamina debito modo evoluta proposuit Cudworth. Syst. Int. pag. 899. seq. quem plures alii fuerunt secuti, statim patescit absurditas progressionis causarum & effectuum in infinitum excurrentis vel ascendentis, de qua §. seq. III. ubi eam aliis argumentis demonstrabo, quae non tantum motui, ejusque origini, verum etiam aliis quibuscunque causis, a prima & necessaria diversis, possunt applicari.

## §. III.

Ad primam classē pertinent argumenta, a motus origine, a dependentia rerum a suis causis, itemque, a rerum creaturarum contingentia, & quae alia sunt ejusdem generis, defuncta. Hinc enim primum aliquem motorem, primamque causam, a qua reliqua omnia dependeant, & ens aliquod necessarium, (quae omnia in solum Deum quadrant,) dari, luculentissime evincitur. \*

\* Primum argumentum ex philosophia Aristotelica fluxit, & apud Scholasticos longe est usitatissimum, immo apud nonnullos tanti aestimatur, ut ex eo solo firmiter existentiam Dei demonstrari posse, existimetur. Est sane systemati Aristotelis prorsus accommodatum; quod, licet a nobis juxta ea, quae supra disputavimus, merito rejiciatur, transferri tamen argumentum potest, ad veri Dei existentiam demonstrandam. Cum enim ipse motus a nemine, nisi sensibus & ratione destituito, negari queat, motus vero omnino causam quandam, unde procedat, agnoscat; in hisce causis autem necessario ad primum motorem perveniendum sit, qui alius, quam Deus, esse nequit, rectissime, Deum dari, inde concluditur. Nititur sane tota haecce ratio ratiocinatio duobus principiis; quorum alterum est: *quicquid movetur, ab alio movetur*; alterum: *in moventibus non datur processus in infinitum*; quae quidem nonnulli nondum extra omnem dubitationem posita esse, arbitrantur. Ad prius enim quod attinet, objiciunt, dari substantias etiam corporeas, quae a se ipsis moveantur; non itaque semper procedere: *quicquid movetur, ab alio movetur*. Circa posterius autem monent, evitari posse primum motorem, vim movendi a se habentem, si recurratur ad successione causarum infinitarum, per accidens subordinatarum. Verum haec nondum ejusmodi sunt, ut vim argumenti, in sensu vero & genuino adhibiti, infringant. Et si enim substantiae quaedam, etiam corporeae, dentur, quae se ipsas moveant, aut movere videantur, dispiciendum tamen, num hicce motus, aut facultas se movendi, a materia, aut alio quodam principio sit? Si posterius dicas, rursus quaerendum, quodnam illud principium sit, & unde istam facultatem habeat? quo ipso Athei ad principium aliquod a materia distinctum, quod omnis motus prima causa, seu primus motor sit, agnoscendum, deducuntur. Sin prius asserant, admittendum iis est, motum materiae esse essentialem; quo ipso tamen nihil aliud agent, quam ut ignorantiam suam prodant. Praeterquam enim quod ipsi notioni materiae, quae

quae omnium mentibus infidet, hoc non conveniat, si motus materiae essentialis esset, sequeretur, materiam semper moveri, nec posse unquam quiescere, adeoque ad corpora varia producenda vel constituenda prorsus esse ineptam. Qua de re recte SAM. CLARKIUS pronuntiat: *Si Atheus affirmaverit, motum omni materiae in genere esse necessarium, sequitur, contradictionem esse expressam, supponere ullam materiam quiescere, quod sane ita est absonum, ut nullus Atheus, quod hactenus novimus, sive sis antiquus, sive ex recentioribus, id supponere fuerit ausus; in demonstrat. existentiae atque attributorum Dei, ad propos. III. pag. m. 30. (163) Addit, JOANNEM TOLANDUM equidem, ut demonstraret, se hac etiam re impudentia omnes Aethos vincere, asserere ausum, motum, id est, conatum ad motionem, materiae omni esse essentialem; sed quam infeliciter, quamve insipienter hoc fecerit, loc. cit. pluribus demonstrat. (164) Legenda & quae hac de re differit JAC. ARPADIE, de veritate & certitudine Christianae religionis sect. I. cap. V. pag. m. 35. editionis, quae lingua Germanica prodiiit. Alterum primi argumenti fundamentum: *in moventibus non datur processus in infinitum*, simul nos ducit, ad secundum argumentum, quod a *dependentia rerum creaturarum a suis causis* desumptum est. Certum est, nihil posse sui ipsius esse causam; unde simul patet, causas rerum adspectabilium ab aliis causis iterum dependere; adeoque, nisi processum in infinitum admittere velimus, in prima tandem aliqua causa subsistendum esse, quae non sit alia, quam ipse Deus. Ut vero exceptionibus, quae circa hocce principium adferri possent, occurramus, observandum, processum in infinitum in causis efficientibus duplici ratione concipi posse, ut vel ascendendo fiat a causis inferioribus ad superiores, vel descendendo ab universalibus causis ad proximas. De posteriori modo nullum est dubium, cum experientia doceat, nec ipsi negent Athei, processum causarum tandem in causa proxima, quae effectum producat, terminari. Prior modus iterum de causis aut per se, aut per accidens subordinatis, potest intelligi. Causae per accidens subordinatae hic equidem in censum non veniunt, interim tamen certum, in utroque genere, praesertim in causis per se subordinatis, infinitam causarum successionem admitti non posse. Causa enim, per infinitam distantiam ab effectu remota, nunquam ad effectum pertingeret, adeoque non crit causa, quamvis etiam talis causa per infinitam distantiam remota, & per infinitas causas subordinatas agens, ne quidem concipi queat, cum semper ulterius sine omni fine & termino ascendendum sit, nisi tandem in prima quadam causa, a qua reliquae dependeant, subsistamus. (165) Tertium argumentum a *rerum contingentia*, quam vocant, desumptum, in Metaphysicorum scholis itidem admodum frequens est. Nimirum, cum contingentia, quae possunt esse & non esse, aliquando etiam non sint, aut non fuerint, revera non essent, nisi daretur ens necessarium; quia,*

quod ab alio esse suum non accipit, existere nequit. Illud vero aliud non potest non esse ens necessarium, quia, quod contingens est, certo effectum producere nequit. Necessitas vero vel ex causa quadam oritur, vel non oritur. Posterius si intelligatur, tum ens per se necessarium admittendum, quod solus erit Deus. Prius vero si innuas, tandem tamen ad causam necessariam, quae aliunde non sit, adeoque per se sit necessaria, deveniendum erit. Mitto reliqua, quae eundem in modum a Scholasticis praecipue doctoribus ad evincendam Numinis existentiam, adferri in medium solent. Ex recentioribus omnium optime in hocce argumentorum genere mihi versatus videtur SAMUEL CLARKIUS, ejus demonstrationem existentiae & attributorum Dei adversus Hobbesium & Spinozam potissimum, ex Anglicana lingua in Latinam transtulit JENKINUS THOMASIVS. Ex principiis enim evidentissimis, riteque inter se connexis, more quodam geometrico, quae ratio de Deo ejusque attributis cognoscere potest, deducit. Quam ejus demonstrationem, ut in compendio exhibeamus, prima propositio est: *Quod ab aeterno aliquid extiterit*. Etenim licet ipse aeternitatis conceptus, si de modo quaeratur, obscurior sit, ipsa tamen propositio tam evidens est, ut ullum eam negaturum Atheum non sit credibile. (166) Altera propositio est: *Quod ens immutabile & independens ab aeterno extiterit*. Entia namque dependentia ut aeternam habeant successionem, & sine omni prima & independente causa existant, fieri nullo modo potest. (167) Sequitur tertia propositio: *Quod ens illud immutabile & independens, quod sine ulla causa externae suae existentiae ab aeterno fuit, non possit non per se existere, hoc est, necessario existere*. Evidenter hoc demonstrat, simulque ostendit, ideam Dei existentiam per se includere, ita tamen, ut idea haec non tantum in mente existat, sed per objectum extra nos constitutum, producat; (168) quo ipso a Cartesio dissentit, ejus tamen sententiam, si recte capiatur, non prorsus rejiciendam existimat. (169) Recte etiam docet, & evidenter demonstrat, per ens illud immutabile, independens, & per se necessario existens, mundum materiale nullo modo posse intelligi; qua occasione & JOANNIS TOLANDI sententiam, motum esse essentiali materiae, ut antea diximus, profigat, erroremque SPINOZAE, unam tantum dari substantiam, refellit. Hinc cum propositione quarta ostendisset, nos *essentiam entis hujus per se & necessario existentis, comprehendere non posse*; propositione quinta docet: *multa attributa essentialia ejus naturae aequae esse demonstrabilia, ac ejus existentiam*; scilicet, quod *necessario debeat esse aeternum*; item, *infinitum & omnipraesens, prop. VI. nonnisi unum, prop. VII. intelligentia & libertate praeditum, prop. VIII. & IX. &c.* Singularum istarum propositionum demonstrationes apud ipsum auctorem legi possunt. (170).



(163) Praenittere potuisset Cl. Auctor argumentum ex materia ejusque origine petitum, atrequam ad considerationem motus progredieretur, qui tantum in materia suam habere potest sedem. Omnia quidem corpora, quae examinari poterunt, motu cidentur, eoque velocissimo; sed tamen motum materiae non esse essentialem, sive naturalem, manifestum fit non tantum ex eo, quod quaecunque corpus concipi possit, ut in absoluta quiete constitutum, verum etiam ex motus adfectionibus; infinitis scil. modis variari potest quoad directiones; si jam motus materiae esset naturalis, nulla foret ratio, ob quam corpus aliquod versus unam plagam potius, quam versus aliam quancunque moveretur, nisi directio quaedam determinata motui inesset & inesse deberet: sed si directio quaedam motui sit essentialis (cum motus in genere sit idea abstracta, quae prototypum suum extra mentem abstrahendo activam non habet) omnia corpora, quibus motus iste essentialis inest, eadem in directione moverentur; quod experientiae est adversum; cum mille modis variae sint directiones, & quovis temporis articulo mille mutationes in directionibus corporum contingant. Idem ratiocinium valet, si applicetur velocitatibus. Conf. Cudworth. Syst. Intell. pag. 1131. seq. Croufaz sur le Principe du Mouvement pag. 6. suiv. Cheyne Principles of Religion P. 1. pag. 114. seqq. Crusius Diehtvrendigen Wetnunft-wahrheiten §. 215. seqq. Si igitur motus sit accidentaliter materiae; causa debet esse a materia diversa, quae motum imprefsit, quaeque ejus rationem vere sufficientem in se habet, absque eo, quod recurrendum sit ad aliam & iterum ad aliam causam, ad qualem absurditatem delabi debuit Spinoza Ethic. Part. 2. prop. 13. lemma 3. pag. 54.

(164) Quid sit conatus ad motum, neque a Tolando, neque ab aliis unquam fuit explicatum ea ratione, ut mens veri certique cupida in eo acquiescere possit. In corporibus gravibus Telluris nostrae, si retineantur, obtinet quasi comen ad motum, ad descendendum versus centrum vel superficiem Telluris; sed gravitatem materiae esse essentialem; nemo facile dixerit, cum corpus concipi possit absque illo nisu, licet gravitas merito referatur inter omnium corporum, quae examinari poterunt, attributa universalialia, quae ab essentialibus toto coelo differunt. In corporibus elasticis compressis, vel convolutis reperitur conatus ad sese restituendum; verum & elastica virtus ex causa externa non ex essentia materiae nascitur, & corpora illa virtute conspicua non, nisi pressa, resultant. Praeterea quaeritur, an ille conatus tendat ad determinatam plagam, sive in determinatam directionem, an vero indifferenter in directiones omnes; si prius, omnia corpora eodem modo moverentur; si posterius, nullus sequeretur motus.

(165) Cum progressus causarum effectuumque infinitus, sive in infinitum ascendens sit vulgatissimum Atheorum effugium, plenius ejus absurditas est demonstranda: 1<sup>o</sup>. vel omnia membra seriei, quae infinita dicitur, sunt producta, vel non omnia sunt producta, (tertium non datur): si non omnia sint producta, una saltem ex causis, vel membris seriem componentibus debet esse non producta, ideoque haec rationem suae existentiae in se debet habere; & sic series non est infinita, quia in membro non producto terminatur: si omnia membra, nullo excepto, sint producta, omnia & singula aliquando non fuerunt, & sic tota series aliquando non fuit: habuit proinde initium. 2<sup>o</sup>. Si series causarum sive moventium, sive aliarum quarumcunque foret infinita, causarum numero infinitae praesenti effectui praecesserunt & sic praeterierunt. Ast quidquid nunc est praeteritum, aliquando fuit actu praesens, adeoque quaelibet illarum causarum olim, suo quaeque ordine, praesens fuit. Omnes proinde causae unica excepta erant aliquando futurae, & nondum existentes. Unica autem illa causa vel est necessaria, adeoque vi suae naturae existens; vel est tantum contingens, adeoque initium habere debuit, quod sibi ipsa dare non potuit. 3<sup>o</sup>. Quodlibet ens seriem istam constituens est contingens, cujus existentia non necessario ex ejus natura sequitur; ideoque omnia illa entia simul sumpta seriem necessariam, sive ens compositum, rationem suae existentiae in se habens, constituere nequeunt; quod egregie illustratur exemplo notissimo catenae suspensae, cujus longitudo ignoratur, quo usus fuit Wollaston *Ebauche de la Religion Naturelle* pag. 110. seqq. conf. Bentley de Stult. Atheismi pag. 79-95. vers. Belg. Reimarus *Voorn. Waarheden van den Natuurl. Gods. 1<sup>ste</sup> Verhandeling*, Crusius *Notwendigen Vernunft-wahrheiten* §. 148. seq. G. A. Maas in *zyn Betoog*, enz. (quae *Dissertatio praemium Legati Stolpiani reportavit A. 1759.*) pag. 44. seqq.

(166) Posito, quod aliquid existit (uti de existentia mentis nostrae per internam conscientiam convincimur, & de existentia totius universi per legitimum sensuum nostrorum usum moraliter sumus certi) aliquid ab aeterno existere debuisse, est propositio, quam ad §. praeced. no. 162. demonstravi. Omne certe, quod existit, vel vi suae naturae existit, adeoque necessario, & sic ab omni aeternitate, vel existit ex voluntate & operatione alterius entis; sed hoc alterum ens, si rationem vere sufficientem continebit, ob quam prius illud potius existit, quam non existit, debet esse sine initio adeoque aeternum, quia, secundum n. 165, progressus causarum in infinitum excurrere est absurdissimus.

(167)

- (167) Si ens illud aeternum suae existentiae rationem sufficientem in se habet, etiam debet esse independens; si enim ab alio dependeret, rationem suae existentiae non in se, sed in alio haberet repositam; id quippe independens est, quod in se nihil habet, cujus ratio continetur in alio ente, vel quod alii enti debet. Idem illud ens debet esse immutabile, quia, si existentia ex ejus natura sequitur, haec debet esse quoad modum etiam necessaria, (cum existentia in genere sit ens rationis, seu idea abstracta) hinc contradictionem involveret, id ipsum alio modo existere, quam quo existit; & sic modus existendi illius necessitatis, quae ipsi existentiae competit, est particeps: cum essentia non possit dici rationem sufficientem continere alicujus modi existendi, nisi huiusmodi sit permanens; & vicissim, simul ac modus existendi determinatus definit, patescit, rationem illius sufficientem non in essentia illius entis, cui existentia necessaria competit, fuisse repositam. Conf. Bullinger in Dilucid. §. 405.
- (168) Tertia haec propositio ex antecedentibus praesertim ex no. 162. est manifesta, si tantum tollatur vel praecaveatur ambiguitas, quae latet in termino per se existere: non intelligitur certe, Ens illud aeternum, independens & immutabile se produxisse, sive sui ipsius esse causam efficientem (uti incaute mentem suam expressit Cartesius in resp. ad obj. prim. pag. 56. seq. licet melius in eodem fere loco scripserit, si conferatur id, quod habet in resp. ad obj. 2. pag. 88. seq. & in resp. ad obj. 4. pag. 127. seqq.) sed Ens illud existere & necessitatis absolutae, quae ipsius naturae inhaeret; ita ut rationem sufficientissimam suae existentiae in sua essentia habeat repositam: vel enim in se habet rationem sufficientem suae existentiae, vel in alio ente; tertium non datur: atqui in ipsa propositione supponitur, illud, sine ulla causa externa suae existentiae, ab aeterno fuisse; aeternitas autem excludit initium, excludit originem ab alio ente: hinc existit necessario; ponamus enim illud indifferens fuisse ad existendum & ad non existendum, aliquid in hoc casu existere debuisset, quod illud ad existendum potius, quam ad non existendum determinavit; quod fuit vel ipsum ens aeternum, vel aliquid ab eo diversum; si prius, sese determinasset ad existendum, cum non existeret; quod est absurdum; si posterius, rationem sufficientem seu determinantem suae existentiae non in se haberet; quod est contra hypothesin. Alio modo hanc tertiam Propositionem demonstravit ipse Clarkius.
- (169) Nequaquam sic existimandum, acsi Clarkius adoptaret argumentum a priori ex idea petitum; id tantum vult Vir sagacissimus, sine contradictione supponi non posse, nullum esse ens independens, aeternum, & illimitatum in hocce Universo, postquam constitit, aliquid

cxi.

existere, quod necessario & vi suae naturae existentiam possidet; uti liquere potest ex Responsione ad septimam Epistolam, quae subjungitur egregiae operis Clarkiani Versioni Belgicae, ab J. Boelaard paratae, Tom. 1. pag. 237. &c. Imo in Coroll. 3. hujus Propositionis 3<sup>iae</sup> expresse dicitur: Ens illud (per se existens) revera, sive extra metem existere, ex idea demonstrari non potest, nisi certitudo existentiae actualis Entis necessario existentis ex possibilitate existentiae talis entis sequeretur, &c.

- (170) Memorat Cl. Auctor in ipsa §. argumentum ex contingentia rerum creatarum (potius ex contingentia hujus universi; quia, si res sint creatae, Creatorem, hoc est, causam externam suae existentiae agnoscunt) quod implicite tantum exposuit, cum sit celebratissimum, & litibus quibusdam inter Cl. Buddeum, & inter Ill. Wolffium praebuerit occasionem, quas in compendio exhibuit Canzius in *Uf. Phil. Leibn. & Wolff. in Theol. Tom. 1. pag. 109-129. Proposuerunt nervose hocce argumentum prae reliquis Wolff Theol. Nat. P. I. §. 64. seqq. & de Differentia nexus rerum &c. pag. 7. seqq. & in Ratione Praelectionum Sect. 2. C. 3. §. 37-52. Bilingerus Dilucid. Philos. §. 387. seqq. Crusius Doctorendigen Vernunft-wahrheiten §. 217. seqq. Nitiitur principiis Metaphysicis ad §. 2. n. 162. propositis & omnium simplicissime sequenti ratione exhiberi posse, opinor. Omnia scilicet & singula, quae in hoc universo dantur, sunt entia contingentia 1<sup>o</sup> quia sine contradictione tanquam non existentia, vel alio modo existentia, quam quo nunc existunt, possunt concipi; 2<sup>do</sup> quia continuis mutationibus sunt obnoxia; 3<sup>io</sup> quia sunt ab omni parte limitata; 4<sup>to</sup> quia successive durant, adeoque ascendendo tandem devenire debemus ad eorum initium; atqui hi quatuor characteres ab Ente necessario, aeterno, rationem sufficientem suae existentiae in se habente exulant. Ideoque hocce universum singulaeque ejus partes sunt entia contingentia; quae causam requirunt suae existentiae externam, seu ab ipso universo diversam, quae, quoniam progressus seu series causarum & effectuum infinita sit variis de causis absurdissima (secundum n. 165.) per ultimam analytin nulla esse potest, nisi necessaria, aeterna, per se subsistens, adeoque ab ipso Universo diversissima. Supponitur autem, hoc Universum revera extra mentem nostram existeret, de quo tantum moraliter sumus certi; atqui certitudo moralis nitiitur perfectionibus divinis; ideoque hocce argumentum adhiberi non posset contra illos Atheos, qui Scepticismum simulant, nisi, seposita etiam divina existentia, perceptiones ex sensuum legitimo usu ortas respondere debere objectis externis posset, demonstrari. Perceptiones illae non pendent a mentis operatione & arbitrio, sed ipsi invitat quandoque obtruduntur. Mutationes igitur, quae hac ratione*

in

*in mente contingunt, causam habent a mente diversam; haec vero, cum potentissima & sapientissima esse oporteat, (quoniam caeteroquin aptissimam illam dispositionem, quam §. seq. consideraturi sumus, producere, mentique ingenerare non valisset) nulla alia esse potest, quam causa prima: atque adeo ex ipso Universo ideali existentiam Dei demonstrare liceret.*

### §. I V.

In altera argumentorum classe, primum conspectus totius hujus universi, sive ipsum mundi systema, se nobis offert, cujus si spectes & amplitudinem, & in innumerabili corporum numero ac multitudine ordinem, aptissimamque dispositionem, omnium praeterea ac singulorum ad certos usus finesque directionem, ab eo hoc profectum agnoscas oportet, qui majestatem suam summam, atque potentiam, sapientissima quadam ratione demonstrare voluit. \* Id quod & speciatim de sole, luna, ceterisque corporibus coelestibus, dicendum esse, nemo, nisi coecus, rationisque omnis expers, diffitebitur. \*\*

- \* Ut non casu fortuito, sed ratione certa, sapienterque, aliquid factum censeatur, primo quidem requiritur, ut effectus potentiae & virtuti auctoris respondeat, quoque amplior haec est, eo magis in illius magnitudine explendescat; tum ut operis magnitudini *varietas & multitudo* rerum, quas continet, conveniat; praeterea, ut in summa varietate *ordo elegantissimus*, aptissimaque dispositio elucescat; & tandem, ut cuncta certo *usui* inserviant, & ad *finem* suum accurate conspirent. Haec omnia, ubi junctim in opere quodam conspiciuntur, sapientia artificis tam evidenter cognoscitur, ut mentem omnem rationemque amisisse merito censeatur, qui eam agnoscere nolit, aut sibi aliisque persuadere annitatur, casu fortuito ejusmodi quid extitisse. In hocce vero universi systemate illa conspici, res ipsa docet. *Amplitudo* tanta est, quam nemo mortalium cogitatione assequi valeat, adeoque ratione nostri recte infinita dicitur. Si distantiam primum lunae, tum solis, ceterarumque planetarum a nostra tellure cogitemus; si porro distantiam reliquarum stellarum a sole reliquisque planetis, si ingens illud spatium, quod stellae istae innumerae, tellure nostra, si non multo

maiores, certe non minores, occupant, animo voluimus, statim tantam universi hujus deprehendimus magnitudinem, ut non alium, quam cujus infinita majestas pariter ac potentia sit, agnoscere auctorem queat. (171) Quodsi vero porro, secundum recentiorum hypothesein, quaelibet stella fixa solis instar sit, qui suum orbem habeat, circa quem etiam forte planetae volvantur, tam angusta orbis se nobis offeret species, ut nihil augustius unquam cogitari queat. (172) Nec tamen, si vel maxime haec hypothesis non admittatur, amplitudini totius hujus universi quidquam inde decedet. Magnitudini ejus, rerum, quae in eo continentur, *varietas* respondet. Documentum vel ex nostra tellure capere licet, in qua tot lapidum, aliarumque rerum inanimatarum, tot arborum, plantarum, herbarum atque florum, tot animalium genera, & cujuslibet generis tot iterum species deprehendere licet, ut hisce omnibus capiendis, aut enumerandis, animus hominis vix sufficiat. Sunt, qui volucrum quingentas species numerant, & piscium sexies plures; unde de reliquis facile judicium ferre licet. (173) Non equidem Astronomorum, de planetarum incolis ita loquentium, ac si ipsimet ibi adfuissent, conjecturis multum tribuo; id tamen sine omni temeritate dici posse, existimo, cum tanta rerum creaturarum in nostra tellure sit varietas, vix credibile esse, tam ingentia corpora plane vacua esse, immo admodum verosimile, non minorem rerum, summam Numinis & potentiam & sapientiam demonstrantium, in illis varietatem deprehendi, quam in nostra tellure. (174) Quo major autem rerum creaturarum est varietas ac multitudo, eo elegantior *ordo*, eo aptior & concinnior in his omnibus *dispositio* deprehenditur. Ipsorum corporum coelestium & inter se invicem, & ratione nostrae telluris, is positus est, ut non tantum se invicem non impediunt, sed ut unum alteri insignem utilitatem commodare plurima adferat; quod vel solis atque planetarum, intuitu nostrae telluris situs, unumquemque conducere potest. Alphonso equidem Castiliae Regi coelestium corporum systema adeo confusum apparuisse, memorant, ut longe melius atque ordinatius constitui potuisse, putaverit, si in universi hujus creatione Deus ipsum adhibuisset in consilium. Quod impium non minus, quam stolidum ejus dictum, summam hominis ignorantiam prodit, quantumvis in astrorum scientia haud mediocriter se profecisse sibi videretur. (175) Certe, si nostri seculi Mathematicos, pulcherrimum corporum coelestium ordinem, sine omni confusione explicantes, audiret, haud dubio longe aliter sentiret. Haecce autem corpora tam ingentia, tamque apte disposita, ut iterum una cum tellure nostra, rerum creaturarum infinitae multitudini habitacula praebeant, ita istae res creatae in sua genera, & haec iterum in species suas tam concinne distributa sunt, ut exercitus ingentis, in quo primum integras legiones, in legionibus cohortes, in cohortibus manipulos.

los conspiciere licet, speciem referant. Urde & haud raro in Scriptura sacra Deus *Dominus exercituum* dicitur, quemadmodum & ipsa sidera seu corpora coelestia subinde *exercitus coeli* vocantur, tum ob multitudinem, tum ob ordinem in illis conspicuum. Ad haec omnia usus omnium atque singulorum corporum istorum accedit, & sapientissima ad certum finem directio, quae ut omnem casum fortuitura prorsus excludit, ita causam liberrime pariter ac sapientissime agentem supponit. (176) Quemadmodum vero vel ipsa telluris nostrae indoles evidentissime ostendit, eam sapientissimo consilio ita adaptatam, ut hominibus animantibusque, quae in ea degunt, commodum domicilium praeberet, & reliqua omnia, quae ad sustentationem & propagationem eorum necessaria sunt, suppeditaret, ita solem ipsum, lunamque, eundem habere finem, ut terrae incolis itidem infervirent, eorumque comodis varia ratione promoverent, nemo, nisi imprudentissimus impudentissimisque mortalium, inficiatus fuerit. Hinc vero etiam de reliquis corporibus coelestibus ferendum iudicium; quorum licet nobis non adeo explorata sit ratio, nullo tamen modo dubitandum, ea ad fines nobilissimos praestantissimosque, etsi nobis maximam partem incognitos, esse comparata. Etenim cum quaelibet animaleulorum, etiam minutissimorum, membra usum suum certissimum habeant, & ad certum finem sint comparata, quis dubitaret, ingentia illa nobilissimaque corpora, quae tellurem nostram magnitudine aut aequant, aut superant, sine omni atque usu destitui. Quemadmodum vero etiam hodie, post artem Anatomicam diligentius excultam, de usu singularum partium, quibus animalia constant, multa nobis innotuerunt, quae Galeno, aliisque veterum, non fuere perspecta; ita etiam si natura indolesque corporum coelestium accuratius nobis innotesceret, longe plura de eorum usu ac fine dici possent, quae hodie nobis non satis sunt explorata.

- (171) *Amplitudo hujus Universi, (quod melius indefinitum ratione nostrae cognitionis, quam infinitum dicitur) omnium optime conspicitur, si solis, planetarum, stellarumque fixarum a Tellure nostra distantiam paulo accuratius investigemus. Distantia solis media a Tellure, si parallaxis ejus horizontalis sit 10 secundorum, est 20625 semidiametrorum terrestrium; si quaelibet semidiameter Telluris (numerus sumendo medium) sit 1130 Milliarium Hollandicorum, quorum unumquodque complectitur 1500 Perticas Rhelandicas, (de quibus omnibus ex professo egi in Theoria Telluris Physico-mathematica P. 1. C. 2.) erit distantia media solis a Terra nostra 23 366 250 milliarium Hollandicorum. Ast exigua est haec universi portiuncula, si comparatur cum distantia fixarum; Diameter integra Terrestris orbitae, (quae aequalis haberi potest 46612500 Milliaribus Hollandicis,) in-*

star puncti physici est, si conseratur cum distantia Syrii, qui ex omnibus stellis fixis Telluri proxime adstare videtur; parallaxis quippe fixarum vel nulla hactenus observata fuit, vel admodum exigua & paucissimorum minutorum secundi ordinis. Ponamus, illam parallaxin in Syrio esse 5 secundorum (licet longe sit minor, si quae detur) & facile per calculum trigonometricum detegimus, distantiam istius stellae esse 1736774800 semidiametrorum terrestrium. Quid igitur statuendum foret de aliis stellulis, quae probabiliter longissime ultra Syrium a nobis sunt remotae? cum prostant Astronomicae observationes, ex quibus haud levis conjectura formare licet, alias stellas aliis esse altiores, seu remotiores a conspectu nostro.

- (172) Equidem magnifice magis de hocce Universo ejusque corporibus sentimus, si quamlibet stellam fixam etiam remotissimam Solem putemus, cui circumpositum est systema aliquod Planetarium, uti circa Solem nostrum sex corpora variae magnitudinis moventur, tanquam Planetae primarii, (ut decem saltem secundarios taceam). Quis enim sibi persuadeat, stellas numerosissimas, easque a Sole & systemate nostro Planetario remotissimas, nudo oculo non conspicuas, in usus nostros & aliorum, qui systematis nostri Planetas, fortassis, habitant, in nullos vero alios fuisse conditas? Dubito tamen, an probabilitate aliqua sese commendet conjectura Derhami (in Praefat. ad Astronom. Theologicam pag. 28. seqq.) ac si mutationes, quae in situ & numero stellarum, viam lacteam, aliasque lucidiores coeli plagas occupantium, contingunt, probabile redderent, cuilibet stellae fixae circumpositum esse systema Planetarium. Ipse tales saepissime observavi mutationes in spatio lucidiori, quod in Gladio Orionis medio suam habet sedem; sed stellulae, quae locum suum mutant, adeo sunt scintillantes, ut Planetae mutatio lumine splendentes haberi nequeant. Praeterea si planetae illi tanto intervallo a suo sole distarent, quo Tellus a sole nostro, in immensa ista distantia evanesceret ipsum illud intervallum, & optimis etiam telescopiis discerni non posset. Conf. Bentley over de Dwaasheid der Godverzaakinge pag. 196. seq. ibidemque meae observationes.

- (173) Musschenbroekius in Oratione de Sapientia Divina pag. 12. nequam in excessu peccavit, cum statueret 600 esse species avium (Solum certe Brissonius in Ornithologia 115 genera recensuit, inter quae dantur, quorum 74, 82, imo 97 sunt species) 450 animalium Terrenorum, 600 Piscium, 600 concharum, 400 Testaceorum, 50 Amphibiorum, 5000 Insectorum aquaticorum.

(174)



(174) *Patentissimum hujus Universi theatrum & analogia corporum motuumque coelestium, quae Telluri nullum prae reliquis, iisque majoribus, Globis privilegium relinquit, suspicandi ansam praebent, plures dari, ab hominibus diversos, atque per amplissima spatia longe lateque diffusos Divinorum operum, & vividissime ex iis elucescentium perfectiorum spectatores. Non quidem apodictice demonstrari potest, majores illos Globos, ad systema nostrum planetarium pertinentes, aliosque Planetas, qui sorte circumeunt stellas fixas, tanquam totidem soles, habitationi entium rationalium esse destinatos; cum exinde, quod nos homunciones vultus fines aptiores assignare queamus, quodque creati non videantur in solius Telluris usum, nondum pateat, Deum sapientissimum istis finibus praegrandia illa corpora destinasse: attamen ex sola infinitate sapientiae Divinae contra probabilitatem, quae sic obtinet, ex specie aliqua ratiocinii analogici, sed imperfectioris, ratiocinari non licet; cum sic infinitatem intellectus divini tacite transferremus ad ipsa objecta cognitionis Divinae a Deo diversa: quaelibet res finita est, etiam quoad usus suos, determinata; uti Deus ipse plures quam duas diagonales in uno quadrato ductas concipere non potest (quod, salvis reverentia summa summo Numini debita, statuere licet) sic etiam determinatus debet esse numerus usum, quibus corpora coelestia possunt inservire, quamvis ille numerus possit esse ingens, captumque nostrum longissime superare. Conf. Reimarus Voorn. Waarrh. van den Natuurl. Godsdienst 3 Verhand. §. 10. enz. & ingenioosissimus Maty Journ. Britann. 1753. Sept. & Octob. pag. 82—88.*

(175) *Impium fuisse Alphonsi Regis famosissimum dictum, & hac de causa stolidum, facile concedet quilibet vera reverentia Numinis imbutus; sed tamen ab ignorantia illa, quae in eo ab Auctore reprehenditur, est absolvendus, si temporis rationem statumque Astronomiae perpendamus. Quippe cum Tabulae illae Astronomicae, quae Alphonsinae dicuntur, ejus jussu construerentur, animadvertent, tot ambages, atque monstruosas coelestium motuum complicationes, hypothesisum instar, a suis Astronomis Arabibus & Judaeis esse assumptas, ut elegantissima nobilissimae scientiae facies exinde deformaretur. Deus igitur nequaquam per vias simplicissimas commoda illa humano generi, aliisque, si forte dentur, systematis nostri Planetarii incolis procurasset, quae nunc percipiunt ex ordinatissima dispositione & motibus corporum coelestium, si ea fuisset Universi constitutio, quam ex verae Astronomiae ignorantia Alphonsini temporis Astronomi confinxerant. Conf. Weidlerus Hist. Astron. Cap. XII. §. 18. & Montucla l'Histoire des Mathematiques Tom. II. pag. 418. suiv.*

(176) In genere circa systema nostrum Planetarium observandum, ipso satente Maupertuisio, l'Hist. de l'Acad. Roy. de Berlin Tom. 2. pag. 270. juiv. (licet caeteroquin non admodum benigne sentiat de argumentis pro sapientia divina ex operibus creationis desumptis,) quod vix probabile sit (dicamus potius, quod non probabile sit) casum fortuitum esse originem motuum, qui in systemate illo deteguntur. Omnia illa corpora versus eandem plagam (ab occidente, scilicet, in orientem) moventur, in orbitis fere concentricis; moventur fere in eodem plano; cum Zona, intra quam omnes orbitae continentur, sit quam proxime pars decima septima superficiei totius sphaerae; exinde derivat Vir Illustris, quod, si ad planum orbitae terrestris referantur reliquorum quinque planetarum plana, probabilitas, quinque illa plana intra hancce Zonam fore comprehensa, sit ad contrarium uti 1 ad 17'-1, hoc est, uti 1 ad 1415856 posito, quod haecce corpora motus suos peragant in vacuo. Non licet hic loci totum hoc ratiocinium & calculum Maupertuisii ad examen revocare: id nunc observasse sufficiet, Epituroaeos, quorum causam nini aperte agit Vir eximius, nihil lucrari frigidis illis exceptiunculis, quas eorum nomine proponit; cum motus illi ordinatissimi concipi nequeant, absque nisu ad commune gravitatis centrum, qui ex natura materiae non profluit, sed causam externam agnoscit; sufficit, Telluris incolis utilissimum esse, quod Planetae a plano terrestris semitae non longe divagentur, uti solent Cometae, in excentricis admodum orbitis moti; cum sic Phaenomena oriantur, quae & Geographicis & Nauticis & Chronologicis usibus sunt aptissima. Cons. ea, quae notavi ad Reimari laudatissimum opus l. c. §. 10. pag. 230, & quae ad §. 5. hujus Capituli sum propositurus.

\* Priusquam ad singulorum corporum coelestium considerationem descendamus, generationi primum observare juvat, ipsa haecce corpora solida esse, aetheri tamen, utpote corpori maxime fluido, velut innatare. Utrumque autem, ut moveri, ea, qua debebant, ratione possent, prorsus erat necessarium. Corpori enim solido, nisi per fluidum transitus pateat, motus ejus continuari nequit. (177) Rursus, si corpus, quod moveri debet, compactum non esset, atque solidissimum, in motu isto velocissimo, quo corpora coelestia abripiuntur, mox dissolveretur. Quo minus autem hocce fieret, Deus corporibus hifce gravitatem indidit, qua efficitur, ut, quantumvis motus, quo feruntur, circularis, maxime violentus sit, cum, quaecunque in circulum moventur, vi quadam naturali a centro discedere conentur, & nisi alia causa obftet, discedant, non tamen dissolvantur, cum per gravitatis leges cuncta ad centrum suum descendendo eo arctius cohaereant, & omnem dissipationem impendant. Quantumvis autem Philo-

sophi

sophi in causa gravitatis investiganda defudent; certum tamen, hanc a Conditore hujus universi constitutam; & ultimato tandem ejus summam potentiam sapientiamque hic agnoscendam esse; conf. RICHARDUS BENTLEY, in *Stultitia & irrationabilit. Atheismi* pag. 160. Eandem potentiam sapientiamque summam, motus corporum coelestium, tum revolutionis, quem vocant, tum quorundam circa alia corpora, luculenter demonstrat. Id sane vel Solis exemplo patet, qui si ea ratione non moveretur, dici non tantum & noctis, sed aestatis & hiemis, veris & autumnii, vicissitudinibus gratis non minus, quam necessariis, nobis carendum esset. Immo sine motu solis revolutionis nec homines, nec animalia, vivere in nostra tellure possent, cum unum hemisphaerium propter frigus & tenebras perpetuas, alterum propter aestum & calorem suum proflus inhabitabile futurum esset. Ad alterum vero motum quod attinet, qui dici atque noctis discrimen constituit, si quis vel maxime Copernici systema amplectatur, nostrae tamen id non obstat causae, cum & in telluris isto motu non minus potentia Numinis sese manifestatura esset. Quicquid hujus sit, motus ille corporum coelestium ita comparatus est, ut necessario sapientiam Divinam arguat, cum ex solis legibus mechanicis, seposita Numinis omnipotentia, nullo modo explicari queat, quod secundum principia ISAACI NEWTONI, praestantissimi nostrae aetatis Mathematici, eleganter demonstrat GEORGIUS CHEYNE, in *principiis Philosophicis religionis naturalis*, apud JOANNEM CLERICUM, *biblioth. anc. & mod. tom. III. part. I. artic. II. pag. 52. seqq.* (178) Vel ipse ordo & constantia incredibilis, quae in corporum istorum motu conspicitur, omnes & ad illorum admirationem, & mentis sapientissimae, quae ea ita disposuit, agnitionem adducere potest. Quod ut ipse TULLIUS probe intellexit, ita rectissime hac de re pronuntiat: *Coelestem admirabilem ordinem incredibilemque constantiam, ex qua conservatio & salus omnium omnis oritur, qui vacare mente putat, is ipse mentis expertus habendus est; de natur. deor. libr. II. cap. XXI. pag. m. 1222.* (179) Immo haec ipsa ratio est, cur Gentiles, attentius ista considerantes, astris divinitatem tribuerent, & ea pro diis colerent, saltem mentem aut intelligentiam illis adderent, quae Aristotelis fuit sententia. Qua de re iterum CRESCENDO: *Hanc igitur in stellis constantiam, hanc tantam, tam varis cursum in omni aeternitate convenientiam temporum, non possum intelligere, sine mente, ratione, consilio. Quae cum in sideribus inesse videamus, non possumus ea ipsa non in deorum numero reponere, loc. cit.* Perperam quidem, quod ideo sidera ipsa in deorum numero posuerint, aut iis mentem tribuerint; rectissime tamen, quod collegerunt, motum istum ordinatum constantissimumque, summam supponere sapientiam, quam omnino ei, qui illum stellis indidit, tribuere debebant. Generatim, quod de corporibus coelestibus eorumque motu dixit, id & speciatim de

de stellis, quas vocant, erraticis seu planētis, recte pronuntiat idem, quem jam laudavimus, TULLIUS: *Maxime vero sunt admirabiles motus earum quinque stellarum, quae falso vocantur errantes; nihil enim errat, quod in omni aeternitate conservat progressus, & regressus, reliquosque motus constantes & ratos. Quod eo est admirabilius in his stellis, quas dicimus, quia tum occultantur, tum rursus aperiuntur, tum abeunt, tum recedunt, tum antecedunt, tum subsequuntur, tum celerius moventur, tum tardius, tum omnino ne moventur quidem, sed ad quoddam tempus insistant, &c. loc. cit.* Jam si speciatim Solem consideremus, etsi ipsa ejus magnitudo, qua CLX vicibus ad minimum tellurem nostram superat, cum splendore summo omnes merito in admirationem rapiat, summa tamen etiam, quam telluri nostrae praestat, utilitas, sapientiam conditoris luculentissime arguit. (180) Sine eo si tellus nostra esset, animalibus omnibus hominibusque ea destitueretur. Nullas proferret fruges, quae animantibus hominibusque alendis interserviant; adeoque si vel maxime homines aut animantia nascerentur, fame illis pereundum esset. Esto vero, (quod tamen fieri prorsus nequit) vivere aut homines, aut animantia sine Sole posse, miserrima tamen vita esset, cum iis cum frigore summo, perpetuisque semper colluctandum esset tenebris. Et quid quaeso homines sine luce agere aut suscipere possent? (181) Idem & de Luna dicendum, commoda ex ea plurima in nostram tellurem redundare. Ad temporum intervalla, sine quibus vita hominum socialis sibi non constat, rite constituenda, ea plurimum confert; longae noctis taedia pellit; iter in terra marique facientibus prodest; fluxum atque refluxum maris, ne quiete corruptatur, promovet; & quis reliqua ejus commoda omnia enarret? Dubium enim prorsus nullum est, quin usus longe adhuc nobiliores praestantioresque habeat, qui nobis noti non sunt: id quod & de reliquis planetis est censendum. Immo ipsae solis lunaeque eclipses usu suo non destituuntur, si quidem ad temporum rationes accuratius ordinandas, hinc & ad chronologiae ac historiae defectus emendandos, ad longitudinem locorum determinandam, plurimum faciunt; conf. JOAN. RAYI *existentia & sapientia Dei manifestata in operibus creationis*, pag. m. 69. Haec omnia, quae hactenus diximus, tam evidenter sunt, ut nihil plane Atheis relictum existimem, quod excipere queant. Nonnulli tamen, ut aliquid dixisse videantur, aequatoris & eclipticae situm in coelo perstringunt; cum parum commodum esse, contententes, eo quod angulo sese mutuo intersecant duo isti circuli, viginti trium graduum amplitudinem circiter complectente. Hinc enim evenire necesse est, ut pars media telluris nimio aestu aduratur, duae extremae ob nimium frigus fere inhabitabiles reddantur. Et hoc quidem est, quod jam pridem ex mente Epicuri in systemate hocce hujus universi desideravit TITUS LUCRETIVS CARUS:

Inde

*Inde duas porro prope partes fervidus ardor,  
Assiduusque geli casus mortalibus aufert:*

De rerum natura libr. V. pag. m. 154. edit. OERTI GEFANII. Sed hosce homines experientia refellit; quae ea loca habitari docet, quae Veteres pro inhabitabilibus habuere. (182) Situs praeterea hicce telluris ratione solis ita comparatus est, ut commodior nullus fingi queat, cui gratissimas utilissimasque vicissitudines, quibus quatuor anni tempora sibi invicem succedunt, variationem insuper illam, quae in diversa dierum longitudine deprehenditur, debemus. Legenda, quae eleganter hanc in rem differit RICHARDUS BENTLEJUS, in *Stultitia & irrationalitate Atheismi*, pag. 401. seqq.

- (177) *Sive fluidum aliquod aethereum repleat coelestia spatia, & vorticoso suo motu circa solem circumvehat Planetas; sive spatia illa sint penitus vacua, exceptis luminis particulis, atque exhalationibus e corporibus coelestibus emissis, (quod legibus motus & Astronomicis observationibus magis est conveniens) semper ex motibus, quibus illa corpora cientur, potentissimum haurire licet pro summi Artificis directione, adeoque pro ejus existentia argumentum. Fluidum quippe aethereum, illudque subtilissimum, sustinere non posset ponderosissima corpora, nisi haec sustentarentur Opificis manu; imo quaenam est ratio ultima istorum motuum, quibus illud fluidum agitur, qui varii admodum sunt in variis a centro solis distantis? quot non miracula admittere deberemus, semel admissa de vorticibus coelestibus fabula! At si in spatiis fere vacuis agitentur Planetas, si eorum motus sit compositus (quia est curvilineus, & ellipticus) si nascatur ex vi projectili juncta cum gravitatis nisu, ab omni parte conspicua redditur dexterrima manus; cum eo saltem impudentiae non processurus sit Epicuraeus, vel qualiscunque Deitatis hostis, ut statuat, motum istum projectilem materiae esse essentialem, vel gravitatis vim ex natura illorum corporum profluere, quae in coelestibus spatiis ordinatissime cientur, ita ut areas describant temporibus proportionales, & quadrata temporum periodorum proportionalia sint cubis distantiarum mediarum a solis centro.*

- (178) *Quam simplicia sunt artificia, quibus & dierum noctiumque vicissitudines & annuarum tempestatum utilissimae & penitus necessariae varietates nascuntur in Tellure nostra! illae scilicet per solam circumvolutionem ingentis hujus molis circa axem ab occidente in orientem: hae vero ex obliquo axis terrestri posito, sive ex ejus inclinatione constanti ad planum orbitae; dum sibi ipse manet semper parallelus, polis ad eadem coeli stellati puncta respicientibus: verum si axis ille ad angulos rectos insisteret Eclipticae plano & sic sibi ipse perpetuo*

Kk

man-

manfisset parallelus, maximo vegetabilium & animalium detrimento in perpetuo vere versata fuisset Tellus, diesque noctesque per totum annum fuissent aequales. Si vero axis Telluris in eodem fuisset plano cum Ecliptica, & in illo situ sibi ipse manfisset parallelus, nullius, vel exiguae utilitatis fuisset circumvolutio circa axem; dies fuissent sex mensium, quod vegetabilibus & animalibus extitisset funestum. Pretiosissima igitur istarum vicissitudinum cum dierum noctiumque, tum anni tempestatum commoda nascuntur unice ex inclinatione axis ad planum Eclipticae angulo non admodum variabili 23<sup>1</sup> graduum fere, conjuncta cum revolutione diurna. Conf. Bentley a Confutation of Atheism VIII. sermon pag. 20. &c. vel in Versione Belgica pag. 237. &c. ibidemque meae annotationes.

- (179) Nisi constantissimae forent leges, secundum quas corpora coelestia suos motus peragunt, nihil foret certum in Geographia, Arte Nautica, Chronologia, & Gnomonica. Si hodie in determinato aliquo loco inventa fuerit per observationes Astronomicas certa quaedam altitudo poli, post exiguum temporis intervallum, alia poli elevatio inveniretur, licet optimae adhibeantur Machinae ab hominibus circumspectis & exercitatis; & sic quoque innumerae nascerentur eaeque periculosissimae turbae in Artis nauticae regulis, imo nec Longitudines locorum mediante Luna determinarentur, nec Horologium marinum ab Harrisonio inventum aliquam praeberet utilitatem; nec denique ex observationibus circa acum magneticam ejusque declinationes pro inveniendâ Longitudine aliquid derivari posset certi. Si vaga foret vel corporum coelestium, vel motuum, quibus agitantur, dispositio, actum foret de praecipuis Chronologiae fundamentis; cum temporum ratio & historiarum series per annorum, qui aequales sunt supponendi, consecutiones, determinentur, atque intricatae in hac scientia occurrentes difficultates per Eclipsium calculum removeantur, qui in constantia motuum coelestium est fundatus. Qualis denique confusio in Gnomonica nasceretur, quam inutilia redderentur horologia solaria, quam incerta foret horarum ratio, sublata memoratorum motuum immutabilitate, nimium est manifestum, quam ut suffus edoceret.
- (180) Non centies & sexagesies tantum Tellurem superat Sol, (sic enim parallaxis ejus horizontalis foret 2 minutorum & 59 secundorum, cum tantum fit 10 secundorum) verum, posita hac parallaxi 10 secundorum, diameter Solis est ad illam Telluris, uti 96 ad 1; adeoque corpus Solis est ad illud Telluris, uti 884736 ad 1. Si paululum fit minor parallaxis horizontalis Solis (uti ex quibusdam observationibus circa transitum Veneris A. 1761. concludendum videtur) augenda est haecce proportio, & Solis diameter foret ad diametrum Telluris (posita parallaxi illa

illa 9<sup>1</sup> secundorum) uti 101, 4 ad 1, & moles Solis foret ad illam Telluris, uti 1042590 ad 1.

- (181) Solis beneficia multum minuerentur, si in omnibus Terrae locis eodem modo sese haberet radiorum solarium directio, vel si eadem loca eodem modo perpetuo illustrarentur: ob globosam vero Telluris figuram (quae varias ob rationes omnium erat aptissima) ob inclinationem satis constantem axis terrestri, ejusque parallelisimum, ob motum denique annuum & diurnum; variae sunt anni tempestates, ac variae dierum longitudines. Verum hoc non sufficiebat; sed apta dari debebat proportio inter annum & inter diurnum Telluris motum. Si annuus motus duplo fuisset velocior, tempestates anni constantes duplo fuissent breviores, adeoque ad maturitatem suam pervenire non potuissent fructus & segetes; si idem ille motus annuus multo fuisset lentior, quaedam Terrae regiones nimis diu Solis verticibus vicini ardori exponerentur, dum aliae nimium premerentur frigoris diuturnioris inclementia. Si Telluris circumvolutio circa axem longe fuisset lentior, dies noctesque non fuissent accommodatae laboribus, quieti, indigentis Terricolarum; si eadem intra multo brevius tempus perageretur, labores & itinera nimium frequenter interrumpere per noctis tenebras, & tempora quieti destinata nimium forent angusta.

- (182) Nunquam Veteres ingressi erant Zonam Torridam, sive spatium illud superficiei terrestri, quod intra duos Tropicos continetur (nisi forte, ex narratione Herodoti Lib. 4. excipiamus Phoenices, Africam circumnavigantes); ex aestu insigniori, quem experiebantur in Italia, Graecia, Hispania, Aegypto atque aliis regionibus Tropico Cancris propius adjacentibus, non sine veri specie concludebant, terras Solis viae magis subjectas caloris vehementia esse inhabitabiles. Haec pluribus exposui in Theoria Telluris. §. 608. seqq. Verum postquam navigandi ars ad insignius perfectionis fastigium fuit evedta, longe alia reperta fuit Zonae Torridae facies: calor est admodum tolerabilis in plerisque regionibus; imo ex calculo Algebraico, quem loc. cit. exhibui, calor totius diei sub Aequatore, quando sol ipsi imminet, est ad calorem diei longissimi in hac urbe Leidensi, uti 80 ad 73; quae certe differentia sic satis est exigua. Conferri merentur de uitgezogte Verhandelingen, by Houttuin IV. Deel, pag. 457-470. Coelum autem hocce temperatum & insignis istarum regionum fertilitas magnam partem tribuenda tum dierum noctiumque perpetuae fere aequalitati, tum densis nubibus, quibus Solis facies tegitur, quando eorum Terricolarum verticibus est proximus, tum etiam continuis ventis, praesertim orientalibus, quibus refrigerantur aer, terra, homines, animalia, & vegetantia: ut taceam copiosissimos rores, altissimos mon-

tes, & viciniam Oceani, quae omnia plenius exposui in Theoria Telluris l. c. & in peculiari Dissertatione de causis, per quas Zona Torrida est habitabilis passim.

### S. V.

E coelo si in terram descendamus, nec minora, nec pauciora, sapientiae Divinae sese nobis offerunt argumenta. Ipsa enim tellus nostra in omnibus ita adaptata & instructa est, ut commodius pro tot hominibus & animantibus, quae alere ac sustentare debebat, habitaculum nullo modo excogitari queat; \* ne quid de ingentibus, quos ad hominum stuporem quotidie profert, thesauris aliquid dicam. \*\* Ipsa vero animantia, ut multitudine innumera sunt, ita corpora quoad omnes singulasque partes aptissime constructa habent, prout loci, in quo degere debebant, alimenti, quo nutriendi erant, conservationisque, qua integram speciem, qua singula individua, ratio postulabat. \*\*\*

- \* In telluris nostrae consideratione primum quatuor vulgo sic dicta elementa merito in censum veniunt; *ignis, aqua, aër, & terra*. Reliqua omnia si hominibus suppeterent, *igne* vero destituerentur, non tantum misera maxime vita eorum futura, sed multis etiam frigore pereundum esset. Qui ignis porro commoda intelligere cupit, is saltem cogitet, quid ad metalla rite tractanda conferat; quot & quam necessaria ad agriculturam, rem domesticam, & militarem, ad artium quoque variarum progressum & incrementum, inde conficiantur instrumenta; quem in nobilissimis praestantissimisque medicamentis, ad hominum sanitatem conservandam aut reparandam, praebeat usum; quam eo in cibis coquendis carere nulla ratione queamus. Quam vero utilis & necessarius ignis est, tam facile excitari alique potest; materiae quoque, ut lignorum atque arborum, tanta est abundantia, ut tot hominum, tot gentium necessitatibus sufficiat. Qua in re vel maxime provida Numinis cura elucescit, quod rerum ad hominum vitam sustentandam necessariarum tantam in tellure nostra copiam extare voluerit, ut earum non temere defectus ullus metuendus esset. De igne quod diximus, idem & de *aqua* censendum. De usu ejus in vita quotidiana, lotionibus, balneis, ciborum praeparatione, nihil dicam  
cum



cum hic omnibus satis notus sit. Pretium ejus illi, ni fallor, quam rectissime intelligunt, qui ejus penuria laborant, quamvis tanta copia icidem suppedietur, & tam apte per fluvios & rivos distribuatur, ut homines animantiaque innumera quotidie ea sitim restinguere queant. Non vero hominibus tantum pecudibusque, si aqua non esset, percundum esset, sed plantis quoque arboribusque & herbis omnibus terra destitueretur, quae aquae cumprimis incrementum & conservationem debent. Eo magis autem ad haec omnia aqua est necessaria, quod ipsamet principia quaedam seu particulas, ex quibus corpora componuntur, continet; unde nonnulli Veterum in eam ingressi sunt sententiam, aquam primum rerum omnium esse principium. Piscibus insuper innumeris & animalibus aquatilibus propriam velut sedem praebet; quibus omnibus destitueremus, si fluviis atque mari tellus nostra non esset instructa. Eo magis vero Athei stultitiam suam produnt, dum, hoc maxime in nostro orbe reprehendunt, quod tantum ejus spatium oceano sit tributum, quod ab hominibus, ut putant, inhabitari posset; & hinc concludunt, tellurem hanc hominum causa non esse conditam. Naturam rerum hinc culpat LUCRETIVS, quod magnam orbis partem teneant

*vastaeque paludes  
Et mare, quod late terrarum distinet oras,*

*loc. cit. pag. m. 154.* Metuere scilicet videntur censores operum divinum ineptissimi, ne orbis habitabilis hominibus nimis angustus fiat, unde & maria in regiones & provincias mutari, cupiunt. Sed inanem prorsus istum metum esse, facile intelligere possent, si modo secum reputarent, nunquam hodie tot homines nasci, ut non totidem fere morte abripiantur, immo interdum, si morbi epidemici aut clades bellicae, quae frequentissimae sunt, accedant, longe plures. (183) At cui bono, inquirunt, vastissimus oceanus tantum occupat spatium, in quo plurimae nobilissimaeque regiones locum invenire potuissent? Sed merito illis reponimus, cur vero plures regiones hominibus concedendae essent, cum hactenus nondum omnes incolae habeant? Dum autem sine causa gravissima tantum oceano spatium attributum putant, nihil aliud agunt, quam ut profundissimam physicae doctrinae ignorantiam prodant. Ut enim alia, quae inde ad homines redundant, comoda, & ingentes piscium exercitus, qui in oceano sedes suas habent, taceam, nemo, nisi rudis omnium rerum, nescit, quanta vi vaporum opus sit, quibus in nubes, rorem, pluviam condensatis, terra irrigetur, atque ad producendos varii generis fructus foecunda reddatur. Quodsi insuper illorum amplecti sententiam velimus, qui fontes, fluviosque ex hisce vaporibus oriri contendunt, eo magis patebit,

tebit, de nimia oceani magnitudine nullas nobis esse conquerendi causas. Quanquam eodem res redeat, si fluviorum fontiumque origo ex mari per meatus subterraneos derivetur. Cum enim & hac ratione mare fontibus omnibus atque fluvijis sufficere debeat, qui velut per circulationem quandam aquam ex eo accipiunt, & illi reddunt, & praepter haec magna vis vaporum in nubes condensetur, nemini profecto maris amplitudo minus necessaria videbitur. Immo praestantissimis doctrinae naturalis scrutatoribus observatum est, si mare tam amplum non esset, ob vaporum defectum, incommoda plurima in tellure nostra oritura. (184) Divinae autem sapientiae in eo quoque deprehendere vestigium licet, quod venti plerumque ab oceano ad terram ferantur, ut vapores in loca, ubi eorum usus est, devehantur. Sed nec illud praetermittendum, quod, cum mare salum sit, & ob variae rationes esse debeat, aquae tamen inde proficiscentes deposito sale dulcescant. Haec vero omnia sapientissime ita constituta quis neget? Addenda, quae hac de re differit JOANNES RAYUS, in *existentia & sapientia Dei manifestata in operibus creationis*, pag. 82. *seqq.* De aëre ut multa dicamus, necesse non est. Ad respirationem enim eum necessarium esse, quotidie experimur. Neque hominibus tantum, animantibusque terrestribus, sed ipsis etiam, ut nonnullis observatum, necessarius est piscibus. Ejus autem consideratio simul ad *meteora* nos ducit, quae tot naturae admiranda nobis exhibent, ut vel sola ad Atheum convincendum sufficiant. Integri libri res esset, si quis *ventorum* (ut horum tantum mentionem faciam) explicare utilitatem vellet. Hi nubes ab uno loco in alium transferunt, ut eo commodius terram irrigare queant; hi maria ne corrumpantur, movent, vapores noxios dispellunt, aëremque purum & salubrem reddunt; hi motu suo plantarum arborumque incrementum promovent; hi in regionibus calidioribus frigore quodam amoeno aërem temperant, hominesque & animantia, ne aestu enecentur, reficiunt; hi navigationi, qua remotissimae inter se conjunguntur gentes, quae ipsa coelestis simul per orbem universum propagatur veritas, inserviunt. (185) Ad fulmina equidem & tonitrua quod attinet, TITUS LUCRETIVS CARUS in eo totus est, ut evincat, vel horum exemplo patere, talia fortuito casu, sineque Numinis directione contingere. Innocentes enim non minus, quam nocentes ea ferire, ait; templa deorum aequae ac alias aedes, immo loca prorsus deserta:

*Cur etiam loca sola petunt, frustra que laborant?*

*loc. cit. lib. VI. pag. m. 206.* Idem etiam de pluviis objici solet, his non tantum loca fertilia, aut ea, quae ab hominibus coluntur, sed sterilia etiam, deserta, immo rupes & ingentia saxa, irrigari. (186) Verum,

Verum, ut fulmina ac tonitrua non minus, quam pluvias, ad terrae fertilitatem, fructusque varios producendos, & eorum incrementum promovendum facere, nemo dubitaverit; ita & secundum certas naturae leges talia dispensari, eos, qui in naturali doctrina non plane hospites sunt, non fugit. Illae ipsae leges, cum a Deo constitutae atque sancitae sint, quod secundum eas contingit, tantum abest, ut casu fortuito evenire censeretur, ut potius hoc ipso summam & infinitam supremi Numinis sapientiam arguant. Nec tamen specialis ejus directio ab hisce abest, quoties homines fulmine icti pereunt. Improbi enim si sint, scelus suorum justissimas hac ratione poenas luunt. Sin vero probi & honesti, Deo quidem itidem causae sanctissimae, nobis tamen parum cognitae atque perspectae, esse possunt, cur eos hac ratione vitam cum morte permutare velit. Terra denique ipsa basin & fundamentum praebet, cui pulcherrima Numinis opera sunt superstructa. Haecce hominum animantiumque commodissima sedes est, quae omnibus etiam alimenta, hominibus insuper vestimenta, & quicquid non tantum ad necessitatem, sed & ad ornatum ac elegantiam pertinet, incredibili copia suppeditat. Superficies insuper telluris collibus, vallibus, campis, & montibus distincta, non tantum oculis jucundum spectaculum praebet, sed variis hominum usibus eam aptiorem reddit. Hic rursus equidem, quod carpant, sibi invenisse visi sunt Athei. Ex horum nanque mente LUCRETIVS conqueritur:

*Inde avidam partem, montes, silvaeque ferarum  
Possedere, tenent rupes, vastaeque paludes.*

*loc. cit. lib. V. pag. m. 204.* Sed ipsi morosi censores nescire videntur, quid sibi velint. Montes enim umbram subinde gratam non minus, quam necessariam praebere, interdum abundare metallis, quandoque vicibus plantandis inservire, subinde & certis animalibus praebere sedem, quod & de rupibus observandum, plantas quoque atque herbas proferre, quae in vallibus aut planitie non crescunt, nemo est, qui ignoret. (187) Et quis de silvarum usu dubitet? quae non tantum ligna praebent, tum igni alendo, tum aedificiis extruendis inservitura, sed ejusmodi feris abundant, quae hominibus in cibum cedunt, quibus si & noxiae quaedam accedunt, quaeve hominibus metuendae sunt, id rerum ordo, ac pulchritudo hujus universi ita postulavit, nec tamen damnum inferre hominibus possent, nisi horum culpa hoc contingeret, ut in sequentibus demonstrabitur. Addenda tamen, quae hac de re differit RICHARDUS BENTLEJUS, *loc. cit. pag. 420.* item SAMUEL PARKERUS, *differt. II. de Deo, sect. XXIV. pag. 177.* (188)

- (183) *Affertum hocce Auctoris nostri, nunquam tot homines nasci, ut non totidem fere morte abripiantur, recte sese habet, si debito modo explicetur, adjecta vocula fere. Nequaquam certe putandum, acsi hominum numerus paulatim decreveret, quemadmodum opinatus fuit Illustis Montesquieus l'Esprit des Loix Liv. 23. Chap. 19. Fatendum, nonnullas regiones Asiaticas imo & Europaeas olim majori numero incolarum fuisse gavisas, quae nunc fere desertae & incultae jacent; verum absurdissima foret conclusio, si exinde derivaretur, Terricolarum numerum nunc esse minorem; quam ante duo fere annorum millia; bellis, peste, inundationibus, incendiis, terrae motibus, coelibatu similibusque causis in quibusdam Terrae partibus deminutus est incolarum numerus, vel eorum plurimi sedes novas quaerere fuerunt coacti; sed in aliis regionibus increvit summopere incolentium numerus; quod pluribus docuit eximius Reimarus Voorn. Waarh. van den Natuurl. Godsdienst 1<sup>ste</sup> Verhand. §. 13. &c. Si vetustas observationes conferamus cum recentioribus, non multum numerus hominum in eadem regione augetur, uti Struyckius noster recte demonstravit Giffingen over den staat van het Menschelyk Geslacht pag. 328. enz. Conf. Hume Wysgeerige en Staatkundige Proeven pag. 259--385. Quod si autem numerus morientium & nascentium intra anni decursum cognoscantur, determinari facili calculo potest, intra quantum temporis spatium numerus hominum duplicaretur. Vid. Brakenridge in Philos. Transact. Vol. 49. pag. 280. seqq. & Vol. 50. pag. 465. seqq. & Susmilch Gottliche Ddnnung/ &c. 1 Theil pag. 274--300.*

- (184) *Si vaporum quantitas, quae nunc ex Oceano aliisque aquis ascendit, non sit nimia, (uti ipsi illi insanientes censores fateri coguntur) certissimum est, aquarum superficie diminuta, vapores non fore sufficientes: ponamus, Oceanum, qui nunc fere duas tertias partes superficiei terrestri occupare a quibusdam judicatur, (licet ignoremus, quomodo sese res habeat in Zona frigida Australi, circulo polari Antarcticico comprehensa) duplo contractiorem evadere, dum Terrae exstantis superficies duplo evadit amplior; & necessario sequeretur, ut, caeteris paribus, duplo pauciores vapores ascendant, qui pluvias, rores, nives, fontes, fluvios sufficientes duplo ampliori superficiei terrestri suppeditare nequeunt: ita ut quodlibet milliare quadratum quadruplo minorem aquae quantitatem haberet, quam qua nunc irrigatur. Conf. Fabricius la Theologie de l'Eau L. 2. C. 2. Bentley Dwaash. der Godverzaakinge pag. 246--249. Derham Godgeleerde Natuurk. 2<sup>de</sup> B. 5<sup>de</sup> Hoofdst.*

- (185) *Adjicere liceat memoratis ab Auditore commodis, quae ex aëre atmosphaerico in humanum genus redundant, ipsius colorem coeruleum, sive hic oriatur ex mixtura albedinis atque nigri coloris, qui in spatiis coelestibus, ob defectum luminis ad oculos nostros reflexi, obtinere creditur; sive (quod magis probabile esse, docui in Theoria Telluris §. 477.) nascatur ex ipso aëre, omnium copiosissime radios coeruleos reflectente & transmittente; sufficit, quod oculis nostris sit amoenissimus pariter atque utilissimus, ita ut viridis coloris in hac parte sit aemulus; quid enim, si Atmosphaera nostra radios coccineos, vel etiam flavos seu aurantios omnium copiosissime repercuteret! quid si radii plerique essent violacei! in priori casu fatigaretur oculi lumine nimium vivido; in posteriori lumen non sufficeret, ut minima aut longius distita objecta distinguantur, & subtiliora parentur artificia.*
- (186) *Pluvia in locis sterilibus, & desertis, in rupibus saxisque decedens, etiam nutrimentum praebet plantis, & fontibus; potum subministrat animalibus, refrigerat aërem, noxiasque removel exhalationes, ne ventis ad cultas magis terrae partes deferantur. Pluvia in mare delabens potum saepe praebet navigantibus, & si tantum caderet super terram, mare, quod continuo radiis solaribus incalescit, & exinde copiosissimos emittit vapores, nimis fastum evaderet; imo, delabente pluvia, aër, qui oceano incumbit, redditur purior.*
- (187) *Integrum volumen de Montium utilitate laudabili proposito dedit Bertrand Essay sur les Usages des Montagnes; qui existimat, montes roborare & conservare terram, sorte etiam ejus aequilibrium; eosdemque Telluris superficiem ampliorem reddere, limites regionum diversarum earundemque cum contra hostium incursum, tum contra Oceani impetum propugnacula constituere, ventis, aliisque Meteoris, pluribusque fontibus praebere natales. Si certe Telluris superficies penitus plana foret, nullisque inaequalitatibus obstita, fluviorum commodis careremus, atque adeo commercia exerceri & aquae superfluae ad Oceanum deferri nullo modo possent. Neque existimandum, montes, tanquam primaevae Telluris rudera, casu sortuito, sine consilio & arte, per Terrae superficiem esse dispersos; contrarium docuit Bourguet Memoires sur la Theorie de la Terre pag. 195. suiv. & post eum Buffon l'Hist. Nat. Tom. 2. pag. 21. suiv. Buache Mem. de l'Acad. Roy. des Sciences 1752. p. 399. suiv. 4.º pag. 609. suiv. 8.º. Verum heic loci de sapienti montium dispositione pro rei dignitate non licet differere.*
- (188) *In genere circa istiusmodi insulas Epicureorum aliorumque Deitatis hostium criminationes observandum, quod non magis a temeritatis crimi-*

*mine possint absolvi, quam musca, quae columnae splendidi alicujus Palatii insidet, quaeque exiguas quasdam eminentias, in superficie columnae conspicuas, magnifici operis symmetriae minus esse convenientes criminatur; dum ejus visus sese non extendit ad totius aedificii compagem, ipsaque reliquarum partium, earumque usum penitus est ignara.*

“ Ingentes illi, quos terra subministrat, thesauri, partim in visceribus ejus latitant, hominum industria inde eruendi, partim in superficie ejus conspiciuntur. Ad priorem classem praeter lapides pretiosos, metallorum pertinent varia genera, de quorum multiplici usu nemo dubitabit, nisi qui rudis est eorum omnium, quae quotidie inter homines geruntur. Licet vero etiam ad vitia alenda, & mala quaevis perpetranda adhibeantur, id tamen, cum hominum culpa fiat, Conditoris sapientiam & benignitatem, quae in iis elucescit, obnubilare nequit. Ad posteriorum classem vegetabilia, herbarum, plantarum, arborum, florum, fructuum varia genera pertinent, in quibus num varietatem, an amoenitatem, an usum egregium in alendis, adjuvandis, delectandis & reficiendis hominibus, magis admirari debeamus, dubii merito ancipitesque haeremus. Legenda, quae de plantis differit HENRICUS MORUS, in *antidoto adversus Atheismum* cap. V. VI. VII. ubi ostendit, quo pacto ex earum pulchritudine, signatura & utilitate, existentia ac providentia Dei demonstrari queat. (189) Nos missis reliquis de *frumento* saltem aliquid addemus, quod inter plantas omnes haud dubio principatum tenet. Primo namque structura admirabilis in eo occurrat, culmo ad justam magnitudinem excrecente, tubulisque variis instructo, quibus succus nutritivus ad grana defertur, tum internodiis quibusdam distincto, ut eo commodius sustentetur. Grana porro ipsa aptissime loculis inclusa speciebus continentur, & contra avicularum aut insectorum insultus aristis muniuntur. *Omnium satorum fructus*, inquit PLINIUS, *speciebus continetur, ut tritici, hordei, muniturque valla aristarum quadruplici, aut includitur siliquis, ut leguminum, aut vasculis, ut sesamiae ac papaveris, histior. natur. lib. XVIII. cap. VII. pag. 424.* Cum vero pani praecipue conficiendo inserviat, praestantissimum sane, aptissimum, atque saluberrimum alimentum hominibus praebet. Eumque in finem uberrimum ejus proventum Deus esse voluit, quo & de tritico jam observavit PLINIUS: *Tritico nihil est fertilius; hoc ei natura tribuit* (rectius dixisset Deus, ceu naturae auctor) *quoniam eo maxime alatur hominem, utpote cum e modio, si sit aptum solum, quale in Byzacio, Africae campo, centeni quinquageni modii redduntur. Misit ex eo loco Divo Augusto procurator ejus ex uno grano (vix credibile dictu) quadringenta paucis minus germina, extantque de ea re epistolae. Misit & Neroni similiter CCCXL. stipulas ex uno grano, loc. cit. cap. X. pag. 439.*

Ma.

Magnum praeterea divinae bonitatis est argumentum, quod non modo in regionibus temperatis frumentum nasci voluerit, sed etiam calidissimis, ut Africa, ac frigidissimis, ut Russia, Suecia; uti recte etiam observatum CERHARDO JOANNI VOSSIO, de *origin. & progressu idololatriae* libr. V. cap. X. pag. 617.

- (189) *Crescunt Plantae & Arbores ad determinatam usque magnitudinem; & licet ejusdem generis vel speciei omnes non penitus sint aequales, est tamen maximum aliquod, quod nunquam transcendunt; ita ut leges fixas sequantur; quales etiam constantissimas observant in seminibus, in foliis, in fructibus; quae omnia, nequaquam ex coeco casu, vel fortuito particularum concursu derivanda, ex professo exposita sunt a Rayo Gods wysl. in de werken der Scheppinge, 1<sup>ste</sup> Deel, 8<sup>ste</sup> Hoofddeel, Derham Godleerende Natuurk. X<sup>de</sup> B. 1<sup>ste</sup> Hoofdd. Nieuwentyt XXIV<sup>de</sup> Waereldbeschouwinge, Bonnet Contemplation de la Nature III. Part. Chap. IIX. suiv. & X. Partie Chap. I. suiv.*

\*\*\* Plurima fane in animalibus occurrunt, quae, ut admiratione digna sunt, ita existentiam providentiamque Numinis evidentissime demonstrant. In structura corporum primo generatim observandum, eam ita comparatam esse, ut quodvis animal alimentum illi conveniens assumere, comminuere, digerere queat, ut hinc in chylum, porroque in sanguinem mutatum, per sanguinis circulationem, rejectis superfluis, ad corporis nutritionem & incrementum, speciei quoque propagationem, rite dispensetur. Cumque terrestria animalia, praesertim quadrupedia, victum in terra quaerere debeant, sapientissimus naturae artifex ea ita formavit, ut caput in terram pronom haberent. Eundem in finem quatuor pedibus ea instructa videmus, cum totidem iis essent necessarij ad motum naturae eorum convenientem. Si tribus tantum instructa fuissent, non potuissent ita commode incedere. Plures autem iis supervacanei fuissent; conf. HENRICUS MORUS, *antidot. advers. Atheism.* libr. II. cap. X. pag. m. 79. Homo contra cum erectus incedere deberet, tota corporis structura eo comparata est. Immo ob nimiam inaequalitatem longitudinis brachiorum atque crurum, ad pronom incessum plane ineptus est. De sensuum organis, auribus speciatim & oculis, naturae, animalium prorsus accommodatis, multa dici possent. Sed de oculis (190) saltem observo, animalia non pauca *septimo musculo*, quaedam etiam *membrana nictitante*, seu *perioptalmi* instructa esse, cum homo utrisque careat. Nimirum musculus ille suspensorius, non poterat non insigni usui esse animalibus gramine vefescentibus, ac victum humi conquirentibus; cum alias absque molestia & lassitudine oculos tamdiu deorsum pendulos tenere vix valeant;

quod homini non aequè necessarium erat, quippe cui non temere è-  
 put tamdiu pronum demittendum est. Nictitantem vero membranam,  
 ranis, avibus, quadrupedumque nonnullis datam, viri quidam harum  
 rerum pericissimi conjiciunt, ut ipsius ope talium animantium, sentes,  
 urticas, frondes arborum, algasque acutas frequenter nimis perva-  
 dentium, cornea ab externis injuriis sit tutior, membraneo hoc quasi  
 specillo, oculum illaefum conservante, nec tamen interim ob sui pel-  
 luciditatem visionem in totum impediende; quo quidem oculorum  
 munimento homini, ob diversam victus rationem, opus non fuisse  
 nemo non intelligit. Talpis praeterea oculi adeo pusilli obtrigere, ut  
 minoris aciculae capitulum mole non multum superent; quippe qui  
 animali, in tenebricosis terrae cavernis ut plurimum degenti, adeo-  
 que lucis usura parum egenti, sufficiebant (191); cum lepori contra,  
 animalculo meticuloso, & jugiter pericula prospectanti, oculos tam  
 eminenti cornea naturae auctor concessit, ut non minus fere, quae  
 pone tergum, quam quae ante se fiant, cernere possit. Quam apte  
 vero structura corporum in animalibus, tum eorum naturae, tum &  
 loco, in quo degere, seque movere debent, respondeat, vel maxime  
 tum *volatilium*, tum *aquatilium* exemplo patet. Ad *volatilia* enim  
 quod attinet, non tantum loco pedum anteriorum alis duabus Deus  
 ea instruxit, sed musculos etiam, qui alarum motui inserviunt, for-  
 mavit, qui ratione extensionis pariter ac roboris motui huic pares  
 essent. Superior praeterea pars alarum convexa, inferior concava  
 est; quod ad aërem verberandum, corporisque sustentandum pondus  
 plurimum confert. (192) Corporis structura navi haud est absumilis,  
 caput vero, cum reliquo comparatum, plerumque pusillum, & in si-  
 guram quandam acutam per rostrum definens, quod ad secandum aë-  
 rem, transitumque faciliorem reddendum, prorsus necessarium erat:  
 corporum enim latiorum motui magnum aër impedimentum adfert.  
 Ipsum praeterea corpus, magnitudinis habita ratione, longe levius  
 est, quam animalium terrestrium, & pennis insuper levissimis instru-  
 ctum, ut adeo accedente alarum expansione, facile tantam aëris  
 columnam occupet, cui altera columna cedat; & hinc facili negotio  
 ejusmodi corpus suspensum in aëre teneri potest. Pulvones insuper,  
 si corporum proportionem spectes, longe majores sunt in avibus,  
 quam reliquis animantibus; imò & a superiori pariter ac inferiori  
 parte aërem admittunt; unde corpora earum multo leviora reddi ne-  
 cesse est; quod ad volatum prorsus est necessarium. Patet hinc, si  
 equus aut taurus vel maxime alis, magnitudini corporis ejus respon-  
 dentibus, instructus esset, eum tamen volare non posse; quia corpo-  
 ris structura reliqua non respondet. Caudam vero in avibus idem esse,  
 quod gubernaculum in navibus, jam pridem Viris doctis observatum  
 est. Hinc de milvis PLINIUS scribit: *Iidem videntur artem gubernandi*  
*docuisse.*



*docuisse caudae flexibus; in coelo monstrante natura, quid opus esset in profundo; histor. natur. lib. X. cap. X.* Pennarum etiam, quibus ad volandum opus est, structura admirabilis est, & huic instituto prorsus accommodata. Harum enim pili ita inter se sunt complexi, ut per tenuia sua interstitia aëri commeatum quidem, sed difficulter praebeant, unde resistentia quaedam oritur, quae ad volatum itidem est necessaria. Eadem pennarum structura efficit, ut madefactae, cito tamen iterum exsiccantur, ut expandi facile & iterum complicari queant, nec per vim aëris aut venti temere rumpantur; quod facile contingere posset, si alae ex continua quadam membrana compositae essent. Haec vero omnia sapientissime ita a naturae auctore constituta esse, quis neget? De *aquatilibus* similia observari possent. Nec enim perfecto casu fortuito contingere potuit, ut branchiae in piscibus pulmonum vicem sustinerent, parique venarum & arteriarum copia, ad sanguinem aqua refrigerandum, quemadmodum per pulmones in aliis animantibus refrigeratur, repletae essent. Quis vero vesicam aëre refertam, quae in illorum corporibus conspicitur, sine consilio iis concessam assereret, cum, sine ea si essent, non possent corpus tenere in aequilibrio, aut natare, sed statim fundum maris aut fluviorum peterent? Sed mitto reliqua, de animantium *nutritione* generatim observans, pro ejus diversitate, diversa quoque iis concessa esse organa. Terrestria ut & aquatilia dentibus instructa sunt; diversae quamvis figurae atque structurae, pro alimentorum, quibus pasci debent, diversitate. Volatilia contra, ea praesertim, quae granis vescuntur, ventriculum etiam longe aliter constructum habent, quam animantia, quae cibum dentibus comminuunt. Primo enim glandulosus quidam bulbus sese offert, qui infundibili instar est, in quo grana aliquantisper asservantur, & admixto liquore comminutioni praeparantur. Ista vero comminutione beneficio duorum musculorum peracta, alimenta in pylorum seu ventriculi fundum concidunt, ubi ab admixtis quibuslibet repurgantur; quem in finem pylori etiam sedes elata est, & descensus ex eo mollior, ne frumentum ex ventriculo excidat, priusquam comminutum sit, quemadmodum & septum aliquod intercedit, ne attrita cum integris commisceantur; uti jam a me observatum element. *philos. theoret. part. II. cap. I. §. XVII.* (193) Ad *conservationem* singulorum animalium pertinet, quod quaedam armis velut instructa sunt, quibus contra aliorum insultus ad sui defensionem utantur, eorum vero, quae ejusmodi armis destituuntur, securitati Deus pro incredibili sua sapientia, alia ratione consuluit. Nec arma modis quibusdam animalibus concessit, sed instinctum quoque iis utendi illis indidit. (194.) Notum est illud HORATII:

*Dente lupus, cornu taurus petit, unde nisi intus  
Monstratum.*

Non minus & illud LUCRETI notum:

*Sentit enim vim quidque suam, qua possit abuti,  
Cornua nata prius vitulo, quam frontibus extant,  
Illis iratus petit, atque insensu inurget.*

Quae vero & armis ejusmodi & robore destituuntur, ut meticuloſiora sunt, ita eorum corpora ita conſtructa ſunt, ut imminens quam citiſſime ſentire periculum, & fugae celeritate eidem ſe ſubducere queant. Vel leporum hoc patet exemplo, de quorum oculis ut antea jam obſervavimus, eos ita comparatos, ut fere pone tergum non minus, quam quae ante ſe ſiant, cernere poſſint, ita & aures oblongas, concavas & facile mobiles illis obtigſſe, conſtat, ut ſonum quemvis e longinquo venientem eo citius perciperent, & periculum imminens declinarent. Muſculorum etiam quorundam, immo ipſorum pedum, quorum poſteriores longiores ſunt anterioribus, ſtruſturam fugae celeritati egregie inſervire, viris harum rerum peritis pridem obſervatum eſt. Huc & ſolertia & naturalis velut quorundam animalium, ut vulpium, calliditas ſpectat, qua & armorum & roboris defectum ſupplent. Ea autem, quibus haec omnia denegata ſunt, ut oves, utilitate ſua ita ſe hominibus commendant, ut hi illorum curam libenter ſuſcipiant, & non tantum alimenta ſubminiſtrent, ſed & contra aliorum animalium inſultus defendant. Ad totius denique *ſpeciei conſervationem* ſobolis pertinet procreatio, quae innumera itidem prorſusque mirabilia ſapientiae atque providentiae Divinae documenta ſuppeditat. (195) Quaedam animalia *vivipara* eſſe conſtat, quaedam *ovipara*. Non temere id ita conſtitutum eſſe, facile intelleget, qui conſideraverit, quorundam animalium, ut volatilium, naturae & indoli magis eſſe conveniens, ut ova pariant, quam ut vivos foetus in lucem edant. Praeterquam enim, quod hoc conſervationi & multiplicationi eorum inſerviat, ſi pullos in utero tam diu geſtare deberent, donec omnia corporis membra rite eſſent formata, hoc volatum eorum eſſet impediturum. Cumque terreſtria animalia, quamprimum in lucem edita ſunt, lacte materno alantur, volatilium contra corpora ita conſtructa ſunt, ut per internam eorum diſpoſitionem liquor aliquis iis ſubminiſtretur, donec ſenſim gravis alimentisque ſolidioribus adſueſcant. Volucres, quae pullis ſuis cibum adferunt, eum inter omnes ita diſtribuant, ut nullum praetermittant, eſſi omnes ſimul cibo, cum adfertur, ore aperto inhiant. Quove pluribus majoribusque periculis avium pulli in nidis ſuis expoſiti ſunt, eo citius creſcunt, & ad eam

per,

perfectionem perveniunt, ut sibi ipsis prospicere, suaeque consulere securitati queant. Nec praetermittenda apta inter masculos & femellas, si numerum species, proportio, quam in omnibus animantibus conspiciere licet. Si enim ex materiae necessitate aut casu fortuito cuncta evenirent, facile fieri posset, ut per multos annos, aut aliquot etiam secula, tantum mares, aut tantum femellae producerentur, quod speciei itius interitum post se tractaturum esset. Jam vero cum id nunquam contingat, sed masculorum numerus quodammodo respondeat numero femellarum, ut hac ratione quaelibet species conservetur, quis non Numinis agnoscat atque miretur sapientiam? Nec sine animadversione praetermittendum, animalia pleraque tempus, quod fovendis alendisque pullis maxime accommodatum est, quam accuratissime observare. Tempore enim verno ea foetus suos edere videas, quod gramina mollia producendo, gratoque tepore, fovendis iis, alendisque, longe est aptissimum. Quis vero non obstupescat, cum considerat, secumque expendit, quanto artificio volucres nidos suos construant? quam caute & circumspecte loca tutiora seligant? quanta in his omnibus solertia elucescat? Recte nonnullis observatum, quosdam tam apte, tam concinne extructos nidos, ut vix ab hominibus ejusmodi quid fieri, certe aptius nihil excogitari queat. (196) Ut autem mirificus aliquis instinctus animalium in pullis alendis nutriendisque, ita non minor in iis contra quasvis injurias defendendis, sese exerit. Hinc minores etiam bestias, cumprinis gallinas, suae velut imbecillitatis immemores, acriter in eos insurgere videas, a quibus vel minimum pullis suis imminet periculum, vel qui propius saltem ad eos accedunt. (197) Nec in perfectioribus saltem animalibus, sed & imperfectioribus, immo ipsis insectis, talia observare licet. Quis enim papiliones ova sua arboribus non tantum affigere, sed & lanugine quadam vestire & involvere docuit, ut non tantum eo tutius delitescant, sed prodeuntes etiam verno tempore eruae, in ipsis arboribus, tenerima folia protrudentibus, alimentum inveniant? Sed figere hic pedem rerum multitudo jubet. Non enim omnia persequi vacat. Quid vero ad haec omnia Athei? Instinctum forte naturae objicient? Unde vero hiee instinctus, qui profecto sine consilio & summa sapientia esse nequit? (198)

- (190) *In oculo humano (quem hie loci contemplari liceat, quia in plerisque similis est, oculis animalium terrestrium) si consideretur secundum ductum hodiernorum Anatomicorum, praesertim eorum Principis B. S. Albini, innumera occurrunt notatu dignissima, ac stupenda penitus artificia, quorum pauca speciminis gratia proposuisse juvabit. 1o. Oculus est globosa machina in orbita ossea reposita, nervo optico, qui per canalem ossis multiformis exit, quasi pedunculo suo, suspensa;*

ab injuriis sic est tutum tenerrimum organum, quod insuper defenditur tum prominenti frontis osse, tum genis, quae sunt partes carnosae infra utrumque oculum in facie prominentes; quae artificia faciunt, ut plurimi impetus, qui ab oculo caeteroquin exciperentur, vel in os frontis, vel in partes hasce carnosas incurrant, quae jam notata sunt a Cicerone de Nat. Deor. Lib. 2. Cap. 57. ut taceam Cilia, quae accuratius oculum claudunt avertuntque minima corpuscula, caeteroquin in oculum illapsura, sua tamen arcuata figura visum non interceptiunt, nunquam ultra certam mensuram crescentia; supercilia, quae impediunt, quominus sudoris acris guttulae, atque aliae sordes in oculum incident, dum umbra sua defendunt eundem, ne laedatur lumine nimis vivido ex alto advenienti; denique palpebras, quae pro dignitate describi heic loci non possunt; notasse sufficiat, membranas esse satis crassas & opacas, ut lumen avertant; satis tenues, ut sint mobiles & plicatiles; marginibus cartilagineis instructas, ut oculus eo arctius claudatur; oculi globo semper miranda penitus arte manent applicatae, suoque continuo motu purgant & humectant oculi superficiem ejusque pelluciditatem conservant; denique clauduntur adeo artificiose, ut omnium postremo ad se invicem accedant eorum partes, quae angulo oculi interiori sunt proximae; quo ipso humor lacrymalis superfluus versus illam partem pellitur, ubi per duo puncta lacrymalia exit. 2<sup>o</sup>. In ipso oculi bulbo non minora, aut pauciora deteguntur artificia; constat tribus tunicis, sclerotica, choroidaea & retina, quae includunt humorem aqueum, lentem crystallinam, & vitreum humorem; qui tamen humor appellari non meretur, quia alii humores per hanc gelatinam circulantur. Hisce materiis ita replentur tunicae, ita extenditur oculi bulbus, ut nunquam rugas contrahere possit visum turbantes. Hae partes omnes ab aliis satis copiose sunt descriptae, praesertim a Rayo Gods wys. in de werken der Schep- pinge 2<sup>de</sup> Deel, pag 297-316. a Cl. Zinn in Traët. de oculo, & in Comment. Gottingens. Tom. 3. p. 115-145. a Musschenbroëkio, vestigiis Cl. Albini insistente, in Introd. ad Philos. Natur. §. 1851-1864, & ab Anonymo Auctore Physiologiae, quae Belgico sermone lucem adpexit apud Tongerlo Amstelodami pag. 493-528, ubi plurima occurrunt eorum, quae Cl. Albinus inde a plurimis annis cum suis Auditoribus communicavit. Notabimus tantum, per molliorem choroidaeam tunicam decurrere vascula in exteriori superficiei; non in interiori, cui incumbit tenuissima retina; humorem aqueum absorbere & refundi, ne stagnans putresceret; lentem crystallinam ita suspendi post pupillam, ut radii in ejus centrum incident, dum ipsa illa mediantibus ligamentis ciliaribus est mobilis variisque objectorum distantii sese accommodat; humorem vitreum, posteriorem partem oculi occupare, ne vasculosa ejus structura laedatur, quod praecaveri saepe

non

non posset, si in anteriori parte esset constituta; per uveam tunicam, (quae ex choroeide procedit, & iridem cum pupilla continet) suffocari radios nimium divergentes, seu admodum oblique advenientes, ne confusa fiat visio, cum ab uno puncto objecti ad oculum accedentes in uno retinae puncto colligi non possent; nervum opticum, qui una cum vasis sanguineis oculum ingreditur, non inseri e regione pupillae, sed ad latus, in loco, qui naso est propior; ne radii in vasa sanguinea incurrerent, ubi nullas excitarent in fibrillis nervi optici agitationes; pupillam dilatari lumine decrescente, eandemque contrahi, si lumen augcatur, &c.

- (191) Longe pleraque ad hanc §. pertinentia hausit Cl. Auctor ex Rayi egregio Opere, quod laudavit supra pag. 262. consulendum praesertim 1.<sup>a</sup> D. 9.<sup>a</sup> Hoofdd. Mirum tamen, Buddeum nihil, nisi in transitu, monuisse de Insectis, in quibus innumera reperiuntur notatu & admiratione dignissima; praesertim in ipsorum oculis: hi, scilicet, in plevisque Insectis non sunt mobiles versus omnes partes, uti nostri, ut & illi, qui quadrupedibus, & avibus & piscibus sunt concessi, sed, ut ab omni fere parte ingredi possent radii luminis, instar sphaerarum fere dimidiatarum extra caput prominent, & numerosissimis pupillulis sunt instructi, quarum singulis respondere videtur filamentum nervi optici: Leeuwenhoekius Contin. Arcan. Nat. pag. 423. seq. plus quam ter mille pupillulas invenit in uno oculo papilionis ex Bombyce; in oculo Scarabaei ultra mille & quingentas l. c. pag. 40., imo plures reperi in oculo Libellae per egregia microscopia Dollondiana. Filamenta nervi optici in musca, nitide depicta exhibet Leeuwenhoekius l. c. pag. 41. seq. Ad alia specialiora in Insectis occurrentia, providem sapientissimi Conditoris curam, adeoque Ejus existentiam demonstrantia, descendere non licet: Videri possunt de hisce (ut Swammerdamium, Reaumurium, de Geer, Lionnet, Frisch, Bonnet, Roessel aliosque, qui ex professo de Insectis scripserunt, taceam) Læsser la Theologie des Insectes passim, & Reimarus over de Konstdriften der Dieren passim.

- (192) Alarum structura accurate describitur a Derhamo Theol. Phys. Lib. VII. Cap. 1.

- (193) Circa nutritionem insuper observandum, illa animalia, quae frigus hibernum ferre possunt, sed eo durante cibum, quo indigent, acquirere nequeunt, illam nata esse indolem, ut vel diutissime inedia tolerent, vel in continuo sopore versentur, vel denique aestivo tempore congerant alimenta, quae per totam hiemem abunde sufficiunt. Undique hic occurrunt sapientissimae providentiae documenta, cum, de-

M m

ficien-

ficiente hac vel constitutione vel arte, prae fame interirent eorum pleraque.

- (194) Instinctus quidem est vocabulum ambiguae significationis, qua plurimi utuntur, ut suam tegant ignorantiam; attamen aliquid in animalibus est agnoscendum, quod usui & exercitationi tribuendum non est, quodque iis inest ab ipsa-nativitate; Animalia quippe pleraque possident artes innatas & quasi per sapientissimum Conditorum iis infusas; Pullus equi non dentibus, sed pedibus posterioribus sese contra insultus aliorum defendet, arsi a nativitate cognosceret, maximum suum robur in pedibus esse repositum; Aries juvenis, &, non longe a nativitate sua, vitulus masculus capite suo petit inimicos, etiam cum cornua nondum excreverunt. Conf. Reimarus Voorn. Waarh. van den Nat. Godsdiens V. Verhand. pag. 390. seqq. Derhamus Phys. Theol. L. 4. C. 14. Si vel eo absurditatis venire vellet Atheus, ut elegantissimam ac artis plenam ipsius corporis animalis structuram a coeco casu aut fortuito atomorum concursu derivare studeat, vix tamen adeo dementem sese monstrabit, ut infusas hasce artes causae tribuat, quae ab infinita sapientia est destituta. Cur Pullus equi non capite suo sese defendit? cur non Aries juvenis suis pedibus? non certe hoc derivandum ex ingenii sublimitate & perspicacia; sic enim anatum pulli, imo pisciculi nascentis nati hominem longissime superarent, qui artem natandi non nisi post repetita, eaque satis molesta tentamina addiscit; sic apes sublimia possiderent ingenia, cum a nemine edocitae favos parent artificiosae adeo structurae, ut nemo inter homines, nisi qui Fluxionum doctrinam probe perspectam habet, ipsum artificium, non dico imitari, sed ad calculum revocare possit. Conf. ea quae notavi ad Reimarium l. c. V. Verh. §. 8.

- (195) Procreatio adeo obsita est circumstantiis, quae hactenus detegi quoad modum non potuerunt, ut sagacissimorum etiam Naturae scrutatorum industriam ubique eludant, & innumeris litibus, ac conjecturis praebeant ansam. An flamina existunt in semine masculino, & an animalcula illa, quae per optimae notae Microscopia in semine masculino omnium animalium, quae hactenus examinata sunt, natantia conspiciuntur, foetus sunt primordia, ita ut, in utero foeminae immissa, crescant & foveantur? an vero germina, sive futuri corporis animalis flamina jam adsunt in foemina, quae demum post foecundum congressum evolvuntur, postquam foecundans liquor in illa penetravit, qui illa stimulat, alitque? Quidquid ex hisce duabus sententiis eligatur, semper remanet ignorantiae nostrae evidentissima documenta & haud facile superandae difficultates; sed quidquid eligatur, semper vestigia reperiuntur artis & providentiae beneficentissimae. Conf. Bon-

Bonnet sur les Corps Organisés Tom. 1. Praef. pag. VI. & pag. 124. suiv. Contemplation de la Nature, ejusdem Auctoris sagacissimi Praef. pag. XVII. suiv. & X. Part. Ch. XI. De uitgezogte Verhandelingen by Houttuin 9<sup>de</sup> Deel, pag. 171—202. Buffon Hist. Natur. Tom. 3. p. 78. suiv. Venus Phytique (cujus Auctori habetur Ill. Maupertuis) Ch. 3. suiv. Reimarus Voorn. Waarheden, enz. 11<sup>de</sup> Verhandeling. Ad specialiora generationem animalium spectantia descendere non licet, de quibus prae reliquis conferendus est Derham Theol. Physf. L. 4. C. 15. Ray l. c. pag. 357. Jeqq.

- (196) Vix ullibi manifestius conspiciuntur artes infstae, (quae sub nomine Instinctuum quoque venire solent;) quam in nidificatione; nidos artificiosissime construunt aves sine praeceptore, sine exemplo, cum earum parentes suos fabricaverint, antequam pulli in lucem emitterentur: primus, quem faciunt, nidus est in suo genere perfectissimus, nec varia in antecessum instituant tentamina, quorum nonnulla minus feliciter cedunt. Cum ad aetatem generationi aptam pervenerunt & non ante, haec architecturae convenientis peritiam unico quasi actu monstrant, tum in electione tempestatis anni & loci idonei, in quo & ipsae & ova & pulli ab omni periculo tuti sunt; tum in extructione habitationis commodae, in qua molliter recubent pulli teneres, & a frigoris aerisque qualibuscunque injuriis sint immunes, ac si ens sapientissimum in consilium vocassent, ac si prospicerent in futura tempora. Vid. Reimarus l. c. V<sup>de</sup> Verhand. §. 4. enz, Ray l. c. pag. 138. &c.

- (197) Ubi periculum imminere videtur pullis, vel eos blanda voce aut alio signo de fuga capienda admonent; vel, si fugere nondum possint, eos ad tuta loca transferunt sive ore suo, sive dorso, cui pulli insiliunt; imo nonnulla corpori suo eos includunt, ut eo magis ab omni incommodo sint liberi. Si transferri nequeant, uti avium pulli, aliis suis eosdem tegunt, vel armis naturalibus defendunt; postquam eos ad eam aetatem sollicita educatione perduxerunt, ut alae debitum robur acquisiverint, exemplo suo praeceunt aves, & postquam volandi arte cibumque sibi comparandi scientia satis sunt imbuti, alimentationi imponunt finem, cum sibi prospicere valeant.

- (198) Argumenta, quae Cl. Auctor in hac & in praecedenti §. proponit, desumpta ex aptissimo rerum mundanarum ordine, & ex usibus, quibus inserviunt corpora animalia, eorumque partes, displicuerunt Ill. Maupertuis Essay de Cosmologie Avant-propos pag. VIII. suiv. & dans la Cosmologie même pag. 1. suiv. vel Hist. de l'Acad. Roy de Berlin Tom. II. pag. 268. suiv. conf. idem Hist. de l'Acad. Tom. XII.

pag. 349. *ſuiv.* Mirum autem exiſtit, *Virum ſagaciſſimum recoxiſſe frigidas Epicuræorum exceptiunculas* (quas reſutabit Cl. Auſtor §. V. Cap. ſeq.) aſſi caſu fortuito potuiſſet hicc ordo produci, aſſi uniformitas, quæ in motibus coeleſtibus obſervatur, non eſſet neceſſario effectus alicujus conſilii & electionis deliberatæ: quid de hujusmodi exceptiunculis ſit judicandum, viſuri ſumus infra: heic loci notatſe ſufficiat, Maupertuiſium ſubſtituiſſe aliud argumentum, ex legibus motus deſumptum, in quibus ſemper conſpicitur ſumma, eaque ſapientiſſima parcimonia, ita ut, quando accidit in natura, ſive in mundo corporeo quædam mutatio, quantitas actionis, quæ ad illam mutationem eſt neceſſaria, ſemper ſit omnium poſſibilium minima; ubi per actionis quantitatem intelligit productum, quod oritur ex multiplicatione mæſſæ corporis moti, vel movendi, per ejus velocitatem & per ſpatium percuſum. Haec autem lex parcimoniae, (quæ minime nova eſt, & jam agnita a Joh. Bernoullio Oper. Tom. IV. pag. 271.) in omnibus regulis quietis, ſeu æquilibrii, & percuſſionis obtinet; ſed ſi valerent Maupertuiſii exceptiunculae ad argumenta Phyſica pro exiſtentia Dei à Newtono, (quem quidem maxime petit) aliſque Philoſophis allata, etiam hoc argumentum ab exceptione onni non foret immune: quippe, licet hæc lex eſſet univerſaliſſima, dicere liceret id de toto univerſo, quod Maupertuiſius nomine Atheorum Epicuræorum adſcribat de corporibus animalium eorumque membris: les ſeuls (Animaux) qui ſoient reſtës, ſont ceux, où ſe trouvoient l'ordre & la convenance: & ces eſpeces, que nous voyons aujourd'hui, ne ſont que la plus petite partie de ce, qu'un deſtin aveugle a voit produit. *Mundus, qui nunc ſolus ſupereſt, eſt ille, in quo reperitur ordo, conſenſus, in lege parcimoniae fundatus; & quod nunc videmus in univerſo corporeo eſt tantum exigua pars eorum, quæ a coeco caſu ſeu fortuito Atomorum concurſu fuerunt producta. Quidquid ad hanc exceptiunculam reſpondiſſet Vir Illuſtris, etiam applicari debet iis, quæ ipſe excipere voluit ad argumenta Newtoniana. Ut autem appareat, quam exigui momenti ſint rationes a Viro ſagaciſſimo allatae, unicum adſeram exemplum.* Parſons in Phil. Transact. no. 470. pag. 523-541, elegantiſſimam Rhinocerotis hiſtoriam proponens, validum pro exiſtentia Sapientiſſimi Conditoris argumentum depromſerat ex motibus hujus animalis. Cutis ejus eſt admodum craſſa, & inflexilis; ſi jam eo modo protenſa foret ſuper corpus animalis, uti ſolet in reliquis quadrupedibus, multis caveret motibus penitus neceſſariis. Sed deſiciens flexilitas compenſatur per plicas varias, quæ in illis membrorum juncturis reperiuntur, ubi motibus voluntariis omnium maxime ſavent. Sic deſenditur animal duriffimâ cute, & plicis, ſapientiſſimo conſilio, tolluntur motuum impedimenta. Dicit tamen Maupertuiſius: Nonne ſic injuria inferitur

ve-



veritatum momentosissimae, si eam demonstrare velimus per talia argumenta? quid videretur de eo, qui Providentiam negaret, quia Testudinis cortex neque plicas habet, neque juncturas. Ratiocinium illius, qui eam demonstrat ex cute Rhinocerotis, ejusdem est virtutis: linquamus nugas haec illis, qui easdem frivolas esse non sentiunt. *Testudinis cortex non habet plicas, quia non habet juncturas motibus voluntariis inservientes; quia istiusmodi motibus non est destinata, qui corticis duritie impedirentur.* Conf. Cl. Reimarus l. c. IV. Verh. §. IX. enz.

## §. V I.

Cum primis vero ipsa hominis consideratio argumenta nobis luculentissima praebet, quibus & exilientia & sapientia Numinis evidentissime probari potest. Corporis nimirum, singulorumque membrorum eam structuram, dispositionem, proportionem deprehendimus, ut nihil aptius, aut concinnius, aut ad usum, quem quodlibet membrum praestare debet, aut ad finem, ob quem hominem conditum ex naturae ejus contemplatione facile condiscimus, accommodatius exco- gitari queat. \*

- \* Amplissimus hic se nobis offerret dicendi, variasque observationes proferendi, campus. Sed cum institui nostri nobis habenda sit ratio, & ab aliis jam hocce argumentum copiose pertractatum sit, praecipua saltem summis, quod ajunt, digitis, attingemus. Generationi si corpus hominis consideremus, primo *statura* ejus *erecta* sese nobis offert, quae homini ita propria est, ut ea ab aliis animantibus omnibus distingua- tur. Hanc vero ei obtigisse, ut eo liberius coelum contemplari, & hinc tum ejus, tum hujus universi Conditorem agnoscere posset, jam Ethnicis fuit observatum. Audire hac de re TULLIUM juvat, qui ad hanc, inquit, providentiam naturae tam diligentem, tamque solertem ad- jungi multa possunt, e quibus intelligatur, quantae res hominibus a Deo, quamque eximiae tributae sint: qui primam eos humo excitatos, celsos & erectos constituit, ut deorum cognitionem, coelum intuentes, capere possent. Sunt enim e terra homines non ut incolae, atque habitatores, sed quasi spectatores superarum rerum atque coelestium, quarum spectaculum ad nul- lum aliud genus animantium pertinet; de natur. deor. libr. II. cap. LVI. Oculorum equidem in aliis animantibus is positus est, ut coelum ite-

dem intueri possint : sed homines ipsa statura erecta, eos specialiori quadam ratione ad coelum contemplandum, animumque a rebus caducis & terrestribus abstrahendum, conditos esse, admonet. Nec tamen negaverim, erectae istius staturae alios quoque fines aliosque usus esse posse; scilicet ut caput eo commodius sustinere queant, quod ob majorem cerebri copiam gravius est, corporis observata proportionem, quam in reliquis animantibus; item, ut commodius ad omnes partes circumspicere, periculaque, si quae forte immineant, evitare queant, & quae reliqua sunt ejusdem generis. (199) Alterum, quod generatim in humani corporis structura admiratione dignum, maxima vultuum in singulis hominibus est *varietas*, quae tanta est, ut in multitudine ista innumera hominum raro admodum vel duo inveniantur, qui sibi, qua vultum, prorsus sint similes. Idque eo magis mirandum, quod partes, ex quibus vultus componitur, non adeo multae, & unius insuper generis sint, & nisi experientia hoc doceret, incredibile videretur, tantam inde prodire posse varietatem. Observatum id jam *Plinio* est, qui cum de sermonis & linguarum varietate verba fecisset, addit: *Jam in facie vultuque nostro cum sint decem aut paulo plura membra, nullas duas in tot millibus hominum indiscretas effigies existere, quod ars nulla in paucis numero praestet affectando; histor. natur. libr. VII. cap. I. pag. 394.* Neque existimandum, temere aut sine consilio sapientissimo tantum vultuum in hominibus varietatem extitisse. Ad vitae socialis incommoda gravissima evitanda hoc prorsus necessarium erat. Quae enim, quaeque, rerum omnium oritura esset confusio, si homines hac ratione a se invicem non possent dignosci? In pactis, conventionibus, contractibus, nemo certus esse posset, quocum sibi esset negotium. Mox enim unus negare posset, secum actum esse, mox alter, quocum actum non erat, hoc adfirmare. Nullum puniri temere erimen, quantumvis atrox, posset, cum nemo, quis illud commississet, certus esse posset. Principes rerumque dominos tollere e medio, aliosque in illorum substituere locum, nisi vultuum prohiberet varietas, facillimum admodum foret. Quid de fraudibus, de adulteriis; quid de falsorum testium subornatione dicam? quae omnia & alia ejusdem generis evitari, nisi vultuum varietas obstaret, nulla ratione possent. Possem & de *varietate vocum*, itemque de *scripturae varietate*, quae non minor fere est, quam vultuum varietas, aliquid addere, sed hisce innotari diutius non licet. (200) In generali vero ista humani corporis consideratione *perfectio* ejus se porro nobis offert, dum nullum prorsus, quod ad hominis aut decus aut conservationem pertinet, membrum deficit, nullum quoque redundat, ut eo carere queat. Ipsi pili, ceteri inter naturae excrementa referantur, partim ad ornamentum, partim ad corporis conservationem, dum in capite ad frigus inde arcendum, in

super-

supercillis ad oculorum munimentum faciunt, comparati sunt. Aptissimus etiam membrorum situs hic in censum venit. Eleganter, ut multa alia, ita hoc quoque observatum CICERONI: *Sensus autem, interpretes ac nuntii rerum, in capite, tanquam in arce, mirifice ad usus necessarios & facti & collocati sunt.* Nam oculi tanquam speculatores altissimum locum obtinent, ex quo plurima conspicientes funguntur suo munere. Et aures, cum sonum percipere debeant, qui natura in sublime fertur, recte in altis corporum partibus collocatae sunt. Itemque nares, eo quod omnis odor ad supera fertur, recte sursum sunt: & quod cibi & pottionis iudicium magnum earum est, non sine causa vicinitatem oris secutae sunt. Jam gustatus, qui sentire eorum, quibus vescimur, genera deberet, habitat in ea parte oris, qua esculentis & potulentis iter natura patefecit. Tactus autem toto corpore aequabiliter susus est, ut omnes ictus, omnesque nimios frigoris & caloris appulsus sentire possimus. Atque ut in aedificiis architecti avertunt ab oculis & naribus dominorum ea, quae profluentia necessario tetri essent aliquid habitura, sic natura res similes procul amandavit a sensibus; de natura deor. libr. II. cap. LVI. Addi his & alia possent, munimenta scilicet praecipuarum humani corporis partium, cerebri, cordis, pulmonum, quibus earum securitati provida Numinis cura quam accuratissime prospexit (201); quorundam membrorum, ut oculorum, aurium, narium, manuum pluralitas, ut si casu quodam unius usus interciperetur, alterum non deesset; summa in structura, numero, ordine, proportionem membrorum constantia, & quae his sunt similia; quae cum hominibus maximam partem cum brutis sint communia, & alias quoque obvia, copiosius ea edisserere ab instituti nostri ratione alienum putamus. Multo vero minus omnium atque singulorum membrorum structuram, situm, usum explicare licet, quippe quod non unius esset voluminis. In hisce autem licet humani corporis structura in quibusdam conveniat cum structura corporis brutorum, in nonnullis tamen discrepat; quorum illud documento est, voluisse Deum ad eundem effectum eadem quoque adhibere media; hoc vero, cum ad alium eumque nobiliorem finem homo conditus esset, membra quoque, quae eo facerent, eique propria essent, cum illi voluisse concedere; quorum utrumque summae sapientiae est argumentum. Utque posterioris vel unicum exemplum adferam, vel manum, ejusque structuram mirabilem, & ad opera praestantissima conficienda longe aptissimam, considerare juvabit. Paucis, sed more suo, hoc est, eleganter, quicquid haec de re dici potest, complectitur CICERO: *Quam vero aptas, quasque multarum artium ministras manus natura homini dedit! Digitorum enim contractio facilis, facilisque porrectio propter molles commissuras, & artus, nullo in motu laborat. Itaque ad pingendum, ad fingendum, ad scalpendum, ad nervorum eliciendos sonos ac tiliarum, apta manus est, admotione di-*  
gito-

gitorum. Atque haec oblectationis, illa necessitatis, cultus dico agrorum, extructionesque tectorum, tegumenta corporum vel texta vel futa, omnemque fabricam aeris & ferri: ex quo intelligitur, ad inventa animo, percepta sensibus, adhibitis opificum manibus, omnia nos consecutos, ut tecti, ut vestiti, ut salvi esse possimus; urbes, muros, domicilia, delubra haberemus, de natur. deor. libr. III. cap. LX. Copiosius vero & ex instituto, quo pacto ex manus structura, Dei existentia probari queat, peculiari dissertatione ostendit CHRISTIANUS DONATI, philosophus olim Wittebergenfis clarissimus. Eadem vero etiam ratione, ex oculi structura, Dei existentiam peculiari dissertatione demonstravit JOANNES CHRISTOPHORUS STURMIUS, quae extat in *philosophia ejus electica*, tom. I. (202) ex auris structura, JOANNES ANDREAS SCHMIDTUS, Theologus Helmstadiensis clarissimus (203), ex cordis structura, B. GEORG. ALBERTUS HAMBERGERUS, Physices & Matheseos quondam in nostra Academia Professor longe dignissimus; alii ex aliis partibus. Usum practerea & structuram singularum humani corporis partium, ut praeter GALENUM, de usu partium, Anatomici recentiores accurate explicarunt, ita, quo pacto ex iis existentia & sapientia Numinis elucescat, ex instituto demonstrant SAMUEL PARKERUS, de *Deo & Providentia disp. V. sect. V. seqq.* JOANNES RAJUS, *exist. & sapient. Dei manifestata in creaturis part. II. pag. 290. seqq.* & in compendio FRANCISCUS DE SALIGNAC DE LA MOTHE FENELON, de *exist. de Dieu artic. XXXIII. seqq.*

- (199) *Habet haec Cl. Buddeus ex Rayo l. c. 2<sup>a</sup> Deel, 2<sup>a</sup> Hoofdd. qui recte observat, ex hac statura erecta illa omnia commoda profuere, quae homo mediantibus manibus acquirit: si quatuor pedibus incederet, adeoque pedes anteriores in illo essent loco, ubi nunc brachia manusque conspiciuntur, inter progrediendum nihil prorsus praestaret, atque adeo careret pretiosissimis illis beneficiis, quae manuum ope acquiri solent; imo nullo modo sese contra aliorum animalium insultus posset defendere: recte enim Aristoteles de Partibus Animalium Lib. 2. Cap. 10. Manus est & unguis, & ungula, & cornu, & hasta, & ensis, & quodvis aliud genus armorum. Conf. locus Ciceronis de Nat. Deor. L. 3. C. 60. ab ipso Cl. Audore modo allatus.*
- (200) *Si forte reperiantur duo homines facie simillimi (cujus rei exempla prostant apud Valerium Maximum Lib. 9. Cap. 14.) sique per hancce similitudinem fraudem vellent committere, si E. G. Uxor peregrinum, Marito facie prorsus similem, exciperet loco Mariti, fraudem detegeret vel ex statura, vel ex voce, imo etiam ex scriptura, & ex incessu: in hisce omnibus enim, atque ac in faciebus, eximio divinae providentiae beneficio, mira regnat varietas. Si scripturae modus non foret*

foret varius in variis hominibus, nulla pacta possent celebrari manus subscriptione roboranda, & nemo res suas possideret quiete atque imperturbate; cum fingi possint contractus, ac si cum alio essent initi, de quibus ineundis cogitavit nunquam, & nulla ex autographis hauriri possent argumenta, quae nunc in plerisque casibus omni exceptione sunt maiora, si debita adhibeatur circumspectio.

- (201) Cerebrum, (quod peculiarem ad animam rationalem habere videtur respectum, quod nullas alicujus momenti laesiones subit, nisi mens ipsa vehementius sentiat incommodum, aut in suis functionibus turbetur), capsulae includitur ex durissimo variisque ex partibus composito ossis constanti, & capillarum sylvâ tectae; insuper involvitur duabus tunicis, sive membranis, quarum exterior laxa est, & instar sacci amplioris cerebrum comprehendit; altera tenuior arctius substantiam hanc mirandum constringens, ita ut turbas nullas experitur, quando corpus agitur vehementius. Cor in medio fere corporis trunco jacet, pericardio vestitum, pulmonibus molliter incumbens, costis aliisque ossibus tectum; debebat autem sollicite custodiri, quia est fons praecipuus, ex quo sanguis per totum corpus emittitur, quo laeso cessant plerumque omnes animales functiones; adeoque, ut eo magis ab omnibus injuriis foret tutum, e regione cordis sunt brachia, trunco ita annexa, ut omnes imperius tempestive possint repellere, si praevideantur. Pulmones denique ex pluribus vesiculis constant, ut aer eo majorem superficiem offenderet, in quam incurrat, sanguinem temperaturus; praeterea, si pars insignis harum vesicularum fuerit laesa, vel obstructa, continuatur tamen respiratio; quod ipsum non adeo facile obtineret, si quilibet Pulmonis lobus ex una vesica constaret, aut si pulmo unum foret corpus cavum.

- (202) Videantur ea, quae circa oculi humani structuram notavi ad §. I<sup>o</sup>. hujus Capituli n. 190.

- (203) Pauca, speciminis gratia, circa auris humanae conformationem observabo, supponens praecipuas ejus partes esse cognitatas; 10. in hominibus recens natis auricula, seu exterior auris portio, quae extra caput prominet, non arde est applicata capiti; sed, instar infundibuli, extremitati meatus auditorii insistit, ut undae aereae facilius deferantur ad illum meatum: illae vero undae, quae caeteroquin inutiles evaderent, per tragus & antitragum retinentur, quorum uterque, aequae ac tota auricula, ex elastica materia constat; 20. Meatus auditorius, in exteriori parte cartilagineus, in interiori osseus, est tenuissimis integumentis vestitus, folliculis, amarum smegma fundentibus, obfitus, ne exficcaretur, nec ingrederentur insecta; 30. in fundo meatus auditorii

Nn

repe-

reperitur Membrana Tympani, paululum concava versus meatum, non semper aequae tensa, paululum oblique posita: sic sua concavitate melius recipit undas acusticas, tensa manet sine rugis, licet relaxetur, cum soni graviiores & fortiores audiendi sunt; sic ejus superficies obliqua suo positu fit major minorique exponitur laesionis periculo; 4<sup>o</sup>. cavitas Tympani, cui obducitur descripta membrana, aerem continet, qui continuo renovatur per tubas Eustachianas, ne elasticitatem suam perdat, neve aequilibrium tollatur inter hunc aerem atque inter aerem externum; 5<sup>o</sup>. in cavitate tympani tria sunt officula, Malleus, Incus, & Stapes, cui adjungere licet ossicula Sylvianum, quod stapodem cum crure longiori Incudis connexit, quae omnia concusso tympano contremiscunt, & agitationem aeris deferunt ad foramen ovale, cui stapes sua basi inhaeret; dum muscoli hifce ossiculis annexi variis modis pro sonorum varietate tendunt Tympani membranam; 6<sup>o</sup>. intimam auris partem constituit Labyrinthus, qui tres complectitur partes, tres canales semicirculares, vestibulum, & cochleam, quae omnes, ne ullum paterentur detrimentum, reconduntur in osse petroso, duritie insigni. Patent illi tres Canales quinque orificiis, per quae in vestibulum, (quod irregularem, sed fere rotundam habet formam, & intus crusta ossea est obductum) datur via; & quidem in posteriorem partem haec quinque orificia patent, dum ad partem anteriorem per foramen ovale, quod basi stapedis mobili est clausum, datur aditus. Cochleae autem structura adeo est complicata, adeo est stupenda, ut illam ejusque usum describere fere reformident summi Anatomici: figuram Cochleae satis exacte refert; circa nucleum aliquem conoidalem circumvolvitur, qui insigni foraminulorum numero est pertusus, per quae ingrediuntur ramuli nervi acustici, ad interiora cochleae tendentes. Cochlea, quae huic axi circumvoluta est, per septum medium in duos canales dividitur; septum vero illud ex duabus partibus constat, quarum illa, quae axi vel nucleo est propior, ossea est; altera vero membranacea; per utramque decurrunt ramuli nervi acustici, qui ex foraminibus nuclei exeunt & praesertim in septo medio tenduntur; quales etiam ramuli obducunt internam superficiem vestibuli & canalium semicircularium. Innumerae sic in aure concurrunt artes, & sapientiae perfectissimae haud dubia indicia; & licet modum, quo mens nostra audiat, exacte determinare non audeamus, omnia tamen concurrunt in auris exterioris atque interioris structura, ad sonum augendum, moderandum, ducendumque versus illa loca, ubi numerosissimi sunt ramuli nervi acustici, inter quos forte reperiuntur, qui harmonice sunt tensi. Conf. Cl. B. S. Albinus Annot. Acad. Lib. 4. C. 2. & in explicatione Tabulae I. & II. ut taceam Valsalvam, Schellhammerum, Duverney, Cassebohm, aliosque, qui ex professo de Organo Auditus scripserunt; addatur de Mairan Mem. de l'Acad. Roy. 1737.

pag.

*pag. 67-87., ut & Physiologia Belgica, magnam partem eorum exhibens, quae a Cl. Albino in suis Institutionibus domesticis de Auditu sunt tradita Cap. XXXVII.*

# §. VII.

Non minus tamen luculenta sunt, & sua velut luce radiant; quae ex animae consideratione fluunt, argumenta. Ea enim cum & cognoscendi & volendi facultate sit praedita, hinc & ab omni materia secreta atque remota, ejusque adeo profusus expers, ei, a quo originem ducit, hoc est, Deo, universi hujus Conditori longe potentissimo, haec omnia eminentissima quadam ratione convenire, eumque adeo substantiam a materia plane distinctam, summa non tantum potentia, sed intelligentia etiam, sapientia & libertate, perfectionibusque infinitis praeditam esse, firmiter hinc colligimus. \*

\* Si quis, cogitationibus suis ad se ipsum conversis, mentem suam, & quae in ea, ac per eam, singulis momentis geruntur, paulo attentius consideret, non minora nec pauciora, quae illum in stuporem conjicere queant, quam in coelo & terra, & omnium plantarum, lapidum & animantium corporibus deprehendet. Primo namque facultas rerum innumerarum ideas sibi formandi in ea se nobis offert. Complexum hic, seu compendium aliquod totius orbis, conspiciere licet. Quicquid coelum, quicquid terra, quicquid mare continet, eorum omnium imagines mens hominis complectitur. Infinita fere sunt, quae auribus, gustu, tactu, olfactu, percipimus; horum vero omnium ideas atque imagines mens complectitur. Et rerum porro omnium, quae sensibus externis percipiuntur, comparatione, & ad se invicem relatione, aliae rursus ideae oriuntur; has omnes mens complectitur. De hisce omnibus cum alii homines multa dicant, scribant, variaeque judicia ferant, haec omnia mens complectitur. Accedunt ad haec omnia facta & res gestae variae, integrarum gentium, hominumque singulorum, instituta, mores, consuetudines; haec omnia mens complectitur. Neque tantum haec omnia numero infinita mens humana complectitur, aut saltem complecti potest, sed ita etiam complecti potest, ut nulla inde oriatur confusio; immo, ut, si non omnia, certe pleraque, quorum semel impressas ideas habet, quandocunque libuerit, iterum revocare, sibi que tanquam praesentia fittere; ex comparatione idea-

rum, earundemque ad se invicem relatione, plane novas atque abstractas formare; tum has iterum, tum inter se invicem, tum cum aliis comparare, num convenient, an sibi repugnent, judicare, & ita porro rationes subducere queat. (204) In hisce vero omnibus, num idearum multitudinem, an celeritatem incredibilem, qua in unico temporis momento, locorum in Europa, Africa, America sitorum, imagines nobis exhibere valeamus, an ordinem & confusionis evitacionem, magis mirari debeat, vir sapiens anceps merito dubiusque haerebit. Jam si capitis, in quo vim harum operationum maxime experimur, structuram consideres, si cranium aperiās, si removeas meninges, si substantiam illam mollem, quae maximam cranii cavitatem replet, divides, separes, nihil plane ibi, quod ejusmodi operationum causa esse queat, reperies. Unde non potest non sua sponte sequi, aliam quandam in homine esse substantiam, diversam quidem a corpore, sed arctissimo tamen vinculo cum eo conjunctam, quae tam mirabilium operationum causa sit, & cum loco angustissimo inclusa nobis videatur, vastissimum tamen totius orbis ambitum ineffabili compendio complecti queat. (205) Eandem vero etiam substantiam materiae omnis expertem esse, hinc consequitur. Quo pacto enim substantia materialis capax esse queat ejusmodi operationum, nullo modo concipere licet. In materia namque generatim spectata nihil aliud, quam extensionem, divisibilitatem, facultatemque recipiendi motum, variasque figuras, deprehendimus. Haec autem omnia quocunque modo consideres, in quacunque verses partem, quacunque ratione disponas, nihil tamen inde, quod cogitationi, nedum tam multis cogitationum modis respondeat, elicies. Quodsi forte existimes, eam speciatim materiam, quae homini propria est, ad cogitationes formandas aptam esse, fac periculum, & eam paulo attentius considera. Num in sanguine, num in spiritibus animalibus, num in cerebro ejusmodi quid deprehendis? Immo, si haec omnia divides, separes, in prima elementa resolves, nihil tandem aliud, quam universales materiae proprietates, de quibus antea dictum, offendes. Instas, non equidem materiam solam, sed motum materiae superadditum talia efficere. Sed finge motum, quemcunque velis, eumque velocissimum; finge subtilissimas materiae partes, sursum, deorsum, dextrorsum, sinisterorsum moveri, nullam inde perceptionem, nullam cogitationem, nullam ratiocinationem produces. (206) Manifesta haec omnibus sunt, evidentius tamen adhuc ea demonstrat RICHARDUS BENTLEY, in *Stultitia & irrationabilitate Atheismi*, pag. 75. seqq. Quam turpiter autem hic se traducant Athei, dum explicare volunt, quo pacto substantia materialis percipere & intelligere queat, vel TITUS LUCRETIVS CARUS omnes suo conducere exemplo potest. Nimirum cum animam, corpus perquam subtile, rotundis particulis minutissimis constans esse,

dicat,



dicat, simul tamen, ex quatuor quasi naturis eam compositam esse, docet, aërea, ignea, statuosa, & quarta anonyma, qua nihil sit mobilius, nihil tenuius. Sed ipsum hac de re audire juvat:

*Quarta quoque his igitur quaedam natura necesse est,  
Attribuatur. Ea est omnino nominis experta:  
Qua neque mobilius quidquam, neque tenuius extat.*

De rer. nat. libr. III. pag. m. 80. Et hanc quartam naturam, cujus ipse nomen nescit, sensus & intellectus propriam sedem statuit; hinc & eam deinceps animae animam vocat:

*Nam penitus prorsum latet haec natura subestque:  
Nec magis hac infra quidquam est in corpore nostro,  
Atque anima est animae proporro totius ipsa;*

loc. cit. pag. 81. Sed, si quaeras, qua demum ratione quarta haec natura intelligat? non alia ratione id fieri LUCRETIVS cum Epicuræis suis censet, quam *εἰδωλῶν* seu simulacrorum subtilium *ὑποκρίματα*, seu ad animam adpulli; qua de re ita porro loquitur:

*Corpora haec quoniam penetrant per rara clementque  
Tenuem animi naturam intus sensumque laceffunt.*

loc. cit. lib. IV. pag. 131. Quae euidem *εἰδωλῶν* Epicurus apud DIOGENEM LAERTIVM lib. X. sect. XLVI. *ἰδέμεναι* vocat, LUCRETIVS non tantum simulacra, sed & *σπεῖτρα*, CICERO *imagines*, QUINTILIANUS *figuras*. Quodsi porro quaeras, qua ratione fiat, ut mens statim, quod vult, cogitare queat, respondent, ubique omnifaria adesse simulacra, ex quibus ea tantum mentem adficient, ad quae cum attentione quadam se converterit; reliqua praetermitti; quod pluribus LUCRETIVS, loc. cit. pag. m. 132. explicat. Haec vero cum ineptissima esse nemo non intelligat, simul manifestum est, ab iis, qui explicare volunt, quo pacto substantia materialis cogitare queat, nihil, nisi quod ineptum sit, proferri posse. In altera mentis nostrae facultate, quam *voluntatem* dicimus, libertas praecipue se offert, cum imperio quodam, tum in reliquis mentis facultatibus, tum in ipsum corpus conjuncta. Libertatem autem intelligimus a necessitate immunem, & quidem eam, quam homo in naturalibus habet. De spiritualibus enim nobis nunc sermo non est. Haec vero in eo consistit, quod in rebus plurimis se ad agendum vel non agendum, vel hoc aut illo modo agendum, itemque ad eligendum illud, ad aliud respiciendum, prout illi visum, & prout

lubet, se determinare queat. (207) Potestas vero seu imperium, ut alii vocant, quod in intellectum habet, non in eo quidem consistit, ut efficere queat, ut res aliter cognoscat, quam eas cognoscit, hoc tamen facile & vel nutu quodam ab intellectu impetrat, ut mox has, mox alias ideas sibi exhibeat, alios mox dimittat, mox revocet alias, aliis iterum considerandis, cumque aliis comparandis, diutius inhaereat; qua quidem ratione saepissime contingit, ut res cognitae longe aliter se nobis, quam antea, exhibeant, ut vera esse credamus, quae antea falsa & erronea visa, & erronea & falsa, quae antea pro veris habuimus, ut nunc ceu honesta vel decora placeant, quae antea ceu turpia & foeda damnavimus, & vice versa. Quodsi nunc repetamus, quanta rerum divinarum, humanarum, naturalium pariter ac moralium sit multitudo, quas homo vasto intellectus ambitu complectitur, quousque etiam limites imperii, quod voluntati tribuimus, porrigantur, facile intelligitur. Sed in corporis etiam membra quaedam imperium obtinet, v. g. linguam, manus, pedes, ut ea pro lubitu movere, aut motum vel determinare varia ratione, vel etiam sistere queat; quemadmodum & oculos claudere ac aperire, in hominis positum est potestate. Quo minus autem haecenus ullus Philosophorum explicare potuit, quo pacto fieri queat, ut statim & in unico momento temporis, ad nutum voluntatis spiritus animales mox ad hujus, mox ad alterius membri musculos descendant, & motus tam varios efficiant, eo hoc omnium, qui ista unquam considerarunt, iudicio, est mirabilis. (208) Effectus autem, qui hinc oriuntur, tam varii, tamque admirandi sunt, ut eos omnes enumerare velle, non unius voluminis res esset. Libertate autem quadam in his omnibus nos gaudere, tam intime nobis ipsis conscii sumus, quam certo scimus, nos existere, & non prorsus nihil esse. Nihil amplius, ut hujus rei convincamur, opus est, quam ut cogitationes nostras ad nos ipsos convertamus, & consideremus, quae quotidie, immo singulis horis in nobis ipsis peraguntur. Accedit, quod omne dubium eximere potest, quod subinde, quae inclinationi ac propensioni nostrae repugnant, agamus. Nimirum cum ratio subinde dictitet, noxium nobis fore, si inclinationis nostrae ductum sequeremur, tum, nisi adfectus vehementia obstet, voluntas corporis motus ad ea fugienda vel evitanda, ad quae ceteroquin appetitus fertur, determinat. Quod profecto facere non posset, si libertate non gauderet. Ridiculi hic iterum sunt Epicuræi, qui cum non omnem voluntati libertatem denegare audeant, per *motus declinationem*, quam atomis tribuunt, & de qua supra dictum, eam explicare annuntiant. Qua de re ita LUCRETIVS:

Deni-

*Denique si semper, motus conneditur omnis,  
Ex vetere exoritur semper novus ordine certo,  
Nec declinando faciunt primordia motus,  
Principium quoddam, quod sati fidera rumpat,  
Ex infinito ne causam causa sequatur;  
Libera per terras, unde haec animantibus extat,  
Per quam progredimur, quo ducit quemque voluptas,  
Unde est haec, inquam, satis avulsa voluntas?*

loc. cit. pag. 44. Jungenda & quae hac de re differit CICERO, de fato, cap. X. Quemadmodum vero motus ille declinationis gratis assumitur, ut in sequentibus ostendimus, ita ad tollendum fatum, aut adstruendam libertatem, nihil facit. Sive enim sursum aut deorsum, sive dextrorsum vel sinistrorsum corpus per impressionem motus ab alio corpore factam moveatur, necessario tamen movetur. Et quam, quaelo, motus ille convenientiam habet cum libertate? Quam vero ridiculum & ineptum est, fatum in motu perpendiculari, libertatem autem in motu declinationis constituere velle? BENEDICTUS DE SPINOZA, cum revera omnem libertatem homini eripiat, & secundum suam hypothesin non eripere nequeat, ut tamen more suo suum incautis faciat, verbis ambiguis eam videtur concedere. Duo enim ad libertatem requirit; alterum, ut actionum nostrarum cognitionem habeamus, alterum, ut ipsi velimus eas facere. Sed velle homini fraudulento nihil aliud significat, quam consentire, ut actio fiat, quam impedire nequeas. Hinc toties inculcat, libertatem in eo consistere, quod homines sentiant, & convicti sint, se motuum suorum sibi conscios esse, etsi causas, per quas ad istos motus determinati sunt, ignorent. Sed mera haec est illusio, cum nemo mortalium eum, qui catenis victus est, & ad mortem rapitur, ideo liberum dixerit, quia istius rei sibi conscius est, & consentit, hoc est, impedire nequit. (209) Nullam autem revera se homini concedere libertatem, ipsemet diserte profitetur: *In mente nulla est absoluta sive libera voluntas, sed mens ad hoc vel illud volentium determinatur a causa, quae etiam ab alia determinata est, & haec iterum ab alia, & sic in infinitum; eth. part. II. prop. XLVIII. p. 85.* Quo ipso cum aliquid asserat, quod omnium hominum sensui & experientiae repugnat, nihil aliud agit, quam ut suam stultitiam prodatur. Sed ut ad id, quod caput causae est, accedamus, quo pacto ex hisce mentis nostrae facultatibus, operationibusve, Dei probari existentia queat, quilibet haud difficile intelligit. Ipsae enim illae operationes, sive intellectum sive voluntatem spectes, ita comparatae sunt, ut hominem inter res creatas omnes natura nobis notas, longe nobilissimam praestantissimamque esse demonstrent. Cumque rerum adspectabilium structura admirabilis,

lis, pulchritudo & usus, omnes in admirationem conjicit, quanto magis mens nostra conjiciet, quae res omnes fere totius universi complectitur: & per artes varias ejusmodi opera producere potest, quae elegantia & artificio cum naturae operibus quodammodo certent, certe non minus, quam illa, admiratione digna sint. Quid vero de actionibus hominum variis dicam, in quibus vis quaedam admirabilis rationis, summaque prudentia elucescit? Recte CICERO: *Jam vero animam ipsam, mentemque hominis, rationem, consilium, prudentiam, qui non divina cura perfecta esse perspicit, is his ipsis rebus mihi videtur carere, de natura deor. lib. II. cap. LIX.* Praeterea cum magna & intellectus & voluntatis humanae vis sit, suis tamen circumscripta est limitibus, ut nec major sit, quam hominis permittebat natura, nec minor, quam ejus requirebat conservatio. Sic etsi intellectus vis non sit infinita, tanta tamen est, ut homo ea omnia, quae ad Creatorem hujus universi agnoscendum, ejusque laudes concelebrandas, non minus ac ipsius conservationem, scitu sunt necessaria, cognoscere queat. (210) Et licet hodie rationis lumen, ut veram atque perennem salutem consequi queat, non sufficiat, eodem tamen ad revelationem, quae abunde hunc defectum supplet, investigandam uti potest. Eam, quae sensuum organis peragitur, cognitionem, itidem ita comparatam esse, ut ad hominis conservationem sufficiat, omnes facili intelligimus. Idem & de imperio, quod voluntati, tum in varias mentis facultates, tum in corpus ipsum competit, observare licet. Cum enim & illud certis limitibus circumscriptum sit, nec omnes, sed illi saltem motus corporis eidem sint subiecti, quos a voluntate dirigi hominis natura & conservatio postulabat, sapientissime haec omnia a Deo, naturae auctore, conditoreque rerum omnium, constituta esse, nemo non intelligit. Jam, si porro homo inquirat, unde mentem tam insignibus facultatibus praeditam habeat, primo quidem eam non semper fuisse, facile convincitur, cum certo sciat, tempus fuisse, quo nondum extiterit. Idem & probe sibi conscius est, sine ulla sua opera se in hocce rerum universo extitisse; unde aliam causam esse oportet, cui & existentiam & vitam suam, & quicquid habet, imputare debeat. Quod cum & pari ratione de aliis hominibus, qui ejusdem sunt naturae, multoque magis de rebus creatis reliquis, utpote homine longe ignobilioribus constat, non potest non inde sequi, causam quandam universalem horum omnium, eandemque summa potentia & infinita sapientia praeditam, admittendam esse. Cumque mentem nostram materiae omnis expertem, facultate res innumeras cognoscendi, & libertate praeditam esse, nobismet ipsi conscius sumus, haec omnia cum aliis perfectionibus infinitis eminentissima quadam ratione causae illi primae convenire, firmiter inde colligimus. Ex quibus omnibus tandem sequitur, dari ens aliquod materiae prorsus expertis, atque ab ea distin-

stinctum & separatum, facultate infinita res omnes cognoscendi, summa sapientia, nec minori potentia praeditum, idemque liberrimum, quod tum rerum reliquarum, tum nostrae mentis causa sit. (211) Idem hocce, de quo haecenus egimus, argumentum, quo pacto ex mentis consideratione existentia Dei probari queat, copiose, sed alia, quam nos, ratione tractat IS. JAQUELOT, de l'existence de Dieu, dissertat. II. cap. VII. seqq. pag. 351. seqq. & in compendio FENELON, de l'existence de Dieu, cap. XLV. seqq. pag. 138. seqq. (212)

- (204) *Licet Mens nostra sit cogitando actiua, adeoque conscientia sui, suarumque actionum dotata, in ipsis tamen illis, quae memorat Cl. Buddeus, ignorantiam suam eadem illa debet confiteri; ita ut ex ignorantia modi, quo aliquid existit, nequaquam procedere liceat ad rei negationem; quae observatio usui venit in sequentibus Cap. VI. §. 7. Ideo certe nihil aliud est, quam determinatus cogitandi modus, quo menti aliquid repraesentatur; est quasi pictura spiritualis objectorum, quae menti immediate est praesens; ast picturae illae non menti, tanquam capsulae, insunt; non in mentis sinu, veluti tabulae in cubiculo, reponuntur; non ex mentis sinu, tanquam ex repository, vel gazophylacio, reproducentur, postquam mens fugitivo quasi oculo percurrit omnes quasi parietibus appensas, easque selegit, quas scopo suo convenientes iudicat. Undique hic in mente propria offendimus tenebras, sive cum Atheis eo absurditatis deveniamus, ut eam non diversam putemus a corporis mechanismo; sive eam ab omni concretionem corporea remotam habeamus & substantiam sui generis: Ideae omnes, quae otiosae sunt, sive non actu praesentes, menti insunt, & alio modo insunt, quam si nunquam fuissent praesentes; adeoque hebescit ingenii humani acies, ubi vulgarissimorum horum phaenomenorum explicationem tentamus: neque in hisce enodandis feliciter ubique fuit versatus ingeniosissimus Bonnet *Essay Analytique des facultés de l'Ame* Chap. XVIII. §. 413. Ch. XXII. §. 623. suiv. aliisque in locis, quae conferenda sunt cum Praesatione pag. XXI. suiv. Verum de hisce fusius agere locus non finit.*

- (205) *Sive Athei cogitationis fontem & originem quaerant in materia quadam subtilissima, sive in organisatione, aut peculiari dispositione cerebri, ratiocinium Cl. Auctoris haecenus parum habet roboris; licet quippe in capite, in cerebro, sollicite perlustrato nihil reperitur sive visu, sive aliis organis sensoriis, quod cogitationem producere possit; nondum tamen exinde sequeretur, nihil in illis corporis partibus adesse, cui cum cogitatione ejusque variis modificationibus cognatio intercedit, nisi alia adjiciantur rationum pondera; cum materia illa subtilissima, vel illa textura seu organisatio nimium sit tenuis, ex Atheorum hypothesi, quam*

quam ut sensibus percipiatur; uti aeris ignisque particulae adesse possunt in aliquo loco, licet non percipiantur, ita ut aliquando ex effectibus demum de earum existentia conjecturam capere liceat.

- (206) Non ignorant Athei, cogitationem quaerendam non esse in corpore quiescente, cum mens sit actuosissima; neque, eam repositam esse, statuunt in motu corporis alicujus solidi vel solitarii; mutato hocce motu mutaretur cogitatio, & cogitationis proxime praecedentis nulla remaneret vestigia, & sic memoria tolleretur; cum Ex Gr. Globus, in occidentem circa axem volutus, nulla istius motus vestigia servet, quando deinceps volvitur in orientem: imo, cum idem corpus eodem tempore tantum unico motu possit agitari, unica tantum simul idea posset esse menti praesens; adeoque nulla judicia, nulla ratiocinia possent formari. Verum cogitandi facultatem, ipsamque cogitationem: quae fuerunt vel in congerie particularum minimarum, laevissimarum, mobilissimarum, vel in organisatione subtilissima cerebri: sed hoc quoque modo in plurima absurda incidunt: quippe 1<sup>o</sup>. illa sive materia seu congeries particularum, sive ipsa organisatio cum cerebro est divisibilis; cogitatio proinde per totam istam congeriem, per totam istam organisationem, quae ex pluribus partibus debet esse constata, dispersa foret & proinde divisibilis; ita ut pars ejus in quibusdam particulis, pars alia in particulis vicinis, pars alia denique in partibus remotioribus sit reposita, cum tamen illud, quod in nobis cogitur, quod sentit, quod suarum sensationum sibi est conscius, sit unicum quid & simplex: non est alius ego, qui est conscius hujus cogitationis seu ideae, alius ego, qui est conscius cogitationis, seu ideae, quae, simul-cum priori, ideam aliquam compositam ingreditur, vel priori illi proxime succedit; sed idem ego sum, qui video objecta externa, qui sonos eodem tempore audio, odores percipio, varias atque a se invicem diversissimas experior sensationes, earum possideo conscientiam earundemque retineo memoriam. An agitur in illa congerie, vel organisatione uno eodemque temporis articulo variae adsunt modificationes, quae & tanquam variae repraesentantur, & tamen in uno simplicissimo ente, simplicissima conscientia sui dotata obtinent? An non pars congeriei adficeretur ab objectis visibilibus, pars alia ab objectis, quae auditu percipiuntur; cum eadem partes unico tantum motu eodem tempusculo non dividuo possint cieri? 2<sup>o</sup>. si cogitatio ex motu particularum nasceretur, vel in mechanica quadam organisatione (cujus natura nunquam fuit explicata ab Atheis, ne quidem a la Mettrie in turpissimis tractatibus l'Homme Machine & l'Histoire naturelle de l'Âme) esset quaerenda, quarum utraque uno tantum motu eodem tempore potest agitari, quo cessante, nihil remanet vestigii instar; nulla daretur apperceptio, nulla reflexio, nulla judicia, nulla ratiocinia; cessante

cessante motu, qui cogitationis de Sole erat vel comes, vel origo, aura illa subtilissima, vel tenuissima illa organisatio non alio modo sese haberet, quam si motu isto determinato nunquam fuisset agitata: eodem modo, quo supra circa unicum corpus cogitans notavi. 30. Si mens esset congeries particularum tenuissimarum, vel organisatio cerebri subtilissima, id commune haberet cum aliis nostri corporis partibus, quod eandem numero particulae non permanerent, quod eadem, quoad substantiam, non persisteret organisatio; aliquid accederet, tractu temporis, aliquid decederet, uti procul dubio plurimae partes mei corporis, quae nunc adsunt, non adsuerunt ante triginta pluresque annos, dum aliae partes avolarunt, vel ejectae sunt per corporis mechanismum, causasque qualescunque externas: & tamen eadem est mens mea cum illa, quae in juventute in meo corpore habitavit; cum memoriam gerat eorum, quae in juventute peregit, & passa fuit. Plura alia argumenta praetereo, ne longior sim; quae mihi praecipua videntur, quibusque uti soleo, adduxi; conferri possunt Reimarus l. c. pag. 418--460. Sinsart *Recueil des Pensées diverses sur l'Immaterialité de l'Ame* pag. 39. suiv. pag. 138--284. Euler in *Opusculis* pag. 277--286. Boullier *Lettres sur la nature de l'Ame* pag. 242. suiv. Muis in *Opusculis Posthumis* pag. 124--259. Ditton in *Append. ad demonstrationem Resurrectionis Christi*. *Essay de Psychologie* Chap. XXXV. suiv. Canzius in *Exercit. de Animae immortalitate* Exerc. 3. §. 5. seqq.

- (297) De libertatis indole disputare heic loci nec lubet, nec licet; satis innuit Cl. Auctor, se non penitus conspirare cum placitis Leibniti ejusque sequacium, qui, voluntatem nostram se libere, sed moraliter necessario determinare, statuunt; ita ut illa determinatio nunquam obtineat absque ratione sufficiente, cur potius sese determinet quam non determinet, cur potius hoc modo, quam alio modo sese determinet. Ab hac Leibnitiana doctrina, rationi & experientiae, si in se spectetur, sic satis conformi, Cl. Buddeum alienum fuisse, manifestum est ex ejus *Observ. ad Philos. Instrum.* pag. 552-559. & ex *Theol. Dogm.* Tom. 1. pag. 597. seqq. Verum sufficit, mentem etiam rationibus motam, & per eas moraliter necessario determinatam, ex interno principio, seu sponte sua electionem instituere, ita ut per intimam conscientiam convincatur, se lubenter egisse, & quotiescunque agitur de rebus alicujus momenti, se sponte sua propter rationes determinantes, potestatemque Physicam non tollentes, quae ad alio modo agendum requirebatur, statum suum mutasse, sive ex uno modo existendi ad alium existendi modum transiisse; talis transitus, cui lubentia est comes, talis determinatio sui neque in aura subtilissima, neque in tenuissima textura, seu organisatione cerebri obtinere potest;

cum in omni materia detur inertia quaedam, qua in eodem manet statu, in quo semel est constituta, usque dum a causa externa exinde deturbetur; neque aliquid in materiae conceptu quomodocunque excutitur, reperire licet, quod activitatem redolet; licet dubitaverint plurimi, iique sagacissimi Philosophi, an quidem a priori ex natura vel essentia corporis vis illa inertiae, quam experientia ubique in quavis materine parte, quae sensibus percipitur, manifesto detegit, apodictice possit demonstrari.

- (208) *Licet secundum nonnullos dubium sit, an Spiritus illi animales existant in rerum natura, idem tamen est ratiocinium, quo utitur Cl. Auditor, eadem ejus est efficacia: sive mens immittat Spiritus animales in nervos, eorumque adaperitos, ut fertur, canales, sive sine interventu istius fluidi nervei influat in determinatos musculos, semper aliquid datur, quod captum nostrum longissime superat, si veritati maxime consonum conseamus systema influxus Physici, quod tamen difficultatibus omnium minimis videtur premi: quippe mens, agitatura determinatum aliquem nervum, ipsum illum ex pluribus & tantum non innumeris aliis debet seligere; atqui mentes in Anatomia minime exercitatae hic saepe majora praestant, quam dexterrimi Anatomici & peritissimi Physiologi; imo Anatomicorum Principes, si ad se attendant, nullo modo experiuntur, se scientia suâ in movendis membris sui corporis adjuvari; non sibi sunt conscii, se in determinatos musculos agere, quorum situm & conformationem sibi satis perspectum reddiderunt: sed experiuntur, membrum aliquod determinatum, voluntariis motibus destinatum, eo momento, ea velocitate, ea in directibne moveri, quae cum voluntatis determinatione conspirat, dummodo efficax illa volitio accedat, quae a nonnullis Potentia appellatur. Hic aliquid a mente fit, cujus distinctam plenamque conscientiam non habet; uti in revocatione idearum mediante memoria, in mente & a mente aliquid fit, cujus modum ignorat ipsa: conf. ea, quae notavi ad hanc §. n. 204. Quo magis haecce vulgatissima in vilissimis etiam mentibus observanda phaenomena perpendimus, eo magis convincimur, illa ex mechanismo corporis non enasci, sed ipsam mentem, quae miranda haecce quovis momento, tanquam in Theatro amplissimo, exhibet, coelestis esse originis, causamque agnoscere, quae ipsi benigne prospexit, etiam in illis operationibus, quarum distinctam conscientiam habere nequit.*

- (209) *Quid de libertate senserit Spinoza, satis superque liquet ex ejus Epist. 62. pag. 584. seq. Lapis, inquit, a causa externa ipsum impellente certam motus quantitatem accipit, qua postea, cessante causae externae impulsu, moveri necessario perget. — Concipe jam,*



jam, si placer, lapidem, dum moveri pergit, cogitare, & scire, sic, quantum potest, conari, ut moveri pergat. Hic sane lapis, quandoquidem sui tantummodo conatus est conscius & minime indifferens, se liberrimum esse, & nulla alia de causa in motu perseverare crederet, quam quia vult. Arque haec humana illa libertas est, quam omnes habere jactant, & quae in hoc solum consistit, quod homines sui appetitus sunt conscii, & causarum, a quibus determinantur, ignari. Neque ab hoc simili multum abludit Baillius *Reponse aux Questions d'un Provincial Chap. 140.*, ubi libertatem humanam comparat cum Galli effigie, tempestatis, seu ventorum directionis nuncia, quae, si sui conscia foret, & desiderio ageretur sese versus illam plagam derigendi, ad quam vento pellitur, se liberrimam putaret. Verum aliam esse libertatis indolem, cuilibet, qui ad se ipse attendit, evidentissime apparet. Mens, scilicet, non physica necessitate a causis mechanicis determinatur, sed a causis impellentibus moralibus ducitur, flectitur, allicitur rationali modo ad id eligendum, quod optimum, quod suae felicitati convenientissimum videtur. Sic in omnibus voluntatis nostrae determinationibus rationes sequimur, quae nobis sufficientes videntur, nisi in tales invidamus casus, ubi mens, de differentia inveniendi inter plura eligibilia desperans, negotii decisionem relinquit impressionibus objectorum circumstantium, illustriori libertatis usui in istiusmodi casibus singularibus renuntians. Et si quid difficultatis in doctrina de libertate remaneat, id tamen est certissimum, Spinosae, Baillique dogmata nullum relinquere locum legibus, monitis, praemiis, poenis, poenitentiae, cum mens nostra sit mera machina, quae secundum regulas motus agitur, nec veri nominis electionem instituit.

- (210) Innumera sunt, quae limites cognitionis humanae excedunt; sive ad ipsum Deum respiciamus, sive ad indolem mentis nostrae, sive ad corpora mundana; sed qualis quaeſo hic obtinet ignorantia? quae facit, ut continuum sentiamus, saltem ut experiri possimus cognitionis nostrae, adeoque felicitatis nostrae incrementum: cognoscimus ea, quae ad veram beatitudinem nostram pertinent; modum vero, quo pleraeque res existunt, quo pleraeque phaenomena contingunt, ignoramus. Sufficit, ens necessarium, vi suae naturae existere, & exsistisse ab omni aeternitate; illud hoc universum condidisse; in eo regimen exercere, & ubique esse praesens; ad nostram felicitatem hactenus non requiritur, ut perspectum habeamus modum, quo illud Ens virtute infra exsistit sine initio, sine fine, sine successione momentorum; quo illud ad potentissimae voluntatis suae nutum hunc mundum existere fecit, eundem in sua existentia sustentat, & in qualibet ejus parte, absque diffusionem, quae extensionem redolet, est praesens. Sufficit, mentem

nostram ab ente illo necessario suam habere originem, facultatemque cogitandi, illam cum corpore esse conjunctam, & varias diversarum classium ideas possidere, easdemque mediante memoria reproducere; ast felices esse possumus, & felicitatis continua incrementa persentiscere, licet intimam mentis essentiam ignoremus, licet subjectum adsignare nequeamus, cui inest illa cogitandi facultas, licet determinare non possimus, an facultatem illam semper, absque ulla intermissione, ex causis externis oriunda, exerceat; quali vinculo sit ligata suo corpori; quibus modis acquirat ideas, easdemque in sinu suo reponat, & ex illo reproducat & recognoscat, discernatque novitias a veteribus sinus sui incolis. Sufficit, quod mundum corporeum ejusque partes eo usque habeamus cognitatas & exploratas, ut non tantum ex iis sapientiam, potentiam & munificentiam adorandi Conditoris undique perspicere liceat, sed etiam ut usus praebeant pretiosissimos, inserviantque vitae necessitatibus & commodis; nec ad felicitatem veram mentis nostrae requiritur, ut intimam corporum essentiam, ut gravitatis, attractionis, magnetismi, elasticitatis causas, ut motus transitum ex uno corpore in aliud, sive verum, sive apparentem, cognoscamus; ut sciamus modum, quo lucis radii ex sole, ex stellis fixis, ex igne projiciantur, &c. dummodo eorum omnium usu gaudeamus, atque eo vitam reddamus magis commodam tutamque.

- (211) *Argumentum hocce, ex intuitu mentis nostrae haustum, quod in fronte poni potuisset, ac debuisset, supra §. II. n. 162. alio modo proposui, quo ab eorum Atheorum, qui Scepticismum sorte simularent, effugio est immune. Aliud insuper argumentum pro existentia Entis independentis haurire licet ex conscientia, quod heic loci inferere liceat secundum ea, quae supra dixi ad §. II. hujus Cap. n. 160. Per conscientiam autem hic intelligimus judicium illud, quod de actionibus nostris serimus respectu earum bonitatis vel vitiositatis moralis secundum ideam, quam de lege habemus: Talis conscientia, (quae vel antecedens est vel consequens, prout judicium illud versatur circa actiones vel instituendas, vel institutas) apud omnes homines reperitur, qui non omnem humanitatem excusserunt. Hic autem praesertim respicimus ad conscientiam consequentem, quae etiam secretissimas actiones judicatur. Quid quaeso metuunt scelerati, quos diri conscia facti mens habet attonitos & surdo verbere caedit (Juven. Sat. XIII.) non certe infamiam, cum variis de causis aliorum de se judicia flocci faciant, & angores etiam secretissima facinora sequantur: non metuunt humanam vindictam, non tantum quia occulta sunt scelera, verum etiam quia nec illi, qui supra leges poenasque humanas sunt, ab hisce moribus sunt immunes; quod visum fuit in Tiberio (Sueton. in ejus Vita Cap. 63. & 69. Tacitus Ann. Lib. 6. Cap. 6.) & in Caligula (Sueton. in ejus*

ejus vita Cap. 51.); non nascuntur illi angores ex praejudiciis, quae ex educatione & institutione fuerunt orta, cum etiam in iis habeant locum, qui illorum jugum excutere, sibi quae persuadere conantur, non esse Deum; ne dicam, illa praejudicia varia esse debere in variis regionibus pro varietate educationis & institutionis. Non suam trahunt originem ex temperamento melancholico, cum observentur in hominibus hilarioris indolis, qui genio suo fruuntur usque ad illud tempus, quo atrociori, ut ut occulto, crimine sese commaculant. Quid igitur superest, nisi ut agnoscant, Legislatorem dari corporis oculis inconspicuum, qui secretissimas actiones perspectas habet, qui, ipse independens, in homines omnes habet imperium; Conf. Principia Relig. Nat. & Revel. Tom. 1. pag. 44. seqq. in *Defense de la Religion*. Tom. 3. pag. 273. seqq. Wernfels *Opuscul.* Tom. 2. pag. 269. seqq.

Neque cum Cl. Lampio (*Theol. Nat.* §. 95.) est existimandum, argumenti hujus efficaciam esse nullam, si non agnoscamus, Dei ideam esse innatam; sufficit certe, si vel leviter attendendo hanc ideam acquirere possimus, sique mens ipsa etiam in hominibus deperditis tacite agnoscat, se ab alio pendere, suarumque actionum alii debere reddere rationem. Uti igitur domestica argumenta, quae in antecedentibus fuerunt proposita pro existentia Dei, fundata sunt in mutabilitate & limitata mentis nostrae natura, atque utriusque vividissimo sensu; sic hocce argumentum desumitur ex sensu dependentiae, qui omnibus adest, si non penitus sint stupidi.

- (212) Immiscuit Cl. Buddeus hisce Paragraphis IV-VII. ratiocinia, quae ex finibus rerum creatarum sunt desumpta, quaeque non ab omnibus eodem modo proponuntur, neque etiam ab omnibus ejusdem habentur valoris. Si hac ratione formatur argumentum: Ubi sunt rerum fines, etiam aliquis datur, qui propter fines illos agit; atqui rerum in universo omnium sunt certi fines. Ergo est aliquis, qui propter fines illos agit; fatendum, petitionem principii committi, quod recte observavit Wolff *Rat. Praelect. Metaph.* §. 4, & 46. & post eum Kahle *Examen de la Metaphysique de Newton* pag. 16. suiv. & Canzius in *Usu Philos. Leibn. & Wolff. in Theologia Part.* 1. pag. 115. Finis recte dicitur certus respectus, cujus gratia intelligens agit: si jam substituatur haec definitio ipsi vocabulo definito in minori propositione, sic sese illa habet: atqui rerum in universo omnium sunt certi respectus, quorum gratia intelligens agit, quo facto circulus vitiosus, seu petitio principii manifesta redditur. Attamen evitatur haec difficultas, si dicamus: Ubique datur plurium neque casui, neque ulli necessitati tribuendus consensus ad unum aliquod obtinendum, quod, si finis instar assumatur, sapiente Auctore dignum est, ibi datur Auctor intelligens. Atqui in

\* Nulla res temere Veterum Gentilium magis torfit ingenia, quam origo humani generis. De hac enim cum nihil aliud vel cum specie quadam probabilitatis dici queat, quam quod litteris consignatum reliquit Divinus scriptor, Moses; hujus vero libros Ethnici ignorarent, aut non admitterent, fieri aliter non potuit, quam ut meras ineptias proferrent, quoties ea de re verba facere aggressi sunt. Atheorum itaque, qui illorum vestigia premunt, summa inde stultitia & imprudentia patet, qui data opera cum coecis hominibus ineptire, quam scripturae, nihil profecto, quod ratio rejicere queat, hac in re tradentis, admittere auctoritatem malunt. Nihil de poetis dicam, aut ex Prometheus molli luto formatos esse homines, aut ex Deucalionis Pyrrhaeque duris lapidibus natos, fingentibus. Fuerunt ex ipsis sapientiae professoribus, qui si non magis monstrosas, certe non minus incredibiles de hominum origine protulerunt sententias. Anaximander Milesius, ex aqua terraque calefactis exortos esse, sive pisces, aiebat, sive piscesbus simillima animalia; in his homines concrevisse, foetusque ad pubertatem intus retentos, tum demum, ruptis illis, viros mulieresque, qui se jam alere possent, processisse. Empedocles primo membra singula ex terra quasi praegnantem passim edita, deinde coisse, dicebat, & effecisse solidi hominis materiam, igni simul & humori permixtam. Democrito visum, ex aqua limoque primum homines procreatos; a quo non multum discessit Epicurus, quippe qui limo calefacto uteros nescio quos, radicibus cohaerentes, primum increvisse existimabat, & infantibus ex se editis ingenitum lactis humorem natura ministrante prae buisse, eosque ita educatos & adultos, genus hominum propagasse. Hasce aliasque Philosophorum de hominum origine sententias summam recenset, & unico velut fasce complectitur CENSORINUS, de die natali, cap. VI. pag. 26. quem ejus locum jam exhibui, in *historia Eccles. veter. testament. period. I. sect. I. §. VIII. pag. 77. 78.* ubi plura hac de re dixi, & genuinam Philosophorum de ea sententiam ex instituto exposui. Quaecunque autem aut Philosophi veteres de prima hominum origine dixerunt, aut Athei dicere possunt, ad quatuor praecipue revocari capita, sententiasque principes possunt. *Prima* est, homines aequae ac orbe in huncce nostrum semper fuisse, nec ullum unquam habuisse initium. Peripateticos, praecunte magistro suo, ita existimasse constat; quibus nonnulli Pythagoraeos atque Platonicos addunt; quo autem jure ad fiat, in *histor. Eccles. veter. testam. loc. cit. pag. 75.* exposui. *Altera* sententia eorum est, qui generis humani originem astris, eorumque influxui, & peculiari conjunctioni adscriptive tribuunt. *Tertia* eorum est, qui mechanica quadam ratione, per Solis in materiam rite praeparatam operationem, homines productos asserunt. *Quarta* denique illorum, qui post infinitas materiae concussionis vagas & abortus, mero tandem casu contigisse putant, ut corpora nostra

in hanc, qua gaudent, figuram, temere & fortuito conflarentur. Quaecunque autem ex hisce eligas sententiam, eam absonam plane ineptamque esse, statim, si modo mentem advertere velis, deprehendes. Ad *primam* enim quod attinet, exploratissima veritate comprobatum est, humanum genus per certos gradus auctum esse, atque incrementum cepisse. (213) Gentium variarum origines, historicorum fide dignissimorum testimoniis comprobatae, hac de re nos dubitare non sinunt. Ea vero ratione necessario, si non ad duos, certe ad paucos admodum homines deveniendum erit, a quibus reliqui originem ducant. Contra, si semper homines extiterunt, nullum tempus erit, quo non ideam circiter hominum numerus fuerit, qui hodie est, immo multo major. Cum enim mille annorum spatio pauci homines in gentes validas excrecere possint, quid quaelo non futurum fuisse, si ab omni aeternitate homines eodem, quo hodie sunt, numero existissent? (214) Quod obverti potest, per diluvia universalia, vel alia ratione, homines ad numerum pauciorum redigi potuisse, ejusmodi est, ut probari nequeat; ne dicam, quod hac ratione plura, immo innumera Diluvia universalia, & ea quidem semper lege admittenda forent, ut quidam homines servati sint; quod prorsus absonum est. (215) Quae Scriptura sacra de unico Diluvio universali commemorat, nobis a secus sentientibus opponi nequeunt. Si enim hac in re Scripturae auctoritate uti vellent, quaestio merito institueretur, cur ergo & in aliis eam non admitterent? Immo hoc ipsum Diluvium longe plura & solidiora contra Atheos argumenta suppeditat, ut alibi ostenditur. Ex imperiorum praeterea omnium atque regnorum origine, artium item ac scientiarum inventione, recens mundi exordium constat; qua de re in sequentibus plura dicemus. (216) Non minoribus difficultatibus & *altera* sententia premitur. Esto, dari quendam astrorum in corpora sublunaria influxum, num ideo ad homines producendos sufficit? Si viri sunt Athei, explicent, quis ille influxus sit, & qua ratione debeat esse comparatus, ut per eum homines, hoc est, non tantum animalia, sed animalia, mente & ratione praedita, produci queant. Sin nequeant, agnoscant, quam stolidum sit, ne admittere cogantur, quod illis parum credibile videtur, ejusmodi quid asserere, quod longe est incredibilius, & quod ipsi nulla explicare ratione possunt. Quod si ad conjunctionem peculiarem stellarum adspectumve se recipiant, dicant, quaelo, qualis illa constellatio, qualisve adpectus esse debeat, rationemque rursus explicant, cur talis & non alia conjunctio, aliussve adpectus eundem progignere effectum queat? (217) Ab iis, qui *tertiam* sententiam defendunt, sciscere vellem, qualis illa materia esse debeat, aut quo pacto debeat esse praeparata, ut homo mente & ratione praeditus inde prodire queat? Utcunque materia consideretur, quicunque accedat calor, nihil in ea deprehendo, quod homi-

hominem constituere queat. Id quod simul contra *quartam* sententiam observandum. Esto vero, posse materiam inveniri, quae corpori hominis formando sit idonea, quis nervos, venas, arterias, ossa, cutem, & membra omnia tam apte disposuit, ut nihil in homine sit, quod non usui, cui destinatum, aptissime respondeat? Ceterum, si unquam terra, non dicam homines, sed animantia bruta progenuit, cur, quae so, hodie ea non producit? Major forte terrae olim fuit foecunditas? Id quidem dicunt Athei, sed non probant. Tantam enim in terra, quae ratione solis eundem semper situm obtinuit, contigisse mutationem, ut, quae olim tot animalia, ipsosque homines protulit, hodie ne minimum quidem animalculum progignere valeat, nullo exemplo, nullo laeve ratione probari potest. Sunt hinc inde regiones tanta coeli solique clementia & fertilitate beatae, ut ad summam foecunditatem iis nihil desit; nec tamen unquam vel fando auditum fuit, ullum animal ex terra progenitum fuisse. Quae de Aegypto nonnulli commemorant, cum Nili aquae, postquam inundatione sua terrae fertilitatem conciliarunt, iterum in alveum fluminis recedunt, in limo animalcula varia & quaedam etiam imperfecta & semiviva reperiri, jam pridem Viri docti exploserunt. Sane reptilia, quae in aquis degere solent, aqua recedente, in limo reperiri, nemo miratus fuerit. Partes etiam seu membra quaedam, postquam reliquum corpus putruit, ut ibi reperiantur, facile fieri potest. Sed quis inde colligat, animalia ex terra gigni? Quis vero unquam vidit, oves, bovesque & similia animalia ex terra ibi prodierisse? aut si olim prodierunt, cur hodie non amplius prodeunt? Immo tantum abest, ut ullum animal hac ratione ex terra gigni queat, ut potius evidentissimis experimentis hodie comprobatum sit, nullum, ne minimum quidem, insectorum esse genus, quod non ex semine quodam generetur. Meritoque adeo Viri docti generationem, quam vocant, aequivocam, ex orbe proscripserunt. (218) Cum ergo quicquid Athei de prima hominum origine dicunt, absolum sit, atque prorsus ineptum, nihil aliud superest, quam ut concludamus, Deum humani generis esse conditorem, verissimaque esse, quae Moses, divinus scriptor, hac de re litteris consignavit. Iungenda, quae accurate hac de re disserit RICHARDUS BENTLEYUS, in *Stultitia & Irrationabilit. Atheismi* pag. 130. *seqq.* & ante eum SAMUEL PARKERUS, de *Deo & provident. disput. V. sect. I. pag. 429. seqq.* Postquam autem Deus homines primos creavit, facultatem illis simul, aequae ac reliquis animalibus, per generationem genus suum propagandi indidit. Atque hinc singulorum hominum origo constat, in qua sive conceptionem primam, sive animae productionem ejusque cum corpore conjunctionem, sive corporis singulorumque membrorum in utero materno formationem, sive foetus nutritionem, sive nativitatem, sive varium naturae ad foetum conservandum, ejusque incrementum & nati-

vitatem promovendam adparatum spectes, totidem naturae miracula stupenda prorsus, & vim captumque hominis superantia, deprehendimus. Qui haec omnia ex mechanicis principiis explicare voluerunt, experiundo didicerunt, magno se molimine nihil egisse. Hinc alii vim plasticam, aut simile quid in subsidium vocarunt, etsi ipsi, quid vis illa plastica sit, dicere non potuerint. Unde vero demum vis ista plastica originem trahit? Ex sola sane materia derivari nequit. (219) Nihil ergo aliud profecto superest, quam ut fateamur, Deum ipsum haec ita sapientissime constituisse, ut ex ipsa ista origine nostra, quem vitae nostrae omniumque honorum, quae in nos collata sunt, auctorem agnoscere deberemus ac venerari, condisceremus. Sed plura hac de re addere non licet.

- (213) *Ob defectum observationum satis diu continuatarum definiri accurate non potest, an & qua in proportionem crescat hominum numerus, cum dentur loca, ubi minui videtur. Si numerus nascentium sit ad morientium numerum, uti 1,12 ad 1, quemadmodum assumitur ab acutissimo Brakenridge Phil. Trans. Vol. 49. pag. 282. sique cum eodem supponatur, numerum quotannis morientium esse ad numerum omnium hominum, uti 1 ad 40, intra 232 fere annos duplicaretur hominum numerus, uti calculo Logarithmico ex formula Algebraica non admodum complicata potest inveniri. Verum in Hollandia, ubi accuratissimae institutae fuerunt observationes, hi numeri adsumi nullo modo possunt. Conf. ea, quae notavi supra ad Cap. V. §. 5. n. 183. & Hume Wysgeerige en Staatskundige Proeven pag. 259—385.*
- (214) *Si humanum genus semper fuit, nunquam, quousque etiam retrocedamus, ad stirpis originem, seu ad Generis istius Auctorem & Caput ascendere licebit. Videamus jam, quatenus exinde sequantur absurda: Numero infiniti igitur homines praeterierunt; sed omne, quod praeteriit, antea fuit praesens; haec sunt relata & correlata, (uti veteres Dialectici mentem suam exprimere solebant); adeoque in serie infinita hominum nullus est, qui non aliquando praesens fuit; & cum successive exstiterint, non vero simul, unus ex iis fuit aliquando praesens, cum omnes reliqui essent futuri; & sic totius seriei aliquis est primus, qui ideo seriei initium constituit; eodem fere modo, quo contra progressum causarum infinitum supra ad §. III. hujus Cap. disputavi. Neque excipere licet, lineam concipi posse, Mathematicorum more, in infinitum excurrentem, licet ab una parte determinatam; huic imponi posse homines in continua serie, cujus igitur seriei nullus reperiri posset primus terminus. Uti proinde linea illa nunquam extendi potest eousque, ut ulterius extendi, ulteriusque nequeat, sic etiam hominum series nunquam adeo magna potest concipi, quin ulterius*

rius possit, & in hac Atheorum hypothesi, debeat exporrigi. Verum observandum 10. sic dari praeterita, quae nunquam fuerunt praesentia; quod a ratione alienissimum: praesens dici potest, quod non est aut nunquam erit praeteritum (uti hoc in duratione divina, eaque sola, locum invenit) sed nihil est praeteritum, quin praesens aliquando fuerit; 20. fingamus, lineam  $\overset{A}{\rule{1.5cm}{0.4pt}} \overset{B}{\rule{1.5cm}{0.4pt}} \overset{C}{\rule{1.5cm}{0.4pt}}$  AB in B ter-

minari, sed versus A excurrere in infinitum, ita ut, a B versus A progrediendo, nunquam pervenire liceat, non ad A, sed potius ad lineae initium: fingamus, lineam illam a B augeri usque ad C; vel potius aliam lineam dari, quae in sua extremitate C longitudine BC prominet ultra extremitatem B: ponamus, lineam CA ita imponi lineae BA, (quarum utraque versus A ex hypothesi est infinita) ut punctum C cadat super B; & sequetur, lineam CA versus A prominere ultra lineam BA longitudine CB, quod absurdissimum dictu. Ponamus jam cum Cl. Reimaro (l. c. 1<sup>a</sup> Verhand. §. 8. qui hae rationibus anam praebuit), lineae AB homines imponi, qui hactenus in una aliqua familia vel stirpe in continua serie extiterunt, absque eo, quod ad istius stemmatis principium pervenire liceat; ponamus, lineae BC imponendos esse homines, qui ab hoc tempore per aliquot secula sunt extituri in eadem stirpe continuata; ponamus, lineae alicui, quae lineae AB est aequalis, alterius cujuscunque familiae homines in continua serie sibi mutuo succedentes esse impositos, eamque familiam hoc ipso tempore extingui; ponamus denique, lineam posteriorem cum hominibus insistentibus imponi lineae priori CA, ita ut ultimo genitus in stirpe extincta e regione consistat illius, qui ultimo genitus est in familia adhuc florente & ulterius continuanda, quae insitit lineae CA; hisce positis, membra familiae extinctae consistent omnia e regione totidem membrorum in altera familia, sed in hac supersunt omnia membra, insistentia lineae, quae aequalis est lineae BC; atqui sic familia extincta habuit initium in A, ultra quod altera illa familia exporrigitur.

- (215) Si inde ab innumeris seculis unicam contigisset universale Diluvium, sine singulari providentia quidam conservari ab interitu non potuerunt, qui generis humani nunc existentis sunt Auctores; si autem eo modo propagatum fuerit illud genus, quo hisce temporibus, & a pluribus seculis, sensim augeri debuit hominum numerus; ita ut post infinitorum seculorum decursum nimium repleta esse debuisset Telluris superficies; aliud proinde & iterum aliud fingi debet Diluvium vel universale, vel saltem tale, quod superfluos omnes absorberet; & sic innumeris figmentis servare debent Athei fabulam petulanter & absque ullo fundamento confictam: cur enim per istiusmodi clades non omnes



*perierunt? cur non plures fuerunt servati, ita ut intra pauca secula tota Telluris superficies nimio incolarum numero esset onerata? cur tunc demum nova acciderunt diluvia, pestes, exustiones, cum hominum numerus nimium excrecere comperiebatur?*

(216) *Conf. infra Cap. VI. §. 3.*

(217) *Efficacius nervosiusque retundi non potest insulsum hocce figmentum, quam verbis Bentleyi latine versis a Cl. Jablonski de stult. Atheismi pag. 144. Pace horum Astrologorum liceat mihi requirere, semel rem tantam, quae originem dedit humano generi, Astra gesserint; an frequentius idem praestiterint & praestare porro etiam queant? si frequentius, eccur regulam isthanc non tradidit Ptolemaeus & Albumasar? si semel tantum, idque initio, qui quaeso factum est, ut ea res nobis innotesceret? quis tum in orbe spectator aderat, observaturus horum Protoplastorum nativitatem, & thema coeli ad illud temporis momentum consignaturus, cum ipsi primum e paludibus proroperent? Profecto isti Terrae filii ultra aetatem sapiebant, si ipsismet perspectum fuit, se Astris Genitoribus factos esse, &c.*

(218) *Fabula haecce de aequivoca generatione hominum, animalium, insectorum toties explosa est a veris Philosophis, non tantum recentioribus, verum etiam vetustis, ut hisce diu immorari sit supervacuum. Solus Lactantius de Orig. Erroris Lib. 2. Cap. XI. rem conficere potest: Videamus, ait, an id ipsum quod dicuntur, fieri potuerit, ut homines nascerentur e terra. Si consideret aliquis, quandiu & quibus modis educetur infans; intelliget profecto, non potuisse terrigenas illos pueros sine ullo educatore nutriri. Fuit enim necesse, quam pluribus mensibus jacere projectos, donec confirmatis nervis movere se, locumque mutare possent; quod vix intra unius anni spatium fieri potest. Jam, vide, utrumne infans eodem modo, & eodem loco, quo est effusus, jacere per multos menses valuerit; annon humore illo terrae, quod alimenti gratia ministrabat, & sui corporis purgamenti in unum mistis obrutus, corruptusque moreretur? Neque explicare potuerunt Athei ridiculum hocce commentum, quin undique monstrarent stupidam suam ignorantiam: unde quaeso nata fuit illa vis plastica vel generans? an materiae, an limo terrestri, an partibus Telluris solidis fuit essentialis? an partes corpus humanum constituentes non sunt diversae gravitatis specificae? an non partes graviiores inferiorem locum occupare debuerunt, si eadem olim, quae nunc vigent, obtinuerint leges naturae? an variae virtutes formatrices conspirarunt ad varias corporis partes eodem*

eodem tempore fabricandas? Verum oia fecerunt nobis Reimarus l. c. II<sup>de</sup> Verhand. Bentley de sult. Ath. pag. 156. seqq. in versione Cl. Jablonski vel pag. 99. seqq. in mea versione Belgica. Stillingfleet Orig. Sacr. Contin. pag. 40. seqq. &, qui ab Auctore merito laudatur. Parkerus l. c. non tantum Sect. I, verum quinque sectionibus prioribus. Cudworth. Syst. Intell. pag. 832. seqq. Werenfels Opusc. Tom. 2. pag. 279. seqq.

- (219) Dantur, qui virtutem seu vim Plasticam admittunt, existentiam Dei plenissime agnoscentes, eandemque acerrime propugnantes, proinde cum insulsis hisce apud seculum prius Atheis non conjundendi; inter quos principem locum occupat Cudworth Syst. Intell. Tom. I. pag. 148-196. ubi eruditissima occurrit Dissertatio de Natura Genitricis, quae scilicet est ens, immateriale, vivens, facultate instructa, qua agit in corpora, format plantas, foetus animalium & hominum, motum in hoc universo producit: neque ab hac sententia alienus fuit Henr. Morus passim in suis operibus, praesertim in Antidoto contra Ath. Lib. 2. ut alios taceam. Existimat praesertim Cudworth l. c. §. 4. seqq. divina maiestate non esse dignum, Deum ipsum omnia fabricare, nihil interveniente, ita ut natura nihil faciat; ideoque in hoc universo genitrix esse debet natura, qua, tanquam instrumento utatur, sed tamen ei superior quaedam providentia semper debet adjungi, quae perperam ab ea admissa saepe numero corrigat; neque ex Cudworthi sententia, haec natura eligendi, rectumque a pravo secernendi facultatem habet, & tandem adjungit: ita humana melius comprehendit ratio, quemadmodum fieri possit, ut a Deo regantur, & efficiantur omnia, nec tamen is ulla cura tangatur, aut ulla sollicitudine, aut molestia destineatur. Accuratius hujus opinionis examen locus hicce non finit; in genere tantum notabo 1o. divina maiestate non esse dignam sententiam, quae, aliquam sollicitudinem aut molestiam Deo creari, statuit ex cura hujus universi, ex directione omnium motuum & mutationum, in eo contingentium; infinita Dei sapientia & nullis limitibus circumscripta potentia omnem molestiam, sollicitudinem, defatigationem exulare faciunt; omnia ad efficacissimum divinae voluntatis nulum peraguntur. 2o. Deum scopum suum non attingere, si Naturam illam genitricem seu plasticam creaverit, ut a molestia & sollicitudine foret immunis; cum enim natura illa continuo perperam quaedam admittat, a providentia superiori corrigenda; cum eligendi, rectumque a pravo secernendi facultatem non habeat, magis sollicitus esse deberet Deus, quam si omnia solus perageret. Rectissime Moshemius ad Cudw. pag. 156. habet certe, quod semper agat dominus ille, cui providendum est continuo, ne servi, quibus utitur, imperiti & ratione vacui peccent, qui omnibus ministrorum actionibus

nibus interesse, perpetuis eorum delictis perpetuam opponere medicinam debet. 30. *Sagacissimum Cudworthum sibi non satis constare in describenda Natura hacce genitrice: quippe §. 10. adfirmat, quod nunquam capiat consilium aut deliberet; quod nihil suscipiat, cujus deinceps poenitere possit, nunquam ex posteriori meditatione superiores labores emendet & corrigat, &c. quae an conciliari possint cum iis, quae modo ipsissimis verbis viri egregii proposui, vehementer dubito. Attamen non nego propterea, dari in homine, imo in quocunque animali principium aliquod vitale, quod a mechanismo corporis est diversum, quod jam ipsis flaminibus corporis inest, quod forte in formatione membrorum suas habet partes, quod ab anima rationali est diversum, quod tantum per conjecturam quandam cognoscimus, quod proinde caute satis memorari non potest a sincero Philosopho, qui non nisi comperta loqui didicit; Conf. ea, quae dicemus ad Cap. VI. §. 5. n. 256.*

### §. I X.

Ultima denique classis historica argumenta continet, quibus itidem Numinis existentia comprobari potest. Ex monumentis enim historicorum certissimis, nullumque dubium admittentibus, & regnorum rerumque publicarum, ipsarum itidem gentium atque populorum, artium praeterea & scientiarum, & eorum omnium, quae ad vitae hujus usum aut commoda inventa sunt & excogitata, origines atque incrementa constant; ita quidem, ut, quae Ethnici scriptores de hisce omnibus litteris consignata reliquerunt, si summam rei spectes, prorsus consentiant iis, quae memoriae prodidit divinus scriptor Moses. Hinc vero colligitur, non tantum initium habuisse huncce mundum, nec ullo modo aeternum dici posse, sed ea quoque ratione habuisse initium, qua Moses nos hoc conducuit, hoc est, a Deo esse creatum. \*

- \* Regna omnia, ut ab iis incipiamus, atque imperia, resque publicas, tum, quae hodie sunt, tum, quae olim floruerunt, initium aliquod habere, omnes uno ore fatentur. Nec quenquam Atheorum eo usque impudentiae progressum existimo, ut hoc negare auit. Conveniunt  
&

& in eo scriptores veteres, fuisse tempus aliquod, quod nulla adhuc regna, nullacque fuerint respublicae; in eo saltem in diversa abeuntes, quod nonnulli statum istum humani generis, cum nondum imperia essent, ut longe felicissimum nobis fiant, ut OVIDIUS, *metamorph. libr. I.* alii, ut longe miserrimum corruptissimumque, ut SALUSTIUS, de bello *Catilin. cap. I.* Quod unde ortum sit, facile conjicere licet, cum haud dubio istis scriptoribus aliquid ex antiqua traditione, de statu integritatis, & lapsu humani generis, innouerit. Quare & alii utrumque conjungunt, & statum hominum initio beatum, mox corruptum fuisse perhibent; unde necessitas iis imposita fuerit, condendi res publicas. Ita C. CORNELIUS TACITUS: *Vetustissimi mortaliū, nulla adhuc mala libidine, sine probro, scelere, eoque sine poena & coercitionibus agebant: neque praemiis opus erat, cum honesta suoque ingenio peterentur, & ubi nihil contra morem cuperent, nihil per metum vetabantur. At postquam exui aequalitas & pro modestia ac pudore ambitio & vis incedebat, provenere dominationes, multosque apud populos aeternum mansere; annal. libr. III. cap. XXVI. (220)* Ex hisce itaque veterum monumentis, hac in re consentientibus, facile colligas, homines primum per familias dispersos vixisse; tum in societates minores coaluisse, ex quibus inter se junctis regna majora atque imperia extiterint. Quod ut documento evidentissimo est, genus humanum sensim incrementa summis, ita accurate cum iis, quae Scriptura sacra hac de re commemorat, convenit. (221) Inter majora ista amplioraque imperia nonnulli, Assyriacum primum fuisse, autumant. Quae de re JUSTINUS audire juvat: *Fines imperii tueri magis, quam proferre, mos erat; intra suam cuique patriam regna finiebantur. Primus omnium Ninus rex Assyriorum veterem & quasi avitum gentium morem nova imperii cupiditate mutavit. Hic primus intulit bella finitimis, & rudes adhuc resistendum populos, terminos usque Libyae, perdomuit; histor. lib. I. cap. I.* Explora equidem hodie satis est ista Ctesiae de antiquitate & amplitudine regni Assyriaci fabula, cui JUSTINI narratio innititur, nec sine ratione, ut a me demonstratum, in *histor. Eccles. vet. testam. ad period. II. sect. II. X. §. XVIII.* Interim si vel maxime admitteretur, satis tamen vel inde constaret, imperia orbis majora sensim exorta, nec ullum, quod Diluvii tempus excedat, adduci posse; quod nobis quidem sufficit. (222) Ut vero regnorum & rerum publicarum non major est antiquitas, quam historia Moisaica nos credere jubet, ita nec legum, quibus salus & conservatio civitatum innititur. Fuisse tempus, quo homines sine legibus vixerunt, ipsi Scriptores ethnici fatentur. *Populus nullis legibus tenebatur, inquit JUSTINUS, l. c. arbitria principum pro legibus erant. Hinc nonnullis observatum, HOMERUM nusquam uti legum nomine, quod nullis tum legibus Graeciae populi uterentur. Simples admodum praeterea atque rudes erant antiquo-*

tiquorum populorum leges, successu temporis perficiendae magis & expoliendae. Unde & recentioris jurisprudentiae longe alia facies, quam priscoe istius, cum leges in pueritia velut aut adolescentia constitutae essent. Testem hujus rei iterum laudare licet TACITUM: *Quidam statim, aut postquam regum pertaesum, leges maluerunt. Hae primo rudibus hominum animis simplices erant, maximeque fama celebravit Crentisum, quas Minos; Spartanorum, quas Lycurgus: ac mox Atheniensibus quaestiores jam & plures Solon perscripsit. Nobis Romulus, ut libitum, imperitaverat; dein Numa religionibus & divino jure populum devinxit, repertaque quaedam a Tullo & Anco: sed praecipuus Servius Tullius sanctorum legum fuit, quis etiam reges obtemperarent; annal. libr. III. cap. XXVI.* Postquam distincta etiam rerum dominia introducta sunt, homines commerciis carere non potuerunt. Ea vero antiquissimis temporibus sola permutatione peracta constat. Quanta vero deinceps ad nostram usque aetatem incrementa sumserint, neminem fugit. Ponderum atque mensurarum equidem jam in scriptis Moisaicis mentio inicitur. Ante tempora, de quibus Moses loquitur, ea non fuisse, vel inde constat, quod deinceps apud alias demum gentes sint introducta, unde de illorum inventore veteres fuere solliciti, aliis quidem Phidoni Archivo, aliis Palamedi hanc laudem tribuentibus, ut apud PLINIUM, *hystor. natur. lib. VII. cap. LVI. pag. m. 478.* videre licet. De pecuniae origine, seu primo inventore, nihil certi constare, vel ex POLYDORO VIRGILIO condiscimus, de *inventorib. rerum libr. II. cap. XX.* In eo tamen omnes consentiunt, fuisse tempus, quo ejus usu nondum introductus fuit. (223) De medicae artis necessitate tot morborum genera nos dubitare non sinunt. Fuisse autem tempus, quo nondum inventa esset, neminem fugit, quemadmodum &, quae ejus origo & incrementa fuerint, satis notum est. Certe, cum Babylonii, quod HERODOTUS refert, *lib. I. cap. CXCVII.* aegrotos in forum producerent, ut a praetereuntibus discerent, num simili morbo laborassent, & quonam ad eum pellendum usi essent remedio, exiguum admodum medicae artis notitiam fuisse, nemo negaverit. Cumque de Aegyptiis idem referat STRABO, *libr. III. & XVI.* gentes antiquissimas artis maxime necessariae usu destitutas videmus; quod nulla ratione fieri potuisset, si homines semper exstitissent. (224) Jam quid de Philosophia dicam? Cum eadem semper fuerint Graecorum ingenia, idem etiam regionis, quam incoluerunt, situs, ut cum aliis gentibus commercia iis intercedere potuerint, ante septem tamen, quos vocant, sapientum aetatem, Philosophiae nulla apud eos inveniuntur vestigia. Ab Olympiade autem xxxv, qua natus est Thales Milesius, usque ad Olympiadem cxxvii, qua obiit Epicurus, adeoque cccclxx annorum spatio, Philosophiae studium tanta incrementa sumisit, ut a fastigio prope abesset. Hoc vero cur citius factum non sit, si Graecia semper

incolas habuit, dici profecto nequit. Et idem quoque de aliis gentibus, apud quas Philosophiae studium quodammodo floruit, dicendum. Origo ejus & incrementum aperte repugnat, quo minus semper id ita se habuisse, credere queamus. (225) De Mathesi singulisque ejus partibus itidem longe est notissimum, unam post aliam inventam, magisque excultam esse, ut pluribus GERARDUS JOANNES VOSSIUS exponit de *scientiis Mathematicis*. (226) Sed historiarum quoque studium, cui veteres deditos fuisse constat, & ad quod natura velut ducimur, idem evincit. (227) Varronem, antiquitatis inter Romanos peritissimum virum, omne tempus, quod a prima rerum origine ad ipsius aetatem usque effluxisset, in *ἀρχαιῶν, μυθικῶν & ἱστορικῶν* distribuisse, novimus. Primum scilicet intervallum ab hominum principio ad cataclysmum priorem pertingere, docebat, idque propter ignorantiam vocari *ἄλλω*; secundum, a cataclysmo priori ad Olympiadem primam, quod, quia in eo multa fabulosa referantur, *μυθικῶν* nominetur; tertium denique, a prima Olympiade ad ipsius aetatem, quod *ἱστορικῶν* dicatur, quia res in eo gestae veris historiis contineantur, ut auctor est CENSORINUS, de *die natali* cap. XXI. pag. m. 154. Immo cum eo tempore, quo natus est mundi Servator, quoque Apostoli vixerunt, plurimi jam inter Graecos atque Latinos essent historici, quibus nec ingenium, nec industria, nec monumenta varia deessent, quibus in tempora a se remotissima penetrare possent, nemo tamen illorum quidquam memoriae prodidit, quod Moïsis de rerum omnium origine, deque humani generis fati, & artium inventione & incrementis, narrationi, opponi queat. Nec ullum est dubium, cum deinceps controversiae inter gentilium Philosophos, & Ecclesiae Christianae doctores, magnis animorum motibus agerentur, quin illi omni studio monumenta veterum excusserint, ex quibus, quae Moïses de hominum & mundi origine, Philosophorum scitis e diametro opposita, scripserat, refellere possent; nec tamen quidquam eos aut invenisse, aut protulisse, novimus. Legenda, quae hanc in rem disserit IS. JAQUELOT, de *l'Existence de Dieu* Dissert. I. cap. III. pag. 24. seqq. (228) Nec populorum hic praetermittendae origines. Nonnulli namque, se *ἀντίχθους*, hoc est, eodem in loco, quem incolebant, natos, ferebant, uti Athenienses, de quibus JUSTINUS: *quippe non advenae, neque passim collecta populi colluvies originem urbi dedit; sed eodem innati solo, quod incolunt; & quae illis sedes eadem origo est; histor. lib. II. cap. VI.* alii autem, se aliorum populorum colonias esse, profitebantur, suaeque adeo sibi conscii erant originis. Illos aliquando antiquitate his praestitisse, negandum non est; hoc ipso tamen, quod se aborigines vel *ἀντίχθους* esse credebant; suam saltem probebant ignorantiam, seque nescire, indicabant, unde originem ducerent. Nec enim hoc ipso negabant, se originem habere, aut gentem suam semper fuisse, affirmabant; multo minus tan-

tam sibi vindicabant, aut vindicare poterant antiquitatem, quae originem humani generis, aut ejus post Diluvium restorationem anteverteret. (229) Scio sane, Aegyptios rerum suarum origines longe supra Diluvium, immo ipsa mundi initia, secundum calculum Mosaicum spectata, extendisse. Eoque Dynastiae illae Aegyptiorum, quae tantum negotii eruditis Viris facessivere, pertinent. Sed haec omnia inter putidissima stolidissimaque gentis vanissimae commenta referenda esse, solide hodie Viri docti demonstrarunt. Certe Aegyptios rerum suarum paulo antiquiorum certam historiam litterarum monumentis consignatam non habuisse, luculenter probat HERMANNUS CONRINGIUS, in *adversariis Chronolog.* cap. XVI. pag. 188. (230) Idem de immensis Chaldaeorum supputationibus censendum. Auctor est CICERO, *Babylonios jacere, se CCCCLXXX. millia annorum habere monumentis* (litterarum) *comprehensa, & illa posuisse in periclitandis experiundisque pueris, quicunque essent nati: sed simul addit, eos mentiri, recteque condemnari aut stultitiae, aut vanitatis, aut impudentiae, libr. I. de divinut. cap. XIX. & libr. II. cap. XLVI.* Dictum etiam de hisce omnibus, in *histor. Eccles. vet. testam. ad period. I. sect. I. §. X. pag. 84. seqq.* (231) ubi & falso jactitatum Chinesium antiquitatem explodit. (232) De ipsorum autem populorum non adeo antiqua origine, artium quoque atque scientiarum origines atque incrementa testantur; de quibus antea quaedam diximus; quamvis plurima brevitatis studio praetermiserim, de quibus consulendus PLINIUS, *histor. natur. lib. VII. cap. LVI. pag. 475. seqq.* TATIANUS quoque dum in eo est, ut ostendat, Graecos plurima a barbaris accepisse, varios rerum artiumque inventores commemorat, *orat. ad Graecos p. 3. seqq.* Atheniensium speciatim inventa recenset JUSTINUS, *histor. lib. II. cap. VI. & CICERO, pro Flacco cap. XXXVI.* De reliquis legendus POLYDORUS VIRGILIUS, de *inventoribus rerum.* Haec vero omnia, quae de gentium, populorum, artium atque scientiarum origine & inventionem diximus, validissimum contra mundi aeternitatem praebere argumentum, ex ipsis jam Ethnicis agnovit MACROBIUS. Nam quis facile, inquit, mundum semper fuisse, consentiat, cum & ipsa historiarum fides, multarum rerum cultum emendationemque, vel ipsam inventionem recentem esse, fateatur? Cumque rudes primum homines, & incuria sylvestri non multum a ferarum asperitate dissimiles meminerit, vel fabuletur antiquitas; tradatque, nec hunc eis, quo nunc utimur, victum fuisse, sed glande prius & baccis alitos, sero sperasse de fulcis alimoniam? Cumque ita exordium rerum, & ipsius humanae nationis opinemur, ut aurea primum secula fuisse credamus, & inde natura per metalla viliora degenerans, ferro secula postrema fodaverit? Ac ne totum videamur de fabulis mutuari, quis non hinc existimet, mundum quandoque coepisse, nec longam retro ejus aetatem, cum abhinc ultra duo retro annorum millia, de excellenti rerum gestarum memoria, nec Graeca

Graeca quidem extet historia? Nam supra Ninum, a quo Semiramis secundum quosdam creditur procreata, nihil praeclarum in libros relatum est. Si enim ab initio, immo ante initium fuit mundus, ut Philosophi volunt, cur per innumerabilem seriem seculorum non fuerat cultus, quo nunc utimur, inventus? non litterarum usus, quo sola memoriae fulcitur aeternitas? Cur denique multarum rerum experientia ad aliquas gentes recentis aetate pervenit? Ut ecce Galli vitem, vel cultum oleae, Roma jam adulescente, didicerunt. Aethiopes vero gentes adhuc multa nesciunt, quae nobis inventa placuerunt. Haec omnia videntur aeternitati rerum repugnare, dum opinari nos faciunt, certo mundi principio paulatim singula quaeque coepisse; in somnium Scip. lib. II. cap. X. pag. m. 150. (133) Respondere equidem ad hasce rationes MACRONIUS, & ipse aeternitatis mundi assertor, annititur. (234) Summa eo redit, res humanas ex parte maxima saepe occidere, manente mundo, & rursus oriri, vel eluvione vicissim, vel exustione redeunte, loc. cit. pag. 151. Quod rationibus quibusdam, sed oppido ridiculus, probare annititur. Respicit namque haud dubio Stoicorum, & aliorum quorundam, de magnis mundi vicissitudinibus, quas per eluviones & exustiones, statim temporibus ab omni aeternitate subiisset, & porro subiturus esset, sententiam, quam & CICERO hisce verbis exprimit: *Propter eluviones exustionesque terrarum, quas accidere tempore certo necesse est, non modo non aeternam, sed ne diuturnam quidem gloriam assequi possumus, in somn. Scipion. pag. m. 1409.* Quamquam MACRONIUS hasce eluviones & exustiones, pro Platonis sensu, ut nonnulli observant, ita accipiat, ut per eas totum genus hominum perire neget. Nunquam tamen, inquit, sive exustio, omnes terras, aut omne hominum genus vel omnino opperit, vel penitus exurit. Legenda, quae de magnis illis mundi vicissitudinibus ex veterum, Stoicorum maxime, sententia differit JUSTUS LIPSIUS, *Physiol. Stoicor. lib. II. dissertat. XXI. pag. 105. seqq.* cumprimis autem B. JAC. THOMASIVS, de *exust. mundi Stoica, thes. XI. pag. 12. seqq.* Cum vero aeterna illa mundorum per istas vicissitudines successio omni prorsus fundamento destituatur, inter somnia veterum Philosophorum & impia deliramenta jure meritoque refertur. Interim eluviones quasdam particulares, similesque casus, contingere posse, non abnuo: per eos autem ut vix unquam quaedam provincia ita devastata fuit, ut omnes ejus incolae perierint, ita multo minus hac ratione fieri potest, ut totius, quod antea extitit, humani generis, rerumque gestarum omnium, omniumque artium & scientiarum ita obliteretur memoria, ut haec omnia post ejusmodi eluvionem aut casum similem, enata demum, primamque acceperisse originem, censeri queant. Integrae cujusdam provinciae devastatio intuitu totius orbis non aliter consideranda, quam domus cujusdam aut urbis devastatio intuitu provinciae. Quis vero existimaverit, per



domus aut urbis cujusdam conflagrationem, eam toti provinciae induci vastitatem posse, ut omnium simul artium, scientiarum, rerumque antea ibi gestarum memoria deleatur? Per istud temporis intervallum, quo orbem fuisse ex Scriptura sacra novimus, urbes varias, provincias, atque regna, variis casibus funestis & calamitatibus involuta fuisse novimus. At ea simul ratione omnium eorum, quae ante calamitatem istam in istis regnis aut provinciis fuerunt, simul periisse memoriam, nullo exemplo condoceri potest. Nihil ergo hoc obtinebunt Athei, nisi Diluvium aliquod universale statuant. At quomodo hoc statuent, ut non sua ipsimet caedant vineta? Primo namque certum est, ejusmodi Diluvium universale, quo totus orbis noster submergatur, sine miraculo contingere non posse; quod res ipsa docet, & luculenter demonstrat RICHARDUS BENTLEJUS, in *Stultitia & irrationalitate Atheismi* pag. 137. (235) Deinde, si contingit, aut omnes simul homines perierunt, aut quidam servati sunt. Prius si dicat, unde ergo post Diluvium homines? Posterius, quo pacto quaeſo servati sunt? Quicquid dicant, in quamcunque se vertant partem Athei, nihil dicent, quod ineptum non sit; nisi iterum ea assumant, quae Scriptura de arca Noachi commemorat. At haec ita comparata sunt, ut, nisi mirabilis & manifestissima Numinis providentia accessisset, nunquam hac ratione servatus fuisset, aut servari potuisset Noachus. Accedit, quod aeternitatis mundi assertoribus plura ejusmodi Diluvia admittenda, vel potius fingenda, essent; quod quam absonum sit, jam ad §. praeced. ostendimus. Si dicas, revera tamen per belli calamitates aliasque causas, artes quasdam deperditas esse; quasdam enim veteres habuisse, quae nobis notae non sint, ut vel ex GUIDONIS PANCIROLLI libro de *rebus deperditis* pateat; id quidem de artibus quibusdam superfluis, & ad vitam minus necessariis, facile concesserim; eas autem, quibus in vita carere non possumus, amitti ea ratione, aut prorsus obscurari posse, nemo nisi rerum omnium ignarus, crediderit; conf. & JACOBUS ABRADIE, de *veritate & certitudine Christianae Religionis*, sect. I. cap. IX. §. XII. seqq. (236)

- (220) *Vix ex istiusmodi profanorum Scriptorum locis aliquid certi concludere licet circa primaevam generis humani constitutionem; cum respexerint omnes ad Historiam Myticam, ad aureum Saturni seculum, quod Poetae veteres consinxerunt, non quidem pro mero lubitu, & ex fabularum amore ab omni fundamento destituto, sed ex traditione circa statum integrum, qui secundum Historiam Mosaicam ante lapsum obtinuit; caeteroquin quaeri posset, unde illam notitiam primaevae conditionis hauserit Tacitus post tot seculorum decursum, unde Seneca in Epistola 90. unde alii; non certe provocant ad vetustissimos Historicos,*

ricos, qui primordiis illis, vel potius ex *Atheorum hypothesi* aut eis istis aëvis fuerunt propinqui, aut qui ad publica fide factas annotationes habuerant aditum: Macrobius in *somnium Scipionis* Lib. 2. Cap. 10. supra Ninum, a quo Semiramis secundum quosdam creditur procreata, nihil praeclarum in libros relatum est. Et Plato de Repl. Lib. 3. in initio agnoscit, *Historicorum genus nuper dumum in utilitatem hominum fuisse exortum.*

- (221) Longaeva Patriarcharum vita, eorundem fertilitas, amplitudo possessionum, multitudo servorum sive mercede condutorum, sive perpetuorum efficiebant, ut numerosissimae essent ipsorum Familiae, quibus non tantum praeerant ut Patres, verum etiam ut Rectores, qui, crescente numero eorum, qui ad Familiam pertinebant, crescentem exercebant potestatem in totam personam moralem, cujus erant caput & animae: hanc societatem domesticam placide dirigebant, dirimebant lites inter membra obortas, omnique virium contentione eandem tuebantur contra externam violentiam. Sic sensim & naturali rerum consecutione societates domesticae in societates civiles, quarum forma erat plerumque Monarchica, mutabantur: huic quippe formae maxime erat similis illa, quam habuerant antea, cum ex paucioribus constabant membris, & a Patribus familias regerentur. Attamen quaedam civitates, si ad Historiam sacram attendamus, vi aperta videntur constitutae, quod plenius exposuisse hujus non est loci.

- (222) Non justum tenetur medium ab illis, qui de regno *Affyriaco* egerunt, quorum nonnulli nimium extulerunt ejus antiquitatem & amplitudinem, alii utramque nimis arctis incluserunt terminis, in alterum extremum incidentes; verum extra oleas divagaremur, si quaestionem hancce Historico-chronologicam vellemus attingere; satis superque de ea disseruerunt, ut alios taceam, de *Vignoles Chronologie de l'Histoire sainte* Tom. 2. pag. 161-210. & *Auctores Historiae Universalis* (de *Algemeene Historie vertaald door Westerbaan*) Part. 4. Lib. 1. Cap. 8. Sect. 1. seqq. praesertim Sect. V. Et certe sive *Affyriacum imperium* duraverit 1300. annos, sive 1500; sive inceperit Anno 2357. Periodi *Julianae*, quod Scaligero, sive 3392. anno ejusdem, quod *Usserio* placuit, parum hoc facit in favorem eorum, qui recentem Regnorum & Rerumpublicarum ortum impugnant; cum regnum *Affyriacum*, si vel, illud antiquissimum esse, concederemus, initium habuerit, quod recens appellari meretur, si conferatur cum infinita seculorum serie: Si inceperit 2357. anno Periodi *Julianae*, sive 2357. annis ante nativitatem Christi (quippe quae, secundum Aeram vulgarem, accidit A. P. Jul. 4714.) initium ejus conspirat cum 1627. anno mundi, secundum

dum plurimorum computum, hoc est, cum 29. anno ante Diluvium Noeticum; si vero fuerit ortum A. Per. Jul. 3392, seu 1322. ante Christum, ejus primordia tantum incidunt in annum 1006. post Diluvium.

- (223) Si Moysi scripta simpliciter spectemus ut fide digna & ingenti antiquitate conspicua, quibus vetustiora non prostant, nulla reperiuntur Mercaturae vestigia ante tempora Jacobi Patriarchae, (licet emtionis venditionis fiat mentio Genes. XXIII: 9. seqq.); memorantur, scilicet, Mercatores Itimaelitici & Midianitici Gen. XXXVII: 25. seqq. Verum omnis emtio venditio facta videtur primum permutatione, quae innumeris obnoxia erat incommodis: & licet Sictorum jam fiat mentio Gen. XXIII: 15. ex vs. 16. tamen constat, ponderando processisse Abrahamum; ita ut pretium eminens quidem tunc temporis fuerit in usu, non vero certum est, lamellas illas orbiculares aeneas, argenteas, aureas, quales nunc adhibentur, & commerciis exercendis sunt aptissimae, fuisse usitatas: & sic verus Monetae seu pecuniae signatae inventor tenebris est involutus; nec prosani Scriptores inter se consentiunt: praecipuas eorum sententias collegit Arbuthnot of Ancient Coins, Weights, and Measures Chap. I. conf. van Loon Penningkunde 1<sup>de</sup> Deel. Seldenus de Jur. Nat. & Gent. Lib. 2. C. 8. Hornius de Civitate. L. 2. C. 6. ibidemque Kuchenbeccher in not.

Commercia autem parcius & modo minus commodo antiquioribus istis temporibus exercebantur, non tantum propter minores hominum, frugalius viventium, indigentias, & intra arctiores cancellos comprehensa eorundem desideria, non tantum propter minus aptam, quam memoravi pretii eminentis constitutionem; verum etiam propter navigandi artis imperitiam, quae adeo est necessaria, ut mirum existat, eam non citius fuisse inventam, & ad altius perfectionis culmen evectam. Nullum sane prostat indicium, homines navigiis fuisse usos ante Noachum, arcam Dei jussu extruentem; quem Phoenices, Aegyptii aliique populi fuerunt secuti. Vid. Snellii Tiphys Batavus in Praefat. Huct Histoire du Commerce & de la Navigation des Anciens Chap. 3. 7. suiv. Arbuthnot Dissertation concerning the navigation of the Antients, quae subjungitur ipsius Dissertationi laudatae de antiquis nummis, ponderibus & mensuris pag. 214-281. Sed lenta accepit incrementa navigandi scientia non tantum propter Matheseos applicatae, praesertim Astronomiae sphaericae, Mechanicae, Hydraulicae & Aërometriae imperitiam, verum etiam propter defectum pixidis nauticae, non multum ante tempora Sancti Ludovici, qui circa annum aerae Christianae 1226. ad regnum pervenit, inventae.

(224)

- (224) *Antiquissima Medicorum mentio occurrit apud Moſen Gen. I. 2. ea- que ſcientia, præſertim Chirurgica ejus pars, Trojanorum ævo jam erat celebrata, ſecundum Plinium Hiſt. Nat. Lib. 29. Cap. 1. attamen ex Homero recte demonſtravit Warburton Godd. zendinge van Moſes, IV. Boek. 3<sup>de</sup> Afd. pag. 71. ſeqq. alias etiam artis ſalutaris partes ipſius tempora fuiſſe cognitæ, inter quas Pharmacutica. Aſt, Chirurgiam apud Græcos ſaltem primum fuiſſe excultam, ex vocabulo *ἰατρός*, (quod ab *ἰσ* celum derivatum habetur Sexto Empir. Adv. Math. Lib. 1. art. 45. pag. 225. in Ed. Fabricii) evadit probabile.*
- (225) *Philosophia lenta adeo incrementa cepit, ut dici non poſſit, quo tempore fuerit inventa, id certe probabile admodum eſt, veræ Philoſophiæ exordia Revelationi divinae deberi; ſaltem diſtinguere nullo modo licet, quid hominum antiquiſſimi, quorum mentio fit apud Moſen Scriptorum vetuſtiſſimum, rationis viribus debuerint, quid divinae Revelationi. Id tamen extra dubitationis aleam eſt conſtitutum, omnes Philoſophiæ partes apud veteres Chaldaeos, Perſas, Indos, Phœnices, Aegyptios admodum fuiſſe imperfectas ac mutilas; aſt horum uberior pertractatio pertinet ad Hiſtoriam Philoſophiæ.*
- (226) *Fortè inter Matheſeos multiplices partes primum inventa fuit Arithmetica, quæ a Phœnicibus exculsa dicitur apud Strabonem Geogr. Lib. 16. pag. 1098, quam gloriam alii Aegyptiis tribuunt; ſed pleraque, quæ de Arithmetices & Geometriæ inventionem narrantur a Veteribus, lubrico nituntur fundamento; id ſaltem conſtat, Thaletis & Pythagoræ temporibus Geometriam in ſua infantia fuiſſe verſatam, cum caeteroquin ſimpliciſſimas demonſtrationes veritatum elementarium ipſi non fuiſſent mirati, tanquam Deorum ſingularia munera atque humanæ peritiæ inſolitiſque acuminis monumenta. Conf. præ reliquis Montucla l'Hiſtoire des Mathematiques. Tom. I. pag. 45. ſuiv. (ipſe egregius Mathematicus, qui longe accuratius diligentiusque in omnium ſcientiarum Mathematicarum originem inquiſivit, quam ejus Antecceſſores) nec non l'Hiſtoire des Sciences exactes par Saverien pag. 1-117.*
- (227) *Ipsa ſcribendi ars recentis eſt originis, ſi cum tot ſeculorum lapſu comparetur: de hac literarum origine omnino videndus eſt Taciti locus Annal. Lib. XI. Cap. 14. & Plin. Hiſt. Nat. Lib. VII. C. 56. Conf. Morinus de Linguis Part. 2. Cap. 2. ſed præſertim Warburton Godd. zendinge van Moſes, II<sup>e</sup>. B. 4<sup>de</sup> Afd. Stillingleet. Or. Sacr. L. 1. C. 1. Morhof Polyhiſt. P. 1. L. 4. C. 1. & ex profeſſo de his diſſeruit Hugo de prima ſcribendi Origine. Vid. etiam Grotius de Verit. Relig. Chriſt. Lib. 1. §. XV. Perizonius Orig.*

Rr

Babyl.

*Babyl. pag. 11. seqq. Vitranga Obs. Sacr. Lib. 1. Cap. IV. p. 37. seqq. Owenus Theolog. L. 4. Cap. 3. Literas autem ante Moysen tempore in usu fuisse, admodum est verisimile; cum earum jam occurrat mentio, tamquam rei non penitus novae, Exod. XXIV: 4. Cap. XXVIII: 21. & 36, licet Patriarchae, locorum intervallis a se invicem remoti, non per literas, sed nuntiorum ore, sua cogitata cum se mutuo communicasse videantur.*

- (228) *Plenus hoc argumentum ex recenti Historiae profanae origine profectus fuit Stellingfleet Orig. Sacr. Lib. 1. Cap. 1. seqq. Antiquissimae sane Phoenicum, Aegyptiorum, Chaldaeorum, Graecorumque historiae fabulis sunt intermixtae, quae manifesto satis respiciunt Historiam Mosaicam; & populorum vetustissimi suos inveniunt Patres in Historia sacra. Sic reperitur Aram, a quo descenderunt veteres Syriae incolae; Peleg, ex quo nati videntur Pelasgi, veteris Graeciae populi; Mitzraim Aegyptiorum Parens; Conf. candidus Theologus Pictet la Theolog. Chretienne Tom. 1. pag. 351. suiv.*

- (229) *Qui se ἄποικοι, indigenas, terrigenas, aborigines praedicabant, sic satis numerosi fuerunt; uti hoc de Aegyptiis, Indis, Aethiopibus, Scythiis, Atheniensibus, Arcadibus, Achivis, Cretensibus, Germanis, Britannis ex Diodoro Siculo, Pausania, Isocrate, Plutarcho, Tacito & Julio Caesare demonstravit Cl. Reimarus l. c. 1<sup>ae</sup> Verh. §. XI. Hi autem omnes non eo dementiae procedebant, ut crederent, gentem suam nunquam habuisse initium; contrarium indicabant figmento illo, acsi ex ipsa terra fuissent procreati: volebant tantum, gentem, ad quam pertinebant, ab ejus primordio in illa, quam occupabant, regione habitasse, non vero ex aliis populis, coloniae instar, fuisse genitam, vel ex aliis regionibus fuisse translatam ad illam regionem, tamquam ad novam fortunarum sedem. Sic rem exprimit Justinus Lib. 2. Cap. 6. Paucis, inquit, Urbis (Atheniensis) origo repetenda est; quia non, ut ceterae gentes, a sordidis initiis ad summa crevere: soli enim, praeterquam incremento, etiam origine gloriantur. Quippe non advenae, neque passim collecta populi colluvies originem urbi dedit; sed eodem innati solo, quod incolunt; & quae illis sedes, eadem origo est. Sic partim ex superbia haecce figmenta fuerunt nata, cum aliis gentibus originem suam debere dedecori ducerent; partim ex ignorantia; licet ipsi fabulae aliquid ex historia sacra circa originem Adami ex terra videatur admixtum. Conf. Pfannerus in System. Theol. Gent. Cap. VII. pag. 187. seqq.*

- (230) *De fide hac Aegyptiorum antiquitate prae reliquis consulendus est Cl. Perizonius in Orig. Aegypt. Cap. II. seqq. ubi demonstravit, maximam in Aegyptiorum Chronologia dari confusionem, imo hiatum in ea reperiri ab aliis non animadvertum.*
- (231) *Fuse de hisce Babyloniorum figmentis egit Perizonius in Orig. Babyl. Cap. 1. & 2. id unum notasse sufficiat, Callistenem, qui Alexandrum M. in Asiaticis expeditionibus fuit secutus, in Chaldaeorum libris non antiquiores reperisse Syderum Observationes, quam quae 1903. annis supra Alexandri aetatem, atque adeo ad Nimrodum fere ascenderent: quod ipsum cum Historia Sacra satis conspirat, cum Genes. X: 10. regnum Babelis Nimrodo tribuatur. Attamen Perizonius l. c. pag. 7. probabilius existimat, illas observationes tantum ascendere ad Abrahami aevum, cum vix credibile sit, observationes Astronomicas septem annis ante Phalegi ortum, & ante ipsam dispersionem ab hominibus incultis fuisse institutas, atque annotatas in posterorum gratiam.*
- (232) *Refert du Halde Description de la Chine Tom. 1. pag. 260. omnes Chineses Historicos, qui alicujus sunt ponderis, agnoscere, Fo hi prima posuisse imperii Sinici fundamenta, omnesque, qui altius evehere voluerunt regni istius antiquitatem, fabulas narrasse nulla verisimilitudine conspicuas: imo Sinenfium Chronologia conturbata est atque incerta penitus usque ad Imperatorem Yao, qui, si vera ferantur, regnare coepit 2357. annis ante nativitatem Christi; & hoc ipsum non admodum longe a veritate aberrare ex observatis Eclipsibus, quae bis mille annis & ultra ante aeram Christianam acciderunt, sic satis probabile redditur; cum secundum Souciet (Observations Mathematiques, & Astronomiques tirées des anciens livres Chinois Tom. III. pag. 150.) jam A. 2155. ante Christum in Sinenfi imperio existerint Mathematici, qui, ratione muneris sui, ad calculum revocare debebant Solis Lunaque deliquia.*
- (233) *Simile argumentum contra aeternitatem mundi adhibuit Lucretius Lib. V. vs. 525. seqq. neque multum differt illud, quo usus fuit Cl. Reimarus, petium ex lenta dispersione gentium atque aucto Terricolarum numero, quatenus ex historiarum monumentis liquidissime constat, veterem Hispaniam, Galliam, Britanniam, Germaniam olim longe minus cultas incolisque minus divites fuisse, quam hisce temporibus; cum undique amplissimae sylvae, atque paludes reperirentur, cumque paucissimae essent urbes, sed incolae longo locorum intervallo a se invicem remoti habitarent, uti hoc ex Plinio, Strabone, Julio Caesare, Tacito aliisque manifestum est.*

- (234) *Non desunt inter recentiores Philosophos, de vera origine hujus Universi atque humani generis penitus persuasos, qui argumentum, ex recenti Regnorum, Rerumpublicarum, Scientiarum & Artium origine desumptum, minus validum existimant, inter quos namerare licet Parkerum de Deo Disp. IV. Sect. 24. Morhof Polyhist. Tom. 2. l. 2. P. 1. C. XI. §. 6. pag. 321. seqq. & Hollman Pneumatol. & Theol. Nat. Instit. §. 110. Parum roboris inest exceptionibus Morhofii, & Hollmanni; quippe quae conspirant cum illa, quam Macrobius protulit, mox ab Auditore nostro refutanda; verum speciem habet id, quod notat Parkerus circa argumentum ex defectu Veterum Historiarum depromptum. Quamdiu literas nesciverunt homines, inquit, (quas tamen semper nescire possent) monumentis nihil mandare potuissent, neque rei cujusque memoriam diu conservare, cum quae ore duntaxat fiat, cito pereat rerum traditio. At, inquires, si sempiterni fuerint homines, quam ob rem literas non prius invenirent? Id autem de Arte Typographica, de Pixide nautica, de Tormentis bellicis cur non perconteris; cum, scilicet, sex mille annis extiterit hominum genus, ea non nisi ante pauca secula, inveniri contigit. Et tandem concludit l. c. pag. 414. Cum itaque sine literis diuturnae memoriae nihil tradatur, & cum prorsus fortuita fuerit earum inventio, fieri quoque potuit, quantacunque aetate fuerit mundus, novam & recentem esse rerum Historiam. Haec autem exceptio, licet non ab omni ratione sit aliena, non tamen omne argumenti rebus infringit, quippe 1º. quis credat, literarum usum, qui adeo utilis ac necessarius est, per tot annorum millia, ac millionum millia latere potuisse, nisi coetaneos nostros, (quales quam proxime haberi possunt in Atheorum hypothese omnes illi, qui ante sex millia annorum floruerunt, quale temporis spatium ne vix quidem est pars infinitesima aeternae durationis, quam humano generi adscribant) longe vel sagaciores, vel feliciores hibeant vetustissimis mortalibus. 2º. Sine ullo fundamento adfirmat Parkerus, literas casu fuisse inventas. Conf. n. 227. 3º. non mirum est, alias artes atque scientias citius, alias serius inventas fuisse, idque in periodo sex tantum mille annorum, si non absolute sint necessariae ad vitam sustentandam, atque ad promovenda praecipua ejus commoda: ast literarum usus magis est necessarius quam Ars Typographica, quam usus Tormentorum bellicorum, quam Pixidis magnetica, licet ex iis egregiam humanum genus percipiat utilitatem. 4º. Argumentum non petitur ex solo Historiarum, ex solo literarum defectu, vel ex novitate hujus vel illius artis, sed nullae artes excultae fuerunt apud vetustissimos mortales, saltem paucissimae dantur, quarum recentem originem & inventionem demonstrare non licet, ita ut ante quatuor annorum millia in sua infantia constitutum fuerit humanum genus.*

(235)

- (235) *Diluvium, quod totam Telluris superficiem ad illam altitudinem obtigit, ut in locis magis elevatis ingens hominum multitudo salvari ab interitu nequeat, unus Oceani, qui Tellurem circumfluit, aquis produci nullo modo potuit, quemadmodum facili calculo constat: Aqua pluvia non sufficiebat, licet tota Atmosphaera (quod inane est signum) ita fuisset compressa per causas naturales (miraculosas enim admittere non possunt Adversarii), ut in aquam abiret; quippe etiam tunc aquarum altitudo supra maris superficiem tantum fuisset 32 sere pedum. Si aquae Oceani, si aquae subterraneae (quales copiosissimae dantur in Telluris crusta exteriori, dum ignoramus penitus, quomodo sese habeat in partibus centro propioribus) concurrerint cum aqua pluvia, & sic illae aquae ex receptaculis sedibusque suis naturalibus contra visum gravitatis fuerint expulsaе, miracula sunt admittenda, & non sufficiunt causarum naturalium operationes. Si fingamus cum Burneto in Theor. Tell. Sacra passim, praesertim Lib. 1. Cap. 6. seqq. Lib. 2. Cap. 5. seqq. Diluvium fuisse enatum ex dissolutione crustae Telluris exterioris, quae in rerum primordio erat aequabilis, nullisque montibus obsita, ita ut nunc primaevae superficiei rudera habitemus, sub qua, tanquam sub ori testa, aquarum omnium colluvies, antequam ista rimas ageret & corrueret, erat abscondita, nequaquam res erit confecta: quippe, (ut taceam numerosas difficultates, quas contra hanc Telluris, si Dis placet, Sacram Theoriam movi in Telluris Theoria Physico-Mathematica (Natuur en Wiskundige Beschouwinge des Aardkloots) Part. 1. Cap. 18. pag. 381. seqq.) crusta haecce semel tantum dissolvi, & corrui, adeoque unicum tantum diluvium hoc modo oriri potuit, cum in Atheorum Hypothesi repetitae inundationes requirantur, uti, post Bentleyum, ipse notat Cl. Auctor.*

- (236) *Argumentis contra aeternitatem generis humani & totius Universi ab Auctore propositis alia adungere licet, quae quidem in se considerata inter apodictica referri non merentur, sed simul sumta insigne robur addunt reliquis. 10. Scilicet, Tellus nostra, omnesque Planetae non moventur in spatiis coelestibus penitus vacuis, adeoque aliquam, utut exiguam admodum, pati debent resistantiam; ex hac nascitur retardatio, quae eo est minor, quo minor est fluidi retardantis densitas. Hinc vis projectilis, qua agitantur corpora coelestia, sensim debet decrescere; & licet intra pauca secula haecce decrementa vix observentur, attamen, si infinita secula sint elapsa, dudum extinctus fuisset motus Planetarum & ipsius Telluris, & cessante vi projectili, in Solem, tanquam in commune gravitatis centrum, debuissent delabi. Conf. Eulerus Opusc. Tom. 1. pag. 245. seqq. qui probabile judicat, tempus periodicum Telluris quovis seculo quinque minutis secundis mi-*



nui. 29. Dantur rationes Physicae, quae fudent, lumen non propagari in instanti, illudque revera ex Sole aliisque corporibus emitti: luminis igitur particulae, quae per coelestia spatia disperguntur, maximam quidem partem in Solem recidunt, sed earum nonnullae sese jungere videntur cum corporibus terrestribus & forte cum aliis corporibus, quae ad systema nostrum Planetarium pertinent; adeoque Sol post tot annorum miliones foret extinctus. 30. Montes continuo aliquid de sua altitudine amittunt; sive arenulae quaedam ventorum impetu deficiantur, sive aqua pluvia abripiantur; licet igitur quolibet anno vel unicus arenas manipulus deorsum laberetur, per innumera seculorum millia omnes montes solo aequati esse debuissent. Imo Fluvii continuo aliquam eamque satis insignem partem terrestrium copiam in Mare deferunt, quae non regrediuntur, adeoque dudum cavitates illae immensae, quae aquas marinas continent, arenis debuissent esse repletae; ita ut Oceanus, sede sua pulsus, dudum inundasset terram continentem; cum terra subsideret & aquarum superficies eveheretur. Similia argumenta petere liceret tum ex decremento aquae, quod in Tellure nostra obtinere probabile est, quia in vegetabilibus mutari videtur in partes solidas; tum ex filtratione aquae marinae, qua pars salis in poris seu interstitiis arenularum haerere videtur, quando quibusdam fontibus haecce aqua praebet alimentum. Si vel quotannis unica aquae guttula: mutaretur in corpus solidum, si vel unicum Salis granulum decederet quotannis Oceani aquis, post lapsum infinitorum seculorum aqua omnis evanisset, vel aquae marinae omni suo sale fuissent orbatae.





C A P. VI.  
 FUNDAMENTORUM ATHEISMI  
 E V E R S I O,

U B I E T

A D P R A E C I P U A A T H E O R U M  
 A R G U M E N T A R E S P O N D E T U R.

Σύνοψις.

*Scepticus Atheismus evertitur, §. I.*

*Itemque Dogmaticus, generatim spectatus, §. II.*

*Speciatim Aristotelicus, §. III.*

*Stoicus, §. IV.*

*Epicuræus & Stratonicus, §. V.*

*Et denique Spinozianus, §. VI.*

*Respondetur ad argumenta Atheorum, & primo qui-*

*dem ad ea, quæ ab ipso Dei conceptu desumunt, §. VII.*

*Tum ad ea, quæ scientia, & immutabilitas Dei, perperam intellecta, iis suppeditat, §. VIII.*

*Sententiam de Deo, ejusque existentia, inter praejudicatas minime referri posse opiniones, demonstratur, §. IX.*

§. I.

## §. I.

Cum non tantum plurima extra nos ipsos sint, quorum existentia & essentia & proprietates per certa indicia nobis innotescunt, interque ea ipse Deus referendus sit, cumque praeterea in nobis certa facultas sit, res spirituales & a materia separatas, interque eas ipsum Deum certo cognoscendi, atque ipsa quemlibet de hisce omnibus experientia evidentissime convincat; maximopere illos falli, sequitur, qui, uti nec rerum aliarum, ita nec ipsius Dei certam dari cognitionem, sibi persuadent. Atque hinc *Atheismus Scepticus* sua sponte corrui. \*

- \* De Atheismo Sceptico dictum, *cap. II. §. IV. & X.* Nunc paucis saltem fundamenta Scepticorum praecepta evertenda erunt. Generatim autem ex principiis, quae ipsimet concedunt, & sua natura simul evidentissima sunt, erroris convinci possunt. Dum enim de omnibus se dubitare profitentur, non possunt abnuere, quin existant. Qui enim se dubitare dicit, hoc ipso fatetur, quod existat. Si enim non existeret, non posset dubitare. Praeterea, qui dubitat, necesse est, fateatur, aliquid animo suo obversari, de quo dubitat. Qui enim animo cogitationibusque suis nihil agit, ille etiam nec dubitat. At hoc ipsum, quod animo ejus, qui dubitat, obversatur, sive notitionem, sive ideam, sive speciem dixeris, sive alio nomine appellaveris, supponit aliquid, cujus sit notio, sive actu existat, sive existere possit. In quaecunque itaque se vertat partem Scepticus, consistatur, necesse est, existere aliquid, vel existere posse, de quo dubitat, deque eo, quod existat, vel existere possit, eum non posse dubitare. (237) Nemo praeterea negare potest, quasdam notiones ita esse comparatas, ut a nobis ipsis non procedant, ut, cum ejusmodi quid exhibent, quod remove potius, quam arcescere velimus. Hac vero notiones, cum non possint non rei alicujus notiones esse, nec a nobis ipsis procedant, eas rem extra nos designare necesse est: adeoque rursus de rerum quarundam extra nos positarum existentia nos nulla ratione dubitare sinunt. Rerum extra nos positarum diversitas eadem ratione demonstrari potest. Qui enim dubitat, rerum quandam diversitatem non admittere nequit. Qui dubitat, calidumne aliquid sit, an frigidum, concedat, necesse est, quod calidum est, non esse frigidum, & vice versa. Sic & qui ambigit, malumne aliquid sit, an bonum, fateatur, necesse

neceſſe eſt, quod malum eſt, non eſſe bonum, &, quod bonum eſt, non eſſe malum. Certe, dum dubitamus, res diverſas & a ſe diſtinctas inter ſe conferimus atque comparamus, atque hoc ipſo, eas diverſas eſſe, proſitemur. Poſſem ulterius ex innato omnibus ſciendi deſiderio, vano utique atque irrito, ſi nulla daretur certa rerum cognitio, itemque ex mentis humanæ indole atque conſtitutione, certis perſpicuisque plene acquieſcentis, incertis dubiisque per ſe aſſenſum ſuum denegantis, aliisque rationibus demonſtrare, ineptum proſus ſtolidumque eſſe Scepticiſmum, niſi ſupervacaneum hoc exiſtimarem, & alii jam in hiſce omnibus luculenter ediſſerendis, ſtudio operamque ſuam collocaſſent. (238) Id potius adhuc obſervo, argumenta, quibus Sceptici evincere allaborant, incerta omnia eſſe, ad tria revocari poſſe capita. Vel enim ab *objecto noſtræ cognitionis*, ſeu rebus cognoscendis, vel a *facultatibus*, quibus homo præditus eſt, *cognoſcentibus*, vel a *methodo invenendi verum*, depromta ſunt; ex quibus tamen, quæ ad duo priora pertinent, præcipue in cenſum veniunt. Ad objectum quod actinet, res cognoscendas, incertas, fallaces, abſtruſas, involutas eſſe, nec ullo indicio nobis allucere, clamitant, ut adeo nec de proprietatibus earum certi quid ſciri queat. Idque cum generatim, de rebus omnibus, quæ humanæ cognitionis objectum conſtituunt, aſſerunt, ſpeciatiim tamen de Deo, rebusque divinis, adfirmant. Deinde ad alterum quod actinet, mentis humanæ imbecillitate n, labilitatem, defectus varios, mirum in modum exaggerant, & ſenſuum fallaciam atque errores urgent. Tandem & in variis, quæ extant, methodis invenendi verum, multa deſiderant, nullam ſaſtenuſ excogitatam, contententes, quæ ita comparata ſit, ut hominem tuto & ſine erroris periculo ad finem exoptatum, veritatis ſcilicet certam cognitionem, perducere queat. Verum, ſi, quam frivola & lubrica hæc omnia ſint, oſtenderimus, Scepticiſmus, & qui ei innitur, Atheiſmus, ſua ſponte corruct. Falſum nimirum proſus eſt, quod primo loco de objecto cognitionis dicunt, res omnes incertas, fallaces, abſtruſas & ita involutas eſſe, ut nullo indicio nobis innotefcant. Utut enim non negaverim, quædam hinc inde in variis ſcientiarum generibus occurrere; quæ non proſus evidentia ſint, aut obſcuritate quadam laborent; de omnibus tamen generatim rebus, qui hoc adfirmat, is data opera, ſtolidoque conatu, contra ipſam experientiam mihi pugnare videtur. Solent a nonnullis objecta cognitionis noſtræ ad tria revocari capita: cum homo, qui aliquid cognoſcit, aut *ſe ipſum*, aut *Deum*, aut *res alias*, maxime *corpora* extra ſe poſita cognoſcat. Ut quis ſui ipſius exiſtentiam, itemque proprietates animæ & corporis eſſentiales cognoſcat, nihil aliud requiritur, quam ut ſaltem cogitationes ad ſe ipſum, & ad ſenſus ſuos externos, convertat; tumque ea facileprehendet, de quibus nemo niſi ratione omni deſtitutus,

Ss

dubi-

dubitare potest. (239) Ad Deum quod attinet, licet nemo ejus essentiam perfecte comprehendere queat, cum, quod infinitum est, finiti intellectus limites longissime transcendit; indicia tamen, ex quibus & existentia, & summa ejus perfectio, evidenter cognoscatur, non desse, vel ex hactenus dictis nemini obicari esse potest. Quae enim de notitia Dei, tu n insita, tum acquisita, diximus, evidenter demonstrant, non una ratione mortalibus innotescere, quae de Deo ejusque summa perfectione scire, eorum interest. Idque adeo manifestum est, ut nec ipsi tandem reclamare Sceptici audeant. Πάντες μὲν ἀδεύουσι, inquit ex earum mente SEXTUS EMPIRICUS, ἡ δὲ ἕξις τοῦ θεοῦ, ἀπὸ ἀκέραιος ἔστι. *Omnes homines Deorum habent notionem, sed non eodem modo; ad-* *vers. Mathematicos lib. VIII.* (240) Non minus & reliquarum rerum extra nos positarum clara sunt indicia, de quibus ut aliquid dicamus, supervacaneum foret, nec instituti nostri aut permittit, aut requirit ratio. Frustra vero etiam facultates, quae in homine sunt, cognoscentes, a Scepticis sollicitantur. Quantumvis enim humani intellectus in multis non sit neganda imbecillitas infirmitasque, ea tamen nequitiam tanta est, ut non ea homo cognoscere possit, quae ad ipsius conservationem sunt necessaria. Varia eaque evidētissima hoc docent Philosophorum, Mathematicorum cumprimis, principia, in quibus falli aliquem posse, ob summam eorum evidentiam prorsus est ἀδύνατον. Parique evidentia cum cognoscamus, & Deum existere, & quicquid perfectionis cogitari potest, ad essentiam ejus pertinere, frustra humani intellectus in hisce accusatur imbecillitas. De imaginatione, sensibusque externis, idem probari posset, si id hujus loci esset. (241) De methodis denique investigandi & inveniendi verum quod dicunt, lubentes fatemur, non omnes uno eodemque habendas loco. Nec tamen ideo omnes rejiciendae, aut ex incommodis, quibus haec aut illa methodus laborat, inferendum, nullam prorsus dari, qua verum inveniri queat. Eos enim, qui ita rationes subducerent, ipsa iterum refelleret experientia. Hoc sane constat, eos, qui praepiudicatis opinionibus procul facessere jussis, adfectibusque in ordinem redactis, ingeniosam rei cujusque cognoscendae instituunt analysin, eamque deinceps constanter promovent, usque dum distinctam rei, quam cognoscere cupiunt, notitiam consequantur, veritatem certissime cognoscere posse. Nec ignotum est, quo pacto veritas in rebus naturalibus cognita atque perspecta, ad revelationem agnoscendam nos manuducere queat; qua de re alibi ex instituto. Plura contra Scepticos dabunt PETRUS GASSENDUS, tom. I. *opp. de Logicae fine cap. III.* SAMUEL PARKERUS, de *Deo & providentia disput. VI. pag. 494. seqq.* PETRUS DE VILLEMANDY, in *Scepticismo debellato*, cumprimis cap. VII. *seqq.* Jungenda, quae dixi in *dissertat. de Scepticismo morali*, quae extat in *analectis historiae Philosophicae, §. XVIII.*

- (237) *Ratiocinia* Cl. Auctoris hactenus niti videntur axiomate: agere (& sic etiam dubitare) supponit effic: verum, quid si Scepticus etiam hoc axioma in dubium vocaverit? quid si nihil determinare velit, ne hanc quidem propositionem: ego nihil determino, vel ego dubito, uti, quosdam inter Scepticos eo insanae processisse, innuit Diog. Laert. Lib. IX. Sect. 74. conf. Seneca Epist. 88. & Merian dans l'Hist. de l'Acad. Roy: de Berlin. Tom. V. pag. 416. suiv. Sic nihil proficimus in convicendo Sceptico, si sui ipsius apperceptionem velit abnegare. Verum an non sic pugnamus contra Gigantes, qui nullibi, nisi in cerebro nostro, existunt? & si forte reperirentur, an non inter eos forent censendi, qui rationis mentisque non sunt compotes. Omnes vero Sceptici, qui aliquid negotii hic facessere possunt, sunt illi, qui, nullum dari criterium veritatis, perhibent, unde nobis constare potest, illam intelligendi facultatem, quam in nobis deprehendimus, nos non fallere, & nihil, nisi quod vere existit, tanquam vere existens nobis repraesentare. Si eo deventiant, ut intelligendi facultatem in se dari agnoscant, & sic conscientiae vocem suffocare non studeant; haud difficulter per argumentum illud Metaphysicum & fundamentale convincuntur de existentia Entis necessarii aeterni, immutabilis, infiniti, quod supra ad Cap. V. §. 2. n. 162. proposui. Si enim sui ipsius sensum habeant, etiam claram distinctamque perceptionem, seu evidentiam agnoscere tenentur criterium veritatis in omnibus illis rebus, quae immediate percipiuntur; ubi non agitur de convenientia inter nostras ideas, sensibus, testimonio aliorum hominum & ratiocinio analogico acquisitas & inter objecta externa, pro quorum repraesentaminibus a nobis habentur. Non magis diffiteri possunt, se aliquid clare & distincte per intimam conscientiam percipere, quam, se dolorem ex punctura acus non sentire, quando membrum, cui vulnus infligitur & totum corpus bene est dispositum. Conf. s'Gravesande in Oratione de Evidentia passim, Villemandy in Scepticismo debellato Cap. 6. seqq. Nicuwentyd Gronden van Zekerheid. 1<sup>ste</sup> Deel 6<sup>de</sup> Hoofdstuk. Gassendus de fine Logicae. Part. 2. Cap. 2. Operum Tom. 1. pag. 69. seqq. Dissertationes Berolinenses de Evidentia A. 1764. in lucem emissae.

- (238) Cl. Buddei *ratiocinia*, Scepticos impugnatura, paulo distinctius sunt evolvenda. Certum quidem est, dari in nobis notiones res externas repraesentantes, quae a nobis non pendent; imo quae saepe nobis invitae adsunt; verum nullo modo, exinde sequi, contendet Scepticus, eas rem extra nos designare, adeoque de rerum quarundam extra nos positarum existentia nulla ratione dubitare sinere; cum in eo versetur controversiae status, an existant illae res extra nos, quae

per ideas nostras repraesentantur, & an revera ita sese habeant, uti per ideas illas pinguntur? cum provocent Sceptici ad somnia, & ad fallaciam sensuum; ita ut videre, audire, tangere putemus, quod revera non videmus, vel alio modo videmus, audimus, tangimus. Adeoque, ut effugia Scepticorum & Idealistarum evitemus, potius hoc modo est ratiocinandum. Quo diutius accuratiusque contemplamur illa rerum repraesentamina, quae aliquid extra nos pingere videntur, quaeque a nobis non pendent, atque aliquando nobis invitis adsunt, eo majorem in illis detegimus pulcritudinem, eo arctiorem & concutiorem inter illas deprehendimus nexum & ordinem, cujus causa non sumus, in quo nihil possumus mutare; nec hodie nobis praevidere licet, quid cras per experientiam detegemus. Ordo igitur ille originem suam debet causae externae, summa sapientia conspicuae, quae continuo exhiberet ludibria, si res illis repraesentaminibus respondentes extra mentem nostram non existerent; atque adeo causa sapientissima simul delectaretur istis lusus atque ludibriis, quibus entibus felicitatis capacibus, ex veritatis cognitione voluntatem veram capientibus, perpetuo suum facit. De hisce fusius agere vetat instituti ratio. Conferendi sunt Locke de Intell. Hum. L. 4. C. XI. Villemandy l. c. Cap. 8. pag. 43. seqq. Cap. 18. pag. 101. seqq. Buffier Cours des Sciences col. 57. suiv. Bulfinger Diluc. Philos. §. 388. seq. in primis Boullier Traité de la Certitude Morale. Ch. 7. §. 9. suiv. Croufaz Examen du Pyrrhonisme pag. 70. suiv. pag. 96-105. pag. 181. suiv. Essay de Psychologie pag. 96-106. Hollman Log. §. 129-143.

Qui vero dubitant, an calidum quid sit, an frigidum, bonum quid sit, an malum, revera differentiam idealem agnoscunt inter calidum & frigidum, inter bonum & malum; sed, nisi ea ratione insulamur ratiocinia, qua modo sui usus, non multum proficere poterimus; ideoque monstrandum, differentiam illam extra mentem revera ita se habere, uti in idea nobis obvertitur: cum alio modo sit pugnandum contra Scepticos, qui omnia incerta esse putant; alio iterum modo contra illos, qui in Idealistarum castris versantur, quos Cl. Buddeus hic praesertim respicit. Si vero omnia incerta pronuntiant, etiam se omnia incerta pronuntiare, totum ratiocinium Viri Cl. non multum haberet roboris, quia nescire se perhibebunt, an detur differentia inter calidum & frigidum, cum omnes nostrae ideae malefidae sint duces.

- (239) Potest quis dubitare, an vigilet, an somniat, an corpus habeat nec ne, (licet & hic insignis satis sit vesaniae gradus) ast non video, quomodo de propria existentia dubitare queat, cum per intimam conscientiam

scientiam de eâ convincatur; *conf.* ea, quae breviter notavi n. 237. Non quaeritur, an perfectam nostrî ipsius, praesentim mentis nostrae, (quam solam per conscientiam cognoscere licet) possideamus notitiam; licet ignoremus, in quo consistat mentis essentia, an semper cogitet, quomodo acquirat, quomodo in sinu suo reponat & ex eo reproducat ideas, licet in sexcentis aliis inscitiam nostram consiteri debeamus, vel arctos ingenii humani limites, sentimus tamen, seu apperceipimus (stylo Leibnitiano) nos cogitare, nos dubitare, nos existere; sentimus, nos limitatam & mutabilem habere naturam; atque hoc omnino sufficit, cum sic ansa praebetur disquirendi, quaenam sit mentis nostrae origo, quaenam sint ejus facultates, in quo reposita sit ejus felicitas, &c. *conf.* n. 162.

- (240) Nihil magis strenue urgent Sceptici ad Atheismum proclives, quam, omnes divinae existentiae Defensores agnoscere, Deum esse, ut vulgo loquimur, incomprehensibilem; quam difficultatem breviter Atheorum nomine sic proponit Cudworth. *Syst. Intell.* pag. 74. Fugit rationem nostram perfecta supremi Numinis notio: nemo unus est, cui liceat accurate comprehendere omnia, quae ad naturam referri solent divinam. Igitur, quod Deum vocant mortales, id incomprehensum nescio quid & nihil est. Fatendum certe id, quod ex finitis mentis humanae facultatibus necessario sequitur, nos admodum imperfectam Deitatis habere notitiam, sive respiciamus ad modum, quo existit Deus, vi suae naturae, sine initio, sine successione momentorum, sine fine, quo omnia simul intelligit, quo omnia simul vult; sive attendamus ad Dei operationes, & ad ejus omnipraesentiam sine diffusione per mundana spatia, quae omnia brevi in tabella exhibui in Primis lincis Theol. Nat Theor. §. 144. Verum plurima dantur in mente nostra, ejusque cum corpore conjunctione, quae ignoramus, quorumque modum non habemus perspectum; an inde concludam, mentem non existere, vel eam cum corpore non esse unitam? Ubique in rebus naturalibus extra nos positâ reperimus indubia phaenomena, quae a nobis explicari nequeunt; sed an ab ignorantia moti concludere licebit ad negationem ipsius rei? Sincerus Philosophus igitur dicere potest, id, quod mentem appellamus, id, quod corpus vocant mortales, incomprehensum quid est; sed an adjiciet, si sana in pectore mens vigere pergat, est mens, est corpus nihil? Verum de hisce aliquid addendum ad §. VII. hujus Capituli, ubi Gl. Auctor directe ad hanc Objectionem respondebit.

- (241) *Conf.* ea, quae notavi ad Cap. V. §. 7. n. 210.



## §. I I.

Materiam porro quocunque modo consideres, nihil in ea deprehendes, quod existentiam ejus necessariam evincat. Immo nihil obitare, facile perspicies, quo minus & non existat. Idque eo magis, quod materia minime pro ente perfectissimo haberi queat, cui tantum necessaria existentia convenit. Et ita generale *Atheismi Dogmatici* fundamentum prosternitur. \*

\* Etsi varia dentur Atheismi Dogmatici genera, in eo tamen omnes Atheos, certum systema sequentes, convenire necesse est, materiam semper fuisse, & ad ejus essentiam pertinere existentiam necessariam. Si enim materia non necessario existit, tempus esse potuit, quo omnino non extitit. Si ergo aliquando non extitit, quae ergo ejus origo? & unde hiece mundus? Obmutescendum ergo hic est Atheis, quicunque fuerint, sive Aristotelis, sive Epicuri, sive Spinozae systema sequantur, aut asserendum, materiam semper extitisse, immo necessario existere. Hinc supra jam ad *cap. II. §. X.* hoc generale omnis Atheismi Dogmatici fundamentum esse, observavimus; quod si evertatur, omnia illorum corrucere systemata necesse est. Praecipue itaque nobis demonstrandum est, ad essentiam materiae non pertinere existentiam necessariam; tum enim facile, eam semper non extitisse, comprobari potest. Necessario autem materiam non existere, primo inde liquet, quod in ejus conceptu nihil deprehendam, quod existentiam necessariam inferat. Sane quicquid existit, dum existit, non potest non existere. Inde vero non sequitur, quod id, quod nunc existit, etiam semper extiterit, & quod nunquam peritutum sit. Et ita etiam cum materia se res habet. Nulla prorsus ratio afferri potest, cur ea, quae nunc existit, semper existere debuerit, aut cur non existere nequeat. Existentia ergo ejus non est necessaria. Praeterea si omnes materiae proprietates, extensionem, divisibilitatem, facultatem recipiendi motum consideres, nihil, quod existentiam necessariam in iis inferat, deprehendes. Cur enim, quaeso, ens ejusmodi, in quo extensionem, divisibilitatem, & alia ejusmodi observo, necessario existeret? Quid obstat, quo minus concipiam, ejusmodi ens non esse, vel non fuisse, vel in posterum non fore? Sane ad conceptum entis perfectissimi, omnibusque numeris absoluti, pertinet existentia necessaria. Sed tantum abest, ut materiam pro ente omnium perfectissimo consummatisimoque habere debeam, ut maximas contra gravissimasque in ea depre-

prehendam imperfectiones. Est enim materia in se spectata, ens mortuum, mere passivum, vita & motu destitutum, nisi motum ab alio accipiat. Quod licet per se manifestum sit, in sequentibus tamen ex instituto demonstrabitur. Cumque nobis vel ex mentis nostrae inspectione constet, dari substantias, intellectu, voluntate, facultateque movendi corpora praeditas, ejusmodi quid autem in materia non deprehendam, sequitur, materiam ejusmodi substantiis longe esse ignobiliorum imperfectiorumque. Immo & ad sensationes quod attinet, eas formaliter ipsi materiae non inesse, sed ex varia saltem materiae dispositione, figura, motu, in mente nostra excitari, pridem Philosophis quibusdam est observatum. Quis ergo materiam pro ente omnium perfectissimo venditare auderet? Quare & existentia necessaria frustra ei tribuitur. Si dicas, si vel maxime materia non existat necessario, sufficit tamen, quod semper extiterit; hoc quidem gratis asseritur. Quod si enim hoc negem, unde probabis? Immo non extitisse, inde evinco, quod mundus hiecc non semper fuit, ut *cap. praeced.* §. XI. luculenter evicimus. Quod si materia ab omni aeternitate atque per infinita jam secula fuit, aut, & mundum ab omni aeternitate fuisse, concedendum, aut ratio danda, cur in certo temporis spatio demum extiterit. (242) Posterius cum Atheus facere nequeat, nisi ad veterum Philosophorum de exustionibus & diluviis ineptias iterum delabi velit, prius ei est asserendum, quod aequè absurdum est. Ad rationem praecipuam, qua gentiliū Philosophi inducti, materiae aeternitatem & existentiam necessariam asseruerunt, quod *ex nihilo nihil fiat*, supra jam ad *cap. II.* §. X. responsum, atque ostensum, de causa materiali hoc equidem procedere, minime autem de causa efficiēti infinitae virtutis. (243) Haec enim quo minus ex nihilo aliquid facere queat, nihil profecto obstat, etiam modum ratio capere nequeat. Jungenda hīs, quae contra necessariam materiae existentiam disputat JAC. ARNOLDI, de veritat. & certitud. Christian. relig. sect. I. cap. VI. §. IV. seqq. pag. 49. seqq.

- (242) Si materia concipi possit tanquam non existens, sive si ratio sufficiens, ob quam existit, non sponte sua & necessario ex ipsius essentia sequatur, ita ut ejus non-existentia nullam involvat contradictionem, atque adeo ejus existentia sit contingens, in alio ente a se diverso rationem sufficientem suae existentiae debet habere repositam; sic non a se, sed ab alio habet originem, ac proinde initium suae existentiae agnoscat necesse est. Praeterea nulla datur materiae pars, quin & limitata sit & mutationibus subjecta; cum tamen omne ens necessarium sua natura sit infinitum, seu nullis limitibus circumscriptum, nullisque vicissitudinibus obnoxium. Vid. meae primae Lineae Theol. Nat. §. 14, 18, 33 & 34. Si igitur materia a causa externa originem & si:

*sic suae existentiae initium habeat, aeterna esse non potest; etsi vel concederem eam ab aeterno creari potuisse, (quod minime concedendum puto, cum non ab omni absurditate liberari possint argumenta quae in contrarium proponuntur a Bultingero Diluc. §. 192, 460, 465.) nihil lucrarentur adversarii; quia sic Ens aeternum a materia diversum, potentia creandi, seu vi infinita conspicuum, hoc est, ipsum Deum agnoscerent. Non igitur simpliciter dicendum cum Cl. Auctore, gratis adumi, materiam semper extitisse, sed eo ipso, quod non existit necessario, sua sponte sequitur, eam non semper extitisse; cum hoc involveret, eam sibi ad existendum sufficere, & a nulla causa externa suam originem accepisse: si vero contingenter existeret, & sic suam originem ab alio haberet, etiam ab alio initium existentiae fuisset nata, atque adeo non semper extitisset.*

- (243) Canon hiece vulgatissimus variis modis potest intelligi; concidit cum regula: nihil sic sine causa; quia omne, quod fit, est effectus aliquis, qui causam requirit; quia haec sunt relata & correlata (uti Veteres loquebantur Logici): concidit quoque cum regula: nulla nova res existentiam acquirere potest absque causa externa; quia initium existentiae a se habere nequit, quatenus sese ipsa produxisset, & sic operata fuisset, antequam esset; cum nequidem de Deo dici possit, Eum esse causam efficientem suae existentiae: concidit denique cum hac regula: nihil ex nihilo, tanquam ex causa, gigni potest; quia non entis nullae sunt adfectiones, nullae vires; proinde, siue nihil spectetur tanquam causa efficiens, siue ut causa materialis, (quae causae nomen vix meretur, licet contrarium visum fuerit Veteribus Dialecticis) ex nihilo nihil fit; si unquam fuisset temporis momentum, quo existeret nihil, etiam nunc nihil existeret. Verum an inde concludent, nullam naturam, utut infinitis viribus conspicuam, efficere posse, ut ens aliquod possibile (cujus existentia nullam involvit contradictionem) acquirat existentiam, tanquam nudae possibilitatis complementum? an inde exsculpent, istiusmodi Ens materia indigere, uti architectus indiget lapidibus, ut aedificium extruat? an non materia ex innumeris constat partibus, quarum quaelibet seorsim existere posset, absque concursu reliquarum, & an non sic innumera existerent entia non creata, adeoque necessaria & independentia? Nimum manifesta est horum omnium absurditas, quam ut verbose demonstraretur. Neque aliqua inest efficacia argumento, de quo agit Canzius in Meditat. Philos. §. 552. nimirum *Fieri est non plane existere; factum esse significat plane existere: aut materia fiebat & facta erat simul; aut primo momento fiebat, altero facta erat: si prius, & plene & non plene existeret simul; si vero posterius, supponitur, materiam primo imperfecte extitisse, postea eam fuisse dispositam. Non unum certe datur*

vi-

vitium in hoc ratiocinio ; cum creatio , per quam materia est exorta , facta fuerit in instanti , quatenus nullum datur , aut dari potest medium inter non existere & inter existere : plene existerat , vel non existerat materia ; plene existerat eo ipso momento , quo Deus efficacissime volebat , ut existeret . Et sic nulla successio in actu creationis primo concipi potest , quin tota pereat Creationis idea .

### §. III.

Materia ergo cum nequiquam necessario existat , nec semper extiterit , multo minus mundum , prouti nunc est , semper fuisse , dici potest . Eos sane , qui id sibi persuaferunt , in gravissimo versari errore , facile demonstrari potest . Pessime etiam iidem causae suae consulunt , dum per formas & qualitates , naturae phaenomena explicare annituntur . Praeterquam enim , quod haec philosophandi ratio , in se spectata , absorta sit , & unanimi fere consensu hodie rejiciatur , cum sententia , quae mundi aeternitatem statuit , ejusque Creatorem rejicit , nullo modo conciliari potest . Et ita *Aristotelici Atheismi fundamenta collabascunt* . \*

\* Cum mundi aeternitas ad cap. praeced. §. IX. rationibus evidentissimis jam destructa sit , eas ut hic repetamus , necesse non est . Quare id saltem observamus , gentiliū istos Philosophos , quibus mundi ex fortuito atomorum concursu ortus , nimis absurdus videbatur , & principium illud , ex nihilo nihil fit , perperam intelligebant , simulque vim potentiamque infinitam Creatoris aut ignorabant , aut non admittebant , in hanc de aeternitate mundi ingressos sententiam , quam minoribus incommodis premi putabant , quam illorum , qui mundum ex atomorum concursu fortuito ortum assererebant , etsi & ipsi rationibus in contrarium , non aliter , quam per inanes absurdissimasque de eluvionibus hujus universi , hypotheses , obviam ire poterant . Atque hinc facile rationes , quibus pugnabant , & quid ad eas respondendum sit , intelligere licet . Haud infima haec est ; si naturae auctor conditorque statuatur , non posse dici , quis ille sit , unde venerit , quando , aut qua ratione mundum exstruxerit ? & quae alia sunt ejusdem generis . Audire hac de re LUCIANUM juvabit . Cum enim dixisset , *variā esse de mundo sententiam , siquidem aliis non genitus , nec interiturus*

esse videatur : alii autem & opificem ejus & fabricandi modum ausi sunt dicere, quibus verbis Christianos eum perstringere, nonnulli putant, sed Platonicos potius ea ferire, ex sequentibus liquet; cum de hisce subjicit : *ὅς καὶ μέγιστος ἱερέμαχος, ἦν μὴ πᾶσι πᾶσι τῷ ὅλῳ ἱερεῖας, ἀλλὰ πρὸς ὅσους αὐτὸν ἦν, καὶ οὐκ ἑαυτῷ, ἀλλὰ τοῖς ἄλλοις.* Quos quidem cumprimis admirabar: quod, cum Deum quandam rerum omnium opificem constituisent, non. etiam illud adderent, vel unde is esset profectus, neque, ubi consisteret, cum singula fabricaretur. Nam ante universi ortum non possis vel tempus vel locum imaginari; in Icaro-menippo tom. II. opp. pag. m. 191. Eundem fere in modum VELLEJUS contra Platoniam mundi creationem apud CICERONEM discribit: Quibus enim oculis animi potuit vester Plato, fabricam illam tanti operis, qua construi a Deo atque aedificari mundum facit? quae molitio? quae ferramenta? qui vestes? quae machinae? qui ministri tanti muneris fuerunt? quemadmodum autem obedire & parere voluntati architecti aër, ignis, aqua, terra, potuerunt? Unde vero ortae illae quinque formae, ex quibus reliqua formantur, apte cadentes ad animum efficiendum pariendosque sensus? de natura deor. lib. I. cap. VIII. Pari ratione & ARISTOTELES Anaxagoram irridet, quod mente non aliter ac machina ad mundum formandum utatur, metaphys. libr. I. cap. IV. PLUTARCHUS Platoniam mundi formationem impugnaturus, quaerit, num Deus jam extiterit, cum corpora se movere inciperent? Cumque negari nequeat, eum ab omni aeternitate extitisse, num dormierit, an vigilaverit, an neutrum fecerit? porro quaerit, cum ab omni aeternitate dormire, idem sit, ac mortuum esse, ulterius progreditur, &, num ad summam beatitudinem aliquid ei defuerit, aut non defuerit, interrogat. Si defuit, cur mundum creavit? de placitis Philosophor. lib. I. c. VII. Proxime huc accedit illorum obiectio, qui, quid Deus, antequam mundum eonderet, egerit? & cur non pridem antea, vel ab omni aeternitate eundem condiderit? quaerunt; & quae reliqua sunt ejusdem generis. (244) Haec vero omnia, quam frivola, ludiera & plane puerilia sint, nemo non intelligit. Unico vero ictu cuncta prosterani possunt, si ens aliquod summe perfectum, infinitae potentiae, omnis materiae expers, & liberrime cuncta agens, supponatur. Neque tantum nihil obstat, quo minus ejusmodi ens perfectissimum, & a materia omni secretum, supponi queat, sed rationes quamplurimae, revera ens ejusmodi esse, evidenterissime demonstrant atque evincunt. Cumque non alia suppetat ratio, ex dubiis omnibus, quae circa rerum naturam se offerunt, eluctandi, id admittendum esse, nemo, nisi coecus prorsus atque rationis.expers fuerit, abnuerit. Et ita facile ad rationes antea propositas respondere licet. Si namque quaeras, quis auctor conditorque hujus universi sit? Deus est, seu

cns

ens illud perfectissimum, potentissimum, liberrimumque, quod antea descripsimus. Unde venit? Semper fuit. Quo in loco fuit? Ubique adest. (245) Qua ratione mundum fecit? quibus instrumentis, quibus ministris usus est? Nullis. Ens enim, quod infinitae perfectionis & potentiae est, unico nutu omnia ex nihilo producere potest, nec instrumentis aut ministris indiget. Cur autem non pridem antea, aut ab omni aeternitate mundum condidit? (246) Quia sic placuit. Est enim, ut antea diximus, ens liberrimum. Beatusne fuit, antequam mundum conderet? Fuit. Cur ergo mundum condidit? Ut gloriam & sapientiam suam manifestaret. Quid ante mundum conditum egit? Hoc scire nostra non refert; unde nihil aliud agunt, quam ut stultitiam suam prodant, qui hac de re quaerant. Qui vero ad mundi aeternitatem probandam, Deum necessitate quadam ad eum condendum inductum, putant, hoc ipso, se nescire, quid Deus sit, significant. Non minus enim ens liberrimum est, quam perfectissimum. Falsumque est, quod Deus omnia necessario agat. Ita enim libertate destitueretur. Immutabilitas vero voluntatis divinae ita capienda, ne per eam summa ejus libertas evertatur. (247) Jam quod ad *qualitates* & *formas substantiales* attinet, per quas Aristotelici systematis defensores rerum naturalium phaenomena explicare annuntur, primo ex ipsa materiae accuratori consideratione patet, qualitates illas formasque substantiales vanas esse atque inanes. Praeter extensionem enim ac divisibilitatem, potentiamque motum & figuram varias recipiendi, in materia nihil deprehendimus. Nullae itaque partes materiae in se spectatae, aut calidae, aut frigidae, aut siccac, aut humidae, erunt, sed si quid ejusmodi sentimus, id pro mentis nostrae quadam passione aut affectione, ex diversa particularum, ex quibus materia constat, figura, situ, motu, orta, est habendum. Obstat praeterea huic sententiae decantatum illud Philosophorum veterum, & in Aristotelica quoque Philosophia receptum, principium: *ex nihilo nihil fit*. Cum enim in materia nihil prorsus, quod formis illis substantialibus, qualitatibusve simile sit, deprehendatur, fateatur necesse est, qui eas defendere annuntur, formas illas substantiales ex nihilo oriri. Qualem-cunque enim entitatem habeant, causa tamen quaedam eis assignanda erit. Si dicant, qui sententiae istius patrocinium suscipiunt, non esse formas istas in subiecto suo, sed ex eo tamen educi, actione, quae non *creatio*, sed *eductio* vocanda sit, omnium se exponent ludibrio, cum nemo mortalium, quid sibi velint, intelligere queat. Nihil itaque aliud superest, quam ut aut fateantur, se nescire, quid dicant, aut creationem admittant. Quo ipso simul patet, ad rerum naturalium phaenomena explicanda hocce systema longe esse ineptissimum, nisi creatio admittatur. Quemadmodum vero nec reliquae formae aut qualitates, seu entitates reales, ex materia educi possunt, ita multo

minus, quo pacto anima hominis hac ratione originem suam accipiat, concipi potest. Cum enim in materia nec sensus, nec cogitatio, nec libertas sit, num fieri possit, ut sine creatione ex materia substantia a materia prorsus distincta, sentiendi, cogitandi, adpetendi facultate, libertateque praedita existat? Coecus sit, rationeque omni destitutus, qui hoc sibi persuadeat. Immo nec motus rationem per hanc hypothese fin reddi posse, nonnullis observatum. Licet enim vel maxime dicant, ex materia generali formas & qualitates, & in eam corrumpi, semper tamen remanet quaestio, cum generatio & corruptio sine motu fieri nequeat, unde iste motus? quaeve ejus causa sit efficiens? cum materia se ipsam nec movere, nec mutare queat. Sed plura non addo, cum jam pridem formae istae substantiales & qualitates ex orbe Philosophico proscriptae sint. (248) Rationes in compendio exhibet JOHANNES BAPTISTA DU HAMEL de consensu vet. & novae Philosophiae, libr. I. cap. VII. §. VII. pag. 157. seqq.

- (244) *Paucissimi inter Gentiles Creationem ex nihilo, qualem nos admittimus, hoc est, Creationem veri nominis, concoquere potuerunt; & forte Christiani Philosophi minus fuissent in hocce momentosissimo dogmate tuendo strenui, nisi Revelationis lumine, nebulas praepudiciorum & difficultatum nubes pellente, fuissent collustrati: vix amplius nobis repraesentare possumus tenebras, in quibus versati fuerunt illi, qui fidissima illa Cynosura caruerunt, licet nunc, postquam de mundi origine aliunde certi sumus redditi, errores Gentilium luce meridiana clarius perspiciamus, & per argumenta indubia ex sanae rationis sinu hausta illos quaeamus refutare. Nec defuerunt, inter primitivae Ecclesiae Christianos, qui de hocce dogmate non fuerunt persuasi, praepudiciti, ex Gentilium Philosophia natis, nimium occoecati, uti demonstravit Moshemius in Diss. de Creatione ex nihilo, quae inserta est Cudworthi Syst. Intell. pag. 957. seqq. Vid. quoque Burnet Archaeolog. Lib. 1. Cap. 7. praesertim Lib. 2. Cap. 9. pag. 440. seqq. Edii. Lond. 1733. Eruditissime autem, more suo, docuit Moshemius l. c., nullum hactenus oblatum vel Philosophum, vel Populum, a lumine Revelationis destitutum, quem constet, eandem, quam Christiani de rerum Originibus & Creatione fovisse opinionem, dum sese fucatis ambiguisque Platoniorum quorundam dictis decipi non fuit passus Vir perspicacissimus.*

- (245) *An quidem ad quaestionem Quo in loco fuit? (scilicet ante Mundi creationem) responderi potest: Ubique adest? Omnipraesentia Dei, quam nunc, posita hac spiritali & corporea rerum universitate, agnoscimus, non respicitur; sed quaestio unice versatur circa Dei praesentiam, antequam, secundum sententiam illam, quam hic contra Atheos*

*Atheos Aristotelicos defendimus, hocce Universum, atque materiam, ex qua hoc Universum corporeum constat, crearet. Si spatium appellare velimus quidquid corporum existentiae non resistit, per seccundae imaginationis lusum concipere liceret spatium antemundandum, non creatum, infinitum, in quo Deus ante creationem fuit praesens; sed spatium hocce fuisset imaginarium, & sic praesentia Dei in illo spatio imaginaria penitus fuisset atque conficta; uti conficta est praesentia Divina in spatiis imaginariis, quae extra Mundi fines concipiuntur. Ad quaestionem igitur: quo in loco fuit Deus ante creationem, nihil aliud respondere licet, quam quod sit absurdissima; cum locum sine spatio, & spatium sine corpore concipere non liceat, quatenus spatium est relatio, cujus ideam formamus, quando attendimus ad distantiam inter duo vel plura corpora, vel ad distantiam inter terminos idem corpus circumscribentes. Sic Deus ante hujus mundi creationem sibi intime erat praesens; cujus praesentiae modum ignoramus; nec mirum; cum etiam nunc modum, quo Deus rebus creatis est praesens, non habeamus exploratum, eumque magnam partem per ideam negativam nobis sistamus.*

- (246) *Vocabulum antea, & sic pridem antea suam habent relationem ad tempus, quod est mensura durationis successivae; ita ut tempus non existeret, antequam existerent entia successive durantia, seu magis magisque ab initio suae existentiae recedentia. In hac vero quaestione (quae semper potuisset repeti, licet Mundus ante sexcenta annorum, imo seculorum millia fuisset creatus) supponitur, tempus fuisse, ante quam existeret Mundus, & Deum per aliquot secula, vel seculorum millia in capto decreto acquievissse, antequam sese accingeret creationis operi. Si forte videatur, huncce mundum eo sensu citius creari potuisse, ut a mundi initio ad nostra usque tempora non tantum sex fere annorum millia effluxissent, sed ut nos longe pluribus seculis ab initio illo essemus remoti; ab altera parte observandum, hoc ipsum statui non posse de hoc mundo, sive de hac rerum creaturarum serie, nisi fingamus vel prolongatam quasi fuisse seriem a parte anteriori, ita ut aliae res additae fuissent huic seriei, quo facto non eadem manifestaretur series, idem systema rerum possibile; vel singulas res hanc seriem constituentes longius durasse, quod cum concatenatione causarum & effectuum, quam Deus pro sua sapientia in hoc mundo constituit, consistere non posset; alia potius fuisset concatenatio; Conf. Cudworth l. c. pag. 1187. seqq. ibidemque Moshemius & Dissertations sur les Monades de l'Academie de Berlin pag. 345. suiv. ut & Canzian Me. dii. Philos. §. 560. seqq.*

*Quod attinet ad alteram quaestionem Atheorum, cur Deus non ab omni aeternitate Mundum condiderit? responderi non potest cum:*

Tt 3

*Auctore::*



*Auctore: quia sic placuit; quoniam creatio ab aeterno, quemadmodum supra n. 242. jam notari ad §. 2. hujus Cap. est absurda penitus, si per Aeternitatem intelligamus existentiam sine initio, sine fine, sine successione momentorum; Creatio suppeditat initium existentiae, adeoque Creatio, quae ab aeterno fit, hoc sensu contradictionem involvit. Attamen inter illos, qui de Mundi Origine per creationem erant persuasi, reperti fuerunt, qui eum ab aeterno creari potuisse putarunt, de quibus videri possunt Parkerus de Deo Disp. IV. Sect. 1. (qui ipse non satis recte in hac parte sentit) Moshemius ad Cudworth pag. 290. seqq. Schubert Metaph. §. 891. pag. 516-522. de Algemeene Historie vertaald door W'esterbann. 1<sup>ae</sup> Deel, pag. 13. Poiret Cogit. Rat. Lib. 13. Cap. 16. §. 9. Si autem quaeratur, an fieri potuerit, ut Deus ejusque creaturae semper simul extiterint? intricata satis est quaestio. Fatendum, Deum ab omni aeternitate potentia infinita, adeoque potentia creandi fuisse gavisum, semperque Eum hanc potentiam potuisse exercere; fatendum quoque, a nobis, qui aeternitatis successionis expertis ideam tantum negativam habemus, concipi non posse, quomodo Deus transierit a potentia ad actum, vel quo modo a non creante fieri potuerit creans; fatendum denique creaturam, quae semper cum Deo exstitit simul, non ejusdem propterea aeternitatis cum Deo esse participem, quia successive durat: attamen Deus, tanquam causa, exstitit ante effectum suum, qui extra Eum exsistit; & omnis effectus a causa sua realiter diversus initium existentiae suae habere debet. Creare certe est initium existentiae concedere, quae antea non aderat. Quin imo! ponamus, creaturam existere, quae semper exstitit simul cum Deo, series momentorum, quae ipsius durationem constituunt, continuo augetur; quod de serie dierum, annorum, seculorum verum quoque esse debet. Momenta igitur, dies, anni, secula, quae nunc praeterierunt, quaeque ab hoc momento sunt remotissima, aliquando fuerunt praesentia, & sic tandem ascendendo pervenire debemus ad aliquod primum; eodem modo, quo supra n. 165. ratiocinati fuimus circa progressum causarum effectuumque infinitum.*

*Licet autem Deus semper suam potentiam creatricem exercere potuerit, non tamen haec ipsa sese extendit ad contradictoria; jam vero creatura aeterna, vel ab omni aeternitate producta, hoc est, creatura sine initio est manifestissima contradictio, cum simul ipsi initium adsignetur; summo pere igitur fallitur Cartesius in Resp. ad Obs. VI. §. 6. quando dicit. Non ideo voluit mundum creare in tempore, quia vidit, sic melius fore, quam si creasset ab aeterno, &c. Neque ingeniosus Robinet (de la Nature Tom. I. pag. 27. suiv.) recte satis dixit: si Deus potuit creare ab omni aeternitate, res aliqua potuit existere ab ipsa aeternitate Dei (si Dieu a pu creer de toute eternité, quelque chose a pu exister des l'eternité meme de Dieu)*

*Deum*) Res quippe ab omni aeternitate possibiles fuerunt, sed Deus ex ab omni aeternitate non potuit creare, quia vel nullum habuissent initium (quod contradictionem involvit, si creatae dicantur), vel ab omni aeternitate initium acceperunt, quod iterum absurdum est.. Mundum non aeternum esse, aut esse posse, concedere videtur Robinet; sed ab omni aeternitate creatum esse idem est, acsi dicamus ab omni aeternitate initium existentiae acquisivisse; ad quod proinde ascendendo pervenire licet; & sic habere aeternitatem exhauriendam determinato, utut incognito, seculorum, vel momentorum numero; ideoque eatenus dicendum potius, in aeternitate Deum creasse hunc mundum, quatenus eo ipso momento demum, quo res qualiscunque contingens existentiam, seu nudae possibilitatis complementum acquirebat, incipiebat tempus. Sic Deus neque ab omni aeternitate, neque proprio sensu in aeternitate, neque denique in tempore creavit, sed dum creabat (licet actio ut momentanea sit concipienda) incipiebat tempus ab ipso illo puncto, tanquam termino. Sic existere ab aeterno & aeternum esse hoc sensu reuera idem significant; nisi dicere velimus, mundum, qui ante sex annorum millia est creatus, non esse aeternum, sed ab aeterno creatum; cum tempus demum inceperit, dum condebatur.

- (247) Quid sibi velit Cl. Auctor hisce verbis, patebit ad §. VIII. hujus Capituli: respicit non tantum immutabilitatem decreti divini, quam non, nisi cum limitatione, agnoscit, verum etiam sententiam eorum, qui existimant, Deum necessario (moraliter, scilicet, necessario) hunc mundum creare debuisse, ita ut Deus non fecisset id, quod optimum suisve perfectionibus convenientissimum est, si vel solus mansisset in fruitione suarum perfectionum beatissimus, vel alium creasset Mundum, ab hocce, qui nunc existit, diversum. Verum qui sic statuunt, nullo jure huc trahuntur, acsi cum Deitatis osoribus paria facerent, de quibus nunc uberius disputare non licet.

- (248) Vix ex Aristotelicorum scriptis dijudicare datur, quid per formas substantiales & qualitates intellexerit; neque Aristoteles unquam tales agnovit formas substantiales, quales confictae sunt ab ejus Affectis, qui Praeceptoris sui mentem male fuerunt interpretati, ob ambiguitatem vocis *ous*, quae aliquando substantiam, aliquando vero essentiam apud eum denotat; quod pluribus docuit Sturmius Phys. Elect. Tom. 1. pag. 78. seqq. Neque veram eorum sententiam satis explicat, ad quem Cl. Auctor provocat, Hamelius. Si sint substantiae materiales, & tamen a materia distinctae, incompletae, quae sine materia subsistere nequeunt, sed, cum materia junctae, corpora naturalia componunt, omniumque, quae in corporibus observantur, operationum prima.

*prima sunt principia, certis nihilominus qualitatibus utentes, tanquam instrumentis, ad effectus producendos (Conf. de Volder de Rerum Natur. Principiis §. 72. seqq.) quaeritur, an dici possint substantiales formae & substantiae materiales; cum materiae inhaerere debeant, cumque neque sint mentes, neque corpora; praeterea activitas quaedam iis inesset, quae in materia frustra quaeritur, si haec prima operationum, quae a corporibus eduntur, foret origo. Et quid, si, tales formas substantiales in rerum natura dari, concederemus? an aliquid inde lucrarentur Athei Aristotelici? an non de harum formarum origine quaerere liceret? an vero sunt entia necessaria, aeterna, independentia, quae tamen materiae contingenti inhaerere debent? Istiusmodi nugis atque absurditatibus immorari non lubet.*

### §. I V.

Qui Deum pro *forma mundi* aut *assistente*, aut omnino *informante*, habent, adeoque necessario nexu cum materia conjunctum contendunt, & fati ineluctabilis legibus subji-ciunt, ut omni cum libertate privant, ita pugnancia secum asserunt, Deum statuentes, qui non sit Deus, seu ens perfectissimum, quod summa imperfectione laboret. Quod cum longe absurdissimum sit, *Stoicus Atheismus* hinc sua sponte corrui. \*

\* De Stoico Atheismo supra *cap. I. §. VIII. & cap. II. §. IX. & X.* diximus. Prouti cum Spinozismo convenit, in quem cum tandem abire, ibidem observavimus, iisdem rejici & impugnari rationibus potest, quibus deinceps contra Spinozam pugnabimus. Prout autem a Spinozismo utcumque discernitur, rationes, quibus nititur, ad duo revocari capita possunt; alterum, Deum nexu insolubili cum materia conjunctum esse, immo ipsam animam mundi constituere; alterum, totum hoc universum, ipsumque adeo Deum, inevitabilis fati legibus durissimis esse obnoxium. Utrumque tam absurdum est, ut absurdius nihil cogitari queat. Etenim si Deus cum materia necessario nexu conjunctus est, ita quidem, ut ipsam mundi animam constituat, sequetur, ejus essentiam per omnia corpora diffusam esse, ut non tantum in singulis hominibus, sed & brutis animantibus, pars quaedam essentiae divinae reperiatur. Haud nescio, id omnino admisisse atque asseruisse Stoicos; sed hoc ipso ostenderunt, se ad ineptissima quacvis absurdis-sima-

simaque admittenda & asserenda paratos esse. Deum nimirum se agnoscere, & colere videri volebant, sed talem Deum, cujus pars in canibus, felibus, avibus, aliisque animantibus deprehenderetur. Quam vero absonum sit, essentiam Divinam ita in particulis discerpere, jam ipse vidit CICERO, in Pythagora (cui eandem sententiam tribuit) idem reprehendens: *Nam Pythagoras, inquit, qui censuit, (Deum) animum esse per naturam rerum omnium intentum & conmeantem, ex quo nostri animi carperentur, non vidit distractione humanorum animorum, discerpi & lacerari Deum; & cum miseri animi essent, quod plerisque contingeret, tum Dei partem esse miseram; de natur. deor. libr. I. cap. XI.* At non adeo ista mirabitur, qui secum cogitaverit, Stoicos non alium quam materiale Deum agnovisse. Diversimode equidem de Deo loquuntur. Interdum totum compositum, quod ex materia & spiritu, seu anima mundi, constat, *Deum* vocant. Subinde namque ipsum mundum, aut naturam, hocce nomine insigniunt. Interdum vero animam mundi separatim spectantes, eam *Deum*, item *spiritum, animum, mentem, rationem* adpellant. At spiritus nomine eos neutiquam substantiam materiae expertem, sed corpus aliquod subtilissimum intelligere, supra jam ostendimus. Nec Deum eos materiae expertem credidisse, vel inde patet, quod eum mox pro igne, mox pro aethere, habuerint. CICERO de Zenone, Stoicorum principe, verba faciens, atque hic eadem, inquit, alio loco aethera *Deum* dicit esse, si intelligi potest nihil sentiens Deus, qui nunquam nobis occurrit, neque in precibus, neque in optatis, neque in votis; de nat. deor. lib. I. cap. XIV. Quo sensu & capiendum, quod DIOGENES LAERTIUS docet, ab Antipatro Tyrio, *ἡ ἀρχὴ τοῦ κόσμου*, seu partem principalem mundi esse τὸ αἴθερ, aetherem, in Zenone, seu libro VII. sect. CXXXIX. Rursus idem, de quo ante diximus, Zeno, auctore iterum CICERONE, naturam (hoc est Deum) ita definit, ut eam dicat ignem esse artificiosum ad gignendum progredientem via; de natur. deor. libr. II. cap. XXII. Idque ipse JUSTUS LIPSIUS, magnus Stoicorum defensor & admirator, negare nequit, quippe qui, dum eadem CICERONIS & similia DIOGENIS LAERTII verba recitasset, addit: *Quare ignem? quia Stoici vim & vitam omnem mundi atque ipsum adeo Deum in igne ponebant, immo Deum esse. Sed ignem quemcunque, non huncce nostrum corruptorem & corruptibilem, sed artificiosum, id est, artificem atque opificem, condentem ratione & velut arte, vegetantem ac servantem; physiolog. Stoicor. libr. I. dissertat. VI. pag. 12. seqq.* Quo pacto tum haec, quod Deum mox aetherem, mox ignem vocant, tum reliqua, quae de eo enuntiant, ἀσύμμετον prorsus atque ἀσείκην, inter se, conciliari queant, videant, qui Stoicorum in se patrocinium suscipiunt. Nobis sufficit, quod inde pateat, non aliud, quam materiale rerum omnium principium eos admisisse. Idque & inde manifestum est, quod animam hominis, quam Dei particulam esse existimant,

materialem esse credant, uti supra observatum. Haec vero omnia quam inepta, quamve indigna iis sint, qui Philosophi videri volunt, nemo non intelligit. Rerum omnium, quas in hocce universo videmus, natura atque indoles necessario causam quandam, summa sapientia, potentia & libertate praeditam, requirit. Hanc qui non admittit, & nihiloscuius effectuum, qui in natura occurrunt, rationem reddere annititur, nihil aliud agit, quam ut mentis imbecillitatem prodatur. Quis vero de isto Stoicorum principio, necessario non tantum vinculo cum materia conjuncto, sed & ipso materiali, sibi istud persuadeat? Materiam cogitationis, adeoque nec cognitionis, multo minus sapientiae ac libertatis, capacem non esse, saepius jam monuimus. Quae itaque effectuum, qui oculis nostris quotidie obversantur, causa? Nec est, quod quemquam moveat, Stoicos docere, mundum initium habuisse, habiturumque finem, itemque subinde de *δημέριον* seu conditore quodam mundi, loqui. Initium enim finemque mundi ita capiebant, ut infinitam mundorum successionem admitterent, mundoque per exustionem destructo, *επιστημῶν λόγους*, quos vocabant, remanere, ex quibus novus nasceretur. Et de ista mundi ex rationibus seminalibus generatione, etiam creatio mundi ex istorum mente est accipienda. Luculenter hoc exprimit DIOGENES LAERTIUS, de Deo ex Stoicorum mente ita loquens: *ὅς δὲ ἀφ' ἑαυτοῦ ἐστὶ καὶ ἀγέννητος, δημιουργὸς αὐτῆς διασκευῆς, καὶ πρὸ χρόνου πάλαι πρῶτος, ἀναλίσκων ἐν ἑαυτῷ τὰ ἀπείρονα ὄντα, καὶ πάλιν ἐξ ἑαυτοῦ γινώσκων, qui & incorruptibilis & ingenuus sit, opifex tanti operis & ornamenti, per temporum certos circuitus in se ipsum omnem substantiam consumens, & eam rursus ex se ipso gignens; in Zenone sive lib. VII. sect. CXXXVII.* Haec vero omnia ita comparata sunt, ut & gratis a Stoicis assumantur, & sua futilitate corruant. Per λόγον enim *επιστημῶν* aut Deum, aut aliud quid, intelligunt. Si Deum ipsum, (quae omnino illorum est sententia) nesciunt, quid dicant, cum hoc ipso ens, quod perfectissimum simulque imperfectissimum sit, admittere, hoc est, pugnantia secum loqui cogantur. Sin aliud quid? quaestio rursus, quidnam illud sit, & qua ratione vitam, motum & reliqua, quae in rebus creatis conspiciamus, in hominibus vero etiam cogitationem, cognitionem, sapientiam, libertatem efficere queat, exurgit, cum haec omnia summam, infinitam, liberrimamque potentiam supponant. Cuncta vero tandem apud Stoicos ad fatum aliquod redeunt, cujus inevitabili necessitati omnia, ipse etiam Deus, obnoxia sint. Eos omnia omnino, ipsumque adeo etiam Deum, fati legibus subiecisse, variis testimoniis comprobare possem, sed sufficiat unicuique illud M. AURELII ANTONINI: *πάντα ἀλόγως, ἐκπελάττωται, καὶ ἡ σύνδεσις αὐτῶν, καὶ ἐκείνη ὅθεν ἀλλοτρίων ἀλλο ἀλλῶ. συγκοσμητικὴται ἢ καὶ συγκοσμοῦ τ' αὐτῶν πέρας. Κότες τι ἢ ὅς ἐς διὰ πάντων, καὶ ἡδὲ ἐς διὰ πάντων, καὶ ὅτι μίαν καὶ ἑνὴν οὐκ. Λόγῳ καὶ οὐκ πάντων τ' οὐκ αὐτῶν ζῶν καὶ ἀλόγως μίαν.* Omnia sunt inter se com-

complexa sacro nodo, neque quidquam ab altero est alterum: ordine enim omnia certo disposita, unum eundemque mundum exornant, Mundus ex omnibus constat unus, unusque per omnia diffusus est Deus, una natura, una lex, una ratio communis omnibus ratione praeditis animantibus, una veritas; de se ipso ad se ipsum libr. VII. §. VII. Hic fati immutabilem & indeclinabilem necessitatem sacri nodi nomine, referendo se ad nodum Herculis, vel Jovis catenam, Homero memoratam, designat. Rex vero indicaturus, quae sacro hoc nodo colligatae inter se atque connexae sint, adcoque ineluctabili Fati necessitati obnoxiae, Deum, ceterasque mundi partes, nominat. Observatum id mihi jam in dissertat. III. de errorib. Stoicor. in Philosophia morali §. VII. in analesti. hist. Philos. p. 178. ubi & plura hac de re dixi. Jam vero, si quae-  
 ras, quidnam itaque istud fatum sit? nihil aliud responderi potest, quam ipsosmet hoc non posse explicare Stoicos, adeoque, dum semper fatum crepant, eos tamen revera, quid dicant, quidve ea voce sibi velint, nescire. Si enim vel maxime respondeas, est ineluctabilis necessitas, est inevitabilis ordo, nisi causam simul adferas, unde necessitas illa, unde evitabilis ordo proveniat, nihil capio, nihil intelligo; vocemque saltem audio, cujus sonus aurem verberat, sed, quae in mente, quod capere queam, nihil producit. Ipsi etiam hac in re adeo sibi non constabant Stoici, ut quidam fatum a Deo distinguerent; alii autem, fatum & Deum, unum idemque esse, traderent. DIOGENES LAERTIUS inter illorum dogmata hoc quoque refert: *ἢ τὸ θεῶν δῖον, ἢ τὸν θεόν, ἢ ἀναγκὴν ἢ δῖον, ποταμὸν ἢ τριπλὴν ἀναγκάσιον ἀναγκάσιον*. Unum quoque Deum esse, & mentem & fatum & Jovem, multisque aliis appellari nominibus; libr. VII. sect. CXXXVI. Quod & CICERO confirmat, de Chrysippo verba faciens: Idemque etiam legis perpetuae & aeternae vim, quae quasi lux vitae & magistra officiorum sit, Jovem dicit esse; eandemque fatalem necessitatem appellat, sempiternam rerum futurarum veritatem; de nat. deor. lib. I. cap. XV. Plura non addo, cum haec, quae diximus, ad profligandas Stoici Atheismi ineptias sufficiant. (249)

- (249) Diffiteri non licet, Stoicos aliquando de Fato ita locutos fuisse, ut sano sensu ipsorum verba magnam partem intelligi possint de Decreto Dei immutabili. Sic Seneca de Providentia Cap. 5. eadem necessitas & Deos alligat, ac irrevocabilis divina pariter atque humana cursus vehit. Ille ipse omnium Conditor ac Rector scripsit quidem fata, sed sequitur; semper paret, semel jussit. Haec pleraque vera sunt in systemate Orthodoxorum apud Reformatos; posito, quod Deus semel considerit ob sapientissimas sanctissimasque rationes decretum suum, verum est, quod sic semel jusserit, ipse semper paret, hoc est, constantissime in illo decreto perseverat; sic necessitas Deum alligat; necessitas, scilicet, moralis, cum Dei voluntas sese ostendit tantum

ad id, quod Ipsius perfectionibus, adeoque Ejus sapientiae & constantiae est conveniens; neque vel minima poenitentiae aut mutationis umbra in Deo habere potest locum. *At* dudum observarunt Viri docti, Stoicorum verbis nullo modo esse fidendum; uti etiam Seneca variis in locis ludit ambiguitate vocabuli Deus. Praeterea nullo modo admitti potest, quod eadem necessitas Deum alliget; idemque cursus irrevocabilis divina pariter vehat atque humana: sic enim necessitas quaedam communis admittitur, quae, extra Deum quaerenda, Ipsum inevitabili ratione determinat, nec ullum ei relinquit resistendi locum; sic Deus vult, quod fatum jubet. Quid vero voluerit Seneca per verba: semel jussit, vix intelligitur, uti etiam de fati origine altum est apud Stoicos silentium; & tamen, ubi necessitas imponitur, causa imponens esse debet; & ubicunque datur ordo, etiam aliquid adfit necesse est, quod istum ordinem constituit. *Conf.* Bruckerus in *Hist. Crit. Philos.* Tom. I. pag. 930. *seq.* nec non ea, quae supra notavit Cl. Auctor Cap. 1. §. 18.

### S. V.

Non minus vero illi mentis summam imbecillitatem produnt, qui mundum huncce ex fortuito atomorum concursu coaluisse, sibi persuadent. Praeterquam enim, quod frustra atomorum seu materiae aeternitatem supponant, motus quoque, quem atomis tribuunt, causam rationemque expedire nequeant, summa illa, quae & in toto hocce universo, & in singulis rebus creatis, artificis, infinita potentia praedita, conspicitur sapientia, non permittit, ut aliquis, nisi mente omni & ratione destitutus, fortuito atomorum concursui ista tribuere queat. \* Materiam vero vita quadam naturali & vi plastica instructam fingere, nihil aliud est, quam commenta commentis cumulare, & talia asserere, quae neutiquam secum consistere possunt. \*\* Quae omnia qui paulo accuratius secum expenderit, facile, quam lubrica & Epicuraci & Stratonici Atheismi fundamenta sint, intelliget.

\* Primum Epicuraci Atheismi fundamentum est, atomos semper extitisse.  
 ▲ Hoc vero cum ex fundamento generali Atheismi dogmatici, de aeternitate

nitate & existentia necessaria materiae fluat, quod jam ad §. II. hujus capituli ex instituto destruximus, ut hic aliquid addamus, necesse non est. Alterum est, quod materiae motum tribuunt. Sed unde hicce motus? Si Deum materiae pariter & motus auctorem, conditoremque, admittere nolis, nihil aliud superest, quam ut dicas, motum materiae esse essentialem. At hoc quam absurdum sit, itidem supra jam demonstratum ad cap. V. §. III. Rationibus saltem ibi jam allatis & hanc addo: si motus materiae essentialis esset, a libere agentibus varie produci & destrui non posset. Quod qui per hypothesin de eadem motus quantitate, quae perpetuo in hocce mundo conservetur, elidere cupiunt, commenta saltem atque fabulas nobis narrant. (250) Epicurus equidem viam hinc se expediendi sibi invenisse visus est, dum pondus atomis tribuit, cujus vi deorsum in infinito inani ferantur. At hoc perinde est, ac si nullam motus causam reddidisset. Cum enim pondus, quod atomis tribuit, quacunque demum ratione consideretur, gravitatem, adeoque qualitatem quandam, qua deorsum corpora tendunt, denotet, quaestio rursus, unde eam habeant, recurrit. Ad quam si respondere velit, aut causam quandam indicet, aut ignorantiam fateatur, necesse est. (251) Ne quid de eo dicam, quod absurdum prorsus sit, in spatio infinito plagam sibi superiorem concipere, quod jam ipse TULLIUS monuit *libr. I. de finibus cap. VI.* Et haec quidem ad destruendum, penitusque evertendum, Epicuri systema sufficere possent. Ut tamen eo magis adhuc, quam infirmis lubricisque fundamentis innitatur, pateat, reliqua etiam prosequi, & paucis perstringere juvabit. Cum ipsemet Epicurus videret, per motum atomorum perpendicularem eas in corpuscula & moleculas majores coalescere non posse, alium insuper motum, quem *declinationis* vocat, excogitavit; uti supra ad cap. III. §. IX. nobis observatum. Sed unde motus hicce declinationis proveniat, quaeve ejus causa sit, non explicuit. Si quidlibet fingere liceat, haud difficile fuerit, ex quolibet facere quidlibet. Quod ut in Poëtis forte toleraveris, Philosopho tamen indignum esse, nemo non intelligit. Agnovit hoc itidem CICERO, *loc. cit.* contra consuetum illum motum declinationis disputans. Quodsi & hoc Epicuro concedatur, dari ejusmodi motum declinationis (quamvis nullo modo concedendum sit) nec sic tamen, quod cupit, obtinebit. Etenim si proportio vacui infiniti ad atomorum quantitatem consideretur, evidenter demonstrari potest, particulas seu atomos tantis a se invicem remotas esse intervallis, ut nunquam se mutuo contingere & in corpuscula majora coalescere potuerint; quod luculenter ostendit RICHARDUS BENTLEY, in *stultitia & irrationabil. Atheismi*, pag. 341. *seqq.* Sunt equidem, qui existimant, dilui difficultates omnes, quibus Epicuri systema premitur, posse, si cum recentioribus quibusdam, *motus attractionis* statuatur. (252) Verum, si vel maxime *motus*



ejusmodi *attractionis* admittatur, ille tamen non erit proprius aut essentialis materiae, sed ab arbitrio ejus dependebit, qui naturae leges sancivit. Materia enim in se spectata mere passiva est, & uti nec alium quemcunque, ita nec motum attractionis efficere potest. Multo minus motus regularis, fixus, uniformis, certis, iisque constantissimis legibus circumscriptus, qualis motus attractionis ex mente illorum est, qui eum supponunt, a sola materia, absque omni alia causa efficienti proficisci potest. Mitto reliqua, quae contra motum attractionis a Viris doctis disputata sunt, speciatim a RICHARDO BENTLEY *loc. cit. pag. 253. & 359.* Cuncta vero tandem in Epicuræorum schola eo redeunt, posito motu qualicunque, casu fortuito, per atomorum concursum, combinationem, nexus varios, totum hocce universum, & omnia in eo corpora, magna pariter ac parva, exorta esse. Hoc vero uti ex solo atomorum motu, si vel maxime is concedatur, nulla ratione fieri potuit, ita ordo concinnus, qui in hocce universo conspicitur, & admirabilis, pulcherrimaque, & ad certum finem sapientissime accommodata, corporum singulorum structura, quam *capite praecedenti* pluribus explicavimus, casui fortuito nullo modo tribui potest. Enimvero, si quis Iliada Homeri, & Virgilii libros Aeneidos, ex litterarum fortuita quadam combinatione originem accepisse, sibi aliisque persuadere vellet, hunc insanum esse, atque ratione destitutum, omnes una voce pronuntiaturi essent. Quis enim crederet, tot voces, tot versus, sensum aptissimum fundentes, & justo ordine atque nexu concinno integrum poematis corpus exhibentes, ita casu fortuito coire potuisse? *Ille ego non mirer, recte inquit CICERO, esse quengquam, qui sibi persuadeat, corpora quaedam solida atque individua, vi & gravitate ferri, mundumque effici ornatissimum & pulcherrimum ex eorum corporum concursione fortuita: Hoc qui existimat, fieri potuisse, non intelligo, cur non idem putet, si innumerabiles unius & viginti formae litterarum, vel aureae, vel qualeslibet aliquo conjiciantur, posse ex his in terram excussis, annales Ennii, ut deinceps legi possint, effici; quod nescio, ane in uno quidem versu possit tantum valere fortuna; de natura deorum libr. II. cap. XXXVII.* Pari ratione, si quis concentum suavissimum instrumentorum musicorum audiret, aut statuatam vel picturam, summo artificio confectam, conspiceret, sibi aut aliis persuadere vellet, fortuito contigisse casu, ut tam apte, tamque concinne diversi isti sonus ad harmoniam suavissimam efficiendam inter se consentirent, aut statuatam istam vel picturam longe pulcherrimam sua sponte sine ulla artificis manu exticisset, nonne is omnium, ratione vel modice utentium, ludibrio se exponeret? Legenda, quae plenius hac de re disserit FRANCISCUS DE SALIGNAC DE LA MOTHE FENELON, de l'existence de Dieu §. V. seqq. p. 9. seqq. Cumprimis vero observandum, quod semper una eademque ratione, ordineque perpetuo & constanti fit, id non

non posse dici, quod fiat casu fortuito. (253) Nihil enim magis casui fortuito, quam constans certusque ordo, repugnat. Jam vero quis vel leviter coelestium siderum motum, generationesque plantarum, arborum, animalium, hominum, & reliqua naturae phaenomena considerans, non agnoscat, ordinem in hisce omnibus constantissimum, legesque fixas & immotas deprehendi? quae uti summam & infinitam sapientiam arguant, ita cum casu fortuito consistere prorsus nequeunt. (254) Ceterum, etsi Epicuraci subinde de casu fortuito loquantur, eique rerum hujus mundi ortum tribuant, simul tamen innuunt, per atomorum conjunctionem, combinationemque variam, mechanica quadam ratione, mundum huncce & omnia in eo corpora extitisse. Qua in re consentientem quodammodo secum habent RENATUM CARTESIUM, cosque, qui ejus Philosophandi rationem sequuntur. Illi namque licet materiam in particulas minutissimas a Deo divisam, certumque motum ei impressum fateantur, reliqua omnia tamen mechanica quadam ratione extitisse, contendunt, ut Deo nihil aliud, quam creatio materiae, ejusque in partes divisio, motus productio, & ad certas leges ordinatio, relinquatur. Quae res, quin Atheis longe sit gratissima, dubitari nequit. Cum enim materiam in partes divisam, motumque, (etsi perperam, ut supra demonstratum) supponant, si mechanica quadam ratione, absque supremo Directore cuncta, quae in orbe hocce videmus, existere potuerint, jam habent, quod volunt. Immo recentiores isti mechanismi defensores ulterius progressi sunt, quam ipsi Epicuraci veteres. Hi enim nunquam asseruerunt, ex motu & conjunctione varia particularum non potuisse non cum, quem videmus, mundum cum singulis corporibus oriri, sed post varios eosque saepissime irritos materiae conatus, & combinationes atomorum ineptas, & frustraneas, tandem in infinito temporis spatio eam plurimorum corpusculorum conjunctionem casu fortuito contigisse, ex qua mundus hiecc ortus sit. Recentiores contra mechanismi assertores eam sibi rationem invenisse visi sunt, quae posito materiae motu, non potuerit non mundus hiecc cum omnibus, quae in eo conspicimus, corporibus, oriri. Qua in re tamen quantopere fallantur, res ipsa docet, cum per solas leges mechanicas phaenomenorum naturalium nullo modo reddere rationes queant; quod in compendio ostendit JOANNES RAYUS, in *existentia & sapientia Dei manifestata in operibus creationis part. I. pag. 33. seqq.* Jungenda &, quae contra Cartesium disputat SAM. PARKERUS, de *Deo & providentia, disputat. III. sect. XXI. pag. 307. seqq.* (255) Sed ad Epicurum ut redeamus, quam lubrico atque infirmo fundamento Atheismi ejus systema nitatur, vel inde patet, quod ad naturae phaenomena explicanda talia subinde assumere cogatur, quibus suamet ipse principia evertit. Sic dum fortuito atomorum concursui animalium ortum tribuere ausus non est, eo potissimum inductus argumento, quod  
alios

alias ex quolibet fieri possit quidlibet, ea ex seminibus in uteris terrenis antea formatis, enata fuisse, statuit; vide T. LUCRETII CARUS, *libr. II. vers. 699*. Sed unde semina ista? Aut discrimen aliquod inter semina & reliqua corpora intercedit, aut non intercedit. Si non intercedit, cur semina statuit? aut cur non ex quolibet corpore quidlibet aliud oriri potest? Si intercedit, in quonam illud consistit, & unde oritur? Pari ratione, cum cognitionem per *νόησις ἡμῶν* fieri statuat, necesse est, fateatur, omnem animae cogitationem mera passione, adeoque sensatione quadam, absolvi. Haec vero cum erroris & falsi iudicii expers sit, Epicurus, ut hinc se expediat, errorem ex animi opinatu oriri posse, dixit, qui aliquid ei, quod a simulacris repraesentatum erat, addat. Qua in re rursus aperte sibi contradicit, asserendo, cogitationem simulacrorum *ἡμῶν* contingere, adeoque animam mere passivè se habere, & nihilolocii gaudere facultate, opinatu suo simulacrorum repraesentationi aliquid addendi, hoc est, simul aliquid agere. Explicatur praeterea, qua ratione fiat, ut, quod volumus, cogitemus? a conversione mentis id pendere putat, quae pro arbitrio huc & illuc se flectat. Quo ipso revera voluntati facultatem se ipsam movendi tribuit, quod cum ejus materialitate nullo modo consistere potest. Mitto reliqua, in quibus Epicurus, & qui ex ejus schola prodierunt, non possunt non pugnantià secum asserere. Id saltem addo, cum *πῶς ψυχή* Atheismi Epicuraci sit, praeter inane & atomos nihil esse, adeoque nullos dari spiritus, ipsam mentis nostrae considerationem, ad huncce Atheismum penitus conficiendum, efficacissimum argumentum suppeditare. Qua de re cum jam *cap. praeced. §. VII.* ex instituto dictum sit, ea ut hic repetamus, necesse non est.

- (250) *Dudum observatum fuit a Leibnitio in Act. Erud. Lips. A. 1686. pag. 161. seqq. A. 1690. pag. 234. seqq. A. 1691. pag. 6. seqq. errasse Cartesium Princ. Part. 2. §. 36. statuentem, eandem semper motus quantitatem manere in hocce universo; quod ex aliis principiis demonstravit Newtonus Optic. Lib. 3. quaest. ult. pag. m. 405. seqq. Verum censuit Leibnitius, eandem conservari quantitatem virium motricium, quae computantur ex multiplicatione massae motae in quadratum velocitatis; dum quantitas motus est proportionalis producto ex massa mota in velocitatem ipsam. Exceptio igitur, quam sibi format Cl. Auctor nomine Atheorum, huc redit; nullum argumentum peti potest, quo evincatur, motum materiae non esse essentialem, ex eo, quod a libere agentibus varie produci & destrui queat; quale quid non haberet locum, si ad essentiam materiae pertineret: quippe non novus, inquit, excitatur motus, nec jam existens destruitur; sed, cum eadem maneat motus quantitas, tantum ex uno corpore in aliud transfunditur, vel, jam existens, novas accipit determinationes.*

*Verum.*

*Verumtamen, si vel concedere vellemus, eandem manere motus quantitatem (quod minime concedendum puto) nullius pretii tamen foret haec exceptio; quia essentialia corporum qualitates ex uno in alterum transire nequeunt; & licet aliunde sit certissimum, motum materiae essentialem non esse, (uti supra n. 163. constituit) sed esse accidentale quid, non tamen clare concipimus, an & quomodo ex uno corpore in aliud transeat, cum comparatio institui non possit inter motum & inter calorem, qui, tanquam modus accidentalis, ex uno corpore in aliud quasi transfunditur.*

- (251) *Gravitas inter corporum proprietates universales ad summum numeranda, non vero inter eorundem attributa essentialia, aequae ac motus causam habere debet externam; quippe per gravitatem proprie dictam (quatenus a qualicumque Attractione potest distingui) corpora descendunt, vel, si impediuntur, descendere nituntur versus determinatum aliquod centrum; corpora terrestria versus centrum Telluris, corpora Lunaria versus centrum Lunae, corpora totius systematis nostri Planetarii versus centrum Solis, Planetae secundarii & versus centra Planetarum suorum primariorum, & una cum iis, versus solem, tanquam commune centrum. Nisi hicce nequaquam profuit ex natura ipsorum corporum; sed debet esse causa dirigens ad illa potius determinata centra, quam ad alia loca in hocce universo; quae per ultimam analysis nulla alia esse potest, praeter causam primam, necessario & naturae suae efficaciam existentem. Nihil certe lucrarentur fingendo, nisi huncce oriri per materiae alicujus subtilissimae impulsus; nam, licet existentiam talis materiae aetherae penitus negare non audeam, quaestio tamen rediret, quaenam causa efficiat, ut illa materia potius versus determinata illa centra pellat corpora cum terrestria, tum coelestia, quam aliorsum; ut taceam alias difficultates, quae, contra gravitatis ortum ex impulsu externo, dudum ab aliis fuerunt motae; inter quas praecipua est, quod sic gravitas proportionalis foret superficiebus, in quas materia impellens agit, non vero quantitativus materiae.*

*Nulla igitur fuit ratio, ob quam versus unum aliquod centrum pellerentur Atomia per spatium inane & infinitum volitantes; & si vel per motum quarundam obliquum coalescerent, nulla erat ratio, ob quam coalescerent in globos; & si vel coaluerint in globos, nulla est ratio, ob quam E. Gr. Sol subsederit constitueritque in determinato spatii infiniti loco, sed non potius in eadem directione, in qua antea movebantur coalescentes Atomia, perrexerit. Quin imo! cur etiam nunc per nifum illum non coalescunt Atomia, formantque novos globos; cum nulla sit ratio, ob quam non pergerent, recta atque obliqua via progrediendo, in se invicem incurrando, uncinulisque suis sese implican-*

Xx

do;

do; cumque minime exhaustum haberi possit infinitum illud Atomorum aerarium, & perpetuo tenore invariato debeant properare versus eandem plagam, quam ante infinita seculorum millia petierunt.

- (252) *Licet Attractio Newtoniana, (quae hic unice in censum venit, quae corpuscula minima, quando sibi mutuo prope admoventur, ad se invicem accedunt, & in ipso contactu sibi adhaerescunt) differre videatur a gravitate, nisi illam generalius definiamus tanquam vim qualemcunque, qua duo corpora ad se invicem tendunt, est tamen proprietas, quae ex corporum essentia non fluit, sive ex impulsu externo oriatur, sive corporibus sit superaddita, vel insita. Possimus duo corpuscula concipere in exigua admodum distantia a se invicem constituta, quae tamen ad se mutuo non accedunt, neque etiam recedunt per repulsionem. Per experientiam detegimus, in ipso particularum contactu hanc vim esse admodum magnam, & subito decrescere, ita ut ad distantiam quam minimam, quae sub sensu cadit, non agat; imo etiam ad majorem distantiam mutetur in vim repellentem, qua particulae sese mutuo quasi fugiunt (vid. s'Gravesande in Elem. Phys. Mathem. §. 73. seqq.) Verum de hisce nihil a priori ex consideratione ipsius essentiae corporis innotescit: quis igitur hanc vim corpusculis minimis indidit? quis efficit, ut in variis corporibus varium ederet effectum, utque in ipso contactu esset omnium maxima, dein subito decresceret, non in inversa ratione quadratorum distantiae a centro, veluti gravitas, sed in longe altiori ratione, usque dum illico mutetur in vim repellentem? phaenomena haec sunt indubia & generalia, de quorum causis proximis nunc non disputamus: sed ponamus, vires hasce materiae particulis esse essentielles, & jure summo quaerere licebit, cur non atomi, etiam adhuc dum volitantes, & talibus virtutibus conspicuae, coalescant in novos globos, sive majores, sive minores, cum nulla sit ratio, cur in moles Telluri, Jovi, vel Soli Siriove aequales concreverent? cur non globos jam existentes continuo augeant, graviores reddant, & tandem decidere faciant in Solem? cur globi, qui sic fortuito casu concreverunt, in orbitis ellipticis fuerunt agitati ordinatissimo illo modo, quo quadrata temporum periodicorum cubis distantiarum mediarum a centrīs suis sunt proportionalia, dum alii in ipsis illis centrīs subsisterunt innoti? Cur accumulatae illae massae sibi invicem agglutinatae circa axes suos voluntur motu aequabilissimo?*

- (253) *In ratiociniis illis & comparationibus, quas Cl. Auctor ex Cicerone protulit, quaeque plenius exposuit Parkerus de Deo Disp. III. Sect. 3—14. Reimarus l. c. 2<sup>de</sup> Verh. §. 8. seqq. Boscovich Theor. Philos. Nat. §. 530. seqq. acquiescere noluit Auctor Cogitationum Philosophicarum (Pentées Philosophiques) §. 21, qui tamen fortassis inter*

inter Atheos numerari nolle; responderi, scilicet, ex illius opinione, posset, secundum leges, quae in sorte obtinent, mirum non esse, rem contingere, quae possibilis est, cum exigua probabilitas eventus compensetur per numerum maximum jactuum. Numero finito formarum Alphabeticarum, utut magno, tot jactus fieri possunt, ut unus ex omnibus, qui dabiles sunt, conspiciendum praebat opus Homeri, Ennii, vel Virgilii. Inter casus dabiles procul dubio est unus ille, quo E. Gr. opus Ennii prodit; si dabilis non esset, etiam ita disponi formae non potuissent studio ipsius Poetae. Sic centies mille tesseræ ita possunt in tabulam projici, ut centies mille puncta & non plura acquirantur, quia hic casus est aequè dabilis ac omnes reliqui; probabilitas est exigua, sed numerus jactuum adeo ingens esse potest, ut eo probabilitatis tenuitas compensetur. Si igitur Atomī ab omni aeternitate fuissent motae, post numero infinitos jactus oriri potuit hæc Mundus, cum illa dispositio, quae in mundo obtinet, sit casus dabilis, uti per æqualem ejus existentiam manifestum est. Ingeniosa videtur hæc responsio, quam evidentiorē reddidi & efficaciorē, ne de injuria sibi allata quaeri posset acutissimus Auditor; attamen observandum 1o. ad mundi constitutionem non simplicem & superficiale requiri dispositionem partium, sed ordinationem in longum, latum & profundum; rectæ lineae in uno plano sunt infinitae, plana infinita sunt in spatio infinito; adeoque numerus dispositionum possibilium pro quolibet puncto materiae seu pro qualibet atomo, cæteris manentibus, est infinitus. 2o. Non simplicem esse Machinam mundanam, sed eandem ex innumeris aliis Machinulis artificiosissimis esse compositam, quae omnes eodem modo ex fortuito casu debuissent esse enatae; hinc valde minuitur numerus jactuum in relatione ad omnes eventus, per quos quasi innumeri mundi fuerunt exorti, qui ordine & pulcritudine inter se certant; cum quolibet insectum, quaelibet herbula spectari debeat tanquam eventus, qui simili modo prodit, quo recentiores Epicuræi somniant, mundum fuisse enatum. 3o. Ponamus primo jactu, qui, post innumeros inutilis eventusque carentes, feliciter cessit, Solem, Ex Gr. fuisse exortum, & forte fortunâ substituisse in illa parte spatii infiniti, in qua nunc conspicitur (licet nulla sit ratio, ob quam in eo loco commoratus fuerit; cum nulla in systemate Epicuræo supponi possint gravitatis centra, adeoque corpus hocce ingens post suam nativitatem moveri pergeret versus illam plagam, ad quam tendunt omnes Atomī) ponamus, motum reliquarum non cessare, postquam Sol ex quibusdam concrevit, (quod certe statui debet, cum numero infinitae Atomī per infinita spatia ab omni aeternitate fuerint vagatae) & fieri non potuit, quin aliae Atomī in solem incurrerent, eumque loco suo turbarent, vel continuo augerent ejus molem. Si centies mille tesseris, post innumera tentamina fructu carentia, acquisiverim centies mille puncta, illius eventus

nulla supererit memoria, si tesseræ illæ continuo novos & iterum novos patiantur impulsus ab aliis tesseris insequentibus, & eadem velocitate projectis. Conf. les Pensées raisonnables opposées aux Pensées Philosophiques pag. 88—93. Pensées Chrétiennes pag. 65. suiv. & Reflexions sur les Pensées Philosophiques. pag. 234. suiv. quæ tamen omnia scripta nequaquam ejusdem sunt ponderis. Vid. quæque ea, quæ supra ad hanc §. notavi. n. 252.

- (254) *In genere circa casum fortuitum, Fortunam, similesque denominationes observandum, illas nihil esse, præter asyla ignorantiae; si homines hac non laborarent circa corporum motus, motuum leges & qualescunque eventuum circumstantias & causas, nullus obtineret casus, nullus eventus fortuitus. Quando quis effectum aliquem Fortunæ tribuit, non negat, eundem pendere a causa, quæ rationem istius effectus sufficientem in se continet; id unum declarat, se vel causam ignorare, vel se ejus effectum & modum operandi non prævidisse. Si quis casum invocet in operationibus rerum inanimatarum, scietur eo ipso, leges mechanicas sibi non satis esse exploratas, vel talem fuisse rerum causarumque naturalium concursum, quem non præviderat; quoniam nimium complicatae sunt leges, & circumstantiæ, per quas talia phaenomena fuerunt nata. Sic casu primo jactu tribus tesseris acquirimus octodecim puncta, licet nihil reperiatur in isto eventu, quod legibus motus non est conveniens, sive respiciamus ad situm tesserarum in manu projicientis, sive ad impetum, quo projiciuntur, sive ad resilientiam tabulae, in quam projiciuntur, sive denique ad conformationem ipsarum tesserarum: neque aliquis, cui sana in pectore mens habitat, serio putabit, se alicujus eventus originem exposuisse, provocando ad fortuitum casum.*
- (255) *Paulo iniquus agit Cl. Auctor cum Cartesio ejusque Affectis, Parketum, eruditum, sed acerbissimum Viri vere magni adversarium, presso nimium pede secutus; non video, quo colore dici possit, recentiores illos mechanismi defensores (Cartesium innuit, ejusque in hac parte sequaces) ulterius progressos fuisse, quam ipsi Epicuræi Veteres: licet enim minime probem Fabulam Romanensem, a Cartesio, ut hujus mundi genesin explicaret, excogitatam, & pro sua Sagacitate exornatam; ingentem tamen reperio inter Cartesium & inter Epicurum differentiam, quemadmodum cuilibet in oculis incurrit, qui, sepositis præjudiciis, Cartesii scripta legit. Ex Gr. Princ. Part. 3. §. 45. agnoscit, Mundum a Deo creatum fuisse cum omni sua perfectione; agnoscit Part. 4. §. 204. non dubium esse, quin summus rerum Opifex omnia illa, quæ videmus, pluribus diversis modis potuerit efficere: & ne quis suas hypothesen, seu ingenii lusus*

*lusus impugnaret, tanquam Historiae Mosaicæ creationis non satis congruos, dicit expresse in initio istius §. 204. At quamvis forte hoc pacto intelligatur, quomodo res omnes naturales fieri potuerint, non tamen ideo concludi debet, ipsas revera sic factas esse. Ubique agnoscit Cartesius existentiam Dei, ubique Eam considerat tanquam Creatorem hujus Universi, tanquam Divisorem materiae in particulas varii ordinis, &c. Vid. Princ. Part. 3. §. 46. seq. §. 85. & alia loca; nec opus est, ut plura congeram, cum ipse Cl. Buddeus id non diffiteatur.*

\*\* Ex iis, quae supra ad cap. I. §. XVI. & cap. II. §. IX. diximus, constat, systema Stratonis in quibusdam ab eo differre. Quod itaque ad ea attinet, in quibus uterque consentit, materiam in particulas infinitas discerptam semper extitisse, & ex illarum particularum concursu fortuito totum hocce universum ortum esse, quo loco habenda sint, jam ex dictis constat; cum, quae contra Epicurum disputavimus, etiam contra Stratonem valeant. Superfunt itaque, quae Stratoni propria sunt, quorum praecipuum fundamentum in eo consistit, vitam quandam plasticam materiae esse essentialem. Hac enim ratione, qui Stratonem hanc Philosophandi rationem sequuntur, se difficultates, quibus Epicuræ premuntur, superare, & non tantum vitae sensusque in animalibus, sed & motus qualemcumque rationem reddere posse existimant. Verum si omnia paulo accuratius consideremus, vulgatum illud: incidit in Scyllam, qui vult vitare Charybdin, & hic obtinere videbimus. Primo enim gratis hoc sibi sumunt, materiae vitam plasticam essentialem esse. Hoc probandum prius, & rationibus luculentis evincendum erat, quam totius Philosophiae aedificium eidem superstrueretur. Deinde, supra jam monuimus, utcumque materia consideretur, nihil aliud, quam extensionem, divisibilitatem, facultatemque recipiendi motum & figuras varias, in ea deprehendi. Vitam vero plasticam in materia, in se spectata, nemo inveniet. (256) Immo cum ne motus quidem materiae essentialis sit, uci supra luculenter demonstravimus, quis sibi persuadeat, eam vitam quandam & virtute plasticam instructam esse? Quod si vel maxime concedamus (quod tamen sine summa absurditate concedi nequit) materiam ejusmodi vitam plasticam gaudere, hanc tamen a sensu animali & cogitatione reflexa diversam esse, nec ipsi, ut puto, Stratonicae hypotheseos fautores abnuent. Unde rursus quaestio oritur, unde itaque in animantibus sensus? & in hominibus cogitatio reflexa? Si dicant, vitam illam, vimque plasticam diversimode pro organorum diversitate sese exercere, ignorantiam suam stultitiamque prodent, cum per modificationem per organa factam nihil, quod cum materia nullum plane nexum habet, produci queat. Praeterea, qui vitam plasticam materiae tribuunt, eam facultate ad-



mirabili naturae motus dirigendi, & talia efficiendi, quae summam sapientiam arguunt, instructam fateantur, necesse est; quae facultas quo pacto sine cognitione reflexa esse queat, nisi ejusmodi quid a sapientissimo rerum omnium Conditor constitutum dicatur, nemo mortalium cogitatione assequi poterit. (257) Accedit & illud, quod nemo aut explicare, aut mente comprehendere queat, quo pacto ex innumeris atomis, quae vita sua propria & sibi peculiari singulae sint instructae, tales possint exsistere substantiae, quales sunt homines & animantia reliqua. In quolibet enim homine, & in quolibet animante, immo in quolibet hominis membro & corporis parte, concipiendae essent particulae, quarum quaelibet per se vita propria, sensuque & cognitione, praedita esset. Hoc vero perinde esset, ac si quis integrum exercitum animo concipere vellet, ejus, etsi ex plurimis hominibus constans, una tamen vita, unus sensus, una cognitio esset. Non sum nescius, morali quadam ratione per pacta, perque consensum, homines inter se uniri posse; qualis voluntatum unio in exercitu, republica, ecclesia, aliisque societatibus conspicitur; sed moralis ista unio diversitatem sensus, intellectus, cognitionis, non tollit, quae in una quadam substantia Physica, unico intellectu, sensu unico, unicave voluntate praedita, locum habere nequit. Mitto reliqua, quae contra hanc sententiam adferri possent, & ab aliis jam allata sunt, speciatim a TITO LUCRETIO CARO, ex instituto contra Stratonicam hance hypothesein disputante, de rerum natura lib. II. pag. 63. seqq.

- (256) De virtute plastica seu genitrice, qualis a Cudwortho aliisque recentioribus admittitur, supra ad Cap. V. §. 8. n. 219. aliquid notari; verum vis illa, quae a Stratone conficta dicitur, longe alterius est indolis; cum dubium sit, an quidem Deum ab hoc mundo diversum agnoverit, uti supra vidimus Cap. I. §. 16. n. 19. Vix ex Veterum monumentis adjudicare licet, quid de origine hujus mundi senserit, licet satis manifestum sit, eam penitus exclusisse Deum ab hujus Universi fabrica, & per conjecturam adsequatur Bruekerus Hist. Crit. Philos. Tom. I. pag. 848. illum existimasse, cuilibet materiae particulae inesse vim suam propriam, quae pro conditione qualitatuum, eam propria virtute movere, formare, moderari, sicque substantias, certosque effectus producere potens sit; hanc vero non se excitare ipsam, sed antecedere fortunam, id est, fortuito casu accedere aliquid, quod latentem brutamque hanc virtutem excitet; qua excitata cuncta proprio & interno naturae latentis motu & vi secundum certas proportionem, qualitatibus rerum proprias formari & perfici. Si haec fuerit vera Stratonis sententia, quam ipsi quoque proxime tribuit Fabricius Bibl. Graec. Vol. II. pag.

pag. 311. vix operae pretium est, ut refutetur: unde enim demonstrabitur, talem virtutem materiae inesse? an non contrarium ex inertia, quae omnibus materiae partibus, sub sensus cadentibus, inest, constare potest? an non externam requireret causam, si vel materiae adesset; cum ex ejus essentia non sequatur? an non inanes sunt sine mente soni, quando dicitur, hanc virtutem excitari per fortunam? quatenam sunt illae proportionēs, & quatenam earundem origo? an ex qualitatibus rerum nascuntur, & an haec qualitates cum rerum essentiis sunt connexae? si ad hasce quaestiones, quarum numerus augeri posset, respondere velient Stratonici, in plurima absurda inciderent, & figmentis adderent figmenta alia aliis solidiora..

- (257) Si singulis moleculis, seu materiae particulis talis vis plastica inesset, conspirare & inter se consentire debuissent ad hancce artificiosissimam Mundi machinam condendam, constituendamve; ideoque non tantum vim genitricem, sed etiam cogitandi facultatem haberent singulae, cujus contrarium vidimus supra n. 206. & demonstraturus est Cl. Auditor Capitis hujus §. sequenti. Quod de tota mundi machina verum est, etiam applicari potest corporibus vegetabilibus, animalibus, ipsis quoque corporibus humanis, quae ex consensu inter hasce moleculas, (quae scilicet singulae suum locum cognoverunt) eā ratione debuerunt enasci, ut undique conspiciantur summae sapientiae, potentiae & beneficentiae documenta. An istiusmodi hominum delirantium somnia refutari merentur? an talia dogmata unquam serio proposita fuerunt ab iis, qui aliqua juris speciei Philosophorum adfœciabant nomen?

## §. VI.

Substantiam materialem, quae simul cogitet, statuere, de quo Deo, seu ente omnium perfectissimo talia asserere, quae summam imperfectionem involvunt, uti contradictorium, prorsusque ineptum est, ita non minus absonum, unicam tantum statuere substantiam, cum & ratio & sensus, & experientia, plures a se invicem distinctas, separatasque dari substantias, quemvis, nisi rerum omnium prorsus ignarus sit, condoceant. Idque ad destruendum, evertendumque penitus *Spinozismum*, sufficit. \*

\* Spinozismum, ejus summam *cap. I. §. XXVI.* exhibuimus, non tantum fundamento omni destitutum, sed *αληθές*, prorsus atque absolum esse, vel inde liquet, quod contradictionibus perpetuis & ineptissimis laboret. Deum enim se admittere, cum Spinoza videri velit, & unicam tamen simul statuat substantiam, necesse est, ut Deum extensum quid, hoc est, ens simplicissimum, simul compositum, & ex partibus innumeris atque infinitis conflatum esse, fateatur. Id vero ejusmodi est, ut nemo mortalium mente comprehendere valeat. Quodsi negent, extensum seu materiam ex partibus innumeris, quarum quaelibet substantiam peculiarem constituat, compositam esse, tum ausu impudentissimo, quae longe sunt evidentissima, impugnabunt. Cum enim, secundum ritum illum Philosophorum canonem, distincta inter se sint, quae diversa praedicata admittunt, ita, ut de altero dici nequeat, quod de altero asseritur, manifestum est, distinctas a se invicem atque plane diversas dari substantias, cum, quod de lapide asseritur, de cane aut bove dici nequeat. (258) Nec est, quod modificationes suas hic nobis opponant. Ratio enim evidentissime docet, modificationes seu modalitates, ut alii vocant, quae secum consistere nequeant, diversa etiam requirere subiecta. Sed hac de re deinceps. Praeterea, cum omnes, qui ideam quandam Dei habent, fateantur, ad eam requiri, ut sit immutabilis, nec ipsi Spinozistae negare queant, si Deus admittendus sit, eum immutabilem fore, absolum iterum est, materiam ipsam pro Deo habere, quae infinitis mutationibus est obnoxia. Cumque per varias materiae mutationes, generationes omnes atque corruptiones fiant, sequetur, Deum ipsum mox bovem, mox canem, mox ranam, mox aliud quid fieri; & quoties animalia ejusmodi occiduntur, moriuntur, destruuntur, Deum ipsi occidi, mori, destrui; immo omnia mortis & suppliciorum genera, quibus homines perimuntur, in Deum ipsum cadere. Quod ejusmodi est, ut non tantum ipsi Gentilium Poetae unquam absurdius aliquid de Deo non dixerint, sed nec homini febricitanti ineptius quid in mentem venire queat. Sed nondum absurdorum finis est. Cum enim juxta Spinozistas mens hominum sit modificatio essentiae Divinae, dicendum fuerit, non hominem, sed Deum cogitare; adeoque cum homines saepius contraria secumque pugnancia cogitent, sequetur, Deum ipsum nunquam non secum pugnare, & mox hoc, mox aliud, quod priori repugnet, cogitare. Nec est, quod dicant, de ipsa modificatione, non autem de subiecto, vel essentia, hoc esse intelligendum. Hoc enim perinde esset, ac si quis diceret, non hominem, sed cogitationem cogitare, non hominem, sed sermonem ejus loqui; quod puerile prorsus est, atque absurdum. Execrabile vero insuper atque blasphemum est, si quis ad cogitationes, dicta & facta improba, & lege Divina prohibita, ea transferat. Nullum enim erit tam execrabile facinus, nullus tam

ne-

nefandus sermo, nulla tam blasphema cogitatio, cujus non ipse Deus auctor censendus sit. Nec enim homo, sed Deus ipse juxta istam Spinozae philosophiam illa perpetrabit, loquetur, cogitabit. Sunt haec ejusmodi, ut non tantum horrenda sint, sed ut ipsis Atheis non possint non longe videri absurdissima. Quantumvis enim hi Deum esse negent, nemo tamen temere ex illis erit, qui non fateatur, si Deus sit, cum longe esse perfectissimum, adeoque contradictorium esse, Deum asserere, qui tot tantisque imbecillitatibus & imperfectionibus sit obnoxius. *Legenda, quae hanc in rem disserit PETRUS BAEIUS, dictionar. histor. crit. voc. Spinoza, pag. 2777.* Sed missis hisce & reliquis ejusdem generis, id cumprimis observandum putamus, perperam omnino dici, cogitationem pariter ac extensionem modificationes esse unius ejusdemque substantiae. Hinc enim sequitur substantiam materialem, qua talem, etiam cogitare posse, quod tamen prorsus est *adversum*. Cum enim in materia nihil aliud, quam extensionem, divisibilitatem, facultatemque, motum, & varias figuras recipiendi, concipere queamus, in hisce omnibus nihil profecto deprehenditur, quod cum cogitatione convenientiam quandam habeat. Cogitare vero est, non tantum res varias percipere, earumque ideas sibi formare, sed ideas quoque hasce inter se comparare, componere, dividere, ratiocinari; neque tantum res fere innumeras, interque eas materia omni ac corpore destitutas, cognoscimus, sed eas nos cognoscere novimus, quod actum mentis reflexum vocare solent. Quocunque itaque nunc modo materiam consideres, in quamcunque eam vertas partem, quacunque etiam ratione particulas ejus disponas, quamcunque eis tribuas figuram, nihil ejusmodi, quod cogitationem exprimat, inde resultabit. Quo pacto hac ratione varia corporum genera oriri queant, facile concipio; at quaenam particularum aut figura aut dispositio esse debeat, ut incredibili celeritate, mox justitiae, mox temperantiae, mox sapientiae ideam exhibeant, utque efficiant, ut non tantum haec cognoscam, sed sciam quoque, me ea cognoscere, ut de hisce similibusve judicare, ratiocinari queam, id nullo modo, nullave ratione comprehendere valeo. Ergo id, quod ea ratione cogitat, diversum quid, prorsusque distinctum a materia esse oportet. (259) Nec est, quod objicias, ipsam & spiritus & corporis essentiam nobis incognitam esse, cum, quicquid de spiritu aut corpore novimus, attributa saltem seu proprietates utriusque sint; e. gr. cogitatio & extensio; unde sequatur, non posse certo dici, cogitationem repugnare materiae. Sciendum namque, etsi corporis aequae ac spiritus essentia nobis per se cognita non sit, ex ipsis tamen attributis utriusque, seu proprietatibus, evidenter cognosci posse, quid naturae & materiae & spiritus conveniat, quidve ei repugnet. Cum ergo constet, attributum seu proprietatem praecipuam spiritus esse, cogitare, si cogitationem

cum extensione seu praecipuo materiae attributo conferam, evidentis-  
sime cognosco, spiritum seu substantiam cogitantem, qua talem, non  
posse esse substantiam extensam, & vice versa, rem extensam seu cor-  
pus, qua tale, non posse esse substantiam cogitantem, vel, quod eod-  
em redit, materiam non posse cogitare. Intelligenda hinc atque  
recte explicanda, quae hac de re in *elem. Philosoph. theoret. seu Phi-  
los. elect. tom. II. part. VI. cap. I. §. VIII.* scripti: *Essentia & Spi-  
rituum & corporum nobis est incognita. De utrisque nihil nisi proprietates  
quasdam & operationes cognoscimus. Ergo temerarium est, si quis dicat,  
naturae materiali repugnare, si cogitet. De re enim nobis incognita quid  
ei repugnet, aut non repugnet, nullo modo asserere possumus. Multo ita-  
que minus inferre licet, spiritus cogitant, ergo sunt immateriales. Ex iis,  
quae praecedunt, patet, me ibi in eo esse, ut sententiam Cartesii,  
cujusque Sectatorum, qui essentiam spiritus in cogitatione constituunt,  
refellam. Id verba haecce: multi contra ex recentioribus, intimam spi-  
rituum naturam se penitus perspexisse, fidenter satis arbitrati sunt, cum  
dixerunt, ipsam spiritus essentiam consistere in cogitatione, satis testan-  
tur. (260) Hanc vero ideo adniti sententiam posse nego, quod co-  
gitatio sit proprietatis spiritus, extensio autem proprietatis corporis; ipsa  
autem & spiritus & corporis essentia nobis sit incognita. Et ex hocce  
fundamento porro assero, temerarium esse, si quis dicat, naturae mate-  
riali repugnare, si cogitet, scilicet, si quis ex ipsa materiae essentia,  
quae non satis nobis cognita est, hoc demonstrare velit. De attributis  
vero, seu proprietatibus materiae, hic sermo non est. Ex iis enim  
firmiter & evidentissime colligi posse, cogitationem materiae repugna-  
re, neutiquam nego, & antea demonstratum est. Hanc vero ibi men-  
tem meam esse, subjuncta ratio aperte docet: *De re enim nobis incognita*  
(hoc est, cujus essentia nobis incognita est) *quid ei (intuitu essentiae)  
repugnet aut non repugnet, nullo modo asserere possumus. Multo itaque  
minus inferre licet (ex hypothesi scilicet illa Cartesii, qua essentiam  
spiritus in cogitatione constituit) spiritus cogitant; ergo sunt.* Hinc  
vero etiam patet, quo pacto ex cogitatione, & immaterialitas & im-  
mortalitas animae humanae probari queat. Nimirum, si ipsa animae  
essentia in cogitatione ponatur, argumentum non rite procedet, cum  
essentiae rerum nobis sint incognitae; & ita rursus intelligendum,  
quod in *elem. Philos. theoret. part. I. cap. V. §. XXVIII. & XXIX.*  
docui, ex cogitatione, (si scilicet animae essentia in cogitatione po-  
natur,) hoc est, a priori, adeoque stricte loquendo, animae immate-  
rialitatem demonstrari non posse; quo ipso tamen non negatur, si co-  
gitatio tanquam attributum animae humanae spectetur, evidenter inde,  
& immaterialitatem & immortalitatem evinci posse. (261) Dubium  
equidem ex anima brutorum moveri potest; quam nisi immaterialem  
dicere velis, (quod tamen a paucissimis forte concedetur,) admetten-  
dum*

dum videtur, materiae cogitationem quandam non prorsus repugnare. Verum quemadmodum inter cognitionem istam sensualem brutorum, eorundemque adperitum, & cogitationes, quae hominibus propriae sunt, & rationem absolvent, maximum intercedit discrimen, (quod probe observari velim, ut recte iterum intelligantur, quae in *elem. Philosoph. theoret. part. II. cap. I. §. X.* extant) ita satius tandem est, ut libere profiteamur, ignorare nos naturam animae brutorum, quam admittere aliquid, quod prorsus *absens* est, materiam scilicet cogitare. (262) Jam ut ad fulcra, quibus Spinozismus innititur, subruenda accedamus, priusquam ea, quae illi quodammodo propria sunt, attingamus, sine animadversione praetermittendum non est, quod *cap. I. §. XXV.* observavimus, PETRUM BAEIUM asserere, principia quaedam Spinozae cum Atheis reliquis communia ita comparata esse, ut solius rationis ductu refutari nequeant. Hoc quam falsum sit, vel tribus ostendendum est verbis. Primum ex hisce principiis est, *materiam esse aeternam, & a Deo differre.* Enimvero hic perperam & sine omni ratione supponitur, materiam aeternam esse. Aeternitatem enim atque existentiam necessariam in conceptu materiae non includi, nemo non intelligit, & luculenter jam antea *§. II.* hujus capituli, demonstratum est. Falsum praeterea est, si vel maxime supponatur, non posse probari, eam differre a Deo. In conceptu enim materiae, ceu entis longe imperfectissimi, nihil continetur, quod cum Deo, ente omnium perfectissimo, convenientiam quandam habeat. Alterum principium est: *materiam non productam ex nihilo.* At nec hocce rationi inexpugnabile esse, patet ex iis, quae itidem supra disputavimus, dum *§. II.* hujus capituli ostendimus, materiam neutiquam necessario semper existisse, & *§. III.* mundum hunc non fuisse aeternum, sed habuisse initium. Inde vero & sequitur, materiam habuisse initium; cum sola ratio causam solidam adferre nequeat, cur mundus semper non existeret, si materia semper & ab omni aeternitate exstitit. (263) Quod vero ad decantatum illud principium attinet, *ex nihilo nihil fit*, cui asserum suum PETRUS BAEIUS superstruit, id de causa equidem materiali, neutiquam autem efficiente infinita potentia praedita procedere, itidem jam docuimus. Sane si spiritus infinita potentia praeditus supponatur, ratio ipsa luculenter agnoscit, nihil ob stare, quo minus ex nihilo aliquid producere queat. (264) De tertio denique principio, *spiritum infinitum & summe liberum non producere potuisse tale opus, quale hic mundus est, in quo bona mixta sunt malis*, in sequentibus dicemus, cum providentiam divinam ab impiorum hominum objectionibus vindicabimus. (265) Ad propria itaque Spinozismi fundamenta quod attinet, ea, si paulo accuratius considerentur, in mera & prorsus quidem puerilia sophismata abeunt. Omnia eo redeunt, *unicam tantum dari substantiam*; adeoque Deum ab hocce universo di-

versum non esse. Hoc autem ut evinceret, hanc posuit propositionem: *Ad naturam substantiae pertinet existere.* Quod tamen, si universaliter capiatur, longe est falsissimum. Omnis enim substantia vel spiritus est, vel materia. Materiam neutiquam necessario existere, quilibet facile intelligit, cum in ejus conceptu nihil, quod existentiam necessariam arguat, deprehendatur; quod pluribus etiam supra est evictum. Sed & si spiritum, hoc est, substantiam materiae expertem, intellectū & voluntate praeditam, generatim considerem, in hocce conceptu existentiam necessariam deprehendere nequeo. Sin particulariter propositio capiatur, de certa quadam substantia, seu spiritu infinitis perfectionibus praedito, quem Deum vocamus, verissima quidem erit, sed simul contra ipsum Spinozam militabit. Cum vero ipsemet videret, eam neutiquam extra dubitationem positam esse, sequenti eam probare voluit: *una substantia non potest produci ab alia substantia.* At & haecce propositio, si universaliter capiatur, longe est falsissima. Evidenter enim ratio cognoscit, nihil obitare, quo minus substantia infinitis perfectionibus praedita aliam producere substantiam, aut etiam ex nihilo aliquid efficere queat. Particulariter si accipiatur, de substantia infinitis perfectionibus praedita, hoc est, Deo ipso, verissima quidem est, cum omnino substantia infinita ab alia produci nequeat; sed tum rursus ipsi Spinozae obstat. Spinoza equidem eam propositionem rursus alia, & quidem sequenti probare annititur: *in rerum natura non possunt dari duae aut plures substantiae ejusdem naturae seu attributi,* hoc est, ut ipse interpretatur, commune aliquid inter se habentes. Quod iterum longe est falsissimum, immo summam ignorantiam suam aut malitiam prodidit Spinoza. Namque vel pueris ex quinque vocibus Porphyrii notum est discrimen, quod inter *speciem* & *individuum* intercedit; individuaeque re ipsa inter se differre, etsi ratione essentiae specificae inter se conveniant. Quare, si principium hoc ita concipiatur: *in rerum natura non possunt dari duae aut plures substantiae ejusdem (numero) naturae,* recte se habet, sed nihil prodest Spinozae. Quod si vero ita concipiatur: *in rerum natura non possunt dari duae aut plures substantiae ejusdem (specie) naturae,* longe est falsissimum. Res ipsa docet, lapides, arbores, plantas, animalia, homines, numerice spectatos, revera a se invicem differre, adeoque plures substantias constituere, etsi ratione essentiae suae, specificae vel genericae consideratae, inter se conveniant. Individua autem ista pro meris modificationibus unius ejusdemque substantiae habere velle mera est illusio. Praeterquam enim, quod praedicata, quae de iis enuntiantur, diversae etiam indicent subjecta, ut antea jam observavimus, si ponamus, duos homines, aut integros exercitus, inter se pugnantes, quis, nisi rationis expertus, diceret, non diversas substantias, sed diversas saltem modificationes inter se pugnare; aut si quis alapam

ab

ab alio accipiat, isque sibi aliisque persuadere vellet, non ab alia substantia, sed saltem ab ejusdem substantiae modificatione se aliam accepisse, nonne omnium ludibrio se exponeret? Quod porro Spinoza demonstrationis loco subjungit: *duas aut plures res distingui inter se, vel ex diversitate attributorum substantiarum, vel ex diversitate earundem affectionum*, nihil minus, quam id, quod cupit, probat. Datur enim distinctio tertia, realis scilicet quaedam inter omnes substantias individuas, iisdem plurimum substantiarum, specificè consideratarum, attributis & affectionibus gaudentes. Ejusdem commatis & reliqua sunt, quibus probare conatur, unam substantiam non posse produci ab alia. *Duae*, inquit, *substantiae, diversa attributa habentes, nihil inter se commune habent*. Quidni vero? Nonne duo homines, qui numerice considerati, duas diversas substantias constituunt, essentiam humanam specificè consideratam, communem habent? At provocat ad definitionem substantiae: *Per substantiam*, inquit, *intelligo id, quod in se est, & per se concipitur, hoc est, cujus conceptus non indiget conceptu alterius rei, a quo formari possit*. Quae si vel maxime recte se haberet definitio, nihil tamen ad rem faceret. Substantias enim in individuo spectatas per se concipere possum, adeo ut ad conceptum, quem de Petro habeo, non requiratur conceptus Pauli; nec tamen inde sequitur, Petrum non posse habere quidquam commune cum Paulo. Sed ulterius, ut evincat, unam substantiam, ab alia produci non posse, ita rationes subducit: *quae res nihil commune inter se habent, earum una alterius causa esse non potest*; (266) idque porro ita probat: *quae per se invicem non possunt intelligi, eorum unum alterius causa esse non potest*. Atqui substantiae nihil commune inter se habentes per se invicem intelligi non possunt, &c. Quae miserae iterum sunt sophisticationes. Perperam namque supponit, non dari substantias plures, quae aliquid commune inter se habeant. Praeterea nihil obstat, quo minus una substantia alterius, a qua infinitis modis distat, causa esse queat. Nullam enim rationem, cur ens infinitae perfectionis aliquid ex nihilo producere nequeat, reddi posse, aliquoties jam observavimus. In probatione itidem & major & minor claudicat. Major quidem, quia substantiarum relative equidem spectatarum cognitio ita comparata est, ut una sine altera intelligi nequeat; at, si absolute spectentur, falsissimum iterum est, quod, quae per se invicem non possunt intelligi, eorum unum alterius causa esse nequeat. Minor itidem aperte falsa est, cum in ea iterum supponatur, quod supra jam rejecimus, nullas dari substantias, quae aliquid commune inter se habeant, seu, quod perinde est, substantias diversas non posse inter se aliquid commune habere, adeoque si substantiae diversae dentur, eas nihil inter se habere commune. Falsum praeterea est, substantias, quarum una causa, altera effectus est, per se invicem intelligi non posse; saltem in quantum ad cogni-



tionem causae pertinet cognitio effectus, & vice versa. Sed haec sufficiant, quae speciminis instar sint, ex quo cognoscatur, quam lubrico & infirmo fundamento Spinozismus innitatur. Si placet, jungantur, quae jam olim hac de re dixi in *differt. de Spinozismo ante Spinozam* §. XXIV. in *enalect. histor. Philosoph.* pag. 354. seqq. & in *element. Philos. theoret. part. VI. cap. V.* (267)

- (258) *Magna pars systematis Spinosiani superstructa est fallacibus definitionibus, & praesertim definitioni substantiae, quae ipsi dicitur (Defin. 3. Part. 1. Ethic.) id, quod in se est & per se concipitur, hoc est, id cujus conceptus non indiget conceptu alterius rei, a quo formari debeat; atque adeo recedit ab illa definitione, quam circa substantiam, finitam saltem, omnes admittunt Philosophi, secundum quam substantia est id, quod in se habet omnia, quae ad existendum sunt necessaria, absque eo, quod aliqua re finita indigeat ad existendum. Licet igitur omnes aliae res finitae in nihilum redactae concipiantur, id, quod nomen substantiae merebitur, tanquam existens debet concipi posse; sic mentem meam, sic quaecunque corpus concipere possum tanquam existens, licet omnes aliae res in nihilum redactae concipiantur; adeoque sunt veri nominis substantiae. Si vero admittatur Definitio Spinosiana; concedi quoque debet, solum Deum nomen substantiae gerere posse, quia solus per se est, seu vi suae naturae existit, nec ejus conceptus indiget conceptu alterius rei, a quo formari debeat. Sed, si hac significatione una tantum in rerum natura detur & dari possit substantia; nullo modo exinde sequitur, omnes res, quae extra hanc substantiam existunt, ejus esse attributa & attributorum modificationes; Ideas, scilicet, abstractas, vel pessimo errore, vel detestanda malitia, habuit pro concretis: Cogitationem finxit generalem, quae ipsa est una ex infinitis attributis unicae istius substantiae, dum omnes mentes singulares sunt istius attributi modificationes; ideam istius cogitationis generalis formavit attendendo ad id, quod omnibus entibus cogitantibus est commune, uti humanitatis ideam abstractam formamus attendendo ad id, quod omnibus hominibus est commune, talis cogitatio generalis non magis extra mentem abstractas ideas formantem existit, quam humanitas extra eandem mentem potest existentiam habere realem, nisi in individuis; uti omnes agnoscunt saniores Logici. Hinc patescit, deperitorem esse Spinosianam definitionem DEI (Part. 1. Eth. Def. 6.), secundum quam est Ens absolute infinitum, hoc est, substantia constans infinitis attributis, quorum unumquodque aeternam & infinitam essentiam exprimit.*

*Injuria quidem adficeretur ingeniosus Robinet (de la Nature Tom. III. pag. 35. suiv.) si inter Spinosae affectas numeraretur; quo-*

quoniam, licet statuat, Naturam semper coexistisse cum suo Auctore, Mundum tamen a Deo distinguendum esse, ubique inculcat. Verum non video, quomodo Viro caeteroquin perspicaci, in mentem venire potuerit (pag. 49.) Mundum eo sensu esse effectum naturae divinae, ac si Deus nec voluntarie, nec ex beneficentia sua, nec alio quocunque fine mundum fecisset, sed necessario & per naturam suam essentialiter creatricem. Equidem haec intelligi possunt sensu Leibnitiano, saltem Canziano (cum Canzianus statuerit Theol. Nat. §. 139. Deum creationem omittere non potuisse absque libertatis suae abusu) sed tamen ulterius progreditur, & sententiam memoratam, utut gravissimis difficultatibus pressam, reddit deterio-rem; cum statuat Chap. 52. pag. 118. Mundi existentiam non habuisse initium, licet eundem aeternum esse neget Chap. 53. pag. 122.

(259) Conferantur ea, quae supra ad Cap. V. §. 7. n. 206. notavi, quaeque Cl. Auctor est propositurus Cap. VII. §. 2.

(260) An non candidus caeteroquin Buddeus candori suo magis consuluisse, si ingenuus fuisset sassinus, se errasse loc. cit. Elem. Philos. Theoreticac? Si quis certe verba, quae hic occurrunt, eorumque contextum debito modo perpendit, facile animadvertit, Virum Clar. cum ea scriberet, in sententia Lockii de Intell. Hum. Lib. 4. Cap. 3. §. 6, & Clerici Pneumatol. Sect. 1. Cap. 6. §. 5. fuisse versatum, quae, uti nunc ipse docet Buddeus & haec loci, & Cap. VII. §. 5, multis modis est absurda. Licet enim essentia mentis non reposita sit in cogitatione, vel in cogitandi actusositate, vel in continua cogitationum successione; licet intimam mentis essentiam non habeamus perspectam, illa tamen sententia, quam Cartesius ejusque sectatores fov-  
verunt, nequaquam argumentis refelli potest, quae ipsa absurdi quid-  
piam involvunt: apposite enim ad rationem, petitam ex ignorantia  
nostra circa intimam mentis corporisque essentiam, respondet Cl. En-  
gelhard Fer. Groning. Tom. 1. Sect. 2. pag. 191 Non novi omnia,  
quae insunt Lockio, neque omnia quae Clerico insunt; ergo igno-  
ro, an non Lockius & Clericus idem subiectum esse, vel in eo-  
dem subiecto sedem suam habere possint. Quid autem apertius  
quam Cl. Auctoris Verba: Ergo temerarium est, si quis dicat,  
naturae materiali repugnare, si cogitat, &c. & porro: Multo ita-  
que minus inferre licet; spiritus cogitant, ergo sunt immateria-  
les. Neque sese excusare potest Cl. Auctor eo nomine, quod de essen-  
tia, non vero de attributis seu proprietatibus materiae l. c. sermo  
sit: nam essentia nunquam, nisi per attributa, cognoscitur; licet  
nesciamus, quid sit illud subiectum, cui attributa, quae per se non  
exi-  
xi-.

existunt, inhaereant: sed licet quasdam proprietates & mentis seu cuiuscunque spiritus, & materiae habeamus exploratas, hae tamen sufficiunt, ut absque temeritate concludere queamus, eas in uno eodemque subiecto habitare non posse. Non autem perspicio, cur Cl. Auctor hanc defensionem sui inseruerit disputationi contra Spinosam, cum id ipsum loco magis opportuno facere potuisset Cap. VII. §. 2, ubi in eo est, ut Dogmata cum Atheismo conjuncta refutet, inter quae materialitas Mentis quoque numeratur.

- (261) Neque sic Cl. Auctor excusare potest ea, quae nimium aperta scripserat olim Elem. Philos. Theor. Part. 1. Cap. V. §. 28. seq. Quacritur, inquit, sitne anima materialis, an vero immaterialis? Quae de re, qui hominem ex corpore & mente tantum componunt, ita sentiunt, ut dicant, ex eo, quod mens sit substantia cogitans, luculenter evinci posse, eam materiae esse expertem: sed vero licet admodum vero similiter ex cogitationibus ejusmodi quid intelligatur, pro demonstratione tamen hoc argumentum haberi nequit, cum NB. nullam tandem involvat contradictionem, quo minus Deus substantiam corpoream cogitantem producere possit. Hic sane nondum agit de errore eorum, qui mentis essentiam in cogitatione reponunt; sed ne quidem validum pronuntiat argumentum, ex eo petitum, quod mens sit substantia cogitans (quod etiam ab illis non facile negabitur, qui ejus intimam essentiam incognitam esse putant) atque insuper sine ambagibus adjiciat, nullam involvere contradictionem, quo minus Deus substantiam corpoream cogitantem producere possit. Neque hoc assertum mitigatur verbis, quae in fine §. 28. adponit: Praesertim cum perperam adhuc supponatur, in cogitatione consistere essentiam mentis; cum tamen essentiae rerum nobis sint incognitae, quod novum, sed parum validum, haberi debet argumentum. Imo l. c. Part. 2. Cap. 1. §. 10. nihil ob stare, pronuntiat, quominus & materialis quaedam substantia cognoscendi & appetendi facultate sit praedita; sic igitur concludere licet, Cl. Auctorem adfectata modestia Lockii & Clerici fuisse a veritatis tramite olim abductum; nunc vero pristinum errorem optimo consilio & jure rejicere, solius veritatis amore agitatum.

- (262) De anima Brutorum haud ita pridem egi in praefatione secundae editioni Belgicae Operis Reimariani, (de Voornaamste Waarheden van den Natuurlyken Godsdienst) praemissa: notasse sufficiat, principium illud, quod in animalibus Brutis adest, quod sentit, quod suo modo cogitat, sibi est conscium, intelligit, vult, adeoque sese determinat, a materia debere esse distinctum; si illa phaenomena, quae in Brutis observantur, quando eorum actiones animo a praesudiciis vacuo considera-

deramus, ex materiae adfectionibus, aut ex corporis Mechanismo possint proficisci, nihil impedit, quominus mentis nostrae operationes perfectiori, seu subtiliori & mobiliori alicui Mechanismo ascribamus. Nihil autem obstat, quominus animas veri nominis in Brutis agnoscamus; nec solliciti esse tenemur de earum sorte post mortem istius corporis, quod earum quaelibet habitavit; tutius est acquiescere in sapientissima voluntate Optimi Creatoris, & magnam partem nostra facere verba Jenkini Thomae Britanni apud Cl. Engelhard in *Fer. Gron. Tom. 1. Sect. 1. pag. 215. seqq.* Quid hospes, inquit, quid umbram tuam, imo vanas imaginationes reformidas; intentionem aeternae tuae felicitatis minime impediturae sunt animae brutorum, cum in paradysum animarum fidelium illas non introducimus. Hoc tantum contendimus, quod alicubi pro infinita Dei sapientia mansurae sint in aeternum pro indole substantiae simplicis & immaterialis (quod tamen non contenderem, sed relinquerem in medio, magis sic observaturus modestae prudentiae regulas) & quid quaeso reformidas earum existentiam in statu gloriae, cum jam in statu gratiae, quae ab illo non nisi gradibus distinguitur, ad Deum alacrius inserviendum bruta habes ad manum, &c.

- (263) *Conf. ea, quae notavi ad §. 2. hujus Cap. n. 242. Mirum est, ingeniosissimum Bayle censuisse, l. c. Lit. Q. Spinosae Atheismum ex tribus hisce fontibus profluxisse, quod non potuerit comprehendere 1o. Materiam esse aeternam & a Deo differre; 2o. eam productam esse ex nihilo; 3o. spiritum infinitum & summe liberum producere potuisse tale opus, quale est hic Mundus. Quod ad primum attinet; in eo est Bailius, ut loco responsionis omnia confundat, ut rationis vires enervet, & nodum soluturus, aut dissecturus, videri velit, omnia fidei & revelationi committere, dicit enim l. c. Materia, quae existit necessario, quaeque tamen ab activitate esse destituta potestati alterius alicujus principii subiecta, non est objectum, cui sese accommodat ratio. Ast si candide egisset Bailius, mentionem non fecisset materiae, quae necessario existit; cum absurditas istius asserti plenissime habuerit, saltem habere potuerit perspectam; probe cognoscere potuit, materiam, quae necessario existit, & tamen potestati alterius principii est subiecta, esse contradictionem manifestissimam; cum necessaria existentia involvat independentiam. Neque certe Philosophia Cartesiana, qua turpiter adeo abusus fuit Spinosae, neque Theologia Judaica, cujus principii in juventute fuit enutritus, neque Religio Christiana talibus absurditatibus & contradictionibus favent, illisve praebent occasionem & alimentum: quomodo igitur conjicere licet, Spinosam sese in Atheismum dedisse praecipitem, quia comprehendere non poterat, neque quod materia sit aeterna & a*

Deo diversa, &c. statim adjiciens quasi: materia quae existit necessario, &c., neque nos comprehendimus, quod materia sit aeterna, quia a Deo est diversa, neque quomodo ex nihilo sit creata; demonstramus tamen, quod e nihilo sit creata & ex materiae consideratione demonstramus quoque existentiam Dei.

- (264) *Vid. ea, quae de vero sensu axiomatis ex nihilo nihil sit observavi ad §. 2. hujus Capituli n. 243. Bailius tamen, ut quasi indicet fontes Atheismi Spinosiani, dicit l. c. lit. O. Materia ex nihilo creata concipi non potest, qualescunque etiam adhibeamus conatus, ut for. nemus ideam actus voluntatis, qui convertit in substantiam realem id, quod antea erat nihil. Principium hocce Veterum, ex nihilo nihil fit, continuo sese nostrae imaginationi offert, ibidemque corrumpat modo adeo splendido, ut nos rem infectam relinquere cogat, si vel aliquid de creatione concipere coeperimus. Hoc est unum ex tribus illis incommodis, quae secundum Bailium, Dei causam propugnaturum contra Spinosam, hunc obligarunt, ut novum systema quaereret, in quo Deus a materia non est distinctus, & ubi agit necessario, & secundum totam suarum virium amplitudinem, non extra se, sed intra se. An serio haec scripisset Philosophus Rotterodamensis? an non melius penitiusque perspexisset veram significationem axiomatis vetustissimi? an non persuasus fuisset, nullum huic assignari posse sensum, cum sanae rationis placitis conciliandum, nisi, ubi nulla est causa, ibi quoque nullus effectus est? an Bailius, qui de existentia Dei, ejusque infinita potentia convictus videri volebat, dubitare potuit de creatione materiae ex nihilo, licet modum, quo ad divinae voluntatis nutum ad existentiam pervenerit, aequae ac nos ignorat? Conf. Poiret, in Dissert. nova tertiae editioni Cogitationum Rationalium praemissa §. VI.*

- (265) *Vid. infra Cap. VII. §. 1.*

- (266) *Hanc propositionem Spinosianam (quae est Propos. 3. Part. 1. Ethic.) peculiari Tractatu sub titulo Animadversionum Philosophicarum in decantatam Spinozae propositionem, quae res nihil commune inter se habent, &c. ad examen revocavit Bartholomaeus Bolkius Amstel. A. 1719. 4<sup>to</sup>. Non autem procedit ratiocinium, quo hanc propositionem stabilire conatus fuit Spinoza in Epist. 4. ad Oldenburgium pag. 404. cum in effectu nihil cum causa commune sit, omne, quod habet, a nihilo habet: sic, scilicet, ludit in verbis: nihil commune esse in effectu cum causa, quae certe manifestam involunt petitionem principii, si sensu Spinosiano sumatur; Deus, sane, nihil commune habet cum corpore, imo cum qualicumque re finita, cum*

cum sit aeternus, necessarius, immutabilis, independens, infinitus; quae omnia attributa in rebus finitis esse non possunt; neque attributa entium finitorum in Deo locum inveniunt: sed, si inde concluderem, corpora suam existentiam contingentem habere non posse ab Ente necessario, liberrime & efficacissime operante, limites adscriberem potentiae Entis infiniti.

- (267) Ea, quae Cl. Auctor contra Spinosa[m] disputavit, haec loci sufficere possunt; sed ingens est eorum numerus, qui feliciter contra eum pugnant, quorum praecipui mihi videntur Nieuwentydt Gronden van Zekerheid passim. Poiret in Fundamentis Atheismi everfis, quae ipsius Cogitationibus rationalibus sunt adjuncta. Jaquelot de l'existence de Dieu passim. Velthuizen Oper. Tom. 2. pag. 1371—1570. Langius in Causa Dei contra Atheismum pag. 106—124. Stapfer Theol. Polem. Tom. 2. pag. 722—736. de Jarriges Hist. de l'Acad. Roy. des Sciences de Berlin Tom. 1. pag. 121—143. & Tom. 2. pag. 295—317. Wolffius Theol. Nat. Part. II. §. 671—716. Morus Oper. Tom. 1. pag. 565—635. la Defense de la Religion Tom. 1. pag. 269. suiv. Tom. 2. pag. 34. suiv. Tom. 3. pag. 13. suiv. Tom. 5. pag. 393. suiv. pag. 427. suiv. pag. 474. suiv. Principia Religionis Naturalis & Revelatae Tom. 1. pag. 186—218. addi posset Aubert du Verié l'Impie convaincu passim, sed caute legendus, ipse, uti notavi ad Cap. 1. §. 26. n. 64. a gravissimis erroribus non immunis. Alios vide supra ab Auctore memoratos Cap. 1. §. 26. (quibus non nullos ex hisce, n. 65. annumeravi) plures reperiuntur apud Grapium Theol. recens controversâ Cap. 1. Quaest. 10. pag. 50. seqq. sed omnium numerosissimi apud Fabricium de Verit. Relig. Christ. Cap. 13. pag. 357—361.

## §. VII.

Fundamentis Atheismi destructis atque everfis, ad objectiones eorum, quibus veritatem manifestissimam oppugnant, respondere haud difficile fuerit. Quando enim ex eo, quod Deus incomprehensibilis, itemque infinitae essentiae, potentiae, durationis, dicitur, eum prorsus cognosci non posse; indeque porro, quicquid cognosci nequit, non ens esse, inferunt, vocibus puerorum modo ludunt, seque, quid incomprehensibile, quidve infinitum sit, nescire, aut scire nolle

ZZ 2

ostē-

ostendunt. Omnem vero facultatem Deum cognoscendi dum homini abjudicant, se ipsos hominum nomine indignos demonstrant, qui intellectus omnis expertes solis sensibus omnia metiuntur. \*

- Inter argumenta, quibus Athei Numinis existentiam impugnant, primum merito locum tenent, quae ab ipso Dei conceptu desumunt. Nullum namque nos Dei conceptum, nullam ideam habere, clamitant; indeque porro inferunt, eum esse non-ens; cum pro non-ente habendum sit, cujus nullam ideam habemus, nullumve conceptum. Ut autem probent, nos nullam Dei ideam, nullumve conceptum habere, ad incomprehensibilitatem praecipue ejus atque infinitatem, qua essentiam, qua potentiam, qua durationem, provocant. Hoc ipso enim dum ipsimet fateamur, Deum esse incomprehensibilem, concedere quoque, nos nullam ejus ideam, nullumve habere conceptum idemque ex infinitate ejus sequitur. Qui enim Deum infinitum dicat, eum nihil aliud dicere, quam se, quid Deus sit, nescire. (268) Ad haec autem, ut ordine respondeamus, primo quidem observamus, axioma illud, *cujuscunque nullam habemus ideam, nullumve conceptum, id est non ens*, tum demum locum invenire, si nullum plane rei cujusdam habeamus, aut habere queamus conceptum, aut is talis sit, qui apertam contradictionem involvat. At nullum plane nos de Deo habere conceptum, nullamve ideam, adeo falsum est, ut ipsa experientia istos homines refellat. Non tantum Christiani, & Judaei, & Muhammedani, sed Ethnici omnes, veteres pariter ac recentiores hoc ipso, dum omnes de Deo loquuntur, fatentur, se quandam de eo habere ideam. Et cur non haberent, cum nemo tam stupidus, tamque expertus omnis mentis sit, ut non substantiam materiae expertem, necessario existentem, summa sapientia, summa potentia, summa libertate praeditam, mente concipere queat. Nulla hic contradictio, nulla pugna, nec aliud quid, quod prohibeat, quo minus ejusmodi entis summe perfecti ideam animo sistam. At incomprehensibilem, inquis, Deum esse, ipsimet fatentur, qui pro ejus existentia pugnant; ergo nullam ejus ideam habent. Ita nimirum ignorantiam suam isti homines produnt, dum nesciunt, quo sensu Deus incomprehensibilis dicatur. Qui enim, eum comprehendi posse, negant, non hoc sibi volunt, ac si nulla plane ratione agnosci queat, sed quod humanae mentis nimis angusti limites, quam ut Deum cum omnibus suis perfectionibus plene & accurate comprehendere possit. Quis vero hanc rationationem ferret: cujuscunque rei non datur plenus, perfectus & adequatus conceptus, illius nullus datur conceptus, illa est non ens? Certe nihil aliud agunt Athei, dum ita rationes subducunt, quam ut

se

se ipsos traducant turpiter. Tantum itaque abest, ut hac ratione existentia Dei impugnari queat, ut potius invertere argumentum liceat. Si enim illud, cujus nullum conceptum habeo, est non ens, vice versa ens revera existens erit, cujus conceptum habeo. (269) Præterea hoc ipso, quo aliquid nobis, quorum intellectus adeo arctis limitibus circumscriptus est, incomprehensibile est, sequitur, dari aliquid, quod infinitis perfectionibus gaudet. (270) Si enim omnia finito & limitato intellectu nostro comprehendere possemus, nihil daretur, quod infinitis perfectionibus esset prædictum, (271) Copiosius hoc deducit PETRUS POIRET, de Deo, anima & malo, lib. III. cap. VI. Quod de infinitate Athei objiciunt, præcipue THOMAS HORRESIUS urget, quem hac de re audire juvabit. *Quicquid, inquit, imaginamur, finitum est. Nulla ergo est idea, neque conceptus, qui oriri potest a voce hac infinitum. Animus humanus imaginem infinitæ magnitudinis capere non potest; neque concipere infinitam velocitatem, infinitam vim, infinitum tempus aut infinitam potentiam. Quando dicimus, rem aliquam esse infinitam, hoc tantum significamus, non posse nos illius rei terminos & limites concipere; neque aliud concipere, præter nostram impotentiam propriam. Itaque nomen Dei non usurpatur, ut illum concipiamus (sed enim incomprehensibilis, & magnitudo potentiaque ejus inconceptibilis) est ut honoremus; Leviath. cap. III. pag. 12. Quibus verbis etiam reverentiam quandam Deo se exhibere videri velit, revera tamen id agit, ut ostendat, in idea Dei ejusque attributorum nihil realitatis esse, sive, ut clarius dicam, voces, quibus ideam Dei ejusque attributa exprimimus, nomina esse revera nihil significantia. Hanc mentem HORRESII esse, non dubitabit, qui operæ pretium esse duxerit, conferre, quæ in libro, de Cive, cap. XV. §. XIV. hac de re differit, quamvis ibi aperte secum pugnantia adferat. Multis enim verbis postquam docuit, Deum concipi non posse, quando Deo visionem & ceteros sensuum actus, vel scientiam & intellectum attribuimus, nihil aliud hoc in nobis esse dicit, quam *fuscatum a rebus externis organa prementibus animi tumultum*. Conscientiam & quæ *Physic. part. IV. cap. XXVI. pag. 204.* hac de re habet, quæ supra jam adduximus, cap. I. §. XXVII. Hæc vero omnia quam inania sint, facili negotio demonstrari potest. Nimirum entis infiniti ejusque attributorum conceptus, duo involvit, quorum alterum *positivum*, alterum *negativum* quid exhibet. (272) Primo namque summam quandam concipimus perfectionem; tum vero fatemur, tantam esse hanc perfectionem, cujus limites terminosque non valeamus assequi. (273) Falsissimum itaque est, quod HORRESIUS dicit, voce *infiniti* tantum nos significare, non posse nos illius rei terminos concipere. Perperam namque, quod positivum est, in conceptu entis infiniti omittit, & ei, quod negativum est, tantum inhaeret. Conceptum plenum, perfectum & adæquatum rei infinitæ nos non*



habere, lubentes fatemur. Sed nec hoc necesse est, cum conceptus aliqualis & inadacquatus ad hoc, quod cupimus, evincendum sufficiat. Ejusmodi vero rei infinitae conceptum dari adeo verum est, ut ipsa Atheorum etiam confessione comprobari queat. Cum enim ipsimet decantatum illud, *ex nihilo nihil fit*, principii loco adsumant, necesse est, ut fateantur, aut materiam, aut aliud aliquid, semper existisse. Habes ergo ens *infinitae durationis*, seu aeternum. (274) Si ergo Hobbesii ratiocinatio procederet, ens illud aeternum, sive infinitae durationis, esset *non-ens*, quia infinitam durationem mente concipere nequeo. Ergo ex non-ente sua sponte facta sunt omnia. Quod tam absurdum est, ut nec stolidissimus Atheorum hoc sit admittitur. Cum vero Hobbesius non tantum *aeternitatem* seu *infinitam durationem*, sed & infinitam potentiam seu *omnipotentiam*, inter voces nihil significantes referat, cumprimis saltem observandum, per omnipotentiam eam entis infiniti nos intelligere perfectionem, quae omnia, quae possibilia sunt, seu nullam involvunt contradictionem, efficere potest. Ejusmodi vero omnipotentiae cur nullam habere queamus ideam, nullam iterum rationem video. Quid enim potentia sit possibilia efficiendi, omnes clare perspiciunt. Omnipotentiam autem seu potentiam infinitam dum vocamus, conceptui positivo negationem addimus, fatentes, nos potentiae istius seu perfectionis limites concipere mente non posse. (275) Atque haec cum satis manifesta sint, id saltem superest, ut disquiramus, an facultas Deum cognoscendi in homine detur? Sunt namque ex Atheis, qui hoc diserte negant, non aliam, quam quae sensibus sit, cognitionem, homini tribuentes, quae adeo Deus, qui spiritus sit, cognosci nequeat. Verba iterum pro reliquis faciat THOMAS HORRETIUS: *Et quoniam, quicquid (ut dixi supra) concipimus, perceptum est ante in sensatione, nulla inesse homini potest imaginatio rei, quae non sit percipienda sensibus. Nemo itaque concipere aliquid potest, nisi ut in loco & finita aliqua magnitudine praeditum, & divisibile in partes; neque aliquid esse totum in uno loco & totum in altero, tempore eodem; neque duas vel plures res eodem tempore esse posse in eodem loco. Nihil enim horum fuisse aut esse potuerit in sensatione; sed sunt orationes insignificantes, admissae propter auctoritatem quorundam Philosophorum errantium, vel Scholasticorum fallentium, loc. cit. pag. 13. Similia & supra cap. I. §. XXVII. jam ex eo attulimus. Quae tamen itidem frivola sunt, & Philosopho prorsus indigna. Esti enim, quae sensibus percipimus, variis ideis occasionem praebeant, plurimae tamen in mente nostra sunt ideae, quae a sensibus saltem immediate & directe ortae non sunt, nec ab iis pendunt. Primo namque non tantum objecta varia sensibus percipimus, sed ea quoque nos percipere novimus. Qui actus mentis reflexus sensibus profecto tribui nequit. Deinde ex ideis, sensibus hauritis, varias iterum imagines, componendo, separando, aliaque ratione,*

ne, formamus, easque diversa ratione consideramus; quod longe aliam facultatem, quam quae sensibus propria est, requirit. Denique praeter ideas sensuales, seu per objecta sensuum excitatas, sunt etiam in mente nostra ideae mere intelligibiles, quarum imaginem in objectis sensuum frustra quaesiveris. Atque ad hasce ideas intelligibiles cum etiam idea Dei & attributorum Divinorum pertineat, sequitur, neutiquam nobis deesse facultatem Deum cognoscendi. Haec vero omnia ita se habere quilibet statim convincetur, modo ad ea, quae in mente sua facillimo negotio deprehendere potest, attendere velit. (276)

- (268) *Conf. ea, quae notata sunt ad §. 1. hujus Capituli n. 247. Licet autem ingeniosum Robinet (de la Nature P. V. passim) inter Atheos referre non audeam, adeo tamen urgere videtur incomprehensibilitatem Dei, ut nihil fere restet de tota Naturali Theologia, utque Athei ipsius doctrina facile possint abuti, absurdum hocce argumentum contra incautos atque minus exercitatos suo modo adstruendi. Appellat Antropomorphismum spirituale, si aliqua admittatur analogia inter perfectiones Dei, & inter virtutes hominum; & certe de Deo rebusque divinis saepissime loquimur more nimium humano; exinde autem plurimos propoliare errores, diffiteri non licet. Attamen ipsa praeivit Sacra Scriptura, quae, puriori lumine mortales collustrans ubique adhibet terminos a virtutibus entium intelligentium finitorum desumptos; neque ullum est errandi periculum, si, viam negationis & eminentiae calcantes, perpetuo ante oculos habeamus Dei infinitatem, independentiam, vitamque successione carentem: equidem ideam infinitatis positivam non habemus, multo minus adaequatam; sed sufficit, si sciverimus, omne, quod limites supponit, a Deo, ab ente necessario & vi suae naturae existente esse sejungendum; conf. n. 272. Nescimus, quomodo se habeat intellectus divinus; scimus tamen, Deum esse actuosissimum omnia cognoscens, liberrimum; & perversè concluderemus cum Robinet l. c. Chap. 53, Deum non esse ens intelligens, quia non eo modo res cognoscit, quo intelligentiae finitae, &c.*

- (269) *Argumentum hac ratione inversum contra Atheos minime adhibendum existimo, quia abduceret ad Metaphysicas, fructuque magnam partem carentes subtilitates. Certum est, Ens, cujus conceptus vel idea formari non potest (non dico, cujus conceptum formare adaequatam nos homunciones non possumus) non existere; sic scil. in illo conceptu aliquid inveniretur, quod contradictionem involvit; sic mons sine valle, effectus sine causa existere nequit; quia contradictionem involvit uterque; adeoque conceptus talis montis, talisque effectus formari non potest, ne quidem ab Intelligentia infinita. Verum innumera dantur.*

dantur entia rationis, quorum proinde conceptum habemus, quae tamen non existunt; & si semper procederet argumentum Auctoris, etiam admittenda esset Cartesii, ut dicitur, demonstratio a priori pro existentia Dei, quam ipse Cl. Buddeus non approbat. Id tamen quodammodo concedi potest, illud existere, cujus conceptum habemus, quatenus experientia constat, nullas in mente nostra praesentes reddi ideas, nisi res, quae per illas ideas repraesentantur, existere possint, existant vel existerint, non quidem eo modo, quo per idearum conjunctionem ab imaginatione nostra pinguntur, sed per partes; uti idea Centauri repraesentat res revera existentes; cum constata sit ex idea hominis & ex idea equi, quorum uterque extra mentem existit.

(270) Conf. ea, quae supra notavi Cap. V. §. 2. n. 162. Mens nostra ar-  
 EOS sui intellectus limites animadvertens, convincitur, se esse ens con-  
 tingens; cum ex natura entis necessarii, seu suae naturae vi existentis  
 sua sponte sequatur, illud esse infinitum, seu nullis terminis circum-  
 scriptum, non tantum quoad existentiam, verum etiam quoad essentiam  
 & attributa, quae ad essentiam pertinent, quod demonstravi in Prim.  
 lin. Theol. §. 18. & §. 34. Hoc sensu, & nullo alio, admitti  
 potest Cl. Buddei assertum.

(271) Si adaequatum formare possemus conceptum Dei, divinorumque attri-  
 butorum, plenissime perciperemus modum, quo Deus existit absque  
 initio, absque successione momentorum; sive quo vitam interminabilem  
 simul totam possidet; ut & modum, quo omnia simul intelligit, omnia  
 simul vult, & quo ubique simul est praesens absque diffusione per spa-  
 tia mundana: quod omne in Ente successive existente, successive actuo-  
 so, & ad determinatum tantum locum suam habente relationem obtinere  
 nequit. Et hoc sensu dicere cum Cl. Buddo licet, quod nil daretur  
 infinitis perfectionibus conspicuum, si omnia finito & limitato  
 nostro intellectu comprehendere possemus; finitum quippe intelle-  
 ctum capere non posse id, quod infinitum est, cuilibet attendenti est  
 manifestum; quidquid igitur mens nostra comprehendit, finitum est,  
 & ipsius infinitatis tantum possidere potest negativam, adeoque admo-  
 dum inadaequatam cognitionem; Conf. n. 272. sequentem.

(272) An idea, quam de Deo habemus & habere possumus, sit etiam po-  
 sitiva, an vero negativa tantum, acriter fuit disputatum; quae ta-  
 men controversia magnam partem abit in Logomachiam: quod susius  
 demonstraſſe hujus non est loci. Positiva est idea Dei, quatenus reprae-  
 sentat ens necessario existens vi suae naturae, aeternum, indepen-  
 dens, intelligens, liberum, &c. Et licet aeternitatis ipsius nega-  
 tivam tantum ideam habeamus, id tamen cum Boethio positive concipi-  
 mus,

mus, Deum interminabilem vitam simul totam possidere, *modum ipsius possessionis nequaquam comprehendentes*; & quamvis independentia exprimat per vocabulum negativum, conceptu tamen suo involvit sufficientiam, ex necessaria existentia & omnitudine perfectionum (uti loquitur Bulfingerus Dilucid. §. 407. seqq.) profluentem. Sed negativa est idea Dei, quatenus nullos deprehendimus terminos in attributis Divinis, & infinitatem nobis repraesentare non possumus actu positivo. Omniscientia Ex Gr. denotat infinitatem scientiae, ita ut Deus omnia cognoscat, quae cognosci possunt; uti ad omnia, quae cognosci possunt; & quae a Deo cognoscuntur, sese extendit Ipsius Omnipotentia; sed quia infinitatis notio huic conceptui est admixta, negativa tantum est idea; cum caeteroquin cognosceremus uno intuitu omnia objecta divinae scientiae atque potentiae; & sic scimus tantum, nihil esse, aut esse posse, quod Deus non cognoscit, quodque divinae potentiae non est objectum.

(273) *Non tantum non limites terminosque assequimur, aut assequi possumus, sed certissimi sumus, nullos limites terminosque in Deo ejusque attributis dari; cum omnis limitatio supponat, vel involvat contingentiam, quae necessitati est opposita; sic Cl. Auctor in hac parte cum Hobbesio consentiret, qui tamen nunquam aperte statuit, nos ne quidem negativam ideam infinitatis formare posse, licet infinitatem absolutam non agnovisse videatur in Deo, sed tantum relativam ad nos.*

(274) *Non nervose satis objectionem Atheorum, quam contra Deitatis cognitionem & existentiam proponere possunt & solent, exhibuit Cl. Auctor; majorem habet speciem, si dicatur, in Dei idea putatia dari manifesto pugnancia, seuque mutuo destruentia; adeoque nos veram ideam Dei habere non posse, multo minus existere ens, quod per talem ideam repraesentatur, quorsum abit difficultas proposita apud Mosheimium ad Cudw. pag. 758. Infinita iustitia, quae ad naturam Entis necessarii & infiniti pertinet, tollit, ut putant, misericordiam; potentia infinita pluribus in casibus destruit infinitam bonitatem. Verum tota haec obiectio ex ignorantia profluit; cum idem Monarcha & iustum possit esse, & misericors, si modo rite exponamus terminos; cum iustitia sit illud Dei attributum, in quo perpetuum obtinet beneficentiae exercitium per sapientiam & sanctitatem temperatae; hanc spectandam praebet, dum suas perfectiones inviolabiles constituit; dum, quantum hae permittunt, hominum felicitatem curat, & nisi propriae miseriae fuissent Architecti, ad salutem perduceret omnes. Nec unquam pugnat datur inter potentiam & bonitatem; cum haec constantem denotet Dei voluntatem communicandi cum creaturis beatitudinis capacibus tan-*

tam felicitatem, quam patiuntur finita earum indoles & sapientissimi fines, quos Ipse sibi pro sua sanctitate proposuit: haec igitur nullos proferret fructus, nisi infinitam potentiam haberet comitem. An autem recte Hobbesii mentem affectus fuerit Cl. Buddeus, illum satis acriter impugnans, fusc satis disquirat Moshemius l. c. pag. 760. seqq. Id tamen concedendum, Hobbelium saepe mentem suam ea ratione expressisse, ut exinde concludere liceat, ipsum in Deo veram & absolutam infinitatem, seu limitum & terminorum carentiam perfectionumque omnitudinem (si cum Bultfingero loqui fas sit) non agnovisse. Quod ipsum ex Tractatu de Cive Cap. XV. §. 14. pag. m. 276. constare potest, ubi eadem fere habentur, quae in Leviathane loco ab Auctore citato; sed aperte magis sic loquitur: Quando dicimus, aliquid esse infinitum, NB. non aliquid in re significamus, sed impotentiam in animo nostro, tanquam si diceremus, nescire nos, an & ubi terminetur.

- (275) Denuo monendum, Cl. Buddeum minus accurate haec loci mentem suam exposuisse; quando ideam omnipotentiae negativam formamus, vel formare studemus, non tantum fateamur & experimur, nos potentiae divinae limites concipere mente non posse; talem omnipotentiae conceptum agnovisset etiam Hobbesius; sed insuper requiritur, ut fateamur, potentiam illam nullos habere limites; ita ut infinitas, quae hic obtinet, non tantum sit Mathematica, qua semper ulterius ulteriusque possumus progredi, sed etiam Metaphysica, qua majus quid nec dari potest, nec concipi, non solum ab intelligentia finita, verum etiam a mente, quae nullis laborat defectibus, cujusque adeo cognitio nullis limitibus est circumscripta. Ipse autem Hobbesius in Leviathane Cap. 31. Oper. Tom. 2. pag. 170. non tantum omnipotentiam Deo competere statuit, sed etiam infinitatem absolutam, seu Metaphysicam agnoscere videtur, quando dicit: Deum non honorant, quantum possunt, qui finitum esse dicunt: NB. finito enim addi potest: verum verba sequentia indicant, eum non agere de infinitate perfectionum, quando adjicit: Figuram ergo Deo attribueret contra honorem Dei, propterea quod figura omnis finita est.

- (276) Hobbesius, loc. cit. ab Auctore, ridere videtur Dei omnipraesentiam, prout recte concipitur ab iis, qui eam non reponunt in diffusione per spatia mundana; quo ipso partes a se invicem distinctae in Deo essent statuendae, quarum una in hoc, altera in alio loco esset praesens, & ad peculiarem locum quaelibet peculiarem haberet relationem; uti mens nostra peculiarem relationem habet ad locum, vel partem spatii, in qua corpus, cum quo unita est, constituitur, qualem

*tem non habet ad omnia alia loca hujus Universi; si spiritualitatem Dei purissimam tueri velimus, quae toti argumentis demonstratur, etiam tenendum, Eum ad omnia loca eandem habere relationem, cum in omnibus operetur sua providentia, & nullum verae praesentiae documentum dari possit, quod reali operatione illustrius est & manifestius. Totus igitur Deus est in uno loco, totus est in altero loco eodem tempore, licet vocabulum totus minus recte de Deo usurpetur, cum suam habeat relationem ad partes, quae in ente simplicissimo nullo modo dantur; uti mens nostra minus concinne diceretur tota praesens in illa parte corporis, in qua peculiari modo suam habet sedem, & in qua, admissio systemate influxus Physici, imperium suum exercet in corporis membra mentis directioni commissa, motuumque voluntariorum capacia.*

## §. VIII.

Eandem aut ignorantiam aut malitiam Athei produnt, quando tum ex scientia, tum ex immutabilitate Dei, aliquid elicere volunt, quod impio illorum errori faveat. Dum enim ex eo, quod, deficiente objecto, nulla sit scientia, colligunt, ante mundi creationem Deum omni cognitione, omnique scientia destitutum, hoc est, aliquid, quod nihil minus, quam Deus, sit, nobis admittendum esse, pueriliter errant, non cogitantes, quod ante mundum conditum Deus ipsemet suae cognitionis vel scientiae objectum esse potuerit. Ex immutabilitate autem ejus, dum absolutam necessitatem vel libertatis defectum colligunt, pugnam perperam fingunt, ubi optima est concordia, siquidem nihil obstat, quo minus cum immutabilitate summa consistere queat libertas. \*

- \* Attingimus hic argumenta, quae ab essentia & attributis divinis, ad errorem suum stabiliendum desumere Athei solent. Haec inter & illud a nonnullis referri solet, quod ex THOMAE HOBESII, cujus effata huc spectantia cap. I. §. XXVII. exhibuimus, aliorumque principio, *non aliam, quam corpoream, dari substantiam*, fluit. Hinc enim ita rationes subducere solent: si Deus esset, aut corporeus esset, aut incorporeus. Non est incorporeus, quia non alia, quam corporea datur substantia; immo juxta HOBESIIUM, *substantia incorporea est vox insignificans*. Si

vero corporeus, aut ipsum hocce universum erit, aut pars ejus. Utrumque cum absurdum sit, concludunt, nullum esse Deum. Verum, quid ad hoc respondendum sit, ex hactenus dictis nemini obscurum esse potest. Perperam namque supponitur, nullam dari substantiam incorpoream. Quo pacto vero vel ex ipsa mentis nostrae consideratione, tum generatim spirituum, tum speciatim infiniti spiritus existentia probari queat, *cap. praeced. §. VII.* ostensum est. (277) Missis ergo hisce, ad *cognitionem* seu *scientiam* Dei accedimus, in qua argumentum pro errore suo impio se invenisse Athei sibi visi sunt. Neque tamen de ea cognitione, quae sensuum beneficio peragitur, hic sermo est. In hacce enim, prout mere sensualis est, objectum aliquod externum, quo excitetur, requiri, haud difficulter largimur, sed eam Deo tribui posse, simul abnuimus. Eos vero, qui non aliam quam sensualem cognitionem admittunt, turpiter falli, antea jam demonstravimus. Interim cum & ea cognitio, quae intellectu tantum peragitur, objectum aliquod intelligibile requirat, nos vero fateamur, ante mundi creationem praeter Deum ipsum nihil extitisse, concludunt hinc Athei, ante mundi creationem nullam fuisse Dei cognitionem, aut revera nullum fuisse Deum. Qui enim Deum absque omniscientia & cognitione fingit, perinde est, ac si nullum admittat. Addunt, cum rerum omnium exemplar sine rebus ipsis non detur, concipi non posse, quo pacto Deus res omnes formare, aut creare potuerit. Et huc quidem illud T. LUCRETII CARI pertinet:

*Exemplum porro gignundis rebus, & ipsa  
Notitiae hominum divis unde insita primum,  
Quid vellent facere, ut scirent, animoque viderent?*

de *rer. nat. libr. V. pag. m. 154.* Verum ex hisce facile quis se expediet dubiis, modo ad ea, quae in mente sua deprehendere potest, attendat. Hanc enim considerantes, praeter eam cognitionem, quae ab objectis externis excitatur, aliam quoque reflexam in ea deprehendimus, qua mens nostra omnium eorum, quae ipsamet agit aut patitur, intime sibi conscia est, & se ipsam omnesque suos motus, facultates, operationes considerat. Pari ergo ratione Deus ceu mens infinita perfectissimaque, priusquam mundum huncce conderet, se ipsum cum infinita sua bonitate, potentia, sapientia, reliquisque perfectionibus, modo perfectissimo, nobisque ineffabili, contemplatus est, & ea quidem ratione, ut in ista contemplatione summe quoque beatus esset. Potentiam vero suam infinitam contemplari non potuit, ut non simul ideae rerum omnium, quas efficere posset, ei obversarentur, una cum mutuis earum relationibus, pendentibusque inde aeternis, quas vocant, veritatibus. Qua quidem ratione Deus per sui ipsius

ipſius cognitionem, ſuaeque potentiae contemplationem, ideas rerum omnium, quas conditurus eſſet, formavit, quae adeo cum ſemper in mente ejus aeterna extiterint, earum originem ab objecto aliquo externo, ſeu extra Deum conſtituto, repetere non neceſſe fuit. (278) Ex *immutabilitate* Dei argumentum erroris & impietatis ſumunt, qui cum BENED. DE SPINOZA omnem ei libertatem cripientes, cuncta neceſſario fieri, ſibi aliſque perſuadent, per decreta & volitiones, adeoque per ipſam providentiam nihil aliud, quam naturae ordinem, qui ex ejus aeternis legibus neceſſario fluit, intelligentes. Si enim decreta libera, volitionesque liberae illi tribuantur, hoc immutabilitati ejus, adeoque ſummae perfectioni repugnare, contendunt. Quae omnia iterum ad fucum faciendum, caliginemque imperitoribus offundendam, comparata eſſe, nemo non intelligit. Nimirum dum ipſi Deum in materiam mutant, infinitis mutationibus obnoxiam, dumque in ovibus, canibus, felibus, aliſque animalculis, partem eſſentiae divinae ſe deprehendere arbitrantur, dumque nullum tam horrendum facinus eſt, quod non ex illorum ſententia Deus ipſe perpetrat, de perfectione tamen Dei ejusque immutabilitate ſe eſſe ſolicitos videri volunt, diligenterque cavere, ne quid, quod ei repugnet, ſtatuatur. Nos vero omnino Dei eſſentiam immutabilem eſſe, lubentes fateamur, quippe quod ſumma ejus perfectio requirit. Eſt vero manetque haec ejus eſſentia immutabilis, ſi vel maxime liberrime aliquid producat, quod mutationibus ſit obnoxium. Namque mutatio ejus, quod diſtinctum prorsus a Deo atque diverſum eſt, in ipſa eſſentia divina nullam efficere mutationem poteſt. Multo itaque minus ipſa creatio mutationem quandam divinae eſſentiae infert, cum ea ejusmodi praepotentis Dei actionem ſignificet, qua unico nutu, ſimpliciſſimoque volendi actu, primo, praeter ſubſtantias immateriales, materiam ex nihilo, & deinde ex materia res omnes aſpectabiles, juſto tamen obſervato ordine, produxit. Quae quidem cum extra divinam eſſentiam peracta ſint, quod in ipſa eſſentia divina mutationem quandam effecerint, nulla dici ratione poteſt. (279) Quod ſi vero quis cum Spinoza creationem ſaltem in modificatione quadam eſſentiae divinae conſtituat, cum ſane ſine mutatione eſſentiae divinae nulla ratione concipi poterit. Id quod & de illorum obſervandum ſententia, qui creationem per emanationem quandam ex eſſentia divina, explicare aggreſſi ſunt. (280) Nec ipſa volendi libertas eſſentiae immutabilitati repugnat. Etenim cum iſta libertas mentis humanae eſſentiam non mutat, multo minus in divina eſſentia, infinitis perfectionibus gaudente, mutationem quandam inferet, cum contra defectus libertatis, ſeu neceſſitas, cum ſumma imperfectione ſit conjuncta. Quare & Deus, ſalva eſſentiae ſuae immutabilitate, decreta varia non tantum abſoluta, ſed & hypothetica ſeu conditionata facere potuit. Ecce enim hypothetica mutationem



quamdam secum vehere videantur, cum aliter impleta, aliter non impleta conditione, res eveniat; ista tamen mutatio rursus, si paulo accuratius consideretur, in ipso saltem objecto est, adeoque Deo nulla ratione tribui potest. Deus uno eoque simplicissimo volendi actu, summaque simul libertate, & decernere aliquid, & decreto suo certum ordinem certamque conditionem adjicere potest, qua aut adimpleta, aut non adimpleta, mox hic, mox alius sequatur effectus. (281) Sed haec alibi edisseruntur uberius, ubi ex instituto de decretis divinis agitur. Solent praeterea, ut hoc unicum addamus, Athei & ex operibus divinis argumenta varia depromere, quibus veritatem manifestissimam labefactent. Sed ista deinceps, cum providentia divini ab eorum objectionibus nobis vindicanda erit, profigabimus.

- (277) *Vix credere licet, Atheos eo insaniae procedere, ut hoc ratiocinio utantur, quo existentiam Dei impugnent; quippe postquam existentia illa argumentis iis est probata, quae ab omni exceptione sunt immunita, quorumque vim nunquam intentare ausi fuerunt Deitatis ofores, per hoc ipsum ratiocinium evincitur, Deum illum non esse corporeum, quia sic vel ipsum Universum foret, vel pars ejus; atqui in hoc Universo corporeo nihil reperitur, nisi quod vicissitudinibus perpetuis est obnoxium; nisi quod limitatum est quoad existentiam & quoad essentiam; nisi quod passivum est & iners; nisi quod ex partibus est compositum; nisi quod in determinato loco est praesens; quae omnia in Ente necessario sedem suam habere nequeunt; Conf. ea, quae supra Cap. V. §. 7. notavimus, mentis nostrae immaterialitatem spectantia, cum iis, quae proponet Cl. Auctor Cap. VII. §. 2.*

- (278) *De intellectu divino, atque de ideis rerum possibilium, sive earum, quae existunt, exstiterunt olim, vel exstiturae sunt aliquando, sive etiam earum, quae nunquam acquirunt nudae possibilitatis complementum, nullam tamen contradictionem in suo conceptu involventes, fuisse hic loci differere non licet: in genere notasse juvabit, Deum, Ens perfectissimo modo intelligens, (vocalia a rebus finitis mutuo sunt sumpta, adeoque admodum imperfecto modo attributa Dei exprimunt) se ipse cognoscere, & omnia, quae objecta sunt, aut esse possunt divinae potentiae; cognoscit sic clare, distinctissime, adaequate omnia possibilia; ita ut non sufficiat, Deum esse certissimum, per vividissimam conscientiam sui, se omnia posse, quae nullam involvunt contradictionem; omnino requiritur, ut omnis cognitio vaga & quae incrementi est capax a Deo removeatur, utque igitur omnia & singula suae potentiae perspecta habeat objecta. Sic minus recte mentem suam exprimit Cl. Buddeus, quando dicit, Deum per sui cognitionem suaeque potentiae contemplationem, ideas rerum omnium, quas conditurus esset, for-*

formasse, &c. cum sic ideae illae spectari possent ut producta, quae quidem nullum momentum antea supponunt, quo Deus illas nondum habuit, (cum sic etiam Decretum Dei involveret ideam alicujus momenti, quo illud nondum erat conditum); sed uti ad Dei naturam pertinet vivida & penitus adaequata cognitio suae potentiae, sic etiam ad Ejus naturam pertinet distincta & perfectissima cognitio objectorum, quae per suam potentiam ad existentiam posset perducere. Hanc habuisset Deus, licet per omnem aeternitatem solus mansisset, in cognitione & fruitione suarum perfectionum beatissimus; neque a Divina voluntate magis pendet hasce ideas, essentias rerum ideales pingentes, possidere, quam ab ea pendet possidere adaequatam suae potentiae ideam, vel potius vividissimam ejusdem conscientiam. Haec sunt ea, quae de Divino intellectu certo cognoscimus, dum modum non assequimur, quo hicce intellectus est, & ab omni aeternitate fuit actuosus.

- (279) Hebescit finiti intellectus acies, quando sibi repraesentare allaborat modum, quo Deus immutabilis; & infinita potentia, adeoque creandi facultate ab omni aeternitate gaudens, ante sex fere annorum millia mundum hunc creaverit, absque eo, quod, a statu non creantis nostrā concipiendi ratione transiens ad statum creantis, aliquod decrementum fuit passa Ipsius absoluta immutabilitas. Scrupulus hic adest, quem varii variis modis tollere studuerunt; sed incassum. Nova, scilicet, divinae voluntatis determinatio requiri videtur, ut hoc Universum ad existentiam perduceretur, quae diversa erat ab illa, qua Deus ab omni aeternitate constituit hunc Mundum producere; an igitur aliqua divinae durationis pars interposita fuit inter decretum & inter ejus executionem? Si nulla duratio intercesserit, creatio ejusdem deberet esse aeternitatis cum decreto; si aliqua intercesserit duratio, statuendum videtur, Deum successive esse actuosum; imo ab uno modo existendi transisse ad alium: ingeniose hanc difficultatem, & more suo urget Baile Dict. Crit. in V. Zarabella lit. H. quem sequitur Premontval Hist. de l'Acad. Roy. de Berlin. Tom. XI. pag. 487. juv. hanc tollere minus feliciter conatus fuit Poirer Cog. Rat. pag. 675. seqq. in Edit. 2<sup>da</sup>, vel pag. 785. seqq. in Edit. 3<sup>a</sup>, ubi supponit, decretum creationis actualis non esse factum ante illud momentum, quo entia finita existere incipiebant; quod sanae rationis placitis omnino est adversum. Neque Bailius rem conficit, quando supponit in entibus possibilibus, quae Deus cognovit ante suum decretum, ponendam esse durationem successivam idealem, eamque initio & fine carentem. Deus ex ipsius opinione reliquit in statu merae possibilitatis partem hujus infinitae durationis idealis, & parti cuidam realem existentiam dare decrevit, atque adeo elegit in illa ideali duratione (quae

totā

tota intellectui divino erat praesens) pro suo sapientissimo arbitrio, momentum aliquod, quod primum esset eorum, quae revera esserent. Sic videtur & immutabilitatem Dei & durationem successionem carentem salvam esse, cum aliud quid sit, successive durare, aliud quid successivae durationis habere ideam. Verum id unum observabo, ideam durationis successivae, quae tamen initio & fine caret, esse absurdum quid, nisi unice respiciamus ad initio carentem Dei intellectum, qui omnium rerum possibilium ideas ab omni aeternitate praesentes habuit; sed intellectus divinus sibi repraesentare non potuit durationem entis contingentis, quae initio caret; cum contradictionem hoc involveret manifestissimam. Patendum igitur potius, mentis nostrae finitae indolem facultatesque non permittere, ut positi-  
 ram & distinctam durationis divinae, quae omni successionem caret, formemus ideam, cum nostra existentia, omnesque nostras operationes sint successivae. Creatio ordine naturae decreto est posterior, sed adfirmare non licet, eam ordine temporis esse posteriorem; cum tempus sit mensura durationis successivae, & non daretur, antequam existentia entia successive durantia, adeoque initium habentia suae existentiae. Sic statuere non possumus, Deum per aliquot secula, vel per innumera seculorum millia exstitisse, antequam Universum hoc crearet; cum hac ratione temporis ideam immisceamus aeternitati. Deus velle pergit id, quod ab omni aeternitate voluit, absque eo, quod nova accedat divinae voluntatis determinatio, licet ipsae res possibiles aliam acquisiverint ad Deum relationem, postquam nudae possibilitatis complementum per divinam voluntatem fuerunt ad-  
 ptae.

- (280) Id tantum circa emanationem hujus Universi ex divina essentia notandum, neminem inter hujus systematis emanativi Patronos (si Systema appellari mereatur opinionum non cohaerentium & absurdissimarum farrago) unquam tentasse definitionem vel descriptionem hujus emanationis; ita ut dijudicare non liceat, quid per hoc vocabulum intellexerint, uti jam notavi in Prim. Lin. Theol. Nat. Theor. §. 80. Nisi certe ipsam creationem ex nihilo indigitaverint (quae a nemine sanae mentis emanatio appellabitur) necessario vel in Spinosa castris Deum mundi causam immanentem, non transcendentem adfirmantis, militare debent, vel statuere, Deum esse corporeum, & ex corporea Dei essentia fatali necessitate proditisse hunc Mundum. Si prius, emanatio dici nequit, sed immanatio potius esset nuncupanda; si posterius, infringunt omnia attributa divina, quae cum Ipsius independentia, & plenissima libertate sunt connexa. Tegere fortassis suam circa mundi originem ignorantiam studuerunt, cum plurimi Veterum neque in hujus Universi aeternitate, neque in ejusdem exortu ex sortuito

tuito atomorum concursu acquiescere poterant; adeoque, lumine Revelationis carentes, ad hoc similitaque vocabula, vix aliquid significantia, confugerunt.

- (281) *Quae hic habet Cl. Auctor, decreta conditionata respicientia, ad examen non revocabo; fusius & ex professo suam sententiam de hisce decretis exposuit Buddeus in Theol. Dogm. Lib. 2. Cap. 2. §. 22. pag. 216. seq. Id tantum notasse juvabit, Deum dici posse, decreta conditionata condere, si simul teneamus, Eum ipsam conditionem, quae exstare debet, ut aliquid eveniat, praevидisse, imo praedeterminasse; non vero res ita est accipienda, acsi Deus tum demum absolute velit, ut hoc vel illud contingat, quando certa quaedam conditio adest, ita ut, antequam existat illa conditio, de exitu non sit certus. Sic scientia, quae visionis dicitur Theologis, foret conjecturalis, & certitudo ante eventum foret nulla; ita ut perfectior foret Dei cognitio post eventum, quam ante eundem. Exempla, ad quae provocat Cl. Auctor, desunta a Kehilitis 1 Sam. XXIII: 9. seq. & a Tyriis & Sydoniis Matth. XI: 21, nequaquam demonstrant, Decreta Dei eo sensu esse conditionata, acsi ante eventum incertus fuisset, an Kehilitae in talibus circumstantiis ponerentur, ut Davidem aut traderent, aut tradere possent; & an Christus in Tyro & Sydone miracula patraret, quae incolas ad sinceram poenitentiam permoverent. Si certus fuerit Deus, Davidem non moraturum apud Kehilitas, adeoque hos non versaturos in circumstantiis, quae ad traditionem ejus erant necessariae, decretum Ejus conditionatum non erat, sed absolutum. Penitus tamen omniscio Numini perspecta erat Kehilitarum indeoles, ita ut plenissima cum certitudine sciret, eos tradituros Davidem Sauli petenti, ac postulanti, licet ab omni aeternitate voluerat, ut in circumstantiis ad illam actionem requisitis non ponerentur. Sic admitti non possunt Cl. Auctoris asserta, quando dicit: Exsi hypothetica (decreta) mutationem quandam secum vehere videantur, cum aliter impleta, aliter non impleta conditione res eveniat, ista tamen mutatio rursus, si paulo accuratius consideretur, in ipso saltem objecto est, adeoque Deo nulla ratione tribui potest: non quaeritur enim, an aliqua mutatio contingat in objecto; sed an non divina scientia augeatur, atque adeo mutetur, quando aliqua conditio locum habet, de cujus existentia, vel non-existentia Deus ab omni aeternitate non fuit certus. Si de ipsa conditionis existentia vel non-existentia certus fuit, nulla amplius datur controversia.*

## §. I X.

Quodsi denique objiciant, sententiam de Deo, ejusque existentia & cultu, inter errores praejudicatasque opiniones referendam esse, iterum falluntur turpiter, cum nullam istius, quem vocant, erroris causam assignare valeant. Sive enim ex sensuum aut imaginationis depravatione, sive ex cordis humani pravis propensionibus, sive denique ex educatione, falsa persuasionem, callidisque hominum aliorum artibus errores deducas, tantum abest, ut, ex hisce similibusve fontibus opinionem de Deo ortam esse, demonstrari queat, ut contrarium potius, adeoque sententiam de Deo veritatem esse longe manifestissimam, evidentissime inde elucescat. \*

- \* Solenne admodum est Atheis, sententiam de Deo, ejusque existentia & cultu, seu religione, inter praejudicatas hominum opiniones, ab educatione, auctoritate parentum, similibusque fontibus depromptam, referre; quo ipso cuncta, quae illis opponi possunt, se unico velut ictu prostrernere existinant. Sed magnopere falluntur, cum non tantum nihil contra nos hac ratione efficiant, sed arma quoque suppeditent, quibus illorum impietas validissime impugnari potest. Quod ut ordine ostendamus, causas errorum, falsarumque opinionum in duas dispecisci classes posse, observandum est; quarum altera *internas*, altera *externas* complectitur. Ad internas quod attinet, ut de iis primo loco dicamus, sensus, imaginationisque depravatio, falsae ratiocinationes, pravaeque cordis propensiones ad eam pertinent. Et *sensus* quidem si rite dispositi non sint, variis erroribus occasionem praebere posse, notum est. Cumprimis etiam hoc contingit, cum sensibus ea dijudicare aggredimur, quae intellectui conveniunt. Qua in re ipsorum Atheorum errorem gravissimum statim deprehendere licet; qui, cum sensibus Deum assequi nequeant, eum esse negant; non alias, quam corporeas, dari substantias, perperam sibi persuadentes. Nos vero, cum asseramus, non sensibus, sed solo intellectu Deum concipi, ex sensuum aut vitio, aut abusu, hanc sententiam ortam esse, nulla ratione dici potest. (282) Idem & de *imaginatione* dicendum. Ex ea, si rite se non habeat, aut limites sibi constitutos transiliat, errores gravissimos oriri, notum est. Ipsique rursus Athei, certe nonnulli eorum, praeter alia & ideo in impium, quem defendunt, errorem ingre-

grediuntur, quod uti nec sensibus, ita nec imaginatione, Deum ejusque attributa concipere valeant. Praejudicata enim ista, eaque falsissima opinione laborant, quicquid homines nec sensibus, nec imaginatione assequi valent, id revera quoque non existere. Nos contra, cum Deum spiritum esse asseramus, simul nec sensibus, nec imaginatione, sed solo intellectu eum concipi posse, asserimus. Unde non magis ex imaginationis, quam ex sensuum aut depravatione, aut abusu, opinio haecce oriri potuit. Quodsi intellectus quodam vitio, aut prava quadam ratiocinatione in eam mortales inductos asseras, ostendendum tibi, quodnam hocce vitium sit, pravaque ista ratiocinatio detegenda. Hoc quamdiu Athei facere nequeunt, tamdiu fateantur, necesse est, sententiam istam recte se habere, minimeque esse erroneam. Ad *inclinationes* autem cordis *propensionesque* quod attinet, prout istae in hominibus sibi relictis, nec divina gratia collustratis, deprehenduntur, tantum abest, ut isti potius vel maxime repugnent. Qui enim cupiditatum suarum ductum secuti, in quaevis vitiis criminumque se dant genera, nihil molestius ferunt, quam si audiant, dari Deum, qui recte facta remuneraturus, scelera autem criminaque mortalium puniturus sit. Hinc de ipso Epicuro constat, ad negandam Numinis providentiam non alia magis re inductum fuisse, quam quod eam cum animi tranquillitate consistere non posse existimaret. Hactenus quidem recte, quia homo flagitiis variis, cupiditatibusque pravis deditus, si Deum, supremum judicem, ejusque providentiam credat, animo tranquillo esse nequit. Quare, si quaestio instituat, num Atheorum error, an eorum sententia, qui Deum esse credunt, pravis cordis inclinationibus tribuendus sit, non temere quemquam fore existimo, qui non prius, quam posterius affirmandum censuerit. Haec vero omnia si paulo accuratius considerentur, non tantum ex internis illis errorum fontibus nihil, quod doctrinam de existentia Dei labefaceret, derivari potest, sed novum potius idque firmissimum contra ipsos Atheos inde exurgit argumentum. Si enim infinita praepudicia, quae ex sensuum & imaginationis depravatione, pravisque propensionibus oriuntur, & undique mentem hominis oppugnant, sententiam de Dei existentia, a prima hominum origine ad nostra usque tempora constanter creditam, nec ex ullo errorum fonte derivandam, labefactare, opprimere, aut obliterare non potuerunt, sequitur, eam minime pro erronea, sed pro veritate potius manifestissima, & divinitus cordibus hominum infixam atque inscriptam, esse habendam. Contigit sane, ut homines falsos quamplurimos atque erroneos, immo absurdissimos de Deo sibi conceptus formarent, quod vel Ethnicorum in idololatriam plane ridiculam prolapsorum exemplo patet; idque ex causis errorum, fontibusque antea commemoratis, maximam partem ortum esse, nulli dubitamus. Sed tamen inter omnes hosce corruptae natu-

rac, sensuum imaginationis, aliarumque causarum insultus, machinationes, aberrationes, unica illa & praecipua veritas, *Deum esse*, apud plerosque firma, fixa & immota stetit, nullaue ratione concuti atque obscurari penitus potuit. (233) Jam quod ad causas externas errorum & praedjudicatorum opinionum attinet, primo inter eas loco sese nobis offert *educatio*. Miram non esse, inquit Athei, plerosque mortalium opinione de Dei existentia imbutos esse, cum liberi hoc ita acceperint a parentibus & praeceptoribus, deinceps eandem sententiam ulterius propagaturi. Referendam itaque hanc sententiam inter praedjudicatas opiniones reliquas, ab educatione ortas, & ita ad plures propagatas. Nos vero non equidem negamus, ad conservandam atque propagandam hanc veritatem, educationem, institutionemve parentum & praeceptorum aliquid conferre; at huic unice eam tribuendam, id quidem est, quod prorsus negamus, & sine insigni absurditate asseri non posse, contendimus. Experientia enim docet, educationem non una eademque ratione ubique se habere. Immo, quod moribus opinionibusque in rebus fere innumeris, & integrae gentes, & singuli homines a se invicem differant, id praeter alias causas educationi cumprimis, ejusque diversitati, imputandum esse, nemo temere inficiatus fuerit. Qui ergo fieri posset, ut communis illa & a toto humano genere recepta sententia, a sola educatione orta esset? Immo cum tanta morum & opinionum diversitas per educationem inter homines exorta sit, sola autem haec sententia, de existentia Dei, illibata permanserit, & ab omnibus gentibus sit adprobata, quis non videt, longe sublimiorem, divinam scilicet, ejus agnoscendam esse originem? Quacere insuper ex iis, qui, a parentibus suis hanc se hausisse opinionem, dicunt, juvat, unde parentes eam acceperint? Ad quod nisi inepte processum in infinitum admittere velint, non aliter responderi potest, quam extitisse aliquando parentes, qui aliunde, quam a suis parentibus, hanc opinionem acceperint, quod ad evitendam penitus Atheorum impietatem sufficit. Dum hac ratione nihil se proficere sentiunt, a statu domestico ad *civilem* transeunt, religionem, adeoque & opinionem de existentia & cultu Numinis, inter callidorum hominum commenta politica referentes, ad continendam eo facilius in obsequio plebem comparata. (284) Critiam sententiae hujus inter veteres auctorem *cap. I. §. XII.* commemoravimus, cujus vestigia in Atheismo hocce politico adornando prae ceteris NICOLAUS MACHIAVELLUS praestitit, de quo *ibid. §. XXIV.* dictum (285), & recentiori aetate JOANNES TOLANDUS, cum reliquis legumlatoribus ipsum etiam Mosen, publicis ejusmodi impostoribus annuerans, uti *ibidem §. XXVII.* observatum. Quam vero haec sine omni prorsus fundamento dicantur, sententia docebunt. Primo quidem constat, licet Solon, Lycurgus, Numa, aliique legumlatores religionem instituto suo accommodaverint,

rint, eamque ad observantiam legibus suis conciliandam; & continendum in obsequio populum, utilem judicaverint, non tamen ipsos religionem excogitasse, aut ejus extitisse auctores. Hoc enim nullo idoneo ex historicis monumento comprobari potest. Deinde, etsi de uno alterove Principe certum sit, eum religione, seu instrumento dominandi usum esse; hoc tamen non de omnibus, immo nec de plerisque, sed saltem de paucissimis, dici potest. Ex eo vero, quod unus alterve non tam religionem excogitavit, quam saltem ad reipublicae commoda ea usus est, effectus hiecc universalis, seu totius humani generis, in admittendo & colendo Numine, consensus, minimè consequi potuit. Praeterea, etsi Principes rerumque domini religione quandoque ad finem suum obtinendum uti possint, subinde tamen eandem obstare, quo minus cupitis potiantur, experientia docet. Hinc eos, si aliquando, ut commodis suis consulere, religionis removere obstacula voluerunt, maximis gravissimisque se exposuisse periculis, notum est. Qua quidem ratione cum religio imperantium rebus non minus noxia quandoque, quam utilis esse queat; nemo temere eam in se spectatam pro ejusmodi invento politico, quod & natales & conservationem suam rationibus politicis unice debeat, venditaverit. Ad religionem Mosaicam seu Israëliticam speciatim quod attinet, etsi non defuerint, qui, Mosem divinum virum imposturae per turpissimam calumniam redarguentes, in facienda ob rationes politicas religione auctoritatem Numinis obtentui sumtisse, impudentissime contenderint, magnopere tamen eos falli, facillimo negotio demonstrari potest. Certe cum palam & aperte pleraque in conspectu populi Israëlitici gesta sint, quibus se divinitus missum Moses comprobavit, fraudi & imposturae locus esse non potuit. (286) Maxima enim miracula inspiciente, vidente, sentiente toto populo Israëlitico edidit, adeo ut ipsi Israëlitae vocem Dei in monte cum Mose loquentis audiverint. Nec est, quod, quae Moses ipse hac de re scripsit, in dubium voces, cum Israëlitae mendacii ipsum haud dubio redarguissent, nisi aut ipsi vidissent, ea revera gesta esse, quae narravit, aut a majoribus suis hoc acceperint. Tantum vero abest, ut hoc fecerint, ut potius summa ista & incredibilis in observandis institutis Mosaeis constantia, quam in Judaeis admiramur, non aliunde derivanda sit, quam quod justa successione a majoribus suis acceperint, edita a Mose ista miracula fuisse. Accedit, quod Gentilium quoque scriptorum testimonio, miracula ista a Mose edita fuisse, comprobari queat, ut vel ex iis, quae ex EUMENIO refert EUSENIUS, *libr. IX. praeparat. Evangel. cap. VIII.* constat. Jun-genda, quae hac de re dixi, in *histor. Eccles. vet. testam. par. II. sect. I. ad §. I. pag. 511. seqq.* & ad *§. XI. pag. 533. seqq.* Sed nec istud praetermittendum, etsi Moses leges varias, tum ad religionem cultumque Numinis, tum ad statum civilem spectantes, Israëlitis tra-



diderit, ipsam tamen religionem non instituit primus, quippe qua I-  
 fraëliticæ jam pridem imbuti erant, sed a Patriarchis acceptam, jussu  
 Numinis institutis variis, ritibus, ceremoniis, legibus, pro istius tem-  
 poris ratione, eam auxit & amplificavit. Et hæc quidem, quæ reli-  
 gioni Patriarcharum accedebant, in quibusdam statui reipublicæ Israë-  
 liticæ jussu & voluntate Numinis erant accommodata; non tamen in  
 omnibus, multo minus unicus hic aut præcipuus Mosaicæ religionis  
 erat scopus, quippe qui ad æternam potius Israëlitarum salutem erat  
 comparatus. (287) De Christiana vero religione si quis hoc asserere  
 auderet, eam excogitatam hunc in finem, ut dominandi instrumentum  
 esset, nae is se ipsum turpiter traduceret. Præterquam enim quod  
 nec ipse Christus religionem primum introduxit, aut novam condidit,  
 sed veterem, aliam ejus saltem constituendo oeconomiam, continua-  
 vit; sane qui tum ipsius Servatoris, tum Apostolorum conditionem  
 consideraverit, nunquam in animum inducet, ut credat, politicis ra-  
 tionibus hac in re eos locum reliquisse. Est sane religio Christiana ita  
 comparata, ut in se spectata, commoda plurima reipublicæ civilibus-  
 que societatibus adferat; sed huncce ejus finem præcipuum esse,  
 nemo, nisi ejus plane expertus sit, asseret; quæ de re plura dixi, in  
*dissertat. de concordia religionis Christianæ statusque civilis, cap. I.*  
 Cum vero insuper talia doceat, quæ pravis cupiditatibus e diametro  
 repugnant, his inductos homines ad eam aut excogitandam aut pro-  
 pagandam, nemo temere sibi persuaserit. Equidem, ex quo hinc  
 inde dominans esse coepit, extitisse subinde homines, qui commo-  
 dis suis eam accommodaverint, non diffitcor; sed hi, ut hoc ipso  
 demonstrarunt, se indignos nomine Christiano esse, ita nihil, quod  
 religioni ipsi ejusque veritati aut præstantiæ fraudi esse queat, inde  
 sequitur, multo vero minus eam dominandi causa aut inventam aut  
 introductam esse, inde colligi poterit. (288) Atque id quidem nunc  
 nobis contra Atheos sufficit.

- (282) *Si ideo existentiam Dei negare velint Athei, quia sensibus non depre-  
 henditur, gravissimi erroris possunt convinci; quia, licet ipsam Dei  
 substantiam, utpote ab omni materia atque a qualicunque extensione  
 longissime remotam, sensibus non usurpemus, in ipsis tamen rebus,  
 quæ sensibus cujuslibet hominis sunt obviæ, adeo manifesta reperiun-  
 tur sapientissimi, potentissimi, & optimi Artificis ac Moderatoris in-  
 dicia, ut, qui non penitus præjudiciis sunt occaecati, aut adfectibus  
 immoderatis acti in transversum, de Ipsius existentia plenissime red-  
 dantur persuasi. De existentia mentis suæ sunt certi, licet Athei  
 per eam quandoque intelligant fluidum subtilissimum, vel organisatio-  
 nem determinatam cerebri; & tamen nunquam oculis usurparunt illud  
 fluidum, illamve organisationem; unice ex effectibus concludunt istius  
 mentis*

mentis existentiam. Imo aeris existentia in dubium a nemine vocabitur, propter innumeros effectus, quos edit; sed ipse aer secundum plurimos Physicos non conspicitur oculis corporeis; quidquid videtur ex aere, referendum, secundum haecce placita, ad corpuscula in aere natantia; atque adeo ex effectibus eruitur conclusio circa ipsius existentiam. An igitur Dei existentia ideo negaretur, vel vocaretur in dubium, quia ipsa Ejus substantia non conspicitur oculis corporeis, vel aliis sensibus non delectitur? dum per omnia & singula corporis nostri organa deprehendimus undique indubios effectus, qui Ejus sapientiam, potentiam & beneficentiam reddunt manifestissimam, atque invictis argumentis, quae frigidis dissentientium exceptiunculis nunquam labefactata fuerunt, demonstretur, Deum esse purissimam Intelligentiam, quae cum qualicumque extensione nihil habet commune.


- (283) Differit hac occasione denuo Cl. Auctor de argumento, quod a pluribus fuit petatum ex Consensu Gentium, quodque proponere potuisset in fine Cap. V. ubi argumenta Historica exhibet pro existentia Dei militantia; sed idem illud jam tetigit alia in relatione Cap. memorati §. 1. ut evinceret, notitiam de Deo cordibus omnium mortalium ab ipso Numine insitam esse, ubi conferenda sunt ea, quae notavi ad illum locum n. 156.
- (284) Vid. ea, quae supra observavi ad Cap. V. §. 1. n. 157.
- (285) Nihil reperire potui in scriptis Machiavelli, quo Dei existentiam impugnat eo nomine, quod Religio sit callidum Politicorum inventum; ipsam quidem Religionem politice spectat tanquam vinculum societatis civilis; sed nemo datur inter Deitatis propugnatores, qui non agnoscit Religionis utilitatem & necessitatem in societate humana; cum, hac sublata, atque eradicata ex animis hominum, Terrarum orbis foret horrendum injuriarum atque atrocissimorum scelerum theatrum. Conf. ea, quae notavi ad Cap. i. §. 24. n. 53.
- (286) Dudum observatum fuit a variis eruditionis & pietatis laude conspicuis Theologis, tales indolis Mosaicae exstare in Pentateucho characteres, quales in Impostoribus atque in fraudes machinantibus Politicis nunquam reperiuntur, aut sedem suam habere possunt. Ab ambitione & ab adulatione alienissimus propria non tegit vitia, & populi sui naevos atque delicta nonstrat, illique satis graviter eosdem quandoque exprobrat; non, nisi a Deo missus, Ducis munus in se suscipit fere invitus, suaeque missionis indubia exhibet documenta; non confert munera splendidiora in suos liberos aut consanguineos; in hos. saltem non, nisi expresso Dei jussu & electione; non promittit diadema suae Tri-

bui, sed Judae; non successorem eligit ex sua Familia, sed sibi peregrinum Josuam; provocat ad miracula, quae in Israëlitarum favorem vel poenam a Deo erant patrata, non vero narrationes suas populo posterisque obtrudit. Conf. Principia Religionis Nat. & Revelatae Tom. 2. pag. 61—135.

- (287) *Basin totius Religionis, a Mose Numinis jussu introductae, esse Doctrinam illam, de cujus veritate Patriarchae fuerant persuasissimi, manifestum est, si perpendamus, Legem moralem, Decalogo comprehensam, esse Naturali legi exacte conformem, omniaque continere, quae ad religionem & ad mores recte instituendos necessaria sunt, praecepta: cumque Israelitae Mosis tempore, uti & post ipsius obitum, Idololatriae & Superstitioni essent addictissimi, Legem ceremonialem, pœduras comprehendentem eorum, quae senioribus aevs contingerent, & quae e longinquo quasi considerabantur ab iis, qui salutifero lumine erant illustrati inter Israëlitis posteros, introduxit ad verae Religionis, quae inter Patriarchas viguerat, praesidium, & ad pellendam Idololatriae pestem; per circumcisionem & per observantiam Sabbathi distinguebantur Israelitae ab omnibus aliis Gentibus, Deusque illis ante oculos ponebatur tanquam coeli, & terrae, totiusque exercitus coelestis, qui numinum instar a Gentilibus colebantur, Creator. Eodem modo de pluribus aliis ritibus, a Mose auctoritate divina praescriptis, demonstrare licet, eos multum fecisse ad revocandos Israelitas ab actibus Idololatricis & a communione cum Ethnicis ad superstitionem proclivibus. Imo ipsae Leges forenses a Mose latae, vel cum Legibus naturalibus conspirabant, vel ad puritatem Religionis conservandam, Judaeosque a Gentilibus Idololatri separandos faciebant omnes. Nihil igitur in toto eorum complexu, quae Moses peregit, detegitur, quod ambitionem redelet, aut dominandi libidinem prodit: sed omnia faciebant ad stabiliendam fovendamque Patriarcharum Religionem, & ad salutem totius Gentis Israeliticae.*

- (288) *Conf. ea, quae supra notavi ad Cap. IV. §. 5. n. 150. Parum certe perspectam habere debet Christianae Religionis indolem, qui sibi persuadere potest, eam dominandi causa esse introductam; aptissima quippe est verae virtuti promovendae, sive respiciamus ad spem certam per Christi merita, post sinceram poenitentiam fidemque, in gratiam redeundi cum sanctissimo sed laeso Numine, sive ad potentissimum divinae gratiae auxilium, quod mascule pugnantibus contra hostium spiritualium impetus promittitur; sive denique ad apertas magis futurae vitae ac resurrectionis promissiones, divina voce confirmatas, & ipsius Christi resurrectione roboratas. Imo de omnibus Christianae Religionis dogmatibus adfirmare non dubito, ea ambitioni esse contraria, pacem vero, cha-*

*charitatem, modestiam, humilitatem, (Gentilibus Philosophis vix, ac ne vix quidem cognitam) promovere, ac aequalitatem naturalem ejusque originem omnium manifestissime indicare; ita ut Religio haecce cum Lege naturae exactissime conspiret, eam perficiat, accuratius inculcans officia, quae erga Deum, erga nos ipsi, & erga alios homines observanda habemus, quaeque nunquam observantur ab iis, qui sub Religionis praetextu in alios dominandi libidine agitantur. Vid. Dissertationes Stolpianae, praesertim quae A. 1761. praemium reportavit, quaeque illi acceperunt, ad quaestionem hancce respondentes; quanto perfectiorem principiis, incitamentis & finibus reddiderit Ethicam Divina Revelatio; in quibus Amplissimus Perrenot & Confultissimus E. Luzac, nec non Anonymus aliquis eruditissimus egregia docuerunt, ex quibus asserta mea abunde demonstrantur.*





## C A P. VII.

## REFUTATIO DOGMATUM

C U M.

ATHEISMO CONJUNCTORUM  
AUT AD EUM DUCENTIUM.

Σύνοψις.

*Demonstratur, dari provi-*  
*dentiam Dei, §. I.*

*Animam hominis & imma-*  
*terialem esse, & immortalem,*  
*§. II.*

*Praeter animam hominis, &*  
*alios dari spiritus, seu sub-*  
*stantias omnis materiae ex-*  
*pertes, §. III.*

*Itemque vaticinia, seu futu-*

*rorum, & quidem contin-*  
*gentium praedictiones, quae*  
*soli Deo sint tribuendae,*  
*§. IV.*

*Ut & miracula, proprie sic*  
*dicta, §. V.*

*Christianae religionis veritas*  
*adstruitur, §. VI.*

*Itemque, divina scripturae*  
*sacrae auctoritas, §. VII.*

§. I.

## §. I.

**N**on tantum esse Deum causam conditoremque hujus universi, sed omnia quoque, quae condidit, cum sustinere; conservare, dirigere, sapientissimeque gubernare, ut sine provida ejus cura nihil, ne in minimis quidem rebus, contingat, nec sine benigno ejus concursu quidquam moveatur, vel ex ipsa ejus, quae omnium mentibus insidet, notione, summaque adeo & infinita ejus sapientia, benignitate, potentia, non minus ac ex rerum creaturarum infirmitate & indigentia, variis itidem, quae quotidie se nobis offerunt, vitae humanae casibus, aliisque argumentis, tam evidenter constat, ut nemo, nisi ratione omni destitutus, hac de re dubitare queat. \* Indeque adeo, quam turpiter, qui Numinis providentiam negant, errent, clucescit.

- \* Deum rerum a se creaturarum, totiusque adeo hujus universi, hominum cumprimis, curam providam, eos conservando, & ad motus eorum cunctos concurrente, tum dirigendo & sapienter omnia gubernando, gerere, etsi ejusmodi sit, ut nemo sanae mentis de eo dubitare debeat, sequentibus tamen evinci rationibus potest. Primo ex *summa Numinis sapientia* id patet. Hanc enim, qui Deum admittunt, simul admittere, necesse est. Sapientiae vero erat, non tantum mundum condere, sed ita eum instruere, & administrare, ut honor & gloria summa inde ad auctorem redundaret. Nullam autem si mundi curam gereret, nulla quoque creaturis ratione praeditis daretur occasio, conditori suo cultum honoremque exhibendi. Immo omnis cultus veneratioque Numinis cessaret, cum nullam tum haberent causam eum honore aut cultu prosequendi; immo & frustra hoc facerent, cum Deus, incurius rerum hujus mundi, talia non curaret, nec exigeret; eodemque adeo loco essent, qui aut honore aut opprobrio eum afficerent. Quod profecto cum sapientia summa, adeoque ipsa Dei notione, e diametro pugnat. Patet idem ulterius ex *finibus rerum omnium*, qui ut novum pro Numinis providentia argumentum nobis suppeditant, ita prius illud confirmant. Vel partium singularum atque membrorum, quibus animalia quaevis constant, structura, omnes conducet, ad certum finem ea esse comparata. Hoc ergo cum de membris partibusque minutissimis constet, multo magis de ipsis animalibus, & iterum multo

magis de homine, animalium omnium praestantissimo, & rursus magis de toto hocce universo dicendum fuerit. In finibus autem hisce ad se invicem referendis & sibi subordinandis, necessario tandem ad ultimam quandam seu universalem perveniendum est, qui profecto alius, quam sapientiae, potentiae, bonitatis divinae demonstratio, adeoque honor & gloria conditoris, esse nequit. Sed quo pacto ulla ad eum inde redundare gloria ullusve honor posset, si incurius & negligens rerum omnium, nullam earum curam gereret, cunctaque fusque deque ferri sineret? Immo contradictionem manifestam involvit, opus aliquod immensum, infinitae potentiae, benignitatis argumentum praebiturum, ad summam conditoris gloriam manifestandam producere, & rursus id ita abjicere, atque negligere, ut, num honos an opprobrium inde ad conditorem redundet, perinde sit. At Epicurum, inquit, ceterosque, qui mundi creationem non admittunt, haec non feriunt. Sed cum hanc istorum hypothesin absurdissimam ineptissimamque esse, supra satis demonstratum sit, mundumque a Deo originem habere, necessario admittendum sit, haec omnino & Epicurum & ceteros Aethicos, omnesque, qui providentiam Divinam in dubium vocant, feriunt. Ex bonitatis porro & potentiae divinae consideratione sequens argumentum oritur: si nullam Deus hujus universi curam gereret, inde hoc contingeret, quod aut non vellet, aut non posset hoc facere. Si enim & vellet & posset, certe curam gereret. Eum hoc non posse, nemo dixerit, cum ista impotentiae confessio summam in Deo argueret imperfectionem. Non magis tamen, eum hoc non velle, dici potest; quippe quod bonitati ejus repugnaret, quae cum potentia Dei, ceterisque ejus perfectionibus, pari passu ambulat. Bonitatis autem divinae erat, non tantum creare mundum, sed conservare atque dirigere, ut res creatae omnes iusto ordine ad finem a creatore illis constitutum deducerentur. Etenim, quis operator, inquit AMBROSIVS, negligat operis sui curam? quis deserat & destituat, quod ipse condendum putavit? Si injuria est regere, nonne est major injuria, fecisse? cum aliquid non fecisse, nulla injustitia sit; non curare, quod feceris, summa inclementia. Quod si aut Deum, creatorem suum, abnegant, aut ferarum & bestiarum se haberi numero censent, quid de illis dicamus, qui hac se condemnant injuria? de offic. libr. I. cap. XIII. pag. 26. Si dicas, Deum equidem & velle & posse hujus universi curam gerere, sed hoc ei molestum esse, nec cum beatitudine ejus convenire, puerorum more loqui, & ipsemet, quid nescias dicere mihi videris. Sed hac de re deinceps. Benignitas bonitasque Numinis in provida rerum omnium cura eo erit manifestior, si infirmitatem insuper indigentiaque rerum creatarum omnium consideres, quae novum sicut pro Numinis providentia asserenda argumentum suppeditat. (289) Quam enim res creatae omnes nihil, ut existerent, conferre potuerunt,

runt, tam certum est, quod se ipsas conservare nequeant. (290) Non minoris enim potentiae est, conservare & continuare existentiam, quam eandem producere atque largiri. Ipsasmet autem res creatas, ut existerent, non effecisse, & consideratio earum, & sua quemque conscientia tam evidenter docet, ut sine insigni stultitia hac de re dubitari nequeat. Nec est, quod obvertas, majoris virtutis & potentiae fuisse, mundum condere, qui se ipsum conservare, & sine concursu Numinis movere, sineque ejus gubernatione dirigere potuerit, quam talem, qui in his omnibus Numinis influxu, concursu hac de re dubitare opus habeat. Primo enim, non de eo, qualem Deus mundum creare potuerit, quaestio est, sed qualem creaverit. (291) Cumque insana sit temeritas, si miserrimi homines existimant, se perfectius quid, quam quod Deus fecit, vel cogitatione assequi posse, ita, qui rectae rationis limites non supergreditur, facile intelligit, mundum ita conditum, prouti summae Numinis sapientiae hoc erat convenientissimum. Esto itaque, fuerit majoris virtutis & potentiae, mundum condere, qui nulla conservatione, concursu, gubernatione indigeat, non tamen aequae minoris hoc fuisset sapientiae. In operibus autem divinis rite aestimandis non tantum potentiae & virtutis, sed sapientiae quoque divinae habenda est ratio. Conservationis autem & gubernationis ista necessitas, id res creatas omnes ratione praeditas condocere potest, se unice a Conditoris sui dependere voluntate, nec sine ejus nutu agere quidpiam ac suscipere posse, eoque magis ad eum colendum & venerandum, obsequiumque ei praestandum, omnia quoque beneficia, quae singulis fere momentis ab eo accipiunt, grato agnoscenda animo, esse obstrictas. Talem vero mundi dispositionem quis non praeferret ei, ubi res creatae ratione praeditae vix quidquam, quod Creatori suo imputent, se invenire sibi videri poterant. Denique & vel mediocris eorum, quae quotidie in vita humana sese nobis offerunt, consideratio, quemvis, mundum hunc sapientissime gubernari, facile convincet. Si primo singulorum hominum vitam consideremus, multa circa natiuitatem, educationem, praeceptores, institutionem, instinctum ad certum vitae genus, & alia se nobis offerunt, quae, primo intuitu, casu fortuito ita evenire existimamus. Quod si vero porro eosdem homines, magnis aliquando admotos muneribus, conspiciamus, in quibus talia agunt, quae singularem aut ecclesiae aut reipublicae mutationem adferunt, & quae efficere non potuissent, nisi conspirantibus ad eundem finem causis pluribus, ad hoc velut aptati & praeparati essent, quis quaeso tam hebetis ingenii aut duri pectoris fuerit, ut sine singulari Numinis & sapientissima directione ita contigisse, sibi persuasurus sit? Jam integras si consideremus res publicas, imperiaque orbis, eorumque incrementa, decrementa, mutationes, vicissitudines, conversiones, certasque observemus periodos, aut coecus sit



oportet, aut supremam quandam in his omnibus agnoscat directionem. (292) Sane non me fugit, causas quasdam politicas in his omnibus intercedere, quemadmodum & in rebus naturalibus interventu causarum secundarum effectus omnes producuntur, sed his solis istas rerum-publicarum conversiones mutationesque tribui posse, ipsi peritissimi rerum civilium inagistri abnuunt. Idque adeo verum est, ut etiam quidam Philosophi ex astrorum positu, alii ex fati legibus durissimis, alii aliunde conversiones istas mutationesque derivare aggressi sint. Docetque experientia quotidiana, vel minimae circumstantiae subitaneam inutationem efficere, ut consilia sapientissima effectum careant; quemadmodum ex eadem experientia constat, saepissime, cum de felici eventu nemo dubitat, res secus evenire, prospere contra cedere, cum de felici successu omnes desperant. Quodsi porro addatur, in tantis rerum humanarum vicissitudinibus, mutationibus, insperatisque eventibus, semper tamen constantem ordinem, & ad certum finem directionem conspici, tum sane omne de providentia quadam gubernatrice nobis eximetur dubium. (293) Multo id luculentius adhuc patet, in mirabili ista Ecclesiae Christianae plantatione, consecratione & propagatione. (294) Cum quis humilem Christi servatoris, dum in his terris vixit, conditionem, sortemque abjectam discipulorum ejus, potentiam contra, auctoritatem & multitudinem adversariorum, qui se Christo & Apostolis opponebant, considerat; eum vero porro, hisce non obstantibus, doctrinam Christianam totum implevisse orbem, & tot gentes populosve, qui Christo nomen dederunt, secum expendit; eum denique mirabilem istum effectum causis aptissime respondere, animadvertit, ita quidem, ut, eas causas ad hunc effectum producendum comparatas fuisse, nemo dubitare queat, etsi initio nemo mortalium cogitaverit, aut cogitare potuerit, quod hunc effectum producturae essent, haec omnia tam evidenter divinam arguere providentiam intelliget, ut nec in ipsis Mathematicorum demonstrationibus major evidentia requiri queat. Quodsi eum ejusmodi hominibus nobis res esset, qui Scripturae auctoritatem admitterent, luculentissima ejus testimonia rationibus hactenus allatis addi possent. (295) Sanctissimi namque homines, quorum res gestas commemorat, Abrahamus, Isaacus, Jacobus, Moses, David, omnes unanimi consensu & uno ore testantur, firmiter se credidisse, in tota vita sua nihil sine nutu & voluntate Dei sibi contingere potuisse, eumque remuneratorem esse recte factorum, seclerum autem justissimum vindicem. Cum primis & Josephus Patriarcha hoc testatur, qui eum a fratribus venditus in Aegyptum deductus esset, Deo cuncta sapienter disponente haec ita evenisse, agnovit, ut patri fratribusque aliquando alimenta subministrare posset, *Gen. XLV: vers. 6, 7.* Hinc &, *vos quidem*, inquit, ad fratres verba faciens, *cogitaveratis contra me malum* (sed)

*Deus*

*Deus cogitavit illud in bonum (convertere) ut faceret, sicut est die hoc, conservando in vita populum multum, Gen. I: vers. 20. Ipse Deus apud Elaiam vatem, ego, inquit, produco lucem & tenebras; ego efficio pacem, & creo malum, cap. XLV: 7. Amos, nihil esse mali in civitate, fatetur, quod Dominus exercituum non fecerit, III. 6. Bona & mala provenire ab altissimo, diserte Jeremias pronuntiat Thren. III: 38. Volucrum coeli & liliorum agri curam Patrem coelestem gerere, optimus Servator noster docet, indeque concludit, multo magis homines de provida Numinis cura certos esse posse. Intuemini, inquit, in volucres coeli, non enim ferunt, neque metunt, neque cogunt in horrea, sed pater ille vester coelestis alit eas, nonne vos multo praesistis eis? Matth. VI: 26. Et iterum: Quodsi herbam agri, quae hodie extat, & cras in clibanum conjicitur, Deus ita circumvestit, nonne vos multo magis, o exigua fide praediti! ibid. v. 30. Immo ne passerculum quidem, nisi volente patre coelesti humum cadere, ideam asserit, Matth. X: vers. 29. Paulus vero rem omnem compendio quodam complexus est, quando, in Deo, inquit, vivimus, movemur, & sumus, Actor. XVII: 28. Hisce omnibus & Gentilium Philosophorum de Numinis providentia effata adjicere possum. Verum, praeterquam, quod iis facile carere queamus, caute admodum in iis versandum esse, nemo historiae Philosophicae vel mediocriter peritus, dubitaverit; cum sub splendidissimis illorum de providentia divina effatis, gravissimi subinde lateant errores. Quam facile autem aliquis hac in re labi queat, vel SALVIANI, Massiliensis Presbyteri, exemplum nos condocere potest. Gentilium enim Philosophorum testimoniis providentiam probaturus, hunc in modum disserit: Probamus igitur ne illos quidem de incuriositate ac negligentia ista sensisse, qui verae religionis expertes nequaquam utique Deum nosse potuerunt, quia legem, per quam Deus agnoscitur, nescierunt. Pythagoras Philosophus, quem quasi magistrum suum Philosophia ipsa suscepit, de natura ac beneficiis Dei differens, sic locutus est: Animus per omnes mundi partes commeans arque diffusus, ex quo omnia, quae nascuntur, animalia vitam capiunt. Quomodo igitur mundum negligere Deus dicitur, quem hoc ipso scilicet satis diligit, quod ipsum se per totum mundi corpus intendit? Plato, & omnes Platoniorum scholae moderatorem rerum omnium constituentur Deum. Stoici eum gubernatoris vice intra id, quod regat, semper manere, testantur. Quid potuerunt de affectu ac diligentia Dei rectius religiosiusque sentire, quam ut eum gubernatori similem esse dicerent? hoc utique intelligentes, quod, sicut navigans gubernator, nunquam manum suam a gubernaculo, sic nunquam penitus curam suam Deus tollit a mundo, &c. de gubernat. Dei lib. I. pag. m. 3, 4. Verum incaute admodum & Pythagorae & Stoicorum ista effata huc trahit, quippe quae, Deum mundi esse animam, supponunt, adeoque Atheismo certo modo patrocinantur; unde &*

pro-

providentiam eo sensu comprobant, quo & Athei eam haud difficulter admiserint. Sed hoc *ut in nuptiis*. (296) Nos id potius nobis nunc datum credimus, ut, postquam providentiam Numinis rationibus luculentissimis evicimus, ad argumenta etiam, quibus Epicuræi eam impugnant, quæve *cap. III. ad §. I. comme noravimus*, respondeamus. Ad primum itaque quod attinet, quando obijciunt, multa in hocce rerum universo existere, de quibus dici nequeat, *quod in hominum usum condita sint*, eaque adeo omni carere utilitate, indeque porro colligunt, ea casu fortuito existisse, satis ostendunt, se neutiquam exacto judicio, quæ dicunt, expendisse. Primo enim si vel maxime nonnulla in hocce orbe reperiantur, quæ hominibus commodum non adferunt, inde nondum sequitur, ea omni utilitate carere. Est quidem hominis utilitas inter fines Creati constitutos; sed hic nec unus est, nec præcipuus. Quare si quid esset, quod directe homini commodum non adferret, alia tamen ratione, aut ad integritatem, ordinem, decus hujus universi pertineret, vel quocunque modo sapientiam, gloriam Creatoris manifestaret, de eo, quod utilitate careret, vel superfluum esset, nulla dici ratione posset. (297) Deinde, si ad exempla descendamus, ostendi haud difficultate potest, Epicuræos multa pro inutilibus habuisse, quæ revera utilissima non tantum, sed & maxime necessaria hominum generi sunt, ut vel ex his, quæ *cap. V. §. IV. & V. diximus*, apparet. Multa denique insignem hominum generi adferre possunt utilitatem, etsi nobis non satis ea perispecta sit atque explorata. Cum enim angusti, quibus cognitio nostra circumscripta est, termini, nobis haud quaquam ignoti sint, non tam temeritas, quam insania esset, si quis asserere velit, hoc aut illud inutile vel superfluum esse; ideo quod utilitatem vel necessitatem istius rei cogitationibus nostris non statim assequi possimus. (298) Alteram rationem secus sentientibus, quæ providentiam divinam impugnant, *miseriæ istæ ac calamitates*, quibus omnes homines a primo nativitatis momento, usque ad ultimum vitæ halitum, circumsepti sunt, suppeditant. (299) Ad quam tamen, quæ prompte regeri queant, non desunt. Non equidem disceptabo, si mala Phylæica cum bonis, quæ singulis hominibus obtingunt, comparentur, sitne plus bonorum in hoc mundo, an malorum? (300) Legi enim possunt, quæ erudite hæc de re contra PETRUM BÆLIUM disputat illustris auctor *des Essais de Theodicée sur la bonté de Dieu, la liberté de l'homme, & l'origine du mal. part. III. §. CCLI. pag. 431. seqq. (301)* Nec abruerim, nonnullos homines calamitates & misérias, quibus circumsepti sumus, plus, quam decet, exaggerare, quod idem illustris auctor monet. Multo minus inficiatus fuerim, multa mala & calamitates in hominum tantum imaginatione consistere. Enimvero, licet hæc omnia concedam, plus scilicet bonorum in hoc mundo esse, quam

quam malorum, homines in calamitatibus exaggerandis modum excedere, multos non futuros miseros, nisi, se miseros vel esse, vel fore, sibi imaginarentur; licet, inquam, haec omnia concedam, remanet tamen dubium, an calamitates istae & miseriae, quae revera & citra imaginationem homines premunt, doloremque maximum subinde illis adferunt, cum bonitate Numinis conciliari queant? Respondeo, conciliari omnino posse, cum, quicquid verorum malorum homines premit, ipsis hominibus, non autem Deo,tribuendum sit. Nimirum discernenda hic primum vera mala sunt ab illis, quae perperam & falsa persuasione pro malis habentur, cum mala non sint. Deinde, quod ad mala Physica vere talia attinet, ea ex malis moralibus, seu hominum peccatis oriri, rotunde & citra ambages asserimus. Homines enim si non peccassent, nullis calamitatibus, miseriis nullis, nullis afflictionibus, aut cujuscunque generis malis essent obnoxii. Quod ergo sua culpa homines sibi met ipsi attraxere, id Deo tribui nequit, multo minus bonitati ejus infinitae potest opponi. (302) Omnis ergo quaestio ad moralis mali originem redit, de qua deinceps dicemus. Nunc saltem ad argumentum, quod LACTANTIUS ex mente Epicuri proposuit, quodque supra cap. I. §. III. exhibuimus, simulque PETRO BAELIO, dict. *histor. critic. voc. Pauliciens*, pag. 2324. insolubile videri diximus, paucis respondebimus. Deus, inquit, aut vult tollere mala, & non potest; aut potest, & non vult; aut neque vult, neque potest: aut & vult, & potest. (303) Respondetur, si potentiam Dei & voluntatem absolutam spectemus, quae omnia efficere potest, quae contradictionem non involvunt, & omnia etiam vult, quae bonitati ejus & sapientiae conveniunt, dicimus, Deum & posse & velle mala quaevis tollere. Quodsi vero potentiam ejus & voluntatem ordinatam spectemus, tum sine nec potest, nec vult mala tollere; ut tamen illud nec potentiae defectum, nec bonitatis in eo arguat imminutionem. Nimirum, postquam homo per libertatis suae abusum, divinam legem migrando, & a Deo deficiendo, omnem miserarium eumulum sibi attraxerat, Deus quidem viam rationemque, ut inde emergere posset, ei constituit, atque monstravit, idque divinae bonitatis erat; sed certo simul hoc fieri voluit observato ordine, idque divinae erat sapientiae. Hunc ergo qui observant ordinem, id obtinent, ut, illorum intuitu, mala Physica non amplius mala sint. Reliqui autem habent, quod sibi ipsis imputent. Quodsi ergo quaeras, quae causa sit, quod potentia & voluntas Dei sit ordinata, adeoque mala Physica nec possit, nec velit tollere, in necessaria ista sapientiae & justitiae cum bonitate divina conjunctione facile eam invenies. Non enim separanda sunt, sed conjungenda attributa Numinis; quod qui observant, ex omnibus istis difficultatibus facile se expedient. Atque hinc etiam cognoscere licet, quid ad rationem, ab origine mali moralis desumtam, quam tertio

D d d

loco.

loco providentiae divinae hostes urgent, respondendum sit. PETRUS sane RÆLIUS argumentum Epicuri, quod ex LACTANTIO attulimus, de malis Physicis intellectum insolubile esse, putat; quodsi vero ad mala moralia insuper transferatur, id plane inexpugnabile esse, sibi persuadet. Nos quidem lubentes fatemur, veram mali originem rationi minime perfectam esse, quam adeo nesciremus, nisi Scriptura sacra nos de ea certiores reddidisset. Unde & mirum non est, Gentilium Philosophos mirum in modum fluctuasse, cum causa malorum illis reddenda esset, sed in varios quoque eosque interdum plane absonos errores prolapsos esse. Quantumvis autem ratio ista ignoret, nihil tamen inde contra providentiam Numinis colligi potest, multo minus id inde sequitur, quod cupit PETRUS RÆLIUS. Cum enim ratio ex ipsa Dei notione, aliisque argumentis antea allatis, evidentissime cognoscat, Deum rerum hujus universi curam gerere, de causa autem & origine malorum nihil certi pronuntiare queat, absonum profecto & contra ipsam rationem esset, ex rei cujusdam ignorantia, ad veritatem manifestissimam impugnandam argumentum ducere velle. (304) Iniquius vero adhuc magisque absonum esset, ne ignorantiam nostram agnoscere, aut profiteri teneremur, ad hypothesin manifesto absurdam, e. gr. de duplici principio independenti, & notionis, quae menti nostrae insident, clarissimas evidentissimasque, evertentem, prolabi. (305) Quod vero Scriptura hac de re docet, Deum hominem integrum labisque omnis expertem, sed libertate praeditum, condidisse, hominem autem libertatis suae abusu omnia haecce mala, quae illum premunt, sibi attraxisse, ejusmodi est, ut nec ratio ipsa, quod jure ei opponat, invenire queat. (306) Cuncta enim eo redeunt, cum Deus lapsum hominum permiserit, vel non impediverit, quem per absolutam suam potentiam impedire potuisset, hoc divinae bonitati e diametro repugnare. Sed antea jam monuimus, & non satis inculcari potest, cum ex attributis divinis argumentum ducimus, ea non separanda a se invicem, sed conjungenda esse. Bonitatis itaque divinae consideratio ita instituenda, ut sapientiae quoque atque justitiae habeatur ratio. Postquam ergo Deum visum, hominem, hoc est, creaturam rationalem condere, res ipsa postulavit, ut libertatem ei concederet. Sine libertate enim revera rationis usus nullus est. Si ergo libertate praeditus esse deberat homo, violenta quadam ratione eum a peccato abstrahere minime conveniens erat; ceteroquin enim liber dici non poterat. Postquam vero per libertatis abusum lapsus erat, bonitatis divinae rursus erat, rationem ex miseria ista eluctandi ei ostendere; sapientiae tamen, simul & justitiae, certum ordinem ei praescribere. Ista ergo attributorum divinorum harmonia & proportio si observetur, nihil, quod jure desiderari queat, ratio inveniet. (307) Quartum tandem ultimumque

supereſt argumentum, *improbis ſubinde cuncta proſpere atque ex voto ſuccedere, cum piis contra hominibus cum variis conflictandum ſit calamitatum generibus.* Verum obſervare hic primo juvabit, majorem ut plurimum hominum improborum felicitatem nobis videri, quam revera eſt. Non dicam, fortunam ſplendidiffimam cum labore incredibili, maximis periculis, curis infinitis, plerumque conjunctam eſſe; ſed id ſaltem moneo, cum hominibus improbis in fortuna quantumvis ſplendida conſtitutis, id quod praecipuam humanae felicitatis partem conſtituit, animi tranquillitas deſit; non poſſe non miſerrimos eſſe, qui nobis videntur feliciffimi. Et idem rurfus dicendum de iis, qui nobis miſeri videntur. Si enim ſimul probi & honeſti viri ſunt, animus nullorum ſcelerum ſibi conſcius maximum etiam in ſumma miſeria praebebit ſolacium, adeo ut revera feliciores ſint, quam improbi, qui falſa perſuaſione quadam multis videntur feliciffimi. Nec id praetermittendum, quod vitae hujus felicitas maximam partem perceptionibus, animique paſſionibus, abſolvatur. Pone ergo pauperem divitemque hominem, quorum ille miſer, hic felix cenſetur. Nonne facile fieri poteſt, ut pauper ex pane, quem comedit, & aquae haſtu, eandem, ſi non majorem, delectationem capiat, quam dives, ob corruptum ſtomachum, ex cibi potuſque deliciis exquiſitis? Nonne ergo pauper aequae felix ac dives? Immo fieri poteſt, ut in paupertate conſtitutus plures gaudendi cauſas habeat, paucioresque dolendi, quam homo ditiffimus. Munusculum enim leviffimum gaudio adſociet pauperem, cum contra, quod diviti laetitiā adferre queat, non ſemper praesto ſit, qui inſuper cum ab omnibus tanti non ſit, quanti fieri cupit; graviſſima ſe affectum injuria exiſtimat, unde dolor, ira, indignatio, quorum omnium homo pauper immunis eſſe poteſt. Quis vero tum negabit, pauperem, etſi multis miſer videatur, revera ſi non feliciorem, certe aequae felicem eſſe, ac divitem, cujus omnem felicitatem praedicant. Quod vero diximus, eos, qui miſeri videntur, ſi virtuti & honeſtati ſtudeant, revera non eſſe miſeros, etſi ipſa ratio clare ſatis intelligat, luculentius tamen Scriptura confirmat, quae calamitates, quae piis ſanctisque hominibus obveniunt, iis longe utiliſſimas eſſe, nos condocet, adeo ut hoc nomine etiam beati cenſendi ſint. Namque *Dei amantibus omnia* (adeoque & adverſa quaevis) *ad bonum conferre ſcimus*, auctore Paulo Apoſtolo, *Rom. VIII: 28.* & alibi: *Quem enim amat Dominus, caſtigat; & verberat, quemcumque filium acceptum habet. Si caſtigationem ſuſtinemus, ut filiis nobis utitur Deus. Quis eſt enim Filius, quem non caſtiget pater?* *Ebr. XII: 6, 7.* Immo *per multas miſerias nos oportere in regnum coelorum intrare*, idem Gentium Doctōr pronuntiat, *Actor. XIV: 22.* Idque ad exemplum Chriſti ſervatoris, *Luc. XXIV: 26.* quem & nos, ut in aliis, ita hac in re imitari decet, *Rom. VIII: 17.* Atque hoc eſt

*mysterium illud crucis*, quod homines improbi non capiunt; illi autem, qui salvantur, summum Numinis sapientiam potentiamque in eo agnoscunt, 1 *Cor. I: 18. II: 6, 7*. Ratio autem, si ex hocce dubio se expedire nequeat, eo minus tamen inde aliquid contra Numinis providentiam colligere potest, quod iudicium de probitate aut improbitate hominum longe sit difficillimum. Sane, qui in manifestis flagitiis vivunt, pro improbis sunt habendi; sed hosce ipsa illorum tor sibi scelerum mens conscia facis miseros reddit. Rursus tamen non diffidendum, quosdam sine causa male audire, & pro improbis reputari, cum tales non sint; quemadmodum contra plurimi virtutis quandam speciem prae se ferunt, quorum animi gravissimis vitiis sedem & domicilium praebent. Eto vero, esse quosdam virtuti deditos revera miseros, felices contra, qui vitiis indulgent, ne tum tamen quidquam Epicuraci obtinebunt. Ut enim iniquissimum absurdissimumque est, ob dubium aliquod, unde nos expedire non possumus, veritatem manifestissimam rejicere; ita longe satius & rationi convenientius est, ex eo, quod probi homines miseri, improbi felices quandoque aut sint, aut videantur, colligere, dari post hanc vitam remunerationem recte factorum, scelerumque poenam. Ita dubia omnia evanescent; viamque planam & facilem ratio videbit, statum praesentem huius mundi cum bonitate iustitiaque Numinis conciliandi. (308)

- (289) *Hoc argumentum potius in fronte ponere debuisset Cl. Auctor, cum, hoc praemisso, reliquae, quae ex summa Numinis sapientia, ex finibus rerum omnium, & denique ex consideratione bonitatis & potentiae divinae sunt desumpta, longe melius stringant, & ab omni exceptione immunia reddantur. Dantur, scilicet, qui existimant, melius convenire divinis perfectionibus, si Deus machinam mundanam omnesque ejus partes ita subricasset, ut vi insita, dependenter quidem ab ipso supremo Artifice, sed sine continuata Ipsius operatione & sustentatione in sua existentia ac motibus perseverent: sic nullus requireretur actus positivus divinae potentiae, ut in sua existentia permanent; sufficit ad hanc continuationem, si Deus non velit, ut ad pristinum relabantur nihil; caeteroquin supremus Opifex perfectione cederet Artificibus humanis, qui, per insigne saltem tempus, manus emendatrices, aut sustentatrices non admovent suis operibus. Sic Deus omnia semel curavit in initio, ita ut incurius rerum mundanarum non possit dici; sic omnia disposuit inde a rerum primordio ea ratione, ut inserviant finibus sapientissimis, quos intendit; sic denique ex potentia & bonitate divina nihil aliud concludendum videtur, nisi quod machinam Universi artificiose adeo construere debuerit, ut inserviat usibus creaturarum, quae felicitatis & infelicitatis sunt capaces; non vero, quod*
- con-

continuata quasi creatione illam teneatur sustentare, cum semel existens & in motu constituta, & in illa existentia & in motu continuet, usque dum a causa potentiori ex illo statu deturbatur. Ab istiusmodi rationibus non penitus alienus est Croufaz de existentia Dei persuasissimus, *Examen du Pyrrhonisme* pag. 453. seqq. quae tum demum feliciter refelluntur, quando ex natura entium contingentium derivatur, quod contradictionem involveret, ea in sua existentia continuare virtute quadam a Deo semel in initio concessa. Attamen notandum, istiusmodi exceptiones expectari nullo modo posse ab Atheis, adeoque hinc non immorabor, licet veteres Epicuraci verbis agnoverint existentiam Dei, ipsius Providentiam negantes, quos heic loci maxime respexit Cl. Buddeus.

- (290) Ex eo certe, quod ens contingens, & sic initium suae existentiae habens, & successive durans, hoc momento temporis existit, nullo modo sequitur, ut proximo momento sit existiturum, nec inter partes durationis successivae necessaria datur connexio. Si quaeratur ratio sufficiens praesentis existentiae meae, ea minime reperitur in eo, quod heri, quod ante momentum existierim; neque crastino die ideo existam, quia hodie existi: ratio haecce sufficiens non est reposita in entibus, quae ad existendum & non existendum sunt indifferentia, sed in ente necessario. Imo jam observarunt Veteres, creata omnia, si sese conservare, sive vi insita in sua existentia successiva pergere possent, existerent, antequam existunt, quia agerent, antequam existerent: qui enim sese conservat, agit; sed nihil agere potest, antequam existentiam suam habeat plenam. Rectissime Cl. de Vries *Exerc. Rat.* 24. §. 4. Etiam si cuique creaturae per creationem simul & semel sua detur existentia, duratio tamen ejus successiva, quemadmodum ob ipsum illum successivum sui lapsum simul & semel existere non potest, ita neque unica momentanea actione simul & semel, secundum se totam, conferri potest in quampiam creaturam.

- (291) Ex dictis n. 290. constat, Deum, qui contradictoria facere nequit, non posse Mundum condere, qui se ipse conservaret, qui sine concursu Numinis posset moveri, &c. ita ut vi insita, sive ab ipso Deo impressa, perseveraret in existentia, quam semel fuit nactus. Neque Deum comparare in hac parte licet cum Architecto, qui ab aedificio semel parato manum abstrahit, quatenus hoc existentiam, ad quam ipse arte fuit perductum, retinet citra concursum Architecti: hic enim agit de sustentatione ipsius materiae, in quam Architectus nullum habet influxum. Sic mea facio verba Cl. Turretini *Diff. Theol. IV.* §. 13. Non magis, inquit, potest Deus (licet dixisse) Creaturam, quae sua virtute continuo non indigeat, producere,

D d d 3

quam



quam Creaturam aeternam, vel, quod idem est, quam Creaturam, quae non sit Creatura.

- (292) Si illas consideremus historias, quas sacra Scriptura tradit (quam hic spectare licet tanquam opus fide dignum, nondum attendentes ad divinam ejus Originem) undique deprehendemus sapientissimam atque efficacissimam directionem. Ut citius homines per Telluris post Diluvium renatae superficiem dispergerentur, gravissimus excitatus fuit inter Conditores Turris Babelicae dissensus (Vid. Vitringa Obs. Sacr. Tom. 1. pag. 1. seqq. Perizonius Orig. Babyl. Cap. 9—14. Heideggeri Hist. Patriarch. Tom. 1. pag. 429. seqq.). Miranda sunt Israeliticae Gentis fata in Aegypto, in ejusdem liberatione e servitute Aegyptiaca, in Deserto, in Terra Cananaea, sub Judicibus, sub Regibus, in ipsius liberatione ex captivitate Babylonica; quae statuto tempore est facta, ut Templum restauraretur ea ipsa tempestate, qua nasceretur Jesus. Miranda sunt judicia divina in hanc ipsam Gentem, in qua etiam nunc manifesta reperiuntur vindictae divinae documenta, cum (uti recte observavit Werenfelsius Opusc. Tom. 2. pag. 270. seq.) omnes illi, qui ad hancce prosapiam pertinent, extorres sint ex Patria suorum Majorum, nullum habentes Dominum, Regem, aut Magistratum, per totum Terrarum Orbem dispersi, servientes saepe iis, quos contemnunt, & nunquam delendo stigmate notati supremae Judicis manu. Vid. Sherlok sur la Providence pag. 363-401. Princip. Relig. Nat. & Rev. Tom. 2. pag. 580. seqq.

- (293) Numerosa exempla divinae directionis, apud plurimos eorum reperiuntur collecta, qui ex professo de Providentia scripserunt: nonnulla haud contemnenda habentur in Opusculo A. Richer, cui titulus Essai sur les Grands Evénements par les petites causes, in quo tamen fabulas intermiscet veris Historiis. Non equidem haec ita sunt accipienda, acsi Deus extraordinaria & quasi miraculosa operatione res mundanas, & in specie humanas dirigeret; sed ab omni aeternitate illum constituit rerum ordinem, ut mutationes successivae, quae in hoc mundo contingunt, secundum fixas leges eo determinato modo, loco & tempore obtineant, quo inservire debent vel remunerandis, vel puniendis actionibus hominum, ex libera voluntatis electione proficiscentibus. E. Gr. Pestis grassatur in aliqua regione; pretiosa capita abripiuntur morte, inundationes accidunt, boves aliaque utilissima animalia contagio pereunt quandoque eo ipso tempore, quo incolae meruerunt castigationes vel poenas. Hoc sensu adfirmatur Job. XXXVIII: 31. seq. Deum emittere fulgura, ut abeant, vid. etiam Psalm. 148: 8. & Jer. V: 24. ubi Deus dicitur dare pluviam tempestivam & serotinam tempore suo: Amos. IV: 7. seqq. cohibere imbrem, &c. *Atta.*

*Attamen plurimi ex historiarum monumentis depromi possunt casus, ubi Deus, per modum miraculi, aliquid prodire fecit, ut fines sapientissimos, quos intendit, attingeret.*

- (294) *Quot non sapientissimae potentissimaeque directionis indicia offendimus in propagatione & satis Christianae Religionis, licet vel solas Historias profanas consulamus; non tantum enim ex tenuibus primordiis fuit enata, & per homines viles & plebejos annuntiata, verum etiam martyriis plurimorum non labefactata, sed confirmata fuit, ita ut horum constantia, nullum ipsis lucrum terrenum adserente, permoti fuerint plurimi, ut suam Religionem, tanta antiquitate superbientem, tam late per orbem dispersam, tot legibus civilibus roboratam, rejicerent, & ad simplicissimam illam Christianorum transirent, quae suum Fundatorem repraesentat tanquam Dei Filium, sed cruci adfixum, nulla terrena dignitate splendidum, infamia potius notatum; quod scandalum offendere debuisset Gentiles, nisi divinae providentiae operatione de veritate istius religionis redditi fuissent persuasi. Vid. Turretin Diss. Theol. Vol. 2. pag. 238. seqq. Stillingfleet Orig. Sacr. L. 2. Cap. 9. p. 225. seqq. & p. 256. seqq. Principia Relig. Nat. & Revel. Tom. 2. p. 546. seqq. Formey Philos. Chretien Tom. 2. pag. 199. suiv. Addison Waarrh. van den Christelyken Godsd. 4<sup>de</sup> Afd. pag. 40. enz.*
- (295) *Si attendamus ad Rubricam hujus Capitis, secundum quam refutari debent dogmata cum Atheismo conjuncta, omnino agnoscendum est id, quod Cl. Buddeus implicite fatetur; scilicet, argumenta, quae ex Revelatione divinae pro directione Providentiae petuntur, adhiberi non posse contra eos, qui, ad Atheismum proclives, omnem S. S. auctoritatem ejusque divinam originem negant, aut rident; ad summum admittunt exempla historica, quae speciminis gratia protuli n. 292. nequaquam vero argumenta dogmatica pro hoc momentosissima veritate. Illi autem, qui de Dei existentia sunt convicti, Eumque Auctorem Scripturarum agnoscunt, in quavis earundem pagina invenire possunt vel argumenta pro divina providentia, vel apertissima dicta, quae eam supponunt, aut respiciunt.*
- (296) *Conf. ea, quae notavi ad Cap. 1. §. 18. n. 26. Plurima quidem reperiuntur apud Senecam de Providentia passim, apud Antoninum & apud alios Stoicos, quae ad hoc dogma stabiliendum, & contra Epicuraeos defendendum egregie facere videntur, ita ut aliquid ex Revelationis fonte bibisse credantur nonnullis minus circumspiciatis. Verum si totum Stoicorum systema ejusque nexum, pervestigemus, vix sanum illis assertis, quae sana apparent, adungere licet sensum; uti egregie de-*

*demonstravit Bruckerus in Diff. de Stoicis subdolis Christianorum imitatoribus, quae habetur in ipsius Miscellaneis Hist. Philos. pag. 225-257. praesertim pag. 237. seqq. collatis iis, quae docet in Hist. Crit. Philos. Tom. 1. pag. 926. seqq. ubi recte pronuntiat, id, quod Providentia Stoicis dicitur, alio nomine fatum esse, adeo absolutum & inevitabile, ut nec Deus, nec materia, nec, qui ex utroque constar, mundus ei subtrahi queat. — Quae cum ita se habeant, adjicit, relinquenda est Providentia genti subdolae, & ad fucum faciendum & palliandam impietatem natae, & detergendus pietatis color, quem incautius ex Christianorum sacrariis ei illeverunt Viri docti, magis pie, quam caute hac in re incedentes. Attamen de Pythagora similia praedicari in omnibus non possunt, licet ab ejus doctrina de Deo facilis sit ad Spinosismum transitus. Conf. ea, quae collegit de Burigny la Theolog. Payenne Tom. 1. pag. 190. suiv. & omnino de hisce omnibus videndus Doctissimus Leland the advantage and necessity of the Christian Revelation Vol. 1. Chap. 17. & Chap. 19. pag. 433. &c.*

- (297) *Si homines alicujus Artis imperiti ingrediantur peritissimi Artificis officinam, immensa fere invenient instrumenta, sine quibus ars illa, humanae societati utilissima, exerceri non posset, quorum tamen usum ignoravit penitus. Si aliquis, inter litoris Africani Casros natus atque educatus, oculis suis perlustraret Palatium Regium ornatissimum, plurima deteget, quorum usum ne conjectando quidem potest assequi, licet eximium praebeant utilitatem & Regi & ipsius Ministris. Multa peraguntur a Parentibus vera prudentia conspicuis & tenerrimo amore erga suos liberos flagrantibus in horum utilitatem & salutem, quorum usum suamque ipsi illis liberis in teneriori aetate constitutis perspicere non datur, adeoque stolidae temeritatis rei forent illi imperiti, Casri & Infantes si ea inutilia declararent, quorum usum ignorant. Non procul a crimine laesae Majestatis remotus foret subditus, si omnium eorum, quorum suum ignorat, nullam adfirmaret utilitatem, quae tamen ab iis, quibus interiora Reipublicae cognoscere conceditur, prudentiae regulis conformia penitusque necessaria judicantur. Vid. Principia Relig. Nat. & Revel. Tom. 1. pag. 354-368. Reimar. Voorn. Waarh. IX. Verh. §. 7. enz. Sherlok de la Providence Chap. 5. Cudworth Syst. Intell. pag. 1167. seqq.*

- (298) *Conf. ea, quae supra notari ad Cap. V. §. 5. n. 183. seqq. Id unum & in genere adjicere liceat, plurima olim in Tellure nostra, & in ipso corpore humano inutilia fuisse habita, quae hoc seculo, & praecedenti, quibus rerum naturalium scientia laetissima cepit incrementa, & utilissima & penitus necessaria fuerunt deprehensa; ita ut injustae*

*justae illae criminationes sint perpetua temeritatis, atque insecitiae, quibus animus istorum censorum fuit obitus, monumenta.*

- (299) *Secunda haec obiectio generalius considerari potest, ita ut complectatur omnia mala Physica, quae in hoc universo, in specie in Tellure nostra locum habere videntur, adeoque praesertim premunt humanum genus. Talia sunt copiosiores imbres, saevissimae hiemes, inundationes, Terrae motus, mentium ignivomorum furores, diuturnae siccitates, procellarum impetus, insectorum multitudo, animalia ferocia & venenata, innumera morborum genera. Locus non permittit, ut per singula eamus; ipse Cl. Buddeus in seqq. ansam praebebit de valore harum difficultatum iudicium ferendi.*

- (300) *Fuse, variisque modis demonstrare conatus fuit subtilis nimium Robinet de la Nature Tom. 1. Part. 1. Chap. 12. seqq. Naturae pulcritudinem esse in ratione composita boni & mali, quod datur in hocce universo; fierique non posse, ut minus mali sit quam boni in rerum Natura; ita ut tandem concludat, bonum necessario esse ligatum cum malo, quod bono & numero & qualitate est aequale, nec bonum posse superare malum, nec malum superare bonum; ita ut perpetuum ac necessarium bonorum malorumque in hoc Universo sit aequilibrium. Attamen ipsius tentamina magis redolent Oratorias declamationes, atque sermonis cultioris flosculos, quam demonstrationes solidas, quae sincero Philosopho satisfacere possunt; postquam enim Harmoniam, quae in hoc universo obtinet, pulcerrimam dixerat, eamque etiam conspicuam in motibus corporum coelestium agnoverat, concludit temere, Naturae harmoniam esse consensum perfectum boni & mali, ejusque varietatem aequalem esse summae combinationum harum duarum essentiarum, contrariarum & perpetuo unitarum; concludit insuper, pulcritudinem naturae, quae ex ipsius varietate & harmonia resultat, esse in ratione composita boni & mali, vel uti quadratum unius ex hisce duobus, posita earundem exacta aequalitate, &c. Verum nihil horum in praemissis datur. Si Pulcritudo sit in ratione composita boni & mali, (posita Pulcritudine in primo Universo = P, in altero = p; Bono in primo Universo = B, in altero = b; malo in priori = M, in altero = m) erit P: p = BM: bm; &, si B = M & b = m, erit P: p = M': m'; Verum, cum illam aequalitatem in Cap. 23. non demonstraverit, ex ipsius regula sequeretur, Pulcritudinem Universi majorem posse esse, licet malum superaret longissime bonum; si P: p = BM: bm, potest esse P = p, si BM = bm, atqui hoc obtineret licet B = nM, & nb = m, licet in uno Universo summa malorum foret infinities major quam in altero, & licet summa bonorum in uno universo foret infinities minor quam*
- E c c
- in

in altero, sic enim  $P : p = nBM : nbm = BM : bm$ ; dum  $nBM = nM \times B$  &  $nbm = nb \times m$ ; aequae ac  $nBM = nB \times M$  &  $nbm = nb \times m$ . Taceo paradoxa innumera, quibus scaturit hoc opus nimium subtile; monstrare tantum volui, Auctorem pulcritudinem hujus Universi non satis cognovisse & abstinere debuisse a terminis Mathematicorum, quorum sequelas non praevideat, quorumque vim non satis intellexit. Recte quidem observat Robinet (Chap. 21.), divinam potentiam sese non extendere ad impossibilia; sed an solide satis demonstrat, Deum nullo modo tollere posse mala, quae in hoc universo dantur? omne creatum est finitum, omne finitum est imperfectum; sed an inde sequitur, omnia mala, quae in hoc universo obtinent, esse tantum defectus, vel imperfectiones, vel, uti alii loquuntur, limitationes? Hactenus enim duntaxat loquimur de malo physico; & ex principiis positis nullo modo fluit, quantitatem mali esse necessario aequalem quantitati boni (Chap. 23.) cum nequaquam verum sit, in omni re finita tot dari defectus, quot realitates inde ab initio existentiae suae. Neque exempla, quae profert (Chap. 24.) rem conficiunt, sed potius monstrant, ea, quae mala physica habentur, non esse mala; aut illud gradum bonitatis in rebus creatis dari, qui & divinis perfectionibus & humani generis saluti est convenientissimus. Unum speciminis gratia proponam. Minuas, inquit, malitiam plantarum venenatarum, extenuabis in eadem proportionem efficacem bonitatem re-mediiorum, quae ex iis hauriuntur; salubritatem aliarum plantarum minues, quae adeo salubres non forent, nisi venenatae ad se raperent vitiosos Terrae succos. Sic vero non evincitur, malorum quantitatem esse aequalem quantitati bonorum; sed illa, quae mala videntur, vel non esse mala, sed pretiosissimi nos adferre usus, vel eo nomine esse utilissima, quod caeteroquin ea, quae bona sunt, finibus, quibus sunt destinata, non inservirent; an autem ex eo, quod aurum usus quosdam praebere nequeat, absque eo, quod certa cupri quantitas sit admixta, concludam, cupri & auri partes esse aequales in mixtura? Adeoque ex aliis fontibus difficultatum allarum est petenda solutio.

- (301) Nimis nota est sententia Leibnitii, quam ut hic loci exponeretur ex ipsius scriptis: in genere monendum, Virum Illustrem censuisse hocce rerum-creatarum, adeoque contingentium, systema esse omnium possibile optimum, divinisque perfectionibus convenientissimum; & licet casus existant, ubi apparet quaedam confusio necessaria est, ut producat convenientissimus ordo in toto composito, statuit tamen, longe numerosiora esse bona quam mala in hocce Universo. Sic Mundi systema non est optimum, quia in eo mala dantur; sed id systema, quod nunc existit & in quo malum datur, optimum censetur; Historiam doctrinae recen-

recentius controversae de mundo optimo, *exposuit in peculiari Tractatu* Cl. Baumeister 1741. *Quid vero ipse de hacce sententia Leibnitiana sentiam, breviter indicavi in* Prim. Lin. Theol. Nat. §. 68.

- (302) *An quidem omnia illa, quae nunc sub nomine malorum Physicorum veniunt, locum non habuissent, si non peccassent homines, vix judicare licet; sufficit, a posteriori innotuisse ex Historia sacra, Hominem labilem revera fuisse lapsum, idque aliquando locum habiturum, ab omni aeternitate fuisse certum: certum quoque, primaevam Telluris nostrae constitutionem post lapsum summopere fuisse mutatam. Sed quis asserere auderet, nullas exituras fuisse bestias feroces, nullas plantas venenatas, nullos montium ignivorum furores, nullas inundationes, nullos procellarum impetus, nullos terrae motus, si, homo persistisset in statu integro? an Deus per modum miraculi continuati suspendisset naturae leges, quae ex naturali rerum relatione profluere sua sponte videntur? prudentia suadet, ut nihil determinemus, cum in secreta Dei consilia introspicere nobis non sit datum. Id tamen certissimum apparet, mortem, morbos, aliasque miseras, si peccatum non obtinuisset, nullum habituras fuisse locum; licet ratio sibi relicta hic caecutiatur, modumque nequeat assequi, quo humanum genus ab iis fuisset liberatum; Vid. Cl. J. Oosterdyk Schacht elegantissima Oratio, qua, senile fatum inevitabili necessitate ex humani corporis mechanismo sequi, demonstratur.*

- (303) *Non nova haec difficultas, sed jam plenius proposita, nonine Epicuraeorum, a Lactantio de Ira Dei Cap. 13. p. m. 644. seq. evanescit, si attendamus ad simplicitatem Dei, qua omnes divinae perfectiones perfectissimo modo sunt unum quid, idemque: nullum certe dabatur rerum possibilem systema, quod Divinis perfectionibus finibusque omnibus erat convenientius; hoc systema ingrediebantur. bestiae feroces, plantae venenatae, montes ignivomi, flumina &c. uti hocce systema ingrediebantur homines libertate donati, eademque abutentes; si potentiam Dei (non ordinatam sed) naturalem seu absolutam spectemus in abstracto, potuisset aliud systema eligere & ad existentiam perducere; sed, si Ipsius sapientiam & reliquarum perfectionum complexum simul consideremus, sique teneamus, Deum non posse facere, non posse velle, quod a suis perfectionibus dissentit, non potuit, adeoque non voluit, vel, (quod eodem recidit) non voluit, adeoque non potuit, aliud systema eligere, ad existentiam perducere, conservare, gubernare, quod non ingrederetur memorata malorum apparentium series: id quippe perpetuo ante oculos versari debet, hasce difficultates, si alicujus forent momenti, non magis Providentiam*

premere, quam decretum & creationem: si perfectionibus divinis non esset conveniens Providentia sua complecti Universum, in quo praesentia mala suam habent sedem, iisdem non fuisset conveniens istiusmodi Universum creare, imo illud (sit barbaro nimium, sed Philosophico vocabulo venia) futuritioni destinare suo decreto.

(304) Constat ex antecedentibus, Deum curam gerere debere omnium rerum creaturarum, adeoque etiam entium liberorum contingentium, quae sese sustentare nequeunt (uti supra fuit demonstratum n. 290. seq.) Deus proinde, ea sustentans, cum iis concurrat, & concurrendo facit, ut attingant fines illos, quibus sunt destinata; apodicticae istiusmodi demonstrationes enervari non possunt nostra ignorantia, qua scilicet non exacte cognoscimus, modum, quo mala moralia permittere decrevit, ipso facto permittit, cum iis salva sua sanctitate atque illaesa humanae mentis libertate concurrat, eademque dirigit ad fines praestitutos. Innumera sunt in ipsa rerum corporearum natura, multa sunt in nobis ipsis, de quorum veritate dubitare non licet, quamvis modum, quo contingunt, judicare nequeamus.

(305) Dubitare licet, an Bayle unquam serio propugnaverit duplex Manichaeorum principium, alterum omnis boni fontem, alterum mali cuiuscunque auctorem; quod tamen tentasse videtur Dict. Crit. in V. Manicheens, Pauliciens, Zoroaster. Pro sagacitate sua perspicere debuit Philosophus Roto-damensis, fragmenta haecce & unitati & independentiae divinae esse adversa; cum contradictionem manifestam involvat, ens aliquod malum esse independens, infinitum, necessarium; & tamen ita esse deberet constitutum, si non ab altero principio, quod boni est origo, esset productum. Si vero Principium malum suum deberet ortum Principio bono, nequaquam evitarentur difficultates, quae ex mali Physici & moralis origine nasci videntur; cum malum Principium a bono penderet, adeoque hoc, non illud, omnium malorum fomes esset, quae malo Principio tribuuntur a Manichaeis.

(306) Voluit Deus, hominem in hoc rerum ordine talem existiturum, qualem illum per scientiam simplicis intelligentiae cognoverat, libere, scilicet, peccantem; quia, si alia substituisset entia libera, sua libertate non abutentia, sive si impeditisset malum morale, minus magnificum fuisset hicce mundus divinarum perfectionum theatrum. Talem, qualem voluit Deus suo decreto, produxit, conservat; nullam violentiam inferens liberis hominum determinationibus.

(307) Deus severissime prohibet & ab omni tempore prohibuit illud, quod sanctitati suae non est conveniens; adeoque fecit omne illud, quod, salva

salvâ hominum libertate, fieri poterat, ut a malo morali abstraherentur. Creavit autem homines libertate donatos, & tales creare debuit, quia caeteroquin non fuissent entia rationalia, nec legibus, admonitionibus, comminationibus, praemiis, poenis relictus fuisset locus. At simul homines ita creavit, ut sua libertate abuti possent; qualis abusus possibilitas profluit ex facultatum, quibus conspicuae sunt intelligentiae finitae, multiplici limitatione, ut & ex eo, quod mens arctissime sit alligata suo corpori; unde impressiones sensuum & affectiones animi exinde natae innumeratas in operationibus mentis turbas excitare valent. Impedire quidem potuit Deus huncce libertatis abusum; ast potentia Dei iterum non spectanda est in abstracto; sed sapientia Dei id ipsum non permittit, quia fieri non poterat, nisi vel laedendo libertatem ipsam, vel interponendo suam potentiam, vel denique mutando rerum humanarum statum; laesâ libertate nullae virtutes extitissent, cum nulla dari possent vitia; quod etiam obtinuisset locum, si Deus per modum miraculi, hominem retinuisset, qui sic nullis meritis fuisset conspicuus. Si denique alium introduxisset rerum humanarum statum, aliud fuisset mundi systema, alius rerum ordo, diversus a praesenti, qui tamen istius est indolis, ut nullus divinis perfectionibus dari potuerit convenientior. Vid. Merian dans l'Hist. de l'Acad. Roy. de Berlin Tom. IX. pag. 417. suiv. Princip. Relig. Nat. & Rev. Tom. 1. pag. 370. seqq. Sherlok de la Providence Chap. 6. pag. 244. suiv. Turretin Dissert. Theol. Vol. 1. pag. 156. seqq.

- (308) Difficultas haecce desumta ex hominum satis diversissimis, jam ab antiquissimis temporibus ingens fuit visa, ipsi etiam divino Vati Psalm. LXXIII. Jobo Cap. XXI. vs. 6. & 7. Jeremiae Cap. XII. 1. & 2. hanc vehementer urserunt Epicuraci contra Stoicos, ita ut Seneca, Stoicorum placitis addictus, integrum tractatum conscripserit de Providentia, sive de Quaestione, quare bonis viris mala accendant, cum sit Providentia; hanc eleganter proponit & solvit Claudianus in Ruffinum Lib. 1. in initio. Vid. quoque Plutarchus oper. Tom. 2. pag. 548. seqq. Inter recentiores plurimi ad eandem responderunt, inter quos eminent Turretin Disput. Theol. Vol. 1. pag. 186. seqq. Werenfels Opusc. Tom. 2. pag. 276. seqq. Pictet contre l'Indifference pag. 88. suiv. Addison over de Voorzienigheid pag. 220-250. Sherlok de la Providence Chap. 6. Morus Oper. Tom. 1. pag. 713. seqq. Cudworth. Syst. Intell. pag. 1175. seqq. Princip. Relig. Nat. & Revel. Tom. 1. pag. 377. seqq. Burlamaqui Princ. du Droit Nat. P. 2. Ch. 12 & 13. Reimarus Voorn. Waarh. pag. 638. enz. Stapfer Theol. Polem. Tom. 2. pag. 766. seqq. Breviter adjicere liceat Cl. Buddei egregiis observationibus, perversos penitus de divina Provi-
- E c c 3
- den-



dentia fovere conceptus, qui sibi persuadent, Deum miraculosa suae potentiae operatione avertere debere mala a vere piis, poenamque infligere improbis; omnia certe peraguntur secundum sapientiae regulas, quas Deus ipse ab aeterno sibi praescripsit, quasque per miracula interrumpere non finit constantia. Malos saepe tolerat Deus, tum ut bonos doceat, non statim ad vindictam esse provolandum, tum ut malevolos deinceps illustriori modo puniat, tarditatemque supplicii gravitate compenset, illos in altum tollens, ut lapsu graviore ruant; imo eosdem adhibet quandoque instrumentorum instar, quibus vel alios impios puniat, vel bonos paterno animo castiget. Praesertim autem notandum id, quod observat Pictet l. c. Deus non omnes malos impunitos demittere voluit his in terris, ne credant, nullam esse providentiam; sed non omnes punit in hac vita, ne sibi persuadeant, vitam post funera non esse securam, in qua rationem reddent eorum, quae hac in vita patrarunt. Ne dicam, generis humani conditionem non pati, ut strictissima illa iustitia, quam exigere videntur aut sibi fingunt temerarii Providentiae censores, sine mora exerceatur; cum anicitiæ, sanguinis & fortunarum vinculis ita inter se colligentur mortales, ut mali poenas subire nequeant, quin in partem miserationum veniant boni; sic pius Pater immerito adligeretur, si ob crimen aliquod gravius divina vindicta in ipsius liberos insurgeret, eosque per modum poenae ex hac vita raperet: si caput Familiae merito puniretur divini providentia, Uxor ejus & liberi saepe subirent immeritis calamitates. Confestim non punit supremus rerum Arbiter Monarchas, qui atrocioribus peccatis sese commacularunt, ne turbentur atque gravioribus miseriis involvantur civiles societates, quibus praesunt. Sic summo jure concludimus cum Cudwortho l. c. Deus totam sapientissime fabulam (rerum scil. & satorum humanorum) moderatur & regit; Is, quae praecedunt acta nostra, prudenter cum suis, quae sequuntur, gestis colligat, ut nullus usquam hiatus appareat; omnia vero apte inter se ac concinne connexa sint: is etiam postremo in omni actu summam iustitiae rationem fuisse habitam poenasque ac poenas legitima semper proportionem distributa esse, unumquemque edocebit.

### §. I I.

Qui cogitationes, actus cum primis reflexos, facultatemque mentis, res etiam materiae expertes concipiendi, & tum de his, tum de aliis ratiocinandi, libertatem insuper se & corpus

mo-

movendi, & mox hoc, mox aliud quid adpetendi, quorum omnium quilibet sibi intime conscius est, paulo accuratius secum expenderit, facile eam materiae omnis, adeoque & destructionis, expertem esse intelliget. Idem vero cum & aliae rationes luculenter comprobent, falluntur circa controuersiam turpiter, qui animam mortalem esse, & una cum corpore interire, sibi aliisque persuasum cupiunt. \*

- \* Animam nostram non interire, ex ipsis ejus operationibus omnium luculentissime cognoscitur. Ex hisce enim evidentissime demonstrari potest, eam materiae omnis expertem esse; quod cum supra cap. V. §. VII. jam extra omnem dubitationem positum sit, ut, quae ibi copiose & ex instituto dicta sunt, hic repetamus, necesse non est. Spiritum vero seu substantiam materiae expertem, si animam esse constet, sua sponte inde sequitur, eam etiam esse immortalem. Quicquid enim mortem seu interitum vocamus, hoc in destructione aut separatione partium consistit. Adeoque quo pacto homo per partium separationem inorietur, corpusque ejus destruat, facile intelligimus. Spiritus vero, qui materiae expertus sit, adeoque nec ex partibus compositus, quo pacto mori aut destrui queat, ratio capere nequit. Ad annihilationem enim, quod attinet, ea, quo pacto sine infinita Numinis potentia fieri queat, non magis intelligi potest, quam quo pacto sine eadem potentia Numinis infinita quicquam ex nihilo fieri queat. Atque hoc perspectum probe exploratumque habuit TULLIUS, dum ex animae operationibus, eam simplicis naturae, adeoque indivisibilem, hinc & immortalem esse, recte collegit. *Quid multa?* inquit, *sic mihi persuasi, sic sentio, cum tanta celeritas animorum sit, tanta memoria praeteritorum, futurorumque prudentia, tot artes, tantae scientiae, tot inventa, non posse eam naturam, quae res eas contineat, esse mortalem: cumque semper agitetur animus, nec principium motus habeat, quia se ipse moveat, ne finem quidem esse habiturum motus, quia nunquam se ipse sit relicturus; & cum simplex animi natura esset, neque haberet in se quidquam admistum dispar sui, atque dissimile, non posse eum dividi; quod si non possit, non posse interire, &c.* in Catone majore cap. XXII. pag. m. 1370. (309) Primae huic, quae & principem inter omnes tenet, pro animae immortalitate rationi alteram addo, minime itidem contemnendam, & a metu poenarum, qui improbos pravorumque facinororum sibi conscios vexat, desumptam. Nec enim aliunde quam ab isto metu, communis & ab omnibus fere gentibus recepta de inferis opinio orta; quae etsi a Poëtis, figmentis variis & fabulis au-

cta,

sta, & ideo a Philosophis quibusdam, falsa a veris non caute satis discernentibus, explosa sit, certissimum tamen argumentum praebet, ex innato quodam conscientiae testimonio constare, prave actorum, facinorumque malorum, poenas post hanc vitam expectandas esse, adeoque animam post hominis mortem superesse. Hinc *SENECA*, etsi ipsemet animae immortalitatem non credat, ex consensu tamen quodam hominum, inferos timentium aut colentium, eam probari posse, diffiteri nequit. *Cum de animarum, inquit, aeternitate differimus, non leve momentum apud nos habet, consensus hominum aut timentium inferos, aut colentium; Epist. CXVII. pag. 577.* Nec profecto vi aut robore suo argumentum illud, si recte capiatur, destituitur. Nulla enim, quacunque etiam excogitetur, adferri causa poterit, ex qua metus huius, quem tot homines non in una aliqua gente, sed ubique terrarum in omnibus seculis, in se deprehendunt, derivari queat. Quicquid de fabulis & commentis Poëtarum, quicquid de traditione majorum, aut opinione a parentibus accepta, vel quacunque ratione propagata, dicatur, omnes istae causae sunt particulares, quae ad effectum suo modo universalem & communem producendum non sufficiunt. Accedit enimvero, ejusmodi etiam homines improbos, qui ab omni credulitate sunt alienissimi, & de quibus dici nequit, unam ex causis, quae vulgo adferri solent, apud eos locum invenire; eundem metum subinde fensisse, adeoque vel invito veritati praebuisset testimonium. (310) Atque haec ipsa consideratio ad tertium nos ducit argumentum, quod *justitia divina* nobis suppeditat. Deum justissimum scelerum esse vindicem, tam certum est, quam manifestum est, Deum esse, hoc est, extra omnem dubitationem positum. Patentur vero omnes, & ipsi Epicuræi, quoties contra divinam providentiam disputant, maxime urgent, bonos atque honestos viros subinde in hac vita miseros esse, cum improbis contra cuncta ex voto cedant. Hoc vero cum *justitia* pariter ac bonitate Dei conciliari nequit, ut supra quoque jam observavimus, nisi recte factorum remuneratio & scelerum punitio post hanc vitam admittatur. Corpus vero hominis cum dissolvatur, quo pacto Deus recte remunerari, peccata autem punire possit, si anima non esset immortalis? (311) Addendum hisce, quod merito quarto loco ponimus, *innatum omnibus immortalitatis votum*, immo praefensio quaedam, quae efficit, ut, si ab illis discedas, qui ob scelerum magnitudinem poenas aeternas timent, reliqui nihil magis in votis habeant, adeoque naturae humanae convenientius arbitrentur, quam animam, post ejus a corpore solutionem, superesse. Observatu dignissima hac de re sunt verba *CICERONIS*: *Si in hoc erro, quod animas hominum immortales esse credam, libenter erro, nec mihi hunc errorem, quo delector, dum vivo, extorqueri volo; sin mortuus, ut quidem minuti Philosophi censent, nihil sentiam, non verear, ne hunc errorem meum*

meum mortui Philosophi derideant; in Catone majore cap. XXIII. pag. m. 1371. Eundem fere in modum & SENECA: Quomodo molestus est jucundum somnium videnti, qui excitat; aufert enim voluptatem, etiamsi falsum, effectum tamen veri habentem: sic Epistola tua mihi fecit injuriam. Revocavit enim me cogitationi aptae traditum, & iterum, si licuisset, ulterius. Juvabat de aeternitate animarum quaerere, immo me hercule credere. Credebam enim facile opinionibus magnorum virorum; rem gravissimam promittentium magis, quam probantium. Dabam me spei tantae: jam enim fastidio mihi, jam reliquias aetatis infractae contemnebam, in immensum illud tempus, & in possessionem omnis aevi transiture, cum subito experrectus sum, Epistola tua accepta, &c. Epist. CII. pag. m. 502. seqq. Nimirum, licet & CICERO & SENECA, errore ducti, animae immortalitatem, evidenter probari non posse existiment, uterque tamen intimum animi sensum haud obscure prodendo, verissimum esse, quod persuadere sibi firmiter non poterant, demonstrat. (312) Illae & alias adhuc rationes addere poteram, quas tamen praetermitto, quod non omnes ejusdem sint ponderis, & ab aliis etiam allatae sint, qui ex instituto de animae immortalitate scripserunt; quos inter, si recentiores species, eminent, JOACHIMUS HILDEBRANDUS, de immortalitate animae rationalis ex solo lumine naturae apodicticis & topicis rationibus liquido ostensa: JOAN. EBERHARDUS SCHWELINGIUS, in mente immortalis; VINCENTIUS PLACCIUS, in demonstratione solida immortalitatis animae humanae ex solo lumine naturae facta, lingua Germanica scripta, HARTSCHMIDIUS in immortalitate animae humanae ex Philosophorum veterum ac recentiorum argumentis demonstrata; KENELMUS DICHAEUS, de immortalitate animae; aliique. (313) Adderem his HENRICUM MORUM, cujus immortalitas animae, quatenus ex cognitione naturae rationisque est demonstrabilis, extat tom. II. operum ejus Philosophicorum pag. 275. seqq. nisi quaedam, quae calculum non ferunt, admiscuisset. Sunt nonnulli, qui caeteris rationibus etiam testimonia veterum Philosophorum adjiciunt, quae apud PETRUM DANIELEM HUETIUM legi possunt, in quaestionibus Ainetanis, sive de concordia rationis & fidei, libr. II. cap. VIII. §. III. pag. 155. seqq. conf. & JAC. FAYUS, in defensione religionis, &c. contra Joannem Tolandum, part. I. cap. XXIV. pag. 132. seqq. Verum eaute haec in re versandum esse, patet ex iis, quae supra ad cap. III. §. II. disputavimus. Omnes enim illi, qui animae originem ex divina essentia derivabant, eamque iterum in hanc reversionem contendebant, indestructibilem potius eam, quam immortalem asseriebant. Si denique & hic cum ejusmodi hominibus nobis lis esset, qui Scripturae sacrae auctoritatem admitterent, res omnis plane confecta foret. Cum enim ea salutis obtinendae via, quam Scriptura sacra nobis monstrat, hoc vel maxime nitatur fundamento, praemia recte factorum aequae ac scelerum poenas post hanc

fff

vitam

vitam expectandas esse, nemo nisi mentis omnis expert, se, salva Scripturae auctoritate, animae in dubium vocaturum immortalitatem, facile intellexerit. Eaue & diserte, tum in veteri, tum in novo testamento comprobatur. De veteri quidem nonnullos dubitare, aut aperte id negare scio, animae immortalitatem ex eo probari posse; sed profecto sine ratione. Enim vero dum Moses hominem ad imaginem Dei conditum docet, *Genes. I: vers. 26.* animae cum simul insinuare immortalitatem, recte observat EUSEBIUS, *praeparat. Euangel. libr. XI. cap. XXVII.* Praeterea cum de Abrahamo *Genes. XV: 15.* dicitur, quod iturus sit ad patres suos, idque de corporis sepultura intelligi nequeat, quippe quae ei non in Chaldaea, sed in terra Cananaeae obtigit, nihil aliud superest, quam ut de anima hoc capiamus, indeque, eam interitus expertem esse, concludamus. Quo pacto idem ex *Exod. III: vers. 6.* probari queat, ipsemet Servator ostendit, *Matth. XXII: 31, 32.* Etsi enim ibi de resurrectione mortuorum sermo sit, eadem tamen prorsus ratione animae immortalitas ex illis verbis colligi potest. Mitto reliqua, cum pro nostri instituti ratione haec sufficient. Ex novo testamento quiequam adferre, supervacaneum foret, cum nemo sanae mentis dubitet, in eo ubique animae immortalitatem supponi, & subinde verbis apertissimis confirmari. Luculentissima cumprimis sunt verba Servatoris *Matth. X: 28.* quippe quae exceptionem non admittunt. Ut vero ad argumenta etiam praecipua secus sentientium respondeamus, primo se nobis Epicuraci offerunt, quibuscum etiam alii faciunt, qui animam *materialem* adeoque *mortalem* faciunt. Atque hoc primum praecipuumque argumentum est, quo ad mortalitatem animae probandam utitur T. LUCRETIVS CARUS:

*Principio quoniam tenuem constare minutis  
Corporibus docui, multoque minoribus esse,  
Principiis factam, quam liquidus humor aquae est,  
Aut nebula, aut fumus; &c.*

*libr. III. pag. m. 86.* Verum committit hic LUCRETIVS petitionem ejus, quod est in principio, ut in Logicorum scholis loqui amant, sumitque, quod nos non concedimus, animam materialem, & ex particulis minutissimis compositam esse. Eam enim materiae omnis expertem esse, ex operationibus ejus luculenter supra demonstravimus. Quam infeliceiter autem Epicuracis, & ipsi cumprimis LUCRETIO, res procedat, quando ex sua hypothese animae operationes explicare aggreduuntur, ad *cap. praeced. §. VII.* ostendimus. Alterum, idque non minoris momenti argumentum, quo Epicuraci utuntur, ex eo desumptum est, quod mens animusve gignatur, adolescat, vigescat, senescat, deficiatque cum corpore. Hoc ita proponit LUCRETIVS:

*Prae-*

*Praeterea gigni pariter cum corpore & una  
Crescere sentinus, pariterque senescere mentem.  
Nam velut infirmo pueri teneroque vagantur  
Corpore; sic animi sequitur sententia tenuis.  
Inde ubi robustis adolevit viribus aetas,  
Consilium quoque majus & auctior est animi vis.  
Post, ubi jam validis quassatum est viribus aevi  
Corpus, & obtusis ceciderunt viribus artus,  
Claudicat ingenium, delirat linguaque mensque,  
Omnia deficiunt, atque uno tempore defunt;*

*loc. cit. pag. m. 87.* Respondet quidem ad hocce dubium LACTANTIUS, *instit. divin. lib. VII. cap. XII.* sed cum eidem non satisfaciat, & ut, quod de origine animae objicitur, dissolvat, hypothesein etiam Pythagoraeorum, aliorumque, animam ex essentia divina ortam esse, quam deinceps rejiciemus, assumat, hanc ejus responsionem nostram facere non possumus. (314) Quare, quod ad originem animae attinet, paucis & citra ambages assero, principium hocce, cui LUCRETII argumentum innititur: *quicquid initium habet, idque habet finem*, falsum est, & nulla ratione admitti potest. Nihil enim prorsus obstat, quo minus substantia, infinita potentia praedita, substantiam materiae omnis expertem producat, quae, uti corruptionis vel destructionis nullum in se habet principium, ita etiam non potest non semper subsistere, nisi ab eo, qui illam produxit, annihiletur. Quodsi vim argumenti in eo ponas, quod anima cum corpore *gignatur*, quod & LUCRETII sibi velle videtur, indeque ita concludas, quicquid *gignitur*, id etiam destruitur; rursus assumitur aliquid, quod nondum probatum est, & a nobis non conceditur. Etsi enim anima tunc existere incipiat, quando cum corpore unitur, inde tamen non sequitur, eam eadem ratione *gigni*, qua corpus *gignitur*. De modo equidem, quo anima existere incipit, ratio nihil certi definire potest: hoc tamen aperte cognoscit, quod, cum anima sit spiritus, eo modo, quo corpora *gignuntur*, originem accipere nequeat. (315) Atque hoc adeo manifestum est, ut plerique veterum Philosophorum, Epicuracis saltem & paucis quibusdam aliis exceptis, praeexistentiam animarum ante earum cum corporibus unionem, vel originem ex essentia divina asserere maluerint, quam admittere, animas eadem, qua corpora, ratione, per generationem originem accipere. Quod vero anima cum corpore crescere & senescere videtur, vimque suam diversimode pro diversa corporis constitutione exerit, id non tam de ipsa anima, quam quibusdam ejus operationibus est intelligendum. Cum enim ob artificinam ejus cum corpore unionem, in operationibus quibusdam corpore, cumprimis autem spiritibus animalibus, seu instrumento, uti de-

beat, fieri aliter nequit, quam ut pro corporis diversa constitutione diversimode quoque vis animae se prodit, & in ipsis ejus operationibus diversitas quædam conspiciatur. (316) Atque hinc patet, quid ad tertium LUTHERI argumentum respondendum sit, ex eo desumptum, quod animus non suis modo laboret morbis, sed a corporis etiam morbis attingatur:

*Huc accedit, uti videamus, corpus ut ipsum  
Suscipere immanis morbos, durumque dolorem;  
Sic animum curas acreis, luctumque metumque,  
Quare participem leti quoque convenit esse,  
Quin etiam morbis in corporis avius errat  
Sæpe animus; deventit enim delirique satur;  
Interdumque gravi lethargo fertur in altum  
Aeternumque soporem oculis vultuque cadenti, &c.*

loc. cit. pag. 87. Namque arctissimæ unionis, quæ inter animam atque corpus intercedit, leges hoc postulant, ut mentis morbi in corpus, corporis autem in mentem ipsam redundant. Cumque per corporis morbos, spirituum animalium, quibus vel maxime, seu instrumento, anima utitur, motus turbetur, adeo, ut nimis intendatur, vel rursus impediatur, aut alio modo exorbitet, mentisque directionem respuat, mirum non est, mentem vim suam, ea, qua poterat, ac debebat, ratione, exerere non posse, sed in morborum corporis participationem quandoque venire. Nec tamen semper hoc contingit, sed interdum mens constanter in gravissimis corporis morbis vim suam ad externum vitæ halitum usque demonstrat, quod pro nostra potius sententia argumentum minime contemnendum præbet. (317) Reiqua, quæ ab Epicuracis adferri solent, ex hæcenus dictis dijudicanda, & discussa insuper sunt a PETRO CASSENDO, *syntagm. Philos. Epicur. part. II. sect. I. pag. 29. seqq.* Jam quod ad Pythagoræos ceterosque attinet, qui animam hominis ex essentia divina ortam, in eam iterum aliquando reverti, statuunt, etsi immortalitatem ejus asserere videantur, revera tamen indestructibilem potius, quam immortalem credere, jam supra ad cap. III. §. II. docuimus. In gravissimo autem eos versari errore, haud difficile demonstrari potest. Si enim animæ hominum ex divina essentia sunt decerpæ, & cum ea aliquando iterum uniendæ, sequitur, essentiam Dei in partes plurimas esse divisibilem, adeoque materialem. Quo pacto enim spiritus, hoc est, substantia materiae omnis expert, in partes dividi, atque discerpi queat, nemo mortalium capere potest. Deum vero materialem, & in partes innumeras divisibilem sibi fingere, tam ineptum, ut nihil ineptius cogitari queat. Accedit, quod mens hominis variis doloribus, passionibus,

misc-

miseriis sit obnoxia, immo, quod pravis impiisque cogitationibus & cupiditatibus subinde scateat, & mox huc, mox illuc trahatur, ut, ubi pedem figere debebat, homo ipse nesciat. Quae omnia in ipsum Deum cadent, si mente nostra divinae essentiae sit particula. Deus ergo ipse, hoc est, ens omnium perfectissimum, angetur, excrucietur, dolores sentiet, prava quaevis cogitabit & concupiscet, mox huc, mox illuc feretur. Quae omnia non blasphema tantum, sed ita insuper comparata sunt, ut a sanae mentis homine asseri nequeant. Tolerabilior equidem Platoniorum videri poterat opinio, ex anima mundi hominum animas originem ducere, & in eam reverti, statuendum. Sed, cum mundi animam inter *universales* divinas referant, iisdem difficultatibus praemuntur. Si enim materialis sit anima mundi, *universales* quaedam Divina materialis admittenda erit. Sin immaterialis, quo pacto dividi atque in partes discerpi potest? Nec rectius se habet sententia Aristotelis, aut, si mavis, Averrois, unicum tantum numero intellectum, unicamve omnium hominum esse mentem. Tam enim hoc absurdum est, ut non credam, quemquam hanc sententiam ideo admisisse, quod rationi eam convenientem existimaret, sed quod ad absfona quaevis credenda iis sufficeret auctoritas Aristotelis. Quo pacto enim ista unus intellectus per omnes homines diffusio sine extensione quadam fieri possit, concipi nequit. Hoc ipso autem intellectus hiece universalis materialis erit, iisdemque rationibus rejiciendus, quibus animae materialitatem impugnavimus. Cumque homines non tantum diversas, sed & contrarias cogitationes sapissime habeant, statuendum erit, eundem intellectum uno eodemque tempore infinitis modis sibi contradicere, & in uno homine affirmare, quod in alio negat, in uno adprobare, quod in alio improbat, in uno laudare, quod in alio vituperat; quod quam absfonom sit, nemo non intelligit. (318). Nec est, quod obvertas, diversas ejusdem intellectus universalis esse operationes, pro organorum diversitate. Hoc enim licet in quibusdam ejus operationibus forte procedat, ad omnes, eas praesertim, quae a certa organorum dispositione non pendent, nullo modo trahi potest. Denique & illi falluntur turpiter, qui animam pro qualitate quadam, seu virtute ex materiae dispositione orta, & cum ejus destructione cessante, habent. (319) Etsi enim ex materiae dispositione qualitates quaedam oriri queant, quae formaliter, ut loqui solent, antea in materia non extiterunt, nulla tamen qualitas, nulla virtus, ex materiae dispositione elici potest, quae non radicaliter, & ad minimum quoad potentiam, antea in materia fuit. Animae vero facultates, intellectus & voluntas, cum nec radicaliter, nec quoad potentiam in materia existant, quocumque modo hanc disposueris aut dispositam fingas, nunquam illas inde elicias. Inter commenta itaque ludicra atque somnia haec sententia referenda est, quae homines sine anima statuit.



Cum vero auctores istius sententiae, resurrectionem mortuorum statuunt, adeoque & Scripturae auctoritatem admittant, vel saltem admittere videri velint, omnia ea Scripturae dicta illis opponi possunt, quae animam a corpore distinguunt, & eam post mortem superstitem esse, luculenter testantur, quorum praecipua antea jam indicavimus. Ad rationes autem, quae pro ista sententia in medium adferri possunt, responsum est, in *programm. de Arabicorum haeresi.* quod extat in *syntagm. dissertation. Theologic. pag. 738. seqq.*

- (309) *Immaterialitas mentis nihil aliud demonstrare potest, quam quod sit indestructibilis (uti nonnulli loquuntur): si enim ex partibus non constet, sed ens simplex sit habenda, etiam in partes non potest dissolvi; verum quia hoc etiam, secundum Leibnitium, dici potest de quolibet corporum elemento, ulterius est pergendum, si immortalitatem mentis proprie dictam ex solius rationis placitis velimus demonstrare, sique per hanc intelligamus perseverantiam mentis humanae perpetuam in possessione eorum attributorum, quae enti rationali adesse debent; ita ut conscia sui maneat, atque in memoriam revocare possit ea, quae antea egit vel passa fuit, tanquam ad se pertinentia, per quam recordationem de sua identitate unice evadit certa. At qua ratione cognoscere licebit, morali certitudine, mentem simplicissimam nullique obnoxiam dissolutioni, non annihilandam esse divina voluntate? an non Deus manum sustentatricem retrahere posset, ut postquam satisfecit usibus, quibus erat destinata, relabatur in pristinum nihil, ex quo per creationem emerfit? Gentiles sane Philosophi, a Revelationis lumine destituti, non satis de hac veritate persuasi fuerunt; & qui eam propugnarunt vel per traditionem aliquid scivisse videntur, vel rationibus parum validis pro immortalitate mentis fuerunt usi. Imo Philosophi Christiani, uti in omnibus Theologiae & Religionis Naturalis Capitibus, sic etiam in doctrina de immortalitate animarum, laudabiles illos non fecissent progressus, ac demonstrationes, quas nunc praebent, non concinnassent, nisi Revelationis Cynosuram fuisset secuti. Breviter ideoque examinandum, cujusnam valoris sint demonstrationes, quae pro momentosissima hac veritate ex rationis principiis peti possunt, cui disquisitioni ansam praebebit ipse Deus.*

- (310) *Eodem fere modo hoc argumentum urgetur, quo illud ex consensu Gentium cultiorum pro existentia Dei depromptum, de quo Cap. I. §. 1. n. 155. & n. 156. Si jam istud argumentum pro existentia summi Numinis apodicticum non sit, demonstrans summam Atheorum arrogantiam, & impudentiam, etiam hoc Auctoris ratiocinium tantum inter illa est numerandum, quae magnam probabilitatem huic doctri-*

*Arinae conciliant. Non certe credibile est, tot homines in errore fuisse versatos, per infantiae praejudicia occaecatos, aut per Politicorum fraudes deceptos; cum horum callidissimi & maxima audacia conspici se se ab hoc metu liberare non potuerunt, & hominum vindictam non curantes, iudicis inconspicui iram poenamque, post corporis mortem expectandam, reformidaverint.*

- (311) *Appositum valde est dictum Chrysostomi, (Sermone IV. de Providentia,) quod profert Gassendus Oper. Tom. 2. pag. 632. Si nihil est, inquit, post hanc vitam, igitur neque Deus est; nam si est Deus, iustus est; si iustus est, juxta merita unicuique distribuit. At si nihil est post hanc vitam, ubinam accipient singuli pro meritis? Etenim multi heic bene habent, honoranturque, pravi cum sint; alii adflitantur, cum justiciam colant. Quare, si post-hac nihil est, emigrabunt iusti adfecti injuria, & iniusti immeriti felicitate poterunt. Attamen & hoc argumentum quibusdam non apodicticum videri posset 1o. quia recte facti fecisse merces est, dum malas actiones sequuntur saevissima conscientiae verbera; 2o. quia in hoc rerum statu (seposita cognitione Servatoris) poenas subire debent omnes, nulli vero merentur remunerationem post hanc vitam. Quod ad primam rationem attinet; experientia docet, inter bonos dari, qui suae tenuitatis suorumque lapsuum conscientia longissime absunt ab illa tranquillitate, in qua amoenissima recte factorum merces est quaerenda, dum plurimi inter maleficos infelicitatem illosque conscientiae morsus rarius experientur, qui naturales videntur criminum sequelae. Idololatrae inter Gentiles cum veteres tum hodiernos, non illas propter hocce crimen, ex errore vincibili profluens, senserunt conscientiae vellicationes illaque verbera, quae poenam naturalem ipsius facinoris constituerent, licet animi tranquillitas magis solida fuisset, si ex veri Dei cultu suam traxisset originem. Altera ratio argumentum hocce non labefactat: quippe, licet proborum conamina sint naevitis obsita, ingens tamen debet esse differentia inter subditos rebelles, qui Principis sui legibus obedire praefraete recusant, eumque odio prosequuntur, atque inter illos subiectos, qui omni virium contentione ipsius iussa exsequi allaborant, qui sincera poenitentia ducuntur, si ipsius leges fuerint transgressi, qui adeoque inviti peccant, quando adfectuum impetu abripiuntur, vel alio modo non attendunt ad legis praescriptum. Princeps sane maxime despoticus iisdem fati subicere non posset duas haece diversissimas subditorum classes.*

- (312) *Argumentum ex innato immortalitatis voto atque ardentissimo desiderio depromptum, tantum inter probabilia, non inter apodictica potest numerari: vix scilicet credere licet, Deum benignissimum tam vehementis istius*

istius perennis vitae desiderium, felicitatisque nunquam destituae amorem mentibus indere voluisse, ad quam nunquam pervenire possunt. Quin imo, mentium felicitas crescere potest in infinitum; adeoque credibile non est, Deum O. M. iis, sese perficientibus, remoram inficere velle, eademque in initio sui cursus fislere: si homo sit conditus, ut verum Conditorum ex operibus suis cognosceret, nemo sibi facile persuadebit, eundem istum Conditorum animam destruere velle, cum in limine istius cognitionis adhucdum versatur, novasque creare, rursus, cum paululum in hac cognitione projecerunt, destruendas. Accedit, quod nullo exemplo pateat, Deum substantias annihilare velle; cum substantiae viliores, quales sunt elementa corporum, in maximis etiam vicissitudinibus non redeant, quantum novimus, in nihilum, sed formam suam suasque proprietates, quae ut accidentales spectari possunt, mutant vel deponant. Hae sunt rationes, quae probabilitatem aliquam huic dogmati conciliant, neutiquam vero istius sunt ponderis, ut in iis, tanquam in apodicticis demonstrationibus mens veri, veraeque immortalitatis cupida acquiescat; licet hae argumenta priora, quae magis solida sunt, confirmant.

- (313) Numerosi sunt illi, qui animae immortalitatem ex ratione demonstrare allaborarunt, quos recensere longum foret atque satis inutile, cum plurimi suos antecessores exscripserint: prae reliquis tamen commendari merentur Boullier *Essay Philosophique sur l'Âme des Bêtes* Tom. 2. pag. 277. suiv. Gallendus *Oper.* Tom. 2. pag. 620-658. Poirer *Cog. Rat. I.* 3. C. 25. & in *Resp. ad Object.* pag. 699-718. (Edit. 2<sup>da</sup>) Canzianus in *Medit. Philos.* §. 1065-1106. & in *Exercitationibus Historico-Philosophicis de Animae immortalitate passim.* Muys *Opusc. Posth.* pag. 1-38. Turretin *Diff. Theol. Vol. I.* Diff. XII. Formey *le Philosophe Chrétien* pag. 179-194. A. Brixia in *Philosophia Mentis* Tom. 2. pag. 129-163. Principia Relig. Nat. & Revel. Tom. 1. pag. 557-582. Bullingerus *Dilucid. Philos. Sect. 4.* C. 5. pag. 405-425. Reimarus *Voorn. Waarh. van den Natuurlyken Godsdiensl Xde Verh.* Thummigius in *Meletematibus* pag. 150-183.
- (314) Objectio haecce alio modo proponi potest, majorem habitura speciem: sensus omnes, scilicet, & memoria a corpore pendere videntur; hoc igitur dissoluto, essentiales illae mentis proprietates vel facultates evanescent: quid igitur restabit, si corporum non tantum, sed etiam spiritualium rerum idearum, quas occasione sensuum excitantur, aut imprimuntur, & per memoriam revocari debent, non possit reproducere? Verum hoc ratiocinium nequaquam infringit argumentorum efficaciam, quae pro immortalitate mentis fuerunt proposita, sed tantum demonstrat,

strat, plerima dari in conjunctione mentis cum corpore, quae nos latent: neque ex phaenomenis, quae in nobis ipsi deprehendimus, concludere licet, memoriam totam pendere a corpore, quamvis haec turbetur & evanescat quandoque, turbato vel laeso cerebro. Nonnulli tamen eorum, qui de immortalitate mentis penitus sunt persuasi, ex hacce ejus dependentia a corporis constitutione inferre voluerunt, eandem corporeis solutam vinculis a cogitando cessare, versarique in perpetuo sopore, usque dum, secundum Revelationis doctrinam, cum corpore resuscitato denuo uniatur, quam sententiam ad rigidius examen revocasse hujus non est loci. Vid. Ditton in Append. ad egregium Tractatum de Resurrectione Christi Cap. 10—12. Anonymus Anglicus in Act. Erud. Lips. Suppl. Nov. Tom. VII. pag. 102. seqq. Wittius in Symb. Exerc. 26. §. 67. seqq.

- (315) Quaestio de origine Animae humanae huc non pertinet; & postquam demonstratum est, eam non esse corpoream ad Cap. V. §. 7. nemo eo infaniae procedet, ut credat, eandem cum corpore gigni, corporum more, & sic cum corpore, corporum more, dissolvi. Et si vel cum nonnullis statueret vellemus, animam ab anima parentum per traducem spiritualem oriri (in qua opinione, post plurimos veteres, versatus fuit Poirret Cogit. Rat. Lib. 1. Cap. 6. §. 5.) non tamen exinde sequeretur, eam corporum more gigni, & dissolvi; cum hujus sententiae, sic satis caeteroquin absurdae, fautores de animae immaterialitate sint persuasi. Caeterum, siue statuatur, Deum in rerum primordio omnes animas simul creasse, (quae opinio circa praexistentiam animarum gravissimis obnoxia est difficultatibus) siue teneamus, eas tum demum a Deo produci, cum uniuntur cum suis corporibus, nullus datur inter corporis mortem, atque inter animae interitum nexus.
- (316) Anima, utut a materia penitus distincta, crescere videtur & adolescere cum corpore 1°. quia arctissime est alligata suo corpori, quod ipsi est cum habitaculum, tum praesertim instrumentum, cui vires suas applicet; quo commodum magis est illud habitaculum, quo instrumentum illud ad insignium perfectionis culmen est evectum, eo melius sese habet hospes, eoque promptius suas facultates potest exercere; 2°. quia ipsa mens est intelligentia finita, cujus facultates & habitus continuo crescunt crebriori exercitio; ideae evolvuntur, perficiuntur, sensimque redduntur numerosiores; ita ut mentes etiam, quae nuli culturae inferiori subjiciuntur, paulatim perfectiores evadant, atque in suarum facultatum naturalium exercitio magis promptae & alacres.

- (317) Negari non potest, mentis inclinationes plurimum a corporis dispositione pendere; notatu dignissima exempla collegit Vir. Clar. H. D.

G g g

Gau-

Gaubius in elegantissimis Orationibus de regimine mentis, quod Medicorum est: ita ut alia videatur mens, diversissima a priori, postquam corpus insigniores mutationes subiit. Dantur mulieres uterum gerentes ad furandum proclives, quae post puerperium ab istiusmodi facinoribus abhorrent; dantur homines, qui, durante ebrietate, de aeterna sua salute sunt solliciti, imo de eadem desperant, qui sobrii nunquam de illa cogitare videntur; in variis aetatibus hominis ejusdem inclinationes sunt variae; variae sunt pro varietate soli, in quo nati, ciborum, quibus aluntur, aeris, quem inspirant; ita ut summo jure dixerit Cl. Kaau Boerhave Impetum faciens, &c. pag. 325. seqq. Uti anni tempestates & aeris vicissitudines mutant corpus, ita mentis actiones erigunt vel deprimunt: Nemo est, qui sanus serena aura non cogitat hilarior de quacunque materia, quam ubi nebulosum coelum & uduum est, &c. Quin imo! refert Cl. Gaubius l. c. pag. 87. se novisse aliquos, quibus ex morbo convalescentibus, priusquam vires resunderint, adeo incommoda fuerit iracundia, ut, cum sibi fastidio essent, ratione tamen reprimere exaequantem perpetuo bilem non possent, & restituta tandem cum viribus animi moderatione, plus etiam de hac, quam de superato corporis morbo, sibi gratularentur. Hisce sexcenta alia exempla possent adjici: sed an inde concludere liceret, animam a corpore non diversam esse, & cum corpore suo dissolvi? nequaquam certe; obstant omnia argumenta pro immaterialitate mentis supra allata n. 206. obstant rationum pondera, quae n. 311. seq. pro immortalitate ejusdem fuerunt proposita; id unum ex hisce consicere jubet sana Logica, arduissima esse unionem inter mentem & inter corpus, cujus modum ignoramus & forte his in terris ignorabimus perpetuo, vixque ullam dari in mente cogitationem, cui non respondeat determinatus in corpore motus, & vicissim. An exinde, quod insignis Artifex talem inter duo horologia posuit nexum, ut unum influat in alterum, & turbatis unius motibus, etiam turbentur motus in altero, legitime concluderem, non duo esse horologia distincta, sed unicum tantum; dum indubia experientia monstrat, revera duo esse, quae & facultatibus & operationibus toto coelo a se invicem differunt. Ne dicam, non semper mentis vires debilitari, quando corporis dissolutio instat; exempla numerosa in contrarium reperiuntur, quae videri possunt apud Montagne in Epistolis ipsius Tentaminibus subjunctis Tom. 3. pag. 400. suiv. Poiret Cogit. Rat. Lib. 3. Cap. 25. §. 7. T. H. van den Honert de Veris Dei Viis Tom. 1. pag. 41. seq.

- (318) Errorem, quem hic respicit Cl. Auctor, recoxit Deurhovius, statuens, cogitationem generalem a Deo esse creatam, cujus modificationes sunt mentes humanae singulae; dubium tamen est, an ipse Deurhovius defi-

definitionem istarum modificationum dari poterit, & an non, ut supra vulgus, ex quo erat, sapere videretur, inanes protulerit sine mente sonos. Non lubet contra hujusmodi chimaeras pugnare; satis superque hominem refutavit Cl. T. H. van den Honert de *Veris Dei Viis* Tom. 1. pag. 51. seqq. — 173. ut alios taceam, inter quos eminet Anonymus Auctor *Tractatus Belgici* Deurhofs Leer en eer verdedigd, qui, ridendo saeviter hasce nugas, aliis longe praecelluit, Deurhovium seria confutatione dignum censentibus.

- (319) Adum agerem, si demonstrarem denuo, Mentem esse substantiam simplicem, nihil cum materia, aut cum extensione commune habentem; adeoque, hisce positis, sponte sua patescit, animam non esse qualitatem, vel virtutem ex materiae dispositione ortam, cum materiae dissolutione cessantem; quorsum delapsus fuit la Mettrie *l'Histoire Naturelle de l'ame*, & in turpissimo libello *l'homme Machine* passim; quem errorem recte refutavit Anonymus Leidensis in *Tractatu*, cui titulus *l'Homme plus que Machine*, licet de la Mettrie non directe, saltem non unice respexerit ingeniosus Auctor. Imo adfectata est modestia Lockii, quando de *Int. Hum.* Lib. 4. Cap. 3. §. 6. nullavise in eo contradictionem animadvertere fatetur, quod Deus quosdam gradus sensationis, perceptionis & cogitationis quibusdam materiae partibus seu collectionibus concedat, de qua opinione vid. Leibnitius *Nouveaux Essays sur l'Entendement Humain* Liv. 4. Ch. 3. pag. 342. suiv.

Verum, si rationi & experientiae vim inferre placeat, & vel mentem materialem statuere, vel, eandem corporis adfectionem esse, coningere velimus; nondum tamen sequeretur, eam esse mortalem, & cum corporis crassioris mole dissolvi; tantum id conficere ex absurdissima hac hypothesi liceret, illam sua naturâ non esse indestructibilem. Sed consideratio perfectionum divinarum, quas antea (n. 311) ob oculos posuimus, obstarat, quominus a Deo dissolveretur illa molecularum subtilissimarum congeries, seu Machina ista artificiosissima, quae & cogitationes, & conscientiam sui parare & quasi fabricare apta est; ne omnium machinarum cogitantium fors, quae in hisce terris non respondet diversissimis earum actionibus seu effectis, post dissolutionem corporis crassioris, in quo locatae, vel cui superadditae fuerant, penitus sit eadem: merita quippe & crimina assignare debent suis machinulis, cum iis cogitationem, intellectum, voluntatem, conscientiam sui, felicitatem & infelicitatem subtrahere nequeant; eadem igitur rationes, quae mentes incorporeas & simplices post mortem corporis non annihilandas esse docent, machinulas cogitantes non destruendas esse suadent.

## §. III.

Praeter Deum, animamque hominis, alios adhuc existere spiritus, hoc est, substantias materiae expertes, intellectuque non tantum & voluntate, sed potentia etiam movendi corpora, & in ea agendi praeditas, nulloque cum corpore conjunctas, variae illorum, quae certissimis documentis constant, nos dubitare non sinunt operationes. Falluntur itaque non tantum, sed impudentiam suam, & summam ad quidvis aut negandum aut impugnandum temeritatem produnt, qui & spirituum ejusmodi existentiam inficiantur, & cuncta, quae de illis narrantur, aut sine discrimine, ausu iniquissimo rejiciunt, aut ad alias causas conatu prorsus irrito referunt. \*

- \* Ut in spirituum creatorum existentia probanda rite procedamus, primo id, cu extra controversiam positum, assumimus, non esse *admirabile*, ejusmodi substantias materiae expertes existere. Hoc si admittere Athei aut Pneumatomachi nolint, luculenta iis adferenda est ratio, cur spiritus, seu substantiae ejusmodi materiae expertes, existere nequeant. (320) Eo minus vero hoc facere poterunt, quod vel ipsius mentis humanae exemplo evidenter hoc comprobari queat, quam spiritum, seu substantiam materiae expertem esse, per ea, quae in praecedentibus diximus, vel inviti concedere tenentur. Jam si nihil obstat, quo minus spiritus ejusmodi existere queant, ulterius hoc ab omnibus postulo, testimonia illorum, qui se per apparitiones ejusmodi spirituum, aut alias eorum operationes, de illorum existentia certiores redditos affirmant, non sine causis gravissimis rejicienda esse. (321) Inter hosce testes nonnullos saltem esse, qui neutiquam animum alios decipiendi habeant, adeoque veritatem dicere velint, non facile vel impudentissimus Atheorum abnuet. Praeterquam enim, quod iniquissimum esset, tot homines sine causa in imposturae suspicionem adducere; fieri etiam prorsus non potuit, ut tot homines, quorum hac de re testimonia extant, temporum pariter ac locorum intervallo a se invicem remotissimi, velut conspiratione quadam facta, ad totam genus humanum decipiendum inter se consentirent. Quemadmodum vero ad minimum nonnulli, quae veritati consentanea sunt, hac de re dicere voluerunt, ita nullum plane est dubium, quin id facere potuerint.

rint. Sane sensus quandoque, si rite dispositi non sint, aut in operationibus suis quaecunque ratione impediuntur, falli posse, non diffiteor. Nec ignoro, quanta vis sit imaginationis, praesertim, si adfectus vehementiores accedant. Inde vero qui colligit, semper errasse sensus, semperque homines deceptos per imaginationis vim fuisse, quoties spirituum operationes visu, vel aliis sensibus perceperant, perinde mihi agere videtur, ac qui a particulari ad universale argumentatur. Sane quidem circumspectione quadam hic opus esse, nec quasvis de spectris aut spirituum apparitionibus, narratiunculas statim admittendas esse, lubentes fatemur. Nec tamen inde sequitur, omnia de hisce testimonia rejicienda esse, praesertim, cum quaedam ita comparata sint, ut nec imposturae, nec sensuum fallaciae locus esse queat. Exemplum ejusmodi adferre, nostri instituti non patitur ratio: legi vero merentur; quae HENRICUS MORUS congeffit, in *antidoto adversus Atheismum lib. III. cap. VI. seqq. tom. II. opp. Philosoph. pag. 105. seqq.* (322) Praeter spectra, etiam commercia, quae Magis ac Sagis cum spiritibus malignis intercedunt, horum existentiam evidenter comprobant. Omnia enim ea, quae Magi aut Sagae de iis profitentur, in dubium vocare, aut corruptae imaginationi tribuere velle, a summa impudentia parum abest. Non tantum enim subinde consentientes prorsus inter se ~~mutuo~~ obstant, sed signa etiam in corpore conspicua, munera, quae a spiritibus acceperunt, & alii effectus, qui exceptionem non admittunt. Exemplum ejus rei memorabile idem, quem jam laudavi, HENRICUS MORUS exhibet, *loc. cit. cap. VII. pag. 108. seqq.* (323) Accedunt obfessiones, quas vocant, corporales, magno subinde eum spectantium horrore, & existentiam & potentiam malignorum spirituum demonstrantes. In quibus etiam, quae a melancholia aut aliis morborum generibus sunt, caute discerni velim ab iis, quae naturae operationes excedunt, ita talia subinde in iis occurrere, quorum nulla, si Daemonis potentia non admittatur, ratio reddi queat, nemo profecto sine summa temeritate negare poterit. (324) Mitto reliquas rationes, quae passim ab iis allatae sunt, qui ex instituto contra ~~atheismum~~ disputant, quos inter & JOSEPHUS GLANVILIUS laudandus, in *Sadducaeismo triumphato*, Anglicano idiomate scripto, sed anno MDCCI in Germanicum translato. Cum vero nonnulli ex iis, quibuscum hic nobis res est, Scripturae auctoritatem admittant, vel saltem aperte respuere non audeant, eo lubentius ejus testimoniis utimur, quia longe plenius & evidentius, quam ratio, de spirituum existentia & operationibus nos instruit. Nec omnia tamen congeremus, sed praecipua, quae ad nostram causam faciunt, delibabimus, remotis insuper, vel unico verbo, BALTHASARIS BECKERI ineptiis, quibus rebus clarissimis calignem offundere allaboravit. Ipse primorum parentum lapsus argumentum pro nostra sententia nobis suppeditat, cum res



ipsa satis doceat, per serpentem seductorem *Gen. III: 1. seqq.* infernalem genium intelligendum esse. Si cum BECKERO dicas, infernali genio seductionem primorum hominum ideo tribui, quod hi ad illius exemplum peccaverint, verbis apertis Scripturae sacrae, *Genes. III: 4, 5. Joan. I<sup>III</sup>: 44. 2 Corinth. XI: 3. Apoc. XII: 9.* vim inferes. (325) Abrahamo tres apparuerunt angeli, *Genes. XVIII: 2. seqq.* quorum unus increatus ille, seu filius Dei fuit, ut alibi extra controversiam ponitur, reliqui vero duo creati, qui Lothum cum familia ex Sodoma urbe, ne una cum impiis periret, eduxerunt. BECKERUS homines intelligit, & quidem Prophetas. Cur vero semper vocantur Angeli? Sed conticescere hominem Paulus jubet, hospitalitatis praemia ex eo commendans, quod infcius etiam Abrahamus Angelos convivio exceperit, *Ebr. XIII: 2.* (326) Quae ratiocinatio Apostoli inepta foret, si homines, & non angeli proprie sic dicti convivio ab Abrahamo excepti fuissent. Cum Deus legem promulgaret populo Israëlítico, ingens quoque Angelorum tuba clangentium adfuit turba, *Exod. XIX: 19.* Tonitrua hic & fulgura intelligit BECKERUS, Mosemque ad divinae majestatis opinionem in hominibus excitandam atque augendam ita loqui. Sed Moses a tonitribus fulguribusque diserte tubarum clangorem discernit, *loc. cit.* angelosque fuisse testatur, *Deut. XXXIII: 2.* quod & Paulus confirmat, *Galat. III: 19.* Angeli, quocum Jacobus colluctatus est, *Gen. XXXII: 24. & seqq.* quive populum Israëliticum per desertum in Palaestinam deduxit, *Exod. XXIII: 20. seqq.* ideo nulla videatur facienda mentio, quod is non creatus, sed increatus ille seu filius Dei fuerit. Qui vero luctam Jacobi in somnio vel visione contigisse putant, & per angelum populi Israëlîtici ductorem columnam nubis & ignis intelligunt, nescire mihi videntur, quid dicant. Cluudicatio Jacobi testatur, luctam non fuisse imaginariam. Angelus autem populi Israëlîtici ductor, non semel, sed saepius, a columna nubis diserte distinguitur. (327) Spectrum porro illud Endoracum, quod Sauli ultima fata indicavit, i *Sam. XXVIII: 7. seqq.* de alio, quam infernali genio, intelligi nequit. Ipsam enim Samuelis animam, si Sauli apparuisse dicas, eam artibus magicis e beatorum sedibus evocari potuisse, simul concedas, necesse est; quod nemo, nisi omni ratione destitutus, sibi persuadebit. Qui autem ad vaticinae mulieris praestigias cuncta referre voluerit, illi simul admittendum, vetulam istam civilium rerum peritissimam fuisse, tantaque sagacitate praeditam, ut promte futura praedicere potuerit; quod omnem fidem superat; ne dicam, quod nulla arte humana Samuelis ita imitari vocem potuerit, ut non Saul, cui Samuel notissimus erat, quantumvis perterrefactus, statim fraudem animadvertere potuisset. (328) Tentator vero ille Christi Servatoris, quis alius, quam infernalis genius? *Matth. IV: 1. seqq.* Cum BECKERO enim asserere, in imaginatione haec omnia

omnia peracta, qua Christus pravas cupiditates sibi repraesentaverit, ac si per eas tentaretur, ineptum non minus est, quam blasphemum. Nec felicius hoc telum declinant, qui aliquem ex Phariseis, aut aliis Christi adversariis, tentatoris munere functum putant. Ut enim reliqua, quae gratis & sine omni fundamento assumuntur, taceam, quid causae fuisset, tentatorem hunc absolute *δαίμονα* vocare, cum alias Scriptura Christi adversarios, seu homines certos describere & designare consueverit. Cum diabolus cum Michaële angelo super corpore Moysi contendisse dicitur, *Epist. Jud. vers. 9.* NECKEAVS quidem Doctores Ecclesiae aut Sacerdotes intelligit, quorum unus corpus Moysi proferri idololatriae causa voluerit, cui alter restiterit, aut quorum unus pro legis Mosaicae observantia pugnaverit, renitente & reclamante altero. Scilicet, quia ita placuit, & quia fas sibi esse putat, quidlibet facere ex quolibet. Qui vero, quae *Zach. III: 2.* extant, paulo accuratius consideraverit, statim a propria & genuina verborum sibi minime discedendum esse significatione, intelliget. Mitto nunc, quae de officiis & ministerio Angelorum bonorum Scriptura nos conducit, quo circa nativitatem, vitam, resurrectionem Christi functi sunt, *Luc. I: 11, 26. II: 9, 13. Matth. IV: 11. Luc. XXIII: 43. Matth. XXVIII: 2. Act. I: 10.* aut erga omnes homines, speciatim fideles, funguntur, *Psal. XXXIV: 8. Matth. XVIII: 10. XVI: 22. Act. X: 3. XII: 7. Ebr. I: 14.* item, quae de malignorum spirituum operationibus *Ephes. II: 2. VI: 12, 13. I. Petr. V: 8.* alibique, commemorat. Enimvero haecce loca omnia in alium sensum detorquere, & per Angelos bonos, homines pios, per Daemones autem, improbos intelligere, cequid aliud est, quam Scripturam profanorum hominum ludibrio exponere, viamque illis ostendere, qua horrenda quaevis dogmata ex ea exsculpere & veritates manifestissimas eliminare queant. Si haec interpretandi Scripturam ratio procederet, haud difficulter & Athei eam ita interpretari possent, ut nullum in ea sibi invenire videantur Deum. Quemadmodum vero ex hactenus dictis etiam patet, spectra dari, ita ulterius id inde confirmatur, quod ipsi Discipuli Christi, cum ipsum in mari ambulantem conspicerent, spectrum sibi apparere existimaverint, *Marc. VI: 49.* Quae opinio eos quoque invasit, cum Christus post resurrectionem illis appareret, *Luc. XXIV: 37, 39.* Quo ipso ut aperte significarent, se spectra, seu spirituum apparitiones credere, ita dum Christus eos ob istam opinionem minime reprehendit, eos hac in re non errasse, firmiter inde colligimus. Magorum saepissime in Scriptura sacra mentionem fieri, constat. Hoc vero nomine ejusmodi subinde homines designari, qui ope infernalis genii mirabilia perpetrabant, vel Aegyptiorum Magorum exemplum *Exod. VII. seqq.* neminem dubitare sinit. Quae enim de iis narrantur, per praestigias mere humanas nulla ratione effici potuerunt. Quo pacto enim arte qua-

quadam humana fieri queat, ut baculus in medium projectus statim serpentis speciem referat, nemo dixerit. At diaboli praestigiis ejusmodi quid fieri posse, manifestum est; cum dubium non sit, quin summa celeritate corpus aliquod ex aëre formare queat, quod serpentis instar sit. Idemque de reliquis mirabilibus, ab Aegyptiorum Magis editis, censendum. (329) Non minus vero & obfessorum a spiritibus malignis, saepissime, in novo praesertim Testamento, mentio injicitur; idque ea ratione, ut, qui de morbo quodam aut melancholico, aut alio, id intelligere vellet, sana non amplius praeditus esse mente censeretur. Qua de re si quis dubitet, perpendat saltem daemoneiacorum istorum exemplum, quod *Matth. VIII: 26. seqq.* extat. Ipsi daemones Servatorem alloquuntur: *Quid tibi nobiscum rei est, Jesus Dei fili? Hucine venisti ante tempus vexatum nos?* Immo ab eo petunt, ut sibi liceat in porcorum gregem immigrare; idque cum impetrassent, eundem praecipitem in lacum egerunt. Haec vero omnia quis de morbo quodam melancholico, aut alio, intelligeret? aut num porci eodem quoque correpti sunt, cum in lacum ruerunt praecipites. (330) Non minus & illustria sunt exempla, quae *Luc. XI: vers. 14. seqq. Matth. XII: vers. 22. seqq. XV: vers. 22. seqq. XVII: vers. 15, 18.* leguntur. Hunc ergo in modum cum spirituum creatorum existentia satis ex ratione pariter ac Scriptura sacra demonstrata sit, nihil aliud superest, quam ut ad rationes secus sententiam paucis respondeamus. Prima illorum est, qui cum Epicuracis, speciatim Thoma Hobbesio, spiritus dari, prorsus negant, eo quod non aliae praeter materiales dentur substantiae. Hi vero cum assumant, quod est in quaestione, non est, quod nos morentur, praesertim, cum contrarium, dari substantias materiae expertes, evidentissime supra demonstratum sit. Altera illorum est, qui spiritus quidem admittunt, sed materiales, adeoque in eam ingrediuntur sententiam, nihil ob stare, quo minus substantia materialis cogitare queat. Quod quam absorbum sit, itidem supra jam demonstratum est. (331) Nec est, quod auctoritas veterum Philosophorum, Pythagoraeorum maxime & Platoniceorum, quemquam moveat, materiales spiritus statuentium aut potius fingentium. Non enim insolens istis fuit talia asserere, quorum ipsimet nullam reddere potuere rationem. Tertia illorum est, qui non tam existentiam, quam operationes spirituum se impugnare videri volunt; quamquam operationes eorum in dubium vocando, praecipua simul argumenta, quibus existentia probari potest, labefaciunt. Non concipi posse, ajunt, quo pacto spiritus, cujus essentia in cogitatione consistit, in materiam seu corpus agere, adeoque talia, quae spiritibus vulgo tribuuntur, edere possit. Sed falluntur & isti, dum erroneam animo concipiunt spiritus notionem, essentiam ejus in cogitatione constituentes. Enimvero, si cuncta, quae de spiritibus nobis innotuerunt, paulo accuratius con-

con-

consideremus, is demum recte de iis Philosophari merito censetur, qui spiritum dixerit substantiam materiae omnis expertem, intellectu & voluntate, potentiaque movendi corpora, & agendi in materiam, adeoque facultate mirabilia multa efficiendi, praeditam. Veram hanc & genuinam esse spiritus creati & a corpore sejuncti notionem, tum ex iis, quae certa & indubitata fide de spiritibus traduntur, tum ex ipsa animae nostrae consideratione manifestum est. Secus autem sententiarum *πρῶτον ψυδδ* in eo consistit, quod essentiam spiritus in cogitatione constituunt. Qua in re tamen maximopere falluntur. Etsi enim nullus spiritus sit sine cogitatione, adeoque facultas cogitandi inter proprietates spiritus recte referatur, inde tamen minime sequitur, ipsam spiritus essentiam consistere in cogitatione. Cessat itaque & corruiat prorsus ista ratiocinatio: spiritus est res cogitans, ergo non potest movere corpus, aut agere in materiam. Nec est, quod regeas, cum nos asseramus, spiritum esse materiae expertem, non magis, quo pacto substantia materiae experts agere in corpus queat, concipi posse, quam quo pacto id facere queat res cogitans. Licet enim, quomodo substantia materiae experts in corpus agere queat, nobis non constet, inde tamen res ipsa, seu quod ejusmodi facultas in spiritus cadat, minime vocanda est in dubium. Perinde enim hoc esset, ac si quis negare vellet, magnetem attrahere ferrum, ideo quod modum, quo hoc fiat, ignoret. Multa sane sunt, quae, quo pacto fiant, nemo mortalium dixerit: haec autem omnia negare velle, extremae esset & impudentiae & stultitiae. (332) Animam hominis habere facultatem, corpus, certaque ejus membra, linguam, manus, pedes, pro lubitu movendi, experientia magistra omnes novimus. Nec tamen quisquam explicaverit, quo pacto ad minimum voluntatis nutum spiritus animales ita determinari possint, ut mox hoc, mox aliud membrum, idque mox hac, mox alia ratione moveant? Quod si vero quis ejusmodi motus negare vellet, ideo quod non caperet, quo pacto mens nostra in corpus agere queat, nonne rationis usum amisisse merito censetur? (333) Nec est, quod cum BECKERO excipias, animae aliam hic esse rationem, quippe quae proprium corpus habeat; est enim anima aequae spiritus, ac Angelus, adeoque, si nullus spiritus in corpus agere posset, nec anima hosce corporis nostri posset excitare motus. Praeterea exemplum istud eo praecipue pertinet, ut demonstremus, multa ut certa & explorata admittenda esse, de quibus tamen, quomodo fiant, dici nequit. Quare si vel maxime discrimen inter animam & reliquos spiritus admittatur, ratiocinatio tamen firmo perstat talo. Nullum vero etiam est dubium, eadem facilitate, qua Deus animae humanae facultatem indidit, proprium corpus ejusque membra movendi, cum etiam reliquis spiritibus facultatem corpora extra se posita movendi, vel certa ratione in ea agendi, concedere

Hh h

po.

potuisse. Quod denique BECKERUS fundamenti loco supponit, & toti systemati suo subternit, angelos malos post lapsum catenis vinctos in inferno ceu carcere detineri, nihilque adeo in hocce mundo efficere posse, plane frivolum est. Catenae enim, quas Petrus II. *Ep. II: 4. catenas tenebrarum* vocat, non sunt materiales, sed spirituales, certamque & valde molestam potentiae angelicae circumscriptionem, in spiritibus malignis denocant. Quo ipso licet simul maligni isti spiritus cruciatus infernales in se sentiant, & ad certum etiam damnationis locum sint determinati; hoc tamen non obstat, quo minus & ex permissione divina, infernum suum secum circumferentes, in hocce mundo existere, & varias operationes edere queant. Qua de re eo minus dubitandum, quo certiora luculentioraque sunt, quae in Scriptura sacra hac de re prodita legimus.

- (320) *Ipse Bekkerus nunquam negavit, spiritus a mentibus humanis diversos existere posse; id unum vel negavit, vel vocavit in dubium, istiusmodi spiritus esse Auctores plurimorum phaenomenorum, quae in hocce universo observantur, quaeque aliquando satis temere eorundem operationibus adscribuntur. Et licet, Bekkerum ejusque sequaces a vero aberrasse in plurimis S. S. locis explicandis, certissimus sim, non tamen ipsius placita referenda puto inter dogmata, quae cum Atheismo sunt conjuncta. Conf. ea, quae notavi, ad Cap. III. §. 3. n. 110.*

- (321) *Si solam rationem consulamus, de existentia Angelorum, sive bonorum, sive malorum, parum certi reddimur; cum neque ex eorum essentia profluat ipsorum existentia, neque a priori ex perfectionibus divinis, derivari possit, Universum hocce non fore opus Deo dignum, nisi Angeli in eo darentur. Probabile quidem est, alios exstare hujus mundi Incolas ab hominibus diversos, qui, per vastissima Universi spatia dispersi, operum divinarum sunt spectatores atque usufructuarii; cum temere statueretur, omnia solius hominis causa esse condita, & analogia corporum motuumque coelestium Telluri nostrae vix ullum prae reliquis Globis, & Soli nostro vix ullum prae aliis Stellis fixis relinquit privilegium. Verum istiusmodi ratiocinia in probabilitate fundata pro demonstrationibus apodicticis venditabit nemo prudens. Quin imo! si vel rationales prostarent incolae in aliis Universi partibus, an magis probabile foret, eos per terrestres regiones peregrinari, quam coelestes illas domos, quas habitant illi, peragrarare nobis est concessum? Ideoque circumspectandum erit, cum ratio sibi relicta a priori nihil hic determinare valeat, an a posteriori ex effectibus, seu ex experientia aliquid certi liceat conficere.*

(322) *Omnes fere, qui existentiam Angelorum, seposita tantisper Revelatione, probare sunt conati, sedulo cum Auctore nostro provocarunt ad experientiam; sed hancce ipsam experientiam acmodum dubiam reddere omni virium contentione studuit Bekkerus in Mundo fascinato (de Betoverde Weereld) Lib. 2. Cap. 6. & passim. Lib. 4. Neque diffiteri licet, inter exempla a Moro allata talia reperiri, quae risu potius, quam serio examine sunt digna; imo argumenta pleraque, quae collecta fuerunt a Cl. Ode (in Comment. de Angelis Sect. 2. Cap. 2. §. 8. n. 3. Cap. 3. §. 7. n. 3. & Sect. 4. Cap. 5. §. 8. n. 3.) a Spectris petita, non magni esse roboris. Arduum tamen est fidem historicam omnium eorum denegare, quae de spectris circumjunctur (uti ipse notavit Cl. Auctor) nisi forte procederent rationcinia nuperi Auctoris Anonymi, vel potius Pseudonymi, qui Spectra dari non posse evincere studuit in Tractatu Belgico Beredeneerd Vertoog om te bewyzen, dat 'er geen Spookten zyn, of zyn kunnen. Verum nimium nos a scopo abduceret harum rationum examen, cum unico quaeratur, an dentur praeter Deum & animam hominis, alii Spiritus? ad quam quaestionem adfirmando respondendum esse, docet Revelatio, ratio vero & experientia probabiles tantum rationes suppeditant; cum hic praesertim respiciatur ad spiritus rationales, sive bonos sive malos. Spectra quippe, si quae appareant vel apparuerint olim, maxime quidem ante renatas scientias, non necessario haberi debent pro spiritibus a mentibus humanis diversis; contrarium certe ex plerisque historiis, quae de spectris narrantur, conficere liceret, praesertim si fides adhiberi posset iis, quae habet Schelguigius in Tractatu de Apparitionibus mortuorum vivis ex pacto factis §. 4--14. Ipse tamen Schelguigius in ea opinione versatus fuit, animam hominis post fata non apparere, permotus apertis, ut videntur, S. S. locis Job. VII: 8--10. 2 Sam. XII: 23. Psalm. LXXVIII: 39. Luc. XVI: 26. ideoque §. 41. concludit, illas apparitiones esse Diaboli ludibria; quam opinionem suo loco relinquimus, cum ipsae narrationculae, de quibus explicandis hic agitur, vix aliquam mereantur fidem, si secundum sanioris Logicae regulas rigide examinentur; maxime quia ubique occurrunt testes solitarii, forte somniantes, vel rerum anteaclarum sive conscientia, sive recollectione perterriti.*

(323) *Vix concipere licet, quomodo Cl. Auctor, ut dogma refutaret, quod, ex ipsius opinione, cum Atheismo est conjunctum, provocare potuerit ad commercia, quae Magis & Sagis cum spiritibus malignis intercedunt; cum tantum non omnes rerum humanarum periti & circumspicijudices longe plerasque fabulas istas, rigidum rationis examen non sustinentes, riserint. Notae nimium sunt historiae, quae hancce superstitionem ex animis hominum eradicare debuissent, quasque recensent*

Heemskerk Batav. Arcadia pag. m. 46-83. *segg.* Thomafius de O-  
rig. & *progressu* Processus Inquisitorii contra Sagas passim, sed *prae-*  
*fertim* §. 32. *segg.* *conf.* idem Thomafius de Crimine Magiae §. 46.  
*segg.* & Meiers Gedanken von den Burtungen des Teufels auf dem Erd-  
boden §. 62. *segg.* Equidem in historia sacra exempla occurrunt  
eorum, qui Diaboli auxilio praestitisse videntur, humanas vires  
superantia, uti in *segg.* ipse notat Cl. Auctor. Leges quoque  
tulit Deus ministerio Moſis, quae Magos & Sagas extitisse supponunt;  
nemo denique, in dubium vocabit, si modo Revelationis lumine sit col-  
lustratus, Diabolum posse hominibus uti, ut eos ipsos aliosque perdat;  
verum quaestio in eo versatur, an aliqua adhiberi queat fides narra-  
tione, quae circumferuntur de Magis & Sagis, pactum cum Dia-  
bolo ineuntibus, ejusque auxilio facinora patrantibus, quae vires hu-  
manas superant, & an illi, qui istas fabulas ridet, a summa impu-  
dentia parum absint, & dogmata soveant, quae ad Atheismum duc-  
cunt? Si autem Historiam, si Dis placet, memorabilem inspiciamus,  
quae enarratur apud credulum nimium Henricum Morum l. c. & ad  
quam Cl. Auctor provocat, tot ridicula reperiemus, tot unius ancillae  
superstitiosae & anxiae testimonio nixa, tot fraudem redolentia, ut mi-  
rum videri posset, virum gravem talibus nugis potuisse immorari,  
eumque non observasse, depurata magis religione, scientiis & artibus  
magis excultis, vehementer diminutum fuisse & Spectrorum, & Ma-  
gorum & Sagarum numerum.

- (324) Si sacram historiam consulamus, ejusque agnoscamus fillem divinamque  
originem, obfessiones olim habuisse locum, easque proinde & hisce  
temporibus accidere posse, negari nequit, sed simul admittenda est  
veritas verborum, quibus usus fuit Chr. Frid. Steverus in Diss. de  
obfessione eademque spuria Membr. III. Obs. 2. longissimus foret ca-  
talogus, si excerpere vellemus Observationes Medicas Epilepti-  
corum, Ecstasticorum, Catalepticorum, Hystericarum, Convulsi-  
vorum, Melancholicorum, Maniacorum, Vermibus laborantium,  
Venenatorum, Philtris cruciatorum, robore insigni praeditorum,  
admodum voracium, &c. pro obfessis non a vulgo, sed a periti-  
oribus Theologis, & Medicis, ac Jure-consultis habitorum.  
Si autem characteres obfessionis verae, a pluribus propositos, cum  
memorato Auctore, sepositis praejudiciis, perlustremus, mirari lice-  
bit, obfessorum numerum adeo temere, etiam a Viris eruditione &  
pietate insignibus fuisse auctum, illosque characteres penitus fallaces  
esse, ab iis non fuisse animadvertum.
- (325) In Historia Mosaica nulla quidem fit mentio Diaboli; tantum serpens,  
ut seductor, memoratur, atque, veri nominis serpentem adfuisse, du-  
bitari

bitari non potest, si ad simplicitatem narrationis attendamus: sed solum serpentem hanc tragoediam luisse, nemo a se impetrabit, ut credat: verba ab Eva percipienda locutus fuit, imo callida ratiocinia proposuit circa veram supremi Legislatoris mentem; spiritus igitur rationalis, sed malae indolis atque invidiae plenus in corpore serpentis habitavit. Licet autem omnes circumstantias hujus seductionis non enarraverit Moyses; licet ignoremus modum, quo spiritus ille organa serpentis, in usus suos adhibuerit, ut loquelae non destinata; licet denique Evae (quae forte a cognitione animalium haecenus parum erat instructa) mirum videri potuisset, animal reptile sermones edere, omne tamen dubium tollitur, si respiciamus ad 2 Cor. XI: 3. ubi dicitur, Serpentem Evam sua calliditate decepisse, quod de Serpente proprio sensu sumto intelligi nequit; neque etiam capi potest secundum mentem Bekkeri Lib. 2. Cap. 19. statuentis, Diabolum penitus abfuisse, si praesertim hicce locus conferatur cum Apoc. XII: 9. Dicere tamen non licet cum Cl. Ode de Angelis Sect. 4. Cap. 3. pag. 543. Bekkerum conquisivisse undique levis momenti rationes, & ineptas cavillationes, ut Diabolum ab hoc negotio excludat; cum restent nodi vindice digni, qui saltem omnes a diligentissimo Angelographo non fuerunt soluti, nec forte ab iis, quos copiosissime laudavit, aut refutare studeat.

- (326) Nemo, ut confido, expectabit, ut me immisceam quaestionibus exegeticis; Angelos fuisse, non homines, aut Prophetas, plerique concedunt; an tres Deitatis Personae apparuerint, an vero inter eos duo Angeli creati, disputatur inter Theologos; quam litem meam esse nolo. Videtur tamen unum prae reliquis duobus emnuisse, ac nomine insigniri, quod soli Deo competit; & non omnes Trinitatis personas eo tempore in Terris fuisse versatas, satis liquet ex Gen. XIX: 24. & 25. Ipse autem locus a Cl. Buddeo allatus, (Heb. XIII: 2.), sive de Abrahamo intelligatur, sive de Lotho, sive etiam de utroque, respicere non potest tres Personas, quum Patri attribui nequeat nomen Angeli. Nulla vero fuisset efficacia ratiocinii Paulini, si per Angelos intelligere velimus Legatos, aut Prophetas, uti ipse notavit Cl. Auditor; imo sic inter homines unus fuisset, qui nomen gereret penitus divinum, quod nunquam entibus creatis conceditur. Vid. de celebri hacce Historia Cl. Ode l. c. pag. 1005. seqq. van der Waeyen de Betoverde Weereld onderzocht en wederlegt §. 750. seq. p. 285. seq.

- (327) Si quis sibi de eo persuadere possit, Angelum Ductorem Gentis Israeliticae per desertum a columna nubis & ignis non esse distinguendum, inspiciat tantum, Exod. XXIII: 21. & 22. Cap. XXIV: 1. coll. 10. & Hh h 3 16.



16. erat Angelus duſor (qui ſecunda Trinitatis Perſona fuiſſe videtur) in columna illa, & per eam repræſentabatur; cum plurimæ ab Emblematicis memorantur convenientiæ inter hanc columnam & inter Chriſtum, quarum ſorte nonnullæ longius ſunt quaſitæ. Sed falſcem in alterius meſſem immittere non aſſeo.

- (323) *Spectrum hocce Endoræcum pluribus litibus anſam præbuit, quas memorafſe hujus non eſt loci: quaefitio tantum in eo verſatur, an hoc per artes Diabolicas apparuerit; ita ut exinde concludere liceat contra Bekkerum (quem hic præfertim Cl. Buddeus, extra oleas paululum vagatus, reſpicit) Diabolum ſuis operationibus in hiſce terris tragœdias eas ludere, quæ ipſi adſcribuntur a plerisque. Bekkerus exiſtimat, nihil hic enarrari, præter callidæ mulieris artificia (Lib. 2. Cap. 23.). Samuelem ipſum non fuiſſe (uti falſo perhibet ſpectrum) ſatis ex circumſtantiis liquet, cum exprobrat Sauli ea tantum, quæ minus atrociora erant facinora, ſilentio premens magis clamantia, atque inter ea hoc ipſum confugium ad artes Magicas. Præterea ex Jeſ. LVII: 2. Luc. XVI: 25. Apoc. XIV: 13. aliisque locis ſatis maniſeſtum fit, piis animabus metuendum non eſſe, ne ex quiete ſua artibus impiis evocentur, aut commoveantur, uti hic quaeritur Samuel: an credibile eſt, earum tranquillitatem pendere a peritiſſimis hominibus; ita ut invitæ etiam apparere cogantur & ſeſe unire cum conſpicio corpore. Quin imo, ſi Samuel hic apparuiſſet, vel falſus fuiſſet Propheta, prænuntians, Saulem craſſino die moriturum; vel, ſi מחר denotat tempus futurum, ſed non definitum, nimum vaga eſt prædictio, & virum divino ſpiritu adflatum non decens. Si Diabolus ipſe hic adſuiſſet, Saulem non culpafſet, eidemque exprobraſſet ſua crimina; imo rerum futurarum deberet eſſe gnarus, ſi veri nominis vaticinium hic edidiſſet, ubi Deus ipſe Sauli reſpondere recuſabat. Conſ. Serces *Traité ſur les Miracles* pag. 203-229. & Turretin *Diſſ. Theol.* vol. 2. pag. 358-364. ſeqq. Verum cum nihil occurrat in tota narratione, quod Samuelem a Saule fuiſſe viſum indicat, an non totam apparationem fingere potuit callida mulier, vocemque Samuelis imitari, dum humi proſtratus erat Saul, vel ſaltem caput inclinaverat?*

- (329) *Ad §. ſeq. demum diſquirere licebit, an ſolus Deus miracula facere poſſit, & an Magi Aegyptiaci aliquid præſtiterint Diaboli auxilio, quod vires humanas ſuperabat, imo quod leges, ſecundum quas corporearum rerum univerſitas ordinario regitur, non ſequabatur; ſive an fuerit effectus ſupranaturalis ex cauſarum ſecundarum operatione non oriundus, ſed ab ipſo Deo productus, ſi hæc foret vera miraculi definitio. In genere heic loci notandum, ſine ulla ratione Cl. Auctorem*

*rem conficere*, Diabolum summa celeritate corpus aliquod ex aere formare posse, aut ipso facto ad petitionem Magorum coram Pharaone formasse, quod instar Serpentis esset. Si verus fuerit Serpens, Diabolus ex incondita materia, ex aëre, qui sua elasticitate corpori solido constituendo ineptus videtur, formavit corpus organicum simulque annihilavit baculum, quod utrumque veri nominis miraculum involveret; si serpens fuit apparens, ad miraculum a Diabolo patratum confugiendi nulla datur necessitas. Probabilior est sententia Moshemii ad Cudworth. pag. 871. judicantis, Daemones quosdam Magis adstitisse, & sublatis repente baculis, Serpentes, quorum ingens erat in Aegypto copia, in medium projecisse. Meras fuisse fraudes atque dextre parata artificia, non credit Moshemius, quia Moses haud melius sibi & causae, quam tuebatur, Dei consulere potuisset, quam si fraudulentis & callidis hominibus istis speciem suam detraxisset, arcanaque eorum scelera & flagitia Pharaoni omnibusque Aegyptiis aperuisset. Verum, si Dei Mosisque propositum haecenus fuisset, confundere Magos, & oculos Pharaonis aperire, potuisset facili negotio manifestare, quanta esset differentia inter veri nominis miracula & inter ludibria Magorum, qui non propria vi, sed per & post incantationes suas aliquod simulacrum miraculi ostendere potuerunt; adeoque licet non negem, artes Diabolicas hic adfuisse, ratiocinium Moshemii nimium probare videtur, cum secundum illud Moses melius consulisset causae Dei, si Pharaoni deimta fuisset ansa cor suum indurandi; atqui Regem huncce haecenus nolebat Deus retinere, ut potentiam justitiamque suam monstraret, educendo Gentem Israeliticam, & necando ejus oppressores. Imo si Diaboli artes, miranda spectacula praehentes, hic interfuerint, haecenus non adeo culpabilis videtur Rex Idololatrius educationis praejudicii occoecatus, quod suspensum tenuerit animum suum, conspiciens facta humanas vires superantia ab utraque parte. Et tamen vix credibile est, meras fuisse fraudes ac callida artificia dexteritati manuum tantum debita; cum Magos pingere non concedatur, tanquam nugaces Aegyptas; & ipsi Aegyptii erant scientiis & artibus insignes, quos fallere non adeo facile licebat. Quin imo! si dexteritas sola rem confecisset, cur non etiam pediculos ex terrae pulvere produxissent, cum haecce fraus omnium videtur facillima fuisse.

- (330) Bekkerus Lib. 2. Cap. 28. nequaquam huncce locum recte interpretatur, arsi verba essent intelligenda secundum subjectam materiam, & arsi tota illa obsessio fuisset depravatae imaginationis lusus in homine maniac; imo absque fundamento supponit, Daemones petiisse, ut in porcorum gregem immigrarent, ut differretur alicquantulum ipsorum descensus versus inferos; potius dicendum foret, istius petitionis ratio-

rationem hanc fuisse, ut suam malitiam exercere pergerent contra istius regionis incolas. An autem illi daemones, qui, secundum expressam omnique dubio carentem narrationem Evangelistae, ingressi erant obsessum, hoc est; ex mente Bekkeri, morbi illi, qui antea erant in Melancholico vel Maniaco, occuparunt porcos? an & hi melancholici evaserunt? sic Bekkerus oblitus fuisset principiorum, quae a Cartesio didicerat, cum in Machinis brutis, sensu & perceptione carentibus, Mania, vel morbus Melancholicus locum non inveniat.

(331) Conf. ea, quae notavi ad Cap. V. §. 7. n. 206.

(332) Non video, quo modo ~~etiam~~ ~~etiam~~ eorum, qui, spiritum in corpora agere posse, negant, dici queat opinio, ac si essentia ejus consisteret in cogitandi actuositate. Equidem erronea penitus est haecce sententia, cum essentia rei, quae constans & stabilis esse debet, consistere non possit in continua serie accidentium; cumque vel solius memoriae consideratio manifestum reddat, praesentem cogitationem non posse esse subjectum, sive sedem innumerarum idearum, quae in mente delitescunt, in ejus sinu modo nobis incognito reponuntur, & exinde reproducentur per memoriam. Attamen ens illud cogitando actuosum est spirituale, simplex, atque ab omni extensione & materia longe remotum: hoc aequae agnoscunt illi, qui intimam mentis essentiam nobis incognitam esse censent, ac qui temere nimium, eandem in ~~in~~ cogitare, in perpetua cogitandi actuositate, vel in perpetua cogitationum successionem repositam esse, statuunt. Haec nunc scietur ipse Cl. Buddeus (an semper id agnovit, disquisivimus supra n. 260. seqq.); atqui difficultas (si sit difficultas veri nominis) in utraque sententia manet eadem, si eadem admittatur simplicitas mentis ejusque immaterialitas: nihil ad rem facit, an ejus essentiam intimam & totalem habeamus exploratam; sufficit, si ens simplex & incorporeum agere non possit in corpus; neque Bekkerus aliam fovisset sententiam, saltem aliam fovere ipsi non fuisset necesse, licet mentis essentiam, more Cartesiano, in cogitatione non quaesivisset. Possunt spiritibus aliae competere proprietates, praeter cogitationem, seu cogitandi facultatem, (uti observat Cl. Buddeus in Elem. Phil. Theor. Tom. 2. p. 346.) sed inter illas nullae possunt dari, quae cum simplicitate & immaterialitate pugnant; atqui inter hasce, ex mente Bekkeri, datur facultas operandi in corpora. Praeriperetur hocce effugium, si mens nostra certo certius ageret in corpus suum, quod confessim disquiremus: sic enim ab ignorantia modi ad negationem rei, aliunde, & quidem per indubiam experientiam certae, concludere non liceret.

(333)

- (333) *Exciperet forte Bekkerus, temere hic supponi, mentem nostram agere in corpus; experientia docet ad voluntatem nostram moveri determinata corporis nostri membra; non vero certum est, illud fieri per voluntatem mentis: ex concomitantia, uti loquuntur Leibnitiani, concludere non licet ad causalitatem, quod axioma, sive verum, sive spurium, summopere urisit Bulfingerus (de Harmonia Praestabilita §. 27. seq.) contra systema influxus Physici: idque jam ante eum notaverat Geulinx (Ethic. Tract. 1. Sect. 2. §. 2. no. 7.) atque illustraverat exemplo Infantis in cunis jacentis; si hic agitari velit cunas, agitantur, non per voluntatem, sed ad voluntatem Infantis, a causa externa, a matre, scilicet, vel nutrice, quae cunis adsidet. Nescimus autem non tantum, quomodo mens nostra agat in corpus, sed an agat in illud; & tamen videtur, mentem nostram, substantiam sui suarumque actionum consciam, appercipere debere, quod agas in illud; & contrario non penitus absurda est regula, quod nescimus, an & quo modo fiat, id non facimus ipsi; jam vero mens nihil aliud experitur, quam quod ad suam voluntatem determinatum sui corporis membrum determinato modo moveatur; nequaquam sibi est conscia, se spiritus animales (si qui dentur) in musculos immittere, quia sic ipsa determinatum aliquem musculum ex pluribus aliis deberet seligere, quo utatur; cum ne summus quidem Anatomicus per conscientiam suam detegat, se in hac parte sua scientiâ juvari, seque determinatos illos musculos, quos solos motui determinato producendo aptos novit, inflare prae omnibus aliis; hic Anatomiae imperitus, qui ne fando quidem aliquid audivit de interiori corporis fabrica, cum dexterrimo Physiologo paria praestet, imo majora. Videtur quidem regulam, quam modo dedi, fallacem esse, cum mens nostra in sinu suo innumeras ideas reponat, easdemque, si libuerit, reproducat per Memoriam, licet nesciat, quo modo id fiat; verum hic mens magis certa est, an ideas illas reproducat, tantum agitur de modo, quo illud facit; cum in systemate influxus Physici ignoretur, an & quo modo mens in corpus agat, motus excitando, vel jam excitatos dirigendo; primum de existentia alicujus Phaenomeni certi esse debemus, antequam de modo, quo producit, simus solliciti. Neque de systemate influxus Physici usque adeo persuasus fuit visus ipse Cl. Auctor in Elem. Phil. Theor. Tom. 2. pag. 116. seqq. Haec vero ne ita arcepiantur, acsi rejicerem penitus hocce systema; e contrario illud reliquis duobus praeferendum esse puto; acsi sincerus veritatis amor difficultates, quibus premitur, dissimulare non finit; aliae, sed minoris momenti potuissent adjici: verum de conjunctione mentis cum corpore ex professo non agimus; sufficit notasse, argumentum hocce contra Bekkerum, a cujus sententia sum alienissimus, non admodum esse*

*apodicticum, cum hypothesi nitatur, de cuius valore ipse Cl. Buddens non penitus aliquando fuit persuasus.*

### §. I V.

Vaticinia, seu praedictiones futurorum, & quidem contingentium dari, exempla certissima, & quae exceptionem non admittunt, evidenter probant. Eas vero qui aut finitis creativse spiritibus tribuunt, aut a naturali aliqua omnibusque hominibus insita facultate derivant, nihil aliud agunt, quam ut limites intellectus finiti se prorsus ignorare demonstrarent, irritove & inani conatu causam quaerant, cuius vim effectus multis modis superat. Relinquitur itaque, & agnoscendas futurarum fortuitarumque rerum praedictiones, & soli Deo, ceu vero & unico earum auctori, tribuendas esse. \*

\* Ut erroribus Atheorum aliorumque hominum profanorum de vaticiniis, rerumque futurarum praedictionibus, eo rectius obviam eamus, duo nobis evincenda sunt; alterum, dari omnino vaticinia seu rerum futurarum, & quidem fortuitarum, seu contingentium praedictiones; alterum, eas a nulla facultate hominis naturali, nullove spiritu creato proficisci posse, sed soli Deo tribuendas esse. Ad prius itaque quod attinet, provocabo nunc ad ipsum veterum Philosophorum consensum, qui omnes, a Xenophane saltem & Epicuro si discefferis, futurarum rerum praedictiones admiserunt, uti supra ad *cap. III. §. IV.* observavimus; nec ea, quae veterum recentiorumque historicorum monumenta suppeditant, nunc commemorabo. (334) Iis saltem, quae certa & explorata sunt, insistam. Tametsi enim Athei, quibuscum nobis hic praecipue res est, divinam Scripturae sacrae auctoritatem non admittant, non tamen negare audebunt, Prophetarum quemque eo vixisse tempore, quo vixisse perhibetur. Quodsi ergo constet, ea, quae praedixit, longo demum post eam, qua vixit, aetatem contigisse, vaticiniisque ejus accurate respondisse eventum, nullum amplius de ipsis vaticiniis seu praedictionibus supererit dubium. (335) Sic Esaiam vatem, eo tempore, quo Hiskias rex rerum apud Judaeos potius est, vixisse, ne impudentissimus quidem Atheorum negaverit. Hic vero, ut plurima alia, quibus post multa demum secula accurate

eventus respondit, praedixit, ita illud cumprimis, a Cores seu Cyro Persarum rege solum iri captivitatem Babylonicam *Esa. XLIV: 28. XLV: 1.* Hoc vero cum liberrime fecerit Cyrus, haud dubio futurum contingens erat. Esaias autem tanto temporis ante acti spatio non tantum hoc praedixit, sed ita praedixit, ut nomen quoque regis exprimeret, qui nondum natus erat, immo quem nasciturum nemo mortalium scire aut cognoscere poterat. Idem de Daniele vate censendum. Hunc enim circa finem imperii Babylonicum, & initium Persici, vixisse, adeo verum est, ut nec perditissimum Atheorum id vocaturum in dubium existimem. Quod vero PORPHYRIUS, juratus Christiani nominis hostis, autumavit, librum Danielis, Antiochi Epiphanis aeo, a quodam in Judaea fuisse compositum, argumento est, de veritate vaticiniorum Danielis adeo eum fuisse convictum, ut, ne Divinam libri istius auctoritatem agnoscere cogeretur, non aliter, quam per illepidum ejusmodi & inficetum figmentum inde se expedire potuerit. Tantum itaque abest, ut nostrae hoc noceat causae, ut novum potius eidem robur conciliet, uti jam a me ostensum, in *dissertat. de veritate Christ. relig. Philosophor. gentil. obtreptionib. confirmata, §. IX. in syntagm. dissertation. Theologic. pag. 491. (336)* Addo his Prophetam, Prophetis omnibus, qui unquam extiterunt, longe majorem, ipsum Christum servatorem nostrum. Eum sub Augusto imperatore natum, sub Tiberio cruci adfixum, mortuumque esse, nec Spinoza negat, nec ullus Atheorum negare poterit. Non minus tamen & illud extra controversiam positum, inter alia de Hierosolymitanæ urbis templique devastatione ejusmodi vaticinia eum edidisse, quae eventus accuratissime comprobavit. Ista autem quis praevidere poterat, nisi aut Deus ipse, aut qui a Deo ea accepisset? Ut enim mere fortuita fuere, ita longo satis post praedictionem contigerunt tempore. Atque haec cum istud, quod nobis probandum erat, extra controversiam ponant; ita ea, quae contra praedictiones ejusmodi Epicuræi urgent, non adeo magni sunt momenti. Dum enim ideo eas negant, quod Deus rerum hujus mundi nullam curam gerat, ex uno errore alium colligunt, ponuntque ceu evictum, quod a nobis jam est profligatum. Immo invertere quodammodo argumentum licet, rationesque ita subducere: cum rerum hujus mundi, hominum praecipue, curam Deus gerat, verosimile prius esse, eum hominum, piorum praesertim & virtuti debitorum causa, quandoque futura revelare, ut sciant, quid fugere ac evitare, quid contra confectari atque eligere, debeant, ut intuitu eorum, quae eventura sunt, rebus suis consulere queant. Nec majoris momenti est, quod iidem contendunt, cum nulli dentur spiritus, qui futura nobis revelare queant, nullas quoque dari rerum futurarum praedictiones. Praeterquam enim, quod perperam iterum ceu certum ponunt, quod a nobis non conceditur, nullos dari spiritus

creatos, nos etiam praedictiones futurorum non a spiritibus creatis, sed ab ipso Deo proficisci, asserimus. Sermo enim nobis est de futuris contingentibus, quorum praevisioni uti in solum Deum cadit, ita spiritibus creatis non magis tribui potest, quam hominibus ipsis. Dum vero, quicquid de praedictionibus, oraculis, vaticiniis dicitur, inter aniles fabulas, signenta & imposturas hominum referunt, summae praecipitantis & temeritatis, quocum vera sapientia minime convenit, se reos esse, ipsimet demonstrant. Nimirum, positum hoc in more est quibusdam Philosophis, sed Philosophorum nomine parum dignis, ut systematis cujusdam, quod semel amplexi sunt, amore excoecati, quicquid ex suis principiis explicare nequeunt, statim, ceu fabulosum, fictitium, & merum commentum, rejiciant. Quae tamen non ad indagandam, sed ad opprimendam veritatem rectissima via est. Nos antea jam exemplis ejusmodi, quae ipsi Athei negare nequeunt, probavimus, praedictiones rerum futurarum dari. Quod autem ad praedictiones, vaticinia, & oracula, quae inter gentiles fuerunt, attinet, non equidem negamus, fraudes, imposturas, signenta in hisce intercessisse; quaedam tamen ita comparata fuisse, ut cognitionem humana majorem nemo non in iis admittere debeat, jam supra ad *cap. III. §. IV.* observavimus. Qui enim per oracula quandoque responsa dabant daemones, etsi ipsimet futurorum contingentium ignari, talia tamen praevidere subinde, & ex certis causis colligere poterant, quae vim humani intellectus longissime superabant. Ultimum itaque, idque praecipuum saltem superest dubium, an praedictio, adeoque & praevisioni futurorum contingentium cum libertate hominis conciliari queat? Scopulus sane hicce est, ad quem plurimi naufragium fecerunt, mox ad unum, mox ad alterum extremum declinando. Nonnulli namque ex decretis Dei absolutis cuncta, quae fiunt, derivantes, Deum quidem futura praevidere, concedunt, sed hoc ipso, ea contingentia esse negant, eo quod propter decretum Numinis non possint non fieri. Alii autem, ut hominum libertati consulant, nec contingentiam tollant, negant, Deum praevidere res mere contingentes posse; adeoque & juxta eosdem futurorum contingentium praedictio nulla erit. (337) Eorum, qui socini castra sequuntur, hanc esse sententiam notum est, idque vel ex JOANNE CRELLIO constat, de *Deo. & attribut. div. cap. XXIV.* In eandem nuper ingressus est vir quidam doctus, cujus hac de re extat meditatio dans *l'histoire critique de la republique des lettres, tom. VII. artic. IV. pag. 131. seqq.* Cum enim tum illorum sententiam, qui omnia ex decretis divinis derivant, tum eorum, qui libertatem hominum cum praescientia contingentium conciliari posse existimant, rejecisset, ipse quidem, Deum futura contingentia eatenus saltem praevidere, contendit, quatenus ex certis causis cognosci possunt. Cumque homines rerum usu pollentes, & insigni pru-

prudencia instructi, multarum actionum eventus futuros praevidere queant, Deum quidem, cujus cognitio multis modis perfectior sit, quam hominum, longe plura hac ratione praevidere posse, & quidem talia, in quibus sagacissimi mortalium causas, & pote latentes, perspicere nequeunt. Quodsi ergo regeras, hoc modo praescientiam divinam futurorum contingentium ad meras conjecturas redire, responderet, cum Deus causas & principia, ex quibus hominum actiones processurac sint, certo sciat, certam quoque, & neutiquam mere conjecturalem hanc ejus esse praescientiam. Cum vero facile videat, vaticinia & praedictiones, quarum tot exempla Scriptura sacra exhibet, huic vel maxime obstare sententiae, in eo totus est, ut ostendat, ea ita comparata esse, ut Deus ex certis causis ea eventura cognoscere potuerit, quae evenerunt. Quod quam infeliceiter auctori cedat, ipsa haec ejus commentatio quemlibet facile condocet. Rectius itaque sibi consulunt, & tutius incedunt, qui, evitatis duobus hisce extremis, mediam viam eligunt. Qui enim ex decretis divinis cuncta derivant, ut hominem omni libertate spoliant, ita non possunt non Deum tandem omnium prave actorum causam auctoremque facere, quicquid etiam dicant, aut in quamcunque se vertant partem. Quod ut plano impium est, ita, qui ista praecipitia caute non evitant, abscondita deinde quacvis atque inepta admittere tenentur. Qui vero praescientiam futurorum contingentium Deo abjudicant, infinitae ejus perfectioni nimium quantum detrahunt; immo palam in eum injurii sunt characterem istum luculentissimum divinitatis, quo Deus vel maxime ab idolis vult discerni, *Esa. XLIII: 12. XLIV: 7.* ei adimementes. Quod si non aliter, quam per causas aut signa Deus futura cognoscit, non multum sane perfectior erit ejus intellectus, quam hominis aut angeli. Sed ipsa vaticiniorum exempla haec commenta evidentissime refellunt. Cum enim Deus fata gentis Israeliticac in Aegypto, dudum antea ipsi Abrahamo indicavit; cum captivitatem Babylonicam, & post LXX. annorum decursum, ex ea liberationem, eo tempore praenuntiavit, cum nemo mortalium, hoc ulla ratione fieri posse, sibi persuaderet; cum, quae circa nativitatem, mortem & resurrectionem Christi contigerunt, multis antea seculis, quam haec fierent, praedixit; causas istas atque signa scire vellem, ex quibus Deus talia cognoscere potuerit. In omnem equidem hic se versat partem auctor antea laudatus, sed aut meras incipias profert, aut eo tandem cuncta redeunt, Deum hoc aut illud decrevisse, itemque, intellectum divinum perfectiorem esse humano. Sed dum ipse sententiam illorum, qui praescientiam Dei ex ejus decretis derivant, rejecisset, parum profecto sibi constat, dum nihilominus ipse ad decreta recurrit. Intellectum divinum humano longe perfectiorem esse, lubentes concedimus, sed hoc auctorem parum juvat, qui causas aut signa adferre debet,



bet, ex quibus Deus futura cognoscat, aut concedere, Deum etiam futura contingentia, qua talia, praevidere & praedicere posse. Et hoc quidem est, quod nos asserimus, media ita via inter duo ista extrema incidentes. Primo namque hoc requirit infinita scientiae divinae perfectio. Deinde, exempla variciniolorum & praedictionum, quae in Scriptura sacra extant, hoc luculenter confirmant. Nec obstat hoc libertati hominis: cognitionem enim atque praevisionem rerum, cum illarum existentia aut productione, nullum habere nexum necessarium, vel humanae cognitionis exemplo condiscimus. Objicit equidem auctor antea laudatus, infinitatem scientiae divinae non esse extendendam ad contradictoria. Contradictionem autem involvere, si dicam, contingentia certo fieri posse. Quod enim certo non sit exiturum, hoc etiam non posse certo sciri. Certo autem si exiturum est, non erit contingens. Verum non hodie demum, aut nudius tertius, sed jampridem omniscientiae divinae hostes hunc nodum contrinxerunt. Sed nihil efficiunt, siquidem id, quod ratione causae, quatenus libere agere potest, contingens, adeoque incertum & indeterminatum, est, posita hac vel illa causae actione, seu certum & determinatum spectari, & eo modo certo ab intellectu infinito cognosci potest. Quod itaque id, quod revera contingens est, ut certum spectari possit, non a praescientia divina oritur, sed a certa conditione, posita scilicet certa causae actione, ex qua effectus hicce oritur. (338) Et ita quidem cum satis evictum sit, dari praedictiones futurorum, ad alterum disceptationis nostrae caput progredimur, eas soli Deo tribuendas esse. Num vero nec homini, nec ulli spiritui creato, facultatem futura contingentia praedicendi inesse, vel inde patet, quod nullo modo concipi queat, quo pacto intellectus finitus aliquid sine signis cognoscere queat. Futurorum autem contingentium cum nulla plane signa sint, manifestum est, quod nulla ratione ab intellectu finito cognosci possint. Nec est, quod excipias, etsi modum ignoremus, ideo rem ipsam non posse vocari in dubium. Id enim valeret, si res ipsa posita esset extra controversiam. Hoc vero cum factum non sit, nec fieri queat, firmo ratiocinatio nostra stat talo. (339) Accedit, quod non tantum Scriptura sacra testetur, solius Dei esse, praedicere futura, ut jam antea ostendimus, sed quod ex ipsis Ethnicis nonnulli hoc agnoverint, quorum hac de re testimonia laudavi, in *dissertat. an homines naturali polleant vaticinandi facultate?* §. XXII. ubi & §. XXIII. ad rationes ab AMMONIO in contrarium allatas, & a PETRO PETITO uberius explanatas, respondi. Non magis vero & illorum admittenda est sententia, qui naturalem quandam ad vaticinandum dispositionem homini tribuunt; cujus sententiae patrocinium magno conatu, nec sine adparatu eruditionis singulari, in se suscepisse PETRUM PETITUM, supra ad cap. III. §. IV. docuimus. Hanc vero dispositionem naturalem ad

influ-

influxum divinum recipiendum in mentis praecipue sublimitate constituit, ad quam quidem, seu causae adjuvantes, accedant, temperamentum melancholicum, positus siderum, haustus halitus subterranei, aliaeque. (340) Licet vero & BENEDICTUS DE SPINOZA ad vaticinationem naturalem requirat, differt tamen ejus sententia a sententia PETITI, siquidem illius eo tandem redit, Prophetiam merae imaginationis effectum esse, cum PETITUS contra influxum quendam divinum requirat, saltem requirere videatur. Interim nec haec ullo modo admitti sententia potest. Quid enim mentis sublimitas naturalis ad influxum divinum recipiendum faciat, nulla, ne probabili quidem, ratione ostendi potest. Immo plures fuere inter Prophetas veteris testamenti, in quibus naturalem istam mentis sublimitatem agnoscere non licet. Multo vero minus, quid aut temperamentum melancholicum, aut positus siderum, aut haustus halitus subterranei huc conferant, explicari solide potest. Ad rationes, pro ista sententia stabilien- da in medium adferri solent, haud difficulter respondere licet. Quod enim de praeparatione ad vaticinandum, seu influxum divinum recipiendum, dicitur, qua Prophetae olim usi sint, id vero caute & cum grano salis intelligendum est. Erant sane in gente Ebraea scholae, seu societates quaedam, in quibus Propheta aliquis cum magister, vel praefectus, reliquis praeerat; a quo qui instituebantur, בני הנביאים filii Prophetarum dicebantur. Sed probe observandum, *Prophetarum* nomine eos olim venisse, qui rerum divinarum erant periti, ut de iis verba ad alios facere possent, simulque Canticis sacris atque Psalmis laudes divinas celebrare, suarum ducebant esse partium, adeoque & musices periti erant; conf. 1 Sam. X: 7. Unde, quo pacto discipuli isti atque filii Prophetarum in scholis istis instituti, & ad Prophetiam praeparati fuerint, constat, per doctrinae scilicet sacrae communicationem, qua rerum divinarum notitia imbuebantur, tum & per preces, hymnos, similesque exercitationes. Quod dum fiebat, contingebat interdum, ut motus extraordinarios Spiritus Sancti sentirent, ut ex iis, quae de Saule 1 Sam. X: 5. *seqq.* XIX: 18. *seqq.* narratur, liquet. Musicam etiam instrumentalem cum Canticis sacris ad animi adfectus aut sedandos aut excitandos eos adhibuisse, tum aliunde constat, tum exemplum Elisaei vatis 2 Reg. III: 15. nos dabitare non finit. Ista vero praeparatio uti spiritualis erat, adeoque ad naturalem quandam animi dispositionem producendam minime comparata; ita multo minus per se facultatem vaticinandi seu futura praedicendi, producebat, quam Deus potius liberrime mox huic, mox alii conferebat. Nec de omnibus sane filiis Prophetarum dici potest, quod futura praedixerint; multo minus, quod per praeparationem istam hocce donum & impetrare posse existimaverint. Erat enim hoc ejusmodi, quod a sola Numinis voluntate, non autem a praeparatione naturali, pende-

bat. Sed nec ex natura indoleque somniorum naturalis quaedam, ad vaticinandum, vel influxum divinum recipiendum, dispositio probari potest. Cum enim, quae de eventu quodam futuro nos certiores reddunt, aut Deum, aut genium quendam, bonum vel malum auctorem habere queant, quid naturalis huc faciat dispositio, non video. Nec etiam explicari potest, qualis illa dispositio esse debeat, multo minus ratio dari, cur Deus aut genius aliquis citra certam dispositionem somnium aliquod immittere nequeant. Occurrunt equidem quaedam circa somnia, quorum certam rationem reddere difficile fuerit, sed ut ad ea solvenda hypothesis de dispositione certa, ad influxum aut Numinis aut genii recipiendum, non sufficit, quae & ob rationes allatas admitti nequit, ita & in hisce quaedam esse, quae nostram cognitionem superent, libere profiteri praestat. (341) De oraculis Gentilium jam antea dictum, in hisce, praeter hominum imposturas, infernalis genii operam intercessisse. Nihil itaque inde pro naturali ad vaticinandum facultate elici potest. Idem & de Sybillis dicendum: quarum eo minus exemplum nobis opponi potest, quod, quae hodie Sybillis tribuuntur, oracula, conficta ab aliis & supposititia esse, jam pridem Viri doctissimi demonstraverint. Sed de hisce omnibus copiosius exposui, in *differt.* citata, *an naturali homines polleant facultate vaticinandi* ? §. XXXII. & XXXIII.

- (334) *Vid. ea, quae ad memoratam ab Auctore §. IV. Capitis III. in genere notavi n. 112. seqq. Non certe aegre ferre licet, plurimos inter Gentiles, insigniori attentione & mentis acumine oracula a Diis suis edita considerantes, Sacerdotum multiplices fraudes risisse; frustra quippe in istis quaerebantur praecipui veri Vaticinii characteres, qui recte exprimuntur in Definitione Witii Miscell. Sacr. Tom. 1. pag. m. 11. seq. seu Lib. 1. Cap. 2. §. 1. secundum quam Prophetia, vel vaticinium est cognitio & patefactio rerum arcanarum, tam praeteritarum & praesentium, quam praefertim futurarum, quas quis nec ex propria solertia, nec ex aliorum relatu & informatione, sed ex coelesti atque extraordinaria Dei revelatione novit. Versari proinde debet Vaticinium seu Prophetia strictè sic dicta circa res contingentes, quae, antequam contingunt, sciri non possunt ab ente intelligente finito. Conf. Gurtlerus in Syst. Theol. Prophet. Cap. 1. Non igitur agitur de sagacitate mentis longo rerum humanarum usu limata, qua Politici praedicere norunt, per modum probabilis conjecturae, casuum a libera saepe hominum voluntate pendendum exitum, quando ad similes circumstantias, quae ante obtinuerunt, attendunt, respiciuntque ad historiam cum naturalem, tum moralem humanae mentis; verum ubi veri nominis Prophetia obtinet, nihil conjecturale datur, & eventus pendet a talium circumstantia-*

TU

rum concursu, quae praevideri non possunt, nisi ab Eo, qui totius Universi concatenationem ordinavit.

- (335) *Licet ex illis praedictionibus, quae factae fuerunt diu ante illud tempus, quo res praenuntiata accidit, conclusiones manifestissimae deduci possint; attamen ad essentiam Prophetiae illud diuturnum intervallum non necessario requiritur, dummodo de talibus rebus agatur, quae a nullo ente finito possunt praevideri. Licet tempus, inter Jesaiae Prophetiam de Cyro (Cap. XLIV. & XLV.) & inter ipsam nativitatem istius Principis elapsam, duplo vel triplo fuisset brevius, tamen Prophetia fuisset, quae sine Entis omniscii operatione edi non potuit.*
- (336) *Summa est Porphyrii ejusque sequacium impudentia; cum longe ante tempora Antiochi Epiphanis in Graecum sermonem fuerit translatus Danielis liber; & si vera narraverit Josephus Hist. Jud. Lib. XI. Cap. 8. Pontifex Maximus Jaddus ipsi Alexandro Magno monstravit Danielis praedictionem de ipso manifestissime agentem. Neque vel minima adulteratio tolerata fuisset librorum sacrorum apud Judaeos, qui ad superstitionem usque curabant integritatem Scripturam ad Canonem V. T. pertinentium. Vid. Turretin Diss. Theol. Vol. II. pag. 107. seqq. & Stapfer Theol. Polem. Tom. II. pag. 1080-1085. Sic temere loquitur Spinosa in Tract. Theol. Polit. Cap. X. pag. 130. Daniells liber sine dubio ex Cap. 8. ipsius Danielis scripta continet; undenam autem priora septem capita descripta fuerint, nescio. Possumus suspicari, quandoquidem, praeter primum, Chaldaee scripta sunt, ex Chaldaeorum Chronologiis. Sed, si vel eo absurditatis procedere vellemus, ut totum hocce assertum Spinosa admittamus, omnia fere vaticinia continentur in Cap. 8. seqq. & sic nihil lucraretur homo impius, suisque ausis exciderent Revelationis, divinaeque praescientiae hostes.*
- (337) *Supra n. 334. notavi, Prophetiam versari debere circa res contingentes: Astronomus enim Eclipsin Solis vel Lunae, aut reditum alicujus Cometae praedicens, non Prophetiae agit partes, cum phaenomena haecce sint Physice, vel, uti alii loquuntur, hypothetice necessaria, in fixis & constantissimis legibus, quas Deus hujus Universi corporibus praescripsit, fundata; ita ut locum habere debeant, nisi regulae illae mutarentur, & sic subruerentur omnia fundamenta ratiocinii analogici. Res autem contingentes sunt, quae sua natura ad existendum non determinatur; quae possunt esse & non esse; quae, si alio modo constituta supponantur, non involvunt repugnantiam; quae & plures aliae definitiones reperiuntur apud Bultingerum in*

K k k

Diluc.

*Diluc. Philos. §. 42. Hisce positis, res contingentes, actionesque liberae entium rationalium & decreto Dei sunt subiectae, & a Deo omniscio atque omnipotente & praesciri & praedici absque ulla laesione libertatis possunt, uti ab Ecclesiae nostrae Theologis est demonstratum. Praestabilivit E. Gr. Deus, praescivit & per Prophetam Jesaiam praenuntiavit, Cyrum, Persarum Regem, soluturam captivitatem Babyloniam, ac pretiosissima genti Israeliticae in restauratione templi Hierosolymitani praestitutum officia; sed voluit Deus ab omni aeternitate praescivitque, illum id facturum libere, sponte, rationibus determinantibus, eique de bonitate sui propositi persuadentibus, permotum. Actiones hae a Cyro patratæ erant contingentes, quia, seposito Dei decreto, alio modo constitutæ esse potuissent, nec ex essentia Cyri, sive ex natura mentis rationalis, in Cyro habitantis, profluebant necessitate absoluta, seu Metaphysica. Sed confusidit Cl. Auctor varias necessitatis & contingentiae species cum necessitatibus, quæ ex Dei absoluto decreto nascitur, nequaquam repugnet contingentiae Metaphysicae, quæ tantum necessitati Metaphysicae est adversa. Quid vero de divina omniscientia, immutabilitate, vita successione omnis experte, & denique de independentia fieret, si, hominum actiones liberas a Deo non praevisas fuisse, statuere, Deoque scientiam quandam medium cum Cl. Buddeo in Theol. Dogm. Lib. 2. Cap. 2. §. 22. aliisque tribuere vellemus? Conf. ea, quæ in compendio exhibui in Prim. lin. Theol. Nat. Theor. §. 77.*

- (338) *Sic Cl. Auctor & heic loci propugnat decreta Dei conditionata, quæ tamen nodum, qui hic revera superest, solvere nequeunt: si certitudo eorum, quæ contingentia sunt, non oriatur a praescientia divina (a qua etiam nos illam certitudinem non derivamus, verum a divino decreto, quo praescientia nittitur nostro concipiendi modo) sed a certa conditione; posita, scilicet, certa causae actione, ex qua effectus hicce oritur, quaeritur, an illa conditio decreto Dei aeterno & immutabili sit definita, an vero minus? Si eo non sit definita, tollitur Dei independentia, omniscientia, &c. atque ejus imperio subducuntur longe pleraque hominum actiones, a quibus pendent momentosissimi eventus, imò scientia Dei evadit penitus conjecturalis; & licet haecce conjectura eo propior ad veritatem accedat, quo conjecturae auctor majori sagacitate & sapientia est conspicuus, atque adeo sapientissimi entis conjectura ipsam veritatem attingere debeat; manet tamen conjectura Dei independentiae adversa. Si vero & ipsa conditio, a qua illa certitudo rerum contingentium actionumque liberarum pendet, sit definita, nulla obtinet scientia media, nullum decretum vere conditionatum, ac per ambages itur, cum simpliciter dicendum sit, Deum ab omni aeternitate voluisse, ut conditio quaedam existeret,*

ut.

utque homo, in illa conditione positus, hanc vel illam actionem libere patraret. Agnosco, hic scrupulos remanere non facile eximendos, atque per ultimam analysin recurrendum esse ad responsum Pauli Rom. IX: 19. seq. sed, si ab illis, quae proposui, placitis vel latum unguem recedamus, perit omnis divinarum perfectionum conceptus.

(339) Soli Deo rerum futurarum scientiam competere, Eumque solum futura praedicere, aut rerum futurarum notitiam entibus finitis concedere posse, manifestum redditur, si ad fundamentum hujus praescientiae attendamus, & conjecturas circa res actionesque contingentes, a callidis atque exercitatis hominibus aut etiam ab aliis intelligentiis finitis formatas, a veris vaticiniis distinguamus sollicitè. Nititur praescientia (quae a scientia simplicis intelligentiae, circa res mere possibiles versata, nostro concipiendi modo differt) absoluto Dei decreto, per cujus scientiam, quam solus habet, intime novit, quid futurum sit ex possibilibus, quid non futurum. Hanc igitur praescientiam nemo habere potest, nisi is, cui Deus ipse illam concessit, revelando id, quod futurum esse decrevit.

(340) Conf. ea, quae supra notavi ad Cap. III. §. 4. n. 112.

(341) Quia haec omnia Theologiam revelatam respiciunt, parumque faciunt ad refutationem dogmatum, quae cum Atheismo sunt conjuncta, abstinéo ab eorum examine, falcem meam in messem Theologico-exegeticam immittere reformidans. Vid. Witsius l. c. Lib. 1. Cap. X. & XI. Vicinga in Typo Doctr. Proph. Cap. I. & II. Gurtlerus Syst. Theol. Prophet. Cap. 1-3.

## §. V.

Potentia Dei infinita & ad omnia, quae contradictionem non involvunt, sese extendens, nos nulla ratione, quin leges motus ab ipso constitutas iterum tollere atque suspendere possit, dubitare finit. Id vero subinde ab eo factum, exemplis certissima, & exceptionem non admittentia, testatur. Errant igitur, & falluntur magnopere, qui, miracula a Deo aut edi non posse, aut edita non fuisse, contendunt. \*

- \* Ad duo etiam haec de miraculis disceptatio revocari capita potest, quorum alterum est: an & a quo miracula fieri queant? alterum: num miracula revera facta sint? Ad prius quod attinet: cum merito nunc esse evictum ponamus, Deum existere, eundemque naturae auctorem esse; cum nemo etiam, qui Deum admittit, dubitet, eum infinita potentia esse praeditum; sequitur etiam, eum naturae leges, a se ipso constitutas, posse mutare, hoc est, miracula edere. Quae Atheorum princeps, BENEDICTUS DE SPINOZA hic in contrarium adferat, supra jam ad cap. III. §. V. indicavimus, atque rejecimus. Juvat tamen ad ea penitus confodienda nonnulla addere. Quod fundamenti loco ponit, *nihil contra naturam contingere, sed ipsam aeternum, fixum & immutabilem ordinem servare*, sua iponte corruit, cum per turpissimam principii petitionem supponat, quod minime evictum est, Deum & naturam esse unum idemque, uti jam *loc. cit.* observavimus. Loquitur equidem in asserti hujus probatione homo vasserrimus *de decretis divinis*, unde aliquis existimare posset, eum naturae ordinem ex libera Dei voluntate derivare. Sed mox, quid sibi velit, indicat, quando, *leges naturae universales mera esse decreta Dei*, assertit, quae ex NECESSITATE & profectione naturae divinae sequuntur; tractat. Theolog. polit. cap. VI. pag. 68, 69. Et paucis interjectis: *quicquid fit, per Dei voluntatem & aeternum decretum fit, hoc est, ut jam ostendimus, quicquid fit, id secundum leges ac regulas, quae AETERNAM NECESSITATEM & veritatem involvunt, fit, &c.* Atque hoc quidem ad fraudem ac fallaciam hominis detegendam, ipsumque ejus principium evertendum, sufficit. Ceterum si natura a Deo distinguatur, uti omnino distinguenda est, principium hoc, *nihil contra naturam fit*, tum demum admittendum, si addatur: *sine voluntate Creatoris*. Leges enim naturae a Deo semel stabilitae tamdiu firmiter persistunt, & mutari prorsus nequeunt, quamdiu ipse Deus, cujus naturae auctor, eas non tollit aut suspendit. Deum autem eas tollere aut suspendere non posse, si quis asserere vellet, illi simul admittendum esset, Deum nec naturae auctorem, nec omnipotentem esse, quorum utrumque absurdum est. Non minus inepte ac frivole agit, cum nomen miraculi non nisi respective ad hominum opiniones posse intelligi, pronuntiat, & nihil aliud significare, quam opus, cujus causam naturalem exemplo alterius rei solitae explicare non possumus, vel saltem ipse non potest, qui miraculum scribit & narrat. Perinde enim hoc est, ac si rotunde dixisset, non dari miracula. Perperam vero itidem, & per ineptam principii petitionem supponit, nihil unquam, quod non causam naturalem habeat, contigisse, indeque concludit, eos, qui miracula credunt, nihil aliud agere, quam ut suum prodant ignorantiam, innuuntque, se ejus, quod contigit, nescire rationem. Enim vero cum exempla in Scriptura prostant, quae doceant, talia contigisse, quae
- non

non tantum ex causis naturalibus explicari nequeant, sed quae plane contra naturae ordinem sunt, frustra haec omnia dici, manifestum est. Non ignoro, quid ad haec exempla regerat; sed hac de re deinceps erit dicendi locus. Ut vero ex dictis liquet, miracula esse posse, ita simul a solo Deo ea edi posse, palam est. Solius enim Dei est, leges naturae dare ac tollere, easdemque, si ei visum fuerit, suspendere; quemadmodum idem supra *loc. cit.* copiosius jam haec explicavimus. Sequitur hinc sua sponte, ex miraculis firmiter existentiam Numinis demonstrari posse: quod iterum negat SPINOZA, sed perperam. Omnia enim, quae hac de re adfert, sua sponte corruunt, cum jam demonstratum sit, posse miracula edi, sed a solo Deo; & deinceps revera ejusmodi miracula dari, demonstrandum sit. Cum vero SPINOZA tanta sit impudentia, ut suam sententiam ex ipsa Scriptura sacra probare audeat, paucis ea diluamus. Quod enim Deum ex miraculis cognoscere nequeamus, inde probari posse, putat, quod Moses Prophetam seductorem, quamvis faciat miracula, non tamen admittendum, sed capitali adficiendum esse supplicio, diserte fanciat, *Deut. XIII: 1. Ex quibus, inquit, clare sequitur, miracula a falsis etiam Prophetis posse fieri, & homines, nisi Dei vera cognitione & amore probe sint muniti, aeque facile ex miraculis falsos deos, ac verum posse amplecti. Nam addit: כי מנסה יהוה אליהם והם לא ידעו* quoniam Jeshova vestro Deus vos tentat, ut sciat, num eum amatis integro corde vestro & animo vestro. Sed inde quoque hoc palam esse, existimat, quod Israëlita ex tot miraculis nullum de Deo sanum conceptum sibi formare potuerint, cujus rei vel turpissima illa *μυσχολατρεία* evidentissimum argumentum praebeat. Asaphum praeterea, quamvis tot miracula audivisset, de Dei tamen providentia dubitasse, & fere a vera via deflexisse, nisi tandem veram beatitudinem intellexisset, *Psalmo LXXIII: 11. seqq.* Immo ipsum Salomonem, cujus tempore res Judaeorum florentissimae fuerint, suspicatum, omnia casu contingere, *Kohel. III: 19, 20, 21. IX: 2, 3. &c.* Verum haec omnia, si paulo accuratius ea consideremus, nihil ad rem facere, deprehendimus. Ad legem enim Mosaicam quod attinet, non in ea dicitur, falsos etiam Prophetas posse facere miracula, sed signa saltem atque portenta eis tribuuntur. Id autem facile concedimus, posse falsos Prophetas per praestigias aut humanas, aut Diabolicas, mirabilia perpetrare, quae ab imperitioribus pro miraculis habeantur, adeoque hoc sensu signa atque portenta edere; sed inde non sequitur, eos posse edere miracula, seu talia perpetrare, quae sublationem vel suspensionem legum naturae supponunt. (342) Quo pacto autem mirabilia ejusmodi opera a veris miraculis discerni queant, supra jam ad *cap. III. §. V.* docuimus. (349) Non ergo negat Moses, ex miraculis verum Deum agnosci posse; sed non temere quibusvis signis & portentis fidem adhibendam, praecipit,

K k k 3

cum



cum pseudo-prophetæ per præstigias talia efficere queant, idque permittente Deo, ut hominum obsequium exploret. Nimirum cum difficile interdum sit, mirabilia per præstigias effecta a miraculis discernere, certissimum tamen criterium, quo præstigiæ dignoscuntur a veris miraculis, est, si, qui eas edit, homines a lege divina, verique Numinis cultu, iis abstrahere annuitur. Hoc enim, ut pseudo-prophetam agnoscamus, sufficit; simulque certissimo documento est, quantumvis mirabilia sint, quæ perperat, ea tamen non esse miracula. At Israëlita, inquit, ex tot miraculis nullum de Deo sanum conceptum formare potuerunt. Sane Israëlita, qui miracula a Mose perpetrata adpexerunt, inde plene convicti sunt, verum Deum coeli terræque conditorem esse, qui per Moysen ad eos locutus est, ex Aegypto eos eduxit, legesque in monte Sinai tulit. Et hac de re nemo Israelitarum dubitavit. Quod vero in idololatram deinceps lapsi sunt, ac vitulum Numinis loco adorarunt, ideo factum, quod existimaverint, se sub hocce Symbolo vel imagine, verum Deum colere posse. Hinc vero robori argumenti, quod a miraculis pro Dei existentia desumitur, nihil decedit, quippe quod præcipue ad existentiam Dei comprobendam comparatum est, quam omnino etiam ille supponit, qui erroneum de Deo conceptum sibi format, vel non ea ratione cum colit, qua coli debebat. Præterea, de Asapho quod dicit, cum de providentia divina dubitasse, falsum est: namque hoc saltem asserit, posse ex felicitate impiorum dubium quidem aliquod oriri, sed hoc statim evanescere, si quis ad finem seu exitum eorum attendat, *Psalm. LXXIII: 17.* Salomoni denique summam injuriam sermo facit, dum ea, quæ ex mente sententiaque hominum profanorum dicit, ipsi Regi sapientissimo tribuit. (344) Atque hinc quidem patet, quam irritò conatu SPINOZA ostendere aggressus sit, ipsam Scripturam docere, ex miraculis Numinis existentiam cognosci non posse. Nec rectius procedunt, quæ in medium adfert, ut ostendat, ipsam Scripturam per Dei decreta & volitiones, & consequenter per providentiam nihil aliud intelligere, quam ipsum naturæ ordinem, qui ex ejus æternis legibus necessario sequitur. Hoc enim si verum esset, nullum ex Scriptura probari posset miraculum. Ut vero hoc evineat, exempla quædam profert: In libro I Schamuelis, inquit, cap. IX: v. 15, 16. narratur, quod Deus Schamueli revelavit, se Saulum ad eum missurum, nec tamen Deus eum ad Schamuelem misit, ut homines solent aliquem ad alium mittere, sed hæc Dei missio nihil aliud fuit, quam ipse naturæ ordo; quæredat nimirum Saul (ut in prædicto capite narratur) asinas, quas perdiderrat; & jam absque iis domum redire deliberans, ex consilio sui famuli Schamuelem Prophetam adivit, ut ex eo sciret, ubi easdem invenire posset, nec ex tota narratione constat, Saulum aliud Dei mandatum, præter hunc naturæ ordinem habuisse, ut Schamuelem adiret. Verum, quam frivola hæc

haec sint, nemo non intelligit. Etsi enim Deus aliquando naturae ordine uti videatur, non tamen iste ordo naturae sine singulari Numinis directione concipiendus est. Quae directio uti ab ipso ordine naturae seu actione causarum secundarum diversa est, & probe distinguenda, ita & decreta quoque divina & mandata ab eodem diversa esse, manifestum est. Sane quod Saul, cum patris asinas frustra quaesivisset, jam domum reverti vellet, a famulo admonitus Samuelem Prophetam adiit, id quidem naturae quodam ordine contigit; nec tamen sine singulari Numinis directione, qui ut reliqua sic disposuit, ut eodem tempore, quo volebat, evenirent, ita mentem famuli Saulis ea ratione direxit, ut ei consilium de adeundo Samuele suppeditaret, & Saulis, ut consilium hoc acceptaret. Qua de re eo minus dubitandum, quia Deus discrete ad Samuelem dixerat, se Saulem ad illum missurum. Haec verba cum aperte actionem quandam Dei significant, de solo ordine, seu eo, quod secundum naturae ordinem fieri poterat, ea capere, absolum prorsus atque ineptum foret. Licet autem Deus naturae ordine quandoque utatur, ita quidem, ut liberrime & pro arbitrio cuncta dirigat, non tamen semper hoc facit, sed quandoque ab eo discedit, aut illum plane immutat, ut in miraculis contingit; quae omnium evidentissime hanc impii hominis assertionem, *Dei decreta nihil aliud esse, quam naturae ordinem*, refellunt. Alterum vero, quo sententiam suam comprobare annitur, exemplum, hoc est: *In Psalm. CV. vers. 24. dicitur; quod Deus Aegyptiorum animam mutavit, ut odio haberent Israëlitas, quae etiam mutatio naturalis plane fuit, ut patet ex cap. I. Exodi, ubi ratio non levis Aegyptiorum narratur, quae eos movit, Israëlitas ad servitutem redigere*. Plane ac si causae primae concursus atque directio, cum causis secundis consistere nequeat. In eo nimium modus agendi ordinarius, quo Deus utitur, ab extraordinario, quorum miracula pertinent, differt, quod in illo, causarum secundarum ordinem naturae utatur; in his autem eum ordinem non observet. Etsi enim in miraculis quandoque opera rerum creaturarum utatur, non tamen hoc facit secundum ordinem naturae. Ordinarius vero ille agendi modus semper supponit concursum, directionem & gubernationem singularem Numinis. Quare & causae istae odii Aegyptiorum erga Israëlitas *Exod. I. commemoratae*, locum habere potuerunt; & cum singularis in his omnibus simul intercesserit Numinis directio, etiam *Psalm. CV. vers. 24. dici potuit, Deum Aegyptiorum animos mutasse*, hoc est, cuncta ita disposuisse, & causas secundas direxisse, ut ea evenirent, quae evenisse Moses memorat. Atque hinc, quid ad reliqua, ab eodem auctore allata, respondendum sit, patet: sunt enim cuncta ejusdem generis. Superest, ut, quod alterum est nostrae disceptationis caput, paucis exequamur, & cum haecenus ostensum sit, miracula fieri posse, ea etiam facta esse, demonstramus. Res autem

tem nobis non cum illis nunc erit, qui rejecta Scripturae auctoritate, quaecunque narrat, in dubium vocant, quorum impudentiam deinceps castigabimus, sed cum illis, qui Scripturam ita interpretantur, ne miracula ulla admittere cogantur: quod quam infelicitur illis cedat, vel paucis quibusdam exemplis declarabimus, quae ipse iterum SPINOZA nobis suppeditat. Is vero ita hac de re loquitur: *Si igitur quaedam in sacris litteris reperiuntur, quorum causas reddere nescimus, & quae praeter, immo contra ordinem naturae videntur contigisse, ea moram nobis injicere non debent: sed omnino credendum, id, quod revera contigit, naturaliter contigisse; quod etiam ex hoc confirmatur, quod in miraculis plures circumstantiae reperiebantur, quamvis tamen non semper narrentur, praecipue cum stilo Poëtico canantur; circumstantiae, inquam, miraculorum clare ostendunt, ipsa causas naturales requirere. Nempe, ut Aegyptii scabie infestarentur, opus fuit, ut Moses favillam in aërem sursum spargeret, vid. Exod. IX: vers. 10. locustae etiam ex mandato Dei naturali, nempe ex vento orientali, integro die & nocte flante, Aegyptiorum regionem petierunt, & vento occidentali fortissimo eandem reliquerunt, vid. Exod. X: 14, 19. eodem etiam Dei jussu mare viam Judaeis aperuit, vid. Exod. XIV: 21. nempe Euro, qui fortissime integra nocte flavit. Deinde, ut Elisa puerum, qui mortuus credebatur, excitaret, aliquoties puero incumbere debuit, donec prius incaluerit, & tandem oculos aperuerit; vid. Reg. libr. II. cap. IV. 34, 35. Sic etiam in Evangelio Joannis cap. IX. quaedam narrantur circumstantiae, quibus Christus usus est, ad sanandum coecum, & sic alia multa in Scripturis reperiuntur, quae omnia satis ostendunt, miracula aliud, quam absolutum Dei, ut ajunt, mandatum requirere, &c. tract. Theol. polit. cap. VI. pag. 76. Nimirum, ex circumstantiis quibusdam miraculorum putat colligi posse, ea ex causis naturalibus contigisse, aut si ejusmodi circumstantiae non adsint, esse eas subintelligendas; tandem, si haec omnia ad elevanda miracula non sufficiunt, ad stilum Poëticum se recipit. Talia nimirum exco-gitanda erant, ad manifestissima, quae Scriptura sacra suppeditat, documenta eludenda. Sed haec omnia ita comparata sunt, ut sua se facilitate destruant. Ad circumstantias enim, quae aliquando memorantur, quod attinet, ex his intelligitur, Deum subinde mediis quibusdam in edendis miraculis usum: sed ista media cum per se effectum, qui secutus est, producere non potuerint, sequitur, ea in numerum causarum naturalium non esse referenda; multo minus inde colligi potest, in miraculi istius perpetratione naturae ordinem non esse mutatum. Idque inde liquet, quod Deus ejusmodi aliquando mediis usus est, quorum ad effectum istum producendum per se nulla efficacia, nullaque esse potuit proportio. Sic, cum ipse Servator in terram spueret, ex pulvere & saliva lutum conficeret, & eo oculos coeci hominis collinceret, Joann. IX: vers. 6. quis existimaret, luti istius*

in

in se spectati vim eam ac efficaciam fuisse, ut visum ei restituere posset? Sane, potuisset Christus idem vel unico verbo efficere; quia tamen ei ita visum, hocce medio uti, ob causas gravissimas sapientissimasque, licet nobis non satis exploratas, eum hoc fecisse, non est, quod dubitemus. Interim hoc certum, medium hoc ita comparatum fuisse, ut per se hunc effectum nulla ratione producere potuerit; adeoque in numerum causarum naturalium non est referendum. Atque idem de aliis ejusdem generis miraculis censendum. Cum vero etiam quaedam miracula occurrant, in quibus Deus nullo ejusmodi medio usus est, SPINOZÆ quidem videtur, tum ejusmodi quid esse subintelligendum. Quæ vero nos ad hoc cogit necessitas? Scilicet fingendum aliquid est, ne miracula admittere cogamur. Cum Christus unico verbo dæmonia eiecit, ægrotos sanavit, mortuos resuscitavit, nullo sane usus est medio; cujusmodi nec subintelligi ulla ratione potest, cum Scriptura diserte referat, nullum eum adhibuisse, sed mandato & sola voluntate peregrisse omnia. Jam ad exempla, a SPINOZÆ in medium allata, haud difficulter respondere licet. Cum Aegyptii scabie infestandi essent, Moses favillam in aërem sursum sparsit. Hoc pro causa naturali scabiei SPINOZÆ habet. Sed rationem primo nullam reddere potest, qui fieri queat, ut favillæ in aërem sparsio scabiem producat. Deinde, nec ipse SPINOZÆ, nec ullus mortalium alius, id efficere potest, ut favillæ in aërem sparsione scabies in aliis hominibus oriatur. Frustra itaque ista favillæ in aërem sparsio, pro medio, vel causa naturali scabiei, in Aegyptiis venditur. (344\*) Locustæ per ventum orientalem in Aegyptum advectæ, & per occidentalem inde iterum remotæ sunt. Sed, unde Moses scivit, quod eo tempore ventus orientalis locustas advecturus, & occidentalis iterum remoturus esset? Si dicas, ex revelatione Numinis; parum quidem hoc Atheis proderit, cum eodem plane jure dici queat, Deum extraordinaria quadam ratione hunc ventum excitasse, ut locustas & adveheret, & removeret. Non itaque *mandato Dei naturali*, ut subdole SPINOZÆ loquitur, sed *arbitrario*, adeoque liberrime factum, ut locustæ ea ratione in Aegyptum adveherentur, & inde iterum removerentur. Non minus vero & illud ineptum est, quod dicit: *eodem etiam Dei jussu* (scilicet naturali) *mare viam Judæis aperuit, nempe euro, qui fortissime integra nocte flavit.* Sed hic rursus scire velim, qui factum, ut eo tempore, quo Israëlitis, ut Aegyptiorum furorem evitarent, mare transeundum erat, curus flaret, iisque viam per mare rubrum sterne- ret. Qui ex causis naturalibus hoc derivat, ei dicendum, casu fortuito hoc contigisse: quod tamen, qui rei circumstantias consideraverit, plane ineptum esse, statim intelliget. Obstat præterea, quod Moses diserte dicat: *Et aquæ illis instar muri a dextra eorum, Exod. XIV: 29.* Hoc enim quo pacto per solum euri statum contingere

potuerit, nemo profecto dixerit. Sunt equidem, qui cum SPINOZA hocce telum evitaturi dicunt, Poëticam hanc esse locutionem, quae proprie intelligi nec possit, nec debeat. Verum, licet haud difficulter concedamus, in Canticò *Exod. XV: 8.* Poëticam hujus rei descriptionem esse, cum dicitur: *vento narium tuarum coarctatae sunt aquae, fletuerunt fluentia, quasi granorum acervus, in medio mari coagulatae sunt abyssi*; non tamen perinde censendum de stilo historico, ubi auctor rem, prout gesta est, velut oculis lectorum subjicere annititur. Similitudinem enim illam, *instar murorum*, cum in finem Moses adhibuit, ut eo clarius rem exprimeret, & condoceret, utrinque aquas constituisse, quae de re ut eo minus dubitaremus, addit: *a dextra eorum & a sinistra eorum*. Sane, si hoc sibi non voluit, quod verba ista aperte significant, data opera ita locutus videri poterit, ut lectores erroneas de transitu isto animo conciperent opiniones, quod tamen vel cogitare nefas esset. Sed ex instituto jam hac de re dictum, in *Histor. Ecclesiast. vet. testam. period. II. sect. I. ad §. XV. pag. 581. seqq. (345)*. Denique, quod ad Elisae miraculum attinet, puer, quem is excitavit, non mortuus credebatur, ut iterum subdole SPINOZA loquitur, sed revera mortuus erat. Ei autem, quod aliquoties Propheta incubuerit, ut vitam illi restitueret, non ideo factum, quod hac ratione, seu medio quodam naturali calorem iterum in eo excitare voluerit, sed quod solenne Prophetis Virisque sanctis esset, ex instinctu divini spiritus, in edendis miraculis mediis quibusdam interdum uti, quae tamen per se effectum istum producere non poterant, ut antea jam monuimus. Quod enim aliquis hominem mortuum, si ei aliquoties incumbat, revocare in vitam nequeat, neminem fugit, meritoque pro infano haberetur, qui id sibi aliisque persuadere vellet. Atque hinc reliqua, quae Athei ad elevanda Scripturae miracula in medium adferre solent, facile judicari possunt.

- (342) *Ansam praebebat Cl. Auctor distinctius paulo inquirendi, an signa illa vel portenta, quae edi possunt a falsis Prophetis, veri nominis fuerint miracula? quae quaestio, uti supra jam notavi ad Cap. III. §. IV. n. 118. pendet a Miraculi definitione: id unum liceat observare in antecessum, vocabulum מוֹרָא, quod Deut. XIII: 2. occurrit, etiam frequentissime adhiberi de miraculis, a Deo, vel Dei auxilio atque virtute patratis; uti Exod. IV: 8, 17. Deut. XI: 3. &c. adcoque, si ad contextum respiciamus, vix negare liceret, hic de miraculis, & non tantum de mirabilibus, agi, nisi aliunde demonstrari possit, soli Deo miracula patrandi potestatem competere. Neque satis solide responderetur cum quibusdam Theologis (apud Serces Traité sur les Miracles pag. 198. suiv.) id tantum voluisse Legislatorem, ut, si vel fieri posset, talia miracula patrari a falsis Prophetis,*

*tis, Israëlitaë non dimoverentur a cultu veri Dei; eodem modo, quo Paulus dicit Gal. I: 8. etiamsi nos aut Angelus e coelo euangelizet vobis præter id, quod vobis euangelizavimus, Anathema esto: minime supponens, id fieri posse. Contextus quippe iterum est consulendus, qui satis indicat, Deum supponere, talia miracula vel mirabilia posse præstari a falsis Prophetis; dicitur enim v. 3. id evenire, ut tentaret Iehova Israëlitas; ad cognoscendum, an essent amantes Dei sui ex toto corde. Conf. ea, quæ notabimus sequenti numero 343.*

- (343) *Non satis Cl. Auctor Cap. III. §. 5. exposuit Characteres, quibus miraculum a miris istis, vel mirandis operibus possit distingui, quando dicit: ipsa exempla eximent tibi facile hocce dubium. Excitare homines mortuos, iisque vitam reddere; mare dividere, ut per ejus medium homines sicco pede transire queant, Solis Lunæque cursum impedire & quæ his sunt similia, ita comparata sunt, ut coccum mentoque destitutum esse oporteat, qui vim ad hæc requiri infinitam non agnoscat. Verum sic non exhibet Cl. Buddeus characteres, ad quos, tanquam ad lapidem Lydium, facta vires humanas superantia examinare poterimus; cum ab iis, qui, permittente Deo, miracula etiam patrari posse ab intelligentiis finitis, sibi persuadent, alia exempla proferri soleant, in quibus, ut videtur, vis finitæ major adesse debet: E. Gr. facere, ut serpens, qui organa loquelæ destinata possidet nulla, sermones bene coherentes proferat; ut baculus transformetur in serpentem, &c. ita haberi possent comparata, ut suspensionem saltem legum naturalium involvant, si modo simulacra non fuerint, arte excitata vel formata, quæ humanæ est major. Si baculus vere transformari possit in serpentem virtute finita, sed humanæ majori; (quæ Metamorphosis an vera fuerit, an vero apparens tantum, nunc non disquiro; de quo videantur ea, quæ n. 329. observavi) cur non etiam vi finitæ, sed hominum virtutem longissime superante dividi posset mare & cursus Lunæ Solisque filii? Adeoque non exempla, sed regulæ dari debent, ad quas miracula examinentur, an vera sint, an spuria, an miracula sint, an vero miranda tantum, captum nostrum atque humanas vires superantia; caeteroquin incerta hæret mens, quis mirandorum istorum sit Auctor; cum vires omnium causarum secundarum non cognoscamus, ac limites, quibus sunt circumscriptæ, non habeamus exploratos. Si ex sola doctrina, ad cujus confirmationem miraculum tendit, judicare debeamus, an mirandum aliquod sit verum miraculum & an a solo Deo possit patrari; doctrina, ut videtur, confirmat miraculum, non vero miraculum doctrinam; de cujus quippe veritate & divinitate, antequam miraculum fiebat, jam sumus certi; quod minime conspirat*

cum Marc. XVI: 20. Act. XIV: 3. Heb. II: 4. Imo si vera Deoque digna sit doctrina, ex miro aliquo phaenomeno vires humanas superante, atque excitante in nobis admirationem, dijudicari non poterit, an verum fuerit miraculum, quod leges naturae suspendit, (si talis suspensio in omni miraculo requireretur), an vero sit mirandum aliquod, vires quidem humanas, non vero vires omnium causarum secundarum excedens, Deique auxilio existens. Demonstrari E. Gr. apodictice nequit, viribus finitis aquam elici non posse ex petra; aquas amaras non posse dulces reddi; os Leonum non posse obturari; ignem a corpore humano non posse arceri, &c. licet id omne fieri nequeat sine permissione Numinis, ac sine Ejus efficacissimo concursu, qui ubique requiritur. Si ponamus, solum Deum propria vi patrare posse miracula, eumque solum suspendere posse naturae leges, quaestio erit, an in casu, qui mirandum quid nobis exhibet, semper certi esse possimus, quod suspendantur naturae leges? hoc vero determinari nequit ab iis, qui naturae leges, in hoc vel illo casu suspensas, non habent, exploratas. Distinguunt nonnulli propterea inter Miracula primi ordinis & stricte sic dicta, & inter miracula secundaria seu comparative talia, quae distinctio magnam partem debetur Leibnitio Theod. §. 249. & de la Conformité de la foi avec la raison §. 3. vid. etiam idem Leibnitius Recueil des diverses pieces Tom. I. pag. 144. Balfingerus Dilucid. §. 215. seq. Wolff. Theol. Nat. Part. I. §. 470. seq. coll. Cosmol. §. 510. seqq. Canzianus in Medit. Philos. §. 600. seqq. Miraculum stricte dictum causarum secundarum vires excedit, uti creatio ex nihilo, cordium scrutatio, mortuorum resuscitatio, ac morborum atrocissimorum unico nutu vel verbo sanatio extemporanea; virginis & decrepitae partus. Non opus est, ut omnes leges naturales, viresque omnium causarum secundarum habeamus cognitatas; sufficit, si hic vires requirantur infinitae, quae in ente finito suam habere non possunt sedem; sufficit, si leges illae naturae suspendantur, quae per innumera experimenta & per observationes repetitas omnibus innotuerunt. Hisce autem miraculis applicanda est definitio, quam dedi in Theol. Nat. §. 105. quod, scilicet, sint opera potentiae divinae extraordinaria, quae non obtinuissent, si Deus consuerum naturae ordinem, quem Ipse posuit, fuisset secutus, quaeque suam rationem sufficientem non habent repositam in viribus rerum creatarum, sed unice in earum Creatore & Conservatore, Deo. Et haec sunt miracula illa, quae Deus sibi soli vindicat, vel a Scripturibus sacris soli Deo adscribuntur uti Deut. IV. 1 Sam. XII: 20. 1 Reg. XVII. Psalm. LXXII: 18. Psalm. CXXXVI: 4. &c. Quod attinet vero ad miracula secundaria, ad horum numerum referri possunt ea facta, ordinarium naturae cursum excedentia & admiratio-

nem

nem in nobis excitantia, quae vires humanas superant; quae tamen viribus finitis possent patrari, de quibus saltem certi esse non possumus, quod rationem suam in causis secundis, dependenter a Deo operantibus, non habeant repositam: & ad hanc classem fortassis pertinent exempla, quae modo protuli; imo huc referri possent operationes, quae habentur a plurimis diabolicæ, Magorum Aegyptiacorum; & signa illa magna & miracula, quae ab excitatis pseudo-christis & pseudo-prophetis ederentur, ut seducerent (si fieri possit) ipsos etiam electos Matth. XXIV: 24. conf. 2 Thess. II: 9. Unica igitur, hisce positis, quaestio superesset, quomodo discernere queamus Miracula secundaria, quae ab intelligentiis bonis patrantur, ab iis, quae proficiscuntur a Daemonibus; nisi detur distinctivus aliquis Character, frustra ad talia miracula provocassent Viri sancti, ut demonstrarent, se a Deo esse missos. Ex ipsis certe miraculis, vel signis, (quae distinctionis gratia, mira vel miranda possent appellari) indolem patrantis dijudicare non licet, sed tantum ex circumstantiis; cum supponatur, illa, quae fiunt, proficisci ab eo, cujus vires ad id, quod exhibetur, non sufficerent, nisi ab ente, quod homines viribus superat, fuissent adjunctae; sive illud ens bonae sit indolis, sive malae, Deus optimus maximus, qui Deus est veritatis, nunquam permittere potest Diabolo, ut miranda, ac vires humanas superantia praestet, ad oppugnandam veram & salutarem de Deo rebusque divinis doctrinam, nisi simul sustentatione sua dilectis suis cultoribus adsit, eorumque saluti & conservationi potentissime prospiciat; sed, salva sua sanctitate, miranda a Diaboli ministris peragi finit, ut puniat nocentes, vel fidem ac obedientiam suorum cultorum quasi exploret, secundum Deut. XIII: 2. Ipsa igitur doctrina est examinanda, & explorandi sunt mores finesque eorum, qui miranda illa praestant: si dogmata sanæ rationi sint adversa, si in Deum sint injuria, si eorum auctores doctoresque suam quaerant gloriam, si hi a vera probitate sint alieni, vana ambitione ducantur, aliosque ad impia facinora seducere studeant, certissimum est, miranda illa, ipsorum vires naturales manifestissime superantia, favente, & approbante Deo non patrari. Equidem fatendum, miracula a Christo, Deique Ministris olim fuisse facta, ut haec testarentur, quod a Deo essent missi, secundum Joh. V: 36. aliaque S. S. loca; sed haec fere ad primam classem pertinebant; & ab altera parte nullum prostat exemplum, ex quo patet, Deum permisisse diaboli ministris, ut falsam doctrinam mirandis suis sive miraculis secundariis confirmarent, seque comprobarent Dei esse Legatos: Ipsi Magi Aegyptiaci nequaquam suis prodigiis, vel mirandis, cujuscunque etiam fuerint indolis, monstrare tentabant, se a vero Deo esse missos suamque doctrinam esse coelestis originis,



ginis, sed adfuerunt Pharaoni, vel ut evincerent, Deos, quos colebant, potentia non cedere Diis Hebraeorum, ideoque Regem Aegypti nullo modo teneri ad dimittendam ex sua servitute Gentem Israëliticam iussu istius ignoti Dei, cujus potentiae aequalem potentiam se opponere posse perhibebant; vel ut Pharaoni persuaderent, Moſen non vera patrare miracula, sed aut a Diabolo, aut a propria calliditate juvari in praebendis istis spectaculis, quae admirationem & metum excitabant inter Aegyptios. Neque existimandum, acsi vitiosus committeretur in demonstrando circulus, si veritatem doctrinae ex miraculis, & miraculorum secundariorum coelestem originem ex doctrina velimus probare: nam miracula non demonstrant veritatem doctrinae, sed divinam missionem eorum, qui istius doctrinae fuerunt Praecones; ita ut ipsius Dei essent Legati, nec propria auctoritate dogmata, in se verissima, proferrent. Si hac ratione totum horce negotium concipiatur, satisfit simplicitati narrationis, quae apud Moſem aliosque Scriptores sacros occurrit, circa operationes mirandas Diaboli ejusque Ministrorum; praesertim Historiae Act. XVI: 16. seqq. & sic demum intelligitur defensio Christi Matth. XII: 25. seqq. ubi non negat, Diabolam miranda praestare posse, sed ipsum, se suosque subditos ejicientem proprium regnum destructurum esse, animadvertit. Verum pleraque, si non omnia miracula, quae a Christo fuerunt patrata, quaeque Deus oriri fecit ad preces vel ad intercessionem Prophetarum, Apostolorum aliorumque Virorum sanctorum sub V. & N. Testamento, sunt ad primam classem referenda, uti eorum historiam meditantī manifestum redditur, cujus partem insigniorem brevi in tabella exhibuit Cl. Wiclſius Meletem. Leid. Diss. V. §. 6. seqq. Haec sunt mirabilia illa, quae solum Deus facit (Psalin. LXXII: 18.), quibusque, tanquam aperissima suae assistentiae declaratione, suos ministros commendabiles reddit, qui ipsi proinde sunt causae occasionales, non efficientes, illorum miraculorum. Sic ipse Christus dicit Joh. V: 36. Ego habeo testimonium majus Johanne; opera enim, quae dedit mihi Pater, ut perficiam ea; ipsa opera, quae ego facio, testimonium perhibent de me, quod Pater miserit me; vid. etiam Joh. X: 37. Matth. XI: 4. seq. Marc. XVI: 17. Act. XIV: 3. conf. Act. II: 22. ubi Petrus eandem veritatem supponit, quando dicit: Viri Israëlitaе, audite sermones istos: Jesum illum Nazaracum, Virum a Deo approbatum apud vos praestantibus factis & prodigiis & signis, quae edidit per eum Deus in medio vestri, sicut & ipsi noſtis.

(344) Vid. ea, quae monui ad Cap. 1. §. 5. n. 5.

(344\*)

(344\*) *Si ex favillis, quas sparsit in aere, enata sit scabies, an non omnes adstantes, & cum iis Moses, debuerunt esse infecti? an favillae coram Pharaone sparsae hunc morbum excitare potuerunt per totam terram Aegyptiacam?*

(345) *Vid. ea, quae notavi ad Cap. III. §. 5. n. 126.*

### §. V. I.

Religio Christiana cum nihil contineat, quod non cum veritate conveniat, nihil etiam, quod non majestate Numinis dignum sit, cuncta contra, quae homini, ut aeternae salutis compos fiat, necessaria sunt, sufficienter prodat; documentis praeterea & testimoniis certissimis, omnique exceptione majoribus, nitatur; sola etiam pro vera religione est habenda. Operam itaque oleumque perdunt, qui ad eam aut evertendam, aut labefactandam, omnes animi & diligentiae nervos intendunt. \* (346)

\* Christiana religio duplici spectari ratione potest. Primo, qua dogmata, non tantum propria, sed & communia, hoc est, quae in religione etiam naturali continentur; deinde solum qua dogmata propria. Priori modo spectata, a Naturalistis quidem, qua dogmata illa communia, ejus veritas admittitur; non aequae ab Atheis. Nec tamen, ut hac de re contra hos ex instituto disputemus, necesse est, quia ex Numinis existentia, quam hactenus abunde demonstravimus, ejusque providentia, itemque justitia, ceterisque attributis, religio naturalis sua sponte fluit. Ad religionis autem Christianae dignitatem & excellentiam omnino pertinet, quod non tantum nihil, quod religioni naturali repugnet, contineat, sed eam etiam purissima quadam ratione exhibeat, atque confirmet, immo perficiat, & quae ei ob naturalis luminis imperfectiorem defunt, suppleat. (347) Qua propria dogmata spectata religio Christiana iterum duplici ratione considerari potest; primo, prout religionem Veteris Testamenti, praesertim Israelitarum, per Moysen a Deo sancitam simul complectitur; tum, prout ea saltem exhibet, quae ad Novi Testamenti oeconomiam pertinent. Nobis quidem posteriori praecipue ratione hic in censum venit; nec tamen prior consideratio prorsus praetermittenda, cum haec simul insigne argumentum pro veritate religionis Christianae, qua novum testamentum spectatae, sub-

ministret. Ad veritatem autem religionis Israëliticæ demonstrandam, sequentia saltem observare sufficit. (1) Mosen revera extitisse, eaque aetate vixisse, quæ vixisse perhibetur, multisque & magnis inclaruisset miraculis, ut, quæ Dei nomine fecit, aut locutus est, eum a Deo accepisse, nulla ratione dubitari queat; (II) eundem pentateuchi, seu librorum, qui ei tribuuntur, auctorem esse; (III) nihil denique in hisce libris occurrere, quod non veritati sit consentaneum. Ad *primum* quod attinet, quotquot in terrarum orbe extiterunt, aut adhuc existunt, Judæi, tot extant testes, qui nos, divinum virum Mosen extitisse, legesque genti Israëliticæ, quibus a reliquis gentibus omnibus distingueretur, dedisse, miraculisque, ut legibus illis divina constaret auctoritas, esseisse, nos dubitare non sinunt. Tanta quidem est Atheorum impudentia, ut, si hodie nulli amplius Judæi essent, haud dubio strenue negaturi essent, ullam ejusmodi in terrarum orbe unquam extitisse gentem. Singulari autem Numinis imputandum est providentiæ, quod hodiernum gens ista per orbem universum dispersa extet, quæ de iis, quæ Majoribus ejus contigerunt, testimonium perhibere possit. Eo minus vero testimonio huic fides denegari potest, quo accuratori studio leges & ritus, quos a majoribus suis acceperunt, per multa secula ad se propagatos observant, cujus profecto rei nulla alia dari ratio potest, quam quod illi eorum Majores, qui a Mose leges istas ritusque acceperant, de divina ejus legatione plenissime fuere convicti. (348) Ad hæc accedunt profanorum Scriptorum de Mose, rebusque ab eo gestis, testimonia, diligenter jam a FLAVIO JOSEPHO, contra Apionem, CLEMENTE Alexandrino, *strom. libr. I.* CYRILLO, contra Julianum *lib. I.* EUSEBIO, *præparat. Evangel. lib. IX. cap. XXVII.* aliisque, collecta, quæ rem omnem extra dubitationem ponunt. Ad denda, quæ & ipse hac de re dixi, *hisor. Ecclesiast. veter. testam. period. II. sect. I. ad §. XXXVII. pag. 789. seqq.* Immo & miraculorum a Mose editorum tanta olim apud Ethnicos fuit celebritas, ut eam ob rem subinde inter Magos referretur, tum a NUMENIO Pythagoræo apud EUSEBIUM *præpar. Evang. lib. IX. cap. VIII.* tum a PLINIO, *hisl. natural. libr. XXX. cap. I. (349) Alium*, quod ad veritatem religionis Israëliticæ comprobandam facit, caput est, Mosen hunc Pentateuchi esse auctorem. Id vero, cum abunde jam ab aliis, & a me ipso quoque, in *hisor. Eccles. vet. testam. period. II. sect. I. ad §. XI. pag. 541. seqq.* demonstratum sit, nunc merito, ceu evictum satis a me supponitur. Auctoribus, qui idem argumentum tractant, *loc. cit.* a me laudatis, addendus PETRUS ALLIX, in *confideratione rationabili librorum sacrae Scripturae, ad veritatem religionis Christianæ demonstrandam, part. I. cap. V. seqq. pag. 32. seqq.* editionis, quæ lingua Germanica prodit. (350) Tertium itaque saltem caput superest; nihil in hisce libris contineri, quod non veritati sit consentaneum.

tancum. Hoc vero ut demonstretur, observandum, quaecunque in libris Mosaicis occurrunt, aut ad dogmata, aut ad facta posse referri. A dogmatibus ut incipiamus, ea aut ita comparata sunt, ut ipsa ratio ea capere queat, e. g. Deum esse unum, cum esse summe bonum, justum, sapientem, &c. aut captum rationis transcendunt. De prioribus nullum est dubium. Inter posteriora locum praecipuum teneant dogmata, de creatione mundi & Messia, futuro humani generis redemptore. Quemadmodum vero, quae de mundi rerumque omnium origine Moses litteris consignavit, adeo nihil continent, quod rationi rectae repugnet, ut potius nullus Philosophorum veterum aptius systema explicandis rerum omnium originibus excogitaverit, aut excogitare potuerit, ita doctrina de Messia mundi redemptore, cum origine peccati, quod homines per primorum parentum lapsum invasit, arctissime cohaeret, simulque iustitiae & bonitati Numinis tam concinne respondet, viamque ad conciliandam peccati originem cum bonitate divina pandit, ut ratio profecto nihil solidi, quod ei opponat, invenire queat. Hinc vero &, quo pacto reliquis dogmatibus cum hisce connexis, sua constet veritas, patet. Ad dogmata etiam leges, Israëlitis latae, referri possunt, quarum quaedam etsi a nostris moribus abhorreant, pro istius tamen temporis populi, cuius genio accommodatae fuisse, ratione, ita comparatae sunt, ut summam Numinis sapientiam facile in iis deprehensuri sint, qui non data coecutire opera velint. (351) Satis hoc ostenderunt Viri docti, qui de causis rationibusque legum particularium populi Israelitici, ex instituto commentati sunt. Facta, quorum mentionem Moses facit, iterum duplicis generis sunt; vel enim talia sunt, de quibus gentium aliarum scriptoribus etiam aliquid innotescere potuit, vel talia, quorum notitiam solus suppeditare potuit Moses. In illis si consensus scriptorum profanorum addit, eorum, quae Moses tradidit, veritas mirifice confirmatur. Sin vero dissensus aliquis deprehendatur, plurimae gravissimaeque adsunt causae, cur Mosis potius, quam aliis scriptoribus, adhibenda sit fides. Namque, ut alia taceam, cum Moses reliquis scriptoribus omnibus longe sit antiquior, de rebus etiam antiquissimis longe certior memoriae prodere potuit, quam scriptores, qui post multa demum eum exceperunt secula. Antiquissima etiam, quae ex profanis scriptoribus constant, historiarum documenta tam incerta sunt, tam obscura & ambigua, tot defectibus laborant, ut ea Mosis, non nisi de rebus certis libique exploratis, scribenti, opponere velle, a summa parum abesset stultitia. Legenda, quae hanc in rem erudite dixerit EDUARDUS STILLINGFLEET, in *originibus sacris, libr. I. cap. I, II. seqq.* (352) Multo magis adhuc stolidum pariter ac ineptum esset, in rebus, quarum notitiam accuratam solus Moses suppeditare potuit, uti sunt, res Patriarcharum, origo gentis Israeliticae, & similia, aut

M m

STRA-

STRABONEM, aut alium quendam scriptorem extraneum eidem opponere velle, quod JOANNEM TOLANDUM, in *originibus Judaicis*, facere notum est. (353) Nec, quae de miraculis Moses refert, in dubium vocari possunt. Cum enim capite praecedenti demonstratum sit, miracula fieri posse, nec quidquam obstat, quo minus facta sint, nonnullorum etiam tanta fama & celebritas fuerit, ut in profanorum scriptorum monumentis eorundem fiat mentio, absonum profecto esset, narrationi de iis Mosaeicae fidem denegare velle. His, quae pro veritate religionis Israeliticae in compendio disputavimus, addi adhuc possunt, quae de eodem argumento disserit JAC. ARBADIE, de *veritate & certitudine religionis Christianae*, sect. III. cap. XVI. & XVII. pag. 331. seqq. qui & cap. XVIII. & XIX. ad rationes, quae in contrarium ab Atheis adferri solent, respondet. Jam Christianae religionis, prout ab Israelitica veteri distinguitur, veritatem demonstrare haud difficile fuerit. Primo namque, cum Christiana religio quoad ipsam rei substantiam cum Israelitica veteri una eademque sit, hujus demonstrata veritate, non potest non illius quoque veritas inde sequi. Non aliud enim discrimen intercedit, quam quod Christiana religio quaedam paulo plenius & clarius exhibeat, quae in Israelitica obscurius adhuc proponebantur: itemque, quod in illa quaedam ut jam facta supponantur, quae in hac ceu futura adhuc spectabantur, & per umbras varias atque imagines repraesentabantur. Immo ipsa illa utriusque religionis harmonia, & concentus cum perennitate, quae inde oritur, & vaticiniorum Veteris Testamenti eventu, qui in Novo conspicitur, argumentum minime contemnendum pro Christianae religionis veritate suppeditat. Ut tamen etiam argumenta, quae ei propria sunt, attingamus, observandum, Christianam religionem itidem partim factis, partim dogmatibus niti. Quodsi ergo demonstraverimus, utraque ita esse comparata, ut veritas illis constet, de ipsius quoque religionis Christianae veritate nullus amplius erit dubitandi locus. Ad facta quod attinet, ea iterum duplicis sunt generis. Quaedam tam manifesta sunt, ut dubio careant, & ab ipsis etiam Atheis admittantur, e. gr. Jesum Nazarenum vixisse quondam in Judaea, rerum Romanarum potente Tiberio; plurimos habuisse discipulos, qui ejus disciplinam secuti sunt, & doctrinam ab eo haustam propagarunt; eum a gentis suae Sacerdotibus accusatum, damnatumque a Pontio Pilato, & cruci adfixum esse. Id enim non tantum Christiani per omnes terrarum oras sparsi, constantissime profitentur, sed & Judaei omnes, qui nunc sunt, & qui unquam post illa tempora scripserunt, immo & pagani scriptores idem testantur; ut Suetonius, in *Claudio* cap. XXV. c. CORNELIUS TACITUS *Ann. XV. cap. XLIV.* PLINIUS junior, *lib. X. epist. XCVII.* confer. & HUGO GROTIUS, de *veritate Christian. rel. lib. II. § II.* (354) Alia contra facta, quibus praecipue Christianae reli-

religionis veritas innititur, ita comparata sunt, ut non aequè ab omnibus admittantur, immo ab incredulis & Atheis negentur strenue, & prorsus rejiciantur; c. g. Iesum Nazarenum sine virili semine natum ex Maria virgine; cum miracula maxima divinam in eo argumenta potentiam perpetrasse; postquam cruci adfixus mortuusque esset, iterum resurrexisse, &c. Horum ergo similiumque factorum ut ostendatur veritas, observandum, Apostolos testes horum factorum plane idoneos fuisse, & ita comparatos, ut plenissimam fidem mercantur. Quatuor namque potissimum idonei testis sunt conditiones, quas etiamsi summo jure experiaris, cum ratione ab eo exigere queas: (I) accurata rerum, de quibus testaturus est, scientia, (II) probitas & fides, (III) omnis proprii commodi abnegatio, (IV) invicta animi in asserenda testimonii veritate constantia. Haec vero omnia in Apostolos & Evangelistas prorsus quadrare, nemo, nisi rerum omnium expertus, negaverit. His enim, qui in consortium Christi adsciti, perpetui omnium ejus actionum publicarum pariter ac privatarum inspectores fuerant, accurata rerum ab eo gestarum scientia deesse non poterat. Homines probos, honestos, inculpatae vitae, & ab omni fraude ac fallacia alienos fuisse, ne ipsi quidem hostes illorum abnuerint, quemadmodum & experientia docuit, eos non lucri aut commodi ejusdem causa ad propagandam Christi doctrinam inductos fuisse, sed mercedis loco opprobria, ignominiam, plagas, supplicia & varia cruciatuum genera retulisse. Quae omnia cum eos ab instituto illorum dimovere non possent, invicta animi in asserenda testimonii veritate, constantia, inde satis elucescit. Legenda, quae hanc in rem differit HERMANNUS WITSIUS, in *dissert. de miraculis Jesu, quæst. II. §. III. & seqq. in meletematibus ejus Leidenisibus pag. 356. seqq. (355)* & JOANNES CLERICUS, in *dissertat. de sinceritate Apostolorum*, addita ejusdem tractatui de incredulitate, pag. 325. seq. Nonnulla praeterea ex his ita comparata sunt, ut extraneorum etiam scriptorum testimonio confirmari queant. Plurima namque Christum edidisse miracula, ipsemet auctor FL. JOSEPHUS, in notissimo illo de Servatore nostro testimonio, *antiquitat. jud. libr. XVIII. cap. IV.* nec diffitentur reliqui Judaei, etsi per nomen tetragrammaton, aut alias artes illicitas, eum id fecisse, blasphemie jactitent. Legenda, quae hac de re collegit RAIMUNDUS MARTINI, in *pugione fidei part. II. cap. VIII.* & quae ad h. l. observavit JOSEPHUS DE VOISIN. Ad JOSEPHI equidem testimonium quod attinet, non me fugit, a plurimis Viris doctis hoc in dubium vocari, & ceu supposititium rejici: sed genuinum illud esse, invictis argumentis demonstravit CAROLUS DAUBUZ, in *libris duobus pro testimonio Flavii Josephi de Jesu Christo*, Londini, MDCCLVI. editis. Ex Graecis ipse Julianus Apostata, etiam tum, quando ex instituto Christianos impugnabat, & facta Jesu extenuat, miracula tamen ejus negare non susti-

nuit. Ο' δὲ Γερῆς, inquit, ἀπαύτως τὴ χάριτι τῇ παρ' ἐμοῦ ἐδίωκε σὺς τοῖς τελευτήσιν ἐπισυνέειπες, ἐργασάμενος παρ' ἐν ἑξῇ χρόνῳ ἔργα ἐδὶ ἀγαθῆς ἀξίας. Εἰ μὴ πρὸς οὕτω τὴν κινδύνον τῷ τοῦ πλάτος ἰαστάξ, καὶ διαμαρτυρίας ἰφραρίζον ἐν Βεθσαιδά καὶ Βεθάνια τοῖς πάρεσσι τῷ μαρτυρῶν ἔργα οὕτω; *Jesús autem paucis vestrorum ac deterrimis quibusque persuasit, trecentos aut circiter annos celebratur. Hic toto vitae tempore nihil admodum memoratu dignum, egit; nisi quis claudos ac coecos curare, & daemónio correptos adjuvare in pagis Betsaida & Bethania, magni alicujus facinoris numero habeat; apud CYRILLUM, libr. VI. advers. Julianum, pag. 19. (356)* Ita ergo cum facta, quibus veritas Christianae religionis innitur, sibi consent, de dogmatibus idem facili negotio demonstrari potest. Ea vel ita comparata sunt, ut a ratione etiam capi queant, vel ut ejus circulos transcendant. De priorum veritate, cum ipsa ratio eam perspiciat, atque confirmet, nullum est dubium. Pertinent huc praecepta moralia quaevis, in quibus recta ratio, quod reprehendi queat, adeo non inveniet, ut nihil praestantius, nihil rectius, nihil Deo & hominibus dignius, dici vel cogitari posse, omnes facile intelligant. (357) Res ipsa quoque docet, eam, quae religioni Christianae propria est, doctrinam moralem, multis parasangis praestare doctrina moralium gentilium Philosophorum; quod cum alibi ex instituto demonstratum sit, hac quidem vice nihil ea de re addemus. Nec cum Atheis, aut aliis religionis Christianae hostibus super hisce magna nobis lis est, sed super iis praecipue, quae rationis captum superant, atque mysteria continent. Haec vero ut ab ejusmodi hominum insultibus vindicemus, primo quidem supponendum, ea, quae sunt supra rationem, non statim esse contra eam; adeoque, licet Christiana religio quaedam contineat, quae rationis captum transcendunt, nihil tamen continet, quod revera cum ratione pugnet. Demonstratum hoc subinde est a doctissimis Viris, praecipue non ita pridem ab illustri viro GODOFR. GUIL. LEIBNITIO, in *discursu de conformitate rationis & fidei*, praemisso ipsius *tentaminibus Theodiceae super bonitate Dei, libertate hominis, &c.* Mysteria itaque sunt ejusmodi dogmata, quae non quidem contra, sed supra rationem sunt, seu quae ratio sibi relicta capere nequit. Ejusmodi vero mysteria cur admitti nequeant, nullam rationem video; immo admittenda esse, probari evidenter potest. Etenim cum in rebus naturalibus plurima occurrant, quorum nobis rationes plane ignotae sunt, licet res ipsae consent, quis dubitet, multo magis in divinis talia occurrere? Nec enim omnia intellectus hominis cognoscere potest, quippe qui suis circumscriptus est limitibus. Atque haec sane, quae nostri intellectus viribus assequi non possumus, nobis sunt mysteria. Ita namque intuitu virium naturalium intellectus dicuntur, etiam ex divina revelatione in tantum nobis innotescant, in quantum Deo ea nobis patefacere placuit. Cum ergo quaeritur, an religio Christiana mysteriorum expers sit?

fit? sensus est, an talia Deus revelaverit, quae homo solis intellectus sui viribus, ad luminis naturalis ductum, cognoscere non potuit. (358) Hoc vero quemadmodum res ipsa docet, & exempla ejusmodi mysteriorum praesto sunt, ita simul patet, nullam adferri posse causam, cur religio Christiana mysteriorum experts esse debeat, aut cur Scriptura ita interpretanda sit, ne mysteria admittantur. Immo eam mysteriorum expertem esse non posse, ex antea observatis sequitur. Cum enim intellectus humanus suis limitibus circumscriptus sit, sequitur, multa in rebus divinis esse, quae per se cognoscere nequit, quae adeo ipsius intuitu sunt mysteria. Eadem vero cum homini ad salutem seitu necessaria essent, divinae bonitatis fuit, haec ei revelare. Seitu necessaria ad salutem mysteria ista esse, inde patet, quod totus ordo salutis iis innitatur, quod alibi copiosius & ex instituto demonstratur. (359) Si quaeras, cur Deus ampliores homini intellectum non concesserit, ut sine revelatione cuncta cognoscere potuerit, perinde hoc est, ac si cum Creatore expostulare velis, legesque ei praescribere, quas in homine condendo observare debuisset, vel etiam profundam illam calliginem, quae hominibus post tritem primorum parentum lapsum incumbit, dissimulare velle. Nec quicquam hac in re occurrat, quod aut indignum Deo, aut hominibus noxium sit, cum ipsa illa mysteria hominem suae imbecillitatis admoneant, & ad majorem rebus divinis reverentiam exhibendam excitent. Et haec generatim monuisse sufficiat; ad specialia descendere, instituti nostri non permittit ratio. Ex dictis autem facile respondere licet ad rationes, quibus Athei veritatem Christianae religionis impugnant. Ad facta istae partis pertinent, partim ad dogmata. Ad facta, quando e. g. nonnulli resurrectionem Christi impugnaturi, ipsam Apostolorum fidem sollicitant, aut, cum BENEDICTO DE SPINOZA, eos decipi potuisse, contendunt, uti supra ad *cap. III. §. IV.* observavimus. Quo ipso tamen nihil aliud agunt, quam ut summam impudentiam prodant. Qui enim cogitat, quae antea de sinceritate Apostolorum monuimus, & quam alienum ab illorum moribus fuerit, quemquam mortalium decipere; qui porro circumstantias resurrectionis Christi tam sollicite commemoraras, & apparitiones non uni aut alteri, sed omnibus factas, & tot vicibus reperitas, expenderit, nihil praeter ineptissimas calumnias homines istos proferre, facile intelliget. Quae SPINOZA ad speciem quandam calumniae suae conciliandam excogitavit, jam in compendio profigavi in prolusione Academica, qua *veritatem resurrectionis Christi contra Benedicti de Spinoza obreptiones assertam*, exhibui, quae extat, in *meditationibus sacris, syntagmati Dissertationum Theologicarum* additis pag. 47. seqq. sed idem etiam fecit JOANNES COLERUS, in *veritate resurrectionis Jesu Christi contra Spinozam & ejus sectatores defensa*, quae una cum *vita Spinozae*, Gallicana lingua scripta, Hagae Comitum

M m m 3

prodiit,



prodiit, anno M DCC VI. 8. (360) Quae dogmatibus Christianae religionis opponunt, eo fere redeunt, nihil admittendum esse, quod ratio capere nequeat. Nec aliam rationem Christi admittere nolit, dum dicit, sibi videri eos, qui, Deum naturam humanam assumpsisse, asserunt, *nescire, quid dicant, immo non minus absurde loqui, quam si quis dicat, quod circulus naturam quadrati induerit, ut supra ad cap. III. §. VI.* hanc ejus mentem de incarnatione Christi pluribus exposuimus. Sed manifestum est, ejusmodi homines rationis limites ultra, quam par est, extendere; adeoque, dum ratione vel maxime uti videri volunt, se ratione prorsus destitutos, ostendere. Poterant, si vellent, ex quotidiana condiscere experientia, rationem multis laborare infirmitatibus; plurima quoque esse, quae nemo mortalium rationis acumine penetrare potest. Quae ergo temeritas! quae impudentia! nihil, quod ratio capere nequeat, admittere velle! Tandem nec illud praetermittendum, quod Athei tum reliquas religiones omnes, tum speciatim Christianam pro callidorum hominum commento, ad continendum in obsequio populum, habeant. Quemadmodum vero jam vel *cap. V. §. I.* (361) ostendimus, ne unico quidem exemplo probari posse, religionem a Principe quodam, aut Legislatore, inventam primum aut introductam; etsi subinde religione, qua jam antea homines imbuti fuerunt, ceu dominandi instrumento uti sint: ita multo minus de Mose hoc dici potest, quod aut religionem invenerit primus, aut eadem ceu dominandi instrumento usus sit. Israëliticam enim religionem eo minime comparatam esse, ipsa ejus consideratio docet, cum omnia eo spectent, ut ipsi Deo ceu regi ac domino suo obsequium, honorem ac venerationem exhibeant. Moses etiam: ut ipse dignitatem regiam non usurpavit, ministri saltem fidelis munere functus, *Ebr. III. 2.* ita nec ad posteros eam transmisit, aut transmittere voluit; immo ne Sacerdotium quidem sibi aut posteris vindicavit, cum id in Aäronem ejusque filios contulerit. Miracula autem quae edidit, quibus fidem dictis conciliavit, ut inde, a Deo se missum, intelligerent, palam & inspectante populo edidit; & ita se gessit, ut ne minima quidem fraudis aut imposturae subesse suspicio potuerit. Sed ab istis impiorum hominum calumniis abunde jam vindicavimus Moysen, in *histor. Ecclesiast. Vet. Testam. ad period. II. sect. I. §. XI. pag. 533. seqq.* (362) De Christiana autem religione, prout ab Israëlitica distinguitur, si quis dicere vellet, eam ut reipublicae rationibus inserviret, inventam aut excogitatam, nae! is se ipsum traduceret turpiter. Doctoris enim saltem munere ipse Servator functus est, cui reipublicae conservatio non fuit curae; & Apostoli piscatores erant, hominesque plebeji, quos reipublicae rationibus religionem accommodasse, nemo, nisi rerum omnium expertus, dixerit. Et quid opus erat, religionem Christianam hunc in finem excogitare, cum & Israëlitica, aut

aut ipsa etiam naturalis, eundem in finem adhiberi potuisset? Est sane Christiana religio hactenus reipublicae rationibus conveniens, quod eas sectari virtutes homines docet, quibus firmitas stabilitasque imperii innitur; interim eadem pravis mortalium cupiditatibus prorsus adversatur, quibus tamen vel maxime indulgere solent, qui civilium rerum administrationem sibi vindicant. (363) Esto etiam, fuisse nonnullos, qui speciatim Christiana religione, ceu instrumento dominandi, vel potentiam, auctoritatem, imperium sibi comparandi, vel haec omnia conservandi usi sint; id tamen ipsi religioni tribui nequit, cujus longe alium scopum esse, dogmata ejus satis superque ostendunt, multo minus, eam ideo aut inventam aut excogitaram, dici potest, cum non rerum dominis aut principibus, sed ipsi Servatori & Apostolis, hominibus a rerum civilium administratione longissime remotis, originem debeat.

(346) *Cum Religio Christiana, qua Christiana, unice nitatur Revelatione, mirum videri posset, quod Cl. Auctor hic primum agere suscipiat de Religione, eamque contra Atheorum, ac Naturalistarum molimina defendere annitatur, & demum in §. sequenti VII. Scripturae sacrae auctoritatem ex ipsius doctrinae, quae in ea proponitur, origine, veritate, sufficientia, aliisque argumentis stabilire studeat; cum, demonstratâ sacrae Scripturae auctoritate atque divinâ origine, Religionis, quae illam Cynosuram ubique sequitur, veritas, atque divina origo sua sponte sequatur. Attamen Revelationis veritas atque divina origo omnium optime demonstratur ex dogmatibus, quae comprehendit; adeoque dogmata Religionis, tum Judaicae, tum Christianae, prout illa praesertim in libris Mosais, haec vero in Evangelii maxime continentur, praemisit Cl. Auctor in hac §. Sic veritatem Religionis primum evincere allaborat, & secundo loco ejus divinam originem ponit ante oculos.*

(347) *Non heic loci fuisse differere licet de pretiosissimis incrementis, quae Theologia Naturalis per Revelationem acquisivit, cum unice de Christianae Religionis veritate agendum sit, ut eradicentur ex animis dogmata, quae vel cum Atheismo sunt conjuncta, vel quodammodo ad Atheismum ducunt. Ingens est numerus eorum, qui utilitatem Theologiae revelatae in Theologia Naturali, & crassos sagacissimorum Gentilium ab illo lumine destitutorum in hac scientia errores monstrarunt; atque ostentationem redoleret, si vel optimorum ex omnibus illis vellem exhibere catalogum; praesertim cum hoc jam sit praestitum a Cl. Fabricio de Verit. Relig. Christi. Cap. 21. seqq. & Cap. 35. prae reliquis commendandus Turretin Diss. Theol. Vol. II. Diss. II. seq. Egregie autem nuperrime demonstravit eximius Leland (the Ad-*

*Advantage and Necessity of the Christian Revelation shewn from the State of Religion in the Antient Heathen World, &c.)* primam Religionis cognitionem Protoplastis per revelationem divinam esse datam; eam per traditionem esse propagatam, sed, tractu temporis extenuatam; per meras Philosophorum speculationes non potuisse restitui ob varia impedimenta, ita ut Gentiles ab Idololatria sua retrahere nec potuerint nec voverint; monstrat in specie Vir Venerandus, doctissimus de Providentia, aliisque verae Religionis capitibus, ipsamque morum disciplinam innumeris naevis apud Ethnicos, mentis perspicacia caeteroquin praecellentes, fuisse obstitam; usque dum plenius vividiusque Revelationis lumen adfulgeret, Sospitatore praesertim in mundum veniente, viamque salutis manifestius annuntiante per Evangelistas suos & Apostolos. Et sane hodierni Philosophi, qui Theologiam naturalem in formam systematis redegerunt, ejusque dogmata rigidis muniverunt demonstrationibus, multum quidem debent emendatae Logicae, Ontologiae & Pneumatologiae, sed longe plura vividiori Revelationis lumini; cum admoniti de veritatibus longe facilius eas etiam a priori eruant, quam si sibi fuisset relinqui & solum rationem fuissent secuti. Equidem Gentiles, si ratione recte fuissent usi, ad veram Dei unius rerumque divinarum notitiam pervenire potuissent; sed sufficit, quod ea non recte fuerint usi, quodque eorum dogmatibus de rebus illis momentosissimis innumeri itaque crassi penitus errores fuerint admixti; sufficit, quod hi errores detecti sint, ac nebulae disparuerint, simulac Revelatio adfulsit, & Evangelium per Christum ejusque Discipulos, homines simplices & nulla eruditione splendidos, fuit annuntiatum.

- (348) Si secundo loco demonstraverit Cl. Auctor, Moſen esse Auctorem Pentateuchi, etiam manifestum erit, eum extitisse, eumque eo tempore extitisse, quo illa, quae narravit, tanquam suo tempore gesta, acciderunt. Ino omnia scripta tum Veteris, tum Novi Testamenti supponunt, Moſen extitisse; & reliqua Chronologiae sacrae pars foret mutila & subleſtae fidei, si Moſes non vixisset, eaque, quae Mundi primaevi annales complectuntur, non annotasset; ubi memorata scripta, quae nobis sub sacrae Scripturae nomine veniunt, hactenus consideramus, ut fide digna, seposita tantisper eorundem divina origine. Neque ultus inter Deistas vel Naturalistas extitit, qui Moſen vixisse negavit, licet plurimi fuerint, qui, eum Pentateuchi Auctorem esse, agnoscere noluerunt.
- (349) Loca Gentilium praeter Scriptores ab Auctore memoratos collegerunt Grotius de Ver. Relig. Christ. Lib. 1. §. XVI. ibidemque Kocherus aliique in annotationibus Tom. 2. pag. 139. seqq. Huctus De.

*Demonstr. Euangel. Prop. IV. Cap. II. Stillingfleet Orig. Sacr. Lib. 2. Cap. 1. §. 7. Attamen non omnia, quae vulgo adducuntur, ejusdem sunt ponderis. E. Gr. Longinus de sublimitate sermonis Lib. 1. manifestissime quidem de Mose ejusque stylo nervoso atque sublimi testimonium praebet; sed serius vixit, & ab Epistolis fuit Zenobiae, mulieri Judaeae; fuitque, rebus Politicis nimium immixtus, jussu Imperatoris Aureliani circa A. Chr. 273. interfectus. Omnino de hisce conferendus est Des-Vignoles Chronologie de l'Histoire Sainte Tom. 1. pag. 595. seqq. ubi accuratius inquirunt in tempus, quo Moses Israelis posteros ex Aegypto deduxit versus Terram Cananaeam.*

*Quod attinet ad Plinii locum Lib. XXX. Cap. 1. non multum ex eo concludere licet, nisi quod Moses aliquis extiterit; dicit enim: Est & alia Magices factio, a Mose, & Jamne, & Jotape, Judaeis, pendens, sed multis millibus annorum post Zoroastrem; ita ut pateat, Plinium, qui tot committit in una alterave linea errores, parum facere, ad demonstrandam veritatem, quam haec loci ante oculos habemus, neque ad istiusmodi testimonia provocaret prudens, si de existentia Alexandri Magni, vel Julii Caesaris ageretur. Denique Justinus Lib. XXXVI. Cap. 2. clarius & verius de Mose scribit, atque Historiam Judaicam quodammodo cognovisse videtur; sed in eo errat, quod Mosen Josephi perhibeat filium. Vid. omnino Berneggeri notae ad memoratum Iustini locum. Omnium autem manifestissimum est dictum Taciti Hist. Lib. V. cap. 3.*

- (350) Complectitur Pentateuchus historiam tum eorum, quae ante Mosis tempora acciderunt; tum ea praesertim, quae, Mose vivente & res Israeliticis dirigente, fuerunt gesta; & denique accedunt paucissima quaedam, quae post Mosis obitum adscripta esse potuerunt. Quae ante ipsius tempora contigerunt, inspirante & dirigente Deo, collegit praesertim ex schedulis Patriarcharum, sive ex Annalibus a Majoribus suis conscriptis; quod adeo aperte constat, si Geneseos librum attento animo perlustremus, ut nemo amplius de eo dubitare possit; idque a variis Viris eruditissimis fuit ad oculum quasi monstratum, inter quos eminent Cl. Vitringa Obs. Sacr. Lib. 1. Cap. IV. cujus vestigia praesertim praefixit Amplissimus Reinhard in Epistolis nuper ex Teutonica in Belgicam linguam translatis pag. 1. seqq. ut & Anonymus Auctor Conjecturarum, de monumentis, quibus in componendo Geneseos Libro usus videtur Moses (Conjectures sur les Memoires originaux, dont il paroît, que Moÿse s'est servi pour composer le livre de la Genese) passim, qui tamen ulterius fuit progressus: Id autem facile dari potest Cl. Relationum Gottingensium Auctori. bus Fascic. XI. pag. 162. seqq. Mosen non tantum Annotationibus

*Patriarcharum fuisse usum, sed etiam veteribus carminibus, columnis, quibus inscripta fuerunt monumenta antiquissima, & oralibus traditionibus; saltem eum haecce adminicula in usus suos convertere potuisse; si modo Spiritum Sanctum perpetuum agnoscamus Mosis ductorem & directorem, ne talia transcriberet, quae a veritate & a sapientissimo summi Numinis scopo erant aliena; licet alio modo censuerit ingeniosissimus E. B. d'E. . . . de la Population de l'Amerique Tom. 1. pag. 187. suiv. cujus doctrinam ad examen revocasse hujus non est loci. Nulla datur difficultas circa res gestas Mose vivente, quas omnium optime memoriae posterorum tradere potuit. Verum non desuerunt, qui, Mosén Pentateuchi auctorem esse, ideo praesertim negarunt, quia in eo continentur nonnulla, quae post mortem hujus Ducis Israëliti acciderunt, aut quae ad seriora tempora videntur respicere; quorsum referuntur Gen. II: 11. & 12. Cap. X: 8—11. Cap. XI: 28. & 31. Cap. XIII: 6. & 7. Cap. XIV: 14. Cap. XXXV: 21. Cap. XXXVI: 31. Cap. XXXVII: 14. Cap. XL: 15. Exod. XVI: 35. Deut. I: 1. Cap. III: 14. Omnia haecce loca ad examen revocare non fuit instituti ratio; praeslitum hoc fuit a variis, praesertim a Cl. Witsio in Miscell. Sacris. Tom. 1. Lib. 1. Cap. XIV. qui pro candore suo fatetur, & salva persuasione, quod Moses sit Auctor Pentateuchi, agnoscere potuit, quaedam, paucissima tamen, a seriori manu fuisse profecta. conf. Princip. Relig. Nat. & Revel. Tom. 2. pag. 5—60. & Huettius Dem. Euang. Prop. IV. Cap. 14.*

- (351) *Vid. ea, quae notavi ad Cap. VI. §. 9. n. 286. & 287. Addicere liceat, egregium Taciti de Judaeis testimonium, eorum dogmata Religiosa, & leges spectans Hist. Lib. V. Cap. 5. Judaei mente sola unumque numen intelligunt. Profanum, qui Deum imagines mortalibus materiis, in species hominum effingant. Summum illud & aeternum, neque mutabile, neque interiturum. Igitur nulla simulacra urbibus suis, nedum templis sinunt. Inter leges autem forenses, quas Moses ex auctoritate Divina tulit, plurimae reperiuntur in legibus naturalibus & aequitate fundatae, quae ubique introduci merentur, utpote societatibus omnibus civilibus saluberrimae; & sane sive Deum spectant, sive alios homines Mosaicae leges, sapientia & beneficentia atque adeo provida cura summi imperantis ubique elucescit. Vid. praesertim Traité de la Vérité de la Religion Chrétienne tiré du Latin de Monsr. J. A. Turretin Sect. III. Chap. 3. & 4. Principia Relig. Nat. & Revel. Tom. 2. pag. 303. seqq.*

- (352) *Nemo certe propius adfuit rebus, quas narrat tanquam ante suam nativitatem gestas; non tantum enim scire plurima potuit ex schedulis*

lis Patriarcharum (n. 350); verum etiam orali traditione; cum pauci illi, qui inter Adamum atque inter Mosem vixerunt, sua longae-  
 vitate satis fida praeberere potuerunt testimonia: dudum enim observa-  
 tum fuit a Theologis, Mosi Patrem, Amram, videre potuisse proa-  
 vum suum Jacobum; Jacobum narrationes sui avi Abrahami potuisse  
 audire; hujus autem Pater Thare audivit Noachum; hujus vero pa-  
 ter 156. annos vixit cum Adamo. Vid. Kocherus ad Grot. de Ve-  
 rit. Relig. Christ. Lib. 1. Cap. 15. & Stillingfleet l. c. Lib. II.  
 Cap. II. §. 9.

- (353) Praesertim narrationem Mosaicam de regione Judaica ejusque fertili-  
 tate impugnatur Tolandus in Orig. Judaicis §. X. pag. 128. seq. eam  
 comparans cum iis, quae refert Strabo Geogr. Lib. XVI. pag. 1104.  
 Edit. Almeloveenii, ubi dicit, locum, ubi condita est Hierosolyma,  
 esse saxosum, aquis quidem abundantem, cum regio circum sterilis ac  
 sicca esset, & intra sexaginta stadia etiam solum habeat lapidosum  
 inferne (Ἰνfernῶν). Ex hoc Strabonis loco hanc format conclusionem  
 homo impudentissimus: Strabonica Judaeae descriptio cum hodierno  
 situ & soli statu ab omnibus juxta Peregrinatoribus observatis,  
 optime concordat; etsi immensum recedere videatur a Pentateu-  
 chi scriptore, qui eam ut frugum feracissimam, ac lacte & melle  
 (sive rerum omnium necessariarum copiam) fluentem exhibet; quae,  
 si non figurate cum plerisque accipienda, ut animus tamen &  
 calcar adderetur occupaturis, per avia jam longo tempore & de-  
 via errantibus (quorum respectu Paradisus certe dici potuit Ju-  
 daea) sic repraesentari omnino necesse fuit, quod prudentissime  
 pariter factum. Verum observandum 1<sup>o</sup>. Strabonem tantum loqui  
 de locis Hierosolymae circumjacentibus, non vero de tota Regione Ju-  
 daica; uti ex ipsissimis ejus verbis manifestum est; caeteroquin etiam  
 sibi ipse contradiceret, cum pag. 1106. de Hierichunti adjacente pla-  
 nitie, & pag. 1095. de regione Gennesaritico lacui propinqua teste-  
 tur, eas fertilitate fuisse insignes: quod etiam conspirat cum Plinii  
 Hist. Nat. Lib. V. Cap. 14, 15. & 17. & Lib. XII. Cap. 25. Ta-  
 citi Hist. Lib. V. Cap. 6. aliorumque veterum narrationibus, quas  
 collegit Fayus contra Tolandum, in defensione Mosi & Gentis Ju-  
 daicae Cap. V. Vid. etiam Relandi Palaestina Lib. 1. Cap. 57. 2<sup>o</sup>.  
 Strabonem quaedam immiscuisse, quae apertissime sunt falsa, adeo.  
 quae fidem ejus comparari non posse cum illa, quae Mosi debetur; refert  
 E. Gr. Mosem bonos homines (Judaeos) deduxisse in ea loca, ubi  
 nunc condita sunt Hierosolyma, quod factum fuit a Josua; idque non  
 facile, uti perhibet, sed post plurima eaque sanguinolenta bella 3<sup>o</sup>.  
 ex hodierna Palaestinae facie nullam conclusionem elici posse ad pri-  
 scam ejus constitutionem; post tot seculorum lapsum, post tot vastatio-  
 nes,

nes, quae, dirigente divina providentia, illis regionibus ob sapientissimas & iustissimas rationes acciderunt, necessario status istius terrae plurimas mutationes subire debuit, quae hodie est irae divinae monumentum; licet plurima exhibeat antiquae fertilitatis vestigia ac quasi rudera. Nec in aliis historiarum monumentis desunt exempla regionum olim fertilissimarum, quae hisce temporibus steriles sunt & incultae jacent: hoc de pluribus locis Asiae minoris, Italiae & Hispaniae adfirmare licet. Quis quaeso, hodiernam Thessaliae nunc Turcarum imperio subjectae ac proinde parum cultae faciem considerans, nisi ad fide dignissima Veterum testimonia attenderet, a se impetrare posset, ut credat, eandem illam regionem olim non tantum fertilissimam se & sua amoenitate celeberrimam fuisse. Ab altera parte dantur regiones olim incultae, quae nunc, versa fortuna locorum, proventibus sunt divites.

- (354) Hoc pulcre demonstratum fuit a Koechero in *Dissert. qua continetur Historiâ Christi ex scriptoribus profanis eruta & demonstrata*, quae habetur inter varias *Dissertationes*, quas operi laudatissimo H. Grotii adiecit. pag. 293. seqq. Evidentissimus & notatu penitus dignus foret locus Josephi *Antiq. Jud. Lib. XVIII. Cap. 4.* cujus etiam meminit in seqq. Cl. Buddaeus (ubi de Jesu loquitur, qui ipsi dicitur *σοφὸς ἀνὴρ, ἡγεμὼν αἰσίου λόγου καὶ ἐξουσίας* &c. &c. vir sapiens, si modo virum eum fas est dicere, &c.) & paucis interjectis, addit: ὁ *Χριστὸς ἦν* &c. Christus hic erat, &c. nisi a variis Viris doctis dubitatum fuisset, an non sit adulterinus, quam quaestionem erudite pertractavit laudatus Koecherus l. c. pag. 297--308. conf. Fabricius in *Delectu Argum. Cap. 2. pag. 135—141*: & *Biblioth. Graecae Lib. IV. Cap. VI. §. 5.* five *Tom. III. pag. 237.* seq. Huetius *Dem. Evang. Prop. III. Tit. XI. seqq.* Attamen, quantum mihi perspicere datum est, argumenta eorum, qui genuinum esse putant locum huncce Josephi, inter quos etiam Cl. Auctor numerandus, majoris sunt ponderis, quam quae in contrarium adducuntur; & licet forte non omnes scrupulos removerit Huetius, qui injecti fuerunt a Tan. Fabro in *Epistola ad Joannem Chabrotium Lib. 1. Epist. 44.* & post eum a Clerico *Art. Crit. Part. 3. Sect. 1. Cap. 14. §. 8.* seqq. praesertim §. 13. seq. attamen non mirum, quod Iustinus Martyr, Tertullianus & Cyprianus hocce loco contra Judaeos non fuerint usi; cum exigui esset ponderis Josephi, qui semi-apostata habebatur, apud eos auctoritas; dum alii Ecclesiae Doctores ad hoc testimonium provocarunt diligenter, uti Eusebius, Hieronymus, Sozomenus, Cassiodorus & plures alii. Conf. omnino Liptienenses in *Ad. Erud. Supplem. Tom. IV. pag. 245-255.*

(355) Optimo consilio & successu Cl. Witius l. c. §. 9. segg. defendit Apostolos contra iniquas criminationes Orosii, qui eos depinxerat ut ambitione turgidos, ut viduum Evangelii praedicatione quaeerentes, qui facile eo devenire potuerunt, ut, honorum, aut commodorum spe allekti, Historias Evangelicas finxerint. Honores sibi ex periculo suo ministerio polliceri non poterant, si de divinitate sui Magistris, qui plurimas calamitates, plurimaeque opprobria ipsis praedixerat, non fuissent convicti. Neque divitiarum spe allekti Evangelium annuntiarent, cum omnia, quae collegerant, quaeque ex venditione liberali bonorum proveniebant, distribuerent inter pauperes, prout cuique erat opus; & ut omnem suspicionem a se amoverent, acsi lucri cupido esset suorum moliminum incitamentum, substituerunt septem Diaconos ab ipso coetu eligendos. Imo summo jure quaerit Witius l. c. §. 13. Ullusne ex omni hominum memoria monstrari poterit Historicus, qui, ad fidem narrationi suae adstruendam, tantum unquam cruciatuum subire animum induxerit? nunquam certe latebras quaesiverunt, quibus, cum praejudicio veritatis, se adversus Procerum persecuciones & crudelitatem abderent; nunquam trepide, aut dissimulantem egerunt, ubi Evangelium vel apud Judaeos, vel apud Gentiles erat annuntiandum, eorundemque crimina ipsis ponenda erant ante oculos.

(356) Miracula Christi agnita fuerunt ab ipso Josepho l. c. & licet vocabula: *ἱερεῖς ἱεροὶ καὶ ἱεροὶ* (n. 354.) nonnullis per pias, ut appellantur, Christianorum fraudes inserta videantur; non tamen priora illa (erat Jesus mirabilium patrator, & doctor eorum, qui libenter vera suscipiunt, plurimosque Judaeos & Ethnicos habuit sectatores) a Josepho profecta fuisse, facile negabitur. Ipse Julianus supposuit veritatem illorum miraculorum, sed eadem extenuare fuit conatus; dicit enim apud Cyrillum (quam post Witium l. c. §. 22. excitat ipse Auditor) Hic (Jesus) toto vitae tempore nihil admodum memoratu dignum egit; nisi quis claudos & coecos curare, & daemonio correptos adjuvare, in pagis Betsaida & Bethania, magni alicujus facinoris numero habeat. Conf. Koecherus in Dissert. laudata pag. 354. segg. Ditton *Kristelyke Godsdiensst betoogd door de Opstandinge van Kristus III. Deel X. Hoofdd. 10. Afd.*

(357) Nemo melius praeslantiam Doctrinae moralis, quae in Novo Testamento praefertim continetur, ejusque utilitatem, necessitatem, atque defectus Ethicae Gentilium Philosophorum evidentius demonstravit, quam Vener. Leland the advantage and necessity of the Christian Revelation Tom. II. passim. Si vel duas Orationes Paulinas confide-



remus solas, quales occurrunt Aët. XIV. & Cap. XVII. statim deprehendimus, quot parasangis doctrina Evangelica, quatenus etiam illa continet, quae ratio naturalis non quidem detegit, sed capere potest, post se relinquat non cohaerentia & passibus ambiguis errantia Gentilium Philosophorum dogmata. Conf. la vérité de la Religion Chrétienne par Turretin Sect. IV. Chap. 4. suiv. ut plurimos alios taceam, quorum catalogum dedit Fabricius Delect. Argum. Cap. 24. seqq. praesertim Cap. 30. Cap. 32. seqq.

- (358) *Mysteria sunt veritates ex principiis rationis non demonstrabiles, quae Revelatione patefieri debent, atque ab illis, quas mens humana cognoscit esse necessarias & immutabiles, diversae, non tamen iisdem oppositae; igitur supra rationem sunt, non contra rationem, licet haec distinctio displicuerit quibusdam ad Scepticismum proclivioribus.* Vid. Baile Dict. Crit. in V. Marcionites, Origene, Pauliciens, Hoffman lit. C. Plures esse Deos, Deum contradictoria simul vera reddere posse, est contra rationem; Deum esse triunum, secundam Deitatis Personam (uti loquuntur Theologi) sese junxisse cum natura humana, ita ut cum hac unam Personam constituerit, est supra rationem. Deus autem in hominibus accendens rationis lumen, sibi non ademit facultatem alias veritates iisdem manifestandi per vias extraordinarias, ad quas pertingere non poterat ratio, & circa quas nulla alia adfert eadem illa ratio adjumenta, quam examinando characteres Revelationis, in qua veritates illae sunt propositae; in hoc igitur Dei veracissimi testimonio est acquiescendum, & ab absentia, imo ab impossibilitate clarae cognitionis in nostro intellectu ad rei negationem non valeret consequentia. Recte igitur Verulamius de Augmento scientiarum Lib. 9. in initio: Si ea duntaxat credamus, quae sunt rationi nostrae consentanea, rebus assentimur, non Auctori; quod etiam suspectae fidei testibus praestare soleamus. Vid. Witius Miscell. Sacr. Tom. 2. pag. 582-597. de Vries Exerc. Rat. pag. 475-506. Turretin Diss. Theol. Vol. 1. pag. 51. seqq. conf. Bruckerus Hist. Crit. Philos. Tom. 4. Part. 2. pag. 270. seq. Hollman in Proleg. Logicae praemis. §. XXXI. pag. 44-48. Crusii Opuscula Theolog. Philos. pag. 295-356. Fabricius in Delect. Argum. Cap. 22. la Defense de la Religion Tom. 2. pag. 447-463.

- (359) *Vid. Cl. Auctoris Theol. Dogm. Lib. 1. Cap. 1. §. 28. conf. Stapfer Theol. Polem. Tom. II. pag. 859. seqq. & pag. 895. seqq. Bernard de l'excellence de la Religion Liv. II. Chap. V. suiv. Defense du Christianisme par de Roches Tom. II. pag. 1-24.*

(360) Summo jure ingens Christianorum numerus sollicitus fuit de demonstranda veritate ac certitudine resurrectionis Christi; cum merito dixerit Paulus 1 Cor. XV: 14. Quod si Christus non est resuscitatus, vanum est praeconium nostrum, vana etiam est vestra fides. Adum agerem, si eorum, qui momentosissimam hanc veritatem defenderunt, catalogum exhibere, aut eorum rationes in compendio exponere vellem. Vid. Fabricius *Delect. Argum.* Cap. 44. Leland *View of Deistical Writers* Epist. XI. Koecherus ad Grot. de *Verit. Relig. Christi.* Lib. II. Cap. VI. Stapfer *Theol. Polem.* Tom. 3. pag. 225-260. Principia *Relig. Nat. & Revel.* Tom. II. pag. 396-426. ut plurimos alios taceam, quorum scripta memorantur apud Fabricium, inter quae eminet supra (n. 356.) memoratum Dittoni opus eximium, in quo non tantum veritatem hujus dogmatis, sed etiam ejus fructus uberrimos exponit 1. D. 2. H. en 3. D. 12. en 13. H.

(361) Vid. ea, quae notavi n. 157.

(362) Vid. ea, quae supra dixi n. 286. Si Moses inter impostores fuisset numerandus, qui sibi auctoritatem conciliare studebat, atque imperium adferebat in Israëlitas, longe alio modo sese debuisset gerere; propria commoda publicae utilitati anteposuisse, adulatione captare allaborasset suorum popularium benevolentiam, suos dissimulasset errores & peccata; quorum omnium contrarium reperitur in historia Mosaica: alto silentio premit vitam suam aulicam, & gloriam inde nascentem; in propriam familiam invehitur, inque eam animadvertit vehementius; quin imo eam de se ipso instituit narrationem, ut si ab alio fuisset profecta, invidiose videretur scripta; cum in se laudando fuerit parcus, in reprehendendo severus, ubique utens sermone simplici & ingenuo, & minime dissimulans labem familiae suae ex caede Sichemitarum iniustam; una cum maledictione in Levi pronuntiata a Jacobo morti vicino. Vid. omnino Principia *Relig. Nat. & Revel.* Tom. 2. pag. 121. seqq.

(363) Vid. ea, quae notavi n. 150.

## §. V I I.

Divina denique Scripturae sacrae auctoritas tum ex ipsius doctrinae, quae in ea proponitur, origine, veritate, sufficientia, tum ex aliis argumentis tam evidenter elucescit, ut, qui eam agnoscere nolunt, nihil aliud agant, quam ut animum

mum ad repudiandam veritatem obfirmatum prodant. Nec; quae in contrarium adferri possunt, argumenta tanti sunt, ut vim & robur immotum eorum, quibus divina haecce Scripturae auctoritas demonstratur, infringere aut labefactare queant. \* (364)

\* Cum de argumentis, quibus divina Scripturae sacrae auctoritas atque *veritas* probari queat, sumus solliciti, ea intelligimus, quibus fides, quam vocant, humana progignitur. Fides enim divina ex Spiritus Sancti testimonio, quod fideles per ipsam Scripturae sacrae efficaciam, quando haec in illorum animis, illuminando eos, atque convertendo, sese exerit, sentiunt, oritur. (365) Hanc vero ab Atheis frustra postulaveris, quippe qui verbum divinum repudiando atque contemnendo, vim ejus atque efficaciam sentire nequeunt. Interim ea, quae humanam fidem progignunt, ita comparata sunt, ut recte intellecta & junctim sumta, firmissimae aequipollere demonstrationi merito censeantur. Omnia autem edisserere aut copiose explicare, instituti ratio non patitur; praecipua saltem, eundo per summa rerum capita, indicabimus. *Primum ipsa doctrinae*, quae in Scriptura sacra continetur, origo suppeditat: ejus enim summa cum eo redeat, quod homini per primorum parentum lapsum in summam miseriam detruso, via ad salutem per Messiam iterum pandenda sit, ejusmodi quidem hoc est, ut ratio haec ignoret, nec tamen, haec ita se habere, negare queat. Sunt enim bonitati & justitiae divinae plane consentaneae. Ab ipso itaque Deo cum istud miseris mortalibus revelatum sit, nullum etiam est dubium, quin Scriptura, quae revelationem hanc proponit, Deum auctorem habeat. (366) *Alterum argumentum* Scripturae sacrae *veritas* praebet: nec enim ullius erroris aut qua facta, aut qua dogmata, convinci potest; id quod cum ad §. *praecedentem* evidenter demonstratum sit, ut hic id repetamus, necesse non est. Namque, quod de religionis Christianae veritate ibi diximus, id de Scripturae sacrae veritate procedit; quam summam & admirabilem prorsus esse, tamdiu firmiter credimus, donec evidenter probetur contrarium. Cujus argumenti vim & efficaciam ut eo rectius intelligamus, probe observandum, nullum unquam etiam a sapientissimo mortalium elaboratum esse scriptum, quod non (nisi ex ipsa Scriptura desumptum sit) errores quosdam, falsasque opiniones, contineat. Vel praestantissimorum Philosophorum, Platonis, Aristotelis, & inter Latinos Ciceronis, exemplo hoc patet. In humanis itaque viribus cum positum non sit, scriptum aliquod, quod omnis erroris expertum sit, praesertim in rebus tam magni momenti, componere, sequitur utique, pro divino illud habe-

habendum, in quo veritas ubique ita sibi constat, ut ne minimus quidem error locum inveniat. (367) Accedit porro, quod *tertium* simul argumentum erit, *consensus* mirificus atque *harmonia* tot scriptorum, qui libros biblicos ex instinctu Spiritus Sancti composuerunt. Cum enim vix unus homo, quantumvis sapiens sit & eruditus, sibi constet, raro admodum autem duo aut tres de uno eodemque argumento scribentes prorsus inter se consentiant, divini fane operis certissimum est indicium, si tot homines, temporum, quodammodo etiam locorum, intervallo a se invicem remoti, in doctrina salutis, quam proponunt, tam mirifice inter se conspirent, consentiantve. Cujusmodi consensionis exemplum cum inter humanos scriptores non extet, divina Scripturae sacrae auctoritas recte inde evincitur. Sed *quarto* loco etiam *sufficientia* Scripturae hic est commemoranda. Plenissime enim, quae hominibus ad salutem consequendam necessaria sunt, exhibet. Quae enim de miseria humana, ejusque origine & profunditate, itemque de ratione per fidem in Christum inde eluendi, seu unico salutis obtinendae medio, cognitu sunt necessaria, ratio aut plane ignorat, aut admodum obscure cognoscit. Eadem ipsa vero ratio evidenter cognoscit, bonitati divinae consentaneum esse, medium aptum & convenientis justitiae divinae, hominibus suppeditare, per quod liberari a peccatis ac a calamitatibus omnibus queant. Cujusmodi medium cum divina revelatio, quam Scriptura sacra sistit, nobis exhibeat; & sufficienter, quae de his omnibus scitu sunt necessaria, tradat, eam a Deo ipso profectam esse, sua sponte inde sequitur. Erudite & copiose hoc argumentum tractat VINCENTIUS PLACCIUS, in *fructu pleniori Philosophiae moralis*. *Quinto* nec illud praetermittendum, Scriptores sacros earum imbecillitatum, quas in aliis scriptoribusprehendimus, prorsus immunes esse. Nec enim, quod aliis scriptoribus solenne, eos aut voluptati, aut ambitioni quicquam dedisse,prehendimus, aut gloriae cupiditate inductos ad scribendum accessisse; sed unice hoc eos magno studio, omnique conatu egisse, ut ad veri Numinis agnitionem, pietatisque studium, mortales perducerent. Immo, quod *sexto* notari poterat, scriptorum biblicorum indolet atque adfectus, a genio & adfectibus aliorum scriptorum adeo differunt, ut nulla ratione conveniant, cum illi perpetuum velut bellum ambitioni, voluptatis cupiditati, aliisque vitiis indixerint, nec ullum illicitae cupiditatis vestigium reliquerint, quod profecto de nullo scriptorum Gentilium, quantumvis cautus aut sapiens fuerit, dici temere poterit. Praeterea Scriptura sacra, quod *septimum* argumentum erit, de rebus plurimis nos informat, quas, sine ea si essemus, plane ignoraremus; quo ipso & plurima solvit dubia, & rationem in rebus maximi momenti, certam animi, scientiam tranquillitatemque consequendi, nobis suppeditat.

O o o

Quod

Quod cum nullum scriptum humanum efficiat, aut efficere queat, divina iterum Scripturae sacrae inde elucescit auctoritas. Hoc ut eo rectius capiatur, juvabit primo phaenomena omnia, de mundi rerumque omnium speciatim hominum, origine, deque origine mali, de inventione & propagatione artium & scientiarum, de linguarum diversitate, & quae reliqua sunt ejusdem generis, proponere; simulque Historicorum, & Philosophorum veterum, de his omnibus sententiam perquirere. Tum sane deprehendemus, Historicos de hisce omnibus nihil certi tradidisse; Philosophos autem, dum principium aliquod, quod hisce phaenomenis omnibus solvendis explicandisque sufficeret, excogitare voluerunt, in absonas quasvis atque ridiculas incidisse opiniones, dum aut cum Aristotele mundi, prouti est, aeternitatem defenderunt, aut cum Epicuro, homines fungorum instar ex terra erupisse, asseruerunt, aut simile quid, quo ignorantiam suam, mentisque imbecillitatem proderent, commenti sunt. Si contra ea assumas, quae Scriptura sacra suppeditat, de his omnibus principia, cuncta, quae se offerunt, phaenomena, tam apte, tam concinne solvi & explicari possunt, ut nullum remaneat dubium, simulque fatendum, nihil convenientius ab ullo Philosophorum dictum, aut dici potuisse. *Octavum* argumentum vaticinia suppeditant, eorumque complementa. Totam Scripturam vaticiniis velut scatere, nullumque fere librum esse, Veteris praesertim Testamenti, qui non vaticinia quaedam contineat, notum est. Vaticinia etiam, seu rerum futurarum, & quidem contingentium, praedictiones, solum Deum auctorem agnoscere, luculenter ni fallor, supra evicimus. (368) Nunc id saltem addendum, duplici potissimum ratione ex vaticiniis, eorumque complemento, divinam Scripturae sacrae auctoritatem comprobari posse. Primo quidem, si ipse scriptor, cujus liber in Scriptura sacra extat, etiam simul vaticinia de rebus futuris ediderit, ut Esaias, Jeremias, alique Prophetae, & David Rex sanctissimus in Psalmis. Immo & ipse Moses non tantum aliorum vaticinia refert, ut Jacobi, *Gen. XLIX.* & Bileami, *Num. XXIV.* sed ipse quoque nonnulla praedixit, ut vel ex *Deut. XXXIII.* liquet. Eos enim, qui hac ratione se veros Prophetas demonstrarunt, etiam reliqua, quae scripserunt, ex divina inspiratione protulisse, non est, quod dubitemus. Quae tamen tum demum rite procedit ratiocinatio, si reliqua divinae inspirationis *negativa* conspirent. Ceteroquin enim fieri omnino potest, ut aliquis quaedam ex divina revelatione praedicat, nec tamen inde sequatur, omnia, quae idem auctor, etiam ex proprio motu aut instinctu scribit vel loquitur, esse *divina*. Deinde, totus ille contextus & ordo vaticiniorum rite expendendus, simulque considerandum, quo pacto omnia illa, quae ad oeconomiam regni gratiae in Novo Testamento instituendam pertinent,

nent, qua singulas partes, accurate fuerint praedicta, eventu omni rite comprobante. Hinc enim Euangelii, prout in Novo Testamento annuntiatum est, simulque totius doctrinae sacrae origo divina evidentissime elucescit, simulque Scripturae, quae ad eam hominibus manifestandam tota comparata est, auctoritas divina comprobatur. Hinc vero &, quid de *miraculis* censendum intelligitur, ex quibus merito *nonum* argumentum petitur. Per ea enim tum Moïsis, tum Christi & Apostolorum doctrinam confirmatam, eo minus dubitandum, quo certius est, & edita ab iis miracula, & sola Dei virtute ea edi posse, uti supra evidenter demonstravimus. (369) Ex divina autem ipsius doctrinae origine recte auctoritatem divinam Scripturae sacrae colligi, antea jam observavimus. Certe manifestatio doctrinae coelestis parum hominibus profuisset, nisi ab iis etiam litteris fuisset consignata, & ad posteros propagata, quos divina Spiritus gratia extra erroris constituit periculum. Quod cum divina bonitas, hominumque salus, requirat, quis dubitet, eum hoc fecisse? Ad haec omnia denique accedit singularis in stilo Scripturae majestas, & in modo proponendi *sermo*, adeo, ut nihil, quod Deo indignum sit, si modo cuncta recte intelligantur, & ad scopum specialem cujusque auctoris accurate attendatur, in Scriptura sacra deprehendatur. Quod eo magis iterum mirandum, quo plures fuerint scriptores, qui libros Scripturae sacrae composuerunt, ingenio quidem & dicendi generis diversi, sed in eo mirifice inter se conspirantes, quod nihil unquam scripserunt, quod non a scriptore *divino* scribi aut dici debuerit. Mitto reliqua ab alijs jam allata, qui hocce argumentum ex instituto tractant, quod Theologi facere solent, quoties de Scriptura sacra agunt, ex quibus speciatim laudandus AEGIDIUS HUNNIUS, in *tractatu, de sacro-sancta maiestate, auctoritate, fide ac certitudine sacrae Scripturae Propheticae & Apostolicae Veteris ac Novi Testamenti*; itemque JOANNES MUSAEUS noster, in *introd. in Theolog. part. II. cap. VI. pag. 458. seqq.* quibus ex Reformatae Ecclesiae doctoribus praeter alios addendus ISAACUS JAQUELOT, cujus non ita pridem, & quidem post auctoris mortem, prodit *Traité de la vérité & de l'inspiration des livres du Vieux & du Nouveau Testament*, Amstelodami anno M DCC XV. 8. conf. & JAC. ARPADIE, *de veritate & certitudine Religionis Christianae sect. III. cap. II. pag. m. 200. seqq.* Jam ad argumenta quod attinet, quibus Athei divinam Scripturae sacrae auctoritatem impugnant, cuncta eo redeunt, quod falsa quaedam, erronea, contradictoria, similiaque in ea sibi observasse videantur, quae cum divina ejus origine nullatenus consistere queant. Ad ea vero in specie descendere, & cuncta, quae hinc inde congerunt, diluere ac dissipare, cum integri voluminis res sit, adeoque nostri instituti non patiatur ratio, generatim saltem quaedam ejusmodi dispellendis infer-

vitura, observabimus. *Primo* quidem omnes, qui usum rationis non prorsus amiserunt, facile mecum consentiunt, iniquissimum esse, argumentis, certissimis, evidentissimis, praegnantissimis, ideo denegare fidem, quod dubia quaedam ac difficultates, ad caput insuper causae minime spectantes, occurrant, ex quibus tam promte nos expedire nequeamus. Res ipsa namque postulat, ut, si ejusmodi quid contingat, nostrae mentis potius accusemus imbecillitatem & agnoscamus ignorantiam, quam rejicere aut negare ea, quae sua luce radiant, & a sanae mentis homine rejici aut negari nequeunt. Eo magis vero, quod *alterum* est nostrae observationis caput, hoc aequitati est consentaneum, quod plerique Scripturae sacrae libri temporibus antiquissimis, in locis etiam a nostris remotissimis, & quae varias deinde mutationes subirent, fuere compositi; hinc & subinde ad ejusmodi circumstantias historicas aut geographicas respiciunt, quae nobis non possint non esse ignotae. In ejusmodi vero libris quid mirum, si quaedam occurrant, quae difficultate quadam laborant, minusque sunt expedita? Quam vero ineptum & prorsus absolum est, in ejusmodi dubiis Auctoris potius ineptiam aut negligentiam accusare, aut pugnas & contradictiones fingere malle, quam suam agnoscere ignorantiam! Accedit porro, quod Veteris Testamenti libri ejusmodi lingua scripti sunt, qua jampridem loqui homines desierunt, & in qua non alia monumenta, quam quae Scriptura sacra continet, ad nos pervenere. Ejus itaque linguae indolem genuinam, intimosque recessus perspicere, ut longe est difficillimum, ita certissimum, plurimas difficultates ex istius ignorantia oriri; quae statim cessaturae essent, si indolem geniunque ejus accuratius perspectum haberemus. Haec similiave qui rite & accurate secum expendit, difficultates omnes, quae hac in re oriri possunt, promte superabit. SPINOZAE autem, quas supra ad *cap. III. §. VII.* commemoravimus, rationes vix dignae sunt, quae in censum veniant. Prophetiam, futurorumque praedictionem, pro mera imaginatione haberi non posse, sed vim divinam arguere, abunde liquet ex iis, quae in praecedentibus hac de re disputavimus. Unde &, quae de Prophetis ipsis, stolidè non minus, quam blasphemè, pronuntiavit, sua sponte coruunt. Ineptum etiam prorsus est, quod in *tractat. Theologic. polit. pag. 29.* dicit, *Christum suas rationes opinionibus & principiis uniuscujusque accommodasse.* Nimirum, cum ad Phariseos verba faciens, dixit: *Si Sathanas Sathanam ejicit, adversus se ipsum divisus est, quomodo ergo stare potest regnum ejus? nihil, nisi, si SPINOZA credimus, Phariseos ex suis principiis convincere voluit, non autem docere, dari daemones, aut aliquod daemonum regnum, &c.* Sed fallitur homo impius, aliosque fallit. Sane, si vel inaxime Servator ex hypothefi concessa aliquando contra adversarios suos disputasset, inde tamen non-

nondum sequeretur, cum rationes suas opinionibus & principiis uniuscujusque accommodasse. Falsissimum autem est, Servatorem hic ex mente saltem ac hypothesi Phariseorum locutum, cum ex aliis Scripturae locis quam plurimis constet, & dari daemones, & eorum aliquod regnum esse. Quod porro de Apostolis dicit, eos in circumstantiis de resurrectione Christi fuisse deceptos, id itidem antea jam profligavius. Frivolum etiam prorsus est, quod loc. cit. pag. 339. scribit: *Longas Pauli deductiones & argumentationes, quales in Epistola ad Romanos reperiuntur, nullo modo ex revelatione supernaturali scriptas fuisse, concedo.* Discrimen enim facere debuisset inter revelationem, stricto sic dictam, qua Deus alicui ea revelat, quae prorsus ei ignota erant, & inter inspirationem, qua Deus ea, quae antea equidem nota erant, per inspirationem tamen, qua verba, qua rem ipsam suggerit, ut omne erroris periculum adimatur, taliaque Scriptores sacri proferant, quae pro verbis vere divinis haberi queant. Negari enim equidem nequit, Scriptores sacros talia quandoque protulisse, quae aliunde eis etiam nota erant, quaeve revelationem stricto sic dictam non requirebant; utpote quae ipsi viderant, audierant, ab aliis acceperant, aut iusta ratiocinatione & discursu quodam, ex veris principiis deducebant, colligebantque. Quae enim Moses, quae Josua, de rebus sui temporis litteris consignarunt, maximam partem non modo viderant, sed ipsimet etiam gesserant. Matthaeus atque Joannes testes *ἀποστόλοι* illorum fuerunt, quae de Christo litteris consignarunt. Unde & Joannes dicit: *Quod fuit a principio, quod audimus, quod vidimus oculis nostris, quod & spectavimus, & nostris ipsis manibus tetigimus (de sermone vitae loquor, qui vita patefacta est) id, inquam, & vidimus & testamur, &c. 1 Joan. I: vers. 1, 2.* Pari ratione & Lucas, de rebus Christi servatoris ea scripta esse, litterisque consignata testatur, quae tradiderunt, qui ab initio & spectatores & administratores rei fuerunt, cap. I. vers. 2. Nihilofecius, etsi haec quae viderant, audiverant, aut alia ratione sciebant Scriptores sacri, illis nota erant, Spiritus tamen sanctus ea omnia, qua verba, qua rem ipsam, illis suggererat, ne ulla in re fallerentur, & ut ita Scriptores vere *ἀποστόλοι* dici possent. (370) Et haec etiam ratione intelligendum, (ut hoc *οἱ ἱεροὶ* moneam) quod alicubi scripsi, Scriptores Novi Testamenti nonnulla ex cabbala pura, seu doctrina Catechetica Judaeorum veterum accepisse; seu quasdam oraculorum Veteris Testamenti interpretationes allegoricas, apud Judaeos jam ceteroquin receptas adhibuisse, & more in gente Ebraea recepto excogitasse, tom. I. observat. Hallens. observat. I. §. VIII. pag. 10. Intelligendum namque hoc est, ut res ipsa docet, salva *ἡλικία*. Etsi enim de rebus quibusdam aut ex Theologia Judaica, aut experientia, vel sensuum testimonio notis, scribebant, haec omnia tamen acque



ac discursus, quos ipsi formabant, & ratiocinationes, Spiritus Sanctus, qua verba, qua res ipsas, illis suggererat. Interim ipsis Scriptoribus, ceu causis secundariis, hic actus cogitandi vel excogitandi, ratiocinandi, differendi tribui potest, & subinde etiam solet, ut tamen causa primaria, seu Spiritus Sancti inspiratio, non excludatur, sed supponatur. Reliqua, quae SPINOZA, & cum eo THOM. HOBBIUS, & ISAAC PERRIERUS contra Scripturæ sacrae auctoritatem, adferunt, eo redeunt, quod multa falsa, erronea, contradictoria, contineat, quodve Moses ipse non sit auctor Pentateuchi, & quae reliqua sunt ejusdem generis; ad quae quid generatim respondendum sit, jam antea indicatum; speciatim vero istorum hominum Sophismata profligavit PETRUS DANIEL HUETIUS, in *demonstratione Evangelica*, & qui nuper diligenter hac in re versari coepit, vir clarissimus, JOAN. GOTTLOB CARPZOVIVS, in *introductione ad libros historicos Bibliorum Veteris Testamenti*, &c. In contradictionibus apparentibus solvendis jampridem operamque studiumque collocarunt Scriptores harmonici, ut MICHAEL WALTHERUS, in *harmonia Biblica*, qui tamen aliis multa adhuc rectius monendi reliquerunt occasionem: nonnulla etiam AUGUSTUS PFEIFFERUS, in *dubiis veteris*, & alii ejusdem generis Scriptores, attingunt.

- (364) *Divina Scripturae, quam nos cum omnibus Christianis sacram dicimus, auctoritas & origo a tot celebrioris nominis Theologis solidissime fuit demonstrata, ut non tantum argumenta pro hac momentosissima veritate militantis in compendio exhibere longum foret atque difficile, verum etiam catalogum eorum recensere, qui egregia hic praestiterunt, nimium a scopo abduceret: Magnam eorum seriem dedit eximius Fabricius in Delect. Argum. Cap. 26. quibus plures recentiores posset adjici, si tale quid pateretur instituti ratio; imo id ipsum eo minus necesse judico, quia contra Atheos pugnandum, non vero contra Naturalistas (qui plerumque Deistae dicuntur) licet a Naturalismo facilis quandoque ad Atheismum sit transitus, & utrumque monstrum ab iisdem saepe genitoribus procreetur.*

- (365) *Probe hic notandum, Spiritus Sancti testimonium, ejusque illuminationem rationali hominum indoli semper esse convenientem; non vero per illam, vires intellectus naturales superantem, operationem hominem converti in machinam ratione carentem; potius facultates mentis naturales perficiuntur, pelluntur ignorantiae & praejudiciorum nebulae, ut mens serenata testimonii divini evidentiam vividissime sentiat, eoque plenissime vincatur. Sic Dei Spiritus non utitur bruta vi, sed persuadendo agit; ast veri nominis persuasio absque rationibus persuadentibus dari potest nulla; caeteroquin veram persuasionem a som-*  
niis

niis Enthusiasticis discernere non liceret. *Vid. omnino Cl. Piſſet la Theolog. Chret. Liv. 1. Chap. 17.*

- (366) *Videbitur forte, acſi minus recte Cl. Auſtor ſua diſpoſuiſſet ratiocinia; quatenus auctoritas divina S. S. demonſtrari non poteſt ex doctrinae, quae in ea continetur, origine, niſi alia argumenta vocentur in ſubſidium: tota enim quaefſtio in eo verſatur, an Revelatio divina detur, ſive an detur doctrina, quae a Deo eſt revelata, & an haec contineatur in illis libris V. & N. Teſtamenti, qui a Chriſtianis habentur Canonici; ideoque primo loco eſt demonſtrandum, res illas, quas memorat Auſtor, veras ac Deo dignas eſſe, easque ad ſalutem eſſe neceſſarias, & denique, eaſdem a nullo ente finito, ſed a ſolo Deo potuiſſe manifeſtari: humani ingenii vires perſtingere non poſſe ad originem mali moralis indeque profluente miſeriae, in hoc mundo obſtinentis, multo minus ad cognitionem iſtius viae unicae, qua homo in peccata lapſus cum Deo reconciliari poteſt & debet, ſatis eſt evidens; cum Gentiles, ab hoc lumine deſtituti, licet caeteroquin perſpicaciſſimi, in meris tenebris erraverint, cumque etiam nunc, poſtquam haec patefacta fuerunt, hebeſcat mentis noſtrae acies, ſi lapſus & redemptionis circumſtantias earumque modum ſtudeamus perveſtigare; verumtamen ratiocinia Cl. Buddei non ita ſunt capienda, acſi quodlibet eorum rem conficeret; ipſe ſatis innuit, quod firmiſſimae demonſtrationi tum demum acquiſſeant, quando junctim ſumuntur: ſed ſagacitatis eſt, argumenta, quae totalem quaeſ demonſtrationem debent conſtituere, ita ordinare & diſponere, ut omnium maximam habeant efficaciam in convincendis Naturaliſtis.*

- (367) *Non tantum ea, quae per Revelationem veritatibus naturae lumine cognitae fuerunt ſuperaddita, non pugnant cum rationis placitis (n. 358.) verum etiam illa, quae ante de Deo rebusque divinis innotuerant quodammodo, longe clariora evaſerunt, poſtquam vividius hocce lumen adfulſit; ita ut ipſa Theologia Naturalis in formam ſyſtematis redigi non potuerit, antequam per Sacrae Scripturae doctrinae errorum nebulae eſſent fugatae (n. 347.). Quin imo ipſae illae veritates, quae per rationis vires nec inveniri, nec inventae per eaſdem demonſtrari poſſunt, undique cohaerens ſyſtema conſtituunt, licet annuntiatæ fuerint per viros indoctos, & ſimplices, qui magnam partem ſyſtemata mutila & abſurda veterum Philoſophorum non intelligebant, neque novo ſyſtemati excogitando erant apti.*

- (368) *Vid. ſupra §. 4. hujus Capituli, collatis iis, quae notari n. 334. ſeqq. & n. 339.*

(369) *Vid. ea, quae supra proposui n. 342. & 343. Miracula certe non directe demonstrant, libros, in quibus enarrantur, divinae esse originis & auctoritatis; scripta etiam ab aliis hominibus parata, qui divino Spiritu non fuerunt adflati, miraculorum historiam, eamque verissimam potuerunt continere: sed divinae originis & auctoritatis debet esse doctrina, quae in omnibus conspirat cum dogmatibus eorum, qui miracula a se, vel potius ab ipso Deo in ipsorum gratiam patralis indicia praebebant omni exceptione majora, quod ab ipso Deo essent missi; quatenus Hic, pro sua sanctitate, beneficentia, & veracitate, testimonium publicum praebere non potuisset hominibus, qui vel falsam, vel per rationis vires facile a quolibet eruendam demonstrandamque doctrinam praedicabant: in quo casu miracula, sive ejusmodi testimonia forent vel damnosa, vel superflua. Miracula igitur indirecte probant divinam auctoritatem Librorum sacrorum, cum indirecte demonstrent veritatem doctrinae, directe vero divinam legationem eorum, qui verissimam illam doctrinam annuntiabant, quae rigidissimum rationis examen sustinebat, divinis perfectionibus convenientissima, quaeque, novas aperiens veritates lumine rationis incognitas, cognitae quasi in vividiori luce ponens, veram salutis & reconciliationis viam monstrabat illis, qui supremi Judicis erant laesores & inimici, quique, sibi relictis, & hac doctrina non illustrati, viam illam invenire potuissent nunquam. Non autem heic loci contra ingeniosissimum in sua damna J. J. Rousseau disquirere lubet, an Miraculis necessario indigeamus, ut fides adhiberi possit doctrinae Evangelicae; haec ipsa sese ab omni parte commendat, ita ut veritas ejus etiam aliis modis magisque directe demonstraretur, sepositis tantisper miraculis, divinae missionis testibus indubiis. Neque nunc morabor impietatis plenas comparationes, quas periculosissimus Auctor (Lettres ecrites de la Montagne pag. 89. juiv. Edit. d'Amsterd.) instituit inter miranda quaedam experimenta Physica & inter Miracula, quibus se ab ipso Deo missos esse docuerunt Viri sancti: ipsius conscientia facile eum convincet, quanta detur differentia inter phaenomena, quae mira apparent, quia eorum originem cognoscimus una cum modo, quo eorum causae operantur; & inter facta, quae leges naturae nobis cognitae transgrediuntur manifestissime, conf. n. 343.*

(370) *Non necesse est, ut statuamus, Dei Spiritum sacris Scripturis singula, quibus usi fuerunt, verba didicisse, quod innuere videtur Cl. Buddeus, quodque fufius exposuit in Theol. Dogm. Lib. 1. Cap. 2. §. X; sufficit, si nihil scripserint, nisi per directionem divinam Sanctique Spiritus operationem immediatam; ita ut ab omni errore immunes, & revelato lumine gaudentes, proprio stylo fuerint usi ad exprim-*

*mendas veritates salutare, plurima immiscentes utilissima, sed per rationis vires quodammodo cognita, cum revelatis arctissime connexa; imo talia quandoque inferuerunt, quae ipsorum res domesticas respiciebant, quaeque vix ullam ad res revelatas habebant relationem. Sic Spiritus Sanctus illis Scriptoribus non fuit usus tanquam brutis machinis, sed tanquam hominibus ratione praeditis, quorum intellectus a praejudiciorum & errorum nebulis erat defoecatus, quorumque voluntas virtuti ac pietati dedita erat reddita, quod ex illuminatione intellectus non profluere non poterat.*





## C A P. VIII.

SUPERSTITIO QUID ET  
QUOTUPLE X?

## SPECIATIM

DE IIS SUPERSTITIONUM GENERIBUS,  
QUÆ DIRECTE CIRCA NUMINIS  
CULTUM VERSANTUR.

Σύνοψις.

*A*theismum evitaturi, baud  
raro in superstitionem,  
ceu alterum extremum, pro-  
labuntur; superstitio quid?  
§. I.

*Discrimen inter superstitio-  
nem, & veram religionem,  
§. II.*

*Prima superstitionis species  
est, quae circa objectum*

*cultus divini aberrat, unde  
idololatria, crassior & sub-  
tilior, §. III.*

*Pertinet hic illorum quoque  
error, qui Deo ea tribuunt,  
quae ei non conveniunt;  
item, qui motus & instin-  
ctus naturales pro divinis  
habent; unde Enthusiasmus,  
§. IV.*

*Altera*

*Altera superstitionis species  
circa modum cultus divini  
versatur, idque ea primum  
ratione, ut nonnulli man-  
datum divinum se sequi exi-  
stiment, sed non recte illud  
intelligant, §. V.*

*Huc & illi pertinent, qui in  
sola Numinis cultu externo  
spem omnem salutis collo-*

*cant; unde religio superfi-  
ciaria, §. VI.*

*Uterius progrediuntur, qui  
 ipfimet colendi Deum quan-  
 dam rationem ſibi fin-  
 gunt; unde ἐθελοθρησκεία,  
 §. VII.*

*Quae circa ritus praecipue  
& ceremonias, occupatur,  
§. VIII.*

§. I.

Ut raro admodum homines in regia veritatis via, quae inter duo extrema media est, consistunt, ita in Numinis praecipue cultu hoc contingit, dum plurimi Atheismum evitaturi in contrarium currunt, \* Deumque equidem & credunt & colunt, sed perverse admodum, nec ea, qua hoc fieri debebat, ratione. Hinc *Superstitio*; quo nomine nihil aliud, quam praepostera atque perversa colendi Deum ratio, intelligitur. \*\*

• Atheismus & superstitio duo scopuli sunt sibi invicem e diametro oppositi, ad quorum alterutrum facile naufragium faciunt, qui non satis caute ac circumspicte incedunt. Non male JOANNES TOLANDUS: *Atheismus ergo & superstitio sunt veluti animorum scylla & charybdis. Sed extrema haec tam sunt evitanda, quam sequenda religio est, in medio sita; adeidsaemon.* §. XXIV. pag. 79. Satis quidem egregie, modo serio, & ex animi sententia, & non saltem ad fucum incautis faciendum ita dixisset. Eum enim revera superstitionem a religione non distinguere, sed utramque uno eodemque loco habere, ex dicendis patebit.

\* THEOPHRASTUS superstitionem ita describit: Ἀμίλην ἢ ἡνσιμαργίαν λέγουσιν εἰς αἰσχυρίαν πρὸς τὸ θαυμάσιον. Superstitionem sane definire possumus, metuculosum erga Numen adfectum; in characterib. morum, pag. 47. ISAACUS

CASAUBONUS ad h. l. observat, alios superstitionem ita definire : *ἡ δαιμόνιος ἢ φησὶν ἦν ἢ δαίμων*. Sed Theophrastus, inquit, voce *δαίμων* & deos, & daemones complexus est, & quicquid divinitatis esse particeps male sana putavit antiquitas. Addit porro: *Δαίμων* accipe metum alium ab eo, qui pios decet. Scite enim Varro apud Augustinum dicebat, Deum a religioso vereri, a superstizioso timeri. Recte quidem, cum reverentia Numinis seu timor cum amore conjunctus, & recta ratione innixus, pars praecipua sit verae religionis; uti contra ex metu servili vel puerili, ac irrationabili, superstitio, seu perversa Deum colendi ratio proficiscitur. Luculentius hoc ex infra dicendis patebit, cum de causis superstitionis verba faciemus. Ne autem causam superstitionis cum re ipsa confunderemus, eam per praeposterum ac perversum Numinis cultum definire maluimus, voce insuper nec stricte nimis, nec nimis late, sed in ea amplitudine accepta, ut omnes superstitionis species, deinceps enumerandas, complecteretur. Conjuncta etiam cum superstitione est *credulitas*, nisi & hanc inter causas ejus referre velis, quae & latius patet, cum & credulitas sine superstitione esse queat, ad varia quippe objecta sese extendens. (371)

- (371) Ex §. seq. & ex Cl. Auctoris Theolog. Mor. P. 2. C. 3. Sect. 1. §. 79. constare potest, definitionem, quam hic exhibet, non satis esse generalem; cum non tantum superstitio adsit, si verus Deus praepostera atque perversa ratione colatur, sed etiam quando a recto tramite aberratur circa objectum cultus; ita ut aliquid a Deo diversum cultu religioso prosequantur, aut rebus creatis plus virium attribuant homines, quam iis inest; adeoque haud male Superstitio definitur a Canzio *Discipl. Moral.* §. 611. tanquam cultus Dei spurius, qua quis vel falsa Deo attributa adsingit, vel ex veris, sed minus distincte ideoque confuse cognitis agendi motiva sumit, vel rebus extra Deum plus tribuit, quam revera virium habent, sub qua definitione quodammodo idololatriam comprehendere licet. *conf. n. 372.* Unde vero vocabulum superstitio fuerit ortum, indicare studuit Cicero loco cit. ab Auctore ad §. II. an rem acu tetigerit, non disquiram; longius saltem quaesita, etiam meris Grammaticis, videretur derivatio, nisi Ciceronem haberet Auctorem.

### §. I I.

Atque hinc quantopere *vera religio* & *superstitio* a se invicem differant, patet. Illa non alium, quam verum Deum, & ea quidem ratione, qua coli vult ac debet, colit; haec aut

aut aliud quid, quam verum Deum, aut alio saltem modo, aliaque ratione, colit. Illa immotis certisque nititur veritatibus, quas sanae mentis homo repudiare nequit; haec adfectibus pravis, figmentis, commentisque subinde ludicris, quae sanae mentis homo nunquam admiserit. Unde ratione omni se destitutos demonstrant, qui religionem cum superstitione confundunt, nec hanc ab illa differre, sibi aliisque persuadere annuntur. \*

- \* Eo diligentius, hoc, quod, ni fallor, luculenter exposui, observandum est, religionis & superstitionis discrimen, quod solennius est Atheis, haec inter se commiscere, & sub superstitionis nomine etiam religionem refutare atque traducere. Sane quidem non negaverim, Veteres quandoque religionis voce pro superstitione uti, ut cum T. LUCRETII CARUS, de *natura rerum lib. I.* dicit:

*Tantum religio potuit suadere malorum.*

Quae verba cum JOANNES TOLANDUS adduxisset, subiecit: *Ubi notandum est, religionis voce in plerisque auctoribus classicis non genuinam denotari pietatem, aut internum Numinis cultum, sed pro quavis absurdissima superstitione usurpari, (quod mille possemus demonstrare exemplis) ac maxime pro externis ritibus & ceremoniis; quo sensu idem Lucretius notari debet, quando dicit:*

*Religio peperit scelerosa atque impia facta,*

*adequidem. pag. 70.* Verum & illud certum est, minus accurate loqui, qui hac voce ita utuntur, quemadmodum alii caute & circumspiciente religionem a superstitione distinguunt. LUCRETIIUM autem hoc non facere, mirum non est, cum Epicuræis, utpote Atheis, omnis religio non nisi mera videri potuerit superstitio. Ceterum etsi TOLANDUS haec velut improbando referat, & subinde testetur, se religionis ac superstitionis discrimen agnoscere, revera tamen omnia saltem ad caliginem imperitorum animis offundendam pertinent. Cum enim non alium, ut supra jam demonstratum, quam ipsam naturam admittat Deum, quaenam quaeso ejus potest esse religio? aut nonne omnis religio revera vana & inepta, hoc est, mera superstitio ei videri potest? Sed, ut reliquis Atheis, ita & TOLANDO solenne est, vocibus ludere, simulque illudere lectoribus. Sapientiam namque, religionem, pietatem,



tatem, dum in ore habent, nihil aliud intelligunt, quam cognitionem rerum canfarumque naturalium, qua induratus animus omni metu, tum praesentium, tum futurorum, exsolutus, & ad omnes casus paratus sit, nec vacillet unquam, aut turbetur, eo, quod probe sciat, nihil esse, nisi naturale, nec contingere quicquam, nisi quod secundum ordinem naturae necessario contingere debebat. Paucis: talis juxta Atheos est vir pius & religiosus, in quem illud VIRGILII quaderet:

*Felix! qui potuit rerum cognoscere causas,  
Atque metus omnes & inexorabile fatum  
Subjecit pedibus, strepitumque Acherontis avari.*

*Georgicor. libr. II. vers. 415.* Atque hinc, qualis & TOLANDI, quam prae se fert, religio sit, intelligere licet, quam & ex callidae dissimulationis tenebris evolutam exhibet JAC. FAYUS, in *defensione religionis*, &c. part. I. cap. IV. pag. 25. seqq. Ceterum, quod diximus, nonnullos Gentilium, ex ipsis etiam Philosophis, religionem a superstitione rite discrevisse, id vel CICERONIS testimonio constat, qui & utriusque vocis veram originem simul nos conducit: *Cultus autem deorum est optimus, idemque castissimus, atque sanctissimus, plenissimusque pietatis, ut eos semper pura, integra, incorrupta & mente & voce veneremur; non enim Philosophi solum, verum etiam majores nostri superstitionem a religione separaverunt. Nam qui totos dies precabantur, & imolabant, ut sui sibi liberi superstites essent, superstitiosi sunt adpellati, quod nomen postea latius patuit. Qui autem omnia, quae ad cultum deorum pertinerent, diligenter retractarent, & tanquam relegerent, sunt dicti religiosi, ex relegendo, ut elegantes ex eligendo, tanquam a diligendo diligentes, ex intelligendo intelligentes. Hic enim in verbis omnibus inest vis legendi eadem, quae in religioso. Ita factum est in supersticioso & religioso, alterum vitii nomen, alterum laudis; de natur. deor. libr. II. cap. XXVIII. pag. m. 1224.*

### §. III.

Cum vero non una ratione a recto Numinis cultu homines aberrare queant, non unum quoque datur superstitionis genus. \* Primo autem loco merito illi commemorandi sunt, qui non verum Deum, sed ejus loco aliud quid, ut Solem, Lunam, ceteraque coeli Sidera, aut reliquas res creatas, vel  
ippos

ipſos etiam homines colunt. Quae ſuperſtitionis ſpecies *idololatriae* nomine venit, eſtiq; vel *crasſior*, cum quis directe & ipſa animi ſententia rebus creatis divinitatem tribuit, vel *ſubtilior*, cum quis indirecte & animi adfectu idem facit, amore, qui ſoli Deo debetur, ſe ipſum, vel alios homines, aut res creatas proſequendo, vel alia ratione. \*\*

\* Duplici potiſſimum ratione contingere poteſt, ut in Numinis cultu ſe perverſe gerant homines; primo, ſi circa *objectum* cultus religioſi, deinde, ſi circa *modum*, a recto tramite aberrant. Hinc omnia ſuperſtitionum genera ad duas velut claſſes revocari poſſunt. Si circa *objectum* aberraretur, *idololatria* inde oritur, quam nonnulli a ſuperſtitione diſtinguunt, hac voce illud vitium designantes, quo circa modum aberratur, quos etiam ſecutus ſum in *inſtitutionib. Theolog. moral. part. II. cap. III. ſect. I. ad §. LXXIX.* Hic vero vocem ſuperſtitionis in latiori, ut antea jam monuimus, ambitu ſumimus, prout omnem, quae in cultu Numinis conſpicitur, perverſitatem denotat, ſive ex *objecto*, ſive ex modo oriatur. (372)

(372) *Suam definitionem ita interpretatur Cl. Auctor, ut comprehenderet utramque ſuperſtitionis ſpeciem; verum ſi ſimpliciter dicatur, ſuperſtitionem eſſe praepoſteram & perverſam DEUM colendi rationem, nemo facile exinde colliget, cultum, qui non circa Deum, ſed circa objectum aliquod a Deo diſverſum verſatur, ſub eadem denominatione venire poſſe. Si quis Solem, Lunam, caeteraque coeli Sydera, aut reliquas res creatas colat, inſtar Numinum, omiſſo religioſo cultu veri Dei, dici non poteſt, perverſa ratione Deum colere; cum Eum penitus non colat, ſed, Ejus loco, entia bruta, ſaltem finita atque creata; licet ſe Numen quoddam colere ſibi perſuadeat.*

\*\* De origine, progreſſu, & praecipuis generibus crasſioris idololatriae, dictum a me in *hiſtor. eccleſiaſt. Vet. Teſt. ad per. I. ſect. II. §. XII. pag. 241. ſeqq.* ubi & auctores, qui hac de re ex inituito egerunt, laudavi. Nec perfunctorie obſervandum puto, quod ibidem luculenter, ni fallor, oſtendi, crasſiorem idololatriam a ſubtiliori originem trahere. Paucis autem, ſed *iuxta*, crasſiorem illam idololatriam deſcribit Gentium Doctior optimus Paulus, de Gentilibus aſſerens, eos *gloriam immortalis Dei ad imagines ſimiles hominis mortalis, & volucrum & quadrupedum, & ſerpentium tranſtuliffe, Rom. I: verſ. 23.* Sed ab iſta idololatria, cujus foeditatem & abſurditatem ipſa ratio facile intelligit, (quemadmodum & Philoſophi, ac qui ſapientiores fuerunt

inter

inter Gentiles, intellexerunt) liberata hodie per Dei gratiam magna orbis pars est, postquam religio Christiana a plerisque gentibus est recepta, etsi adhuc quaedam ejusmodi tenebris immergae hinc inde reperiuntur. (373) Inter ipsos vero Christianos, praesertim in Ecclesia Romana, non desse, qui non procul ab ista idololatria absint, constat, & alibi ex instituto docetur. (374) De subtiliori idololatria idem Gentium Doctor Rom. II: 22. eleganter loquitur: ἡ δὲ ἀπειροκαταστασία τοῦ Ἰουδαίου, ἡ ἐκείνου. Nimirum, qui sibi ipsis, aut sui causa, rebus creatis, ut avaritiam, ambitionem, volupratisque cupiditatem expleant, plus, quam decebat, tribuunt, quantumvis externam idololatriam de-testentur; revera tamen nihil aliud agunt, quam ut, quae Deo debentur, ei eripiant, omnique eum spolient honore ac veneratione. Jungenda, quae hac de re dixi, *institution. Theolog. moral. part. II. cap. III. sed. I. ad §. LXXIX.*

- (373) Vix dicere licet, Religionem Christianam a plerisque Gentibus esse receptam: hoc verum est de longe maxima parte Gentium Europaeorum, imo etiam pleraeque ditiones, quas Turcarum Imperator in Europa possidet, incolae habent Christianae Religionis addictos; sed in maxima parte Asiae dominatur Muhamedica, in reliquis regionibus Ethnica viget superstitio. In Africae regionibus Aegypto, Barbaria, Abyssinia, Nubia, Nigritarum Terrâ Muhamedica Religio dominatur. Ethnicismus viget in China, Japonia, in imperio Magni Mogolis, aliisque Asiae regionibus; in multis, praesertim mediterraneis & meridionalibus, Africae locis; in Americae pluribus regionibus, praesertim in Peruvia, Florida, nova Mexico, multi reperiuntur, qui crassiori idololatriae sunt dediti, & de Christo nihil unquam audiverunt, aut ad religionem, quae ab Illo nomen habet, non potuerunt perducere. Vid. de Beaufobre Introduction à l'étude de la Politique pag. 446-462.

- (374) Respicere videtur Cl. Auctor ad cultum religiosum, quo Ecclesia Romano-catholica prosequitur Mariam, Angelos, Sanctos, horumque reliquias: nimum vero est notum, quâ ratione Pontificii huncce suum colendi modum excusare conantur, quam ut heic loci exhiberetur & revocaretur ad examen: accedit, quod sacrificium Missae & Hostiae adoratio a plurimis inter Protestantes spectentur tanquam idololatria. Vid. Velthuysen Oper. Tom. I. pag. 417. seqq.

## §. I V.

Refferre ad hancce classẽ quodammodo & illos licet, qui per errorem, nimiamque credulitatem, Deo ea tribuunt, quae ei minime tribuenda erant. Nec illi tantum hic peccant, qui nonnulla de Deo sibi credenda putant, quae neutiquam a Deo, ut crederentur, sunt revelata, \* sed & qui instinctus motusque mere naturales, pro divinis habent; eo difficilius ab errore liberandi, quo gravius se admissuros crimen metuunt, si quae divina esse putant, ceu humana aut naturalia, rejicerent atque repudiarent. Uude &, quousque *Enthusiasmus* hic locum sibi vindicet, patet. \*\*

\* Ut vera religio sibi constet, non tantum circa objectum verum cultus religiosi versari debet, sed idem etiam objectum rite cognoscendum est. Nec enim verum Deum recte colere potest, qui eum non recte cognoscit. Deum autem non recte cognitum qui colit, eum perverse colit, adeoque & superstitionis reus est. Tam late autem haec superstitionis species patet, quam ipsa Dei cognitio vera extenditur. Plurima autem esse, quae homines a Deo sibi revelata esse, imaginantur, cum revelata non sint, exempla quotidiana, ut dogma de *transubstantiatione*, de *purgatorio*, similiaque, in Ecclesia Romana, sed alibi quoque, obvia, docent.

\*\* De Enthusiasmo, variisque ejus generibus, causis item & reliquis eo spectantibus, ex instituto dictum *institution. Theolog. moral. part. I. sect. V. §. XVIII. seqq.* quae ut hic repetamus necesse non est. (375) Eo minus autem ad superstitionem eum referre dubitavi, quod non tantum Deum perverse colant, qui hocce morbo laborant, sed quod plerumque fons & scaturigo multorum aliorum actuum sit, quibus Deus perverse colitur, & superstitio sese exerit. Intelligimus autem hoc de Enthusiasmo vere tali, sumta voce in partem deteriorem. Motus enim credentium vere divinos, aut Enthusiasmi aut Superstitionis nomine insignire velle summum foret piaculum. (376) Observandum hoc contra Atheos, similesque homines profanos, quibus vera & falsa, bona & mala, divina & naturalia, inter se confundere volupe est.

(375) *Conf. ea, quae observavi Cap. II. §. 5. n. 82. Consistit Enthusiasmus in persuasionẽ lubricis falsisque fundamentis nixa, Spiritum Dei in*  
Q 9 9  
*se*

*se agere immediate & modo supranaturali, sive per revelationes peculiares, sive per qualescunque impressiones in animo factas; licet id, quod in se experiuntur, nihil aliud sit, quam effectus mere naturalis ferventis imaginationis, aut vehementiorum animi adfectuum. Sic Enthusiastae Deo tribuunt ex errore & credulitate ea, quae ab Eo non proficiuntur, nisi quatenus nihil sit absque divina Providentia; atque adeo, cum non penitus injustam calumniandi ansam praebent Atheis ac Religionis verae irrisoribus, ingens detrimentum adferunt sinceris summi Numinis cultoribus.*

- (376) *Plerumque satis facile discernere licet motus vere divinos, qui in credentibus se exerunt, a superstitione Enthusiasticâ. Enthusiastae enim somnari solent, Dei Spiritum sine mediis, quae exhibentur in Revelatione, sine auditione verbi divini, homines ad se trahere, illuminare, salvosque facere. Sed Spiritus Sanctus in credituris intellectum illuminat, ignorantiae nubes, ac praejudiciorum nebulas efficacissime pellit, verbo Dei ejusque praedicatione utens, hominique persuadens de sua miseria, & de reconciliationis cum Deo necessitate; non veromentem rationalem agitat tanquam brutam machinam. Sic omnes illi motus suspecti sunt habendi, qui solidam veritatum salutarium cognitionem, & rationalem persuasionem de Religionis, quam profitemur, veritate non habent comites.*

## S. V.

In modo etiam verum Numen colendi, vel maxime superstitio sese exerit; idque iterum non una ratione. Interdum enim ipsum Numinis mandatum in ejus cultu se sequi homines existimant, per errorem tamen, falsamque imaginationem, non recte illud intelligentes, aut ultra, quam par erat, extendentes. Cumque leges divinae vel negativae sint, vel affirmativae, in utrisque quandoque superstitio campum amplissimum, in quo vim suam exerat, invenit. \*

\* Omnis equidem superstitio non Dei mandato, sed figmentis, vanisque ingenii humani commentis nritur. Interdum tamen contingit, ut species quaedam juris ac mandati divini adsit, quae in aliis generibus superstitionis deest, de quibus deinceps dicemus. Nunc ergo de ea superstitione loquimur, quae speciem quandam mandati divini habet, per

per erroneam legis interpretationem, aut indebitam ad ea, quae nec prohibita sunt, extensionem, idque tum qua omissionem, tum qua commissionem. Utriusque exempla passim prostant. Ad omissionem superstitionis referre licet illa Apostoli: *μὴ εἶναι, μὴ γένεσθαι, μὴ σῆναι*, *Coloss. II: 21*. Erant nimirum in primitiva Ecclesia, qui haud dubio ex superstitiosa Pharisaeorum schola, prodierant, qui sibi aliisque persuadebant, nefas esse, hoc aut illo ciborum genere vesci, quia a Deo prohibita essent; immo nefas esse, hoc aut illud attingere, ne quis pollueretur; sed legitimas quoque nuptias damnabant, & inter vetita referebant. Nimirum Deus equidem in Veteri Testamento certas de animalibus puris & impuris leges sanciverat, itemque de impuritate, quam quis ex cadaveris, aut alterius rei impuræ, contrectatione contrahere poterat. Hæc leges recte observabant ii, quibus datae erant, & quamdiu vim habebant obligandi. Sed, qui illas aliis etiam obtrudebant, easque observandas contendebant, cum earum obligatio jam cessaret, superstitionis rei erant. (377) Multo magis eodem crimine se obstringebant, dum nuptias a Deo prohibitas fingebant, quae tamen licitae erant; cujusmodi homines in veteri Ecclesia extitisse, ex *constitutionibus*, quas vocant, *Apostolicis* discimus: *τις ἐστὶν ὁ νόμος ὁ ἐν ἀποστόλοις, διαβάλλων τὴν ἀναιμότητα, τὸν γάμον, τὸν οἶνον, καὶ τ. λ.* *consimiles libros nunc quoque ediderunt inauspicati homines, calumniantes creationem, nuptias, providentiam, procreationem liberorum, &c. lib. VI. cap. XVI.* Sunt, qui putant, Apostolum, *loc. cit.* ad Pythagoracos, vel Gnosticos potius, qui ex Pythagorae schola quaedam acceperant, respicere, eo quod abstinencia ab esu animalium haud ultima pars disciplinae Pythagoraeae esset; vid. HUGO GROTIUS, atque HENRICUS HAMMONDUS, ad *h. l.* Quod minus equidem verosimile mihi videtur, cum, quae Apostolus adfert, Pharisaicam superstitionem satis aperte redoleant. Interim ipsa illa Pythagoraea ab esu animalium abstinencia, superstitionis ejusmodi, de qua hic verba facimus, exemplum praebet; ex hac quippe opinione orta, quod omnium inter se esset cognatio quaedam, & anima ex uno corpore in aliud transfret. Hanc enim istius rei causam, de abstinencia illa disserens, adfert SENECA: *At Pythagoras, omnium inter omnia cognationem esse, dicebat, & aliorum commercium in alias atque alias formas transeuntium; Epist. CVIII. pag. m. 534.* Etenim, si temperantiae causa saltem ab esu animalium abstinuissent; si non laudem, certe excusationem promeruissent. Sed, cum errore vano ducti, ob rationem allatam, cum jure naturae illicitum putarent, si, quae a SENECA dicta, admittamus, a superstitione quadam absolvi non poterant. (378) Et ea quidem ratione saepissime homines vetitum aliquid esse, sibi imaginantur, quod vetitum non est. Rursus vero & praeceptum aliquid esse putant, quod tamen praeceptum non est.

plum rursus Pharisei praebeant, praeter alia in phylacteriis haud exiguum religionis partem constituentes, inque iis ad ineptias usque superstitiosi, uti ex iis, quae ipse R. MOSES MAIMONIDES, tractat. de *Thephillin*, alique ejusdem gentis magistri de iis disputant, patet. Errone namque ducti ab ipso Mose ejusmodi quid sibi praeceptum esse, existimabant, *Exod. XIII: 16.* & *Deut. VI: 8.* cum tamen istorum locorum is minime sensus sit, ut alibi ostensum. Legenda, quae in compendio hac de re differit AUGUSTUS PFEIFFERUS, in *antiquitatib. Ebraic. selectis cap. XI.* cumprimis §. IV. (379) In hisce tamen omnibus rite dijudicandis cautio adhibenda; primo quidem, ne in alterum curramus extremum, & ea aut prohibita aut praecepta negemus, quae revera prohibita aut praecepta sunt; multo minus eos, qui evitant, quae revera prohibita sunt, aut faciunt, quae sunt praecepta, statim superstitionis arguamus. Si quis enim, e. g. ad monitum Apostoli *Rom. XII: vers. 2.* *τὸ ἄχρηστον* hujus mundi in sermone, gestu, aliisque rebus, quae vulgo pro indifferentibus habentur, sed revera illicitae sunt, assumere nolit, tantum abest, ut jure superstitionis argui queat, ut suis potius quam rectissime rebus consulat. Deinde, si quis forte per imbecillitatem ductus in errore quodam versetur, non statim ceu homo superstitiosus traducendus aut rejiciendus est. Tales enim tolerandos, & aequo ferendos animo, immo cavendum, ne temere eos offendamus, Paulus Apostolus nos condocet, *Rom. XIV: 15. seqq. it. 1. Corinth. VIII: 11, 12, 13.*

- (377) Facile excusari possent illi, & ab superstitionis macula liberari, qui leges ceremoniales sibi datas observabant, etiam cum earum obligatio jam cessaret: Lex quippe ceremonialis non fuit abrogata per Legislatorem divini declarationem expressam omnibusque notam; sed umbrae evanescere debebant, ipso veniente corpore undique vividissimo lumine splendente: Judaei vero, se certos existimabant, legem Mosaicam duraturam, donec ipsa Gens Israelitica subsisteret: adeoque Deum quidem perversa ratione colebant, ritibus antiquis adhaerentes; sed, licet eorum ignorantia non penitus esset invincibilis, Conscientiae tamen, utut erroneae, sequebantur motus; quos nos facilius erroneos deprehendimus, postquam fulgentiori Evangelii lumine fuimus gavisi.

- (378) Vid. Bruckerus *Hist. Crit. Philos. Tom. 1. pag. 1036. seq. Cl. Buddeus provocans ad Senecae locum, addere debuisset ea, quae sequuntur, quaeque omnium maxime ad rhombum faciunt; adjicit enim: Interim hominibus sceleris ac parricidii metum fecisse, cum possint in parentis animam inficii incurrere & ferro morisque violare, in quo cognatus aliquis Spiritus hospitaretur.*

(379)

- (379) *Vid. Lundius Joodſche Heiligd. IV. Boek XIV. Hoofdst. 53. Afd. Goodwini Moſ. & Aar. Tom. 1. pag. 101. ſeqq. D. Knibbe Republ. der Hebreer X. B. VII. H. Reland Antiq. Sacr. P. 2. C. 9. §. 15. qui ſufficere poſſunt, ut pateſcat, quanta circa haecce Phylaſteria apud Judaeos, praefertim apud Phariſaeos vignerit ſuperſtitio.*

## §. V I.

In eundem hic cenſum merito & illi veniunt, qui in ſolo cultu Dei externo ſpem omnem ſalutis collocant, de interno, ſeu animo a vitiorum fordibus per veram poenitentiam purgando, parum ſoliciti. Placet namque plerisque mortalium iſta colendi Deum ratio, eo quod cum pravis, quibus indulgent, cupiditatibus, eam conſiſtere poſſe, ſibi perſuadent. Quia tamen revera & hic perversus praepoſterusque Numinis cultus eſt, non alio, quam ſuperſtitionis nomine eſt inſigniendus, quamvis aliis *religio ſuperſiciaria*, eodem tamen ſenſu, dicatur. \*

- Loquimur de eo cultu Numinis externo, qui ab eo praeceptus eſt, aut ſaltem a Deo praecepto non adverſatur. Hic enim, etſi in ſe ſpectatus recte ſe habeat, & non modo licitus, ſed quandoque proſus neceſſarius ſit, in meram tamen ſuperſtitionem degenerat, quando homines eo ſolo, miſſo cultu interno, ſe Deo placere poſſe, exiſtimant. Quid enim aliud perversa ratio Numen colendi eſt, ſi hoc non eſt? Mirifice mihi ſemper placuerunt, quae hac de re ſcripſit SAMUEL PUFENDORFIUS: *Eſt praeterea & illud circa diverſitatem religionum in univerſum obſervandum, complures earum ſatis habere, actibus ac ritibus quibusdam exterioribus deſungi; qui etiam abſque interiore emendatione & ſanctimonia animae peragi poſſunt; quam tamen Deus praecipue in genuino ſui cultu requirit. Idque inde provenit, quod ii, quibus Deus veram religionem manifeſtavit, irrepente paulatim tepore ac ſegnitie, libidinibus frenum injicere, animumque iisdem expurgare, durum nimis judicarunt; eoque demum devoluti ſunt, ut exterioribus acquieſcerent, ac ejusmodi religionem commiſcerentur, per quam cupidinibus ſuis indulgere poſſent, ac ſimul tamen de pace Numinis opinionem conciperent. Illi autem, qui ſibiſmet ipſis religionem invenerunt, omnes in eo conſenſere, ut eandem ſere ad exteriores quosdam actus redigerent, qui etiam ab impuriſſimis hominibus exacte obſervari poſſent. Sicuti & fieri non poteſt, ut citra divinam revelationem*



humanum ingenium religionem possit excogitare, quae ad purificandum animum pertingat. Unde in universum religionem possis dividere in solidam & superficialiaram, seu histrionicam. Sane, si omnes commentitias religiones, veteres juxta ac recentes excutias, omnes ad superficialiarum classem referendas agnoscas, quae fere certis ritibus absolvuntur; ac si maxime quid de moribus adspargant, id tamen expurgandis humani pectoris sordibus haud quidquam sufficit. Sacrum autem codicem evolventi perpetuus labor divini spiritus adparebit circa eam opinionem animis hominum eradicandam, quasi ad cultum divinum qualescunque actus externi sufficiant, nisi interna animi purificatio adsuerit. Et quanquam sapientiae divinae placuerat, populum Israeliticum operosarum jugo caeremoniarum adstringere, ac praecipue per sacrificia futuram mundi expiationem a Messia praestandam ipsorum animis subinde ingerere: tamen cum isti in solis istis ritibus deplexi haerent, ac demum Messiae fere obliiti, per victimas revera animi sui labem expiare, ac earum animas in sui locum substitui sibi persuaderent, adeoque totum cultum Leviticum in superficialiae religionis instrumentum verterent, Deus per Prophetas cum errorem subinde castigabat, uti & quod legi morali qualicunque actus externi observantia satisfieri putarent. vid. 1 Sam. XV: 22. Psalm. L: 8. seqq. Esa. I: vers. 1. seqq. XXIX: 13. Jerem. VI: 20. VII: 3. Amos. V: 21. seqq. Mich. VI: 6, 7, 8. & passim. Sic & Salvatore nostro maximum fuit certamen cum sui temporis Judaeis, qui divinitus traditam religionem fere in superficialiaram veterant; vid. Matth. V: 20. seqq. VI: 1-18. XV: 1-20. XXIII: 13-28. Marc. VIII: 1-23. Luc. XI: 38-47. XIV: 33. XVII: 20, 21. in jure feciali divino, seu de consensu & dissensu inter Protestantes, &c. XI. pag. 42. seqq. Non minus lectu digna, quae de Romanentibus subjicit, eorum totam fere religionem superficialiariam esse. Nec tamen aut Judaei soli, aut Pontificii hocce morbo laborant, ad quem omnes homines natura sua sunt pronissimi. Quo enim illis molestius est cupiditatibus pravis, quibuscum verus & internus Numinis cultus consistere nequit, quippe qui animum purum castumque, Deique amorem, omnibus hujus seculi rebus praeferentem, requirit, frenum injicere, eo avidius eam religionis speciem arripiunt, qua se Deo gratos esse putant, etiamsi v. tiorum, fordibus immergi maneant. Quare ut olim in scriptis Prophetarum Veteris Testamenti nihil fere frequentius, quam quod Judaeos hoc nomine objurgaverint, demonstraverintque, preces, sacrificia, jejunia, si fides, feriumque pietatis ac virtutis studium, absit, Deo minime grata esse; ita & ad hodiernum usque diem cordatissimi quique Doctores Ecclesiae Evangelicae idem sibi datum crediderunt, ingentem illam, quae per errorem huncce plurimis mortalium infertur, stragem perpicientes, aegerrimeque ferentes. Neutiquam autem haec ita capienda sunt, ac si cultui externo Numinis legitimo hac ratione quidquam de-  
dero-

derogetur. Hic enim prout ad cultum internum promovendum, ac conservandum facit, non tantum utilis, sed prorsus necessarius est, legeque divina nitur. Eadem enim lex, quae jubet, ut Deum colamus, simul etiam jubet, ut media cultum internum promovere apta, adhibeamus. Idque cum ipsa ratio dicitur, haftenus etiam dici potest, cultum externum nisi jure naturae, prout ex ipsa ratione nobis innoteſcit. (380) Prout vero cultus divinus externus ejusmodi quid supponit, quod ex revelatione tantum constat, uti Sacramenta, & tota Evangelii doctrina, directe quidem ratio de eo nihil cognoscit; quod & de legibus particularibus, quibus cultus externus Veteris Testamenti nitebatur, intelligendum: quanquam in hisce omnibus principium illud generale Juris Naturae, homini ea omnia facienda, quibus salutem suam promovere potest, fundamenti loco subſternatur. Cultus praeterca externus, in se & absque cultu interno spectatus, animas hominum a vitiorum sordibus purgare nequit; prout autem ad excitandam, fovendam, confirmandam fidem, qua hominum corda purgantur, *Actor. XV: 9.* necessarius est, facile intelligitur, quousque etiam ad cordium purgationem aliquid conferre queat. Sed necessitatem cultus externi legitimi, & in usu suo recte spectati, pluribus adstruxi in *instit. theol. moral. part. II. cap. III. Sect. 2. §. XVIII. seqq.*

- (380) *Uti cultus externus, si internum non habeat comitem, hypocrisis re-  
dolet; sic cultus internus in plerisque casibus absque externo consistere  
non potest.* Quicunque enim (sunt verba Jac. Gab. Wolffii in *Instit.  
Jurispr. Nat. Part. 2. Sect. 1. Cap. 1. §. 10.*) Deum vero modo  
colit, non potest non quavis data occasione, amoris, quem pec-  
tore fovet, externa edcre in humana societate documenta. Fru-  
stra enim magnifice de amore suo interno sentit, qui externis eum  
signis omnino non exprimit: frustra etiam metum Divini Numinis  
crepat, in cujus actionibus nulla illius vestigia observare licet.  
*conf. de la Chapelle de la nécessité du culte public passim, cui tamen  
in omnibus adſentiri nequeo.* Uti vero is, qui omnem Dei cultum in  
externis ritibus reponit, a superstitione absolvi nequit, sic ab altera  
parte in simile vitium incurrit, qui externum illum cultum, in se  
laudabilem & necessarium, ubique exercet, non respiciens ad circum-  
stantias, in quibus versatur: abstinendum potius ab actibus externis,  
si forte in talium hominum consortium inciderimus, qui ansam inde  
arriperent ridendi sanctissimas veritates. Imo qui vitae communis ne-  
gotia continuo negligunt, ut cultus publici exercitio adesse possint,  
raro agunt ex laudabili principio, & a superstitione absolvi nequeunt,  
cum idem ille Deus, qui publice coli voluit ab hominibus, etiam jus-  
serit, ut iidem laborarent, & sic sibi suisque prospicerent de illis,  
quae

*quae ad vitam sustentandam sunt necessaria, quaeque divina providentia non suppeditat per miracula.*

## §. VII.

Subinde & ulterius homines progrediuntur, & sibi met ipsis cultum quendam Numinis externum fingunt, qui nec mandato divino speciali nititur, nec generali, dum ad cultum internum aut promovendum, aut conservandum, nihil facit. Quo gravius autem peccant, in eo omnem religionem collocantes, eo turpior est superstitio, cujus hoc ipso rei fiunt; quae speciatim *ἑθελοθησικείας* nomine venire solet. \*

\* Vox *ἑθελοθησικείας*, qua Paulus *Coloss. II: vers. 23.* utitur, *cultum voluntarium & spontaneum* denotat, ut ERASMUS SCHMIDDIUS, ad *h. l.* pluribus ostendit. Paulus tamen in malam partem eam accipit, eaque superstitionem illorum designat, qui *ἰνὰ ἄλλου & διδασκαλίας ἢ ἀποστόλου* docebant. Hi autem quoniam sub *αἰσχροῖς* cultus spontanei & voluntarii illud faciebant, ideo Gentium Doctor *ἑθελοθησικείας* illis tribuit. Ut enim reliquis mortalium vitiis, ita & superstitioni non temere color aut species deest, qua incauti fallantur; conf. ABR. CALOVIVS, ad *Coloss. II: 23.* Potest equidem generatim omnis superstitio hac voce designari, cum homo superstitiosus in perversa colendi Deum ratione, non mandatum aut praeceptum divinum, sed suum potius ingenium, suumque arbitratum, sequatur: speciatim tamen rectissime de iis adhibetur, qui cultum Numinis, omni mandato divino speciali & generali destitutum sequuntur, adeoque nihil aliud, quam *ἰνὰ ἄλλου & διδασκαλίας ἀποστόλου* pro norma habent & in eo omnem religionem collocant. Tales utique Apostolus, *loc. cit.* designat. Unde & quo pacto haec superstitionis species a praecedenti differat, patet. Illicitam autem prorsus esse ejusmodi *ἑθελοθησικείας*, haud difficulter probari potest. Cultus enim Numinis majestati ejus & dignitati respondere debet; adeoque solus Deus, quo pacto coli velit, hominibus potest revelare. Id autem abunde fecit, primo quidem quodammodo per rectam rationem, sed plenius & sufficienter per revelationem. In hocce itaque cultu, qui non acquiescit, stolido conatu aliquid sibi tribuit, quod hominum vires longissime superat, immo ipso velut Deo sapientior sibi videtur. Cultus praeterea Dei respondere debet ejus cognitioni. Prout ergo homo non aliter Deum cognoscere potest, quam prout se hominibus revelavit, ita nec aliter eum colere debet, quam prout se coli velle ipse

ipsemet ostendit. Non alia denique causa est, cur misere mortales ad *θηλασουργίας* adeo proni sunt, quam quoniam hac ratione religionem se inventuros sperant, quacum pravae illorum consistere queant cupiditates; quo ipso animum perversum satis superque indicant. Deus equidem in Veteri Testamento per leges speciales populo Israëlitico datas, nonnulla fancivit, quae in se spectata, sunt arbitraria. Quemadmodum vero Deo causae gravissimae sanctissimaeque fuere, cur illud faceret, quae alibi ex instituto explicantur; ita quod Deus fecit, non statim hominibus imitari fas est. Habent mortales satis superque, quod agant, si ea observare rite velint, quae interni cultus ratio, sed externi quoque, prout mandato divino nititur, ab omnibus postulat, ut suis in cultu Numinis inventis facile carere queant. Quod si etiam semel ea in re ingenio suo indulgere coeperunt, facile ad absona quacvis, inepta & Deo plane indigna prolabuntur. Non Ethnicorum impias superstitiones, bacchanalia, eleusiana sacra, & reliqua commemorabo, in quibus eo usque illorum insania processit, ut ejusmodi institutis se Deum colere arbitrarentur, quibus non poterat non vel maxime offendi, immo quibus nihil turpius, nihil execrabilius cogitari potuit. Namque & inter eos, qui Christianorum nomine veniunt, non defuerunt, qui ineptae ejusmodi & prorsus absonae superstitionis exemplum praeberent. Inter Veteres haereticos & Aseitae commemorantur, quasi *Utrarios* vel *Utricularios* dicas, a voce *αὔρος*, quae *utrem* significat; quem *gestare*, inquit AUGUSTINUS, *perhibentur inflatum & apertum circumire bacchantes, tanquam ipsi sint Evangelici utres novi, vino novo repleti*; de *haeresib.* cap. LXII. Jungendi his *Pattalorinchitae*, qui, ut idem Hipponensium praeful auctor est, *in tantum silentio student, ut naribus & labris suis digitum opponant, ne vel ipsam taciturnitatem voce praecripant, quando tacendum sibi esse arbitrantur*? qui tamen simul profitetur, cum *πατάλλω* graece *palus* dicatur, *πάταλλω* autem *digitus*, se nescire, cur non *Daetylорinchitae* potius dicti sint, quam *Pattolorinchitae*; *πάταλλω* enim significare *nasum*, loc. cit. cap. LXIII. Nec praetermittendi *Heracleonitae*, de quibus idem auctor: *Feruntur autem suos morientes novo modo quasi redimere, id est, per oleum, balsamum, & aquam, & invocationes, quas hebraicis verbis dicunt, super capita eorum.* loc. cit. cap. XVII. Quis vero non miretur *Ophitas*, a Serpente seu colubro dictos, quem nutriebant & venerabantur, qui & incantante Sacerdote egrediebatur de spelunca, & ascendebat super altare innixum speluncae, & oblationes eorum lambebat, & postquam circa eas se involverat, regrediebatur ad speluncam, & ita confringebant oblationes in Eucharistiam, quasi a serpente Christo sanctificatas, ut idem AUGUSTINUS auctor est, loc. cit. cap. XVII. Immo quis non cum summa detestatione abominetur *Cataphrygum* & *Pepuzianorum*,

R r r.

rum, item Gnosticorum & Manichaeorum sacra; quorum illi sanguini humano, hi semini panem Eucharisticum permiscuisse dicuntur? Ad istam vero tandem insaniam, quid aliud, quam *ἡλαθρησκεία* homines perduxit? Verbo enim divino si stricte inhaesissent, nec suo ingenio, novumque cultum comminiscendi libidini, nimium indulgissent, nunquam ad istum impietatis & stultitiae pervenissent gradum.


### §. VIII.

Ista Superstitionis species, quam *ἡλαθρησκείαν* dicimus, in ritibus maxime ac ceremoniis variis sese exerit. Enimvero ut cultus Numinis externus sine ritibus ac ceremoniis esse nequit, cum inter Christianos etiam πάντα εὐσχημόνως ἢ κατὰ τάξιν fieri debeant; ita, qui ritus & ceremonias superfluas minusque necessarias aut excogitant, aut sectantur, ita quidem, ut, si non omnem tandem religionem, praecipuam tamen ejus partem, in iis collocent, ejusmodi *ἡλαθρησκείας* & Superstitionis reos esse, non temere quisquam negaverit. \*

- \* Exempla plurima ejusmodi Superstitionis & *ἡλαθρησκείας* Romanenses praebent, qui, ut SAMUEL PUPENDORFIUS recte pronuntiat, simplicitatem genuinae religionis Christianae infinitis ceremoniis adornarunt, exteriora sensuum distinctentibus, nulla cordis munditie. Exempli causa, ita idem pergit, tetigisse suffecerit precum plerumque non intellectarum, ac in summis labiis natarum battologias, expresse a Salvatore improbatas, Matth. VI: 7. quas ad rosarii globulos admetiri moris est. Quo sine recens scriptor Gallicus ab omnibus feminis Hispanicis lautae conditionis rosaria gestari tradit, tantum non in terram propendit, quae sine fine recitent, dum per plateas incedunt, inter chartarum ludum, inter consabulationes cum aliis; quin, dum amoribus operantur, dum mentiuntur, aliosque traducunt. Inter ista semper ad rosarii ductum aliquid demurmurant, etiam ubi in magno hominum coetu versantur, &c. in jure seciali divino §. XI. pag. 44, 45. Sed praeter rosaria huc etiam pertinent processiones solennes, aqua lustralis, horae canonicae, unctio extrema, vestimentorum, quorum in sacris usus est, genera varia, in quibus nonnulli insuper per interpretationem allegoricam magna mysteria quaerunt, & quae alia sunt ejusdem generis, numero fere infinita, de quibus, qui de ritibus Roma-

Romanae Ecclesiae ex instituto egerunt, JO. STEPHANUS DURANTUS, BARTHOLOMAEUS GAVANTUS, JO. BAPTISTA CASALIUS, alique, plura suppeditant. Haec enim omnia, & quae reliqua sunt ejusdem generis, cum nullo Numinis mandato, nec generali, nec speciali, nitantur, internumque Numinis cultum impediunt potius, quam promoveant, non alio profecto, quam superstitiosae *φιλανθρωπίας* loco, haberi possunt.





## C A P. IX.

D E

IIS SUPERSTITIONUM GENERIBUS,  
QUAE INDIRECTE CIRCA NUMINIS  
CULTUM VERSANTUR.

Σύνοψις.

*Illae hominum opiniones, actionesque, quibus rebus creatis, aut mediis gratiae, ea tribuunt, quae illis tribuenda non erant, ut indirecte Numinis cultum everunt, ita superstitionis nomine itidem recte insignantur, §. I.*

*Pertinent itaque huc, qui mediis gratiae non eo, quo par erat, modo, nec eum in finem, in quem constituta sunt, utuntur, §. II.*

*Deinde illi, qui rebus creatis, & primo quidem spiritibus, plus, quam decebat, tribuunt, unde magia, & artes magicae, §. III.*

*Non minus & illi, qui ea ratione circa efficaciam & operationem astrorum aberrant, unde superstitio astrologica, §. IV.*

*Superstitio & credulitas hominum circa plantas, lapides, animantium partes; item, circa litteras, voces, characteres-*

*racleres; ubi & de amuletis periaptis, similibusque, ut & de omnibus, §. V.*  
*Temporum, locorum, nominumque propriorum fatalitas, superstitione non caret, §. VI.*  
*Denique & illi rebus creatis,*

*plus quam decebat, tribuunt, qui ex iis futura, quae revelare, aut indicare nequeunt, condiscere cupiunt; unde & superstitio divinatoria, cujus iterum variae sunt species, §. VII.*

## §. I.

**S**olent subinde miseri mortales ex animi levitate, stolidaque credulitate, multa suscipere, quae directe quidem ad cultum Numinis non pertinent, indirecte tamen eundem everunt, adeoque cum vera religione consistere nequeunt; hinc & merito itidem superstitionis nomine comprehenduntur. Illas nimirum hominum opiniones actionesque cumprimis indigito, quibus rebus creatis, aut ipsis etiam mediis gratiae, ad hominum salutem a Deo ordinatis, ea tribuunt, quae Deo potius tribuenda erant, vel aperte saltem hominem ejusmodi, honorem Deo debitum illi non reddere, arguunt. \*

- \* Sunt ea, quae hic in censum veniunt, maximam partem ita comparata, ut, cum ex inepta & prorsus ridicula credulitate profiscantur, summumque judicii defectum in ejusmodi hominibus arguant, pro stultitiae potius, quam superstitionis documentis habenda videantur. Quemadmodum vero haec omnia ex unico fonte, nimia & inepta credulitate, accedentibus tamen adfectibus diversis, ut deinceps dicemus, profluunt, ita, licet directe quidem circa Numinis cultum non versentur, cum vero tamen & genuino cultu consistere nulla ratione possunt, & hactenus rectissime Superstitionis nomine insigniuntur. Qui enim mediis gratiae, verbo Dei, & sacramentis, alium in finem utitur, quam in quem Deus ea constituit; qui spiritibus malignis ea tribuit, quae Deo tribuere debebat, vel contra Numinis mandatum, eorum ope & auxilio uti conatur; qui imtempestiva curiositate ductus, ex astrorum positu aut aliis signis futura, quae Deus revelare



noluit, condiscere annitur; qui ad mala evitanda, morbosque depellendos, non mediis a Deo ordinatis, sed characteribus, amuletis, similibusque utitur, aut alia ejusdem generis designat; de eo sane, quod Deum, ut decet, & ut vera fides postulat, diligat, timeat, fiduciaque in eo solo collocaet, (quae cultus interni summa est) dici nequit. Accedit, quod in hisce omnibus ad credulitatem ineptam pravus aliquis adfectus, avaritia, metus inconsultus, & diffidentia in Deum, aut intempestiva cupiditas per illicita aliquid obtinendi, accedat; qui profecto cum sincero Numinis amore, aut timore filiali, consistere nequit.

### §. I I.

Et ad media quidem gratiae, ut de iis primo loco dicamus, quod attinet, cum ea non alium in finem a Deo constituta sint, quam ut per ea rite & legitime usurpata, fides hominum excitetur, alatur, foveatur, confirmetur, gravissime peccant, turpillimaeque superstitionis rei sunt, qui ea non tantum non eo modo, sed & ad longe alium finem, saepe etiam talem, qui adfectum pravum animique vitium arguit, usurpare nulli dubitant; fructu non tantum, quem inde ceteroquin percipere poterant, se ipsos privantes, sed extremam etiam perniciem sibi attrahentes. \*

- \* Non de illis nunc loquor, qui verbo divino & sacramentis, ceu opere, ut vocant, operato, utuntur, existimantes solum usum externum, sine attentione, sine emendatione, sine fide, sibi commodum aliquid allaturum; quod proh dolor! plurimi faciunt, se ipsos misere decipientes; quanquam nec ipsi ab hacce superstitione excludendi sint; sed de illis praecipue sermo est, qui crassissima quadam ratione, mediis gratiae ad fines prorsus illicitos, ex stolidi credulitate abutuntur. Possent hic & Judaei commemorari, quorum impiae ineptiae de nomine tetragrammato, ejusque in miraculis perpetrandis abusu, satis superque notae sunt. conf. JOANNES COCCEJUS, ad *tract. talmud. Sanhedrin cap. XI. exc. XXI.* item JOAN. JAC. HULDRIEUS, in *notis ad librum Toledot Jeschua*, pag. 18. Sed ad ipsos statim Christianos me confero, quorum nonnullos tanta dementia cepit, ut, nominum divinorum, *Deus*, *SS. Trinitas*, *Jehova*, *Jesus*, aut Scripturae sacrae, vel quarundam ejus partium, in curandis morbis vim quandam & efficaciam
- fin-

singularem esse, sibi persuaderent. Sic fuerunt, qui sibi imaginarentur, febrim curari posse, si quis initium Euangelii Joannis collo appendat; & quae alia ejusdem generis stolidi prorsus & inepta sunt figmenta. Sunt, qui apud Ethnicos jam ejusmodi quid in usu fuisse, sibi persuadent, cum HOMERUS, *odys.* XIX. e' vulnere manantem sanguinem carmine repressum scribat, cujusmodi quid & PLATONEM, *lib. IV. de republ.* PLINIUM, *histor. nat. libr. XXVIII. cap. II.* ALEXANDRUM TRALLIANUM, *lib. IV. cap. IX.* aliosque, referre, ex AUGERIO FERRERIO, in *vera methodo medendi libr. II. cap. XI.* commemorat GEORGIUS PASCHIUS, de *inventis novis, quorum accuratiori cultui facem praetulit antiquitas, cap. VI. §. XXIII. pag. 393.* Ejusdem commatis est, quod nonnulli Psalmum centesimum nonum eum in finem ad certum tempus recitant, ut inimicis suis necem inferant. Jam antiquissimis temporibus hunc abusum in Ecclesia Christiana obtinuisse, ex quibusdam historicorum monumentis colligat. Certe ante Lutheri tempora admodum solenne hoc fuisse, vel ex *Epistolis obscurorum virorum* condiscere licet. Cum enim Leo X. Pontifex Reuchlino patrocineretur, quidam illorum dixisse fertur: *Ego non spero, quod Papa erit tam stultus, quod faciet; si faciet, volumus per universum ordinem nostrum contra ipsum legere istum Psalmum: Deus tandem, &c.* Hoc enim Psalmi istius centesimi noni in versione Latina est initium; *vol. II. pag. 135.* Franciscanis speciatim monachis hoc olim in more positum fuisse, auctor est JOANNES CALVINUS: *Res minime occulta est, si quis hostem capitalem habeat, quem velit perditum, conducere ex monachis aliquem, qui quotidie hunc Psalmum recitet. Immo scio, in regno Galliae primariam quandam seminam conductitios in Franciscanis habuisse, qui unigenito filio hac forma imprecarentur; commentar. in Psalm. CIX.* Nec hodie deesse, qui impia & inepta superstitione abrepti, eadem ratione Psalmo isto abutuntur, legique hac de re meretur erudita dissertatio JOANNIS ANDRAE SCHMIDII, Theologi Helmstadiensis clarissimi, de abusu *Psalmi CXL. imprecatorii, Helmstadii anno M DCC VIII habita; in qua & §. IX. ex MARTINI DELRIONIS disquisit. mag. libr. III. part. II. quæst. IV. sect. IX. docetur, fuisse, qui ad furem invenicndum eundem Psalmum adhiberent. Ejusdem superstitionis rei sunt, qui de rei cujusdam eventu solliciti, sacrum codicem aperiunt, ex primo, quod illis se offert, dicto nomen aliquod, seu responsum velut divinum, accepturi; unde *Biblicae*, jam olim inter Christianos frequentatae, uti *Homericæ* & *Virgilianæ* apud Ethnicos, de quibus legendus ISAACUS CASAURONUS, ad *Spartiani Hadrianum, cap. II.* alique, laudati JO. ALBERTO FARRICIO, *bibliograph. antiquar. cap. XII. pag. §20.* Quemadmodum enim nullo argumento probari potest, Deum hac ratione voluntatem suam hominibus manifestare, ita sacrum codicem eum in finem nobis non esse concessum, constat. Sed & divinatione,*

va-

variisque ejus generibus, deinceps erit dicendi locus. Sacramentorum vero non minus, quam verbi divini, gravissimum ad superstitionem ejusmodi fuisse abusum, vel *purgatio illa per sacram Eucharistiam*, Germanis recepta, demonstrat. Nec enim profecto ad causas occultas explorandas, aut detegendas, sed ad fidem confirmandam, corroborandamque, a Christo Salvatore sacram Coenam institutam novimus. Mirum vero, omnino in Concilio Wormatiensi *cap. XV.* impiam hancce miserte probatam fuisse superstitionem. Formulam simul istius rei ex hisce GRATIANI verbis cognoscere licet: *Saepe contigit, ut in monasteriis furta perpetrentur, & qui haec committunt, ignorentur. Idcirco statuimus, ut, quando ipsi fratres de talibus se expurgare debuerint, missa ab abbate celebretur, vel ab aliquo, cui ipse abbas praeceperit, praesentibus fratribus; & sic expleta missa omnes communicent in haec verba: corpus Domini sit mihi in probationem hodie; can. II. quae. V. cap. XXXIII.* Exempla ejus rei apud medii aevi Scriptores hinc inde occurrunt; ex quibus quaedam exhibet PAULUS HACHENBERGIUS, in *Germania media, dissertat. III. §. XXII. pag. 89. seqq.*

### §. III.

Inter res creatas, quae superstitioni occasionem praebent, primo ipsi Spiritus se nobis offerunt, praesertim maligni illi. Fuerunt enim omni tempore, & hodie adhuc sunt, quos tanta mentis coecitas, tanta stupiditas cepit, ut, etiamsi isti Spiritus non nisi hominum perniciem quaerant, nihilque sine Numinis permissione agere aut efficere queant, in Numinis tamen dedecus & opprobrium, eorum opera ad res varias, quae supra hominum vires positae sunt, efficiendas, aut futura & occulta resciscenda, uti nulli dubitarint. Hinc *Magia*, cum artibus variis eo spectantibus, quam si quis cum Numinis cultu consistere posse, sibi persuadeat, cum, quid dicat, quidve sentiat, prorsus ignorare, necesse est. \*

\* *Magiae nomine nobis nunc neutiquam cognitio quaedam occultarum naturae virium, & facultas per eam, aut alias scientias, supra vulgi captum positas, ut, accuratorem Matheseos peritiam, talia efficiendi, quae aliis mirabilia videantur, venit, quamve Magiam naturalem vocant, sed, quae usitator hodie & receptor vocis est significatio, artem ejus-*

ejusmodi aut operam ea designamus, quae auxilio & adminiculo daemonum res mirabiles vel facit, vel facere simulat. Qui enim ex commercio, quod cum daemonibus habent, res stupendas efficiunt, *Magi* vulgo dicuntur. • Et ejusmodi quidem magiam dari, etsi cum *PLINIO*, *hisor. natur. lib. XXX. cap. II.* omnes illi, qui spirituum creatorum existentiam in dubium vocant, de quibus supra dictum, negent, rationibus & documentis invictis demonstrari potest. Enimvero existentiam & operationes Spirituum creatorum, ceu satis supra demonstratas, nunc supponimus. Supponimus itidem, ceu evictum, spiritum creatum esse substantiam immaterialem, intellectu, voluntate, & potestate, sed limitata, corpora movendi, variasque operationes edendi, praeditam. Quae cum ita sint, non video, quid obstat, quo minus ejusmodi spiritus aliquando hominibus adparere, cum iis colloqui, pacta inire, aliquid promittere, & in eorum gratiam aliquid praestare queant, quod hominum ceteroquin vires superat. Scutum equidem plane & ineptum est, pactum cum malignis spiritibus inire, quibuscum nullam juris communionem homines habent; nec minus stultum, pactis aut promissis illorum fidere, qui nullo religionis vinculo, quo minus promissa violent, tenentur; haec omnia tamen non obstant, quo minus revera homines cum spiritibus pacta inean, aut eorum promissa acceptent, prout multa alia, quibus ratio non constat, designare solent. Nihil ergo aliud superest, quam ut demonstretur, homines daemonum opera subinde talia effecisse, quae quidem pro miraculis non sunt habenda, quippe quae nec a spiritibus creatis edi posse, demonstravimus, hominum tamen vires multum superant. Sane, quae de artibus magicis, earumque efficacia narrantur, non uno omnia habenda loco, probe scio. Quae enim Poetae aut alii quidam, qui in mentiendo Poetis dubiam reddere palmam annuntur, referunt, nemo sanae mentis crediderit. Ejusmodi ea sunt, quae post alios *ovidius*, in libris *metamorphoseon* refert, de *Circe* & *Medea*, deque sociis *Diomedis* in aves conversis, quae longo post tempore circa templum ejus volitaverint; de sociis *Ulixis* a *Circe* in bestias mutatis, & quae reliqua sunt ejusdem generis, quibus nec simplicissimi mortalium temere fidem adhibuerint. Mirari saltem animum subit, veteres tam absfona de efficacia artium magicarum credidisse, quae non a veritate modo abhorrent, sed ne minimam quidem speciem verisimilitudinis habent; ut cum *virgilius* mulierem ejusmodi artium peritam ita describit:

*Haec se carminibus promittit solvere mentes,  
Quas velit; ast aliis duras immittere curas,  
Sistere aquam fluviis, & vertere sidera retro,  
Nocturnosque ciet manes; mugire videbis  
Sub pedibus terram, & descendere montibus ornos.*

S s s

lib.

*lib. IV. Aeneid. vers. 487. seqq.* Missis autem hisce, nonnulla in historiis monumentis occurrere, quibus non temere deneganda fides, nemo, nisi perfrictae frontis homo, inficiatus fuerit. Quod si quis vero vel maxime profanorum Scriptorum testimonia non admisserit, ea tamen, quae ipsa Scriptura sacra suppeditat, repudiare nefas fuerit. Suffragari vero etiam experientiam, & recentiores scriptores talia adferre, quae omni exceptione maiora sint, jam supra ad *cap. III. §. VII.* observatum. Ad originem Magiae quod attinet, *PLINIUS* quidem eam e Medicina natam asserit. *Natam primum*, inquit, *e medicina* (magiam) nemo dubitat; ac specie salutari irrepsisse, velut altiore sanctioreque, quam medicinam; *histor. nat. lib. XXXI. 1. cap. I.* Quod haud dubio de falso iactata magia intelligit. Veram enim magiam, quae daemonum opera mirabilia perpetrat, eum rejicere, antea jam observavimus. Interim recte *JOANNES FILESACUS*, eam eandem *PLINII* sententiam adduxisset, addit: *Verius dixisset Plinius, magiam ex curiosa res abditas cognoscendi vel habendi cupiditate enatam.* Neque tamen negaverim, magiam maximum medicinae praetextu incrementum accepisse, & magos plurimos medicinae faciendae specie istam infamiae labem huic arti affricuisse; de idololatria magica, *pag. 26.* Certum namque est, pravis mortalium cupiditatibus, avaritiae cumprimis, & intempestivae curiositati, qua homines ad rerum abditarum cognitionem feruntur, ut alias artes superstitiosas, ita & Magiam cumprimis originem suam debere. Longius petitum, quod *HENEDICTUS PERERIIUS* originem Magiae ex ipso paradiso arcessit, eo quod diabolus sub forma serpentis, vel in serpente naturali latitans, primis parentibus adparuisset, cum eos ad comedendum de fructu arboris vetitae induceret; de magia, *observatione somnior. & divinat. astrolog. lib. I. cap. XIII. pag. 127.* Diabolum tamen ad stolidae istius impietatis inventionem, ac propagationem, plurimum contulisse lubens fateor. Pravis enim hominum cupiditatibus, qua est calliditate, ad eos in foedissima quaevis stolidissimaque praecipitandos, jampridem uti didicit. Unde non immerito *LACTANTIUS* omnium maleficarum artium inventores & magistros daemones fuisse, pronuntiat: *Eorum inventa sunt astrologia, & aruspicina & auguratio, & quae dicuntur oracula, & necromantia, & ars magica, & quicquid praeter ea malorum exercent homines vel palam, vel occulte, quae omnia per se falsa sunt, ut Sibylla Erythraea testatur; institution. divin. lib. II. cap. XVI.* Quorsum & ea pertinent, quae egregie hac de re differit *CYPRIANUS*, de idolorum vanitate *cap. IV. pag. m. 157.* Sed ipsius *PORPHYRII* quoque testimonio hoc confirmat *EUSEBIUS*, *praeparat. euangel. lib. V. cap. XI.* asserentis, daemones ipsos, qui deorum loco habeantur, quo superstitionum ritu secum agi vellent, homines docuisse. Legenda quoque, quae idem *EUSEBIUS*, *I. 2. cap. VIII. & XII.* ex eodem *Porphyrio* adfert. Ad causas vero, quibus homines

ad

ad istam superstitionem inducti, vel in ea magis confirmati sunt, accessit etiam perversa de spiritibus seu genii opinio; cum primis error ille, qui multorum olim animos invasit, spiritus, etsi invisibiles, non tamen prorsus immateriales esse, sed corpore tenuissimo praeditos. Hac enim sententia admitta, sequitur, eos etiam rebus quibusdam corporeis delectari, hinc & placari varia ratione, & ad hominum obsequium adduci posse; quod praecipuum magiae fundamentum esse, nemo temere negaverit. Hinc & praeter Orientales, Chaldaeos maxime, Pythagoraei & Platonici, qui hunc in modum de spiritibus philosophabantur, Magiae aut deditos, aut suspectos fuisse, constat. De primo nefandae artis auctore nihil certi dici potest, etsi, eam longe antiquissimam esse, constet. Zoroastrem primum ejus inventorem esse, vulgo asseritur; de quo cum incerta omnia sint, praesertim, si antiquissimus ille, qui hoc nomine venit, sive Chaldaeus, intelligatur, alium quendam ex prima antiquitate celebrem virum sub hocce latitare nomine, viri docti existimarunt. Nonnulli namque, Chamum Noachi filium eo tegi, putant, quem adeo & magiae inventorem ferunt, ut PETRUS COMESTOR, *histor. scholastic. in Genes. cap. XXXIX.* quae licet & recentioribus quibusdam se probaverit sententia, rejicitur tamen a SAMUELE BOCHARTO, *geograph. sacr. libr. IV. cap. I. pag. 232.* Alii vero Misraimum Chami filium se hic invenisse arbitrantur, ut auctor *recognitionum*, quae sub CLEMENTIS nomine extant, *libr. IV. §. XXVII. pag. 537.* ex edit. JO. BAPTISTAE COTELERII; alii alium quendam. Sed quam lubrico haec omnia nitantur fundamento, & quilibet facile intelligit, & ex iis etiam patet, quae hac de re dixi, in *histor. Ecclesiast. veter. testam. ad period. I. sect. III. §. XXII. pag. 441.* Quicquid vero hujus sit, antiquissimam esse hanc mortalium insaniam, negari nequit, cum jam Moïsi tempore in Aegypto homines ejusmodi extiterint, qui daemones opera mirabilia quaedam efficiendo, miracula ejus imitari ausi sunt. Nec Deus per Moïsem tam graves poenas adversus Magos constituisse, nec tam severe eorum consuetudinem & congressum Judaeis interdixisset, nisi jam tum eorum ars, sicut hominibus exitiosa erat, sic nota & celebris fuisset. Porro circa belli Trajani tempora claram fuisse magiae famam, nonnulli ex HOMERO colligunt, praesertim ex iis, quae de Ulyssis erroribus commemorat. Siquidem Protea & Syrenum cantus apud eum non aliter intelligi volunt; quanquam non desint, qui alia ratione ista explicant; Circe utique ex inferorum evocatione hoc solum agi. Inter praecipuos autem artium magicarum magistros, qui apud Veteres fuerunt, maxime celebratur Osthanes, de quo PLINIUS: *Primus extat (ut equidem invenio) commentatus de ea Osthanes, Xerxem regem Persarum bello, quod is Graeciae intulit, comitatus, ac velut semina artis portentosae sparsisse, obiter infecto, quacunque commeaverat, mundo.* Cum-

que monuisset, a nonnullis ante eum, Zoroastrem aliam Proconnesium poni, addit: *Quod certum est, hic maxime Osthaneſ ad rabiem, non auiditatem modo scientiae huius, Graecorum populos egit; hist. natur. lib. XXX. cap. I. pag. 296.* Nimirum id egit infernalis genius, ut mortalibus persuaderet, omnem istam artem magicam caulis quibusdam naturalibus, sed occultis, niti; unde facile inducti sunt, ut crederent, eam non modo prorsus innocentem esse, sed sapientiae quoque atque eruditionis partem singularem constituere. Quove priores natura homines sunt, ad occulta quaevis atque arcana cognoscenda, praefertim, si sapientiae & eruditionis nomine ista cognitio iis adblandiatur, eo majori impetu ad talia abripiuntur. Mirum itaque non est, quod apud veteres nonnulli ex iis, qui naturae arcanis rimandis incumbabant, & sapientiae studio dediti erant, simul magiam illam illicitam, seu sapientiae partem avide arripuerint. Idque Persarum Magis (quo nomine Philosophi apud eos veniebant) si non omnibus, certe quibusdam usu venisse, nullus dubito. De Graecorum Philosophis idem asserit PLINIUS: *Certe Pythagoras, Empedocles, Democritus, Plato, ad hanc (magiam) discendam navigavere, exiliis potius, quam peregrinationibus, susceptis. Hanc reversi praedicavere, hanc in arcanis habuere; loc. cit.* Quae tamen non prius admittenda existimaverim. Certe fieri potuit, ut, cum in peregrinationibus suis occultas & arcanas orientalium gentium scientias sectarentur, sub hacce specie etiam magiam delibarent; quae & ab hypothesebus Pythagorae, Platonis, aliorumque, qui totum fere orbem spiritibus corporeis replebant, minime abhorret. Nec tamen PLINII ad hoc sufficit auctoritas, ut nobis persuadeatur, hosce Philosophos revera magos fuisse, seu artes illas illicitas aut adprobasse suo calculo, aut usurpasse; multo vero minus de Democrito hoc quisquam sibi persuadebit, in cujus quippe, ut & in Epicuri systemate spiritibus locus non concedebatur. Hinc & hosce Philosophos, speciatim Pythagoram, Empedoclem atque Democritum, ab ista suspitione liberat GABRIEL NAUDAEUS, *apolog. pour les grands hommes supponnez de magie, cap. X. & XII. pag. 136. seqq.* Inter Pythagoraeos autem atque Platonicos, nonnullos fuisse, qui magicarum artium admodum fucris suspecti, negari nequit; idque haud dubio ex illorum de natura & indole spirituum Philosophandi ratione, ortum est, ut antea observavimus. Prae reliquis omnibus autem hoc nomine celebris est APOLLONIUS ille TYANENSIS, Philosophus Pythagoraeus, cujus vitam resque gestas litteris consignavit PHILOSTRATUS; de quo tamen viri docti in diversas abeunt sententias. Plerique enim veterum pariter ac recentiorum cum Magis annumerant; quod & ex ipsis Ethnicis nonnullis fecisse, non tantum ex LUCIANO atque APULEJO colligas, sed ipse quoque adeo hoc non dissimulat PHILOSTRATUS, ut potius hanc ei abstergere labem passim annitatur. Alii contra eum a magiae su-

spi-

spicione libraræ conantur, PHILOSTRATUM, & quos ille secutus est, mendacii accusantes, in iis præsertim, quæ humanæ potentiae modum superant, quibuscum & GABRIEL NAUDAEUS facit, *loc. cit. cap. XII. pag. 187.* Cunque inter hos nonnulli Apollonium, nihil eorum, quæ PHILOSTRATUS ceu admiranda narrat, præstitisse contendant, alii contra non equidem negandum putant, multa eum admiranda edidisse, æ non per artem magicam, sed quod rerum naturalium esset peritissimus, causasque earum occultas cognitæ haberet atque perspectas. Quicquid horum sit, id certum, & Viris cruditis luculenter demonstratum, PHILOSTRATI narrationi fidem non habendam, immo omnia ista a Gentilibus conficta esse, ut Christi Servatoris miraculis fidem eo facilius detraherent, vel ab aliis etiam similia edita dicere possent, prudens harum rerum existimator non temere dubitaverit. Sed legenda, quæ erudite hac de re disputat B. GOTTFRIEDUS OLEARIUS, in præfatione PHILOSTRATI operibus præmissa; & quæ ipse in compendio dixi in *differtat. de veritate religionis christianæ, philosophor. gentil. obrectationib. confirmata*, §. X. Cum Christianæ doctrinæ luce orbis collustraretur, magnam quidem partem istæ infernalis genii tenebræ discussæ, non tamen prorsus dissipatæ sunt; cum ad hodiernum usque diem non desint, qui ejusmodi artes nefandas consecutentur, & daemonum opera, quæ cupiunt, se impetraturos, ridiculo, non minus, quam impio errore sibi persuadeant. Nihil de Arabibus quibusdam, Alchindo, Geber, Artephio; nihil de Alberto magno, Raymundo Lullio, Arnoldo Villanovano, aliisque dicam, cum haud nesciam, horum omnium patrocinium in se suscepisse GABRIELEM NAUDAEUM, *loc. cit. cap. XIV. pag. m. 246. seqq. qui & cap. XV. pag. 285.* Henrici Cornelii Agrippæ causam egit, quod & PETRUS BÆLIUS facit, *diction. histor. crit. voc. Agrippa, pag. 109. seqq.* Nec enim is ego sum, qui viris innocentibus magiæ inurere infamiam velim, si modo omnes innocentes sint. Inter ea, quæ Agrippæ innocentiam dubium reddere possunt, præcipuum locum tenet opus ejus de *occulta Philosophia*; ad minimum operis istius *liber quartus*, quem artes & ritus magicos, superflitiosos, abominabiles continere, nec illi ipsi, qui ejus patrocinium in se susceperunt, negant; simul tamen, eum Agrippæ esse, abnuunt, perperam & sine ipsius culpa a bibliopola avaro eum reliquis libris; qui Agrippæ sunt, additum, contententes. Ita GABRIEL NAUDAEUS, *loc. cit. pag. 294.* Tres autem priores libros, non desunt, qui mystice & allegorice explicandos autumant, ad omnem magicæ impietatis suspicionem ab auctore avertendam. Haec vero omnia ut aliis accuratius inquirenda relinquo, ita vel quarti istius libri exemplo, quisquis etiam ejus auctor sit, constat, fuisse eo tempore homines, uti adhuc hodie sunt, qui impiis stolidisque ejusmodi artibus pretium aliquod statuerent. Ejusdem vero etiam generis sunt *Clavicula*



*Salomonis*, item *Semiphoras* & *Schemhamphoras Salomonis regis*, & alia, lingua etiam Germanica, sub specioso, sed fallaci *theosophiae pneumaticae* titulo edita; vid. GEORG. PASCHIUS, de *inventis novo-antiquis*, cap. VII. §. XV. pag. 579. Non tamen dissimulandum, esse qui in hocce scripto, *clavicula Salomonis*, sub portentosis nominibus, magicisque mytheriis, artificium steganographiae latitare, existimant; quae & viri clarissimi, JO. ALB. FARRICIUS est sententia, qui plura hac de re suppeditat, in *codice pseu-depigrapho vet. test.* p. 1953. Jam ad rem ipsam, quod attinet, constat, impiae & infelicitis artis Cultores ritibus, ceremoniis, characteribus, vocibus sacris aut peregrinis, formulisque uti, quibus spiritus adducant, & ab iis, ut voluntati suae morem gerant, impetrent. Cum vero nemo temere tam stupidus, tamque omnis rationis expertus sit, qui sibi persuadere queat, ejusmodi rituum, vocum, characterum, formularum, vim quandam naturalem in adducendis, movendisque spiritibus esse posse, quaeri posset, qui itaque fiat, ut quandoque Magi hac ratione, quod volunt, impetrent, & spiritus ad nutum paratos habeant? Sed quilibet paullo accuratius ista omnia ponderans, facile infernalis genii fallaciam perspiciet, qui talia, quantumvis inepta & stolidia, istis hominibus persuasit, ut impiam stoliditatem eo minus animadverterent, existimantes per causas naturales, sed occultas abditasque, ista perfici. Qui enim per causas arcanas, sed naturales tamen, aliquid, quod mirabile sit, se efficere posse, putat, se non adeo malum credit. Immo obtinere hac ratione potuit, & revera etiam obtinuit, ut stolidissima impietas pro parte quadam eruditionis & sapientiae haberetur. Nec est, quod quenquam moveat, Spiritus interdum videri per ejusmodi artes cogi, Magosque illis impetrare aliquid posse. Si enim vera omnia sunt, quae hac de re scribuntur, fieri potest, ut daemones inferiores a superiori, quocumque Magis pactum intercedit, cogantur ad aliquid faciendum, quod Magi per eos effici cupiunt; aut etiam dicendum, nullam coactionem, nullumque hic adesse imperium, sed malignos spiritus talia simulare, ut homines, qui illorum opera utuntur, eo magis in superstitione, & vano, de artium istarum praestantia, errore corroborarent. Ex Gentilibus has similesque difficultates, quae Magiae opponi possunt, vidit, & ingenue proposuit ipse PORPHYRIUS, in *epistola ad Anebonem Aegyptium*, quam JAMBLICUS libro de *mysteriis* praemisit THOMAS GALE; ex qua etiam nonnulla adfert EUSEBIUS, praeparat. *euangel. libr. V. cap. X. pag. m. 197.* Eo majores autem istae difficultates erant intuitu Gentilium, quod hi spiritus illos, quorum opera Magi utebantur, pro diis, quos colebant, haberent. Hinc istae quaestiones PORPHYRII; Quomodo Magi invocent & obsecrent daemones tanquam superiores, & iisdem tamen tanquam inferioribus imperent, & quod volunt, facere eos cogant? item, cur dii magorum jubeant, homines esse justos, ipsi autem

tem a Magis iussi multa patrent iniqua & flagitiosa? & quae alia sunt ejusdem generis. Respondere equidem ad haec PORPHYRII dubitationes conatus est JAMBlichus in libro de *mysteriis*; sed ea quidem ratione, ut ad incredibilia & absurda quaedam evitanda, longe magis incredibilia longeque absurdiora asserat, difficultatesque non tollat, sed augeat. Diverse etiam Magiae solent constitui species. Plerique veterum, Platoniorum praecipue, duplicem faciebant Magiam, *theurgiam* scilicet, quam vocabant, & *goëtiam*, seu *necromantiam*. Theurgia bona illis atque laudabilis erat, qua certis quibusdam hostiis & sacrificiis, munditiae itidem quadam animae & corporis, aliisque sacris ceremoniis, bonos ac beneficos daemones invocabant, eorum afflatu & auxilio, & occulta manifestaturi, & futura praenuntiaturi, & miranda edituri opera. De hacce Theurgia multa JAMBlichus de *mysteriis*, PROCLUS libro de *sacrificio & magia*, PORPHYRIUS libro de *sacrificiis*, & ex eo AUGUSTINUS de *civit. Dei* libr. X. cap. IX. Qua quidem in re mirificam infernalis genii illusionem conspiceret licet, qua etiam Viri ingenio praestantes inducti per summam coecitatem, bonos genios se colere, idque magna cum pietatis specie, existimabant, cum tota ista impictas ad honorem diabolo exhibendum pertineret. Goëtia vero seu *necromantia* illis dicebatur, quae mortuos excitabat, & consulebat, & per eos responsa de rebus occultis vel futuris reddebat. Simile fere discrimen artium ejusmodi nefandarum etiam in Scriptura sacra, speciatim ex *Deut. XVIII: vers. 10. seqq.* observare licet. Inter varios enim impiae superstitionis magistros ibi recensentur **מכשפים** *magi, praestigiatōres*, qui magica arte & opera daemonum, miranda quaedam perpetrabant, ut Magi Pharaonis, qui virgas suas in serpentes vetere videbantur, ad quos ut proxime accedebant **חונרים** *incantatores*, qui verbis & carminibus quibusdam mirabilia perpetrabant, ita ab utrisque diversi erant **בני אור** *Pythonici*, seu qui spiritum Pythonis habebant, & certis artibus spiritus eliciebant, qui, ut ipsi putabant, mortuorum excitarent manes, a quibus, quaecumque vellet, condiscerent. Ita namque haec voces explicandas esse, luculenter, ni fallor, ostendi in *histor. ecclesiast. veter. testam. period. II. sect. I. ad §. XXXVI. pag. 776, 777.* Magis aecommodate ad eam, quam hodie observare licet, impietatis istius rationem, dici posset, aliam Magiam *directe* talem esse, quae foedus aliquod expresse seu explicite cum infernali genio initum supponit; aliam, *indirecte* talem, quae per ritus, ceremonias, characteres, formulas, daemonum opera utitur; etsi foedus ejusmodi non praecesserit. Constat enim, nonnullos artibus ejusmodi uti, etsi iis constitutum non sit, foedus aliquod cum infernali genio inire. Interim, cum nemo daemonis maligni opera uti queat, quacunque etiam hoc faciat ratione, nisi simul gratiae divinae renuntiet, dum hoc ipso ad castra velut jurati hostis

hostis Dei transit, non minorem revera hujus, quam illius magiae impietatem esse, nemo non intelligit. Generatim etiam detestanda criminis hujus hinc elucescit *foeditas*, cum animum ad ea, quae Deo maxime adversa sunt, destinato consilio perpetranda, & ad Deum summa, quantum in misero isto homine est, injuria afficiendum, obfirmatum, summamque adeo, quae cogitari potest, malignitatem arguat. Quo gravius enim infernalis genii erga Deum est odium, quo atrocior rebellio, qua contra Conditorum suum insurrexit, eo detestabilius est illorum flagitium, qui cum eo inire foedus, aut quacunque ratione opera ejus uti in animum inducunt suum. Non minor autem istorum hominum, qui talia designant, *stultitia* est, quam *impietas*. Praeterquam enim, quod potentia infernalis genii suis limitibus sit circumscripta, scire, si vellent, facile possent, se invito Numine nihil ab eo obtinere, aut ipsius opera perficere posse. Deum itaque, a quo omnia, quae illis salutaria sunt, obtinere possent, tam graviter offendunt, ut ab eo, qui sine Numinis permissione nihil prorsus efficere potest, aliquid impetrent. Nec ullo exemplo doceri potest, per artes magicas aut divitias, aut honores, aut simile quid homines impetrasse. Aut mera illusio fuit, quicquid hae ratione obtinuerunt, aut ita minutum vel exiguum, ut impotentiam diaboli manifesto inde intelligere liceat. Prorsus vero ridiculum est, dum pacta cum eo ineunt. Quasi vero ulla ratio sit, quae pessimum spiritum ad pacta servanda inducere queat. Non religio potest, quippe cujus est expers; non magnanimitas, aut ulla alia, virtus, quae in eum, qui totus ex vitiis est compositus, non cadit: non lex quaedam, cum violare, non servare legem, illi proprium sit. Recte denique & *superstitionis* ejusmodi homines arguuntur. Praeterquam enim, quod absurdissima credulitas in eo elucescit, quod ritibus, vocibus, characteribus, formulis vim ejusmodi tribuunt, qua nulla ratione gaudere possunt; subinde etiam contingit, ut Deum se colere existiment, etsi ea, quae Deum maxime offendunt, committant. Major autem perversitas cogitari nequit, quam si quis existimet, cultum Numinis cum summa impietate consistere posse. Immo quod magis adhuc mirandum, in ipso nefandorum artium exercitio, nominibus divinis, scripturae dictis, formulis sacris & precationibus utuntur, ac si a Deo ipso aliquid impetrare possent, dum diabolo, operam ejus & ministerium expectantes, serviunt; qui summus prorsus & stultitiae, & impii superstitionis, merito censetur gradus. (381)

- (381) *Quid de plerisque, quae in hac §. continentur, sit judicandum, indicavi n. 109. seqq. praesertim n. 323. Deum Diabolo olim permisisse, ut homines seduceret, ac infernalis Genii ingentem esse potentiam, qua tristes quandoque casus oriri fecit, eundemque etiam hisce temporibus,*

ribus, permittente Deo, posse fumeſtas humano generi Tragoedias ludere, negari nequit: ſed ſuperſtitioſorum eſt, narratiunculis illis, quae de Magis, eorumque pactis cum Diabolo circumferuntur, fidem adhibere puerili, dicam, an anili credulitate; neque ullum argumentum produci poteſt omni exceptione majus, quo talium pactorum exiſtentia evincitur; licet plurima hominum millia propter iſtiusmodi pacta manu carnificis fuerint combuſta poſt ſeculum praefertim duodecimum, uſque ad decimum & ſeptimum. A riſu ſibi temperare vix poteſt veritatis amans, ubi vel fugitivo oculo inſpicit fabulas, quas ſerio narrat credulus nimium H. Morus in *Antidoto adverſus Atheiſmum* Lib. 3. Cap. 2. ſeqq. Oper. Tom. 2. pag. 95. ſeqq. quasque ſedulo collegit ex Bodino, Wiero, (qui ipſe haec narratiunculas ridet) Olao, ſimilibusque, ut, ſcilicet, *Antidotum ſuppeditaret contra Atheiſmum*. An ſic Dei cauſa recte agatur, alii dijudicent. Si vera narrentur, eaque ob caſuum frequentiam negare non liceat, etiam credendae ſunt circumſtantiae, quas ipſi Magi Sagaeque in ſuis confeſſionibus ſaepeſſime adjecerunt, ſe concubuiſſe cum Diabolo, ſeve, in lupos & urſos converſos, peregre fuiſſe proſectos, aut inter populares obverſaſſe, choraeas nocturnas adiſſe, aut verſus loca, conviviiſ ſuis celebrandis deſtinata, equitaſſe in arundine longa; quales nugae ſuo jam tempore riſit Plinius Hiſt. Nat. Lib. VIII. Cap. 22. Eo magis autem ſuſpectae ſunt narratiunculae, quo magis diminutus eſt Mago- rum & Sagarum numerus inde a ſeſqui ſeculo; quod non diminutae hominum malitiae, non fractae Diaboli potentiae, ſed audae cognitioni, praejudiciorum & ſuperſtitionis expultrici, unice eſt tribuendum.

### §. I V.

A Spiritibus ſi diſcedamus, aſtra occurrunt, quorum uſus, qui manifeſtus eſt, & ab omnibus facile agnoſcitur, cum hominibus non ſufficeret, ea itidem, inepta credulitate abrepti, in ſuperſtitionis verterunt occaſionem, ejusmodi vim & efficaciam illis tribuendo, quae, uti in Numinis providentiam pariter ac hominum libertatem palam injuria eſt, ita a vera & genuina ratione Deum colendi eos non poteſt non avertere. Quo nomine & merito *Aſtologia* ceu vana, inepta, impia & ſuperſtitioſa damnata, & a Viris ſapientibus rejecta eſt ac repudiata. \*

T t t

\* Aſtro.

\* Astrologiae inventio Chaldaeis vulgo tribuitur, quibus tamen gloriam hanc dubiam reddere voluerunt Aegyptii. Id certum, jam in utraque gente antiquissimis temporibus eam floruisse. Apud Chaldaeos autem praecipua quadam ratione exculta videtur, unde & factum, ut Astrologi Chaldaeorum nomine venirent. TULLIUS id confirmat, qui, cum dixisset: *Principio Assyrii, ut ab ultimis auctoritatem repetam, propter planitiam magnitudinemque regionum, quas incolebant; cum coelum ex omni parte patens atque apertum intuerentur, traiectiones motusque stellarum observarunt: quibus quid cuique significaretur, memoriae prodiderunt; addit: Qua in ratione Chaldaei, non ex artis, sed ex gentis vocabulo nominati, diuturna observatione siderum scientiam putantur effecisse, ut praedici posset, quid cuique eventurum, & quo quisque fato natus esset; cum de Aegyptiis subjicit: Eandem artem etiam Aegyptii longinquitate temporum innumerabilibus pene seculis consecuti putantur; de divinat. libr. I. cap. I. De Aegyptiis & HERODOTUS testatur, ab iis excogitatum, *ποιεῖν τὴν ἀστρολογίαν ὅταν ὅπου ἐστὶν ἡ πρὸς ἡμέραν ἀρίστη γενέσθαι, ὅταν ἡμερῶν, καὶ ὅταν πλουτήσῃ, καὶ ἐκείνῃ πρὸς ἡμέραν* quis mensis diesve cujus deorum sit, & quo quis die genitus, qualia sortiatur, & quam mortem obibit, & qualis erit; hist. lib. II. cap. LXXXII. Sunt, qui ipsum Abrahamum pro Astrologiae inventore venditant, quod & EUPOLEMUS fecit apud EUSEBIUM, praeparat. euangel. lib. II. cap. XVII. contra quos operose disputat PETRUS LAMBECIUS, in prodromo histor. litterar. libr. I. cap. IV. §. III. pag. 43. cujus rationes expendi in introd. ad histor. philos. Ebraeor. pag. 18. Quod si Astrologiae nomine ea ars intelligatur, quae ab Arabibus ad Europaeos propagata, hodie vulgo eo nomine venit, eam, cum vana, inepta & superstitiosa sit, Abrahamo tribui non posse, certum est. Interim de antiquitate artis hujus nullum superest dubium. Cumque vel ex Deut. XVIII. 10. seqq. constet, jam ante Moysis tempora varias artes divinatorias in usu fuisse, facile inde colligas, de divinatione ex astris idem esse censendum. Immo sunt, qui per מַעֲנֵי, qui ibi commemorantur, Astrologos intelligunt, quibus exemplum praevit MOSES MAIMONIDES, in tractat. avodah sarah, cap. XI. Conferenda, quae hac de re dixi, in histor. eccles. vet. testam. period. II. sect. I. ad §. XXXVI. pag. 776. (382) Utut autem antiquissima sit ista Chaldaeorum disciplina, non tamen tantae vetustatis fuit, quantam artis ejus magistri illi olim tribuebant, quaeve cum veris ac genuinis historiarum monumentis nulla ratione conciliari potest. Hoc ex ipsis Ethnicis FAVORINUS jam observavit, apud A. GELLIUM docens, disciplinam istam Chaldaeorum tantae vetustatis non esse, quantae videri volunt; not. Attic. libr. XIV. cap. I. Atque hinc idem etiam Philosophus rectissime argumentum ducit, hanc artem ea ratione, qua Chaldaei, vel ejus magistri, hoc trahabant, non esse inventam. Inter multa alia enim, quae contra Astrologos disputat, & haec contra eos ex ipsius mente*

GEL-

GELLIIUS adfert: si isto modo coepta fieri observatio est, ut animadvertetur, quo habitu, quaque forma, quaque positura stellarum aliquis nasce-  
retur; tum deinceps ab ineunte vita, fortuna ejus & mores, & ingenium,  
& circumstantia rerum negotiorumque, & ad postremum finis etiam vitae  
expectaretur; eaque omnia ut usu venerant, litteris mandarentur; ac postea  
longis temporibus, cum ipsae illae eodem in loco eodemque habitu forent,  
eadem ceteris quoque eventura existimarentur, qui eodem illo tempore nati  
fuissent: si isto, inquit, modo observari coeptum est, & ex ea observatione  
composita quaedam disciplina est, nullo id pacto potest procedere. Dicant  
enim, quot tandem annis, vel potius, quot seculis, orbis hic observationis  
perfecti quiverit, &c. Possent & alia adhuc adduci, quo minus ex istis  
observationibus certi canones formari potuerint, de quibus legendus  
CLAUDIUS SALMASIUS, de annis climactericis; add. JO. CLERICUS, in  
indice philologico ad Thomae Stanleji histor. philos. oriental. voc. astro-  
logia. Quantumvis autem incerta & fallax esset ista Chaldaeorum di-  
sciplina, locum tamen haud ultimum in illorum, aliarumque gentium,  
philosophia, cum aliis ejusdem generis artibus obtinuit. vid. THOM.  
STANLEJUS, loc. cit. libr. I. sect. II. cap. XVI. De progressu autem,  
fatis, scriptoribus astrologicae artis, etsi multa dici possent, ea ta-  
men hujus loci non sunt. Pleraque GERHARDUS JOANNES VOSSIUS ex-  
hibet, de scientiis mathematicis; praecipuos scriptores astrologicos in-  
dicat JO. HENRICUS BOECLERUS, in bibliographia critica, accuratius  
nuper a JOANNE GOTTLIEB KRAUSIO edita, cap. XXXV. itemque LEON-  
HARDUS CHRISTOPHORUS STURMIUS, de nat. & constitut. matheſeos  
pag. 364. seqq. Resuscitata haecce Astrologorum disciplina cumprimis  
ab Arabibus fuit, cum litterae per barbararum gentium incurſionem,  
Graeciamque & Italiam devastatam, ex Europa pulſae, sedem velut  
apud eos fixissent. Ab iis autem cum aliis opinionum portentis partim  
ad impietatem, partim ad superstitionem ducentibus, ad Europacos  
iterum propagata, seculo cumprimis decimo quinto, & decimo sexto,  
illorum occupavit animos, qui & ad impia quaevis atque inepta se  
abripſi passi sunt, ut vel HIERONYMI CARDANI exemplo patet, de quo  
supra verba fecimus. (383) Fuerunt tamen & eodem tempore, qui  
acriter vanitati & superstitioni Astrologorum se opposuerunt, ut ex  
mox dicendis patebit. Mirandum vero, multos Viros, cetera doctos  
& sapientes, ea peste illo tempore affatos fuisse, quod & PHILIPPO  
MELANCHTHONI contigisse novimus. Immo non defuerunt, qui infelici  
connubio cum ipsa Theologia Astrologiam conjungerent, in varios  
inde errores praecipites dandi. Certe VALENTINUM WEIGELIUM tum  
huic, tum aliis ejusdem generis artibus, arcani quid prae se ferentibus  
multum tribuisse, constat: qua in re & alii ejus exemplum imitati  
sunt. Postquam autem ea philosophandi ratio, quae RENATUM CAR-  
TESIUM auctorem habet, invaluit, astrologicae artis auctoritas magis  
magis.

magisque imminuta est. Quia enim cum ejus hypothesibus Astrologorum nulla ratione conciliari poterat disciplina, id maxime discipuli ejus dedere operam, ut vanitatis hanc artem arguerent, eamque prorsus exploderent. Nec tamen hodie adhuc defunt, qui aliquod ei pretium statuunt, ut vel certamen illud, quod LEONHARDO CHRISTOPHORO STURMIO, cum LUDOVICO HANNEMANNO, ante aliquot annos hac super re intercessit, variis scriptis utrimque editis agitatum, testatur. Diversa utique Virorum doctorum omni tempore de Astrologia fuisse judicia, aliis eam laudantibus ac propugnantibus, impugnantibus & vituperantibus eam aliis. Praefertim, ex quo per Arabes, uti dictum, ad Europaeos propagata, ceu pestis quaedam animos multorum afflavit, integris operibus ejus vanitatem ostendere aggressi sunt HIERONYMUS SAVANOROLA, *adversus astrologiam divinatricem*, JOAN. PICUS MIRANDULANUS, in *libris XII. adversus astrologos*, aliique. Sed JOANNES quoque SARESBERIENSIS, *lib. II. polycrat. cap. XIX. BENEDICTUS PERERIUS, de magia, observatione somniorum & divinatione astrologica lib. III. pag. 210. seqq. PAULUS MERULA, lib. II. Cosmographiae generalis cap. XVI. GERH. JOANNES VOSSIUS, theologiae gentilis lib. II. cap. XLVIII. PETRUS GASSENDUS, lib. VI. phys. scd. II. itidem contra eandem artem divinatoriam argumentis pugnarunt validissimis. Labascanti quidem & hostium telis obrutae arti huic suppetias ferre ausus est JOANN. BAPTISTA MORINUS, in *astrologia gallica, propriis principiis & rationibus stabilita*; sed nihil aliud effecit, quam ut intelligeretur, quid ingenii, in causa quadam desperata defendenda, valerent vires. Enim vero, ut meam quoque paucis, & tribus tantum verbis, aperiam sententiam, vim quandam & efficaciam singularem fiderum coelestium in haec sublunaria esse, praefertim, quod ad tempestatum vicissitudines, similesque effectus, attinet, itemque ad corporum variorum affectiones, mutationesve, quae hisce quidem causis tribui possunt, non prorsus negandum censco. Nec ex eo, quod nobis modus ratione, qua corpora tam immenso spatio a nostra tellure distantia in ea aliquid efficere queant, non constat, statim res ipsa in dubium vocanda. Multa namque quotidie occurrunt, de quibus non dubitamus, ab hac vel illa causa ea effici, etsi modum, quo hoc fiat, aut ignoremus, aut non, nisi per conjecturam, sciamus. (334) Monui hoc jam, in *dissertat. de cultura ingenii*, quae extat in *selectis juris naturae & gentium, cap. I. §. XVI. Astrologi autem primo in eo peccant, quod vim illam operationemque siderum coelestium, etiam qua effectus mere phycos, v. g. tempestatum mutationem, cognitam sibi penitus & perspectam jactitant, quam tamen eos ignorare nunquam fere non experientia docet; item, dum majorem, quam debebant, in hisce sideribus vim tribuunt; cum denique, pro certa venditant, artem, quae dubiis prorsus atque incertis nititur fundamentis. Magis*  
vero*

vero adhuc peccant, dum eandem siderum efficaciam ad moralia extendunt, hominum vitam, salutem, interitum, mentis quoque decreta consiliave, fortunam praeterea secundam & adversam, similiaque, ex astrorum positu derivantes. Enimvero, quo pacto sidera talia efficere queant, nulla ratione intelligi potest. Neque hic exceptio, quam antea protuli, procedit, multa quotidie contingere, quae, quomodo eveniant, ignoremus. Non tantum enim ista siderum quoad moralia haec efficacia, ab omni verosimilitudinis adhorret specie, sed ne quidem possibilis est. Cum enim sidera corpora sint, mente destituta, si effectus quosdam in hisce sublunaribus producant, ii non alii, quam mere naturales, qui per se ad moralia non pertingant, esse possunt. (385) Praeterea totus ille Astrologicae vanitatis adparatus, signa zodiaci, domus planetarum, & quae reliqua sunt ejusdem generis, cum nullo certo nitatur fundamento, inter otiosorum hominum referenda esse commenta, jam pridem Viri docti pronuntiarunt. Sed & inde artis istius vanitas elucescit, quod ejus magistri ex illis siderum adspectibus futura canunt, qui tempore natiuitatis fuere, cum tamen rarissime momentum temporis, quo quis natus est, cognitum & perspectum habeant. Ne quid nunc de eo dicam, quod causas proximas, a quibus praecipue hominum mores progignuntur, parentum indolem, sobolis nutritionem, educationem, aëris circumfusi conditionem, supine & secure praetervolent, ut eo tutius ab altris fata hominis arcessant. Hisce, aliisque argumentis gravissimis, cum Astrologi praemuntur, nihil aliud iis relictum est, quam ut ad experientiam provocent. Ad hanc enim ceu ad sacram confugere anchoram solent. Sed hanc fallacem admodum esse, illorumque minime confirmare placita, ipse jam vidit, recteque animadvertit CICERO: *Quam multa ego Pompejo, quam multa Crasso, quam multa huic Caesari a Chaldaeis dicta veniunt: neminem eorum, nisi senectute, nisi domi, nisi cum claritate esse moriturum: id mihi permirum videatur, quemquam extare, qui etiam nunc credat iis, cum praedicta quotidie videant vel ex eventu refelli, libr. II. de divin. cap. XCIX.* Nec morari quenquam potest, quod dicunt, evenire tamen interdum, quae divinatores illi praedicunt. Cum enim multo plura sint, quae non eveniant, cur incidisse eos casu in veritatem non arbitremur? Ita quidem rectissime JOANNES PICUS, Mirandulae comes, colligit, qui & multa alia hanc in rem addit, *lib. II. contra astrologos cap. II.* Fieri tamen potest, ut infernalis quoque genius Astrologicae praedictioni se immisceat, quod praecunte eodem JOANNE PICO ipse diserte asserit THEOPHRASTUS PARACELUS, cujus hac de re locum admodum memorabilem, ex libro ejus de *arte praesaga* exhibet GEORGIUS PASCHIVS, in *inventis novo-antiquis, cap. XII. pag. 595. seqq. (386)* Certe & PETRUS PÄULIUS ita judicavit, si Astrologi vera praedicant, hoc ex commercio atque pacto cum daemone



proficisci, in *ditionar. historico-crit. voc. Ruggeri, pag. 2627. (387)* Ceterum tanta est Astrologorum sive temeritas, sive stultitia, ut non tantum singulorum hominum, sed imperiorum quoque ac rerum-publicarum fata astris subijciant, eorum incrementa, decrementa, mutationes, eversionesque hinc derivantes. Sic jam olim Romae urbis genesin, Varrone rogante, delineavit L. Tarrutius Firmanus, ut, in *Romulo*, auctor est PLUTARCHUS. Aliud ejusdem urbis thema exhibuit Vectius Valens, Antiochenus; bina alia LUCAS GAURICUS, in *tractatu primo astrologico*, qui & Bononiae, Florentiae, Veneriarum, Patavii, aliarumque urbium fata ex astris derivare voluit. HIERONYMUS CARDANUS simili temeritate regnorum urbiumque fata ex astris divinare ausum, notum est. Sed plurimum quoque urbium themata a Graecis olim Philosophis excitata & collecta notat CLAUDIUS SALMASIUS, de *annis climactericis, pag. 533.* Plura hac de re collegit JOAN FRIDERICUS MAYERUS, in dissertatione: *utrum fata mundi regnorum & urbium dependant ab astris?* In his omnibus vero Astrologos non tam divinare, quam nugari, recte dixeris. Cum enim nulla excogitari ratio queat, cur unius hominis decreta & actiones a stellis proveniant, quis tandem sibi persuaserit, rerumpublicarum, quae tot hominum libere agentium consiliis reguntur, fata hinc derivari posse? Taceo vero, quod ipse Astrologorum dissensus artis vanitatem facis superque prodatur. Nec tamen impietas ac stultitia eorum hic substitit. Religionum enim, & inter reliquas ipsius Christianae fata, astris adscribere nonnulli eorum non dubitarunt. Auctor quidam supposititius, qui sub OVIDII nomine de *vetula* scripsit, quive seculo post Christum natum undecimo vel duodecimo vixisse videtur, judaicam religionem suspendit a conjunctione Jovis cum Saturno, Chaldaeo-Persicam a conjunctione Jovis cum Marte, Aegyptiaco-Graecam a conjunctione Jovis cum Sole, Romanam a conjunctione Jovis cum Venere, Christianam a conjunctione Jovis cum Mercurio, & Muhammedanam denique a conjunctione Jovis cum Luna. Versus ejus, quibus suam sententiam exprimit, exhibet JOANN. FRIDERICUS MAYERUS, in *disputat. II. utrum fata religionum pendeant ab astris?* §. I. Simile quid jam antea in mentem venit ANUMASARI, cujus hac de re locum integrum exhibet JOANN. SELDENUS, de *synedriis Ebraeorum, libr. II. cap. VIII.* Ejusdem stultitiae reus est PETRUS ALLIACENSIS, a prioribus tamen in eo dissentiens, simulque artis vanitatem prodens, quod non Mercurium, sed Solem, Christianae religionis auctorem existimat, unde factum sit, ut dies Solis a Christianis sacrosanctus habeatur, quemadmodum apud Judaeos, quorum religionem & ipse Saturno tribuit, dies Saturni, & apud Muhammedanos, quorum superstitionem a Venere profluxisse, cum Abumafare opinatur, dies Veneris; cachinnis ideo merito exceptus a FRANCISCO MATHAEO VAYERIO, *tom. I. opp. pag. 275. seqq.* Eundem

in

in modum & HIERONYMUS CARDANUS nugatur, etsi in quibusdem iterum a reliquis dissentiens. *Leges Christiana*, inquit, & *Judaica a Deo sunt*, *fortuna tamen militantium a superioribus gubernatur*. *Judaica a Saturno*, vel ejus stella, vel potius utroque. *Christiana a Jove & Mercurio*. *Muhamethi a Sole & Marte*, aequaliter dominantibus: unde justitiam custodit, verum cum impietate & crudelitate magna. *Idololatrica a Luna & Marte*. Solvitur autem unaquaeque lex a suo contrario. Saturnum debellat Jupiter auctoritate, & Mercurius ratione. Jovem & Mercurium debellat Mars, non audiens rationes, & saeviens contra auctoritatem. Martem & Solem debellant Saturnus & Venus, haec lascivia, ille dolis. Martem & Lunam Sol & Jupiter destruant, auctoritate, dignitate & veritate. Ob hoc Christiani erigite capita; qui potest capere, capiat; de supplemento Almanach cap. XXII. Immo alibi eo usque infaniae progreditur, ut, Christianae religioni finem & interitum imminere, ex astris colligat. Cum enim ab PTOLOMAEI tetrabibl. libr. II. cap. IX. text. LX. thema Christi genethliacum, de quo deinceps, exposuisset; naturaliter, addit, *legem Christianam esse legem pietatis, optimeque institutam, nullumque habituram finem, nisi post reditum eclipticarum, in quo fiat novus status universi*. Similia & alii habent. THOMAS contra CAMPANELLA ex astris colligit, instare tempus, quo totus mundus ad cultum veri Dei sit perducendus, de sensu rerum, pag. 64. Ne quid autem ad extremum stultitiae ac impietatis gradum decisset, fuerunt etiam, qui ipsius Servatoris genesis astris submittere non dubitarunt. Haud ultimum inter eos iterum locum tener HIERONYMUS CARDANUS, qui sententiam hanc, quam, ut ipse fatetur, per viginti annos timide fovit, neque ausus fuit edere, tandem tamen commentario suo in PTOLOMAEI libr. II. de astr. jud. cap. IX. text. LIX. inseruit; cujus sumnam exhibet GEORGIUS PASCHIVS, de inventis antiquis cap. VII. §. XVII. pag. 587. Immo & patronum atque defensores nactus est JO. BAPTISTAM MORINUM, qui in praefat. apologet. astrologiae gallicae causam ejus strenue egit. (388) Nec tamen aut solus aut primus fuit Cardanus, quem ista dementia cepit, etsi, stolidi ambitione abreptus, aliorum exemplo ad sui defensionem uti noluerit, ne tam pulchri inventi se ipsum privaret gloria. Recentissimus autem inter eos, qui ante illum simile quid tentarunt, est Tiberius Russilianus Sexus, Calaber, qui sub Leone X. pontifice vixit, & cum ob istam audaciam aliorum censuris vexaretur, apologeticum adversus cucullatos edidit, ubi thema nativitatis Christi sub tribus diversis schematibus exhibuit, vel ut GABRIEL NAUDAEUS, in judicio de Cardano loquitur, tria Christi geneleos themata secundum tres rationabiles differentium doctorum opiniones luculenter enarravit. Ante eum idem fecit Petrus de Alliaco, archiepiscopus Cameracensis, qui circa initium seculi decimi quinti floruit, in elucidario astronomicae concordiae.

Huic

Huic autem exemplum jam praeivit Albertus Magnus, cui eruditionis gloria pro temporis istius, quo vixit, conditione, non est deneganda, cisi idem simul a quibusdam artibus superstitiosis, immo ipsi Magiae addictus credatur, ab aliis tamen defensus aut excusatus. (389) Primus omnium vero, qui ad hanc impietatem animum adiecit, fuit Albinus, qui circa annum Christi nccc xlvi vixisse creditur, & non tantum Muhammedis, sed & Christi Servatoris vitam astris alligare non erubuit. Legenda, quae de hisce ex GABRIELIS NAUDAEI *judicio de Cardano*, antea laudato, in medium adfert PETRUS BAEIUS, in *dition. historico-crit. voc. Cardanus* pag. 805. add. GEORGIUS PASCIIUS, de *inventis novo-antiquis*, cap. VII. §. XVII. pag. 587. seqq. JO. ANDREAS SCHMIDIUS, Theologus Helmstädiensis clarissimus, in *dissertat. de themate Christi natalitio*, & JOAN. FRID. MAYERUS, *dissert. I. utrum fata religionum dependeant ab astris?* §. III. Non ergo est, quod quis miretur, fuisse, qui & B. Martini Lutheri fata, simulque, quam tam felici successu agressus est, ecclesiae reformationem, ex astris derivarent; in malam quidem cuncta interpretantes partem, & haereticos, quam vocant, ortum, aequae ac tanti haereliarchae nativitate, in siderum adspæctus conferentes. Agmen hic iterum ducit HIERONYMUS CARDANUS, in *libro de genituris* num. XI. Idem fecit FRANCISCUS JUNCTINUS, referente & adprobante FLORIMUNDO RAIMUNDO, *lib. I. de origine haeresium* cap. V. & alii. Hi vero omnes non potuerunt non turpiter se traducere, cum de anno natali Lutheri nihil certi constet. Lepidum vero prorsus est, quod, cum ipsi illi auctores, qui Lutheri fata astris tribuunt, de anno nativitatis inter se dissentiant, in eventibus tamen, qui illis jam noti erant, consentiant egregie; quo nomine & illorum stultitiam ridet PETRUS CASSENGUS, *tom. I. opp. p. 505. conf.* & JO. FRID. MAYERI *dissertat. I. utrum fata religionum pendeant ab astris?* §. I. II. Atque ex hactenus quidem dictis, ut & impietas & vanitas Astrologicae artis satis elucescit, ita nemo quoque temere dubitaverit, eos, qui illam exercent, aut fidem ei adhibent, recte *superstitionis* argui. Non negaverim, fieri posse, ut per Astrologiam aliquis & ad Atheismum seducatur; quemadmodum & nonnullos Astrologos inter Atheos relatos constat, uti de ipso HIERONYMO CARDANO supra cap. I. §. XXIV. observavimus; simul tamen fatendum, & raro id fieri, & inter omnes Atheos eos merito pro ineptissimis haberi, ut itidem cap. II. ad §. IX. ostensum. Dum vero plerique Astrologorum Deum quidem admittunt, Eumque se colere sibi persuadent, & nihilofecius homines, astrorum imperio eos subjiendo, omni libertate, Deum autem revera providentia & mundi gubernatione privant, eam, quam sequuntur, colendi Deum rationem non modo perverfam, sed revera ridiculam esse, adeoque non alio, quam superstitionis nomine insigniendam, nemo non intelligit. De  
reli-

reliquis artibus divinatoriis, quarum quaedam cum Astrologia arctissimo vinculo conjunctae sunt, deinceps dicemus.

- (382) *Pleraque eorum, quae de Astrologiae origine prostant apud Veteres, collegit Bruckerus Hist. Crit. Philos. Tom. 1. pag. 108. seqq. Si Chaldaeis inventionis gloria est tribuenda, haec, certe, perexigua est. Vix autem alicujus sunt ponderis rationes, quas Cl. Auctor Introduc. ad Hist. Phil. Hebr. pag. 24. (Edit. Halens. 1720.) Lambecio opponit, ut demonstret, illius argumenta non probare, Abrahamum Astrologiae non incubuisse: inter alia posuerat Lambecius, Astrologiam esse artem prorsus vanam, atque futilem, indignamque, in qua Abrahamus ingenium exercuerit; regerit Buddeus, hoc nondum esse probatum. Verum, si Vir Clar. tantum perpendere voluisset argumentum Favorini apud Gellium, illudque solidissimum, facile demonstratum invenisset assertum Lambecii; cujus veritas evicta fuit a plurimis, quos ipse enumerat Auctor pag. 516. seq. Nihil autem ad rem facit id, quod l. c. notat Cl. Buddeus, Astrologiam speciatim sic dictam (quae scil. ab Astronomia differt, & huic fere est opposita) apud antiquissimas gentes pro Philosophiae parte haud ultima fuisse habitam; licet enim Abrahamus, cum inter Chaldaeos Idololatrias versaretur, praeceptis nugacibus vanae hujus artis potuerit imbuti, attamen vix credibile est, hominem, veri Dei cognitione gaudentem, illis adhibuisse fidem, artemque illam exercuisse.*
- (383) *Conf. ea, quae supra notavi ad Cap. 1. §. 24. n. 51. Cardani superstitionem circa nugas Astrologicas aemulatur Thomas Campanella, qui fatales putavit Eclipsium effectus, ita tamen ut praecaveri possint, si domus diligenter claudatur, incendatur suffitus aromaticus, aliaque adhibeantur medicamina Magica. Vid. Bruckerus Hist. Crit. Phil. Tom. IV. Part. II. pag. 121. seq. Morhof in Polyhist. Tom. 2. L. 2. P. 1. C. 12. §. 9. (qui tamen ab omni superstitione in hac parte non videtur liber).*
- (384) *Divinandi Artis ex Siderum positu plurima vestigia etiam nostra aetate non desunt; saltem reperti fuerunt, qui tempestates, quae caeteroquin vagae dicuntur, exinde praenuntiare fuerunt conati: nemo hic ulterius progressus fuit, quam Joannes Goad Anglus, in Astro-meteorologia sana, cui adjungi quodammodo posset Marchio Ghisleri, in Praefat. ad Ephemerides A. 1739-1756. Ex opere autem J. Goad, (qui Artis Astro-meteorologicae Instaurator dicitur) evidentissimum depromi potest exemplum hominis ab eruditione non destituti, sed ad nauseam usque superstitiosi. Verissimum quidem est Cl. Auctoris monitum, res ipsas statim in dubium vocandas non esse ex eo, quod nobis*  

V v v

modus

modus ratioque, qua corpora tam immenso spatio a nostra Tellure distantia in ea aliquid efficere queant, non constat: verum, nisi constiterit indubiâ experientia, certos Solis, Lunae, Planetarum & Stellarum fixarum positus semper determinatas tempestates, aliaque in Tellure & in ejus Atmosphaera occurrentia phaenomena habere comites, de explicatione modi non est, quod finis solliciti: atqui sola ratio ab A. Gellio nomine Favorini allata demonstrat, rem ipsam, de cujus modo agitur, nunquam per experientiam posse constare; cum idem coeli positus post plurima demum secula redeat. Non nego, influxum quendam in Tellurem nostram habere corpora coelestia, sed, Astro-meteorologiam vanam penitus, ejusque regulas ab omni fundamento destitutas esse, prudentemque Deum etiam hic futuri temporis exitum caliginosa nocte premere, sum certissimus.

- (385) Si corpora coelestia aliquem in Tellurem, atque in omnia corpora, quae in Tellure reperiuntur, habeant influxum, (quod negari non potest, licet regulas ignoremus, secundum quas influxus ille operatur) effectus ejus aliquis dari posset in corpus animale: humanum autem corpus adeo arcte est alligatum menti rationali, ut hujus operationes plurimum pendeant a constitutione corporis. Si corporis temperamentum sit varium, pro varietate soli, in quo constituitur, pro varietate ciborum, quibus alitur, pro varietate aeris, quem inspirat, sique mentis inclinationes & qualescunque operationes sint variae pro varia dispositione corporis, non mirum foret, si etiam morales hominum actiones pro variis hisce different circumstantiis, quae cum operationibus corporum coelestium sunt connexae. Vid. Barclaji Icon Animorum Cap. 2. seqq. Beccan Hist. Orb. Terr. pag. 394. seqq. Kaau Boerhave Impetum faciens &c. pag. 325. seq. Montesquieu l'Esprit des Loix Liv. XIV. Chap. 2. suiv. (qui tamen nimium tribuit Climatibus diversitati, uti recte notavit Anonymus in notis ad finem Lib. XIV.) nec non la Physique de l'Histoire passim, praesertim Chap. 5. suiv.

- (386) Nescio, quo colore dici possit, infernalem Genium sese immiscere praedictioni Astrologicae, nisi absque ulla ratione statuere velimus, Deum arcana sua consilia, quae rerum futurarum eventum respiciunt cum Diabolo communicasse, idque summo opere displicet in loco admodum memorabili Paracelsi, quem intendit Cl. Auditor, cum dicat: scire vos velim, Diabolum artem hanc (praesagam, scilicet) complevisse hoc modo: — coepit sese & ipse Diabolus stellis immiscere suamque nequitiam inferere, & Astronomiam Astrologiamque latius extendere, docendo & instituendo homines. Ita enim suis affectis praecepit: si infans tali coeli aspectu natus prodit, dico

cito hanc ipsius sortem, hanc fortunam fore. Et licet ista quidem stellarum natura non sit; ipse tamen illi me inferam infanti, ipsum moderabor ducanque, ut pro artificibus veris habeamini, &c. An quidem audentius scribere potuisset Paracelsus, si ipsi Diabolo fuisset a secretis? an non hac ratione manifestissime plus virum tribuitur infernali Genio, quam ipsi competere possunt?

- (387) Adeo hypothetice loquitur Baillius l. c. Lit. D, ut facile appareat, illum de toto hocce negotio nihil credere; si, inquit, verum foret, operationem Astrologicam detexisset Gaurico, Regem Henricum secundum in certamine singulari neci esse dandum, Astrologia annumeranda foret artibus Magicis, iisque divinandi modis, qui pacto cum Diabolo inito nituntur: sed, paucis interjectis, addit: Nota, quaeſo, intellectu difficile esse, futurum divinari posse Daemonis auxilio; licet quippe Angelorum scientiam amplissimam supponamus, haec tamen completi non videtur nexum omnium objectorum, quae cognoscenda sunt, ut certo praenuntietur, has vel illas res habituras esse locum; & absurdum dictu foret, Deum illis id ipsum revelare, quotiescumque executioni mandare cupiunt funestum, quod cum hominibus iniissent, pactum.

- (388) Non eo absurditatis processit Cardanus, ut statuerit vel divinitatem in Christo, vel Ejus Miracula, vel vitae sanctitatem ab Astris pendere: sed optimâ atque mirabili constitutione Astrorum genesin Ejus a Deo optimo notatam perhibuit; cum optimum fuerit corporis Christi temperamentum, sanitate perpetua exornati. Atque etiam hoc nomine Cardanum defendit Morinus (apud Paschium l. c. pag. 589.) quod non latum sit judicium de Christo, ut Christus vel Deus est; sed ut verus est homo; qua ratione Christus abhorre non potuit a naturae legibus, cum caeteros homines iisdem subjecerit, & ipsemet solis ardorem, famem, sitim, frigus, aliasque molestias sustinuerit. Quantum ad ipsam mortem; hanc Christus ex Morini sententiâ libere subiit, sed, ad majorem Ejus gloriam ex Astrologiâ etiam patere, existimat, Ipsum fuisse verum hominem, & submisisse corpus suum iisdem causis naturalibus a se conditis, quibus aliorum hominum corpora subdidit & subjecit, sic Ipse elegit mortis tempus causis physicis & coelestibus congruum, nec, eo praesente, mortem diutius differre voluit.

- (389) Albertus Magnus ab Albumasare (quem in seqq. memorat ex Paschio l. c. Cl. Auctor) dissentit: hic enim dixerat, ascendit in primo facie signi cancri Virgo, pulchra & honesta, habens in manu duas species, & nutrit puerum, & vocat ipsum puerum quaedam Gens

V v v 2

JESUM,

JESUM, & adscendit cum eo stella Virginis: *sed* Albertus Magnus *subjungit*: nos autem scimus, quod sub adscendente cancro natus fuerit Dominus noster Jesus Christus, cum hoc, quod aequatio motus octavae Sphaerae in tempore ejusdem fuerit 8. gr. & 30'. min. secundum calculationem certissimam, & quod ipsa tunc erat minuenda de locis Planetarum inventis per canones: non quod subjaceat stellarum motui, qui creavit stellas; sed ipse causa erat, cur suam mirandam nativitatem astra significarent. *Ex hoc autem dissensu inter Astrologos, & ex figmentis, quibus nituntur calculi, quaeque sanior Astronomia ridet, facile, etiamsi non alia proflarent rationum pondera, apparet, quid de nugaci hacce arte ejusque cultoribus sit judicandum. Nihil autem magis ridiculum, quam ex nominibus, quae constellationibus, & praesertim Zodiaci signis sunt imposita a Veteribus Pastoribus, Nautis, Poëtis, & Principum adulatoribus, aliquid concludere velle; cum hae denominationes sint penitus arbitrariae. Virgo, quam in coelum evererunt, nihil cum figura & dispositione stellarum in illo coeli loco habet commune, atque eodem jure stellarum ad virginem pertinentium congeries intra terminos figurae equinae potuisset comprehendere. Nemo melius vanitatem Astrologorum monstravit, quam Gallendus Oper. Tom. 1. pag. 719—752. seu Physic. Sect. 2. Lib. 6. Cap. 2. seqq. ex quo plerique recentiores sua hauserunt. Id unum adjecisse juvabit, praedictiones omnes penitus falsas esse debere, si fidae non fuerint Tabulae Astronomicae, sique Horologia, quibus tempora mensurantur, non rite fuerint disposita: ast ante seculum decimum septimum, imo ante seculum hocce nostrum ubi prostabant Tabulae, quae satis accurate planetarum loca determinabant? ubi dabantur horologia, quae ad tantum perfectionis culmen erant erecta, ad quod nunc Grahani, Ellicotii, Sheltoni, Harrisonii, Hugonii nostri vestigiis magnam partem insistentium, industriae fuerunt perducta?*

### S. V.

Nec in coelo modo, sed & in tellure nostra innumera fere superstitiosa credulitas invenit, quae in rem suam vertat, & quibus ceu scopulis quibusdam adhaerescat. Namque & radicibus quibusdam, plantis, gemmis, lapidibusque, & partibus animalium, ejusmodi efficaciam & virtutes tam mirabiles tribuunt, quibus non tantum non gaudent, sed quae indoli etiam eorum ac naturae prorsus repugnant. \* Idem & de litte.

litteris, signis, characteribus, similibusque stolidae vanitatis monumentis, observandum: \*\* itemque, de amuletis, periaptis, & aliis superstitionum hominum commentis longe ineptissimis. \*\*\* Tandem & eodem habendi loco, qui prosperum aut infaustum rerum eventum ex rebus variis, quae casu fortuito illis obveniunt, derivantes, omnia ubique captaut. \* Hi vero omnes non ignorantiam modo suam & credulitatem, sed & diffidentiam in Numinis providentiam prodentes, relictoque ordine divinitus praescripto, nimia, quod cupiunt, obtinendi aviditate abrepti, ad inusitata, singularia, vetita prolabentes, a superstitione, qua Deum gravissime offendunt, absolvi nequeunt. \*\*

- \* Sic gemmis quibusdam virtutem fugandi daemones, & spectra repellendi, plantis quibusdam, & animalium nonnullorum partibus, certa ratione adhibitis, virtutem aliorum amorem nobis conciliandi, aut alios etiam adducendi, ut dormientes secreta quaevis revelent, tribuunt; & quae alia sunt ejusdem generis, in libro de *virtutibus lapidum, herbarum, &c.* aliisque scriptis, quae sub ALBERTI MAGNI nomine circumferuntur; in ALEXII PEDEMONTANI *libris septem de secretis*; ANTONII MIZALDI *centuriis memorabilium*, JOAN. BAPTISTAE PORTAE *magia naturali*, JO. JACOB WECKERI *libris septendecim secretorum*, similibusque, obvia. Nonnulla quoque huc spectantia refert, & lepidissime exagitat auctor ingeniosissimus libri Gallicano idiomate scripti, sed in Germanicum translati, *Historie oder Erzählung der seltsamen Einbildungen / welche Monsieur Duple aus Lesung solcher Bücher bekommen / die von der Zauberei / etc. und andern abergläubischen Dingen handeln / etc. cumprimis part. I. cap. VII. & VIII. p. m. 59. seqq.* Non equidem negaverim, plantarum aliarumque rerum corporum vim & efficaciam non prorsus nobis cognitam esse; sed ea, quae in fugandis daemonibus, in flectendis hominum animis, & quae alia ejusdem generis sunt, iis tribuitur, ita comparata est, ut, cum nullus, immo ne possibilis quidem inter causam & effectum deprehendatur nexus, non possit non inter inania, vanissimaque hominum superstitionum commenta, referri.

- \*\* Exemplum vel illi praebent, qui per verba, signa, & characteres ejusmodi, varia morborum genera curari posse, existimant. Qua de re GEORGIUM PASCHUM audire juvat: *Praeter haec est alia, celebrata*



a multis curatio, qua difficiles ac periculosi morbi plurimi nulla prorsus vel potione medica, vel aliis suntis pharmacis sanantur. Fitque illa, quam recte dixeris magicam, vel per verba, vel per characteres. Verba, quae vel demurmurari solent, vel clara voce pronuntiari, sunt vel *magica*, five significantia, vel *magica*, five non significantia. Hujus generis sunt illa lippis & tonsoribus nota vocabula: Abracadabra, Sator, Arebo, Teneb, Otera, Rotas; item: Chunrat, Cara, Sarite, Abrac, Aman, Gibel, Got, Irtioni, Khirtori; & quorum ad luxationis & fracturae curationem usus est: Matas, Denatas, Daries, Dardaries, Araries, &c. aliaque stoliditatis plena quam plurima, ab auctoribus passim notata, quae hic recensere operae pretium non est. Vocum autem significantium aliae sunt peregrinae, ex Graeca, Ebraea, aliisque linguis arcessitae; aliae domesticae, eaeque vel profanae, vel sacrae, harumque imprimis magnus, gravissimam Numinis vindictam incurrens, abusus est, &c. Interjectis deinde nonnullis, de characteribus idem auctor ita pergit: Ad characteres quod attinet, Theophrastus Paracelsus prae aliis in eo est, ut varios diversissimosque praescribat modos, quibus plurimi morbi facillime depellantur, quam quidem per signa curandi methodum licet ex minus probato fonte oriri, ipse harioletur, integrum tamen esse scribit, de causis morborum invisibil. quæst. I. pag. 34. a diabolo remedia recipere, cum in hominum salutem ea cedunt. Habuitque is inter alios vanissimae suae artis magistrum Quintum Severum Samonicum, seculi post Christum natum tertii medicum, qui inter carmina, quae de febribus scripsit, contra hemitritaeum sequentem composuit conum, collo appendendum, ABRACADABRA, &c. de inventis nov-antiquis, cap. VI. §. XXIII. pag. 393, 394. Versus, quibus Quintus Severus Samonicus hocce arcanum exprellit, hi sunt:

*Inscribes chartae, quod dicitur ABRACADABRA,  
Saepius & subter repetes, sed detrahe summam,  
Et magis atque magis desint elementa figuris,  
Singula quae semper rapies, & cetera figes,  
Donec in angustum redigatur littera conum,  
His lino nexis, collum redimire memento, &c.*

Unde ista superstitio, de Abracadabra, quae hodie adhuc perdurat, orta sit, non temere dixeris. Non contemnenda tamen videtur conjectura JO. SELDENI, a Basilidianorum Abraxas eam ortam esse. Certe, Samonicus, ut idem observat, praeceptor Gordiani junioris erat; haeretici autem Basilides & Valentinus, centum plus minus annos eum anteverunt, & sub Adriano & Antonino philosopho, puram religionem inquinarent; de diis Syris syntagm. I. cap. II. pag. 118, 119. (390) Ad rem ipsam quod attinet, non temere quisquam, nisi rerum omnium

igna-

ignarus dixerit, ipsarum litterarum, vocum characterum, quandam ad hosce effectus producendos vim ac efficaciam esse posse. Certe, qui ejusmodi quid sibi persuaserit, quod rationi tam manifeste repugnat, cum ipsa ratione, si modo aliquam habet, insanire dicendus est. Quodsi autem unquam litterae, voces, characteres, similiaque aliquid efficisse videntur, tum aut imaginationi hominum id tribuendum, cujus in curandis morbis vim singularem & prorsus admirabilem esse constat; aut fatendum, & daemonis hic intercessisse operam, quo quidem sensu ejusmodi morbos curandi ratio recte magica dicitur.

- (390) Seldenum secutus fuit in hac conjectura Cl. Vossius de Theologia Gentili Lib. 1. Cap. 8. p. m. 62. (ad quem igitur provocare supervacuum est) sed an ideo Abracadabra ab Abraxa primum fluxit, quia duae priores syllabae utrique vocabulo sunt communes? Abraxas pius fuit Valentinianorum & Marcotianorum, ut & Basilidianorum Deus, qui, ipso notante Seldeno l. c., ab Hieronymo idem fuit habitus cum Mithra, seu Sole; quia in literis hujus nominis numerus 365, intra quos dies Sol cursum suum absolvere videtur, comprehenditur. Attamen & a nonnullis scriptum fuit abracadabra, ut, ridendo conatu, duplicem Trinitatis notam in hoc vocabulo quaererent; quo ipso nihil cum Abraxa haberet commune: sed an operae pretium est istiusmodi nugis inhaerere?

- \*\*\* Amuleti, vel ut alii loqui malunt, amoleti (ab amoliendo dicti) nomine corpus aliquod venit, characteribus, imagine & figura certa insignitum, ut singulari ad pellendos morbos, mala quaecvis averuncanda, aliosque effectus mirabiles edendos, praeditum. Quaedam de coelo delapsa putantur; plurima vero arte parantur. Illa, si nonnullos audias, vel majora sunt, ut Graecorum palladium, & ancile Romanorum; vel minora, ut nummi quidam aurei, quos nonnulli coelo delapsos, nescio, majorine stoliditate fingant, an impudentia aliis persuadere conentur. Arte comparata amuleta vel majora itidem statuuntur, vel minora. Illa formas animalium acmulabantur, quandoque etiam ad formam humanam efficta, vel integram statuam, vel partem referebant. Hae vero corporum naturalium sive integrorum, sive mutilorum speciem exhibent, rebus artificiosis, annulis, gemmis, & lapidibus pretiosis, non exclusis. Huc & lamellae signorum zodiaci, & planetarum, sub certa constellatione fabricatae, pertinent; vid. GEORGIUS PASCIIUS, de inventis nov. antiquis cap. VI. §. XXIII. pag. 295. seqq. Ejusdem fere comitatus sunt figurae Talismanicae, seu simulacra, vel imagunculae, sub certa constellatione confectae, quibus, praeter vim varios effectus mirabiles edendi, etiam facultatem quandam ad interrogata respondendi, & praedicendi futura, tribuunt.

Eas

Eas non unius esse generis, intelligere licet ex iis, quae JAC. GAF-  
 FARELLUS de iis tradit, in *curiositatibus inauditis*, cap. VI. pag. 102.  
 seqq. cum primis autem ex iis, quae copiose & erudite ad h. l. notavit  
 GREGORIUS MICHAELUS, num. LIX. pag. 257. seqq. Sunt nonnulli, qui  
 figuras hasce Talismanicas a veterum Teraphim, quorum in historia  
 sacra jam tempore Jacobi Patriarchae, mentio injicitur, derivandas  
 censent; quod si verum esset, summam illarum antiquitatem argueret.  
 Verum horum nequitiam certo nititur fundamento sententia. Tera-  
 phim namque antiquissimis temporibus nihil aliud erant, quam statucae,  
 quas nonnulli majoribus suis ad memoriam eorum conservandam con-  
 secrabant; mox autem accedente superstitione, ad benedictionem a  
 majoribus impetrandam, cultu divino prosequiebantur. (391) Post  
 Moysis vero demum tempora, cum magicae artes apud Chaldaeos in-  
 crementum fumsissent, divinationis quoque facta sunt instrumenta;  
 quod qua ratione intelligendum sit, in *histor. ecclesiast. veter. testam.*  
*ad period. I. sect. III. ad §. XXII. pag. 428.* exposui. Inde vero non-  
 dum constat, Teraphim imagunculas fuisse sub certa constellatione,  
 ad effectus mirabiles edendos, fabrefactas. Veterum etiam haereticor-  
 um, speciatim Basilidianorum gemmae, vocem notissimam *Abraxas*,  
 quod summi Dei, ut nonnulli putant, apud eos nomen fuit, referen-  
 tes, an satis accurate pro figuris Talismanicis habeantur, dubito:  
 inter amuleta magica recte eas referri, certum est. Legendus de iis  
 JOAN. MACARIUS, canonicus Arianensis, in disquisitione posthuma, de  
*gemmis Basilidianis*, quae inscribitur, *Abraxas*, seu *Aristopistus*, quam  
 JOANNES CHIFLETIUS, canonicus Tornacensis, publici juris fecit,  
 simulque & aliam ipse dissertationem adjunxit, quae inscribitur: *Abra-*  
*xas Proteus*, seu *multiformis gemmae Basilidianae portentosa varietas*,  
 in qua centum & viginti gemmas Basilidianas exhibet, & commenta-  
 rio illustrat; Antverpiae anno M DC LVII 4to. Quicquid hujus sit,  
 jam antiquis temporibus, Talismanicas figuras in usu fuisse, & apud  
 orientales populos, cum primis Arabes, superstitioni, speciatim Astro-  
 logiae admodum addictos, originem accepisse, non abnuerim. Seculo  
 post Christum natum decimo tertio ROGERUM BACONEM, & decimo  
 quarto PETRUM APONENSEM artem ejusmodi figuras conficiendi profectos  
 esse, constat, Virisque eruditus est observatum; conf. GEORGIUS PASCHIUS,  
 de *inventis nov-antiquis*, cap. VI. §. XXIV. pag. 399. Nec recentiori  
 aetate defuisse, qui tum figuris ejusmodi Talismanicis, tum aliis  
 amuletis vim quandam singularem tribuerent, pretiumque ejusmodi  
 nugis statuerent, Henrici Cornelii Agrippae, Theophrasti Paracelsi,  
 Jacobi Gaffarelli, aliorumque exemplis condoceri potest. Et GAFFA-  
 RELUS quidem, in *curiositatibus*, quas vocat, *inauditis* cap. VI. pag.  
 102. seqq. valde operosus est, ut Talismanicas imagines defendat.  
 Id vel inscriptio capitis docet: *posse secundum orientales figuras quasdam*  
 certo

certo coeli positu confici, quae naturaliter & absque daemonum ope animalia noxia depellant, ventos, flumina & tempestates averiant, variis denique morbis medeantur. Tribus vero maxime argumentis istam figurarum vel imaginum efficaciam probare annitur: quorum primum ab astrorum influxu petitum est; alterum a vi *συμπληθικής* seu similitudinis; tertium denique ab experientia. Ab ultimo, in quo maximum haud dubio causae praesidium ponit, dum orditur, exempla plurima cumulat, quibus putat, istam imaginum efficaciam probari posse: ad quod tamen quid respondendum sit, quilibet, non prorsus perfunctorie cuncta secum expendens, facile intelligit. Ne quid enim de eo dicam, quod testimonia auctorum, ex quibus exempla ista deponunt, non uno omnia habenda sint loco, immo quaedam ita comparata, ut non sine ratione in dubium vocari queant, de effectu quidem, si locum inveniant, certiores nos reddere possunt, minime autem de causa, naturalisve sit, an praeternaturalis? Neque enim de eo quaestio est, an ejusmodi imagines aliquando efficaciam quandam, e. g. in morbis pellendis, habeant: hoc enim non prorsus negaverim. Sed de eo quaeritur, num effectus hic naturalis sit, an vero daemone auctorem habeat? Praeterea, num effectus per se causam sequatur? quaeritur, non autem, an id per accidens fiat. Intercedente enim hominis imaginatione, effectum salutarem aliquando sequi posse, nemo temere inficiatus fuerit; qui tamen imagini ejusmodi vel figurae, ceu causae, tribui nullatenus potest. Corruit hinc auctoris argumentum, a *συμπληθικής* petitum. Quemadmodum enim voces istae *συμπληθικός* & *ἀπληθικός* non alio loco habendae, quam reliquae qualitates occultae, quibus, qui istis utuntur, non tam phaenomenorum naturalium causam reddunt, quam suam profitentur ignorantiam; ita in explicanda ista *συμπληθικής* efficacia auctor ad ea dilabitur, quae vim quidem singularem imaginationis probant, causam tamen, quam defendendam suscepit, parum juvant. Reliqua autem aut nihil probant, aut digna non sunt, quae in censum veniant. De tertio, quod antea primo posuimus loco, quid judicandum sit, argumento, astrorum scilicet influxu, patet ex iis, quae supra de Astrologia fuisse disputavimus. Ad objectiones quidem secus sentientium respondere conatur GAFFARELLIUS, *loc. cit. cap. VII. pag. 137. seqq.* sed ea ratione, ut causae suae imbecillitatem prodar potius, quam ut robur aliquod seu praesidium illi adferat. Nihil itaque aliud superest, quam ut haec omnia *μαγείας* illis, igne dignissimis, quorum *Astor. XIX: 19.* mentio injicitur, annumeremus. Jureque adeo & in veteri Ecclesia, qui talia aut usurparent, aut conficerent, aut artes ejusmodi profiterentur, damnati sunt, & ab Ecclesiae communione remoti, ut vel ex concilii Laodiceni, *can. XXXVI.* liquet: *Quod non oportet eos, qui sunt sacrati vel clerici, esse Magos vel Incantatores, vel Mathematicos, vel facere ea, quae di-*

X x x

cui.

cuntur amuleta, quae quidem sunt ipsarum animarum vincula; eos autem qui ferunt, ejici ex Ecclesia jussimus. (392) Immo ab Ethnicis Imperatoribus, quod mireris, ista superstitio prohibita, graviterque punita fuit. De Antonino namque Caracalla AELIUS SPARTIANUS refert: damnati sunt, & qui remedia quartanis tertianisque collo annexa gestarent: in vita Antonini Caracallae cap. V. pag. m. 716. Ad quem locum quae IS. CASAUBONUS notat, cum observatu digna sint, hic legisse, poenitebit neminem: Plena sunt monumenta Graecorum, & Latinorum hujusmodi remediis. Graeci ~~divina~~ & ~~divina~~, interdum & ~~divina~~ nominant. Fere autem cum magicorum verborum susurro ista amuleta adhibebantur; quam veritatem omnium seculorum sapientes damnaverunt. Mirum vero, adeo severe in eos, qui talia remedia gestarent, ab eo principe, omnium, nisi fallor, primo, fuisse animadversum; quem curiosis artibus fuisse deditissimum, testibus Dione & Herodiano constat nobis. Ita nempe videas libidinosissimum quemque principum legem Juliam de adulteriis plurimum saepe urfisse. Haec diu in animis veterum Christianorum approbatio & studium horum remediorum. Quare Joannes Chrysostomus, & alii pii sanctique viri, multis locis scriptorum suorum gravissime in eos sunt inveci, qui more pagánico ~~divina~~ annederent; extantque de horum poemis canonis multi in antiquis patrum conciliis, &c. A Christianis Imperatoribus deinceps itidem leges variae conditae sunt, quibus tum hoc genus, tum aliae species omnes veterum artium coërcerentur. De Constantii temporibus verba faciens AMMIANUS MARCELLINUS, nam si qui, inquit, remedia quartanae vel doloris alterius collo gestaret, sive per monumentum transiisse vespere malevolorum argueretur indicis, ut veneficus, sepulcrorumque horrores, & errantium ibidem animarum ludibria colligens vana, pronuntiatus reus capitis interibat, libr. XIX. cap. XII. pag. m. 251. Ad quem MARCELLINI locum quae FREDERICUS LINDBROGIUS notavit, itidem lectu digna sunt. Sed mitto reliqua, quae hac de re dici possent.

- (391) Nequaquam demonstrare licet apodictice, Teraphim antiquissimis temporibus fuisse statuas vel imagines, quas nonnulli Majoribus suis, ad memoriam eorum conservandam, consecrabant: quippe, sive Rachel furata fuerit Patris Teraphim Gen. XXXI: 30. ex superstitionis specie, cum futura per eos sciri crederet, sive id fecerit, ut Patrem abduceret ab idololatrico, saltem supersticioso eorum cultu; Laban eos appellat Deos suos. Conf. Cl. Witlius Aegypt. Lib. 2. Cap. 10. seq. Heidegger Hist. Patriarch. Tom. II. Exerc. 1. §. 38. Ode de Angelis Sect. 1. Cap. 6. §. 11. Denotare quidem videtur vocabulum תרפים i San. XIX: 13. Imaginem, quia de Mical dicitur, quod adsumtam quandam imaginem imposuerit lecto; sed nullum datur indicium, illam fuisse in memoriam majorum constructam; & licet LXX.

*LXX. eam vocem interpretati fuerint per ~~monstrum~~, exinde tamen non liquet, imaginem fuisse Majorum; cum vocabulum hocce simulacrum vel qualemcunque imaginem designet.*

- (392) *Id unum in gratiam eorum, qui Mathematica studia colunt humano generi utilissima & penitus necessaria, adjicere liceat, per Mathematicos hic intelligendos esse illos, qui ex vana intestinorum, manuum, vultuumque inspectione futura contingentia praedicere, ac artibus quibusdam & subfursis Magicis scire se omnia & facere profitebantur, quos huc praesertim refert Perezus in Cod. ad Leg. 2. de Malef. & Mathem. quales sunt Aruspices & Harioli, quos Imperator Mathematicis adjunctis eodem titulo Codicis Leg. 5. Praecipue vero hic per Mathematicos intelligere debemus Astrologos, qui in eadem illa Leg. 5. dicuntur Chaldaei: hoc sensu Juvenalis Sat. XIV. nota Mathematicis generis tua. Vid. Gellius Noct. Att. Lib. XIV. Cap. 1. Cassendus in Lib. X. Diog. Laert. Tom. 1. p. 473. Fabricius ad Sextum Empiricum adv. Grammaticos in initio pag. 214. De hisce fufus & ex professo egi olim in juvenili Dissertatione ad Leg. 2. Codic. de Malef. & Mathem.*

- \* Ominum ejusmodi captatio, ut longe frequentissima olim apud Ethnicos fuit, ita nec hodie inter Christianos desit, immo tam firmiter multorum animis infixata haeret, ut inde vix evelli posse videatur. Et ad Ethnicos quidem quod attinet, non defuerunt inter eos, qui homines omnia captantes superstitionis arguerent. Qua de re ipsum THEOPHRASTUM audire juvat, qui supersticiosum hominum delineans, haec de eo observat, quae brevitatis studio Latino tantum idiomate referemus: Superstitiosus vero is est, qui elatis manibus & aqua lustrali adpersus e templo, solium lauri tenens, integrum diem ita ambulet. Si viam mustela ingrediente eo transcurrerit, non ante progredietur, quam alius prior transferit, aut ipse tres lapides trans viam miserit. Serpentes si viderit in aedibus, sacellum eo loco exstruet. Lapidem unctum, qui sunt in triviis, solet oleo ex ampulla perfundere, nec prius discedere, quam posito genu eos fuerit veneratus. Quod si mus forte farinae sollem arroserit, adit ad interpretem, & quid factum sit opus, eum percontatur; qui si respondeat, cerdoni nimirum tradendum esse illum sollem, ut sarcinatur, superstitiosus iste, neglecto arioli responso, religioni rem habens, exinaniatum saccum a se amolietur. Solet etiam demum crebro purificare; sepulchrum nullum infisleret; ad defunctorum justa nullus accedere, neque item ad ullam unquam puerperam. Insomnium porro si viderit, pergere ille ad somniorum interpretes, ad divinos, ad augeres, sciscitaturus, cui Deo, cui Deae vota sint facienda. Et ut sacris initietur, ad Orpheotelestas singulis mensibus cum uxore, aut, si uxori non vacet, cum nutrice & fi-

liolis suis itat. Praeterea in compitis, antequam inde discedat, aqua in caput aspersa se lustrat. Piatricibus quin etiam ascitis jubet se sequillae aut catuli circumlatione purgari. Quodsi quem mente captum aut comitalem viderit, solet inhorrescens in sinum sibi despuere; in characterib. morum, cap. de superstitione pag. m. 47. Non luculentius sane ista circa omnia superstitio describi poterat. Audire tamen etiam hac de re AUGUSTINUM juvat, cujus eo libentius verba recito, quod simul eam, de qua antea diximus, superstitionem, quae verbis, characteribus, similibusque rebus vim singularem tribuit, perstringit. *Ad hoc genus, inquit, pertinent omnes etiam ligaturae, atque remedia, quae medicorum quoque disciplina condemnat, sive in praecantationibus, sive in quibusdam notis, quas characteres vocant, sive in quibusdam rebus suspendendis atque illigandis, vel & saltandis quodammodo, non ad temperationem corporum, sed ad quasdam significationes, aut occultas aut etiam manifestas; quae mitiore nomine Physica vocant, ut non quasi superstitione impliare, sed natura prodesse videantur, sicut sunt inaures in summo aurium singularem, aut de struthionum ossibus ansulae in digitis, aut cum tibi dicitur singultienti, ut dextera manu sinistrum pollicem teneas. His adjunguntur millia inanissimarum observationum, si membrum aliquod salierit, si junctum ambulantis amicus lapis, aut canis, aut puer medius intervenerit; atque illud, quod lapidem calcant, tanquam direntorem amicitiae, minus molestum est, quam quod innocentem puerum colapho percutiunt, si pariter ambulantis intercurrerit. Sed bellum est, quod aliquando pueri vindicantur a canibus. Nam plerumque tam superstitiosi sunt quidam, ut etiam canem, qui medius intervenerit, ferire audeant, non impune; namque a vano remedio cito interdum ille percussorem suum ad verum medicum mittit. Hinc sunt etiam illa; limen calcare, cum ante domum suam transiret; redire ad lectum, si quis, dum se calceat, sternutaverit; redire domum, si procedens offenderit; cum vestis a soricibus roditur, plus timere superstitionem futuri mali, quam praefens damnum dolere. Unde illud eleganter dictum est Catonis, qui, cum esset consultus a quodam, qui sibi a soricibus erosas caligas diceret, respondit: non esse illud monstrum, sed vere monstrum habendum fuisse, si sorices a caligis roderentur; de doctrina Christiana libr. III. cap. XX. pag. m. 20. Nec tantum homines plebejos, sed magnae etiam dignitatis viros tam ridicula superstitione laborasse, deprehendimus. De Augusto namque Imperatore SERTONIUS refert, eum auspicia quaedam & omina pro certissimis observasse. Si mane, inquit porro, sibi calceus perperam, & sinister pro dextero induceretur, ut dirum; si terra marive ingrediente se longinquam perfectionem sorte rorasset, ut laetum, maturique & prosperi reditus. Sed ostentis praecipue movebatur. Enatam inter juncturas lapidum ante domum suam palmam, in compluvium deorum penatium transtulit, utque coalesceret, magno opere curavit, &c. in Augusto cap. XCII. Jam antea cap. LXXXIII.*

de

de eodem dixerat: *pumilos atque distortos, & omnes generis ejusdem, ut ludibria naturae, malique ominis abhorrebat.* Immo huc tota Haruspicum atque Augurum pertinet disciplina, apud Romanos adeo decantata, irrita quidem a sapientioribus, non alio tamen fundamento, quam quod omina praebent, innixa; de qua praeter CICERONEM ipsum libris duobus, de *divinatione*, Romanarum antiquitatum scriptores legendi, speciatim HU. CARDUS GOTHOLF STRUVIUS noster, in *syntagm. antiquitatum Romanar.* cap. VI. pag. 252. seqq. Jungenda & ANDR. CHRISTIANI ESCHENBACHII dissertatio, de *auguriis veterum*, quae nona est inter *dissertationes ejus Academicas* junctim editas, pag. 551. seqq. ut reliquos, qui hac de re ex instituto egerunt, mittam, laudatos jam JO. ALBERTO FABRICIO, *bibliograph. antiquar.* cap. XII. pag. 410. & 411. Romanos cum aliis idololatriae & superstitionis generibus, istam quoque omina & auguria captandi disciplinam; ab orientis populis, ejusmodi nugis ad insaniam usque deditis, accepisse, non est, quod dubitemus. Apud hos enim cum reliquis artibus divinatoriis hanc quoque in usu fuisse, neminem fugit. Quin immo & ipse Moses jam hujus rei mentionem iniecit, siquidem *Deut. XVIII: 13.* כִּנְחָשִׁים, hoc est, *divinantes*, ut LXX interpretes vertunt, commemorantur; quo nomine omnium ejusmodi captatores indigitati, jam observatum, in *histor. eccles. vet. testam. ad period. II. sect. I. §. XXXVI.* pag. 777. Ab Ethnicis ad Christianos hanc superstitionem transiisse constat, & nisi experientia doceret, Vererum Ecclesiae doctorum nos minime sicerent dubitare testimonia. Ipse JO. CHRYSOSTOMUS, *orat. XXI. ad populum Antiochenum*, hac de re conqueritur, simulque exempla stolidae istius vanitatis adfert: *πῶς ποὶ ἐν συμβολῇ φησι; πῶς αὖτις ἐξέλθῃ πρὸς τὴν οἰκίαν τὴν αὐτῆς, ἵνα ἀνδρῶν ἡνερφθῶμεν ἢ χαλῶμεν, ἢ εὐνοῦται τῷ τοῦ πομπῆς Σατανικῇ ἢ ὅτι ἡ ἀπίστῃς τῷ ἀνδρὶ πομπῇ ποιεῖ τὸν αὐτῶν γένεσθαι, αἷμα τὸ ἐν ἀμαρτίαις ἔσθ.* Quid enim sunt omina, talis ait; quod saepe quis, si domo sua egressus, viderit hominem altero orbatum oculo, aut claudum, & inde ominatus fuerit. Istud est pompa Satannica. Non enim occursum istius hominis facit, ut impropper tibi sit dies; sed quod in peccatis vivas. Et iterum: *ὅπως ἢ τῶν κατωχλάσμων; αἰχνοῦμαι ἢ ἰσοῦμαι, ἀνυμνῶμαι δι' ὅπως τὸν ἐμὴν σωτηρίαν εἶπεν; ἰὸν ἀπειθήσῃ παρθεῖν, φάσι, ἀφραυτῶ ἢ ἡμῶν γένεσθαι ἰὸν δ' ἀπειτήσῃ παρθεῖν, διὲν ἢ χρεῖα ἢ πῶς αὖτις ἡμῶν γένεσθαι.* Dicamne & aliud multo magis ridiculum? pudore suffundor & erubescō; at cogor interim in sauitem vestram id dicere. Si virgo obviā fiat, ait, hic dies (mihi) sit impropper. Si vero occurrat meretrix, opportunus ille dies, & utilis, & lucrosus est. Plura ejusdem generis qui desiderat, is adeat ANTONII VAN DALE, *dissertationes de origine & progressu idololatriae, dissertat. III.* pag. 364. seqq. Hodie adhuc nihil temere frequentius esse, apud homines supersticiosos, ominum variorum captatione, satis interduum ridicula, notum omnibus est. Exempla etiam prob. dolor! quotidie sine



obvia, apud JOANNEM CHRISTOPHORUM MANLINGIUM legere licet, in libro Germanico idiomate edito: Denkwürdige Curiositäten deroer so wohl Inn- als ausländischer abergläubischen Albertatem / als der weiten Welt allgemeinen Gezeugs / &c. capite. cumprimis XIII. pag. 296. seqq. Atque ex haftenus dictis characterem hominis superstitioni intelligere licet, quem & eleganter atque concinne exhibet vir doctissimus, ingeniosissimusque, SAM. WERENFELSIIUS, in *dissertat. de superstitione in rebus physicis* p. m. 1. *Malum*, inquit, superstitionem deligans, non infrequens, at bonae menti inimicissimum, quod si quis semel imbibit, nihil tam ridiculum, atque ab omni veritatis specie alienum est, quod fidem apud ipsum non inveniat. Omnia hic timebit somnia; ad omnia expavescet omnia; nunc canis illum, nunc cornix, nunc ulula terribit; si, quot annos sit victurus, scire avel, ex cuculo id quaeret; quoties dextra auris tinniet, laetabitur; sinistra, moerebit; quoties amabit, phylitrum sibi datum conqueretur. Nihil incipiet, quin prius calendarium inspexerit,

capiendo nulla videtur  
Aptior hora cibo, nisi quam dederit Petofyris.

*Siderum ignes pejus metuet, quam cum proximus ardet Ucalegon. Venam sibi secari non patietur, nisi impetrata a planetis venia. Semen terrae non committit, cum terra, sed cum luna id jusserit. Caput tonderi jubebit, cum luna est aut in Leone, ut capilli instar villorum leoninorum rigescant, aut in ariete, ut instar cornuum arietinorum crispentur. Quicquid crescere volet, crescente hoc fidere, quod sensum diminui, decresciente, inchoabit. Cum in tauro luna est, nunquam adduci poterit, ut medicamenta hauriat, ne animal hoc ruminans medicamentum evomere cogat. Vitabit mare, quoties Mars est in medio coeli, ne bellator iste Deus piratas adversus se suscitet. Arborem seret in Tauro, ut signum hoc, quod fixum Astrologis appellari solet, alius eam in terram desigat. Si quando adire volet principem, expectabit, donec luna consocietur soli; tum enim salutaris est minoris cum maiore societas. Domo egrediens nihil magis metuet, quam invidi oculi adspectum: peregre abiens, lupi non tam dentes timebit, quam improvisum intuitum, ne is facultatem sibi loquendi adimat; domum reversus verebitur identidem, ne forte basiliscus ex ovo galli sui prodeat, qui venenato se adpectu interficiat. Optaret quidem, ut bona sua post mortem ad amicissimos redirent, sed mavult ea, nescio quibus, relinquere, quam testamentum condere, metuens, ne statim a condito testamento moriatur. Annus cli-naeticum praetergressus, non aliter laetabitur, ac si ex mortis ungulis elapsus esset. Si forte vulneratur, unguentum non vulneri, sed quod efficacius est, telo, quo sauciatus est, allinet. Aegrotus praescriptas pilulas pari numero nunquam deglutiet; herbis non utetur, nisi fausta quadam hora decerptis; morbum nova quadam arte in-*  
star

flar germinis transplantabit; cuique volet, arbori inseret. Febrim non pharmacis expellet, sed, quod praesentius est vemedium, ungues resectos cancroque alligatos averfus post tergum, ut Deucalion lapides, ex quibus novum hominum genus ortum est, in proximum flumen projiciet, &c. Recte vero idem Vir doctus paucis interjectis addit: *En! superstitioni nostri imaginem, quae si cui hyperbolica videtur, agnoscimus, huc usque infantiae non omnes venire, hanc indiciti intemperiem in aliis majorem, minorem in aliis esse; at reperiuntur certe, qui haec prope omnia hisque ipsis ineptiora & credunt & profutur, &c.*

•• Ut eo rectius cuncta, de quibus haecenus diximus, dijudicari queant, observandum primo, non quemlibet in rebus Physicis errorem statim pro superstitione habendum, sed si quis vana & inani persuasionem ductus, causis quibusdam ejusmodi effectum tribuat, qui quo nexu eum causa cohaereat, nemo mortalium, quantumvis rerum naturalium peritus, ingenii acumine praeditus, perspicere valeat. Deinde, cum, qui inter causam & effectum intercedit, nexus, vel *generatior* vel *specialior* sit; lubentes concedimus, specialiozem saepius nos latere, ut tamen ideo effectus minime sit in dubium vocandus, multo minus, qui nexum istum nescit, & nihilofecius causae effectum tribuit, superstitionis arguendus sit. Experientia sane quotidiana docet, multos dari effectus, de quorum causis non est dubitandum, etsi nemo mortalium nexum specialem causae & effectus explicare queat. Praeterea, cum nexus, qui inter causam & effectum intercedit, vel certus, vel *verisimilis*, vel *possibilis* sit, manifestum est, eam demum persuasionem superstitionis notam incurrere, quae effectum cum causa conjungit, cujus nexus virorum perspicacium judicio nec *verisimilis* nec etiam *possibilis* est. Eleganter haec omnia illustrat, quem antea jam laudavimus, SAMUEL WERENFELSIUS, *loc. cit. §. I. seqq. pag. 5. seqq.* Sunt porro haec maximam partem ita comparata, ut directe quidem religionem Numinis-que cultum non attingant, sed ignorantiam potius nimiamque credulitatem arguant. Unde is ipse, quem modo laudavimus, Vir doctissimus, de *superstitione*, inquit, *hic loquimur, non quatenus rationi adversatur; non ea, quam Theologi condemnant, sed quam Philosophi rident; non ea, quae stultitia; non denique de ea, quae aut falsum numen, aut verum ineptis ceremoniis placat, aut a daemonibus auxilium expectat; sed de ridiculo quodam in rebus naturalibus errore, qui virtutem causis attribuit, quae illis convenire nullo pacto potest, loc. cit. §. I.* Nihilofecius, cum homines ejusmodi ineptiis addicti, mediis a Deo nec ordinatis, nec probatis, ad finem consequendum utantur, & cum credulitate & stultitia, pravae plerumque conjunctae sint cupiditates, cum filiali insuper Dei timore & fiducia ista conciliari nequeant, nullum plane est dubium, quin ad minimum indirecte cum vera religione, cultu.

cultuque Numinis genuino, pugnent, adeoque & hoc nomine, ceu peccata gravissima condemnentur merito, atque rejiciantur. (393)

- (393) *An quidem Cl. Buddeus hoc monito praecavere potuit, ne extra oleas paululum vagasse dicatur, & an non innumeri sunt errores populares, quos eodem jure ad superstitionem referre licuisset? an non memor esse debuisset illius definitionis, quam de superstitione dedit Cap. VIII. §. 1. variarumque superstitionis specierum, quas ipse recensuit in memorato capite? Dicere licet cum Werenfelsio l. c. (sive Opuscul. Tom. II. pag. 120.) tum demum validam suspicionem in nobis oriri posse, persuasionem, quae effectum cum causa conjungit, esse superstitionem, cum homines rationis usu excellentes, sanaeque Phyticae principiis probe imbuti, nullum verisimilem, imo ne quidem possibilem inter causam atque effectum nexum reperire possunt: de vocabulis non facile litigabo: verum hoc unum tantum observandum, sic describi superstitionem, quae cum Atheismo non est conjungenda, quaeque adeo hic in censum venire nequit, ubi agitur de generibus superstitionum, quae indirecte circa Numinis cultum versantur. Ipse Werenfelsius l. c. pag. 119. inquit: de superstitione hic loquimur non quatenus religioni, sed quatenus rationi adversatur, &c. Et certe plurima transcripsit Cl. Auctor ex laudato Tractatu de superstitione in rebus Phyticis, quae quidem ridebit sincerus Philosophus, sed quae, ceu gravissima peccata, condemnabuntur a nemine aequitatis & charitatis studioso. An gravissimum committit peccatum, qui, semen terrae commissurus, attendit ad Lunae phases, vel qui Aegrotus praescriptas pilulas pari numero nunquam deglutiet?*

## S. VI.

Singulari quadam ratione circa tempora, \* loca, \*\* & nomina propria, quae hominibus imponi solent, \*\*\* mortaliū sese exerit superstitio. Etli enim manifestum sit, hisce omnibus ad effectus, qui illis tribuuntur, producendos, nullam vim esse, nullamque efficaciam, nihil tamen solennius frequentiusque, quam ut bona quaedam aut mala hominibus adferre credantur, adeoque *fatalitas* quaedam iis tribuatur. Quod qui faciunt, ut subinde nimiam credulitatem suam produnt, ita simul in divinam injurii sunt providentiam.

\* An-

- \* Antiquissimis jam temporibus ea persuasio hominum animos invasit, ut quosdam dies faustos prosperosque, infaustos alios, crederent. Per associationem enim idearum plerisque mortalium, facile admodum contingit, ut temporibus, quo aliquid accidit, tribuant, quod longe aliis causis tribuendum erat. Hinc itaque diem, quo sibi adversi quid evenit, ceu causam mali, infaustum sibi esse, existimant, & inde porro concludunt, quoties ille quotannis recurrit, eundem semper infaustum esse. Hinc apud Romanos dies quidam infausti censebantur, quos & *atros* adpellarunt, eo quod olim iis exercitus eorum clade quadam graviore adfectus esset, vel alia quaedam memorabilis calamitas reipublicae contigisset. *Dierum vero*, inquit ALEXANDER AB ALEXANDRO, *quidam fausti & agendis rebus felices, quidam atri & trisli omine infames habiti: quibus aliquid moliri, aut novae rei inceptare, eventus exitialis erat. In his exercitum conscribere, legiones educere, manum cum hoste conferre, sponsalia inire, peregre proficisci, aut quidquam publicae vel privatae rei moliri, inceptu foedum & exitiale aestimant.* Observatumque fuit, ut, qui hostes bello tentare, vel acies eo tempore committere curarent, rem in non mediocre periculum discrimenque adducerent, magno postea exitio consecuto. Fuisse autem, qui *atros* dixere dies post Idus Quintiles ad quintum decimum calend. Sextiles, duplici clade insignes, quo ad Cremeram Fabii caesi, & quo ad Alliam foede Romani a Gallis fusi fugatique fuere: quibus graviter afflicta & in extremum discrimen adducta Romana res fuit; &c. *genial. dier. lib. VI. cap. XX. pag. m. 1137, 1138.* Confirmant haec AUL. GELIUS, *noct. Atticar. lib. V. cap. XVII.* MACROBIUS, *Saturnal. lib. I. cap. XVI.* & ante hos TITUS LIVIUS, *historiar. lib. V. cap. I.* Scriptores quoque Romanarum antiquitatum copiosius hoc edisserere solent. Non tantum vero Romanis, sed aliis quoque gentibus, dies quosdam aut infelices aut fortunatos, exemplis quam plurimis docet is, quem jam laudavimus ALEXANDER AB ALEXANDRO, *loc. cit. pag. 1141.* De Graecorum speciatim diebus auspiciatis legendus AELIANUS, *variar. historiar. lib. II. cap. XXV. pag. m. 109. seqq.* Observatum etiam fuit, singulis quandoque hominibus dies quosdam fatales fuisse, ut aut prospera aut adversa, aut utraque, certo anni mensisque die experti fuerint. Sic diem vi. Aprilis fatalem ferunt fuisse Alexandro magno, quippe quo natus sit, quo Darium etiam vicerit, & denique inortuus sit. Eodem die, addunt, conflasse templum Dianae Ephesinum, in praefigium incendii ab Alexandro per totam Asiam excitandi, immo & Graecos eodem die memorabilem ad Plateas victoriam a Persis retulisse, & in pugna quadam navali discesisse superiores. Pompejam porro ajunt magnum, natum fuisse die trigesimo Septembris, eodemque ob victorias in Asia reportatas, & occupatam Hierosolimam triumphasse, sed eodem quoque in Aegypto interfectum esse. Mitto alia ejusdem generis, quae magno

Y y y nu-

numero adferri possent; quorum nonnulla leguntur, in JOANNIS CHRISTOPHORI BECMANNI *lineis doctrinae moralis*, cap. VII. §. IV. Non equidem negaverim, divinam in hisce subinde arcana quadam ratione se prodere providentiam, adeoque non omnia, quae hac de re traduntur, contemnenda esse promiscue atque rejicienda. Cavendum tamen; ne ad absolutum aliquod Numinis decretum (394) aut fatum Stoicum, in providentiam divinam palam injurium, prolabamur. Cavendum praeterea, ne ipsi temporis, cujus in rebus producendis nulla est efficacia, tribuamus, quae ab aliis causis profecta, certo ac determinato tempore sese exerunt. Hoc enim qui faceret, ignorantiae & superstitionis merito reus conferetur. Minus vero recte etiam a nonnullis huc vaticinia Scripturae sacrae de rebus futuris, referuntur, quae certo & determinato tempore evenire debebant, e.g. *Genes. XV: 16. Dan. IX: 24.* In hisce enim quod eventus, etiam qua temporis rationem accurate responderit, non ob fatalitatem quandam temporis, aut similem causam, factum; sed Deus per omniscientiam suam vidit, isto tempore eventura, quo eventura ea praedixit. Multo vero minus ipsi temporis in hisce eventibus efficacia quaedam tribuenda, quod sine summa stoliditate fieri non posset. Facile autem ex dictis etiam intelligitur, quid de *annis climactericis* censendum, de quibus ex instituto egit CLAUDIUS SALMASIUS; conferendus vero etiam est CENSORINUS, de *die natali*, cap. XIV. legendaque, quae ad h. l. observavit HENRICUS LINDENBROGIUS, pag. 95. *seqq.* Nimirum ipsius temporis, aut numerorum, nullam in hisce vim & efficaciam esse, quilibet facile intelligit. Fieri tamen potest, ut ex aliis causis, quas recentiores rerum naturalium & medicarum consulti explicant, sensim mutatio quaedam in corpore humano contingat, quae singulis maxime se exerat, & conspicua evadat, septenniis. (395) Praeter haecenus commemorata, multa alia sunt superstitionum circa dies, festos cumpri- mis, & sanctorum nominibus in fastis consecratos, genera, quibus homines plebeji ad infaniam usque dediti sunt, quae in compendio exhibet JO. CHRISTOPHORUS MAENLINGIUS, in den *denkwürdigen Curiositäten* den *dece so wohl in- als ausländischen Alberttaeten* etc. cap. VIII. pag. 187. *seqq.* qui & cap. IX. pag. 216. *seqq.* superstitiones ejusmodi hominum ineptias circa septimanas, menses, & annos, commemorat.

(394) *Conf. ea, quae supra observavi n. 337. & 338.*

(395) *Neque heic loci a posse ad esse valet consequentia: fieri potest, ut sensim mutatio quaedam in corpore humano contingat, quae singulis maxime se exerat, & conspicua evadat septenniis; sed idem de sexenniis, de octenniis, de decenniis eodem jure dicere licet: experientiam solum hic consulere debemus, quae nullo modo docet, annum aeta-*

aetatis tertium & sexagesimum hominibus esse fatalem magis, quam omnes alii vitae humanae anni; quia, scilicet, numerus luce enascitur ex multiplicatione duorum numerorum 7 & 9, quos sacros putavit plurimorum credula nimis superstitio; idque jam obtinuit apud Veteres Romanos, qui non tantum statuebant, quandam numeri septenarii esse vim & facultatem in multis naturae rebus animadversam, de qua olim disseruit Varro, teste Gellio Noct. Att. Lib. 3. Cap. 10. cum quo conf. Macrobius in Somn. Scip. Lib. 1. Cap. 6. verum etiam tertium & sexagesimum aetatis annum fatalem prae reliquis consueverunt, uti ex memorato Gellio constat Lib. 15. Cap. 7., ubi partem epistolae profert, quam Augustus dedit ad Cajum Filium, in qua sic scribit: quem, ubicunque hoc die fuisti, spero laetum & benevolentem celebrasse quartum & sexagesimum natalem meum: nam, uti vides, ~~etiam~~ communem seniorum omnium, tertium & sexagesimum annum evasimus. Si vero Tabulas mortalitatis, quae ex observationibus fidei sunt conditae, consulamus, inveniemus, nil, nisi praejudicia, hic dari ex superstitione nata, uti recte demonstravit ingeniosissimus Struyck Nadere Ontdekkingen nopens den staat van het Menschelyk geslagt pag. 181. enz. Vid. quoque SUSMILCH de Gottliche Dridung in den veränderungen des Menschlichen Geschlechts 2 Theil §. 490. pag. 361. Edit. 2<sup>da</sup>; ubi errorem revocavit, quem in prima editione commiserat, ac si post periodum decem annorum in cujuslibet hominis aetate plures morerentur homines, uti decimo, vigesimo, trigesimo, aetatis anno.

- Loca quaedam hominibus fatalia esse, itidem nonnulli sibi persuadent. De Mülberga, ad quam Joannes Fridericus, Saxoniae Elector, a Carolo Caesare captus est, verba faciens AUG. THUAUS, hujus loci nomen, inquit, viris principibus male ominosum semper fuisse, a viris cu-  
 riosis rerum Germanicarum observatum est, si quidem ad Mülbergam in Bavaria Ludovicus IV. imperator, Fridericum ducem Austriae, & Henricum fratrem, anno M CCC XXIII. Robertus item imperator centesimo circiter anno post Bernardum, Badensem Marchionem, ad Mülbergam supra Nemetes cepit; historiar. libr. IV. pag. m. 115. Alia exempla adfert JOANNES CHRISTOPHORUS BECMANNUS, in lin. doctr. moral. cap. VIII. §. V. pag. 195. Sed, quod de diebus, aliisque temporis partibus, diximus, idem & de locis observandum. Fieri sane potest, ut in uno eodemque loco calamitas quaedam homines aliquoties excipiat. Quod cum aut casu plane fortuito contingere queat, aut ex aliis causis, occultis iis quidem, procedat, per idearum associationem loco ceu causae effectum tribuunt, cuius tamen in eo producendo, vis nulla, nullaque est efficacia. Hinc tamen imaginatio ad credulitatem prona, fatalitatem locorum fingendi occasione arripit. Hanc vero si vel

maxime experientia confirmaret, certum tamen, non locis, aut eorum fatalitati, sed aliis causis effectum istumtribuendum esse. Interim contingit, ut homines superstitiosi temporum locorumque fatalitatem plus timeant, quam iram Dei, immo per ejusmodi timorem superstitiosum a fiducia in Deum collocanda se averti patiantur.

\*\*\* Varia iterum & multiplex hominum circa nomina propria est superstitio. Qui liberis suis sanctorum celebriumque Virorum nomina imponunt, parentes haud raro sibi persuadent, illos non posse non hisce similes evadere, siquidem idem habeant nomen. Plane, ac si nudum nomen per vim quandam magicam mentem moresque hominum mutare, ac ex stupidis ingeniosos, ex flagitiosis probos ac virtuti deditos, efficere posset. Sunt etiam, ex Judaeis praecipue, qui nominum mutationem ad morbos depellendos, immo ad hominem a mortis periculo liberandum, plurimum valere sibi persuadent. Collegit talia JOAN. CHRISTOPHORUS MAENLINGIUS, in den denkwürdigen Curostiraten derer so wohl in- als ausländischen abergläubischen Aberraten / *cap. XIV. pag. 317. seqq.* Solent & subinde nomina quaedam fatalia commemorari. Nomen Ferdinandi Hispanis, Leopoldi domui Aultriacae, Ludovici Galliae auspiciatum, Jacobi contra Scotiae regibus infautum esse creditur; confer. JO. CHRISTOPH. BECMANNUS, *lin. doctrin. moral. cap. VIII. §. III. pag. 185.* Id quidem constat, nominum impositionem aut mandato Numinis, aut ejus instinctu, olim factam, mysterio non caruisse; quamvis ideo pro sacramento non sit habenda, quod nonnullos facere a me observatum est, in *hisor. eccles. vet. testam. ad period. I. sect. I. §. XXV. pag. 129, 130.* Multo minus mutatio nominis, Dei mandato facta, mysterii expert censenda; conf. *Gen. XVII: 5. XXXII: 28.* Nec vituperandum illorum institutum, qui liberis sanctorum Virorum nomina imponunt, ut horum eo ardentiori studio imitentur virtutes. Sed haec omnia ita comparata sunt, ut superstitio circa nomina, antea commemorata, nullum inde praedictum capiat.

## S. V I I.

Cum intempestiva maxime futura praenoscendi aviditas multos mortalium ad superstitionem impellat, nec temere quicquam sit, quod non, si in signum aliquod futuri eventus arripiatur, variam interpretationem admittat, plurima hinc orta sunt divinationum genera, ad fallendos credulos perquam

quam accommodata. Latillime vero ista divinatoria superstitio patet, cum praeter ea, quae ceu causa ad effectum producendum praebere indicium creduntur, aut modo praeternaturali & efficere quid, vel praedicere posse existimantur, de quibus hactenus dictum, & alia sint, quae nec causae rationem habent, nec praeternaturali virtuti, qualis est spirituum, tribuuntur, & tamen ad futura indicanda apta esse, stolidi prorsus censentur credulitate. In quibus cum itidem rebus creatis ea tribuant, quae soli Deo propria sunt, animumque in Numinis voluntate minime acquiescentem prodant, graviter & hocce peccare, positum est extra omnem controversiam. \*

- \* Quae superstitiosi homines per ineptam credulitatem rebus creatis tribuunt, ad duo revocari capita possunt. Vel enim ab iis aliquid effici putant, dum e. gr sanitatem, morborum depulsionem, divitias, honores, prospera, adversa & reliqua ejusdem generis, illis imputant; vel futurorum indicationem ab illis expectant. Quaedam vero ita comparata sunt, ut utroque nomine superstitiosis interserviant, dum & effectum quandam illis ceu causae tribuunt, & futurorum quoque significationem ab illis expectant; e. g. mali genii, & alstra. Namque a spiritibus malignis & operam seu auxilium in quibusdam, & futurorum significationem, homines artibus magicis addicti sibi pollicentur. Sic & alstra efficere non minus, quam significare prospera & adversa hominum creduntur. Haec vero cum ad priorem classem, de qua hactenus dictum, merito referantur, nunc autem de iis, quae alteram classem constituunt, seu ad futurorum indicationem tantum pertinent, dicendum sit, ratio facile intelligitur, cur, cum ultimo loco de superstitutione divinatoria agere nobis constitutum sit, *magicarum* divinationum jam in antecedentibus injecta sit mentio. Factum namque hoc, ut diximus, ideo est, quia spiritus maligni & alstra ad primam objectionis classem recte referuntur, cum homines creduli non tantum futurorum indicationem, sed alios quandoque effectus ab iis proficisci posse, sibi persuadeant, immo interdum ceu causam futurorum effectuum ea considerent. Ad ea itaque, de quibus hic loquimur, divinationum quod attinet genera, tanta est illorum multitudo, ut numerum inire difficile, de omnibus verba facere, magni voluminis res futura esset. SAMUEL WERENFELSUS, vir clarissimus, cum bene observasset, quia ex causarum effectuumque minime cohaerentium colli-



gatione, cum foecunda matre, tot superstitionum genera, hominibus non minus ad signum ex re qualibet desumendum prorsus, prout ex quolibet cujuslibet facere causam iis solenne est, eleganter & ingeniose more suo addit: *Hinc tot sunt divinandi genera, ab hominibus excogitata, ut, si nomina eorum paginae huic insarcire vellem, ultra octoginta Graeca adducerem vocabula, pleraque composita cum nomine  $\mu\epsilon\tau\epsilon\tau\alpha$ ; prorsus, ut, si quis Grammaticus (ut sunt in his rebus curiosi) ex nie quaereret, quodnam in Graeca lingua, quae omnium maxime compositis abundat, vocabulum sit, quod plurimas admittat compositiones, dicerem, verbum, esse  $\mu\epsilon\tau\epsilon\tau\alpha$ ; hinc enim duo descendunt nomina  $\mu\epsilon\tau\alpha$  &  $\mu\epsilon\tau\epsilon\tau\alpha$ , quorum composita non contemnendum vocabularium constituere possent; de superstitione in rebus physicis, §. VII. pag. 21. seqq. Non desunt tamen, qui in variis divinationum generibus recensendis operam studiumque collocarunt, quod post CICERONEM libris duobus de divinatione, ex instituto egit CASPAR PRUCERUS, in libro notissimo, de variis divinationum generibus, itemque HIERONYMUS CARDANUS, de rerum varietate cap. LXXVIII. seqq. JANUS BOISSARDUS, de divinatione & magicis praestigiis cap. V. pag. 15. alique. In compendio etiam praecipua divinationum genera secundum alphabeti ordinem recenset JOAN. ALBERTUS FABRICIUS, in bibliographia antiquaria cap. XII. pag. 409. seqq. (396) Nos nullis reliquis, utpote hodie maximam partem ignotis, de geomantia saltem & orinomantia quaedam observabimus, Per Geomantiam nimirum ejusmodi ars divinatoria intelligitur, quae per puncta, vi quadam coelesti, ut putant, in chartam projecta, & ad figuras reducta, rerum eventus praenuntiat. Paulo plenius rem exprimit CASP. PRUCERUS, dum, geomanticae, inquit, conjectationes fiunt ex punctis sedecim sorte constitutis. Figuras ipsas auctores primi composuerunt ex punctis digestis in certas species, nescio, an casu vel judicio, & ad duodecim zodiaci signa septemque aptarum planetas, ut hoc praetextu persuaderent imperitiis, e coelo in figuras illas, dum ab artifice formantur, illabi atque insuere vim novam, quae si in certa domicilia schematis ad imaginem usitatam thematis coelestis constructi, disponantur, significant ea, quae astra ipsa hoc passu, nativa sua ut terrenis omnibus, ac hominum generi praecipue inferant, designentur; de variis divination. generib. pag. m. 220. Unde simul patet, Geomantiae cum Astrologia convenientiam quandam intercedere, immo illam pro hujus filia non sine ratione a quibusdam haberi. Fuerunt, qui ex instituto geomanticae hujus artis arcana panderent, quos inter haud postremus est ROBERTUS FLUD five DE FLUCTIBUS, cujus extat liber: de animae intellectualis scientia, seu geomantia, hominibus appropriata, quorum radii intellectuales extrinsecus, hoc est, circa negotia mundana versantes, & e centro dissipati, in centrum recolliguntur; in fasciculo geomantico, qui anno M DC LXXXVII. prodiit, cum aliis ejusdem coinmatas scriptis editus. Post FLUDDIUM*

&amp;

& alii quam plurimi ingenii Vires in hocce campo exercuerunt; praefertim, cum ante annos circiter quatuordecim haec superstitio multorum in Germania animos ceu pestis quaedam invaderet, varii libelli Germanica lingua scripti, hac de re lucem adspexerunt publicam. Summam rei in compendio exhibet, quem jam laudavi; CASP. PEUCERUS, l. c. item JOACHIMUS FORTIUS RINGELBERGIUS, in *operibus*, junctim anno M D LVI. Lugduni editis, pag. 530. cum primis autem legenda JO. ANDR. SCHMIDT, Theologi Helinstadiensis clarissimi, peculiaris de *geomantia* dissertatio. Vanissimam vero esse hancce geomantiam, aequae ac reliquas ejusdem generis artes divinatorias, & per se facile intelligitur, & inde etiam patet, quod nulla causa, cur hac ratione hominibus futura innotescant, assignari queat. Ex astris, si vim istam futura indicandi arcessas, eadem contra Geomantiam militabunt rationes, quibus Astrologiam supra impugnavi. Si ad nescio quem spiritum motorem, quem alii jactitant, te recipias, incertum per aequae incertum probabis. Sed ex ipsa forte mente hominis causa istius rei arcessenda? Ita quidem artis hujus magistri ac defensores existimant, quippe qui ad hancce divinationem velut celsam quandam requirunt, hoc est, abstractionem radiorum mentis ab omnibus rebus sive negotiis peregrinis. Nam, ut in *raptu magno*, inquit, *mentis & animae radii sursum ad divinam essentiam attolluntur, ibique aggregantur, sic etiam in hoc raptu minori animae humanae radii foras emissi, & passim dispersi revocantur ad centrum suum, & in mentem reflectuntur*; atque ita homo, qui antea propter lucis suae diffusionem erat obscurus, jam illuminatur, sitque gloriosus per radiorum expansionem congregationem. Ita rationem hanc exprimit GEORGIUS PASCHIUS, de *inventis nov-antiquis*, cap. VII. §. XIX. pag. 599. quae tamen aut revera nihil significat, aut animae humanae naturalem quandam vaticinandi facultatem tribuit. Hoc vero perperam fieri, abunde ex iis liquet, quae supra hac de re disputavimus. Nec vana tantum est ars Geomantica, sed & superstitiosa, hominibus aut aliis rebus creatis tribuens, quae soli Deo sunt propria, pravisque saltem hominum cupiditatibus & intempestivo futura sciendi desiderio, cui cum acquiescentia in Numinis voluntate non bene convenit, originem debens. Fuerunt, qui vanitatem artis istius ex instituto demonstrarant, quod & in compendio solide satis fecit CASP. PEUCERUS, loc. cit. Ipse quoque eam agnovit HENR. CORNELIUS AGRIPPA. Cum enim aliquot scriptores geomanticos recensuisset, addit: *scripsi & ego quandam geomantiam ab aliis longe diversam, sed non minus superstitiosam fallacemque, aut, si vultis, dicam etiam, mendacem; de vanitate & incertitudine scientiar.* cap. XIII. pag. 76. (397) Ad *oniromantiam* denique quod attinet, antiquissimam eam esse, immo olim partem quandam eruditionis & sapientiae constituisse, nemo tam ignarus rerum omnium est,

qui

qui nesciat. Certe, cum Pharaon, qui tempore Iosephi rerum in Aegypto potiebatur, de somnii sibi oblatis significatione sollicitus esset, a חכמים *sapientibus*, & חרטמים *divinis* suis, quos cum in finem convocaverat, eam discere voluit. Quod ab iis profecto non postu-  
lasset, nisi, cum aliis superstitionis partibus, artem interpretandi somnia, profecti essent. De Nebucadnezare quoque, magno Babylo-  
niae Rege legimus, quod a sapientibus Chaldaeorum non tantum in-  
terpretationem, sed indicationem somnii, ejus oblitus erat, postu-  
laverit; his quidem indicationem, ceu positam supra hominum vires,  
deprecantibus, interpretationem autem, haud dubio secundum regulas  
artis, pollicentibus, *Daniel. II: 3, 4.* Sunt omnino, qui aut Abra-  
hamo, ut SUIDAS voc. *Abraham*, aut Iosepho Patriarchae, ut JUSTI-  
NUS, *hisor. lib. XXXVI. cap. II.* onirocritices inventionem tribuant.  
Sed cum vanis ea superstitionis artibus annumeranda sit, existima-  
tioni & sanctitati Patriarcharum magnam, qui ita sentiunt, adspargere  
labein, vel me non monente quilibet facile intelligit, & a me jam  
observatum est, in *hisor. ecclesiast. vet. testam. ad period. I. sect. III.*  
*§. XXI. pag. 402, 403.* item *ad period. II. sect. I. §. XXXVI. pag. 784.*  
Sane, Patriarchis, aliisque Viris sanctis, somnia divinitus olim oblata  
constat, significationem quoque somniorum, aliis oblato-  
rum iis a Deo indicatam, vel Iosephi nos minime dubitare iinit exemplum. (398)  
Ista vero cum haud dubio infernalis genius imitaretur, interdum vero  
& ex causis naturalibus contingeret, ut, quae futura erant, per somnium  
antea hominibus repraesentarentur, facile nonnulli superstitioni dediti,  
& rerum futurarum avidi, in eam ingredi sententiam potuerunt,  
somnia in universum eum in finem hominibus obtingere, ut, quae  
illis eventura sint, ostendant. Cumque eventus, qui forte huic aut  
illi somnio respondissent, notassent, non praetermissa analogia vel  
similitudine, quae inter imagines, & res per imagines exhibitas in-  
tercedit, ex hisce observationibus certas tandem sibi confecerunt re-  
gulas, quod & in aliis divinationibus factum recte observat HERODO-  
TUS, *hisor. libr. II. cap. LXXXII. pag. 119.* secundum quas somnio-  
rum interpretationem instituerent; unde tandem onirocritica enata.  
Ab Orientalibus ad Graecos hanc somniorum disciplinam transiisse,  
testantur scriptores onirocritici, quorum aut scripta aut nomina ad nos  
pervenere, ut Artemidorus Daldianus, de quo, ut & reliquis legenda,  
quae JOANNES ALBERTUS FABRICIUS observavit, *bibliothec. graec. lib. IV.*  
*cap. XIII. pag. 426.* Non minus vero & apud Judaeos, cum aliis su-  
perstitionis generibus onirocriticam in usu fuisse, vel ex tractatu tal-  
mudico *Berachoth cap. IX.* liquet; exhibetque in compendio illorum  
regulas AUGUSTUS PFEIFFERUS, in *panoplia Mosaica, cap. XII. pag. 485.*  
*seqq.* Sed & hodie inter nos non deesse, qui somniorum & significa-  
tioni & interpretationi plus, quam decebat, tribuunt, & experientia  
docet,

docet, & tot libelli onirocritici lingua quoque Germanica scripti nos dubitare non sinit. De toto autem ut eo rectius statuatur negotio, id cumprimis observandum, somnia non unius ejusdemque esse generis. Quaedam enim auctorem Deum habent, quibus futura significari nemo dubitaverit, & exempla quoque plurima in Scriptura sacra obvia testantur. Sunt etiam ea plerumque ita comparata, ut eorum significatio statim pateat, aut alia ratione, quod factum quandoque novimus, a Deo ipso suppeditetur. Interdum vero & ab infernali genio ea proficisci, itidem non est, quod dubitemus. Praeterquam enim, quod & hoc experientia testetur, tam opportunam occasionem, in varia peccatorum genera praecipites dandi homines, cum praetermittere, credibile non est. Et licet futura contingentia, malorum non minus spirituum, quam hominum captum multum superent, nullum tamen est dubium, quin ex iis, quae certis causis innotescunt, maligni spiritus longe plura cognoscere queant, quam homines, adeoque & hominibus, aut per somnia, aut alia ratione, revelare. Tandem vero ex causis naturalibus contingere potest, ut ob temperamenti, quo quisque gaudet, rationem, morbi vel aliae corporis mutationes, & quae cum hisce vinculo quodam connexa sunt, in somnio alicui offerantur, quamquam & in hisce singularem subinde Numinis accedere directionem, neutiquam negaverim. Atque hinc quidem ut facile intelligitur, non omnia contemnenda, aut eodem habenda esse somnia loco, ita simul pleraque vana & inania, & pro imaginationis vagae, mentisque directione destitutae, effectibus reputanda esse, manifestum est. Nec turpius se traducere potuerunt etiam philosophi, quam dum neglecto hocce, quod antea observavimus, discrimine, eandem vim omnibus somniis tribuentes, ejus rei causam inquirere aggressi sunt. Qua de re audire juvat HENRICUM CORNELIUM AGRIPPAM: Cui artificio (somnia-  
rum interpretationi) etiam & quidem magni Philosophi haud parum tribuerunt, praecipue Democritus, Aristoteles, & ejus sectator Themistius, atque Sinesius, Platonius, sic innitentes exemplis illis somniorum, quae casus aliquis vera fecit, ut inde nihil frustra somnari suadere conentur. Dicunt enim, quod, quemadmodum coelestes influxus in corporali materia formas producant diversas, sic ex eisdem influxibus in potentia phantastica, quae organica est, phantasmata imprimi coelesti dispositione effectui cuiuspiam producendo consentanea, maxime vero in somniis, quia animus tunc a corporeis externisque curis relaxatus, liberior divinos illos suscipit influxus: unde multa dormientibus in somniis innotescunt, quae latent vigiliantibus. Hac itaque potissimum ratione ipsis somniis veritatis opinionem conciliare nituntur. De causis tamen somniorum tam intrinsicis, quam extrinsecis, non omnes in unam sententiam conveniunt; nam Platonici illas referunt in species & notiones animae concretas. Avicenna in intelligentiarum ultimam moventem lunam, medio illius luminis, quo irradiatur

phantasia hominum, dum dormiunt. Aristoteles refert in sensum communem, sed phantasticum: Averroës in imaginativam. Democritus in idola a rebus decisa. Albertus in influxum superiorum, mediis tamen quibusdam speciebus, quae continuo defluunt de coelo: Medici in vapores & humores haec referant; alii in affectus & curas vigiliae; aliqui Arabes in potentiam intellectualem: alii dicunt a potentiis animae & influxu coeli & simulacris dependere. Astrologi illa a suis constellationibus causare volunt: alii causas illorum in aërem circumstantem penetrantemque referunt; de vanit. & incertitud. scient. cap. XXXIX. pag. 158. Quamcunque autem ex hisce eligas causam, eam minime sufficientem esse, ut intelligatur, cur futura in somniis innosceant, statim deprehendes. Quo ipso, ut praecipuum onirocriticae artis fundamentum collapseseit, ita ejus vanitas inde quoque recte colligitur, quod regalae, quas artis istius magistri tradunt, analogia quadam & similitudine imaginum & eventuum, incerta prorsus & lubrica; & pro imaginationis foecunditate mox in hanc, mox in aliam partem vertenda, itemque experientia, quam jactitant, fallaci prorsus & saepissime regulas erroris & mendacii arguente, nitantur. (399) Quae omnia quam lubrica sint, quamve futilia, nemo non intelligit. Unde & nemo facile, nisi quem aut in tempestiva curiositas, aut affectus pravi in transvorsum egerint, fidem ejusmodi commentis adhibebit, simul vero hoc ipso, quam alienus a vera pietate & genuina Deum colendi ratione sit, demonstabitur.


(396) *Plurima & divinationum & qualiumcunque superstitionum genera, apud Gentiles cum veteres, tum recentiores praesertim obviis, descripsit Bekkerus in famoso suo libro, cui titulus de Betoverde Weerde 1<sup>ste</sup> Boek' 1—10. Hoofdstukken; nec non Auctor anonymus nuperissimi opusculi, cui titulus Essai sur les erreurs & les superstitions, in quo tamen plura reperiuntur, quae, aequae ac Bekkeri placita, cum grano salis sunt accipienda.*

(397) *Dubito, an memorari mereatur opusculum a D. Colonne conscriptum, cui titulus le nouveau Miroir de la Fortune, ou abrégé de la Geomance; id unum notatu dignum, hoc ipso seculo nugacissimum libellum prodidiisse, idque (uti titulus fert) Parisiis cum approbatione & Privilegio Regis Christianissimi. Attamen in gratiam scriptoris conjicere, imo statuere licet, ipsum hoc opusculum ludendi gratia parasse; licet & hac ratione minime sit laudandus, alimenta praebens superstitioni sic satis periculosae.*

(398) *Omnia exempla somniorum, quibus Deus mortales monuit de suis ipsis imminentiis, falsa declarare aut conficta, arduum foret atque temerarium. Equidem multitudini somniorum vanitates inhi-*  
(Ec-

(*Ecclef. V. 7.*); *inutiles sunt & vanae Oneirocritices regulæ; sed tamen non penitus male dicit Wiclus Miscell. Tom. 1. Lib. 1. Cap. 5. §. 3. plena exemplorum omnis historia est, tam prisca, quam recentior, quæ cuncta adunco suspendere naso, proficisci non potest, nisi ab ingenio, quod Divina & humana fuscæ deque habet, & sapientiæ culmen constituit* *וְהָאֱמֻנָה*. *Provat ad exempla Peuceri, Peirescii, Landresii, & Salmasii, quorum duo posteriora ex Grotii narratione fuerunt desumpta.*

- (399) *Oneirocriticæ regulæ eo præsertim nomine vanae sunt habendæ, quod neque in ratione, neque in experientia sunt fundatæ; uti facile patescit, si ad ipsorum somniorum originem attendamus; licet hanc obscuriori tantum modo cognoscamus. Mens scil. eo modo adficitur, sed plerumque minus vivide, a suo corpore, quo adfici solebat, cum objecta, in somnio repræsentata ac si præsentia forent, in organa corporis vigiliantis revera agebant, mentique, pro arctissimo vinculo inter ipsam & inter corpus, exhibebantur; sed nunquam fere eadem vel similes corporis adfectiones penitus eadem vel similes in mentibus diversis produciunt sensationes: adeoque hoc saltem respectu generales regulæ conditi cum ratione nequeunt; cum eadem, vel similia somnia oriri non possint in diversis mentibus, licet forte in determinato aliquo momento habuissent similes sensationes. Præterea sic somnia quidem suam relationem habent ad statum mentis præteritum, non vero ad futurum; nihil proinde ex somniis naturalibus circa futura concludere licet. Conf. Formey dans l'Hist. de l'Acad. Roy. de Berlin A. 1746. p. 317. surv. Wolff Psychol. Empir. §. 121. seqq. Canzian Medit. Philos. §. 821. seqq. Walleri Psychol. Empir. §. 193. seqq. Omnes igitur Oneirocritices regulæ, ex superstitione natae, fallacibus observationibus nec satis diu institutis nituntur; deprehensum fuit bis vel ter, casum aliquem determinatum accidisse post determinati generis somnium; illico inde concludunt nugaces somniorum interpretes, semper tales casus obtinere post istiusmodi somnia; cum simul annotare debuissent, quoties huiusmodi casus non contingant, postquam homines alii istius generis somnia habuerunt. Simile quid obtinet in iis, qui, temerario nimium ausu, tempestates vagas prædicere suscipiunt ex signis quibusdam, quæ determinatis quibusdam tempestatibus aliquoties præcesserunt.*



## C A P. X.

D E

CAUSIS, EFFECTIBUS, PROPRIETATIBUS  
ET REMEDIIS SUPERSTITIONIS.

Σύνοψις.

*Superstitionis causæ, §. I.      Proprietates & adjuncta, §. III.*  
*Effectus, §. II.                      Remedia, §. IV.*

## §. I.

**I**nter causas Superstitionis præter naturalem omnium hominum corruptionem, indeque ortam ad prava quævis inclinationem, \* aliasque generales, \*\* imaginatio maxime rationis regimen respuens, \*\*\* & hinc subinde originem ducens nimia credulitas \* in censum venit. Nec prætermittenda tamen, quæ haud raro cum imaginatione depravata conjuncta sunt, & superstitioni occasionem præbent, idearum associatio, \*\* causarum & effectuum minime coherentium apparens, falsoque creditus nexus, \*\*\* itemque dicta aut effata veterum minus recte intellecta, \* & quæ reliqua sunt ejusdem generis.

• Cor.

\* Corruptionis istius naturalis a lapsu primorum parentum derivandae, etsi nemo mortalium sit immunis, non una tamen eademque ratione in omnibus se exercit. Aliiter enim in illis, qui in statu *securitatis*, aliter in illis, qui in statu legali & *servitutis* constituti sunt, vim suam demonstrat. Ut enim illi ad *Atheismum*, ita hi ad *Superstitionem*, crassiori aut subtiliori quadam ratione, pro aliarum causarum una concurrentium diversitate, prout sunt. Qua de re cum alibi dictum sit, ea ut hic fusius edisserantur, necesse non est.

\*\* Ad causas istas generales, propensiones & inclinationes naturales, ex corporum praecipue constitutione seu temperamento ortae, pertinent. Pro harum enim diversitate diversimode etiam homines in cultu Numinis sese gerere solent. Eos qui ambitioni dediti sunt, ad *Atheismum* pronos esse, supra docuimus, ad *cap. IV. §. I.* Avaros autem, qui & plerumque temperamento melancholico gaudent, ad superstitionem proclives esse, jam observatum, in *institutionib. theol. moralis, ad cap. I. sect. IV. §. LXXI.* Varia autem ratione fieri potest, ut ejusmodi homines superstitionis uestro percellantur. Melancholici meticulosi sunt. Ineptus autem & servilis metus in superstitione utramque haud raro facit paginam. Homo meticulosus quidlibet facile pro quolibet arripit, & ipsum diabolum pro Deo colit, modo a metu suo ea ratione utcumque liberari queat. Iudicii praeterea defectus, quo ejusmodi homines laborant, efficit, ut nihil tam absorum, tamque puerile sit, quod non tandem sibi persuaderi patiantur. Hinc & creduli sunt, narratiunculis, commentis, anilibusque fabulis facile fidem adhibentes. Avaritia praeterea, qua plerumque laborant, non tantum augeat atque confirmat hunc superstitionis adfectum, sed ita eos excoecat, ut haud raro ad ultimam stultitiae lineam progrediantur. Hinc olim ex parte crassioris idolatriae origo, dum homines a sole, luna, ceterisque coeli sideribus, plurima sibi promittebant commoda. Hinc magia, illicitaque cum spiritibus malignis commercia, cum in finem inita, ut thesauris absconditis potiantur, vel alia ratione consequantur. Vix etiam alios, quam vetulas, aut qui iis similes sunt, eo usque infaniae progredi videas, cum in iis avaritia, credulitas, ceteraque, quae cum hisce conjuncta sunt, vitia dubia fere inter se palma dimicent. Nec tamen homines sanguineo temperamento praeditis, pronosque adeo ad voluptatem, superstitionis prorsus immunes esse, existimandum. Etsi enim sua natura ad statum securitatis, hinc & ad *Atheismum* praecum sint procliviores, quia tamen iidem ad credulitatem propendunt, & per vim imaginationis subinde in transvorsum aguntur, aliquando superstitioni locum relinquunt, praesertim, si educatio, conversatio, vitae genus, aliaeque causae morales ad hanc potius, quam ad *Atheismum*, ducant. Cumque feminini sexus



mores maximam partem temperamento sanguineo respondeant, cur & hic ad Superstitionem pronior sit, quam ad Atheismum, ratio intelligitur. De feminis etiam Atheis vix quicquam in historiarum monumentis legeris, nisi quasdam ex iis, quae Philosophiam coluerunt, speciatim Epicuræam, huc referre velis, de quibus AEGIDIUS MESSAGIUS consulendus, in *historia mulierum philosopharum*, pag. m. 498. Neque tantum ob credulitatem subinde & iudicii defectum, qui voluptati dediti sunt, facile ad superstitionem abripiuntur, sed &, quod facillime putant se cultu Numinis defungi posse, aeternamque salutem consequi, si in externo subsistant cultu, de interno autem, animoque a vitiorum sordibus purgando, minime sint solliciti, quippe quod molestum nimis illis videtur. Quod ut ad certam saltem superstitionis speciem pertinet, ita illud simul observandum, non una eademque ratione apud omnes illam se exercere, sed aliter hoc fieri in melancholicis & avaris, aliter in sanguineis, & voluptates corporis ceu summum bonum sectantibus. Ad cholicos vero seu ambitiosos quod attinet, illos vel maxime ad Atheismum pronos esse constat, & supra etiam docuimus, sed ita tamen hoc capiendum, nisi educatio, vitae institutum, ac aliae causae morales obstant, &, quò minus naturae corruptae vis hac ratione in illis sese exerat, impediatur. Per educationem enim, aliasque causas morales, fieri quandoque potest, ut non minus ac reliqui homines ad superstitionem ducantur, & iudicii, quo pollent, vis ita imminuatur, & obscuretur, ut interdum inepta quaevis atque ridicula calculo suo adprobent. Praeter naturalem istam inclinationem propensionemque, de qua haecenus diximus, ad causas generales superstitionis reliquae etiam causae morales, *educatio, institutio, imitatio*, ceteraeque pertinent. Quanta enim harum omnium in intellectu corrumpendo, & variis erroribus imbuendo, vis sit & efficacia, neminem fugit, & saepius jam a Philosophis est demonstratum. Nutrices, feminaeque plebeiae, quibus plerumque prima infantum educatio committitur, cum superstitionibus & ineptis opinionibus totae fere scateant, mirum non est, commenta ista tenerrimorum infantum animis impressa tam altas radices agere, ut deinde vix, ac ne vix quidem, ejici queant. Deinde nec ignorantia hic praetermittenda, qua plerique mortalium laborant, quae sola nonnulli inducti, supersticiosos ineptis pretium aliquod statuunt; hoc iis mox denegaturi, si rectius fuerint eruditi.

- \*\*\* Quanta imaginationis extra orbitam defluentis vis sit & efficacia, non temere quendam fugit. Ad Superstitionem autem varia ratione imaginatio aliquid confert. Primo enim, per eam effectum aliquem existere, quandoque nobis persuademus, qui tamen revera nunquam exitit. Saepius contingere, notum est, ut homines in adfectu praesertim

fertim vehementiori constituti, aliquid sibi audire, aut videre videantur, quod revera nec vident, nec audiunt. Varia, quibus hoc probari queat, exempla collegit BALTHASAR BECKERUS, in *mundo fascinato*, lib. IV. cap. I. qui tamen haec ultra, quam par est, extendit, dum semper hac ratione homines falli, quoties spectra vident aut audiunt, inde colligit, quod supra jam refutavimus. Aliquando hac ratione homines decipi, negari nequit, & experientia testatur. Deinde vice versa contingit, ut per imaginationem effectus producat, qui cum ad aliam causam refertur, dici non potest, quantopere inde confirmetur & excitetur superstitio, Sciunt medicorum filii, & quotidiana experientia doceantur, quanta imaginationis in curandis morbis, iisdemque aut mitigandis, aut exasperandis, vis sit & efficacia. Quod Reges quidam solo contactu strumas sanarunt, non aliunde, quam ex veribus imaginationis derivandum, jam pridem Viri docti, harumque rerum periti, pronuntiant; idque ex instituto, etiam evicit vir clarissimus CHRISTOPHORUS DECMANNUS, in *oratione de regum nostri temporis dono strumas sanandi*, quae inserta est *notitiae ejus dignitatum illustrium*, pag. m. 129. seqq. ubi simul aliis exemplis, prorsus ad rem nostram facientibus, idem comprobat, dum, sic *divinorum*, inquit, *tutelarium appensa nomina, aquae benedictae lustratio, lapilli, carbones, radices, stato tempore, statim hora effusae, aliquando medicinam faciunt, quia, dum opinione trahuntur aegri spiritibus investigatis, in pristinam libertatem se afferunt. Sic magicos characteres, verba, sigilla, incantationes ideo successu aliquando non destitui videmus, non quia reapse praesentant aliquid, sed quia imaginatione excitati & corroborati aegrorum spiritus extrema moliantur, & carceribus suis se eximunt*, &c. pag. 136. Tandem & hac ratione imaginatio ad superstitionem aliquid confert, si homines ex similitudine quadam aut relatione, quae inter res diversas intercedit, statim nexum quandam causalem sibi effingunt. Latissime hancce patere causam, & focundam superstitionis variae matrem esse, accurate & eleganter more suo observat SAMUEL WERENFELSIUS, & exemplis quibusdam declarat: *Sunt*, inquit, *qui putant, eas herbas iis humani corporis partibus servandis aptissimas esse, quarum similitudinem quandam, signaturam appellare solent, referunt. Hic quis non videt, in hac similitudine nullam virtutem physicam latere posse? quid enim illa movebit? Inde fortasse haec opinio originem traxit, quod semper observatum est, plantas atque animalia sibi similia generare; hinc, ut sit, similitudini nescio, quae vis tribui coepit, quae aliis causis adscribenda erat. Qui omnia pleniora esse plenilunio, quam novilunio, tempore autumant, pisces, ostreae, caneros, ossium medullas, & quid non, primum in istam opinionem incidérunt, eodem prorsus argumenta ducti; plenitudinem enim lunae nescio quid sibi simile in terris producere putarunt, non secus ac lupus lupum, canis canem, &c. Ex inepta hac persuasione, quae similitu-*

divi

dini physicam tribuit efficaciam, omnia pene fluxerunt Astrologorum deliria, quicquid in terris est, ideo tale est, quia in coelo simile quiddam reperitur. Mercurius fuit quidam mirae solertiae homo, post mortem in numerum deorum relatus; huic attribuitur illa stella, quae vulgo stella Mercurii vocatur: haec non tantum eandem habet, quam Mercurius in terra habuit, solertiam, sed virtutem etiam parem solertiam hominibus in terra nascentibus infundendi. Hinc Astrologorum regula: cum puerum praeceptorum trades, fac, ut Mercurius benigno aspectu adspiciat lunam lumine auctam; disert. de superstitione in rebus physicis, §. V. pag. 14. seqq. Sed legi etiam merentur, quae idem auctor ulterius hac de re dixerit §. VI. pag. 16. seqq. Imaginationi etiam, ut & hoc adhuc addam, quandoque, saltem ex parte,tribuendum, quod nonnulli non tantum superstitioni locum facile relinquunt, sed in ea ita obfirmant animum, ut nulla ratione ab ea dimoveri queant. Contingere namque videas, ut homines, qui non tantum explicare nequeunt, qua ratione fieri possit, ut causa haec hunc effectum producat, sed & qui saepius experientia convicti sunt, frustra ejusmodi effectum ab ista causa expectari, a sua nihilofecius non discedant opinione. Rationem si quaeras, hanc omnium promptissime in imaginatione, vana ea utique atque inani, deprehendes. Nimiram, si effectus, quem sperarunt, non secutus est, nec ex ista causa sequi potuit, innumeras exceptiones foecunda imaginatio illis suppeditat, non omnia, v. g. in usu alicujus remedii superstitiosi, rite fuisse observata, mox hoc, mox aliud quid obtituisse, quo minus effectus sequi potuerit: paucis, dubitandum non esse, quin effectus sequi possit, etsi nunquam sequatur, & ratio nullam, ne possibilem quidem, inter causam & effectum nexum videat. Lepidissime ridiculam istam vim imaginationis delineat & exagitat auctor libri: Historie oder wunderliche Erzehlungen der seltsamen Einbildungen / welche Mr. Dnsle aus Lösung solcher Bücher bekommen / die von der Zauberey / etc. handeln / cum primis cap. VII. quanquam & in toto hocce libro talia occurrunt, quae vim imaginationis in superstitione demonstrant; quae uti lectu digna sunt, ita tamen nec distendum, auctorem fallaciam imaginationis ultra, quam par est, extendere; quod observare juvat, ne in alterum extremum incidamus, dum alterum evitare volumus.

- Qui imaginationi suae habenas ultra, quam par est, laxant, vel affectibus praepediti, eam in ordinem redigere nequeunt, quod haud raro melancholicis & sanguineis contingit, etiam creduli esse solent. Vis enim iudicii per imaginationis vehementiam impeditur, quo minus cuncta aequa lance ponderare & ab inanibus solida, vera a falsis discernere queant: Hinc vero superstitioni campus latissimus panditur. Parum ejusmodi hominibus est, illis, quorum magna apud eos est auctoritas, in omnibus, nullo discrimine, adhibere fidem, sed, quicquid

quid plebeji homines, quicquid mulieres vetulae narrant, id avide arripiunt, id firmiter credunt, nec dubium amplius ullum, quin id ita se habeat, animum subire patiuntur, graviter subinde illis irascentes, qui aliud quid, etsi rationi sit convenientissimum, illis persuadere annuntiantur. Quo proutiores autem nonnulli sunt ad credulitatem, eo diligentiores alii sunt, ad quidvis excogitandum & ejusmodi hominibus persuadendum; unde fabularum & commentorum, quibus superstitio ceu fulcris quibusdam innititur, nec finis nec modus est. Quanta vero hinc ejus incrementa, nemo non intelligit.

\*\* De idearum associatione, ex instituto a me dictum, in *institutionib. theolog. moral. ad cap. I. sect. V. §. IX. pag. 233. seqq.* Superstitioni quo pacto occasionem praebeat, facile intelligitur. Si enim v. gr. in die quodam alias memorabili, alicui aut adversi aut prosperi quid eveniat, tum idea istius diei cum idea calamitatis aut felicitatis, quae eodem nobis obtingit, conjungitur. Recurrente itaque idea istius diei, revocatur simul idea calamitatis aut felicitatis, quae eodem nobis obtingit. Hinc persuasio ista superstitiosa, supra nobis notata, dies quosdam per se faustos aut infastos esse. Idem de locis censendum, quorum, quae iis a quibusdam tribuitur fatalitas, non ex alio arcessenda fonte. Ominum quoque plerorumque, quibus superstitiosi homines adeo delectantur, eadem origo. Quaecunque enim nobis in prospera aut adversa fortuna constitutis occurrunt, eorum ideae cum ipsa infortunii aut felicitatis idea colligantur, etsi ceteroquin nullum inter se nexum habeant. Idea itaque rei ejusmodi recurrens, statim infortunii aut felicitatis ideam resuscitat: hinc persuasio, rem istam pro bono aut malo habendam omine.

\*\*\* Nexus ille apparens, falsoque creditus, causarum & effectuum, ex imaginatione & credulitate, concurrente & subinde idearum antea memorata associatione, ortus, utramque fere in variis superstitionis generibus facit paginam, uti vel ex dictis abunde constat. Diversa autem ratione homines in ejusmodi errorem induci possunt. Similitudo quaedam & convenientia, quae inter eas deprehenditur, aut quam imaginatio fingit, interdum plurimum eo confert; interdum vero & experientia quaedam temere credita, omnique fundamento destituta, id hominibus persuadet, aut idearum associatio, ut antea dictum, ejusmodi cogitationibus occasionem suppeditat. Quandoque & omnes istae causae, diversa tamen ratione, ad nexum istum persuadendum concurrere possunt. Undecunque autem ista persuasio oriatur, eam subinde animam velut superstitionis constituere, certum est. Si enim recte secum perpenderent homines, nexum ejusmodi causarum & effectuum non tantum non verisimilem, sed nec possibilem esse, nunquam sibi per-

suasuri essent, a tali causa ejusmodi proficisci posse effectum. Cautione quadam hic opus esse, probe scio, ne temere causae & effectus nexum minus possibilem esse, nobis persuadeamus. Sed hac de re jam supra dictum. Neque tantum in rebus physicis, adeoque indirecte saltem ad religionem spectantibus, sed & in Theologicis haec observatio locum habet. Enimvero, si quis solum cultum Numinis externum absque interno, aut omnino solas ceremonias ritusque ad salutem consequendam sufficere arbitratur, nonne causae effectum tribuit, qui ab ea nullo modo nullave ratione expectari potest? Aquam lustralem pontificiorum, signum crucis externum, absque interna mentis devotione, exorcismus Ecclesiae Romanae, & quae reliqua sunt ejusdem generis, quibus magna vis & efficacia in pellendis spectris, ejiciendis daemonibus, variisque beneficiis spiritualibus in homines derivandis, tribui solet, hac itidem referenda esse, nemo non intelligit.

- Ut Superstitio temere saepius quidlibet arripit, ita si recte & innocenter ab aliis dicta, quandoque eidem occasionem praebent. Vim & efficaciam verbi divini satis laudari non posse, nemo temere abnuerit. Hoc si superstitiosus audiat, statim ex solo ejus usu externo, si vel maxime id non intelligat, aeternam salutem sperabit; aut omnino partem ejus schedulae inscriptam, colloque appensam, curare sebreem sibi persuadebit. Si quis vel loco dixerit, bonum non esse, si iter facienti lupo occurrat, eo quod periculum forte ab eo immineat, superstitiosus statim omen aliquod sive praesagium inde faciet. Pertinet huc, quod a nonnullis, speciatim a MAGNO DANIELE OMESIO, in Altorfina quondam Academia Professore Celeberrimo, observatum, ex symbolis quibusdam Pythagoricis, sensu simplici & communi intellectus, varios ritus ac superstitiones hodie adhuc durantes, originem traxisse videri, in *mantissa ad ethicam Pythagoricam*, pag. 123. Ex horum numero sequentia sunt: (I) *Ne speculum ad lucernam intueri*. Hocce enim effato cum Vir sapientissimus id sibi veller, ut homo se ipsum recte nosceret, & consideraret, non ad alienam lucem sive scientiae, sive laudis ab adulatoribus profectae, sed ad diem ac solem veritatis, quae omnibus patet ac luget, nec pro veris falsa ostendit, alii hoc intelligentes, errori seu superstitioni, hodie adhuc receptae, occasionem praebeuer, qua nonnulli inducti noxium esse credunt, si quis ad candelae seu lucernae lumen se in speculo intueatur. (II) *Offensa in vestibulo turpi vetula non egredere*. Quo symbolo cum docere voluerit, res illas, quarum turpia sunt principia, non esse prosequendas, mos inde forte, in quibusdam Germaniae adhuc usitatus locis, ortus est, ut, si quis mane domo egrediens, praecipue kalendis Januariis, primo vetulam sibi obviam habeat, inde dirum ac infelix omen accipiat. (III) *Sal apponendus*. Hocce dicto monere voluit Samius

mius fenex, ut sal condiendis cibis est aptus, ita ad omnes actiones & sermones nostros adhibendam esse prudentiam. Alii vero cum id simpliciter acciperent, factum inde, ut sal mensis facer haberetur, religionique sibi nonnulli ducerent, reliquos cibos ante saltem apponere. Romanos certe credidisse, *mensas fieri sacras salinorum appositu*, ex ARNOBIO docet JUSTUS LIPSIUS, *Saturnal. libr. I. cap. II.* Plura ejusdem generis auctor antea laudatus *loc. cit.* exhibet.

## S. I I.

Effectus Superstitionis tum intuitu ejus, qui hocce morbo laborat, tum aliorum, quibuscum ejusmodi hominibus negotium intercedit, considerari possunt. Priori modo si spectentur, ut menti caliginem offundit, \* ita pravis cupiditatibus vitiisque fovendis longe est aptissima; \*\* simul vero, cum ejusmodi homines veram animi quietem ac tranquillitatem nunquam consequantur, longe sunt miserrimi. \*\*\* Aliis vero non minus molesti sunt, odio quippe haud raro plus quam Vatiniano eos prosequentes, qui non eandem secum statim sententiam ingrediuntur; hinc & saepissime Ecclesiae pariter ac Reipublicae gravissima ab iis imminet incommoda. \*

\* Rectae enim rationi cum perpetuum velut bellum ejusmodi homo indixerit, & adfectibus suis agatur in transvorsum, non potest non, si quod in eo superest, intellectus lumen, magis magisque obscurari. Mirum itaque non est, quod rationibus etiam evidentissimis quandoque non moveantur, inimo ad eas percipiendas tandem prorsus inidonei reddantur. Experientia hoc testatur quotidiana.

\*\* Etsi homines superstitionis interdum sibi & aliis videantur religiosissimi, iidem tamen haud raro sunt flagitiosissimi, omnibusque vitiis atque sceleribus dediti. Primo namque certum, superstitionem cum improbitate consistere posse. Hoc de illis superstitionum generibus, quae directe ad Naminis cultum non pertinent, positum est extra controversiam. Qui daemonum opera ad res illicitas consequendas utitur, qui signa & characteres ad curandos morbos adhibet, qui ex re qualibet omen aliquod captat, tantum abest, ut probitati & virtuti dediti

cenferi queant, ut haec ipsa jam documento sint luculentissimo, eos vitiorum, pravarumque cupiditatum forlibus, penitus esse immeros. Sed idem quoque de iis generibus superstitionum censendum, quae directe circa Numinis cultum versantur. Nihil obstat, quo minus aliquis rigidus sit cultus externi observator, & in ritibus cere noniisque sacris exactissimus, & nihilofecius pravis impurisque deditus cupiditatibus. Qua de re si quis dubitet, vel Pharisaeorum exemplo rectiora condoceri potest; conf. *Muth. XXIII: vers. 25, 26, 27*. Immo non tantum supersticio cum vitiis gravissimis consistere potest, sed iis etiam fovendis & alendis inservit. Efficit enim, ut homines sibi persuadeant, satis sibi propitium esse, ut jam strenue indulgere pravis cupiditatibus possint, nec tamen de aeterna salute consequenda ulla ratione sibi sit dubitandum. Qua quidem persuasione ad conservanda & augenda vitia, veram autem mentis emendationem impediendam, ac sustaminandam, nihil te nere efficacius cogitari posse, omnes puto facie necum consentient. Neque tamen inde inferendum, ac si supersticio ipso Atheismo sit deterior. Quantum nvis enim & cum vitiis gravissimis consistere queat, & iis fovendis quandoque inserviat, nullum tamen est dubium, quin homo ejusmodi, cum Deum scelera vindicem credat, ejus metu quandoque a peccatis quibusdam perpetrandis, retineatur, cum Atheus contra nullo prorsus contringatur vinculo, quo minus libere cupiditatibus quibusvis frena laxet, & in quaevis ruat flagitia, modo poenae civilis metus non obstat. Sed hac de re jam supra dictum, ad *cap. IV. §. IV.*

\*\*\* Cum homines supersticiosi certum, cui insistant, fundamentum non habeant, vanaeque & incerta in plerisque ducantur persuasione, metu praeterea prorsus servili, aut variis etiam cupiditatibus, nunquam non agentur, nuspian, ubi conquirere possint, aliquid inveniunt, suntque adeo mortalium longe miserrimi. Eleganter hoc exprimit TULLIUS, de superstitione ita verba faciens: *Instat & urget, (superstitione) & quo te cunque verteris, prosequitur; si ve tu vatem si ve tu omen audieris, si ve immolaris, si ve avem adspexeris; si Chaldaeorum, si haruspice m videris; si fulserit, si tonuerit, si tactum aliquid erit de coelo, si ostenti simile natum, factumve quidpiam; quorum necesse est, plerumque aliquid eveniat, ut nunquam liceat quieta mente consistere. Persugium videtur omnium laborum & sollicitudinum esse somnus; at ex eo ipso plurimae curae metusque nascuntur; qui quidem ipse per se minus valeret, & magis contemnerentur, nisi somniorum patrocinium Philosophi susceperissent, &c. de divinat. lib. II. cap. LXXII. pag. m. 1278.*

• De

- \* De odio immani, quo homines superstitiosi interdum alios, qui non easdem secum sententias foveant, prosequantur, deque ingentibus, quas subinde in Ecclesia pariter ac republica dederunt, turbis, multae passim extant Virorum doctorum querelae. Quae ut neutriquam fundamento destituantur, ita nobis, ut, quae distinguenda rite & a se invicem separanda sunt, confundamus, committendum non est. Fieri sane potest, inmo saepissime fieri experientia docet, ut superstitio seu falsa de Numinis cultu persuasio homines incendat, ut alios acerrimo odio prosequantur. Quaecumque autem tam de Deo ejusque cultu opinionem habeant, certum tamen est, eam pro vera religione habendam non esse, a qua quippe ejusmodi mores prorsus alieni sunt. Causa autem, cur tanto odio alios a se dissentientes insectentur, haec est, quod aegerrime palladium suum, in quo omnem spem vitae ac salutis collocant, sibi eripi patiantur. Quam enim ejusmodi homines semel ingressi sunt consequendae salutis viam, eam, utpote sua opinione optimam, tutissimam, facillimam, aegre dimittunt, adeoque non possunt non illis irasci acriter, qui eam rejicere aut contemnere audent. Accedit, quod tam deum firmiter religioni suae adhaerere sibi videantur, si reliquos omnes odio acerrimo prosequantur, idque adeo Deo longe gratissimum esse sibi persuadent. Idque ipse Servator significavit, cum ad Discipulos suos dixit: *eritque tempus, cum omnes Deum a se coli putabunt, qui vos interfecerint; Joan. XVI: 2.* Atque ipsi hoc satis suo exemplo comprobantur Judaei, quorum primum in Samaritanos, deinde in Christianos, odium longe vehementissimum, atrocissimumque, neminem fugit. Inter ipsos Gentiles etiam contingebat, ut, qui deorum cultu dissentiebant, acerrimo se invicem prosequerentur odio, juxta notissimum illud JUVENALIS testimonium:

*Inter finitimos vetus atque antiqua simulas,  
Immortale odium, & nunquam sanabile vulnus,  
Ardet adhuc Ombos & Tentyra; summus utrinque  
Inde furor vulgo, quod numina vicinorum  
Odit uterque locus, cum solos credit habendos  
Esse deos, quos ipse colit, &c.*

*satyr. XV. vers. 33.* Quantus deinceps Gentilium contra Christianos fuerit furor, neminem fugit, nisi qui hospitem plane ex Veteris Ecclesiae annalibus retulit animum. Quicquid calumniarum, quicquid obtestationum, quicquid suppliciorum & cruciarum excogitari potuit, hoc adhibuerunt, ut Christianos opprimerent, obruerent, & prorsus delerent. Legere ea licet in R. CHRISTIANI KORTHOLTI *Pagano obtrectatore*, in compendio autem, & unico velut fasce comprehensa, in PHILIPPI CAMERARII *operis horarum subcissivarum seu meditationibus histo-*

Aa aa 3 *ricis,*



*viciis, cent. I. cap. XXXIX. pag. 175.* Nec inter ipsos prohi dolor? Christianos exempla defunt, quibus idem comprobari queat. Acerrimae illae inter varias sectas, quae per omnia fere secula exortae sunt, contentiones, cum contumeliis & conviciis atrocissimis conjunctae, & in gravissimas vexationes, si modo alterius partis vires hoc permitterent, erupturae, id satis superque testantur; cum primis autem Romana Ecclesia, igne & ferro crudelissime in omnes a Pontificis decretis dissentientes, seu haereticos, hoc est, homines, Ecclesiae istius sententia, tam flagitiosos, ut nullum sit tam atrox suppliciorum genus, quo non iustissime adiciantur, saeviens, exemplum ejus rei luculentissimum praebet. Hinc tot homines honore & fortunis spoliati, actos in exilium, coniectos in carceres, compedibus vinctos, damnatos ad triremes, alios gladio, alios laqueo, igne rursus alios e medio sublato videas; non aliam ob causam, quam quod eorum obsequio aliorum ut amplecterentur, in religione placita, a se impetrare non potuerint. Tam immani autem odio si quis statim alios in quibusdam a se dissentientes prosequatur, illi autem, qui dissentiunt, non minori studio se contra ejusmodi insultus defendant, quanta inde in Ecclesia oriantur turbae, facile cogitari potest; idque & experientia testatur. Nec Ecclesia modo, sed ipsa quoque respublica subinde hac ratione concutitur, atque conquassatur. Ecquis enim ignorat, quot quantaeve rebellionis, quam atrocia bella religionis causa excitata sint? Cumque bella quaevis maximopere sint formidanda, & caedibus, rapinis, incendiis cuncta compleant, hinc & urbes solo aequent, florentissimae quoque regiones miserum in modum devallent, ea tamen, quae religionis causa geruntur, longe reliquis esse funestiora, constat, quippe in quibus furore quodam concitati homines superstitionis crudelitatem in laude ponunt, eo se Deo gratiores esse, sibi persuadentes, quo atrocius in hostes, Deo quippe, ut putant, ob alias opiniones invidios, saeviunt. Ut autem cuncta, quae hic in censum veniant, eo rectius dijudicari queant, diligenter observare juvat, non de quavis superstitione, sed ea praecepit, quae directe circa Numinis cultum versatur, quae diximus, intelligenda esse, quemadmodum & haec ipsa superstitio diversos habet gradus, hinc &, si crudelitatem odiumque erga alios spectes, diversos effectus. Praeterea conjuncta haud raro est cum aliis adfectibus; ut quod homines ambitione aut vindictae cupiditate, ac aliis vitiis impulsu faciunt, id ex zelo quodam pro religione & opinione, quibus imbuti sunt, veritate se facere, & ipsum turpissimo errore delusi credant, & aliis aliquando facile persuadeant. Cum primis autem a superstitione turpissima caute discernenda est hypocrisis. Haud raro enim contingit, ut nonnulli religionem ambitioni suae, aliisque cupiditatibus obtendant, cumque revera doctrinae, pro qua tam acriter pugnant, fidem non adhibeant, ac si religionis causa cuncta

Ita agant, persuasum cupiunt, sub speciosa ista ~~causa~~, imperii, quod in alios moliantur, limites longe lateque proferentes, aut istud contra secus sentientium insultus egregie confirmantes, corroborantesve. Exemplum iterum Romana præbet Ecclesia, in qua nonnullos quidem falsa persuasione ductos, adeoque ex mera superstitione, maximo contra hæreticos odio flagrare, nullus, quidem dubito; nec tamen, præsertim inter primi ordinis præfules deesse existimo, qui religionis omnis expertes, religionem tamen ubique consiliis suis obtendunt, ut auctoritatem suam, potentiam, imperium, opes, divitiasque majores aut acquirant hac ratione, aut augeant, amplificentque. Non omnia itaque ipsi superstitioni tribuenda, quæ aut a superstitionis hominibus, aut sub religionis etiam prætextu aguntur. Præterea, quantumvis foeda sit superstitionis facies, quam & ita, ut decet, exhibuimus, quantumvis etiam magna ex ea in Ecclesiam pariter ac rempublicam redundent incommoda, ut summo studio fugienda sit & evitanda, quia tamen humanæ societatis vincula non convellit penitus ac labefactat, Atheismum foediorum adhuc magisque noxium esse negari nequit. Sed hac de re supra jam ex instituto dictum est, ad cap. IV. §. V.

### §. III.

Proprietates & adjuncta Superstitionis sunt *irrationabilitas*: \* & *pertinacia*, dum aëgre, ut mentem sententiamque mutant, se induci patiuntur; hinc & difficulter admodum a morbo isto liberari possunt: \*\* quibus quaedam velut *universalitas* accedit; quia nulla gens, nullusve in orbe est populus, quæcumque etiam profiteatur religionem, nullum præterea vitæ genus, quod non labe ista adpersum & commaculatum deprehendatur. \*\*\*

\* Si rationis dictamen homines superstitionis admittere possent, non essent superstitionis. Id vero ab illorum indole plane alienum. Dum enim imaginationem, experientiam falso jactitatum, auctoritatem aliorum, pro norma & regula assumunt, & quicquid insuper affectus male sanus suadet, promte aripiunt, rationi locus esse nequit. Generatim hoc tum de ea, quæ directe, tum quæ indirecte circa Numinis cultum veritatur, superstitione intelligendum. Ad hanc enim quod attinet, qui a daemonibus expectant, quæ ab his præstari nequeunt; qui per verba & characteres morbos pellere, & mirabilia quævis efficere an-

nituntur, aut quae his similia sunt, suscipiunt, recte rationi bellum apertum indixisse, nemo temere dubitaverit. Non minus tamen & de illis hoc censendum, qui cum vitiis suis cupiditatibusque, quibus indulgent, pravis, Deum offendere non desinant, ritibus actibusque quibusdam externis, aut, quae ipsi sint commenti, cum placari posse, sibi pueriliter persuadent. Quis enim vel rationis ductum sequens existimare posset, Deum, qui spiritus est purissimus sanctissimusque, ejusmodi externis delectari, cum interea mens hominum omni impuritate coinquinata sit? Hinc & ipse Apostolus hanc superstitionem ceu *λογισμὸν λατρείας* in Ethnicis damnavit, eique *λογισμὸν λατρείας* opposuit, *Rom. XII: 1*. Cum vero non tantum cum superstitione conjuncta sit irrationabilitas, sed haec per illam etiam magis magisque augeatur, ut ad §. praecedentem observatum; hanc & inter adjuncta alius, & inter effectus, certa ratione referri posse, nemo non intelligit.

- Etiam hac de re non temere quis, qui indolem superstitionis paulisper expendit, dubitaverit. Enimvero ad eam superstitionem quod attinet, quae directe circa Numinis cultum versatur, cum sibi ejusmodi homines firmiter persuadeant, se solos veram rationem Deum colendi tenere, quam & sine periculo salutis aeternae iacturam faciendam dimittere non possint, fieri aliter nequit, quam ut sint longe pertinacissimi. Mirum itaque non est, quod nonnulli mortem potius subire, & extrema quaevis pati, quam a sententia, qua semel imbuti sunt, discedere parati sint. Habet enim superstitio non minus suos martyres, quam vera religio. Dantur tamen, ut in ipsa superstitione, ita & in pertinacia, certi gradus. Nec eodemque omnes habendi sunt loco. Prouc enim variae concurrunt causae, diversos etiam in ejusmodi hominibus observare licet pertinaciae gradus. Melancholicos enim, qui natura sua pertinaces sunt, si superstitione laborent, quod plerumque contingit, longe pertinaciores esse sanguineis, si & hos eadem sorte pestis invadat, quod fieri quandoque posse, supra monuimus, non temere quis dubitaverit. Ad eam vero superstitionem quod attinet, quae indirecte Numinis cultum attingit, non minus quandoque pertinaces homines reddit; siquidem imaginationis, quae utramque ibi facit paginam, ea vis est & efficacia, quemadmodum supra itidem observavimus, ut, si experientia vel centies ejusmodi homines fallat, nunquam tamen persuaderi sibi patiantur, effectum, quem causae tribuunt, ab illa proficisci non posse, sed aliud quid, quod ipsimet nesciunt, ob stare, quo minus effectus ille semper sequatur. Utramque igitur Superstitionis speciem, priorem tamen magis, quam posteriorem, inter morbos, qui difficulter curari possunt, referre licet. Nec tamen prorsus est immedicabilis, si modo quis remedia, quae Scriptura sacra & sana ratio suppeditat, de quibus deinceps dicemus,rite adhibere velit.

\*\*\* Cum

\*\*\* Cum causae Superstitionem progignentes tam late pateant, fieri aliter nequit, quam ut ipsa quoque superstitio multorum occupet animos. Quod diximus, nullam gentem esse, quaecunque etiam in religione sequatur placita, quae superstitionis prorsus sit immunis, facili negotio comprobari potest. Quarundam equidem, ut Judaeorum, prout hodie se habet, Ethnicorum, & Muhamedanorum religio, tota fere superstitiosa est; observare tamen apud eos plurima licet, quae specialiori quadam ratione superstitionis nomine sunt insignienda. De Judaeorum credulitate fabulae & commenta Rabbinorum, numero fere infinita, simulque tam portentosa, ut ne speciem quidem verosimilitudinis habeant, abunde testantur. Fabulae autem temere creditae, superstitionis foecundam segetem suppeditant. Exempla superstitionis Judaicae, ridiculae quidem, satisque ineptae, qui desiderat, is. JOAN. BUXTORFFII *Synagoga Judaica*, similique de rebus Judaeorum scripta adeat, in quibus magna copia ea inveniet. De Ethnicis & Muhammedanis aliquid dicere supervacaneum foret, cum nemo temere tam rudis rerum omnium sit, ut nesciat, eos ad delirium usque superstitioni deditos esse. Varia de iis in unum collecta exhibet JO. CHRISTOPHOR. MANLINGIUS, in den denkwürdigen Curiositäten dero se wohl in als ausländischer abergläubischen Aberracten / etc. ubi *cap. II.* de Judaeorum, *cap. III, IV. & V.* de Persarum, Turcarum & Arabum, *cap. VI.* de Indianorum seu Ethnicorum superstitione agit; immo & *cap. VII.* de Christianorum. Hos equidem, si sui nominis vim implere vellent, ab impietate aequae ac superstitione longissime remotos esse oportebat; sed plurimos ad alterutrum ex hisce scopulis allidi, naufragiumque verae fidei facere, ipsa quomvis condoceat experientia. Nec ulla inter ipsos Christianos secta est, in qua non superstitionis aequae ac impietatis exempla quotidie occurrunt. At hoc inter eos intercedit discriminis, quod quaedam superstitionem pro ipsa religione, aut ejus certe parte minime condemnanda habeant, eamque adeo adprobent calculo suo atque defendant. Romanenses hoc facere, neminem fugit, apud quos ritus & ceremonias maximam fere cultus divini partem absolvere constat, & supra jam ad *cap. VIII. §. VI. & VIII.* nobis est observatum. Cumque ejusmodi ritus sint, quos Deus non praescripsit, qui insuper omni usu destituuntur, & subinde ad pompam saltem sunt comparati, plurimii etiam folis istis ritibus vim Numen placandi, istudque sibi reddendi propitium tribuant, a superstitione foedissima eos liberari non posse, manifestum est. Sunt equidem, fateor, & in nostra Ecclesia, qui cultui externo, immo & interdum ritibus & ceremoniis plus, quam decebat, tribuunt, adeoque superstitionis ejusdam rei sunt. Sed maximum hic inter nos & Romanenses intercedit discrimen. Non alium enim Numinis cultum externum,

Bb bb

nec

neque alios ritus ac ceremonias, quam quae ad cultum internum promovendum aliquid faciunt, adeoque mandato Numinis saltem generali nituntur, adprobamus. Deinde actibus externis, ritibusque, nullam vim aut efficaciam per se Numen placandi, aut ejus favorem conciliandi hominibus tribuimus; sed tum demum externa omnia rite se habere, contendimus, atque docemus, cum cultus internus, qui vera in Jesum Christum fide absolvitur, per ea incenditur, alitur, fovetur, promovetur. Quodsi itaque nonnulli inter nos vita forte, moribusque, aut alia ratione ostendunt, se externis actibus plus, quam decebat, tribuere, adeoque superstitionis cujusdam jure argui, illi testantur, se a vera & genuina Ecclesiae nostrae sententia alienos esse. Quare Ecclesiae Evangelicae, quae veram puramque doctrinam B. Lutheri opera a variis errorum sordibus repurgatam, proficitur, laus haecce propria manet, quod, ut ab errore omni, ita & superstitione procul est remota. Nec contrarium ex eo probari potest, quod ritus quosdam ex Romana Ecclesia, speciatim exorcismum, retinimus. Ratione enim innocentissima hoc a nobis factum, res ipsa testatur. Nec enim ipsis verbis, aut formulae, vim expellendi daemonem tribuimus, sed peccati originalis, quocum omnes nascimur, gravitatem significamus, quae tanta est, ut per naturae conditionem simus filii irae, *Eph. II: 3.* & servi diaboli, *Ebr. II: 14.* simulque innuimus, per baptismum, seu lavacrum regenerationis, infantes liberari a servitute ista & potestate infernalis genii, quam in omnes a foedere Dei alienos habet, & ex filiis irae filios fieri gratiae, aeternaeque vitae, si in statu regenerationis perseverent, heredes. Quae commonefactio ut perquam utilis, ita ab omni quoque superstitione prorsus est aliena. Pari ratione & ad reliqua, quae nobis obijciuntur, facili ratione responderi potest; quod cum ab aliis jam factum, hisce non immoramur. Ad reliqua potius ut progrediamur, nullus quoque inter homines status est, qui superstitionis prorsus immunis censerique queat. Ad statum enim, quem vocant, *politicum*, quod attinet, eum non prorsus hic eximendum esse, vel ea, quae de *auguriis & auspiciis Romanorum*, de *locis itidem, nominibus, temporibusque fatalibus*, quibus imperiorum mutationes, prosperaeque & adversae, quae iis eveniunt, tribui solent, diximus, satis testantur. Nec existimandum, aut principes rerumque dominos, aut civium rerum administratos, expertes superstitionis esse. Immo quo vehementioribus hi quandoque agitantur cupiditatibus, quae rationis omne extinguere lumen aptae sunt, quoque minorem in ratione instruenda & rite excolenda industriam ponunt, eo superstitioni additiores istos esse oportet. Ipse Alexander, cui res praeclare fortiterque gestae *magni cognomen peperere, non intactus erat ea superstitione mentis*, ut Q. CURTIUS RUPES loquitur, *lib. IV. cap.*

cap. VI. immo superstitionis potens non erat, ut idem auctor pronuntiat, libr. VII. cap. VII. Aristandro vati eum credulitatem suam addixisse, alibi asserit: Qui post Darium victum ariolos & vates consulere desierat, rursus ad superstitionem, humanarum gentium ludibrium, revolutus, Aristandrum, cui credulitatem suam addixerat, explorare eventum rerum sacrificiis jubet; l. c. Idem cum post Cliti caedem solatii expers viveret, somnii saltem ejusdam commemoratione ab Aristandro erigi iterum atque revocari potuit: *Ἀριστάνδρῳ δὲ τῷ ῥήτορι ὑπερμαρτυρήσαντι αὐτῷ πρὸς τὸ πάλιν εἰς αὐτὸν εἶναι τὸ Κλέιτου, ὃς τὸ σπασίον, ὡς δὲ πάλιν ὑπερμαρτυρῶν τὸν ἴδιον ἐλάδισιν.* At cum vates Aristander visum illi quod de Clito fuerat ei representatum & prodigium subjiceret, jam dudum haec in fatis fuisse, visus est animum relaxare. Ita PLUTARCHUS, in *Alexandro* p. 694. De Augusto jam supra diximus; possetque idem exemplis innumeris comprobari, si modo iis in re non dubia opus esset. Immo flagitiosissimos principum vel maxime supersticiosos fuisse, gentium annales testantur. Paterque id vel ipsius Neronis exemplo, de quo id observat c. SUTONIUS TRANQUILLUS, in *Nerone* cap. XXXIV. XLI. XLVII. Sed & de Catilina, Caligula, Heliogabalo idem constat. Legenda, quae de his aliisque disserit PETRUS BAEIUS, *pensées diverses* part. I. §. CXXX. pag. 251. seqq. De Attila Hunnorum Rege, non alia magis re, quam barbarie & crudelitate, noto, CALLIMACHUS Cyrenacus: *Religioni, persuasionibusque de diis a sua gente susceptis, usque ad superstitionem additus; in Attila.* Nec milites, virosque, qui castra sequuntur, expertes labis hujus, quae omnes vexat, credas. Nihil frequentius in historicorum monumentis, quam quod callidi duces, mox solis ac lunae eclipsibus, mox tonitru ac fulguris terroribus, aut cometarum apparitionibus, similibusque turbamentis vulgi, ut c. CORNELIUS TACITUS vocat, ad flectendos supersticiosorum militum animos, prout id e re sua esse duxerunt, usi sint. Exposuit ista peculiari, de *turbamentis vulgi* dissertatione, JO. CHRISTOPHORUS BECMANNUS, cap. cumprimis II. Immo sunt quaedam superstitionis genera militibus propria, dum aut verbis formulisque magicis, aut alia ratione, se contra quosvis globorum & gladiatorum ictus tutos, adeoque invulnerabiles reddere annuntiantur, & quae his sunt similia, quorum quaedam JOAN. CHRISTOPH. MANLINGIUS exhibet, *libro citato, cap. XI. pag. 261. seqq.* ubi de *militum superstitione* verba facit. A politico statu, si ad *Ecclesiasticum* transeamus, amplissimum itidem superstitionum deprehendemus campum. Ea praecipue, quae circa Numinis cultum directe versatur, ab ipsis haud raro fieri ordinis Viris alicur, fovetur, immo & quandoque defenditur, tum quod illorum interest, ea homines imbutos esse, tum quod plurimi eodem & ipsi morbo laborant, in perversa ista praeposteraque colendi Deum ratione spem omnem salutis

ponentes. Utrumque iterum vel Romanae Ecclesiae exemplo luculenter patet. Istius contra superstitionis, quae indirecte circa Numinis cultum versatur, *status domesticus* exempla quotidie innumera suppeditat. Sive enim pecori concilianda sit foccunditas, sive fertilitas agris, aut damna quaevis a re familiari avertenda, si fortunarum procurandum incrementum, si morbi a liberis jumentisque pellendi, supersticio statim vel mille remedia, quibus haec omnia & longe plura effici queant, suppeditat. Quid vero de omnibus dicam? quae homines plebeji sine fine captant, ut de anni proventu, de suis aut liberorum fati futuris, certiores reddantur, & num hoc aut illud negotium ex voto successfulum sit, resciscant. Inter ipsos etiam fures atque latrones stolidae superstitionis deprehendere documenta licet. Si enim annulum ex catena, qua quis in patibulo suspensus est, aut manum vel digitum hominis suspensi secum gestent, prospere feliciterque facinora sua sibi cessura, firmiter sibi persuadent; ut reliqua, quae ejusdem generis, quibus soporem hominibus, ne expergiscant, inducere, aut alia ratione securitatem in facinoribus suis perpetrandis sibi conciliare conantur, taceam. Possem ulterius ostendere, nullum vitae humanae actum notabilem esse, qui superstitioni non intersit, simulque speciatim de superstitione circa *nativitatem hominis & baptismum*, circa *sponsalia & nuptias*, circa *aegrotos, mortem & sepulturam*, varia in medium adferre; sed cum maximam partem haec longe notissima sint, & nobis ad finem tandem properandum sit, his diutius non immorabimur.

## §. I V.

Medela denique tum demum rite adferetur superstitioni, \* si a praepudicatis falsisque opinionibus, inepta cumprimis credulitate, liberetur intellectus; \*\* simulque imaginatio intra justos limites coercetur; \*\*\* voluntas autem a pravis cupiditatibus, speciatim & ab avaritia purgetur. \* Qua in re ut legitima Verbi Divini tractatio cum precibus devotis conjuncta, utraque merito paginam facit, \*\* ita & Philosophiae verae & genuinae studium sobrium, minime contemnendum est. \*\*\*

\* Remedia Superstitionis aeque ac Atheismi vel *αθεϊσμο* sunt, vel *ἡθεϊσμο*. Ad illa pertinet educatio, institutio, conversatioque. Haec enim

enim omnia si superstitioni faveant, ad corrumpendas mentes ingenuas, & hocce veneno inficiendas, plurimum valent; rursus tamen, si ita, ut decet, comparata sint, ad praecuniendos contra hance pestem juvenum animos vim egregiam habent & prorsus singularem. Minus sane frequens esset hicce morbus, nisi plerique mortalium a prima infantia a nutricibus, parentibus, praecceptoribus, eodem inficerentur, & deinceps inter eos, qui eo laborant, vivendum esset. Quousque autem aut in nostra, aut aliorum positum sit potestate, hisce remediis uti, quilibet facile intelligit. Nos hic de *Hebraeorum* praecipue fumus solliciti, quorum summa eo redit, ut ejusmodi homines ad stultitiae suae & miseriae agnitionem perducantur. Hoc si obtinueris, reliqua facile procedent. Non itaque argumentis multis, aut disputationibus opus est, uti contra Atheos. Derexisse enim superstitionem, est eam refutasse. Nec rationibus ejusmodi homines pugnare solent, quippe quibus destituuntur; sed cuncta ad imaginationem, experientiam, sed falso ascriptam, narrationes aliorum redeunt, quae cum lubrica sint & infirma, explodi statim, si fides eis non adhibeatur, & ita unico ictu prosterni possunt.

- \*\* Credulitatem enim cum aliis intellectus vitiis, inter causas superstitionis haud ultimum tenere locum, ad §. I. hujus capituli docuimus. Quacnam autem ratio sit, ab ejusmodi morbis & imbecillitatibus intellectum liberandi, omnium rectissime Philosophia docet.
- \*\* Namque & hanc inter causas superstitionis referendam esse, ad §. I. hujus capituli ostendimus. In emendanda autem & corrigenda imaginatione exercitationem utramque facere paginam, alibi ex instituto docetur. Haec autem ut rite adhiberi & institui queat, defectus imaginationis prius agnoscere necesse est. Hi ergo ut hominibus, superstitionis morbo laborantibus, ostendantur, opera sedulo est cavenda.
- \* Praeterquam enim, quod credulitas, aliaeque intellectus vitia, quae pro causis proximis superstitionis habentur, maximam partem ex prava voluntatis dispositione originem trahunt, eam superstitionem, quae directe circa Numinis cultum versatur, in meticulouso quodam erga Deum affectu praecipue consistere, constat. Unde neminem, nisi emendata rite & purgata voluntate, ab ea liberari posse, manifestum est. Eam vero, quae indirecte circa Numinis cultum versatur, superstitionem, pravis cupiditatibus, praecipue & avaritiae imputandam esse, res ipsa neminem dubitare sinit. Nec enim ulla alia magis re ad commercia cum malignis spiritibus, similiaque fuscipienda, induciti sunt



mortales. Curiositas intempestiva, si quos in transvorsum egit, eam tamen, si modo non aliud hocce nomine tegatur vitium, nihil aliud, quam voluptatis esse speciem, alibi demonstratur. Hujus autem ut & reliquarum cupiditatum, quae ad superstitionem ducunt, in voluntate hominum sedes est.

\*\* Non alibi, quam in ipsa Scriptura sacra, tum contra vitia quaevis, tum & contra superstitionem, certiora praestantioraque invenire licet remedia. Haec enim primo evidenter docet, verum genuinumque Numinis cultum non in ritibus, non in ceremoniis, aut actibus externis, sed in puro atque sincero Numinis amore consistere, *Deut. VI: 5*. Quocum ut timor filialis, fiducia, obsequium, & reliqua, quae cultum internum absolvent, indissolubili vinculo conjuncta sunt, ita ab iis, qui vera in Christum fide destituuntur, frustra expectatur. Per Christum enim Servatorem cum Patre conciliati, *2 Cor. V: 29*. *καταφρονέοντες πίστεως* ad eum accedere possumus, *Ebr. X: 22*. Ubi ergo vera in Christum fides, ibi & amor sincerus Dei, immo & proximi, cum hic ex illo non possit non fluere, *1 Joann. IV: 20*. Quo sensu & Jacobus purum & impollutum apud Deum & patrem cultum (*ἡμετέρας ψυχῆς καὶ ἀδελφῶν καὶ τῶν θεῶν καὶ πατέρων*), hunc esse, ait, curam gerere pupillorum & viduarum, in eorum calamitate, & intaminatum se custodire a mundo, *cap. I. vs. 27*. Summatim autem Paulus Apostolus cuncta complectitur, asserens: in Christo Jesu neque circumciso quicquam valet, neque praeputium, *sed πῶς δι' ἀγάπης συνεργῶμεν*, fides per charitatem operans, *Gal. V. vers. 6*. Et licet Scriptura ritus & ceremonias cum cultu Numinis interno non pugnantes, sed eundem potius promoventes, non damnet, ac rejiciat, immo omnia etiam in conventibus, qui sacrorum causa instituuntur, *ἀρχαῖς καὶ κατὰ νόμον* fieri velit, *1 Cor. XIV. vers. 40*. tantum tamen abest, ut illorum, qui in externis ejusmodi tantum Numinis cultum ponunt, errorem adprobet, ut istos etiam, qui ritibus a Deo ipso in Veteri Testamento praescriptis hac ratione abutebantur, gravissime reprehendat, ut vel ex *Esaiae cap. I: 11. seqq.* abunde liquet. Neque tantum ostendendo veram divini cultus rationem superstitioni obviam id Scriptura sacra, sed per fidem in Christum Servatorem, ad quam homines ducit, corda eorum, tum a reliquis adfectibus pravis, tum maxime a metu servili, adeoque & omni superstitione purgat; *Actor. XV. vers. 9*. Ut enim fides in Christum victoria est mundum superans, ita per eam etiam cum reliquis cupiditatibus pravis, meticulosam istam, quae in superstitionis hominibus est, animi dispositionem vincere possumus. Et licet homines veram pietatem sectantes, in vero Numinis cultu non minus *ἀρετῆς* esse studeant, quam sunt quandoque supersticiosi, nihil tamen absque Numinis prae-

scripto, cuncta vero non ex spiritu servili, sed ex amore, adeoque spiritu filiali agunt. Non enim *servitutis spiritum acceperunt, rursus ad metum, sed spiritum acceperunt adoptionis, per quem clamant, Abba, pater, Rom. VIII: 15. conf. Gal. IV: 6.* Quo magis etiam in amore Numinis proficiunt, eo longius metum omnem servilem, genuinam superstitionis matrem, a se remoyent. In *charitate enim metus non est: quin perfecta charitas foras quatit metum, quoniam metus cruciatum habet: quique metuit, perfecta charitate non est: 1<sup>a</sup> Joan. IV: 18.* Fides vero dum reliquis etiam animi morbis medetur, eo homines adducit, ut in calamitatibus quibusvis a solo Deo auxilium expectent, ejusque in omnibus praescriptum sequantur; hinc & inter alia, vanam & intempestivam curiositatem fugiunt. Idque qui serio facit, ab iis etiam superstitionum generibus, quae indirecte circa Numinis cultum versantur, animo erit alienissimo. Immo haec omnia eo magis detestatur, quo certius novit, ista omnia cum vero Numinis cultu consistere non posse, immo severissime a Deo esse prohibita; conf. *Deuter. XVIII. vers. 10. Levit. XX: 27. add. & Esa. XLVII. vers. 12, 13, 14.* Idque probe illi ex Ephesiis intelligebant, qui ante conversionem suam ~~adversus~~ tractaverant, libros quippe, in quibus talia continebantur, adherentes, & ad ejusmodi facinorum detestationem publice concurrebant; *Act. XIX: 29.* Ex Scriptura autem dum remedia contra superstitionem petenda, contendimus, de *legitima ejus* hoc intelligimus *tractatione*; ut aliquis eam diligentia debita non tantum legat, sed & scrutetur, verumque ejus ac genuinum sensum investiget, tum cuncta rite ad se ipsum transferat, & hac ratione ad poenitentiam & fidem, & per fidem ad sincerum Numinis amorem perducatur. Quod fieri non posse, nisi preces devotas & ardentissimas cum ista tractatione conjungat, obsequiumque doctrinae coelesti praebere paratus sit, nemo non intelligit. Hoc enim si non faciat, sed existimet, externam verbi tractationem sine attentione, sine seria applicatione, sine precibus, sibi profuturam, speratum non tantum inde non referet fructum, sed potius hoc ipso superstitionis se reum faciet.

\*\*\* Verae & genuinae Philosophiae studium ad ejiciendam ex animo Superstitionem plurimum conferre, non temere quis, nisi expertus fuerit omnis philosophiae, dubitaverit. Credulitati enim, similibusque intellectus vitiis, medebitur Logica; quippe cujus hocce est proprium munus. Morbos enim istos intellectus non tantum designat, sed eorum etiam fœditatem demonstrat, & rationem ab iis se liberandi ostendit. Philosophia moralis, uti de reliquis adfectibus, ita & de avaritia, metu inconsulto & intempestiva curiositate nos erudit, & quanto studio haec omnia, ne miseros nos reddant, fugienda sint,

nos conducet. Physica autem, seu naturalium rerum scientia id efficit, ut evidenter intelligamus, falli magnopere homines supersticiosos, dum inter causas quasdam & effectus nexum sibi fingunt, qui revera non tantum non est, sed nec esse potest; stolideque adeo & insipienter eos agere, qui sibi ab aliis ea persuaderi patiuntur, quae non tantum non sunt, sed nec esse possunt. Haec vero omnia, cum abunde ex supra dictis constent, plura ut addamus, necesse non est.

S. D. G.



INDEX

# INDEX RERUM.

Numerus prior Paginam, alter, qui praefixam sibi habet  
literam *n*, Notam indicat.

## A.

*Academia* prima, secunda & tertia,  
*22*, singularum principes & dogma-  
ta. pag. *22-24*

*Aër atmosphaericus*, quatenam ab eo pro-  
ficiscantur utilitates naturales? *263*,  
quatenam sit coerulei in eo coloris  
causa & utilitas? *265. n. 185*

*Alexander* Epicuræus, Atheismi Epicu-  
raei suspectus. *36, 47, 48*

*Almaricus*, Philosophus, an Spinozismi  
praelusor? *63, 64. n. 46*

*Anaximander*, Philosophus, an Atheus?  
*14, 16*

*Anaximenes*, Philosophus, an Atheus?  
*14, 16*

*Angeli*: negata Angelorum existentia  
in quantum pro dogmate cum Athei-  
smo conjuncto haberi queat? *420*.  
seqq.

*Angeli mali*; quid de horum cum ho-  
minibus commercii existimandum?  
*421, 427. n. 323, 512. n. 381*

*Angolorum existentia* possibilis quidem,  
sed non actualis, ex rationis lumine  
a priori probari potest, *426. n. 321*.  
neque etiam seposita S. S., realis  
eorum existentia ab experientia in-  
notescit, *427. n. 322*. demonstratur  
vero plenissime ex Sacro Codice, *421*.  
seqq. cujus verus sensus adversus  
Bekkeri interpretationes vindicatur,  
ibid. defenditur contra objectiones  
eorum, qui Angelorum aut possibili-  
tatem aut existentiam negant. *424*.  
seqq.

*Angolorum existentiae negatio* an & in  
quantum cum Atheismo conjuncta sit?  
*153. n. 100*. an recte Sadducaei im-  
puteretur? *159, 163. n. 101*. quibus-  
nam ex veteribus Gentilibus eorum  
existentia fuerit credita? *159. &*  
seqq. *164. n. 103*

*Anima humana* an mortalis quidem sit,  
& una cum corpore interitua, sed  
cum eodem corpore denuo in vitam  
revocanda? *149, 154*. an possit credi  
sepulta veluti a corporis obitu ad re-  
surrectionem usque? *156. n. 94*

*Anima humana*; ejus stupendae facultates,  
*283, 284*. se ipsa non novit,  
*289. n. 204*. est substantia, a corpore  
diversa, imo naturae contrariae, *284*.  
seqq. *290. n. 206*. libere agens, *285*.  
seqq. *291. n. 107, 392. n. 209*. an  
per experientiam constet, animam  
revera in corpus agere? *433. n. 333*

*Animae Brutorum*, quid de his sentien-  
dum? *360. n. 262*

*Animae humanae immortalitas* negata  
ad Atheismum ducit, sed non ne-  
cessario, *138*. negata a Sadducaeis,  
*149*. coll. *144*. a quibus primum  
adferri? *149, 150*. an Stoicis cre-  
dita? *151, 152*. an Platoni? *152*.  
an Aristoteli. *153, 157. n. 97*

*Animae humanae immortalitas*, quid per  
eam accurate loquendo debeat in-  
telligi? *414. n. 309*. an & in quan-  
tum animae immortalitas ex ejus  
immaterialitate, adeoque indestructi-  
bilitate possit demonstrari? *407*,  
*414. n. 309*. demonstratur probabili-  
ter

Cc cc

# I N D E X R E R U M.

- argumento ex communi omnibus conscientiae testimonio. [407](#), [408](#), [414](#). [n. 310](#). ex consideratione iustitiae Dei remunerativae, [408](#). cuius argumenti vis ponderatur, [415](#). [n. 311](#). ex innato immortalitatis desiderio, nobis non frustra ludio, [408](#), [409](#), [415](#). [n. 312](#). recensio praecipuorum ex iis, qui animae immortalitatem ex ratione probarunt. [pag. 409, 416. n. 313](#)
- Animae humanae immortalitas* vindicatur contra objectiones, ex animae materiali natura, [410](#). ex dependentia facultatum animae a statu conjuncti corporis. [410, 416. n. 314, 417. n. 316, 317](#)
- Animae humanae immortalitas* demonstrari potest, licet anima credatur materialis, aut vis quaedam materiae insita aut superaddita. [419. n. 319](#)
- Animae humanae origo* obscura est. [417. n. 315](#)
- Animalia*; eorum Instinctus, v. *Instinctus*: procreatio eorum quoad modum omnino incognita. [274. n. 195](#)
- Animarum transmigrationis*, ab Aegyptiis traditum dogma, a Pythagora & Pharisaeis receptum fuit, perque totum Orientem invaluit. [149, 150, 156. n. 95](#)
- Antisthenes*, Philosophorum Cynicorum antistes. [33](#)
- Aquarum* In orbe terraqueo quantitas num nimia sit? [261, 264. n. 184](#). pluviarum maxime usus. [262, 265. n. 186](#)
- Aquatilia*; eorum structura. [269](#)
- Arabici*, haeretici saeculi tertii; eorum de animarum mortalitate opinio singularis. [149](#)
- Arcefilas*, ex secunda Academia philosophus, [22](#). Ejus de vero & falso sententia. [23](#)
- Aretinus* (Petrus) auctor non fuit famosi de tribus impostoribus libri, [67. n. 47](#). vita moribusque impius & obsoletus. [ibid.](#)
- Aristippus*, Cyrenaeae Sectae conditor, [30. n. 21](#). ad summum inter Atleos praeticos referendus. [ibid.](#)
- Aristoteles* Atheis non annumerandus [26](#). non saltem primi ordinis, [27. n. 17](#). genuina ejus de Deo & mundo sententia, [27](#). ejusque a Stoicis an hoc capite dissensus, [28](#). opinio de mundi aeternitate exponitur, [139, 140](#). an animas crediderit immortales? [152, 153, 157](#)
- Astrologiae* definitio, origo, historia & suprema vauitas. [513 - 524](#)
- Atheismi* causae praedisponentes, [186 - 197](#). occasionales. [197 - 203](#)
- stultitia & irrationabilitas, [203 - 206](#)
- effectus, [211 - 223](#). remedia tum *αὐτολυσία* tum *ὑπερπνοία*. [225](#)
- Atheismus*, an theoreticus ante diluvium existeret. [5](#)
- ejus definitio, [120](#). sumitur sensu laxiori aut strictiori, [120, 121](#). prioris & secundi ordinis. [4, 121, 122](#)
- duplex, theoreticus vel practicus. [130, 131](#)
- theoreticus vel rudior, seu plebejus, vel philosophicus. [132](#)
- philosophicus, vel scepticus vel dogmaticus. [132](#)
- dogmaticus vel Aristotelicus, [134, 135](#). vel Stoicus, [135](#). vel Epicuraeus, [135 - 137](#). vel Spinozianus. [137](#)
- an possit conjungi cum vera virtute? [206](#). an Atheismus praerogativam habeat prae superstitione, [208 - 210. n. 143, 215](#). seqq. *Atheis-*

# I N D E X R E R U M.

*Atheismus* an poenis civilibus sit coë-  
cendus? pag. [112](#). n. [145](#)

— — — integris Gentibus tantum non  
semper immerito imputatus. [228](#),

[229](#), [232](#). n. [155](#)

— — — *Dogmaticus*: generale ejus  
fundamentum evertitur, si demonstre-  
tur materiae non necessaria, sed con-  
tingens existentia. [326](#), [327](#). n. [243](#)

— — — *Epicuraeus* & *Stratonicus*;  
ejus refutatio. [340](#). seqq.

— — — *Scepticus*; ejus refutatio a  
Buddeo non satis distincte propo-  
sita, [320](#). seqq. plenius & magis dilucide.

[323](#). seqq. n. [237-239](#)

— — — *Spinozisticus*: ejus refutatio.  
[351](#). seqq.

— — — *Stoicus*; ejus refutatio. [336](#).  
seqq.

*Atheus*; Vocis definitio, [3](#). Atheorum  
distinctio in duos ordines, [3](#), [4](#). an  
dentur Athei theoreti. [4](#). nota 1.

*Attrahio* ex corporum essentia non  
profluit. [346](#). n. [252](#)

*Auris* humanae mirabilis structura. [281](#).  
n. [103](#)

*Αὐτίχτης*; quis hujus denominationis  
apud veteres sensus? [314](#). n. [219](#)

*Αετταος*, mentis Aristotelicae de morta-  
litate animae optimus interpres. [153](#)

## B.

*Baelius* (Petrus) num merito Scoti-  
stas Spinozismi arguerit? [65](#). num  
Manichaeismum serio defenderit? [91-94](#).  
quibus iudiciis propensi in Athei-  
smum animi reus agatur? *ibid.*  
num scepticos serio voluerit excusa-  
tos? [126](#), [127](#). n. [81](#). num bona fide  
Spinozam oppugnaverit? [361](#). n. [263](#),  
[364](#). n. [264](#)

*Barbarus* (Hermolaus) an Atheus? [84](#)

*Bayle* (Petrus); ejus sententia de Chri-  
stianismo cum societatis civilis com-  
modis male convenienti, [218](#), [219](#).  
integris Gentibus Atheismum sine  
sufficienti ratione adtribuit, [228](#),  
[229](#). quam similitudine usus liberta-  
tem humanam explicet? [293](#). n. [209](#)

— — — argumenta a Manichaeis  
contra Dei providentiam olim allata  
recoxit, mire exaggeravit & strenue  
urfit. [144-148](#)

*Bekkerus* (Balthazar); refelluntur ejus  
plurimum S. S. locorum interpretati-  
ones, ad ipsius systema accommo-  
datae, [421](#). seqq. [428](#). n. [325](#), [429](#).  
n. [326](#), [327](#), [430](#). n. [329](#), [431](#).  
n. [330](#)

— — — Ejus de influxu  
cacodaemonis in homines & res mun-  
danas sententia, [162](#). inter quam &  
Cartesianam de natura mentis non  
est nexus necessarius, [165](#). n. [110](#). \*  
a quibus oppugnata? [162](#). ejus de  
spiritibus sententia non ad ea perti-  
net dogmata, quae cum Atheismo  
conjuncta sunt. [426](#). n. [320](#). \* & [432](#).  
n. [332](#)

*Berigardus* (Claudius) quo jure Athei-  
smi suspectus? [81](#)

*Bion* Boristhenites, Philosophus Cyre-  
naicus, Theodori Athei discipulus,  
[30](#), [32](#). primum Atheus, dein super-  
sticiosus. [32](#)

*Boehmius* (Jacobus) Enthusiasmi reus,  
[128](#). an & Spinozismi? [128](#), [129](#)  
*Bourignon* (Antouetta de) inter Mysticae  
Theologiae addictiores numeranda.  
[130](#). n. [83](#)

*Browne* (Thomas) non fuit Atheus,  
[106](#). an Indifferentismi jure accu-  
setur? [107](#). n. [70](#)

*Brunus* (Jordanus) num Atheus? [68](#),  
[69](#). n. [48](#). num ob Atheismum, an  
C c c c a vero

# I N D E X R E R U M.

vero propter apostasiam ab Ecclesia Romanensi combustus? pag. 68. 69.  
n. 43

**Budeus** (Jo. Franciscus); ejus controversia cum Lockio de infinita Dei notitia non nisi logomachica est, 231.  
n. 153. argumenta Atheismum scepticum everfura non satis distincte proposuit, 323. n. 238. Cartesium nimis acerbè habuit. 348. n. 255. coll. 343  
sententiam Lockii de cogitatione naturae corporis non contraria olim amplexus. 359. n. 260. 260.  
n. 261. dein deseruit. 353. seqq.

## C.

**Caesalpinus** (Andreas), Medicus & Philosophus, Atheis secundi ordinis accensendus. 80

**Caesar Cremoninus**; num animas putaverit mortales & quo sensu? 81. 82. n. 55

**Cainus** num primus fuerit Atheus? 5.  
saltem inter theoreticos non referendus. ibid. n. 2

**Calvinus** (Jo.) Atheismi accusatus. 116.  
seqq.

**Campanella** (Thomas) num Atheus. 76. 77. ejus indoles. 77. n. 52

**Cardanus** (Hieronymus) Fanaticis potius quam Atheis annumerandus. 74.  
76. n. 51

**Carneades** Cyrenaicus ex Academia tertia, 22. ejus de vero & falso judicium, 23. merito Atheismi accusatus videtur. 24

**Cartesius** (Renatus) Atheismi per contumeliam accusatus, 88. neque Scepticismo addictus, 89. n. 60. quo sensu accipienda Cartesii de omni re dubitatio? ibid. Teleologiam perperam ad Dei existentiam demonstrandam adhiberi credidit. 90. n. 61

**Cartesius** (Renatus) animae quidem simplicem naturam, non vero futuram immortalitatem demonstravit.

157. n. 98

Ejus duplex existentiae Dei demonstratio ex Dei idea, 245. seqq. una a posteriori, 236. seqq. n. 158. altera a priori, 236. 238. n. 159. notatur, quod creationem ab aeterno Deo possibilem crediderit, 334. n. 246. statuit, eandem semper in hoc universo manere motus quantitatem, 344. n. 250. Iniquius a Budeo habitus, 343. defenditur. 348. n. 245

**Cass** (Joannes) num paederaſtiam carmine laudaverit? 84

**Cato** Censor; ejus de Gentilium Superſtitione judicium. 58

— Uticensis quid de Deo ſenſerit? 58. 59

**Chaldaei** num Pantheiſtae? 11. 12.  
eorum ita dicta oracula ſunt ſuppoſitionia. ibid.

**Cherbury** (Eduardus Herbertus Baro de) non Atheus, ſed Naturaliſta, 105.  
imo a Superſtitione non liber. 106.  
n. 69

**Chriſtiana Religio**; maximus ad incrementa Theologiae naturalis Chriſtianismi uſus fuit, 465. n. 347. ejus veritas demonstratur, 458. ſeqq. uti & divina ejusdem origo & auctoritas, 471. ſeqq.

**Chriſtianismus** an ſocietati civili accommodatus ſit, an vero cum eadem bene convenire non poſſit? 128. 129. 221.  
n. 150. 222. n. 151

**Cicero** num jure Atheismi accusatus? 57. 60. 61. a Gentilibus nimium Chriſtianismo favere creditus, 59. ejus de immortalitate animae ſententia. 61. n. 43  
Clar.

# I N D E X R E R U M.

**Clarkius** (Samuel); ejus definitio Miraculi, [175](#). Ejus demonstratio de Deo ejusque attributis laudata. pag. [244](#)

**Citomachus**, Carneadis discipulus, Atheismi reus. [24](#). [n. 15](#)

**Collingius** (Antonius) Salomonem immerito inter sic dictos libere cogitantes refert, [8](#). [q. n. 5](#). si non Atheus, at Atheismi fautor, [112](#), [113](#). Varonem, utrumque Catonem & Ciceronem Injuria libere cogitantibus accenset. [38](#)

**Cowardus** (Gulielmus) Medicus Londinensis, Arabicam Haeresin recoxit. [154](#)

**Creatio**; an in primo creationis actu concipi sine absurditate possit successio? [339](#). [n. 243](#). creatio ex nihilo Gentilibus tantum non omnibus ignota, proprium Christianae Religionis dogma videtur, [337](#). [n. 244](#). an a Deo absque suae libertatis abusu omitti non potuerit? [130](#). [n. 84](#)

**Crisias**, Socratis discipulus, an Atheis accensendus? [19](#). [n. 12](#)

**Cudworthus**; ejus definitio Miraculi insufficientis seu minus completa, [175](#). [n. 118](#). argumentum Cartesii pro Dei existentia ex idea a priori sumtum emendavit. [238](#). [n. 159](#)

— — — — — Ejus systema Hylozoiticum exponitur & refutatur, [303](#). [n. 219](#). differt a non absimili systemate Stratonis. [350](#). [n. 256](#)

**Cuselerus** (Abrahamus Joannes) Spinozae sectator & defensor. [100](#). seqq. [103](#). [n. 67](#)

**Cuperus** (Franciscus) an serius Spinozae adversarius? [100](#)

**Cyrenaica** Philosophorum secta Atheismi, saltem practici, rea. [30](#)

D.

**Dei existentia** non potest numerari inter axiomata, [231](#). [n. 153](#). an ex conscientiae testimonio possit evinci? [227](#), [232](#). [n. 154](#)

— — — — — in quantum probari possit argumento ab universali Gentium consensu sumto? [227](#). seqq. [233](#). [n. 156](#). argumentum illud non exiguum habet pondus, licet non sit apodicticum, [234](#). [n. 156](#). defenditur contra exceptiones Ernesti & Hollmanni. [233](#), [234](#). [ibid.](#)

— — — — — duplex ejusdem a Cartesio adfertur demonstratio ex Dei idea petita, [235](#). seqq. una a posteriori, [236](#). seqq. [n. 158](#). altera a priori, quae ex possibilitate ad existentiam concludit. [236](#), [238](#). [n. 159](#)

— — — — — demonstratur triplicis generis argumentis, Metaphysicis, Physicis, Historicis. [240](#)

— — — — — invicte probatur, in primis contra Scepticos, argumento metaphysico ex mentis nostrae existentia & constitutione sumto. [240](#). [n. 160](#), [246](#). [n. 165](#), [166](#)

— — — — — demonstratur e motu, & velocitatibus materiae. [242](#). seqq. [245](#)

— — — — — ex absurditate causarum effectuumque seriei in infinitum progredientis. [243](#), [246](#). [n. 165](#)

— — — — — ex contingentia hujus Universi. [243](#), [248](#). [n. 170](#)

— — — — — ex amplitudine, ordine & dispositione hujus Universi, singularumque ejus partium ad certum finem directione. [249](#). seqq. [249](#)

C c c c 3

Dei



# INDEX RERUM.

- Dei existentia* an argumento Maupertusiano a Lege Parcimoniae desumpta probetur? pag. [177. n. 198](#)  
 ————— quomodo probari queat ex conscientia. [294. n. 211. coll. 227. 232. n. 154](#)
- Dei immaterialitas* demonstratur. [374. n. 277](#)
- Dei immutabilitas* an cum creatione mundi in temporis initio possit conciliari? [375. n. 279.](#) an cum decretis conditionatis? [377. n. 281](#)
- Dei incomprehensibilitas*; num Atheis aliquam suggerat argumenti speciem? [335. n. 240](#)
- Dei independentiae.* idea positiva est; sed voce negativa expressa. [369. n. 272](#)
- Dei intellectus* quomodo concipi debeat? [374. n. 278](#)
- Dei notitia instat*; de ea iis inter Buddeum & Lockium non nisi mera iogomachia est. [227. 230. 231. n. 153](#)
- Dei omnipraesentia* - num Deus ante creatum Universum concipi possit omnipraesens fuisse? [332. n. 245.](#) quis sit genuinus omnipraesentiae conceptus? [370. n. 276](#)
- Dei Providentia*; ejus negatio proximus est ad Atheismum gradus, [143.](#) imo haec negatio pro characteristico Epicuraeae sectae dogmate habita olim fuit, *ibid.* Providentiam non negarunt Sadducei, [144. 147. n. 91.](#) argumentorum praecipuorum Providentiam impugnantium recensio. [145. 148](#)  
 ————— demonstratur ex summa ejus sapientia, [387.](#) ex sinibus rerum omnium, *ibid.* ex bonitate Dei ejusdemque potentia, [288.](#) ex dependentia & infirmitate rerum creaturarum, seu, quod eodem redit, ex earum natura contingenti, [388. 397. n. 290.](#) ex iis, quae quotidie in vita humana contingunt, [389.](#) quorum nonnulla exempla fufius proponuntur, [389. 390. 398. n. 292. 293. 294.](#) animadversio circa ordinem in proponendis pro veritate hac argumentis observandum. [396. n. 289](#)
- Dei Providentia* vindicatur contra difficultates, sumtas ex apparanti inutilitate, plurimarum rerum creaturarum, [392. 400. n. 297.](#) ex malis physicis, [392. 393. 401. n. 299. n. 300. 402. n. 301. 403. n. 302.](#) ex consideratione divinae bonitatis simul & potentiae, [393. seqq. 403. n. 303.](#) seqq. ex apparente malorum prosperitate. [395. 405. n. 308](#)  
 ————— num ad hujus ideam necessario pertineat perpetuus & positivus divinae potentiae ad existentiam rerum creaturarum conservandam actus? [396. n. 289. 397. n. 290. 291](#)
- Dei Sapientia* demonstratur innumeris argumentis ex Teleologia sumtis. [249-296](#)
- Democriti Abderitae* de Dei natura opinio ignoratur. [40. 41](#)
- Deurbovhus*; judicium de hoc homine. [418. n. 318](#)
- Deus* an mundi creationem absque libertatis suae abusu omittere non potuerit? [130. n. 84](#)  
 — est aeternus, [246. n. 166.](#) independens, [247. n. 167.](#) immutabilis. *ibid.*  
 — existere per se, quo sensu dicatur? [247. n. 168](#)  
 — cur Deus Mundum non dudum antea condiderit? [331. 333. n. 246.](#) cur non ab omni aeternitate? [331. 333. n. 246](#)  
*Deus*

# INDEX RERUM.

*Deus* an ab omni aeternitate, si voluisset, Mundum sine contradictione condere potuisset? pag. 332-333.

n. 246

— an potuerit mundum hunc condere prius quam condidit? 333. n. 246

— an in idea Dei conineantur attributa contraria, adeoque se mutuo destruentia? 369. n. 274

— idea Dei in quantum positiva, in quantum negativa sit? 368. n. 272

— cur Deus in hac vita impios non semper puniat, probos contra non semper remuneretur? 405. n. 308

— an certo praevidet res mere contingentes? 436. seqq. 441. n. 337, 442. n. 338

— an futurorum contingentium praescientia nulli alii Enti, praeter solum Deum, competat? 438, 443. n. 339

*Dinanto* (David de) Atheismi Spinozistici reus. 64, 65

*Diogenes* Sinopenfis, Philosophus Cynicus, ad Atheos secundi ordinis pertinet, 33, 34. n. 25; a Baelio excusatus, sed frustra. 34. ibid.

• *Diagoras* Melius, 31, 45; qua occasione ad negandam Dei providentiam fuerit permotus? 45, 46. n. 34

*Dodwelli*, Angli doctissimi, paradoxa de animarum immortalitate sententia. 155

## E.

*Eletica* Philosophorum secta, 35; unde nomen suum nata? 36. Atheismi Spinozistici rea. 36, 37

*Emanationum Systema* non semper cum Spinozismo convenit. 130. n. 83

*Entusiasmus*; ejus definitio, 129. n. 82; nullam habet cum Atheismo affinitatem, *ibid.* neque cum Spinozismo, 130. n. 83. an Mysticis seu Theosophicis jure imputetur? 128

*Epicurus* omnem Dei providentiam negavit, adeoque Atheis secundi ordinis annumerandus, 41-44. ejus de fundamento obligationis ad Dei cultum sententia, 43; an fuerit hypocrisis? 43, 44. n. 32

*Erasmus* (Quesid.) a Theophilo Raynaudo Atheis annumeratus. 117

*Εὐλαβοῦμεν*, quid? 496-499

*Euclides* Megarensis, Philosophus. 30

*Eubemerus* Messenius, Atheis perperam annumeratus, 48, 52, 53; ejus de Gentilium Diis opinio. 52, 53

*Euripides* Tragicus, a Plutarcho temere Atheismi notatus. 53

## F.

*Finis* definitio. 295. n. 212  
*Fortuna*, casus fortuitus, quid? 348. n. 254

## G.

*Geomantia*, divinationis species, quid? 542, 543, 546. n. 397

*Geulingerus* (Arnoldus) num Spinozismi suspitionem merito suo incurrit? 100, 103. n. 66

*Gravitas* non pertinet ad attributa corporum essentialia, sed ad universalialia. 345. n. 251

## H.

*Heraclitus*, si quidem Atheus, at secundi ad summum ordinis. 49, 50. n. 36

*Hippocrates* Injuris a nonnullis in Atheorum classem relatus. 51. n. 37

*Hobbesius* (Thomas) num Atheus? 108, 111. n. 71. Ejus sententia de S.S.

# I N D E X R E R U M.

S. S. auctoritate, *ibid.* de naturali Dei notitia, 109, 110. de natura Dei & spirituum in universum, 110, 111. num infinitatem attributorum in Deo admiserit? pag. 370. n. 274.

n. 275

*Homines*; nascentium morientiumque numerus per universam tellurem fere aequalis est. 264. n. 183, 300. n. 213

hominum genus non semper exstitit. 298; seqq. 300. n. 214

*Hylezoismus* quid? 137. n. 88. haud necessario junctum sibi habet Atheismum? *ibid.*

Cudworthus & Morus praecipui ex recentioribus ei addicti, 303. n. 219. refutator. 303, 304. *ibid.*

## L

*Idololatria* definitio, 486. duplex species, crassior sc. aut subtilior. 487, 488

*Indifferentismus* universalis & particularis. 123, 124. n. 79

*Infinita* causarum series duplici sensu concipi potest, 243. contradictionem involvit. *ibid.* 246. n. 165

*Influxus Physici systema*, quibus maxime prematur difficultatibus? 433. n. 333

*Insinatus Animalium* quid? 274. n. 191. sapientem sui causam requirit, *ibid.* in primis conspicitur in iudificatione. 275. n. 196

*Ionica* Philosophorum Graecorum *secta*, an Atheismi rea? 15

*Jovius* (Paulus) Atheismi accusatus a Wagnero. 83

*Justinus Martyr* quid de Socrate & Heraclito senserit? quid de Platone? 20

## K

*Kabbalistae* Atheis secundi ordinis videntur annumerandi. 10, 96, 97

## L

*Leenboef* (Fridericus van) Spinozismi reus. 102

*Leibnizius*; ejus sententia de Mundo optimo. 402. n. 301

*Leucippus*, e secta Eleatica, an Atomorum inventor & quid per Atomos intellexerit? 39, 40. n. 29, 30

*Lisczynski* (Casimirus) Atheismi accusatus, ideoque combustus. 115

*Livius*, Superstitionis Ethnicae contemtor, at male a Tolando Atheis adscriptus. 61, 62

*Lockius* (Johannes); controversia inter eum & Buddeum de insita Dei notitia non nisi logomachica est, 227, 230, 231. n. 153. notatus eo, quod materiae superaddi posse cogitandi facultatem crediderit. 419. n. 319

*Loërsius* (Joh. Christ.); ejus sententia de subtilibus Angelorum corporibus. 163. n. 102

*Lucanus*, Poëta, ad Superstitionem quam ad Atheismum proclivior. 59. n. 42

*Lucianus* Samosatensis, ex Ecclesiis, 54, 56. Atheismi non immerito arguitur. *ibid.*

*Lucretius* (Titus) Carus; absurditas ejus sententiae de corporea animae natura exponitur, 284, 285. Ejus argumentum contra Mundi aeternitatem, 315. n. 233. animae immortalitatem impugnat. 410

*Lutherus* (Mart.) Atheismi accusatus. 116; seqq.

*Luzac* (Elias) laudatus. 385. n. 288 M.

# I N D E X R E R U M.

M.

**Macbiavellus** (Nicolaus) non videtur Atheis debere annumerari, 77. seqq. n. 53. iudicium de ejusdem tractatu politico, quem Principem inscripsit. pag. 78. 79

Ejus sententia de influxu Christianismi in Societatem civilem, 222. n. 151. num Religionem habuerit pro callido Politicorum invento? 380. 383. n. 385

**Magi Aegyptiaci**; quid de narratis in S. eorum miris artibus habendum? 424. 430. n. 329. confer omnino 451. n. 343

**Magia**, a Magia naturali, quam vocant, bene distinguenda, definitur, 504. 505. historia 505. seqq. quid de ea credi debeat? 512. n. 381. coll. n. 323. & n. 333

**Manichaeismus** a Baelio recoctus. 91. seqq.

**Manilius**, poeta Astronomus; ejus sententia de Deo & mundo. 8. 9. n. 6

**Mathefis**; quatenam inter Mathefos partes verosimiliter primum inventa? 307. 313. n. 326

**Maupeituisius** demonstrat improbabilitatem, casum fortuitum esse originem motuum in systemate planetario. 254. n. 176

argumenta pro Dei existentia ex finibus rerum creaturarum petita rejicit, 276. n. 198. quid pretii sit novo ejus argumento a lege parsimoniae, quam vocant, ducto? ibid.

**Melanchthon** (Phil.) Atheismi insimulatus. 116. seqq.

**Mendelsobn** (Moses); Ejus emendatio; Cartesiani pro Dei existentia argumenti a priori ex idea petiti, admodum subtilis & speciosa. 238. n. 159

**Mercatura**; ejus antiqua origo. 312. n. 223. coll. 306

**Meteorie** (la) Atheismi fautor, 94. 95. n. 63. animarum immortalitatem negare videtur, 157. n. 92. animam pro certa materiae dispositione habet. 419. n. 319

**Miracula**, an a solo Deo, an vero a aliis etiam Entibus edi possint? 172. 173. 174. n. 118. & 451. n. 343. A Miraculis an valet conclusio ad existentiam Dei? 175. n. 119. coll. 172. Spinozae de miraculis sententia. 173. 174

**Miraculum** admodum diversa notione a Philosophis sumitur. 172. 174. n. 118

**Montanus** (Michael) quo jure Atheismi suspectus? 87. n. 59

**Montes**; eorum utilitates physicae. 263. 265. n. 187

**Montesquieu** falso autumat, hominum numerum paulatim decrescere. 264. n. 183

**Moralis sensus** s. sensatio s. instinctus quid? 196. n. 131. a quibus adsertus sit? ibid.

**Morus** (Henricus) nimiae credulitatis notatus. 428. n. 323. 513. n. 381

**Mosatae Religionis** veritas demonstratur, 456. seqq. ut & divina auctoritas. 471. seqq.

**Moses** num Pantheismi a Tolando fuerit accusatus? 6. n. 3. non fuit impostor. 383. n. 286. ejus doctrinae Legumque sanctitas, 384. n. 287. Mosi fides in describenda Terrae D d d d . San-

# INDEX RERUM.

*Sanctae fertilitate contra Tolandum vindicatur.* pag. 473. n. 353  
*Motus*; a corporum motu ejusque velocitate recte concluditur ad Dei existentiam, 242. 245. n. 163. conatus ad motum materiae omnino essentialis creditur a Tolando, 243. sed falso. 245. n. 164  
*Mundus*; eum non esse ab aeterno, sed habuisse initium, probatur argumentis historicis, 304-315. quorum vis vindicatur contra exceptiones nonnullorum, 316. n. 234. & confirmatur aliquot argumentis accessoriis, 317. n. 236. Ejus aeternitas perperam colligitur ex male sana applicatione universalis regulae: Ex nihilo nihil fieri, 327. 328. n. 243. cur Mundus a Deo non dudum ante conditus? 331. 332. n. 246. cur non ab omni aeternitate? *ibid.*  
*Mundus*; an possibile sit, mundum, qualis existit, absque sapientia, casu fortuito enatum esse? 346. n. 253  
*Muretus* (M. Antonius) Atheis, saltem theoreticis, non annumerandus. 84. 85. n. 58

## N.

*Naturalismus*; definitio & non fixa significatio. 122  
*Navigandi ars* cur magis inculta inter recentiores? 312. n. 223

## O.

*Offensiones corporales* possibiles sunt & olim existerunt, vix usquam hodie. 421. 428. n. 324  
*Oculus*; humani descriptio, 271. n. 190. & ab oculis animalium differentia,

267. 268. ut & ab oculis Insectorum. 273. n. 191  
*Onciromantia*, divinationis species, 543. seqq. 546. n. 398. 547. n. 399  
*Orpheus*; incertum quid de Deo senserit. 13. 14

## P.

*Panteismus*; num Moses ejus possit argui? 6. num Zabii seu Sabaei? 10. 11. num Chaldaei? 11. 12. Pantheismi doctrinam primus in Systema redegit Spinoza. 96  
*Periers* (Bonaventura de); num auctor libri, cui titulus *Cymbalum mundi*? 86  
*Peyrierius* (Isaacus) System. Praeadamitici conditor: Ejus de S. Scripturae auctoritate impia sententia. 182  
*Philosophia corpuscularis*, quatenus? 133. an Atheismi jure accusari possit? *ibid.* n. 86. num conveniat cum Newtoni doctrina? 134. n. 87  
*Planetae*; num, habitari eos, probabile? 250. 253. n. 174  
*Plato*, Socratis discipulus, 20. nullo jure inter Atheos refertur, 21. ejus doctrina de mundi creatione obscura est. 21. n. 14  
*Plinius senior*, Atheismi, ut videtur, Epicuraei reus. 62. n. 45  
*Plutarchus*, Philosophus Ecclesiasticus, 54. Atheismi male accusatus, *ibid.* Paganismo fuit addictus. 55  
*Poggiius*, Florentinus, ad summum inter Atheos practicos referendus. 68  
*Poires* (Petrus) Mysticus. 130. n. 83  
*Polemo*, ex Academia prima philosophus. 12  
*Politianus* (Angelus) an Atheus? 83  
*Pomponatius* (Petrus) Atheismi non reus,

# I N D E X R E R U M.

reus, sed Scepticus potius & Naturalista. pag. 70. 71. n. 49

*Possevinus* (Antoniui) Lutherum, Melanchthonem & Calvinum Atheis annumerare ausus est. 116. seqq.

*Praedictiones rerum futurarum* non sunt ejusdem generis, 166. quid de illis senserint Philosophi veteres? 167. an omnes sine discrimine Gentilium praedictiones pro fabulis & fraudibus haberi debeant? 168. 169. 170. n. 112. in quantum praedictiones certae faciant ad Dei existentiam probandam? 171. n. 117. an homini naturalis sit vaticinaudi facultas? 169. 171. n. 116. prophetiae non variant pro ratione diversi Prophetarum temperamenti, sed variat stilus.

168. 170. n. 113. 171. n. 115

*Praedictiones rerum futurarum contingentium*; definitio, 440. n. 334. tales revera olim existisse, demonstratur non unico exemplo, 434. seqq. a nullo spiritu creato, sed solo Deo proficisci possunt. 438. n. 339

*Prodicus* Chius, 36. 47. ab Atheniensibus ob Atheismi crimen interfectus. *ibid.*

*Prophetiae*, v. *Praedictiones rerum futurarum.*

*Protagoras* Abderites, Atheismi Sceptici reus. 36. 46. 47. n. 35

*Providentia*, v. *Dei Providentia.*

*Pyrrho*, philosophus. 22

*Pythagoras*; de ejus doctrina de Deo, mundo & providentia non constat, 36. 37. n. 27. an Spinozismi reus? 37. an *Magiae*? *ibid.*

R.

*Rabeleſius* (Franciscus) Atheismi accusatus. 86

*Raphſon* (Josephus); quid de ejus demonstratione existentiae divinae censendum sit? 202. n. 139. 203. n. 140

*Religio*; eam unice Politicorum artibus originem suam debere, mera calumnia est. 229. 230. 234. n. 157

*Robinetus* Teleologiae usum ex Theologia naturali proſcribit, 296. n. 212. mundum non aeternum esse, sed ab aeterno creati potuisse, autumat. 334. n. 246

*Robinetus* notatus. 358. n. 253

— incomprehensibilitatem Dei nimis extendisse videtur, 367. n. 268. quid pretii ponendum sit ejusdem opinioni de necessario boni & mali in hoc Universo aequilibrio? 401. n. 300

*Rouſſeau* (Joannes Jacobus); ejus sententia de Religione Christiana Societatis civilis bono non accommodata, 221. n. 150. notatus ob imprudenter dicta de miraculis, ad Christianae Religionis fidem editis. 480. n. 369

*Ruggerius* (Cosmus) Astrologus & Magiae addictus. 82. n. 56

S.

*Sadducaei*; num omnem omnino Dei providentiam rejecerint? 144. negatur, 147. n. 91. quid de Angelorum existentia crediderint? 159. 163. n. 107

*Salomon* immerito inter sic discos libere cogitantes relatus. 8. 9. n. 3

*Sceptici*; quem in modum argumenta

Dd dd a

con-

# INDEX RERUM.

- contra eos proponi debeant? pag. 323. n. 237, 238
- Scepticismus* aut universalis, qui Atheismi species est, aut particularis, 125. seqq. n. 80. quid habendum de Baylii adserto, *Scepticismus* animos prae-  
parare ad amplectendam Christianam  
fidem? 127. n. 81
- Scotistae* num jure Atheismi agantur  
rei a Baelio? 65
- Seneca*, Philosophus *Stoicus*, 58. stoli-  
de a nonnullis pro Christiano habi-  
tus. ibid. n. 41
- Socrates*; ejus philosophandi ratio, 17.  
ab Atheismi crimine facile absolven-  
dus, at non ab omni suspitione liber.  
17-19. n. 11
- Sol*; ejus summa telluri nostrae utilitas  
Dei sapientiam arguit, 256, 259.  
n. 181
- Sextus Empiricus*, Atheismo Sceptico  
addictus. 54, 55
- Scribendi ars*; ejus origo. 313. n. 227
- Speetra*; quaestio, num *speetra* dentur,  
bene distinguenda est ab altera hac,  
num praeter Deum nostramque ani-  
mam alii dentur spiritus? 427. n. 312
- Spectrum Endoraeum*, quid? 430. n. 328
- Spenerus* (Phil. Jac.) Spinozismi accu-  
satus. 118.
- Spinoza* (Benedictus de) princeps Pan-  
theistarum, 95, 96. unde doctrinam  
suam hausserit, utrum ex Cartesii,  
an ex Kabbalistarum scriptis? 96,  
97. ejus sententia de Deo plenius  
exponitur, 97, 98. praecipui ex ad-  
versariis recensentur. 99. seqq. 363.  
n. 207
- autumat, Prophe-  
tias variare pro vario Prophetarum  
temperamento, 169. ejus de miracu-  
lis sententia, falsae miraculi ideae  
innixa, 173, 174. \* primaria Reli-  
gionis Christianae capita verbis ad-  
mittit, re ipsa negat, 177-179. S.  
Scripturae auctoritatem omnem ere-  
ptam cupit 181, 182. ejus de virtuti-  
tis, honestatis & justitiae funda-  
mento sententia. 207. \* 444. seqq.  
———— de liberate huma-  
nac mentis. 291. n. 209
- suum Systema falsae substan-  
tiae definitioni superstruxit, 358.  
n. 358
- Stellae fixae*; quinam earum usus natu-  
rales? 250. n. 172
- Stilpo*, Philosophus Megaricus, num  
Atheismi reus? 32. n. 24
- Stoici* num Atheismi jure accusentur?  
33. In quantum eorum de Deo Do-  
ctrina cum Spinozismo conveniat?  
34, 35. n. 26
- magna in Stoicorum effatis de  
Deo & Fato ἀμφιβολία, 337. seqq.  
n. 249. sic & de Providentia, 391,  
399. n. 296
- Strato Lampiscenus*, Peripateticus, non  
injuria in Atheorum classem relegan-  
dus, 28, 29. n. 19. Ejus sententia  
qualis & in quantum a Spinozae &  
Epicuri opinionibus diversa? 29.  
136, 137. Ejus systema de plastica  
materiae virtute a Cudwortho voca-  
tur Hylozoismus. 137
- Substantia*; ejus fallax notio fundamen-  
tum continet totius Spinozismi, 358.  
n. 258. genuina substantiae idea  
qualis? ibid.
- Superstitio* a Buddeo non satis genera-  
liter definitur, 483, 484. n. 371.  
melius & plenius a Canzio, 484.  
ibid. coll. 487. n. 373. ejus a vera  
Religione differentia, 484. ejus mul-  
tiplex genus ad duas classes potest  
sedi-

# I N D E X R E R U M.

redigi, 486, 487. aut enim pertinet ad *objectum* cultus religiosi, 486-490. aut ad cultus *modum*. pag. 490-499  
 — ejus exempla innumera circa res naturales, nulla virtute mirabili praeditas, 524, 525. circa literas, signa, characteres, 525-527. circa amuleta, periapta, similiaque 527. seqq. circa auguria, omina, &c. 531. seqq. circa fatalitatem, quam vocant, temporum, annorum, veluti septennii, anni climacterici, 537, 538. n. 395. locorum, 539. nominum propriorum. 540  
*Superstitionis* causae praedispicientes & occasionales, 549-555. effectus, 555-559. proprietates & attributa, 559-564. remedia. 564-563

## T.

**T***eleologia* a Cartesio ex Philosophiae systemate proscripita. 90. n. 61  
 — argumenta ex Teleologia ad Dei Sapientis existentiam probandum parum valide judicat *Maupertuis*, 276. n. 198. qua ratione argumenta Telcologica absque exceptione naturalis Theologiae usui possint accommodari? 295. n. 212. male explicitur a Robineto. 296. *ibid.*  
*Thales Milesius*, ab Atheismi suspicione absolvendus. 14. seqq. 17. n. 9, 10  
*Theodoros*, cognomine Atheus, e Cyrenaica secta, an jure Atheis primi ordinis annumeratus fuerit? 31. n. 23  
*Theogonia* 14  
*Theopropici* scriptores. 128  
*Thomasius* (Christ.) Atheismi falso illustratus, 115, 116. n. 74. quid de demonstratione animarum immortalitatis senserit? 116. *ibid.*

— an Bekkeri de Spirituum potentia sententiae accesserit? 165. n. 111

*Tolandus* (Joannes) an Mosem Pantheistis accensuerit? 6. n. 3, 111, 112. Livium Atheis male accenset, 61. non ita male Plinium seniore, 62. quis ei fuerit scopus in suo *adversariis*? 111. Pantheismo additus fuit, 113. Mosi fidem in describenda Sanctae Terrae fertilitate eximia convellere studet, sed in cassum. 467. n. 353

*Triticum*; admiranda ejus structura & incomparabilis utilitas universalisque per orbem proventus Deum monstrant. 266, 267

## U.

**U***niversum*; amplitudo ejus stupenda. 249, 251. n. 171

## V.

**V***alle* (Gothofredus à) num auctor sit libri de arte nihil credendi? 86  
*Vaninus* (Julius Caesar) ab Atheismi crimine absolvi nequit, 72. seqq. Tolosae combustus. 72  
*Varro*, non Atheus, sed superstitione Gentilium inimicus. 53  
*Vayerius* (Franciscus Mothaeus) Pyrrhonismi subdolis, ut videtur, fautor. 126  
*Vegetabilia* luculentissima praebent divinae sapientiae & bonitatis documenta. 266, 267. n. 189  
*Versé* (Aubertus de) unus ex praevaricantibus Spinozae adversariis 99, 102. n. 64  
*Volatilia*; eorum fabrica artificiosissima Dei sapientiam ostendit. 263, 269  
 Dd dd 3 W.



# I N D E X R E R U M.

W.

**W**utichius (Christophorus) Spinozi-  
sini infons. pag. 100

X.

**X**enocrates ex Academia prima philo-  
sophus. 11

Z.

**Z**ona torrida non est propter uren-  
tem calorem inhabitabilis, ut ma-  
le Veteribus creditum, 256, 257,  
259. n. 182. quibus de causis habi-  
tari queat? 259. *ibid.*



A01  
105019





11931





